



Հարգելի՛ ընթերցող.

ԵՊՀ հայագիտական հետազոտությունների ինստիտուտը, չհետապնդելով որևէ եկամուտ, իր կայքերում ներկայացնելով հայագիտական հրատարակություններ, նպատակ ունի հանրությանն ավելի հասանելի դարձնել այդ ուսումնասիրությունները:

Մենք շնորհակալություն ենք հայտնում հայագիտական աշխատասիրությունների հեղինակներին, հրատարակիչներին:

Մեր կոնտակտները՝

Պաշտոնական կայք՝ <http://www.armin.am>

Էլ. փոստ՝ info@armin.am

«ՍՈՎԵՏԱԿԱՆ ԳՐՈՂ»
ՀՐԱՏԱՐԱԿՁՈՒԹՅՈՒՆ
ԵՐԵՎԱՆ — 1977 թ.

ՀԱՅ ԴԱՍԱԿԱՆՆԵՐԻ
Գ Ր Ա Դ Ա Ր Ա Ն

Դ Ե Ր Ե Ն Ի Կ
Դ Ե Մ Ի Ր Ճ Յ Ա Ն

Ե Ր Կ Ե Ր
Ե Ր Կ ՈՒ Գ Ր Ք Ո Կ

Պ Ա Տ Մ Կ Ա Ծ Ք Ն Ե Ր

ՀԱՅ ԴԱՍԱԿԱՆՆԵՐԻ
Գ Ր Ա Դ Ա Ր Ա Ն

Դ Ե Ր Ե Ն Ի Կ
Դ Ե Մ Ի Ր Ճ Յ Ա Ն

Ե Ր Կ Ե Ր
Ե Ր Կ ՈՒ Գ Ր Ք Ո Կ

Գ Ի Ր Ք Ա Ռ Ա Ջ Ի Ն

Պ Ա Տ Մ Կ Ա Ծ Ք Ն Ե Ր

7 70303 (4034) 77 «Ց»
701 (01) 75

ԳԵՄԻՐԾՑԱՆԻ ԴԱՍԵՐԸ

Ա

Այս անունը ինձ ծանոթ էր պատանեկության տարիներից, Ծս դիտել էի «Քաջ Նազարի» առաջին ներկայացումներից մեկը, կարդացել դասագրքերում գետեզված նրա բանաստեղծությունները և պատմվածքները, մասնավոր գրավաճառից ձեռք բերել «Գարուն» ժողովածուն: Գրողի կրտսեր ժամանակակիցն էի ես: Նրան առաջին անգամ տեսա քսանական թվականների կեսերին, Արժվյան փողոցում, որն այդ տարիներին նման էր անտիկ աշխարհի ճեմարաններին: Այդ խաղաղ փողոցում էին հանդիպում, զրուցում և զրոսնում Երևանի մտավորականները: Նույնիսկ շոգ օրերին Դեմիրճյանը շրջում էր հովանոց-ձեռնափայտով, վերարկուն թևին գցած:

Միջահասակից քիչ բարձր, նիհար մարդ էր, սուր, թափանցող հայացքով, գունատ դեմքին հեգնական ժպիտ: Խոսում էր խուլ ձայնով, հաճախ կակազում: Դժվար էր նրան լսել, բայց անհնար էր լսել անտարբեր: Խելացի էր, անկրկնելի իր խոհերով և արվեստի կախարդական ուժով: Դեմիրճյանը նման չէր այն գրողներին, որոնք ընկալվում են միանգամից, ավարտվում մի ընթերցումով: Նա մեր հոգևոր զարգացման ճանապարհի պատահական անցորդը չէր, այլ հավիտենական ուղեկիցը: Սակայն Դեմիրճյանի ստեղծագործական անհատականությունը ինձ զրավեց միայն «Վարդանանքից» հետո: «Վարդանանքն» անակնկալ էր և՛ ընթերցողներին, և՛ գրողների համար: Ուշ աշնանը գետերը դուրս շին դալիս ափերից, մինչդեռ Դեմիրճյանի վեպը հայ գրականության անդաստանը մտավ հորդացած գետի նման:

Աշխատելով հեղինակի հետ իբրև «Վարդանանքի» խմբագիր, վերընթեռնելով նրա հայտնի երկերը, ես տեսա, որ վեպի բովանդակության և արվեստի բոլոր նախատարրերը կան նրա ստեղծագործություններում, բայց վերստին հավաստելով հեղինակի անզուգական տաղանդը, «Վարդանանքը» միաժամանակ լուսավորում էր գրողի մեծ և անկրկնելի արվեստի հեռավոր սահմանները:

Դեմիրճյանին վերջին անգամ տեսա հիվանդանոցում, մահվանից մի քանի ժամ առաջ: Նիհարել էր, կարծես փոքրացել, հազում էր ծանր, տանջանքով: Դըժգույն դեմքը քրտնել էր, նայում էր պղտոր հայացքով, անտարբեր: Հազը մի պահ դադարեց, դեմքը ծածկվեց հազիվ նկատելի ժպիտով: Նա ինձ ճանաչեց...

- Կանչում են... — շուկով ասաց նա:
- Ովքե՞ր,— միամտորեն հարցրի ես:
- Եղիշեն, Վարդանը, Խորենացին...
- Դուք ավելի ծանր հիվանդություններ եք հաղթահարել, այս էլ կանցնի և գեո ինչքան անելիքներ ունեք:
- Այնտեղ էլ պարապ չեմ մնա...
- Նույն մարդն էր, նույն հեզնոզ իմաստունը նույնիսկ մահվան պահին:



Գեմիքճյանի առաջին բանաստեղծությունները և պատմվածքները լույս տեսան այն տարիներին, երբ միապետական կարգը սպառնում էր հայկական զբաղմունքների, լեզվի և մշակույթի գոյությանը: Բայց նրան վիճակված էր տեսնելու ավելի անավերջ, տեսնելու առաջին համաշխարհային պատերազմը և արևմտահայության բնաշնչումը: Կոտորածների և կոտորատների ողբերգական տարիներից հետո Հայաստանը ողորդեց Հոկտեմբերի շուրջով: Հայ ժողովուրդը փրկվեց: Գեմիքճյանը խոր հավատով աղչուհեց սովետական կարգերի հաստատումը և հիացմունքով պատկերեց այն մարդկանց, ովքեր կերտում էին հայ ժողովրդի իսկական պատմությունը:

Գեմիքճյանի ստեղծագործության առաջին շրջանը կազմավորվեց 19-րդ դ. վերջերին և 20-րդ դ. առաջին երկու տասնամյակում: Կապիտալիզմի վերջին փուլն էր, սոցիալիստական հեղափոխությունների նախօրյակը: Համաշխարհային հեղափոխության կենտրոնը Արևմտյան Եվրոպայից փոխադրվում էր Ռուսաստան, որտեղ ծավալվող բանվորական և համադեմոկրատական շարժումները ոգեշնչում և պայքարի էր մղում Վ. Ի. Լենինի ստեղծած բոլշևիկյան կուսակցությունը: Բանվոր գոտակարգի հեղափոխական պայքարը վճռական բեկում էր առաջացնում հայ հասարակական կյանքում: Բայց համաշխարհային առաջին պատերազմի տարիներին թուրքական բռնակալների ոճրագործությունը արյունով ողորդեց հայոց պատմության առաջադիմական ընթացքը: Այս իրադրության մեջ հայ դասական գրականությունն իր ժողովրդայնությունը, բնականաբար, դառնում էր հեղափոխական ջոկուտների դաշնակիցը՝ ընդդեմ ճնշման ու շահագործման, ընդդեմ ժողովուրդների գոյությանն սպառնացող աղետավոր պատերազմի:

Գեմիքճյանի ստեղծագործական ուղին սկսվեց բանաստեղծությամբ, թեև նրա արվեստի իսկական ուժը հետագայում շատ ավելի ցայտուն արտահայտվեց արձակի և դրամատուրգիայի ժանրերում:

Գեմիքճյանի ստեղծագործության հիմնական պրոբլեմները և սկզբունքներն ավելի հստակ ուղեգրվեցին առաջին պատմվածքներում: «Ջարակ և սրիճ» (1909 թ.) գրույցում գրողն արտահայտում է կյանքի և արվեստի փոխհարաբերության հարցը, որը թեև վերացական, բայց հեռու չէր ճշմարտությունից: Զրույցն ավարտվում է կրթական հարցով: «Փարս գաբուն էր, որը պայծառ, կապուստով, Գանգուսի միջև անտառի պարտվում ճախրում էին Պաշտենները: Հովը գործու, փեղ-փեղ սառնում էր ծանրի թևերն ու բզանցքները, առուն քշվում, և գե-

ղեցիկ կակմեն սերում էր երջանիկ Հայասթունս: Երգում է կակմեն, իսկ Հայասթին եղեգնյա սրինգով կրկնում է նրան, նմանվում նրա երգին: Աշխարհը կարծես լցված է երգով ու երջանկությամբ: Կակմենի սերում է նաև մի տխուր տղա՝ Նալը, որ մենակ շրջում է անտառներում, հորթի աղբքներ կախում ծառի ճյուղերից, շուրացնում ու ոլորում: Հեզնանքով խոսում են, որ նա ինչ-որ նվագարան է շինում:

Մի անգամ, գարնանը, երիտասարդների ուրախ հավաքույթի ժամանակ, բանաստեղծը հալոունի խեղդանքով նվագում են Հայասթին և Նալը: Հայասթու սրինգը հնչում է իջըն կախարդական պատրանք, երջանիկ մոտացություն: Սակայն Հայասթու արվեստի գեղեցկությունը խաղաղ է, նա մարդկանց օրորում է անօգ կյանքի ու մոռացության երազով, միջնդոտ Նալի նվագը ալիկոծում է մարդկանց հոգին և ատելություն հարուցում տառապանքի հանդեպ: Գեմիքճյանին հարազատ էր Նալի արվեստը, որ մերժում էր ցավերով ու զգականքներով լցված իրականությունը: Մարդկային կյանքի ողբերգությունը «Ջուրիկ և սրինգ» գրույցում դեռևս անորոշ էր, վերացական, բայց հաջորդ. պատմվածքում գրողն արդեն մոտենում է չաքիքի ակունքին:

«Անփականություն» (1910 թ.). այստեղից է սկսվում մարդկային անարտաբանավորության խեղճությունը: Պատմվածքի խորագրի առօրեական իմաստը դժվար է համարել լեման լճի սպին տարածված շվիցարական գյուղի անկաշկանք գեղեցկության հետ: Հոգնած ճանապարհորդը ցանկանում է հանգստանալ ծառի տակ, բայց այգու տերը արգելում է, որովհետև սեփականությունն անձեղենի է, օտարականը իրավունք չունի վայելելու նույնիսկ ծառի սովորյալ Սակայն նույն սեփականության դաժան օրենքով, այգու տերը՝ Ժակ Բուրդիեն, դադարել է մարդ լինելուց, դարձել իր ունեցվածքի գերին, նրա անբաժան մասնիկը: Անփոփոխ միօրինակությամբ նա խմում է ամենօրյա գարեջուրը, աղոթում աստծուն կամ նեղուն. «Եվ ինչո՞ւ չքնի... Խնչն է պակաս, փառք աստծո, փոք կա, ուրեմն ամեն բան կա Զվեցերիայում»:

Բուրդիի սեփականությունը շվիցարական կյանքն ավարտվում է այն ծառի տակ, ուր մի օտարական ցանկացել էր հանգիստ առնել: Անփականատերը մեռնում է ու մահվան պահին անբաժանում ունեցվածքից, վերադառնում գեպի մարդը, դեպի կյանքի ու բնության գեղեցկությունը, սակայն ծանոթ ծայրը նրան հիշեցնում է, որ պետք է հեռանալ, մուտքն արգելված է: Մարդու անարատ բնությունը և սեփականությունը անհամատեղելի են. այս էր հեղինակի նախնական եզրահանգումը, իսկ հետագա տարիներին, երբ սեփականատիրական կարգը մոլեգեղում էր աշխարհավեր պատերազմի կիրպարանքով, Գեմիքճյանը հանգեց նրա վճռական մերժմանը:

Համաշխարհային առաջին պատերազմը սոսկալի աղետ էր աշխարհի ժողովուրդների, հատկապես հայ ժողովրդի համար: Օգտագործելով պատերազմի նըպատակավոր պայմանները, թուրքական բռնակալությունը բնաշնչեց հայ ժողովրդի կեռից ավելին, ավերեց Արևմտյան Հայաստանը: Ցեղասպանության զարհուրեցիկ տարիներին հայ գրողներից քեզը անզրադարձան այդ ողբերգությանը, նրանցից մեկը Գեմիքճյանն էր:

«Ավելորդը» պատմվածքը ողբերգության նախընթաց օրերի պատկերն է մի-
այն: «Թուրքը մոտենում է» լուրը տազնապի է մատնում սահմանամերձ փոքրիկ
քաղաքը: Ժողովուրդը գաղթում է, իր կնոջ և զավակների հետ գաղթում է նաև
վաճառական Լաչի աղան: Նա հատուկ եռանդով պետքական իրերը առանձնաց-
նում, տեղավորում է սահնակի վրա, ավելորդ իրերի շարքը դասելով անդամալուծ
քրոջը: Լաչի աղայի երակներում արյան փոխարեն ջուր էր հոսում, ջուր, որ փոր-
ձություն պահին ստույց էր կտրել: Սահնակին բազմած վաճառականը անշտա-
վել էր իրականությունից: Նա այլևս չէր լսում կնոջ թախանձանքը՝ իրենց հետ
տանել անդամալուծին, չէր լսում թոռների լացը, թե Սրբուն մամիկին թուրքերը
կմորթեն: Նա հանգիստ խղճով որոշել էր, որ անդամալուծը ավելորդ է: Ձոհարե-
րելով հարազատ քրոջը, Լաչի աղան փրկում է իր ունեցվածքը:

Երբ ուսական բանակը նորից գրավում է քաղաքը, պարզվում է, որ Սըր-
բունը անհետ կորել է: Բարոյական մահից հետո Լաչի աղայի ֆիզիկական կյան-
քը շարունակվում է շերմեանող աղոթքների մեջ. նա անընդհատ կրկնում է.
«Աստուծա առաջ հոգին հոգի է, ավելորդ մարդ չկա»: «Սեփականություն» պատմը-
վածքի հերոսի նման, մահվան պահին Լաչի աղան հրաժարվում է հարստություն-
ներից, որպեսզի վերադառնա դեպի մարդը: Բայց նրա մեղանշումը մարդկային
էություն արժանացման հետևանք չէր, այլ ողորմելի կյանքը աստծու դատաստա-
նից փրկելու հուսահատ ճիգ:

Սեփականությունը, ունեցվածքը Լաչի աղայի պաշտամունքն է, նրա կյան-
քի միակ իմաստը, այդ պատճառով թուրքական սպանալիքը նրա գիտակցու-
թյանն է հասնում ոչ թե իրեն ազգային, այլ իրեն անձնական աղետ: Միանգա-
մայն տարբեր մարդ է բարությունը տոգորված անդամալուծը. նա ապրում է
կարծես մի ուրիշ աշխարհում, ուր ամեն ինչ ողորդված է մարդկայնության լույսով,
սիրով ու շերմություն: Հրաժեշտի պահին, երբ Լաչի աղան հոտանում էր այն-
պիսի անտարբերությունը, որ իբր թե ոչինչ չի պատահել, իր գործած ձեռնոցները
մեկնելով նրան, Սրբունն ասում է. «ձեռքերդ անցու, ճամփան չմսիս», հետո
փղձկալով վրա բերեց. «քոռանա լուսա. տղոցը համար չկրցա գործել»: Հոգու
վիթխարի ուժ պետք էր ունենալ՝ նախատինքի փոխարեն հոգատարության խոս-
քեր ասելու: Թուրք բռնակալը աստծո ուղարկած հյուրը չէր: Սահմանամերձ փոք-
րիկ քաղաքի բնակիչներին հայտնի էր, որ թուրքական ներխուժումը կոտորածի
և մահվան ներխուժում է: Եվ եթե Լաչի աղան հասկանում էր, որ լքելով քրոջը,
նրան դատապարտում է մահվան, ապա իր անսահման հոգատարությունը մարդու
հանդեպ Սրբունը հաստատում էր իր գոյությունը և ապրելու իրավունքը:

Վեհություն և ստորություն լուռ բախումը ավարտվում է անզոր ու անօգնա-
կան անդամալուծի հաղթանակով, մարդկայնության հանդեպ վերստին նահան-
ջում է սեփականության ուժով սրբագործված ստորությունը: Պատմվածքի գլխա-
վոր կերպարները՝ Սրբունը և Լաչի աղան, բացարձակ հակադրություններ են,
բայց դեռևս հին ռոմանտիզմին հայտնի սկզբունքը Դեմիթրիայն օժտել է կենսա-
կան, ռեալիստական տիպականությամբ: Գաղթի և մարդկային բնավորության
փորձության նկարագրությամբ չի սպառվում «Ավելորդը» պատմվածքի բովանդա-
կությունը: Ազգային ողբերգության պատկերումով Դեմիթրիայնը հասնում էր հա-
մամարդկային ողբերգության՝ պատերազմի և մարդկային ցեղի բնաշնչման դա-

տապարտությունը: Այս է Դեմիթրիայնի լավագույն պատմվածքներից մեկի արվես-
տի ուժը և հասարակական հարատև նշանակությունը:

Դեմիթրիայնը կոտորածներին շանդրադարձավ, նա կարծում էր, թե արվեստի
ողբերգականության սահմաններում չէր կարող զետեղվել անօգնական ծերունիներ-
ի, մայրերի ու մանուկների զանգվածային բնաշնչումը: Եվ եթե «Ավելորդը» կո-
տորածների նախօրյակի պատկերն է, ապա նրա զարհուրելի հետևանքները զուսպ
գծերով արտահայտվել են «Ժպիտը» պատմվածքում: «Փախստական հիսուն հա-
զարանոց մի ժողովուրդ եկել շոքել է բաց դաշտում, հրատուր զետնին, արևի
տակ»: ...Կոտորածներից փրկվածները մեռնում են քաղցից ու համաճարակից.
ամենուր դիակներ, հիվանդներ, մեռելահոտ: ԵՄի հոժ ժողովուրդ քայքայվում էր
հսկա դիակի քայքայումով:

Մտոի տակ պառկել է հիվանդ մի կին, կողքին ամուսնու դիակը, «հող է
պահանջում, հրամայում է, որ իրեն թաղեն», հիվանդ կնոջ մոտ նստած է նրա
տասնամյա աղջիկը և կոտորած ժպիտով նայում է շուրջը: Նրանցից մի բանի քայլ
հեռու, քարի շվաքի տակ, բուն է դրել կատուն, իր նորածին ձագերով: Համատա-
րած մահվան մեջ երջանիկ է միայն կատվի ընտանիքը:

«Ժպիտը» արտացոլում է մեր պատմության սոսկալի տարիների մի կանթար-
թը միայն, երբ դժոխք դարձած աշխարհով անցնում էին մեռելներով բարձած
սայլեր, քաղցից ու հիվանդություններից վայրենացած մարդիկ: «Ժպիտը» պատմ-
վածքում Դեմիթրիայնը չի անիծում ոճրագործին, բայց մարդկային մի զանգվածի
եղերական կորստի պատկերը մեղադրական խոսք է ընդդեմ անարդար պատմու-
թյան, խոսք, համակված իսկական կյանքի տենչանքով: Այդ մահաշունչ տարի-
ներին, երբ թվում էր, թե ավարտվում էր հայ ժողովրդի խոռվահույզ պատմու-
թյունը, Դեմիթրիայնը Նուսահատության շմատնվեց, մարդկային խոշտանգված
զանգվածի մեջ նա տեսավ ժողովրդի հավիտենությունը բողբոջը՝ կապույտ աշիկ-
ներով փոքրիկ աղջկան:

Պատմվածքում կերպարներ ու գործողություններ չկան և դա հասկանալի է,
«Ժպիտը» մահվան պատկեր է, իսկ այնտեղ, ուր վերանում է կյանքի և մահվան
սահմանագիծը, ողջերը մոռացվում են, թեև պատմության անհղ տրտմությունը
իշնում է նրանց սրտի վրա:

Դեմիթրիայնի նախասովետական արձակի կերպարները ապրում էին աննկատ
կյանքով, սովորների տակ, նման այն բույսերին, որոնց չի հասնում արևի լույ-
սը: Աշխատանքի մեջ մաշվել և անպետք իրի նման մի կողմ է նետվել արհես-
տավորը («Ստամբուլ», 1919 թ.): Նա թեև ապրում է, բայց հասարակության հա-
մար այլևս գոյություն չունի, և ինքն էլ կարծես համակերպվել է անպետքացած
մարդու վիճակին: Արհեստավորը քար է տալիս մարդկային իմաստը կորցրած իր
գոյությունը. ապրում է իրեն կենսաբանական մի առեղծված, իրեն անհաղորդ
մի ստամոքս: Արհեստավորի տկար օրգանիզմի մեջ ծառայել է ուտելու, մի
բան խժռելու ցանկությունը և այդ անզուսպ ցանկությամբ բռնված, նա անընդ-
հատ տնից վազում է շուկա, նայում, շոշափում ուտելիքները, որ այնքան մոտ
են և այնքան հեռու: Պատերազմ է, մթերքը՝ կրակի գին, իսկ ինքը՝ անզոր: Ան-
հաղորդ ստամոքսը անկողին է ընկնում և մեռնում: Բաղբած հայացքը աշխարհին
հառած: Անանուն արհեստավորը սովորական մարդ էր, նրա կյանքի առօրյա ըն-

Քաջը խախտել էր սեփականատիրական կարգը, դատապարտել քաղցի ու վայրենացման: «Աստուծո» պատմվածքը ծավալվում է թրբի բուրժուական իրականության մեջ աշխատավոր մարդու կեղծքման ու կործանման սիմվոլ:

Ընթացող սոցիալիզմի շրջանի գիրքերից Գեորգիանը դատապարտում էր բուրժուական իրականությունը և նրա բարոյականությունը, իրականությունը, որ մարդու մարդկային էությունը փոխում էր դրամով: Մեռնում է գյուղի ծեր քահանան, իսկ նրա կողքին նստած երիտասարդ քահանան երանելի անտարժեքությամբ հաշվում է այն եկամուտները, որ իրեն պիտի մնան «մրցակցի» մահից հետո: Անյրողի համար, որ աշխարհն ընկալում էր միայն ստամոքսով, օտարի մահը անախճալ հաջողություն էր, անմահական շահի նոր աղբյուր: «Քանի որ փողը,— ասում է Մարքսը,— որպես արժեքի գոյություն ունեցող և գործող հասկացություն, իրար է խառնում և փոխանակում բոլոր իրերը, ուրեմն, նա բոլոր իրերի ընդհանրական իստեակումն ու նենգափոխումն է, այսինքն՝ փողը շուտ սոված աշխարհ է, բնական և մարդկային բոլոր հատկությունների խառնակում և նենգափոխում» (Մարքսը և Բենգելը արվեստի մասին», Գ. 1, էջ 283):

Շուտ սոված աշխարհի բնորոշ տիպերից մեկն է ծանգոտ, առ ոտանի խանութպանը («Նամնաբազար», 1920), որը «մարդ չի տեսնում իր շուռը, նրա ճշգրտորեն աշխարհը միայն ձեռքեր էին տեսնում և ձեռքերի մեջ դրամներ»... կոպեկները մարդիկ են և մարդիկ՝ կոպեկներ, որոնք ուշանում են «իր փողերը բերելու և նրանք ստիպում են սպասել, հսկել, ձգձգել»: Ինչպես նախորդ մի քանի պատմվածքներում, այստեղ նույնպես, հեղինակը առանձնացնում և ընդգծում է գլխավոր կերպարի տիրապետող հատկությունը, սովյալ դեպքում՝ կուտակելու կիրքը, մարդու և դրամի նույնացումն, ավելի ճիշտ՝ մարդկային բնությունը դրամով փոխարինվելու կործանարար պրոցեսը, երբ դժվար է որոշել՝ ապրանքն է մարդուն պատկանում, թե՛ մարդը ապրանքին: Մի ծանր, հավիտենական հոտ կար նրա խանութում, փտում էին դազզահն ու դարակները, փտում էին առաստաղի մրկըված գերանները, փտում էր կարծես և ինքը...»: Սակայն խարխուլում և փտում էին ոչ միայն խանութն ու խանութպանը, այլև խանութպանի աշխարհը, որ հոգեվարք էր ապրում երկարատև մոլեգնությունից հետո:

Խանութպանի նման շահամոլությամբ հիվանդների հետ մույն երկնքի տակ ապրում էր արդար մարդկանց մի հոծ բազմություն: Նրանցից մեկը՝ չքավոր մի երեխա, խանութպանին խնդրում է մի կտոր հաց սուլ և մերժումից հետո միամբար տրին ասում.

— Քա սովից մեռնե՞մք:

Խանութպանի համար անհասկանալի էր երեխայի ասածը և նա ժպտաց, քանի տարի է չէր ժպտացել: Ժպտելը նրա ծանգոտ երեսին երևում է այն պահին, երբ հիշեցնում են, որ սովից մարդիկ են մեռնում, միևնույն կոպեկ շուռնեղ մարդկանց ապրելը կամ մեռնելը բնավ չէր հետաքրքրում նրան: «Խանութպանը» հաջ դասական արձակի այն պատմվածքներից մեկն է, որի փոքր մակերևութային վրա ուրվագծվել է մասնավոր սեփականության սոցիալական մահվան ակնթարթը:

Մյուս դասան իրականությունը աշխատավոր մարդկանց կեցության վրա իշխում էր կապարի ծանրությամբ, ճնշում, նրանց դուրս ձգում բնականոն կյանքի պարտից, դարձնում օտար, անտես մարդիկ: Միայն մեկը՝ խորագրով պատմը-

վածքում, գրված 1922 թվականին, Գեորգիանը կարծես ամփոփում էր, ամբողջացնում բուրժուական իրականության պատկերը: Ինչպես գրողի մի քանի պատմվածքներում, այստեղ էլ գլխավոր հերոսը անանուն մարդն է, որին զինվորները և հրամանատարները «էյ» են անվանում: Անվան կորուստը անհատականության կորուստ էր, բուրժուական իրականության բնորոշ երևույթներից մեկը, որը ճշտորեն նկատել է Գեորգիանը: «Առաջ կառապան էր Գիլբերտի տրակտումը,— պատմում է հեղինակը,— հետո գիշերապահ Թիֆլիսում: Վերջերս էլ վեց տարի է, հնոցապան էր Բագու՝ Սպիտակ քաղաքի մի յուզի գործարանում: Ամեն անգ իր պաշտոնը թշվառությունն է եղել... Դրանից էլ կարգին փոսել չգիտես»:

Այս ստղծերում ուրվագծվում է այն մարդու կերպարը, որը հաջորդաբար կորցնում է ինքնությունը և առօրյա ազատությունը, մոլորվում իր համար խորթ կյանքի պայմաններում: Վերջին փորձությունը պատժարգի դաշտն է, որտեղ նրա ներկայությունն ավելի նման է բացակայության: Վաշտի հետ էլը գնում է դեպի ճակատային դժուր: Պատերազմը փոխել է ծանոթ աշխարհի տեսքը: Ամայի դաշտեր, ավերված գյուղեր, դանգի պես պարապ խրճիթներ: Աղբյուրը ջուր է բխում ոչ ոքի համար, ջրաղացը լուռ է գերեզմանի նման: Անցնում է էլը քանդված գյուղերով ու ճնշվում ավերի խստության առջև: Նա չի կարողանում հասկանալ, թե մարդը ինչու է ոչնչացնում մարդու ստեղծածը, և ողջ էությունը մերժում է պատերազմը, ապրում խաղաղ օրերի երազներով:

«Ամեն անգ իր պաշտոնը թշվառությունն է եղել»... ցավով բնութագրում է հեղինակը: Բայց թշվառությունը ժառանգական հատկություն չէր, այլ սոցիալական վիճակ, երբ ճնշման ու շահագործման անտանելի պայմաններում նորմալ մարդը թվում է, թե դառնում է աննորմալ: Աղքատությունը էլին արտաքսել էր գյուղից, իսկ քաղաքում աշխատելու տարիներին, երբ կառապան էր, գիշերապահ կամ հնոցապան, էլը չի չփվել իր նման աշխատավոր մարդկանց հետ և, իրականության հանդեպ իր անբարբառ դժգոհությամբ հանդերձ, մնացել է մենակ ու մոռացված:

Պատերազմի ճակատում նույնպես էլը մենակ է իր հոգսերի ու մտքերի հետ, զինվորները և հրամանատարները անտարբեր են նրա նկատմամբ՝ անունը մոռանալու շափ: Սակայն թշվառությունը էլի արտաքին վիճակն է միայն, իսկ ինքն իր մեջ ամբողջական մարդ է: Նա յուրովի վերլուծում ու գնահատում է կյանքի երևույթները, խորապես ցավում, որ պատերազմը ոչնչացնում է մարդու աշխատանքի արդյունքը, ավերում խաղաղ կյանքը: Մանր վերամյուր էլը բողոքում է աշխարհի անարդարության դեմ, բայց, ինչպես ամբողջ կյանքում, մահվան պահին էլ էլը մենակ է և անգոր պաշտպանելու իր ճշմարտությունը:

Գեորգիանի պատմվածքները հասարակական կյանքի լայն շերտեր չեն ընդգրկում, դրանք պատմվածքի պատկերներ են, որ հոգեբանական առանձին, մեծ մասամբ բացառիկ դրությունների մեջ բացահայտում են մասնավոր սեփականատիրության խարխուլվածությունը: Տիրող կարգերը նվաստացնում էին մարդուն, ազնվազում նորմալ փոխարարբերությունները մարդկանց միջև: Գեորգիանը ցույց է տալիս, որ բուրժուական իրականության այդ արտաքին ավելի այլանդակ մեղմում արտահայտվեցին համաշխարհային առաջին պատերազմի տարիներին: Խանութպանն, իհարկե, Մարկոս Ալիթյան չէր, թեև իր մանրագրության մեջ ավելի

հիմնադրանքները և արհեստագիտական կերպերը, որն այլևս հեռանկար չունենալու Բայց առկա դեպքում կարևոր մասշտաբները չեն, այլ մարդկանց էությունը: Մարկոս Ալեքսանդր ատասպիկ էր, կապիտալիզմի ոչ հերոսական էպոսի նախնական բեկորը, կուտակման տեղի սկիզբը, մինչդեռ խանութպանը խորհրդանշում է նույն աշխարհի մայրամուտը: Բուրժուական հասարակության քայքայման հետ թուլանում էր դասական ռեալիզմի էպիկական ոգին, լայն ընդհանրացումները փոխարինվում էին կյանքի առանձին պատկերներով, որոնցում, սակայն, կար մի լուսավոր շող, մի ներքին թեմա, որ կյանքն այսպես չի կարող հարատևել, որ պետք է մի ամպրոպ, որպեսզի մթնոլորտը մաքրվի: Դեմիքրճյանը շարունակում էր դասական գրականության ավանդները: Բայց նրա արձակը կրկնություն չէր, այլ նորարարություն, որովհետև տոգորված էր բուրժուական հասարակարգի խորատակման անխառնափելիության կանխազգացումով:



Հոկտեմբերի հաղթանակով և Հայաստանում սովետական կարգերի հաստատումով սկսվեց հայ ժողովրդի վերածնությունը: Անդամահատված, հալածանքի և կորստի մատնված ազգությունը վերակազմավորվում էր իբրև սոցիալիստական ազգություն: Իրականության արմատական հեղաշրջման հետ վեհանում էր մարդը. դառնում հասարակական ակտիվ անհատականություն: Նոր կյանքի ամեն մի օրը, ամեն մի տարին լցված էր աշխատանքով ու ստեղծագործությամբ: Բայց նորը ոչ միայն ազատ աշխատանքն էր, ավերված երկրի վերաշինությունը, հողի մշակությունը, գործարանները և դպրոցները, այլև աշխատանքային պրոցեսներում կազմավորվող նոր հոգեբանությունը, նոր փոխհարաբերությունը մարդու և հասարակության միջև:

Սովետական տարիներին գրված պատմվածքների առաջին շարքը Դեմիքրճյանը անվանել է. «Նրանց ժպիտը»: Թվում է, թե ծանոթ վերնագիրը պատահաբար չէր կրկնվում: Առաջին «ժպիտը» (1916 թ.) համատարած մահվան հեղանակն էր, ժողովրդի հարատևման հույսի կոտրած ժպիտը, մինչդեռ «Նրանց ժպիտը» շարքը լուսավորված է ազատագրված ժողովրդի կեցության իսկական բերկրանքով: Այդ հակադրության գրողը ցանկանում էր հիշեցնել, թե ինչ ճանապարհով է անցել և ուր է գնում հայ ժողովուրդը:

Դեմիքրճյանը 20-ական թվականների ստեղծագործության հիմնական պաթոսը նորի հաստատումն էր, այն, թե ինչպես է անդադառնում մարդկանց հոգեբանության ու վարքագծի մեջ կյանքի մեծ վերափոխությունը: Սակայն, նորի հաստատումը միաժամանակ ժողովրդի խեղճ ու անօգնական անցյալի մերժումն էր, անցյալ, որ Դեմիքրճյանի երգիծական ստեղծագործություններում բեկվում էր իբրև պատմության ժամանակություն, իբրև «Համառոտ անմահների» կամ քաջ նազարային փուշ հսկաների ծանր մղձավանջ: Բայց պետք է նշել, որ միայն Դեմիքրճյանը չէր, որ այդպես էր ընկալում ոչ հեռավոր տարիներին պատկերը: Նույն կեցիկացիան մենք նկատում ենք Ծ. Չարենցի «Երկիր Նաիրի», Ալ. Շիրվանզադեի «Մորզանի խնամին», Ստ. Ջորյանի «Կապիտան Երամը» և այլ գործերում: Նոր

գրականությունը սաստիկական ծագումով էր բաժանվում ժողովրդի մոռյալ պատմությունից: Բայց այդ սաստիկական շաղախված էր ողբերգության դառն արցունքով: Հարցն այն է, որ պատմական որոշ հանգամանքներում սաստիկային ողբերգության անհարի թվացող հիմքերը ինչ-որ տեղ աղերսվում են: Այդ աղերսը նկատվում է Սվիֆթի «Գուլիվերի», Գոգոլի «Մեռած հոգիների», Ելզդրիսի «Մի քաղաքի պատմություն», Չարենցի «Երկիր Նաիրի» և «Մարապետ Եսվարչի» էջերում:

«Նրանց ժպիտը» շարքի հերոսները նոր մարդիկ են, ավելի ճիշտ մարդիկ, որոնք ճաշակել են ճնշման ու շահագործման դառնությունները և սովետական կարգերի շնորհիվ նվաճել իրենց անհատականությունը և մարդկային արժանապատվությունը: Բնորոշ է այն հանգամանքը, որ Դեմիքրճյանի սովետական շրջանի ստեղծագործություններում այլևս անանուն հերոսներ չկան: Նրա նոր կերպարները աշխատավոր մարդիկ են՝ գործարանային բանվորներ, շինարարներ, գյուղացիներ, կարմիր բանակայիններ, երկաթգծի աշխատողներ, որոնք լավատեսությամբ ու եռանդով կերտում են ժողովրդի իսկական պատմությունը: Ժողովրդի գործը հետըզհետ դառնում էր նրանցից ամեն մեկի հարազատ գործը: Դեմիքրճյանը հավաստում է, որ այդ գիտակցությունը ծնվեց և կարող էր ծնվել միայն սովետական իրականության պայմաններում:

Անհրաժեշտ է նշել Դեմիքրճյանի աշխարհայացքի հիմնական հատկություններից մեկը՝ պայծառաստեղծությունը, նորը ընկալելու հազվագյուտ ունակությունը, որը դրսևորվում է ոչ միայն կյանքի իրադարձությունների ներքին իմաստի հայտնաբերման, այլև մարդկային փորձի ճշմարտացի լուսաբանության մեջ: Եթե հիշենք, որ Դեմիքրճյանի պատմվածքները ստեղծվել են սովետական կյանքի կազմավորման առաջին տարիներին և հետագայում էլ նա միշտ ընթացել է կյանքի հետ, դիտել է մեկնաբանել իրականության զարգացման էական պրոբլեմները, ներկայի մեջ տեսել զալիքի սաղմը, ապա անհնար է ասանց հիացմունքի խոսել գրողի մեծ ու իմաստուն տաղանդի, արդիական ոգու և գեղարվեստական ճշմարիտ հայտնագործությունների մասին:

Սովետական ժամանակաշրջանում Դեմիքրճյանի ստեղծագործական աշխատանքը ծավալվեց բազմազան ձևերով. պատմվածք, ակնարկ, ֆելիետոն, վիպակ, վեպ, գրամա, քննադատություն, կինոսցենար, մանրպատում և ուրիշ ժանրեր, որոնց միջոցով գրողը ձգտում էր արտահայտել կյանքի բարդ ու հարաճուն ընթացքը: Նրա առաջին պատմվածքները արդեն նորարարական երկեր էին, մինչդեռ Դեմիքրճյանի ստեղծագործության որոշ հետադուրդներ չհասկանալով այդ պատմվածքներ խորությունը և ինքնատիպությունը դրանք համարում էին ակնարկներ կամ ակնարկ-պատմվածքներ: Սակայն դժվար չէ նկատել, որ այդ երկերը իրենց բովանդակությամբ ու արվեստով, երբեմն էլ ոչ ցայտուն սյուժեով ու կառուցվածքով, նոր երևույթ էին և չէին տեղադրվում պատմվածքի ժանրի ավանդական սահմաններում: Հարցն այն է, որ Դեմիքրճյանի մի շարք երկերում պատկերվող իրագրությունների ու բնավորությունների մեջ հեղինակը առանձնացնում է հարափոփոխ կյանքի մի պահ, թափանցում մարդկային հոգու ծալքերը և հայտնաբերում հազիվ նկատելի որևէ հատկություն, որն արտահայտում էր դարաշրջանի բնորոշ գիծը, մարդու և ժամանակի անխզելի կապը: Սա իհարկե նույնքան բարդ արվեստ է, որքան դասական պատմվածքի արվեստը:

«Դապար» (1922 թ.) խորագրով պատմվածքը սովետահայ արձակի տառչին երկերից մեկն է։ Եր նման բանվորների հետ Զուրաբը հանգստանում է անտառով շրջապատված գեղեցիկ առանձնատան մեջ։ Սովետական կարգերի հաստատումից անցել էր ընդամենը մեկ տարի, բայց կյանքն արգեն նորմալ հոգեով էր ընթացնում, լցված խաղաղությամբ ու աշխատանքով։ Փոխվել էր նաև բնակության ընկալումը և բնապատկերը։ Վերին անց են կենում միակերպ խաղաղ, անհոգ Ամեն ինչ հանգստանում է հանգստյան տանը։ Արևի անգամ ծանրոր, պարտեզը, շինակները, Բոլոր աշխարհը սովետական կեցությով կրկնվում է օրվա որոշ ժամերին և լսում։ Բանվորները ապրում, առում, խոտում են՝ անկրթ, գործարաններից, պատերազմից»։ Հանգստի բոլոր պայմանները կան, բայց Զուրաբը մտահոգ է. աստիճանը չարձանակ աշխատանքին ընտելացած մարդը կյանքը չի պատկերացնում առանց հոգի, իսկ հանգստի ասանը հանկարծ կտրվում է աղ հոգիի թելը։ Առաջին Անարարի անհանգստությունն արտահայտում էր այն անսովոր վիճակը չէ, այլ հոգիի մի նոր կրակ, մի նոր զգացում՝ անփական աշխատանքի մեջ հանգստյան շահը տեսնելու գիտակցությունը։ Այս գաղափարը ավելի ամբողջական ձևով արտահայտվել է «Արդուր» պատմվածքում։

Պատմվածքի հերոսը իսկական կյանքի գիտակցությանը հասնում է օտարապետական աշխատանքի փորձով։ Արդուրը եկել է Երանից, որտեղ նրա կյանքը անցել է տաժանակիր աշխատանքի ու թաղցի մեջ։ Թաղցին զոհ են գնացել նրա կենց, որդին, քարեկամները։ Բաղը նրան արտաքսել է հայրենի երկրից։ Արդուրը սեպտոր բանվոր է երևանի բաժնակազմի գործարանում, ցանկանում է որոշ գումար վատարելու և վերադառնալ հայրենիք։ Բայց վերադարձի մտադրությունը հետաձգվում է, երբ նա սկսում է հասկանալ Իրանի և Սովետական երկրի արժանատիան տարբերությունը։ Այստեղ գործն ուրիշ տեսակ էր։ Ծախ նա տաժանը չէր, այլ աշխատանք։ Ապա և այդ գործը նրա բարեկամն էր և ոչ այնպիսի դաժան թշնամի, որ լինում էր, ծեծում, հյուծում, տանում գերեզման։ Իրանում, ճնշման ու շահագործման բիրտ պայմաններում Արդուրը խոտվել էր աշխարհից, թշնամացել նրա հետ, իսկ այստեղ, Սովետական երկրում մարդը և աշխատանքը բարեկամներ են, աշխատանքը մարդկանց համայնքն էր բողոքի համար նախապես նպատակի շտաբը։ Արդուրը պարզ տեսնում է, որ լի գործարանը կարգված է թողալի մյուս գործարանների հետ, քաղաքի մյուս քաղաքների հետ և բողոքի արդյունքների արդյունքը մանր գեների պես հոտում, լցվում է մի մեծ արդյունք՝ ծովի մեջ և այդ ծովը պրոլետարյան պետությունն է։ Պրոլետարյան պետությանը իր հարազատ պետությունն է, այս գիտակցությունը Արդուրին սերտորեն կապում է բանվորական կուլտուրայի հետ և մղում հերոսության։

Ստեփակական և ազգային ճնշման ժամանակներում աշխատանքը անեծք էր ու տառապանք։ Զարեհ շարունակ աշխատավորի արգասի վատասելը շուրջովում էր արշավով ու արցունքով։ Պատահական չէր այն հանգամանքը, որ «Եստեա ծեծ» էլ պահի։ Ինչու և վարձատրի շահի և արգասի տանջալից աշխատանքի պատկերը հայ գրականության մեջ ավարտվում էր սպաս աշխատանքի ուսուցիչական երազանքով։ Սովետական կարգը աղ երազանքի մասնաճյուղն էր։ Պատմության մեջ առաջին անգամ աշխատանքը գործն էր տանող գործողություն, մարդկային արժանապատվության շարունակը։

Մարզու և ազատ աշխատանքի դաշնության մի այլ հատկություն Դեմիքանյան ուրվագծում է «Քաբառներ» պատմվածքում, որը մի պատկեր է, էսքիզ 20-ական թվականների շինարարական առօրեայից։ Քարահանքում ավարտվում է աշխատանքը, իսկ վերջին քարը համառում է, դիմադրում։ Բանվորները ցանկանում են գործը թողնել վաղվան։ Միջամտում է վարպետ Սարգիսը։ Նա արյունը գլուխը տված, սևացած կրծքի միսն ու ոսկորները անգթորեն տրորում էր քարի վրա ու ճգնում, հեղում, տեղում։ Քարը պոկվում է, բոլորը հանգստացած շունչ են քաշում։ Քարհատը գործը կիսատ չի թողնում։ «Աշխատանքը նամուս է.— ասում է վարպետ Սարգիսը,— չեն կտրի։ Քաղաք շինող ենք, աշխատավոր, գործ է, ջինարարություն... Ինչպե՞ս կարելի է»։ Աննշան մի դեպք, իրական կյանքի անհամար դեպքերից մեկը, որը թվում է, թե չէր կարող պատմվածքի նյութ դառնալ, Դեմիքանյանի անզուգական տաղանդով իմաստավորվում է, դառնում ճշմարիտ ընդհանրացում՝ աշխատանքը պատվի գործ է, իսկ քարհատի գործը համաժողովրդական շինարարության անբաժան մասն է։

Եթե «Արդուր» պատմվածքում հեղինակը նշում է հերոսի ներկա և անցյալ կյանքի առանձին դրվագները. կերպարի հոգեբանական շրջադարձը հիմնավորելու համար, ապա «Դադար», «Քարահանքեր» և այլ պատմվածքներում հերոսները քննաթաղվում են միայն իրենց կյանքի տվյալ պահի հոգեկան վիճակներով, որոնք չլինելով ամենից ցայտունը, բնորոշում են մարդու ամբողջ վարքագիծը։ Այս բնույթի պատմվածքները ընդգրկում են կյանքի մի բեկորը, մի շերտը, ուր անհամար է տեղադրել ծավալուն գործողություններ։ Դեմիքանյանը այդպիսի նպատակ չի հետապնդում։ Բայց ուշադրության արժանի է այն հանգամանքը, որ «Դադար», «Քարահանքեր», «Հանգստի տանը» և այլ պատմվածքներ, կարծես էպիկական մի ընդարձակ վեպի հատվածներ լինեն, որոնց սկիզբը և վերջը մնացել են ամբողջական երկի էջերում, իսկ այն հատվածներում հեղինակը ձգտում է որսալ մարդու և դարաշրջանի անխզելի կապի ակնթարթը, դարաշրջանի էության փայլատակումը մարդու վարքագծի մեջ։ Այդ չի նշանակում իհարկե, թե Դեմիքանյանի վերոհիշյալ պատմվածքները գուրկ են ամբողջությունից, ընդհանրապես, դրանք ավարտված գործեր են, պատմվածքի ժանրի մի նոր որակ, որ տվյալ ձևի մեջ խտացնում են մարդու լինելիության փիլիսոփայությունը։

«Հռոբ» պատմվածքի միջուկը լցված է խաղաղությամբ. եղանակները են շնչում լինելը, դաշտերը և անտառները։ Երկրիների ծուխը հանդարտորեն բարձրանում է դեպի վեր, գլուխաքաղաքի փողոցով անցնում է կարմիրքանակայինների վաշտը, շուկայում՝ գլուխացիներ, գեղեկահիներ, պիոներներ։ Մարդիկ տարված են իրենց ամենօրյա գործերով ու հոգեբով։ Կյանքը ընթանում է իր բնական հունով, այնքան բնական, որ արգեն մոռացության է մատնվել ֆիզիկական բնաշնչման սպառնալիքը։ Սովետական կարգը սկսվում էր իրեն մարդու նորմալ փոփոխության բարձրագույնն ձև, իրեն մարդու և հայրենիքի, մարդու և քննության ներգաղափարության հիմք։

1921 թ. ապրիլին «Արդեբյանի, Վրաստանի, Հայաստանի, Դադարանի, Լեռնականների հանրապետության կոմունիստ ընկերներին» ուղղված նամակում Վ. Ժ. Լենինը գրում էր. «Անմիջապես աշխատել քարակալելու գյուղացիների վիճակը և սկսելու էրկարիքի կազմակերպել և ստեղծան խաղաղ աշխատանքները։ Ստեղծել անհրաժեշտ»։

մեշտ է ամենից ավելի և ամենից շուտ կվերափոխի երկրամասը, կվերածնի այն, կթողի անցյալը, կամրապնդի անցումը դեպի սոցիալիզմ: Լենինյան այս իմաստուն ծրագրի կենսագործումով սկսվեց Սովետական Հայաստանի վերածնությունը: Երկրի տնտեսությունը ջախջախված էր, ժողովուրդը աղքատ ու անօգնական: Սովետական Հայաստանի կառավարության առաջին մտահոգություններից մեկն էր՝ հայթաթել հաց, սերմացու և գյուղատնտեսական գործիքներ: Հնագույն քաղաքականության տեր ժողովուրդը կարծես նորից էր սկսում իր պատմությունը: Բայց այդ կացությունը երկար չտևեց: Երկու-երեք տարվա ընթացքում վերացան քաղցի և թշվառության հետքերը, երկրի նյութական վիճակը վերափոխվեց: Ժողովուրդի հիմնական զանգվածը գյուղացիությունն էր և բնականաբար 20-ական թվականների արձակի մեջ այսպես կոչված գյուղական թեման լայն տեղ էր գրավում: Սակայն «Հողը» պատմվածքը չի սահմանափակվում իր ուղղակի իմաստով: Հողը մերթ ինքը մարդն է, մերթ մասնավոր սեփականատիրական հոգեբանությունը, մերթ էլ այն երկիրը, այն իրականությունը, որտեղ կառուցվում է նոր կյանք, նոր հոգեբանություն: Հետևաբար, ճիշտ չէր լինի Դեմիրճյանի պատմվածքներում տեսնել հողի պաշտամունք, մի գաղափար, որի ակունքը գյուղացիության խեղճությունը և հետամնացությունն էր: Անհրաժեշտ է ավելացնել, որ հողի պաշտամունքի գաղափարը ծնվել է նախնադարյան անզարգացած դարաշրջանի և քաղաքակրթության դարաշրջանի, ինչպես նաև քաղաք-գյուղ հետադիմական հակադրությունից:

«Երրին, իսկական Հայաստան:— Պատմում է Դեմիրճյանը.— խրճիթների, մարագների և ախոռների արանքում՝ տպարան, կոոպերատիվ, էլեկտրակայան»: Սա հին և նորի բարաքին, ժամանակավոր համակացությունն է միայն, իսկ ներքին, աննկատելի, բարդ ու դժվարին բախումները տեղի էին ունենում մարդկանց հոգեբանության մեջ:

«Եվել եմ հանգստի,— շարունակում է հեղինակը.— սենյակս գլուխի ծայրին է: Նստում եմ պատշգամբում, գիրքը ձեռքիս: Դեմից անտառն իր կանաչ աչքերով մտիկ է տալիս... Եվ ջունս տանում է»: Պատմվածքի սկիզբը արդեն ընթերցողին համակում է անդորր տրամադրությամբ, թե արտակարգ ոչինչ տեղի չի ունենալու, որ խոսքը սովորական դեպքերի, ամառանոցային տպավորությունների մասին է: Բայց հենց սովորական դեպքերի մեջ Դեմիրճյանը կարողանում էր տեսնել հնի և նորի հստակ սահմանագիծը, սոցիալական մեծ հեղաշրջման էական հատկանիշները:

«Տանտերս մի ութսուն տարեկան բիձա մարդ է. ամպի մորուքը դեմքից կտի»: Բիձան, կամ ինչպես ինքն է իրեն անվանում՝ Մացակ Ավանեսովը հին օրերի սովերներից մեկն է. նրա հուշերի մոռյլ հորիզոններում դեռևս խլրտում են Հասան խան, յաթաղան, ֆարաշներ: Հետո երկճյուղ միրուքավոր պրիստավ: Մարակ, ծեծ, հայհոյանք, կաշառք: Վերջին տարիների իրադարձությունները շփոթել են Մացակ Ավանեսովին: Այն, ինչ թվում էր մշտական ու անփոփոխ, ինչպես օտքի տակի հողը, անհետացել էր, նրան թողնելով անորոշ տարածության մեջ: Անցյալ ժամանակներում հեշտ էր գյուղացուն տարբերել պրիստավից, իսկ այժմ «մարդիկ, նրանց վիճակը, գործը, արտաքինը այնպես են փոխվել, որ բիձայի աչքերը խառնվում են»: Նա երանություն է հիշում անցյալը, երբ ինքը համարյա

պրիստավ էր և անարգել կողոպտում էր Աղաբաբայի գյուղացիներին: «Հեռի քեզ-նից ավանակի աշխարհ էր»: Բիձան հասկանում է, որ «Ավանակի աշխարհ» հեռ վախճանից նաև համարյա պրիստավ դարձած Մացակ Ավանեսովը, թողնելով տարտամ մի հիշողություն Մացակ բիձա անունով, որը խեղճ, անհասկացող գյուղացու կերպարանքով թաքցնում է իր ունեցվածքը, ընտանիքի անգամները թողնելու տարիքը և բնագույն կառույց: Հին օրերից մնացած անպետք խորին: Առաջ-բացից բիձան ոտքի վրա է: Մասն է գալիս բակում, կտրան, ներքնատանը ուղաշտամկան պես դուրս է անում իմպերիալիստական պատերազմը — վայրիվերո, անհարիր, անպետք իրեր — քաղցր կաթի ժանգոտ տուփեր, մեխեր, տաճկական սվիճ, կարի մեքենայի կոտրած խողովակ, ձիու հին խամուտ, շրապնելի դատարկ ումբ: Մխրճվում է նրանց մեջ, խտնըխտորում երրից անում ներս: Ինչի՞ է պահել, ինչ է փնտրում նրանց մեջ»: Հին իրերի նման Մացակ բիձան և կար և չկար, ավելի ճիշտ իր ներկայությունը, իսկ նա բացակա էր կյանքից: Սակայն հին իրերը բիձայի հենարանն էին նոր կյանքում, ինքից կային, նշանակում է կար նաև հին աշխարհը: Այս պատրանքով էր ապրում Մացակ բիձան, խուսափելով դուրս գալ իր բակի սահմաններից ու շփվել արտաքին աշխարհի հետ: Մասնավոր սեփականատիրական կիրքը Մացակի կերպարում դեռևս լուրջամբ է հակադրվում նոր կարգերին, իսկ տարիներ հետո այն դրսևորվելու է դասակարգային պայքարի մոլեգին ձևերով:

Միանգամայն տարբեր մարդ է «Խենթ» բիձան: Եթե Մացակի գիտակցության մեջ հողը միայն սեփականություն է, իր անփոփոխ սահմաններով, ապա «Խենթի» համար հողը սահմաններ չունի: Նա բնությունն ընկալում է իբրև գերազույց բարիք, որ մարդուն ազատում է ճշճիմ հաշիվներից և մշտապես կապում հողի ու ջրի հետ: «Խենթը» անսպառ եռանդով խնամում է բուստանը, առունները մաքրում, ճահիճները շորացնում: «Նրա շինարարությունը,— ասում է հեղինակը,— արդեն հասարակական բնույթ է ստացել»: Սակայն Մացակի կարծիքով բիձայի կատարած գործը խենթություն է, պարապ հացակերություն, քանի որ այն ոչինչ չի ավելացնում մասնավոր ունեցվածքին: Հակառակ Մացակի, «Խենթը» անտարբեր է սեփականության նկատմամբ, բայց ունի կյանքի իր ըմբոսնումը: «Ինձ արևը կարգել ա, որ առուն ծոնմ, մարդը դրստեմ, ջրերը հավաքեմ, կարտոփը բաժանեմ»... Չնայած խոսքի զավեշտական երանգին, իմաստը պարզ է, ազնիվ աշխատանքով վերափոխել բնությունը և մարդուն դնել կյանքի արդար ճանապարհի վրա: Մացակը և «Խենթը» հակադիր բնավորություններ են, կյանքի հակադիր ըմբռնումներ, առաջինը իր ունեցվածքի գորին է, իսկ երկրորդը՝ իր ազատությունը և անհատականությունը նվաճում է դուրս գալով մերկ շահի ոլորտից, հաստատելով այն համոզմունքը, որ մարդը, հողը և աշխարհը անբաժան են: Հենց այդ էլ դառնում է նրա արժանապատվության հիմքը. «աշխարհը իմ բահի տակին ա» հպարտությամբ ասում է «Խենթը»:

Բնորոշ է այն հակազմանքը, որ նոր կյանքի կենսունակությունը խորհրդանշող պիոներ Անուշը ավելի մոտ է ու հարազատ «Խենթ» բիձային, քան իր ծնողներին ու պապին: Անուշը անսպառ եռանդ է, ծիծաղ, ուրախություն, նրա պայծառ պատանեկության մեջ խլրտում է նոր կյանքը, որը կանաչ ծիլեր էր արձակում հնամուս հողի վրա: Մացակը և Անուշը կյանքի հակադրական դասեր են:

տարիների փուլերն են, մեռնող և վերածնվող կյանքի փուլերը: Ընդամենը երկուսն էլ նրա շնորհիվ են, ձեռքբերելով:— խորհրդածում է գրողը:— այո, նա հողից է զանգված, նա հիմա փոփոխ է, որպեսզի ծաղկի Անուշը...

Ընտանիքի հիմնական աշխատավոր Անուշի հայրն է՝ Վասիլը, նա վարում է ու ցանում, հնձում ու կալում, շարժարժում էր եղևների հետ, եղևների նման: «Վասիլը տանջված երևույթ ունի: Ցախ-ցախ մորուքի, դարմանի, ցեխի մեջ կորած գեղձը կնճռոտ կաշու պես է, նրա աչքերը պղտոր են»: Վասիլի միակ մտահոգությունն է հողից ապրուստ քանել, ապրուստ, որ նա ձեռք է բերում ծանր, անմարդկային աշխատանքով: Ի տարբերություն «խենթ» բիծայի, որն ապրում է իր կատարած գործով, ամենօրյա տառապանքի մեջ Վասիլը կորցրել է իր անհատականությունը, կյանքի հանդեպ դարձել անտարբեր ու զժժարանում է հավատալ, թե կարելի է աշխատել ավելի նորմալ պայմաններում:

«Հողը» պատմվածքում արժարժվում էր նոր իրականության հիմնական պրոբլեմներից մեկը՝ մարդու և աշխատանքի փոխհարաբերության հեղաշրջման սկիզբը: Դեմիտրյանը խորապես հասկանում էր այդ շարժման գիպսակտիկան: Նա տեսնում էր, որ իր մեկուսացած ու տանջալի աշխատանքով Վասիլը պատկանում է անցյալին, մինչդեռ խենթ բիծայի արժանապատվության զգացումը և հանրօգուտ աշխատանքի ձգտումը հետազայում պետք է շաղախվին նոր մարդու գործունեության լայն հասկացության հետ: Հնի և նորի բախման բազմազան ձևերի մեջ գրողը որոնում էր ստեղծագործական աշխատանքի տարբեր, որոնք դարձան մեծ վերափոխումների հիմքը: Տարիներ հետո անդրադառնալով նույն հարցին Ա. Մ. Գորկին տեսականորեն հաստատեց, որ մարդու բնավորության կազմավորման հիմքերը պետք է որոնել աշխատանքային պրոցեսների մեջ:

«Խենթ բիծայի» կերպարը դեռևս հարցադրում էր. հետախուշության, որն հայտնաբերեց Մերկին: Վերջինս «խենթի» տարաշահան է, կյանքի տարբեր հանգամանքներում: Հակառակ «խենթի», որ օր ու գիշեր էր աշխատանքով տարված սակավ էր շփվում մարդկանց հետ, ծերունի Մերկին միշտ մարդկանց մեջ է, միտինգներում, ժողովներում, թատերական ներկայացումներում, խրճիթ ընթերցարանում, ամենուր անկատելի, բայց միշտ լցված սպասումներով ու անսպաս հարցասիրությամբ: «Հողը» պատմվածքը համակված է նյութական, առարկայական բովանդակությամբ, ապրուստի մշտական հոգսերով, իսկ Մերկին կերպարը հեղինակն ազատել է նյութական մտահոգություններից, որպեսզի ավելի հստակ երևա հիմնական գիծը՝ նորը ընկալելու անհազուրդ ձգտումը:

Գյուղի երիտասարդների հետ Մերկին դիմավորում է կենտրոնից եկած առաջին ներկայացուցիչներին: «Ինչի գնաց դիմավորելու,— խորհրդածում է գրողը.— ինքն էլ չգիտեր»: Օրվաբառեր քնից արթնացած մարդու նման, աչքերը լայն բացած, Մերկին առաջին օրերը գնում էր հեղձմի շնորհ կողմը, մասնակցում ժողովներին ու միտինգներին: Նա բնազդով հասկանում էր, որ ինքը չի կարող հետաձուլ տեղի ունեցող գեղեցիկից, որ այդ ամենը անմիջապես իրեն են վերաբերում:

Տարիներ առաջ Մերկին այդ զգացումը լուներ Երբ նա քաղաք էր գնում, անցնում շենքերի, սկամրի, դպրոցների, թատրոնի մոտից, անհուն լրագիր ընթերցողներին, տնտեսում խանութների վերաբերմանը: Պարզապես իրեն, նրա մտքով երբեք չէր անցնում թե դրանից մի փոքրիկ մաս, լրագրից մի լուր: ՊԵՊ

բացից մի տառ իրեն կարող է հասնել: Տարիներ առաջ Մերկին նույնքան մոռացված էր, տրոհված ու աննկատ, ինչպես այժմ պատմվածքի անանուն հերոսը: Անցած աշխարհը խորթ էր և օտար Մերկին համար: Նա ապրել էր մոռացված մի գյուղի հավիտենական անշարժության մեջ, ուր կյանքը բազմազանվում էր մարդկանց ծեղանդով ու մահով: Մերկին համալսարանները գյուղի օդաներն են եղել, որտեղ նա լսել է հեքիաթներ յոթղլիների գեղերի, շողի պատմություններ, մեծի ու լույս աշխարհների մասին: Մերկին սիրում էր գիտակ ծերունիներին հարցնել, թե ի՞նչ է աշխարհը, լուսինը, աստղերը, սրբոյ՞ք կանաչը, որ բուսումն է՝ երկրի քաղցր պակասում է, թե ավելանում: «Բայց այդ գոմերից ու օդաներից դուրս՝ ինքն էր ա իր կյանքը՝ մեղակ, անուրախ, մոխրագույն, չքավոր»:

Նոր կարգերի հաստատման հետ օրըստօրե փոխվում էր Մերկին կյանքը: Մոռացության մատնված մարդը արթնանում էր, բուռն հետաքրքրությամբ մասնակցում գյուղի առօրյա գործերին, պիտեներին հետ ծանր տնկում, խրճիթ ընթերցարանում ունեցողում թերթերի ընթերցանությանը, հուզվում միջազգային դեպքերով այնպես, կարծես այդ ամենը կատարվում է իրենց գյուղում: Մերկին հազանությամբ վրա էր ընկել իմանալու, անվերջ տեսնելու, հասկանալու: Ռժանց կարծիքով Մերկին տարբերակ մարդ է, նույնիսկ ցեղաժառ: Մինչդեռ «Դարերով շորացած նրա հոգին ծարավի էր մտավոր ցողոխ: Տարօրինակությունը թերևս այն էր, որ Մերկին ավելի եռանդով, քան մյուսները, ձգտում էր ազատվել անցյալի մղձավանջից, հաստատել իր մարդկային արժանապատվությունը: Մերկին սկսում էր հասկանալ, որ նոր կարգը ոչ միայն նյութական, այլև իսկական հազար կյանքի սկիզբն է: «Ո՞վ էր տեսել,— ասում է Մերկին,— խրճիթ, գիր, ուսում, թատրոն, շարժացան, արակառու... էս ուղիղն, էս հրաշալիքները: Մեզինց ում են ցույց տվել, երբ են մարդասեղ դրել: Ծոր իրականության հանդեպ Մերկին լըցված էր հիացմունքի և արհուրածի հակադրի զգացումներով: Հիացմունք, երազում շտեմաները տեսնելու և արհուրած, որ խեղձան կյանքը ուղ հասավ իրեն: «Մերկին պատմվածքը բազմաթիվ այլ երկերի հետ գեղարվեստորեն հաստատում էր Վ. Ի. Կենիճի արև հանճարեզ միտքը, թե «Մենք բուլշևիզմի հաղթանակն երթով անցանք հակայական երկրի մի ծայրից մյուսը: Թեև ազատության և ինքնության կյանքի բարձրացրինք աշխատավոր մասնաների՝ ցարկովի և բուրժուազիայի կողմից ճնշված ամենատարիներ խափերը»:

Բնական, անկաշխանդ փոխհարաբերություններ էին ստեղծվել սովետական կարգերի և աշխատավոր մարդկանց միջև: Եթե իրականությունը այնքան մոտ էր ու հարազատ, որ կարծես մարդիկ անցնում էին վաղուց ծանոթ կյանքի արահետներով, իրենց պարտականությունները կատարում փոխհարգանքով, պատասխանատվության զգացումով, երբեմն էլ շափազանց ճշտապահությամբ, ինչպես երաժշտության մեջ: Կամ «Կայսրանի Ակուլը»: Ակուլը երանդ է և զգաստություն: Նա ուշադիր հետևում է կայսրանի կարգ ու կանոնին, օգնում ուղեորներին, խնամում անապատան մանկանը: Կայսրանը և Ակուլը անբաժան են: Դա սկիզբն էր մարդու և աշխատանքի այն բարձր միասնության, որ միջինամար մարդիկ նվաճում էին սովետական կարգերի շնորհիվ:

Բայց Դեմիտրյանը այստեղ կանգ չառավ. դարավոր թմբուկներից արթնացած ժողովրդական կյանքի ակտիվները լցվում էին մարդկային բնավորության նշաններով:

զեցկութիւնը: Կյանքի հզոր շարժման հետ երևան էին գալիս մարդու կոնցեպցիայի բազմազան ասպեկտները: Ինչպիսին է նոր մարդը, ո՞րն է նրա կյանքի իմաստը, ո՞րն է նրա երջանկութիւնը: Այս հարցերի պատասխանը Դեմիրճյանը որոնում էր ամենուր, կյանքի տարբեր բնագավառներում և իր ամեն մի նոր երկրում հայտնաբերում մարդկային բնավորության մի նոր հատկութիւն: «ԸՆԿԵՐՆԵՐ» պատմվածքը հավաստում է հայ ժողովրդի հեղափոխական գիտակցութեան հասունութիւնը սովետական կարգերի հաղթանակի նախօրեին: Մանկութեան տարիներից Ղոնդին և Գրգըլը անբաժան ընկերներ են: Քաղաքացիական կռիվների շրջանում նրանք ընդունվում են կոմերիտիության շարքերը, դառնում պարտիզաններ: Հրամանատարութիւնը նրանց հանձնարարում է կարևոր նամակ հասցնել թշնամու թիկունքում աշխատող կոմունիստներին և պայթեցնել ռազմական ըշանակութիւն ունեցող կամուրջը: Առաջադրանքը չկատարած ընկերները գերի են ընկնում դաշնակցական բանդայի ձեռքը: Հարբած սպան, որ չի կարողանում հարցաքննութիւնը որևէ բան պարզել, բանտարկված ընկերներին տալիս է ատորճանակ մեկ փամփուշտով և ասում՝ կենդանի կմնա և կազատվի նա, ով կսպանի մյուս ընկերոջը:

Այս պայմանը անհեթեթ է թվում միմյանց ջերմորեն սիրող ընկերներին: Սակայն անդադար վեճերից ու տանջանքներից հետո, երբ ամեն մեկը պնդում է, որ ինքը զոհվի՝ մյուսին ազատելու համար, ընկերներից մեկը՝ Գրգըլը ինքնասպան է լինում: Հրամանատարութեան առաջադրանքը կատարում է բանտարկութիւնից ազատված Ղոնդին:

Դեմիրճյանի նախորդ պատմվածքների հիմքում ընկած էին առօրյա, առանձին դեպքեր, միևնույն «Ընկերները» ծավալվում է իբրև սյուժետային արտասովոր հանգամանքների հյուսվածք, որտեղ գործում են արտասովոր կերպարներ: Սակայն ինչպես ամեն մի ճշմարիտ ստեղծագործութեան մեջ, Դեմիրճյանի երկերում նույնպես սյուժեն արտաքին, բովանդակութեան նկատմամբ անտարբեր հատկանիշ չէ, այլ աշխարհընկալման եղանակ, բովանդակացած ձև: Եթե նախորդ պատմվածքներում Դեմիրճյանն արժարժում էր մարդու և իրականութեան, մարդու և աշխատանքի փոխարարելության հարցերը, ապա «Ընկերները» պատմվածքում նա մեկնաբանում է անձնագոյություն հին գաղափարի նոր իմաստը: Ղոնդին և Գրգըլը ընկերներ են բառի բարձր առումով. մի կյանք, մի ամբողջական բնավորութիւն: Դժգոհութիւն երկու շաժանված երկու համանման մարդկանց միջև: Հեղինակը, որ նման դեպքերում որևէ երանգով առանձնացնում և բնորոշում է կերպարը, տվյալ դեպքում կարծես խուսափում է անհատականացումից և դրանով իսկ հարուստացնում անձնագոյութեան գաղափարը՝ մարմնավորված երկու անձնավորութեան մեջ: Դեմիրճյանը հիացմունքով է պատմում իր հնրոսների մասին, պարզ ու հասարակ երիտասարդներ, որ մահվան սպառնալիքը դիմավորում են խիզախ վեհութեամբ, գիտակցելով իրենց գերազանցութիւնը թշնամու հանդեպ: «Տեղ կա, պետք է ապրել, տեղ կա, պետք է մեռնել: Մի կարծիք, թե ամեն ապրել ապրել է»: Այսպես է ասում Գրգըլը, բայց այդ խոսքերը կարող էր ասել նաև Ղոնդին, քանի որ նույնն էր նրանց համոզմունքը և մտահոգութիւնը:

Ընկերացի անձնագոյութիւնը Ղոնդու հոգու վրա իջնում է անեղ ծանրութեամբ: «Արդյոք ինքը Ղոնդին չէ՞ր պատճառը, որ Գրգըլը սպանվեց: Իհարկե՞ս ալ: Բայց

արտաքուստ այդ այդպես էր»: Հոգեկան խռովահոգով վիճակում ետ ապավին է որոնում, իսկ միակ ապավինը պարտքի կատարումն է: «Այո, այո պարտքը կատարել, թեկուզ մեռնել իսկույն»: Ղոնդու խոր վիշտը ոչ թե հուսահատութիւն էր, այլ ակնածանք և հիացում կյանքից հեռացած Գրգըլի հանդեպ, որն իր մահով բացեց իսկական սիրանքի ճանապարհը: Այս ճշմարտութեանը Ղոնդին հասնում է ծանր ապրումներից հետո... Ընկերը պետք է մեռնել, այդպես էր այնժամ բուպեն: Հիմա ինքը պիտի ապրի... այդպես էր րոպեն հիմա»:

Հրամանատարութեան առաջադրանքը կատարելու պահին Ղոնդին անընդհատ զգում է Գրգըլի ներկայութիւնը, մահը կարծես անբաժան ընկերներին վերատիկ միավորել էր մի անձի մեջ. կրկնապատկել զժվար պարտականութիւնը իրագործելու կամքը:

Ո՞ւմ դեմ էին կովում Ղոնդին ու Գրգըլը, ովքե՞ր էին նրանց թշնամիները: «Ընկերները» ընդարձակ պատմվածքում հեղինակը միայն մի քանի էջ է հատկացրել նրանց: Հարբեցող գնդապետ, փախուստով մտահոգված կապիտան, բթամիտ խմբապետ, բարոյական կերպարներից զրկված մարդիկ, որոնք ժողովրդի հանդեպ լցված էին արհամարհանքով ու ատելութեամբ: Սակայն պատմութեան վեճակային պահին բախվում էին ոչ միայն անցյալն ու դալիքը ներկայացնող հակադիր սոցիալական ուժեր, այլև մարդկային հակադիր բնավորութիւններ: Թըշնամիները սնանկացել էին քաղաքականապես, սպառվել մարդկայնորեն: Նրանց մեռնում էր մտածել փախուստի և արտասահմանյան քաղաքներում սպասավոր լինելու մասին: Տարբեր էին Ղոնդին ու Գրգըլը, իսկական մարդիկ, որոնք մարմնավորում էին ժողովրդի ազատագրութեան մեծ երազանքը, ապրում և մեռնում բարձր իդեալների համար: Այս էր Գրգըլի անձնագոյութեան և Ղոնդու հերոսութեան մարդկային իմաստը:

Նոր իրականութեան պայմաններում վերանում էին միջնորմները մարդու և նյութական աշխարհի միջև, հետըզհետև անհետանում էին կեղծ արժեքները, խորհրդավորութեամբ պարուրված իրերն ու առարկաները:

«Պինդ են կալում իրերը» խոսքով է ավարտվում «Իրեր» պատմվածքը: Նյութը կյանքի առօրյա դեպքերից մեկն է, որտեղ իսկական արվեստագետը տեսնում է զժվար տեսանկյուն՝ հեղաշրջվող հոգեբանութեան իրեղեն արտահայտութիւնները: Ուսանող Հրանտի քույրը աշնանամուտին մաքրում է իրենց փոքր բնակարանը, անկյուններից հանում բզկտված հովանոց, քահանա պապի գավազանը, պրիստավների և վաճառականների լուսանկարներ, կարկատած կողիկներ, ծանգոտած բանալիներ և նորից իրեր ու առարկաներ, որ բնակարանը լցրել են «քարալրենի խոսող հնութեամբ»:

Հրանտի քույրը ապրում է այդ անօգտագործելի իրերով, պահպանում հոգատարութեամբ, քանի որ դրանցից ամեն մեկը հիշողութեան անտեսանելի թիկնով նրան կապում է անցյալի հետ և վերաստեղծում անհետացած աշխարհի պարանքը: Բնակարան կոչված փոքրիկ տուփից դուրս քույրը ոչինչ չի նկատում: «Անշարժ, անխախտը սա է, իսկ աշխարհը երկրորդական է, ուրիշները անկարևոր բան»:

«Իրեր» պատմվածքի հերոսուհին Դեմիրճյանի Սովետական շրջանի սակավաթիվ անանուն կերպարներից մեկն է, որ տվյալ դեպքում, մերվելով հին իրե-

քի հետ կորցրել է իր անունը, ինչպես իրերն են կորցրել իրենց բարոյական և նյութական արժեքները: Տարիներ ընթացքում ինչ-որ հարազատություն է ստեղծվել մարդու և անպետք իրերի միջև. իրերը դարձել են մարդու տարերքը, նրա կեցության նախապայմանը: Սակայն խանդավառության զգացումը հին իրերի հանդեպ թեև մեկուսացրել է նրան արտաքին աշխարհից, բայց չի խաթարել նրա մարդկային էությունը և չի մղել սերը եղբոր հանդեպ: Ավելին, անպետք իրերին պիտանություն վերագրելու կիրքը զուրկ էր շահագիտական ակնալուսություններից և չէր նույնանում իրերի հասարակական նշանակության խեղաթյուրված պատկերացման՝ նրանց պաշտամունքի հետ, թեև վերջին հաշվով երկուսն էլ սիսկականատիրական հոգեբանության այլաձևություններն էին:

«Աշխատանքը համայնարանում, բջիջում, շեֆարկյալ գյուղում, հանրաքին գրադարանում և այլ բոլորի հետ իր սիրած գրքերը» Հրանտին անջատել էին հին իրերից ու առարկաներից, փոխադրել կյանքի մի նոր եզրեր, որն հեռու էր անցած ժամանակների հասկացություններից: Հրանտին օտար է, անհասկանալի թրոջ գործակնքը հին իրերի նկատմամբ: Նա կոտրում ու դուրս է նետում քահանա պապի զավազանը, մինչդեռ թրոջ հասկացողությամբ տունը հենց այդ իրերով է հաստատվում: Քույր ու եղբայր, միմյանց անհաղորդ երկու բնավորություն, որոնք կարծես եկել են պատմության հակադիր բևեռներից ու ծվարել նույն հարկի տակ: Հին հոգեբանությունը վերափոխվում էր ծանր ու դժվարին ընթացքով, մեկին կլանում էր նոր կյանքը, տանում իր հետ, իսկ մյուսը դատապարտված էր մնալու հին իրերի գերության մեջ:

Այս և նախորդ մի քանի պատմվածքներում կերպարներն ստեղծվում են մարդկային բնավորության որևէ հատկության խտացման և առանձնացման եզանակով: Մի դեպքում այդ ազնիվ աշխատանքի գիտակցությունն է, մի այլ դեպքում հին իրերից հոգեբանորեն անջատվելու անհնարինությունը: Նույն այս սկզբունքով Գոգալն էր կերտում «Մեռած հոգիներ» պոեմի կերպարները. առանձնացնելով բնավորության կոմիկական որակը:

«Իրեր» փոքր պատմվածքը բազմազան կյանքի մի բեկորն է, բեկոր, որ բովանդակում է դարաշրջանի բախումների փիլիսոփայությունը: Նշանավոր կյանքի նման, որը մի ոսկրով վերականգնում էր վաղուց անհետացած կենդանու կմախքը, Գեմիրճյանն առօրյա, սովորական փաստի մեջ տեսնում էր մեծ կյանքի դիտելիական, մարդկային հոգեբանության վերափոխման հակասությունները:

Սովետահայ գրականության կազմավորման առաջին տարիներին ռեալիզմը հանգես էր զալիս իբրև միտում, իբրև ուղղություն, որը ձևավորվում էր Ն. Չարենցի, Գ. Գեմիրճյանի, Ստ. Զորյանի, Ա. Բակունցի Ն. Զարյանի, Գ. Սարյանի և ուրիշների ստեղծագործություններով:

Գեմիրճյանի «Նրանց ժպիտը» պատմվածքների շարքը իր գաղափարական գիրքավորումով և նոր մարդու փոփոխությունով դարձավ սոցիալիստական ռեալիզմի հիմնաքարերից մեկը: Այս պատմվածքներում և հետագա ստեղծագործություններում Գեմիրճյանի ռեալիզմը համակված է գարմանալի կոնկրետությամբ: Այն միշտ դրսևորվում է պատմականորեն շրջագծված, էնկալելով իրականության գարգացման ներքին ընթացքը և էությունը, Գեմիրճյանի ռեալիզմը միաժամանակ կանխատեսում է զարգացում, օժանդակում նրա հաստատմանը: Շարժման բնույթը

ամեն անգամ որոշվում է պատմականորեն տրված ազգային կյանքի բովանդակությամբ, որը պայմանավորում է նաև ռեալիզմի ազգային երանգը:

«Նրանց ժպիտը» պատմվածքների շարքում Գեմիրճյանը կերտեց ժողովրդական կերպարների մի բազմազան աշխարհ, կերպարներ, որոնք հավաստում էին գրականության նոր որակի սկիզբը: Բնորոշ է այն, որ դրական կերպարները Գեմիրճյանը ներկայացնում է երգիծական երանգավորումներով, բայց դա կոմիկականի տեսություն մեջ հայտնի կյանքի այս կամ այն թերությունը մերժող ծաղրը չէ, այլ մարդու հանդեպ տածած սիրո արտահայտման ձև, տիպականացման եղանակ, որը հատուկ է Գեմիրճյանի արվեստին: Այս պատմվածքներում Գեմիրճյանը իսկական նորարար էր: Նա առաջիններից մեկն էր, որ անգրագարձավ մարդու և ազատ աշխատանքի պրոբլեմին և այն պատկերից իր բնորոշ, էական գծերով: Այսօր, այդ պատմվածքների ստեղծման տարիներից ավելի քան կես դար հետո, երբ Հայաստանի բանվոր դասակարգը դարձել է մեր հասարակական զարգացման գլխավոր ուժը, ավելի ցայտուն է գծագրվում Գեմիրճյանի վաստակի գաղափարական և էսթետիկական բարձր նշանակությունը:

Է. Գ. ԹՈՓՉՅԱՆ

ՍԵՓԱԿԱՆՈՒԹՅՈՒՆ

Գեղեցիկ է կապտաշյա կեմանը... Ասես փիրուզ երկնքի կտոր լինի՝ ընկած Զվիցերիայի և Ֆրանսիայի մեջտեղ և իր երկնայինի կապուտակ անհունն ու անհասկանալի անդորրը հետը երկիր բերած՝ էլ չի ուզում խառնվել այս աշխարհի և ոչ մի գործին: Կապույտ, օտար հայացքը շրջելով իր շորս բոլորը հավաքված ափերին՝ շարունակ խաղերի ետևն ընկած մի ժպիտ ունի, որ անհասկանալի է այս երկրացուն:

Արոտներ, գյուղեր, վիլաներ թափել են իրենց դողդոջ ստվերները նրա վճիտ ալիքների մեջ և երկաթուղու հապճեպ գնացքներ, օղակ-օղակ քանդելով ծխի սպիտակ կծիկները՝ սողում, սլանում են նրա ափերին՝ տանելով ու բերելով մի խառնուրդ աշխարհիս ամեն կողմերից ու ազգերից, որ թափվում են Մոնտրեո, Վրվե, Կլարանս և նրանց գլխին, լեռնալանջին նստած Գլիոն և Կո ամառանոցները ու այլ վայրերը այս հսկայական հյուրանոցի, որի անունն է Զվիցերիա:

Պառկած է կեմանի հյուսիսի ափին անդորրից հոգնած Վրվե ավանը և աչքի տակով նայում իր դեմ արձանացած Սավոյական Ալպերին, որ ոտները դրել լճի կապույտ փեշերին անփույթ նայում են հեռուն: Պառկած է Վրվեն ու ասես քունը տանում է: Նրա օրերը անցնում են օրացույցային խաղաղ կարգով, նրա այգիները կանաչում ու դեղնում առանց աղմուկի, նրա փողոցները լուսանում ու մթնում առանց դեպքերի, տներում մարդիկ ապրում ու մեռնում առանց պատմությունների: Ժնևի ստույգ ժամացույցի պես մի անգամ լարված՝ չկշկում է նա իր մաթեմատիկ ճշտությամբ և

ուչ մի բան չի իմանաբարում նրա կյանքի խաղաղությունը, որ կարծես հաստատված է մի անշնչելի օրենքով:

Միայն լեմանն է, որ գեղեցիկ, քմահաճ գեղունու նման զանազան ջնարդային կծկումներ է անում դեմքի վրա: Մեկ էլ տեսար ճակատը կծկեց ու դժկամեց... Եվ ահա ճերմակ ճայերը հանգեսի ժամանակ օդում թռչող ճերմակ գլխարկների պես վեր ու վար արին, կարծես գրգռելով մոտեցող փոթորկին, որ գալիս մի երկու ժամ գծի պես մի քանի պտույտ է անում լճի վրա և կրկին գնում, կորչում: Եվ ահա տեսար նորից մեղմեց, դալկացավ լճի դեմքը, հայացքը մարեց և անհայտ միտք եկավ խլեց նրա ուշը և տարված իր խոհերին՝ պիշացավ մի հսկայական երազի մեջ:

Ժպտում է լեմանը և ծաղկում են վըվեի փոքրիկ այգիները:

Մի փոքրիկ ձորակ ունի այդ վըվեն, որի հեղեղատի երկու ափերին պառկած են լռիկ այգիներ, ասես մոռացված լինեն, մի խճուղի գալարվելով գնում է այդ ձորակն ի վեր:

Եվ ահա հուլիսի մի շոգ օր այդ ճամփով վեր էր գնում մի երիտասարդ՝ ականջը տված ծղրիղների ձայնին: Մարդ չէր երևում շորս կողմը: Երբեմն միայն զվիցերական ահագին կովը հնչեցնում էր վզից քաշ արած մեծ զանգակը:

Երիտասարդը շոգից նեղացած շորս կողմը նայեց, որ մի սովեր գտնի պատսպարվելու: Բայց սովերը բոլորը այգու մեջ էր: Աչքը զննեց այգուն, բայց շարունակեց ճամփան:

Ո՞վ է, ո՞ւր է գնում այս շոգին, աստված սիրեք...

Ո՞վ գիտե... Օտարականի մեկը, ուս ուսանող կլինի կամ քաղար... գուցե և գործազու սիրող իտալացի, որ իր երկրից մի տեղամ պոկված՝ էլ ոչ այլ երկիր է ճանաչում, ոչ ազգ:

Զգեստներին նայես՝ պետք է որ ուս ուսանող լինի, որ և նշանակում է անարխիստ է — դեմքն էլ ցույց է տալիս, որ շշատ սոցիալիստ է՝ ինչպես ասում է տափակախոս զվիցերացին:

էհ, այդ էտրանժները... ո՞վ է հասկանում դրանց բանը:

Բայց իհարկե խնդիրը այն չէ, թե ով է նա, այլ, որ վերջապես նրան էլ շոգը նեղել սկսեց: Եվ ահա կանգնել շորս կողմն է նայում: Մի առվակ է քրքում ճամփի եզրին: Գրանից մի քայլ դեմք արդու ցածրիկ պատն է: Մի երկու քայլ այն կողմը արտաի կանաչ գոգն է և ծառերի հովանիները: Ինչ անի, որ լավ լինի: Գե ուս

սաստանցին շատ էլ ձևական չէ... մի ոստյունով ցատկեց առուն, քարձրացավ ցածրիկ պատը և այնտեղից ուղիղ այգու մեջ:

Օխա՛յ, ապրի աշխատող ձեռքը. ինչ հիանալի դրախտ: Ամենուրեք քոնել է այգու անուշ բուրմունքը: Պատերի երկայնքով շարված են ծառերը իրենց հովանիներով, որոնց մեջ գոյանում է մի կանաչ պուրակ, որ կթել է պատկառազու կաղնին: Նրա տակին առվակը վազում, գլորում է գույն-գույն քարեր, ծիծաղում փոքրիկ երեխայի նման:

Երիտասարդը նստեց ափին, մեջքը դեմ տվեց կաղնու բնին ու կրկին սկսեց կծկել իր մտքի թելը: Ով գիտե ինչ էր նրա հոգսի առարկան: Չստանալու ամսականները, թե՛ որևէ քաղաքական դեպք, միայն երևում էր, որ միտքը պաշարված այդ համառ խնդրով՝ չէր կարողանում դրա լուծումը գտնել:

Բնությունն էր միայն, որ հոգ չունեի: Նա, այդ անտարբեր ծերուկ-երեխան իր հարկտենական խաղն էր խաղում, առանց միջամտելու, առանց հետաքրքրվելու իր ստեղծած էակների մտադրմունքներով: Ահա խոտերի մեջ տնարար մրջյունը շտապով քաշ էր տալիս մի ահագին սերմի կտոր: Տարօրինակ միջատներ, երկարավուն, պնդակազմ, զրահապատ սև բզեզներ մագլցում էին թփերի ու խոտերի վրա, նորից իջնում, և հետո հանկարծ թռչում, կամ մտնում խոտերի անտառը: Իսկ ականջի մեջ շարունակ այս կամ այն ճանճի միալար վզզոցն է, որ մոտենալիս հանկարծ ուժեղանում է, և մի քանի պտույտ գործելով՝ հեռանում է, կորչում բնդհանուր այլաձայն ու միտքինակ սիմֆոնիայի մեջ: Անմիտ, հանգիստ և ամեն բան մոռացնող մի համերգ, որ միշտ կա բնության մեջ, թեկուզ ուրախ լինես, թեկուզ՝ տխուր: Ինչո՞ւ համար է այս քաղարը: էհ, ո՞վ գիտե: Եվ երիտասարդը կամաց-կամաց վարժվում է բնության այս անհասկանալի աշխատանքին: Մի րոպե խլանում է նրա անքուն հոգսը: Հանգիստ հոգոց է հանում, զգում ինչ-որ ուժերի մի ներքին, գաղտուկ պաշար, հուսադրվում է, և տարվելով բնության այս ընդհանուր կյանքին՝ ընկնում է մոռացոնքի մեջ և գլուխը կախելով կրծքին՝ հանգիստ նիրհում:

— Պարտնի համար այստեղ գուցե շատ համարիստ է, քայց... ներեցե՛ք, պարոն... այգին մասնավոր է, և նրա մուտքը արդելված:

... Երիտասարդը բաց է անում պղտոր աչքերը և անշարժ նստում այս աննորժաշնակ երևույթին, որ իր դեմ արձանացած՝ սպասում է:

— Հաճեցեք վեր կենալու, պարոն, այգին մասնավոր սեփականություն է... և վերջապես...

Երիտասարդը շիտկվեց: Հը, ի՞նչ կա, ո՞վ է: Ո՞վ պիտի լինի, մի սովորական զվիցերացի, մաքուր ածիլած, կարմիր-կլոր դեմքով, շեկունք, կապտաշյա, ժիլետի կոճակները բաց, բաճկոնը թողած տանը, որ երևի շատ հեռու չէր այդ տեղից:

Կանգնել է և սպասում:

— Ինչպե՞ս թե արգելված է, ինչո՞ւ — մեքենաբար հարցնում է ակամա վանդալը և քնոտ աչքերը ուղղելով այդ հաստագլուխ երևույթին՝ նայում նրան:

— Ի՞նչպես թե ինչու: Չե՞ք տեսնում այն տախտակը, որի վրա պարզ գրված է. «Այս այգու մեջ մուտքը արգելված է»:

— Լավ, ի՞նչ անենք, ի՞նչ եղավ այգին մտնելով:

— Այդ դժվար չէ հասկանալ, պարոն: Զվիցերիա ապրողը չպիտի անպետ լինի այդ կանոններին: Այստեղ սեփականությունը հարգված է: Ես ձեզ խնդրում եմ թողնեք այգին:

— Դուք այս այգու տե՞րն եք, — խոսքը փոխեց երիտասարդը քիչ հեզոտորեն:

Զվիցերացին նեղացավ արդեն:

— Պիտի հեռանա՞ք այստեղից թե չէ, պարոն:

— Դա՞ ինչ խիստ ձե է, պարոն: Իսկ եթե չգնամ...

— Ահ, ստիպված կլինեք:

— Զորք կանչել կտաք, չէ՞, — հեզոտորեն երիտասարդը և հետո թր մայրենի լեզվով՝ «Թուհ, ձեր այգին էլ, ձեր հերն էլ, ձեր երկիրն էլ անիծված, վահ, մի բոպե շեն թողնում մարդ հանգիստ իր գլուխը լա այս քանդվածում...»:

Ու բարկացած դուրս գնաց այգուց:

Զվիցերացին ապշած ու անթարթ նայեց նրա ետևից տատանվելով՝ թե արդյոք լավ չէ՞ր լինի քարշ տա այդ վայրենուն ոստիկանատուն և տուգանք պահանջի, բայց մինչև նրա վճռելը՝ երիտասարդը հեռացել էր և շոգից շառագունած այգետերը քրտինքը սրբելով վերադարձավ տուն:

Հեռացավ երիտասարդը և Վրվեի խաղաղ կյանքում՝ ինչպես նրա դուռնի կանգնած լճի մեջ՝ մի քար էլ ընկավ, ալիքավորեց նրան, բայց էլի խաղաղությունը ստացավ իր իրավունքները: Ապրում էր այսպիսով իր անդորր կալվածքի մեջ անտարբեր զվիցերացին և այնուհետև ոչ մի հույզ, ոչ մի դեպք չէր վրդովում նրա լճացած հոգին: Վայելում էր այն բարիքները, որ իբրև մասնավոր սեփականություն բաժին էին ընկել նրան, կարծես այլ կերպ անկարող էր լինել: Իր սեղանի վրա ամեն օր կվայելեր սիրած բուրալից կերակուրները, անհրաժեշտաբար կպարպեր իր հայրենի Վո կանտոնի գինին, կըմպեր մի բաժակ սուրճ, կմանրեր մի քանի բիսկվիտ ու կգնար լճափի զարեջրատունը, կնստեր նրա դուռնի կիսավրանի տակ, կվառեր մի սիգար, կպահանջեր մի բաժակ գարեջուր, կնստեր խաղաղ հայացքը իրենից մի քանի քայլ հեռու կլկացող Լեմանին ու կմտածեր ինքնաբերաբար՝ ինչ որ գլուխը գար:

Ահա մի երկու հարյուր քայլ հեռու՝ դողալով ու հեալով ու իր անիվե թևերով կապույտ ջուրը երկու կողմից ճանկոելով անցնում էր մի զբոսանավ՝ արծաթե փոփուրի մի գործվածք փոելով ետևից: Նավի եզրերն ու տախտակամածը մեղվածեփ փեթակի պես լցված են: Եվ բազմաթիվ հովանոցներ գույն-գույն սունկերի պես երևում են նավի ամեն կողմից և նրանց տակից ուրախ թաշկինակներ փոփոում են, մինչ նավի զարթեցրած ալիքները փախչելով դեպի ափ՝ «2Ը՝ 22», «2Ը՝ 22» ոթմով փշրվում են քարակուտ ափերին: Շուտով ամեն ինչ դադարում էր և նավի անճոռնի ունոցը իմաց կտար Վրվեի նավամատույցին իր գալուստը: Լճափի մայթով կանցներ մի անգլիացի զույգ՝ ուղեզգեստով, կարծես այդ անգլիացիներն էլ ուրիշ զգեստ չունեն: Ահա և պանսիոնի աղջիկներն ուղևորությունից՝ ուղեպարկերը մեջքներին և երկար լեռնացուպերը ձեռքներին: Զորակազմ անգլուհիներ են դրանք՝ իրենց անուղղելի ֆրանսերենով և կարմրաթուշ, կերցրած, լիակազմ գերմանուհիներ, որ լեռնային զբոսանքից շիկնել են մինչև վզերը և իրենց ուրախ ու անիմաստ քրքիջով ահա շտապում են ճնախրնթրիքի:

Իսկ լճի այն կողմը Ֆրանսիան է: Սավոյան՝ բարձրացել, ահագին աշտարակները դրել ուսին, կարծես ուզում է թափվել Լեմանի կապույտ ծոցը: Այդ լեռների արանքներում սևին են տա-

լին անտառներ, իսկ ափին՝ փոքրիկ, սավոյակաւն ավաններ, որ լճի այն կողմից մասնակցում են այն ընդհանուր խաղաղ մրափին, որ հատուկ է Լեմանի բոլոր ափերին:

Թմբուլ է ժակ Բուրդիլինն, գլուխը թեքած կրծքին՝ բոսաանի եզերքից կախ ընկած ձմերուկի նման: Ահա մի հեծանիվ է անցնում մեզմ հնչեցնելով իր բոժոժը: Ժակը բաց է անում իր անտառ աչքերը ու բուժ հայացքով նայում նրան, մայթին, լճափին՝ ու նորից թաղվում բուժ կիսաքնի մեջ:

Արևը մեզմ թեքվում է և Սավոյական Ալպերը իրենց թանձրացող ստվերների միջից ահա ավելի պարզ դուրս են ցցում լայնաբույց երախները՝ ժայռոտ ու սուր ատամներով: Ահա մի քիչ արևելք վալեի հովիտն է երկու հսկայական լեռնապարիսպների մեջ, որ վրան քաշած իր ստվերի վերմակը՝ նայում է գողտուկ նրա կրծքի վրայից Թոնա գետն է գալիս լցվելու իր կապուտակ իջևանը—Լեմանը: Մի քիչ էլ այս կողմ՝ Շիլիոնի դղյակն է ոտքերը խրիլ լճի մեջ ու վերապրում իր արդեն ժանգոտած հիշողութունները: Այս բուսական նրա բազմաթիվ սենյակները լցված են մի բարեխոսական բազմութամբ, որ եկել է տեսնելու Բոնիվարի սյունը և Բայրոնի սենյակը: Պաղ-հետաքրքիր անգլիացիներ, քառասնամյա միամիտ անգլուհի աղջիկներ և տարօրինակ ամերիկուհիներ իրենց կապույտ աչքերով խուզարկում են հինավուրց կամարները, ուր մեծ տարագիրը այնքան բարձր հնչեցրեց իր սրինգը՝ ազատության մի կորովի հրգով:

Ահա հերթով գալիս են Կլարանսը, Մանտրեոն և ահա նրանց գլխին լեռնալանջին Գլիոնը, նրանից վեր Կոն, ուր մագլցում են ֆյունիկուլյորները, որանց շալակին ելնում իջնում է մի խայտաբղետ միլիոնատեր ամբոխ, հավաքված աշխարհիս ամեն կողմից:

Ժակ Բուրդիլինն քնած է արդեն: Նրա այդ տարօրինակ արհեստը իհարկե չի զարմացնում հյուրանոցի սպասուհուն. նա սովոր է այդ համերական տեսարանին: Որովհետև եթե ժակը չի գնացել Մոնտրեո իր վարձու տված տան գործերի համար, եթե դպրոցի շինության մեջ որևէ ընտրություն չկա, եթե աղոթարանը չէ, որ ժամերով նստած հավատացնում է իր «բարի Աստուծոն», որ ինքը լիովին նվիրված է նրան, և եթե վերջապես չի ճաշում, նշանակում է սրճատանը պիտի լինի, ընդունի մի երկու գավաթ գա-

րեջուր ու քնի: Եվ ինչո՞ւ չքնի... Ի՞նչն է պակաս, փառք ասածու, փող կա՞ ուրեմն և ամեն բան կա Զվիցեթիայում:

Իսկ կիրակի օրերը ժակը աղոթատանն է: Կնատեր մի նստարանի վրա, թաթերը «փառք ի բարձու»-ի պես կոցցեր և նրանց արանքում բռնած մի փոքրիկ ավետարան, որ պաստորը սկսի աղոթքը: Ժողովարանը լիքն է աղոթողներով — մի բազմութուն, հավաքված շրջակա վիլլաներից ու տնակներից, ամեն տեսակի ու դիրքի զվիցեթացիներ, զանազան կալվածատերեր, մոմեղեն պառավներ, որ ամենայն անդորրությամբ քիչ-քիչ կրթում են իրենց տարեկան ունեան, ապրում դրանով՝ և ոչ ուրիշի ունեցածին են ձեռ տալիս, ոչ էլ իրենցից բաժին հանում ուրիշներին: Այդ մոմեղեն կալվիթնական պառավները բացի աղոթատուն գնալուց ունեին և մի զբաղմունք — լի օրերը կգնան այս կամ այն վիլլան և հիվանդ «հավատարիմներ» կգտնեն՝ նրանց միթարելու համար: Այնտեղ կան նաև զանազան «քրիստոնյաներ», որ միշտ աղոթում են ինչ-որ երևակայական թշվառների համար՝ նրանցից ոչ միևն չգտնելով իրականության մեջ: Ահա նաև խակ-խակ աղջիկներ, որ իրենց տառիկների պոչից կպած եկել են աղոթելու առանց իմանալու թե ինչ: Եվ վերջապես՝ լրջադեմ պաստորներ, որ մի քանի սանաթմի համար հոգի են տալիս և միշտ քարոզում մի տեսակ անհասկանալի գթասրտութուն:

Բացարձակ լուսթյուն է: Ամենքը գեմքերը խոնարհած նայում են գետնին և աշխատում ներշնչվել: Եվ ահա հանկարծ պաստորը մի բան գտնողի պես արտասանում է՝ «Ազաթքի» և բազմությունը վեր է կենում: Աղոթում են, հետո նստում և մի հոգևոր երգից հետո սկսվում է Ավետարանի ընթերցումը: Կարդում է պաստորը, և մի ուրիշը, որ նստած է նստարանների մյուս շարքում՝ վեր է կենում կանգնում: Չոր գեմք ունի նա, քունքերը ցցված և սառուցե աչքերը հռած դիմացի պատին՝ ահա բացատրում է ընթերցվածի իմաստը:

Ժակ Բուրդիլինն ուշի ուշով ունկնդրում է այդ քարոզին և նայում պատուհանից դուրս: Ահա երևում է կապուտակ Լեմանի մի հատվածը և Սավոյական Ալպերի մի բեկորը: Ահա ծիծեռնակները քամուն տված նետերի փունջի պես սլացան տանիքի վրայով: Եվ այդ բոլորը միախառնված սրբազան գրքի ընթերցանության՝ նրա սիրտը լցնում են մի ինչ-որ հեշտութուն, որպիսով լցնում:

Քարոզը վերջացել է: Երգում են. նա էլ երգում է և այդ բոլոր պատավ, այրի, երեխա և այլ անորոշ ձայների միջից առանձին լսվում է նրա թանձր և ուժեղ տենորը. «Տեր, քեզ միշտ եմ ես հավատարիմ»:

Ժամասացութունը վերջացել է: Եվ ահա ժամավորը ափից ելած գետի պես տարածվում է փողոցներում: Գեղեցիկ, զրոսնելու օր է. Վրվեն ժպտում է իր կապույտ կեմանի պես: Շտապում են տուն: Եվ ժակը ահա ամենից ուրախ շտապում է տուն, ուր իրեն սպասում է մի բուրալից և ճոխ սեղան:

Այսպիսով անցան շաբաթներ, հետո ամիսներ և վերջապես տարիներ: Իր օրենքների վրա հանգիստ քնած Ջվիցերիան ոչ մի փոփոխությամբ չվրդվեց ժակ Բուրդիլիեի միանգամ իրեն-իրեն գծված կյանքը: Ոչինչ չէր փոխվում: Նույն Վրվեն էր, նույն անգլիացիները, գերմանացիները, նույն զրոսանավերը, նույն մանրմունք գործադուլները, նույն ատելի օտարականները: Կանոնավոր ստանում էր իր տնավարձը, կթում իր այգիները: Սրճարանի սպասուհին ամուսնացավ մի գերման-զվիցերացու հետ և զնաց Բեռն: Պաստոր պ. Martin-ը մեռավ: Մի քանի նոր տներ բարձրացան լճափին, բայց նրա կյանքը և նրա այգին նույնը մնացին: Միայն նրա կաղնին ճանկերը ավելի խորն ու հաստատուն ցցել էր պարարտ հողի մեջ և այնտեղից կյանքը քաշում էր բունը: Թռչունները միայն ավելի վախենում էին մտնել այգին, որովհետև ժակ Բուրդիլիեն հաճախ հրացանի ձայներով փոխանցում էր նրանց, որ ծառերը չփշացնեն:

Բայց այս ըստ երևույթին աննշան փոփոխությունների մեջ կար մի բան, որ ծածուկ, դանդաղ, և հաստատուն կերպով փոխվում էր: Մի դավ, անհասկանալի, աներևույթ մի դավ կար, որ նյութվում էր գիշեր ու ցերեկ նրա տան, նրա այգու, նրա սրտի մեջ: Նրա մազերը այդ դավից արդեն սպիտակել էին, ախորժակը պակասել, շուտ-շուտ հոգնում էր ամեն մի դատարկ զրոսանքից անգամ...

Չուզեց բժշկի դիմել, ի՞նչ հիմարություն, կանցնի: Պատվիրեց, որ իրեն միայն սպիտակ միս տան: Բայց շնայած այդ սպիտակ մսին՝ տկարությունը և ծերությունը իրենց գործն անում էին:

Գեղեցիկ, աշնանային պարզ օր էր. ժակ Բուրդիլիեի կաղնին

հագել էր արդեն իր ոսկե պատմուճանը և խորհում մի երկարատև քնի մասին: Ամառվա հանդիսատու թռչունները, ծղրիդներն ու հազարավոր միջատները գնացել էին, հեռացել ասպարեզից: Նրանք արդեն վճարել էին իրենց տուրքը բնության և անցել ոչնչության գավառները, կարծես այն բոլորը իսկի էլ եղած չլիներ: Արևն արդեն թեքվել՝ հիվանդագին նայում էր իր ոսկեգոծության:

Եվ ահա այն կաղնու տակ, ուր մի ժամանակ մի օտարական ապօրինաբար հանգիստ էր առնում, նստած էր ժակ Բուրդիլիեն: Նստած էր, բայց հիմի արդեն կատարելապես հիվանդ, նվոցը կտրած, մագաղաթի դեմքով, մատները վտիտ, աչքերը փոսն ընկած... Արևի ոսկեգոծ լույսը պսպղացնում էր նրա բիզ-բիզ միրուքի ծայրերը: Նստած էր ցածլիկ աթոռակին և նայում մայր մտնող արևին: Ինչ գեղեցիկ էր և օրը ինչ գեղեցիկ է, երբ այդ գեղեցկությունը պտրում ես նրա մեջ: Արևի լույսը՝ վճիտ, ստվերները՝ վճիտ, օդի մեջ հատ-հատ ցայտող ձայները վճիտ և անգամ լռությունը, որ քնքշորեն փարել էր ծառերին, խոտերին, բլուրներին՝ նա էլ վճիտ, վճիտ էր: Քիչ հեռու խոտերի մեջ մրմնջում էր առվակը և ժակ Բուրդիլիեի ուշը գրավում հեռու: Մինչև անգամ նա, այդ անտարբեր ժակը, որ կյանքում ոչ մի քնքշություն չէր արել՝ զգաց բնության այդ մեծ խաղաղությունը և հառաչեց:

Հեռու, հեռու, բլուրների այն կողմը, զվիցերական կովը էլի խաղաղ հնչեցնում էր իր ծանր զանգակը և այդ բոլորը այնպես օրորեցին, որ նա գլուխը կախելով կրծքին ննջել սկսեց: Ոչ մի ժամանակ նա այդպես չէր ննջել իր կյանքում: Իր առույզ և ուրախ վիճակում նա այդ հաճույքը չէր գիտակցել, իսկ հիվանդանալուց հետո երեք տարի է չէր ունեցել ննջելու այդ անդորրը, ննջելու պարզ, բայց և շատ հարուստ հաճույքը:

Արևը ավելի իջավ և ստվերները երկարացրին իրենց վզերը:

Եվ ահա կես-արթուն, կես-քուն մի երևույթ, խաղաղ ինչպես լռությունը և սառ ինչպես աշնան ստվերը՝ եկավ ու մեղմով նըստեց նրա կշտին: Ժակը սկզբում նրան չէր նկատել և անգամ չէր լսում, երբ նա ինչ-որ խոսել սկսեց: Միայն երբեմն նրա ականջին հասնում էին հատ ու կտոր բառեր ու դարձվածքներ, որ նա լսում էր, բայց չէր հասկանում:

Հանկարծ սկսեց ուշ դարձնել... Երևույթը մի հասարակ և

շատ հասարակ մարդ էր, կարծես ժանոթ դեմքով, սակայն որին ժակը շճանաչեց: Աչքերը ուղիղ նրա աչքերի մեջ խոսում էր նա.

— Ժակ Բուրգիլիե, — ասում էր նա, — Ժակ Բուրգիլիե, ապա մի քեզ հարց տուր, ո՞րտեղից հայտնվեցիր դու այս լճափին:

Անշուշտ չգիտես: Միայն աչքդ բաց արիր ու տեսար այս տունը, այս այգին և ամենքը քեզ ասին, որ սա քոնն է լինելու: Վայելեցիր աշխարհիս բարիքները այնպես, կարծես այլ կերպ չէր էլ կարող լինել: Այս ծառի պես ճանկերդ խրել հողի մեջ և ծծում էիր նրա կյանքը. շահագործում էիր այս հողը, որի անունը դրել էին սեփականություն: Եվ ոչ ոքին մի շյուղ անգամ բաժին չհանեցիր սրանից: Ուշ ուշով հետևում էիր քո երկրի մարդկանց ձեռով գրած այն թղթերին, որ օրենք եք ասում, հետևում էիր ամեն մի գեպքի, ամեն մի փոփոխության, որ կարող էր որևէ կապ ունենա սեփականությանդ հետ և դիրք էիր բռնում: Գիշեր ցերեկ մտածումնքիդ առարկան դու էիր և այս սեփականությունդ: Ատում էիր մարդկանց, երբ նրանց տեսնում էիր թշվառության մեջ: Միրտդ գթություն մի նշույլ իսկ մտնելիս՝ երբ աչքերդ դարձնում էիր սեփականությանդ վրա՝ իսկույն փոխվում, քարանում էր, գուժդ ցամաքում: Երբեք սերը, այդ մարդկային հասարակ սերը քեզ չմղեց գեպի ուրիշի թշվառությունը:

Եվ ի՞նչ էիր ամեն կիրակի օր ազոթատուն ժողովված այն կծծի ու շոր սիրտ մարդկանց հետ զահյան տանում ձեր այն էակի, որի անունը դրել եք bon Dieu (բարի աստված): Ի՞նչ էիր գտել այն տխմարամիտ պաստորների բացատրությունների մեջ՝ մեծության մասին մի աստծու, որին ձեզանից ոչ ոք չէր հասկանում: Եվ ի՞նչ էիք զորքերով ու օրենքներով բռնադատում այն խեղճ մարդկանց, որոնք գործարանի մեքենաների տակ սերունդն սերունդ ճզմված ու հյուծված մի քիչ օդ, շունչ էին խնդրում ձեզանից՝ մոռանում էիք ձեր այդ ժեզյու կրիին (Հիսուս-Քրիստոսին), որ ձեզ ուսուցանում էր սիրել ձեր մերձավորներին, և ծեծել ու բանաարկել տալիս նրանց:

Քո ապահովությունը, քո կալվածքը, քո կերակուրները, քո անկողինը և բոլոր հաճույքները երևակայում էիր ընդմիշտ հաստատված քո անունով: Ամբողջ լճափը շղթայել եք ձեր մասնավոր սեփականություններով: Դրել եք բնության վրա ձեր ուստիկանությունը, լցրել եք աստծու աշխարհը այդ ձեր հիմար աախապանե-

րով, որոնց վրա ազդարարում եք ճմուտքը արգելված — երկնային թռչուններին անգամ ոտ գնելու տեղ չեք ուզում տալ և ապրում եք այնպես, կարծես ուրիշ կերպ չէր էլ կարող լինել:

է՛հ, Ժակ Բուրգիլիե, Ժակ Բուրգիլիե, այն հզոր տարերքը, այն մեծ անհունը, որ միլիոնավոր ու հավիտենական ժամանակների մեջ, խաղալով ստեղծագործել է այս վեհապանծ լեռներն ու ձորերը, նա, որ այսպես զեղուն ստինքներով լիացրել է ամենքիդ՝ նրա համար մի շատ էլ մեծ բեռ չես դու: Նա աչք անգամ չունի ունեցվածքիդ վրա, որ և քոնը լի: Միայն մի բան կա, որ երբեք չես ուզեցել մտածես, դա այն է, որ արդեն ժամանակդ է այս կաղնու տակից հեռանալու:

— Ինչպե՞ս, — վախեցավ Ժակը:

— Այո, Ժակ Բուրգիլիե, ժամանակն է, որ գնաս տուն, հանվես և վերջին անգամ մտնես անկողին: Այնտեղ դու կմեռնես, հետո քեզ կտանեն այն գերեզմանատունը, ուր հազար անգամ սրտնեղելով կամ ճաշի մասին մտածելով ուղեկցել ես քո ծանոթներին ու բարեկամներին, հետո այնտեղ կփոսես, հետո... էհ, էլ ինչ հետո. այսպես է աշխարհի կարգը, հերթով ու ժամանակով է ամեն բան:

Սառը քրտինքը պատեց Ժակի ճակատը:

— Աստվա՛ծ իմ, աստվա՛ծ իմ... բայց այստեղ, ուր կյանքիս մեջ առաջին անգամ զգացի թե ինչ անուշ է կյանքը, անդորր նընջելը... ի՞նչ ես ուզում ինձանից, թող մի քիչ մնամ, քանի որ տեսնում ես առաջին անգամն եմ զգում, թի ինչ անուշ բան է եղել արևի այդ պարզ լույսը... Թող քիչ մնամ:

— Օ՛, այդ անկարելի է: Դե՛, Ժակ Բուրգիլիե, երեխա չես, վեր կաց:

— Ա՛խ, այսքան հարուստ աստծու աշխարհին ի՞նչ պիտի պակսի իմ մնալովս:

— Օ, այդ անկարելի է պարոն, սրանից ավելի այստեղ մնալ արգելված է:

— Ո՞վ է այդ արգելքը դնում:

— էհ, Ժակ, Բուրգիլիե, ո՞վ... Սրա տերը:

Եվ հետո հանկարծ բոլորովին սառ և վճռական ձայնով եկվորը հրամայեց.

— Ժա՛կ, վե՛ր կաց...:

Ժակը վեր կացավ... ու գնաց դեպի մահվան անկողին:

— Արգելվա՞ծ է...

Զվիցերացին կյանքի մեջ առաջին անգամ էր մտածում այդ մասին:

1910 թ. Լոզան

ԱՎԵԼՈՐԴԸ

Երբեք Հաճի աղան այդպես անխնամ չէր փոխել քայլերը իրենց տնից խանութ գնալիս: Այն Հաճի աղան, որի փողոցով անցնելն իսկ մի հանդես էր. աղայակա՛ն: Միշտ հաստ շալը վաթսուն-յոթանասուն տարեկան կուզի վրայով վզին փաթթած, երկար իրանը բերընքսիվար ընկնելու պես՝ առաջ թեքած, ուղտի վիզը առջև երկարած, սև ակնոցների արանքից սապատավոր քիթը օդի մեջ խրած, հայացքը դեպի հեռուն, մի կետի՝ ընթանում էր նա: Եվ այդ ֆեսավոր Հաճին ծիսակատարությունների նման անխուսափելի գործելակերպեր ունեւր փողոցով անցնելիս. գիտե՞ր ամեն դար ու փոսի, քար ու ոտնատեղի սովորական պատովածքը, և եթե սայլի, ոտի կամ բնության հետևանքով քարերն ու ոտնատեղերը նոր կարգով դասավորվեին, Հաճի աղան կանգ կառներ, լրջորեն կկշռեր նոր ոտնատեղի վտանգի շափը, իր դեղնած գավազանի ծայրով բախելով, կստուգեր ոտը դնելիք քարի հավատարմությունը և, գավազանը ցիխի կամ ջրի մեջ դիմհար տալով, զգուշ աքլորի պես ոտները գետնից պոկելով ու վար դնելով, գերագույն խնամքով կանցներ վտանգավոր տեղը:

Տաս տարի առաջ միայն՝ իր անդրանիկ որդուն թաղելիս՝ Հաճի աղան թույլ տվեց, որ իր կապույտ մահուդ շալվարի տոտերը ցեխոտվեն, և մեկ էլ այսօր, երբ իմացավ, որ թուրք զորքը, ռուսներին նեղելով, հաղթական մոտենում է իրենց փոքրիկ սահմանամերձ քաղաքին:

Ասենք, այսպես դեկտեմբերի ցրտին Հաճի աղան դուրս եկողը չէր, այն էլ այս ցեխին, որ գոյացել էր սայլերի ու զորքի տակ կոխկրտած ձյունից՝ հակառակ որ միշտ այս ամսին գետինը սառած էր լինում:

Անհանգիստ էր վերի՛ն աստիճանի: Արդեն մի շաբաթ է, ականջին դիպել էր, որ թուրքը գալիս է:

Փորձված, կյանքի շար ու բարուն տեղյակ՝ Հաճի աղան, որ տեսել էր 1877 թվի ռուս-տաճկական պատերազմը, երբ թուրքը կարծես բնականորեն հաղթվում էր, այն Հաճի աղան, որ «քրդանոցներում ու թուրքանոցներում» զելվել, առևտուր էր արել և շատ անգամ էր ավազակների ձեռից աղվեսի պես պոչը պրծացրել, նա լավ գիտեր, որ երբեք չեն սպասի՝ վտանգը գա ու փեշիցդ բռնի.— պետք է ժամանակին որսալ խուսափելու անկրկնելի վայրկյանը:

Բայց այս անգամ վրիպեց... Եվ շարաշար:

Երբ մտավ շուկա, փորձված աչքերով շահից հրապարակը և զինվորների ու խանութպանների եռուզեռում մի անկարգություն նկատեց, որ նրան գուր չեկավ: Մոտեցավ իր խանութին. խանութը կիսափակ էր: Ներս մտավ՝ թուրք կուլ տալով: Իր քառասնամյա որդին շտապով ապրանքը դարակներից թափում էր մի տոպրակի վրա: Գեր ու կլոր տղամարդ էր նա և հևում էր փուքսի պես. քրտնքի կաթիլները շարվել էին նրա շեշտ, կարմիր երեսին:

Հաճու աչքերը մթնեցին: Ածիլած կզակը հաստ բեղերի տակ գողաց, և նա բառերը լիտտելով՝ մրմնջաց.

— Շմավո՞ են... ի՞նչ կենիս...

Շմավոնը հորը տեսնելով՝ ավելի մռայլվեց և մեղավորի պես, կործես ինքը լինել աղետի պատճառը, չպատասխանեց և աչքերը գետին գցեց: Իբրև թե՛ «հա՛», իմացի՛ր, մեռել էս:

Եվ իսկապես, կարծես մարդ էր մեռել, կաղ գործակատարը տաբուրետ քաշեց Հաճի աղայի առջև և ասաց.

— Բան չկա, Հաճի աղա, նստե:

— Ջանքմ, ի՞նչ «բան չկա». ֆուրղո՞ւն բռնեցեք...

— Միսաքը գնաց խանը՝ բռնելու, — պատասխանեց Շմավոնը:

Հաճի աղան շնտոցեց. ծուղակն ընկած մկան պես կարծես ելք որոնելով, նայեց շորս կողմը և դուրս եկավ, որ դուրսն էլ նայի: Բայց հարևան խանութներում առևտուրը եռում էր. խանութպանները հանգիստ էին երևում: Իրենց հարևանը, Կորկոտենց Եղիշը, լուրջ և առիտով, ինչպես ամեն օր, ահա բան է կռում կազակների համար: Հանգիստ է նա իր բահի մարուքով և ընկույզի խոշոր աչքերով: Ութ երեխայի տեր է. եթե «նահանջ» լիներ, նա ավելի շուտ պիտի անհանգստանար: Եվ Հաճի աղան մոտենալով նրա խանութին՝ հարցրեց նրան.

— Եղիշ, ու ի՞նչ կըսեն, թուրքը գոռի՞ր է:

— Այդպես բան կա՞, չգիտե՞մ... մեր բակի ֆետպլպիլը ըսավ՝ ա՛հ չկա, — պատասխանեց Եղիշը և շարունակեց իր առևտուրը եպիսկոպոսական արժանապատվությամբ: Հաճի աղան կանգնեց նրա խանութի առջև՝ շիմանալով ի՞նչ անի: Նրա մոտից անցնում էր դյուրզար Պողոսը, որ իրեն ձեռ առնող զվարճախոսներից մեկին պատասխանում էր.

— Ա՛տամ՝, ինչ օր ուրիշներու գրլի՞ ան ա թող մեզի ըլի. աշխարհովի չէ՞:

— Ինձ աչե, — ձայն տվեց հեռու խանութից ձեռ առնողը, — հազրվե՛, կամենդանթը քեզի համար կառեթ պիտի գրկե, որ փախչիս:

— Կառեթը զանգիններուն² համար է. սաղ ըլին օտքերս, — հանգիստ պատասխանեց առողջ արհեստավորը և շուտ տվեց ուրիշ փողոց:

Հաճի աղային զայրացրեց այս շարագուշակ զվարճախոսությունը, և այն է՝ հեռանում էր Եղիշի խանութից, որ ներս մտավ նրա ժրագլուխ աշակերտը և իբրև անմիտ քայլի վրա ծիծաղելով՝ զեկուցեց.

— Խանը ինչ ֆուրղուն օր կա՞ հատը հարուր, հարուր իցցուն մանեթով բռներ են:

Հաճին զգաց, որ բերնի թուրք ցամաքում է:

— Ի՞նչ... բռնե՞ր են... մեր Միսաքը հո՞ն էր, — հարցրեց շնչասպառ:

— Հոն էր, հրմը չկրցավ բռնե, — պատասխանեց թարմ ու անհոգ ձայնով աշակերտը և ավելի վերցնելով, սկսեց ուրախ ուրախ ավլել խանութի սանդուղը:

Հաճի աղան շտապեց իր խանութը և դողդողալով վրա պրծավ իր որդուն.

— Ի՞նչ ես էրիր... Ֆուրղունները ձեռքե բա՞ց ես թողիր... գերդաստա՞նս մնաց...

Շմավոնի կարճ ու գնդիկ մարմինը շիտկվեց: Նա իր քրտնած, շեշտ դեմքը բարձրացրեց և ապրանքը գողնոցի մեջ՝ նայեց հորը: Հայացքներն իրար հանդիպեցին, և նրանք իրար հաս-

¹ Մարդ:

² Հարուստ:

կացան, Հաճի աղան շարագուշակ ժպտով գլուխք հանդիմանորեն շարժեց.

— Յուրդուն գտի... տղա՛քս ձեռքե կերթան... տունս...

Շմավոնը դեմքը կնճռոտեց:

— Զանըմ, Ֆուրդուն ինչո՞ւ պիտի չըլի,— բարկացավ նա և, ապրանքը թափելով, յուղոտ գոգնոցով քրտինքը սրբեց ու գլորվող տակառի պես կողքե-կողք ընկնելով, դուրս գնաց:

Հաճի աղան երկար նայում էր իր որդու թաղիքե վալիկներին, նրա տափակ փափախին և կարմիր շարֆին. մերթ երևում, մերթ կորչում էր զինվորների բազմության մեջ, մինչև որ անհետացավ: Հաճի աղան դուրս եկավ խանութից և բռնեց տան ճամփան:

Հասնելով տուն՝ դռան մոտ ոտները շքեց երկաթե քերիչին, ինչպես անխախտելի պարտականությունն էր հաճիինց տանեցի-ների, և ներս մտավ, իր մեծ հարսը, որ տան միջանցքում բուրդ էր ձաղկում, Հաճուն տեսնելով՝ տիրացուի վարժությամբ, իբրև ծիսակատարության որոշ տեղը, ձայն տվեց.

— Շողո՛ւ, Հաճի աղաս էկավ, դայֆան բեր:

Բայց երբ Հաճի աղան մրթմրթաց, «Հարամ ըլի՛ դայֆան»՝ հարսին այնպես թվաց, թե երազումն է, կամ մի անասելի դժբախտություն եկավ իրենց տան գլխին: Վրա ընկավ Հաճու ոտներին, հանեց նրա կաշվե կալոշները և, տեսնելով Հաճու շալվարի ցեխոտված տոտերը, վախեցած գնաց խոհանոց՝ տանեցոց իմաց տալու:

Հաճի աղան մտավ «մեծ օղան» և կանգնեց մեջ տեղը տխուր՝ արձանի պես:

Ներս մտավ Հաճի աղայի կինը, Հաճի մարը, մի ժիր ու նիհար կին:

— Ի՞նչ է, Հաճի աղա,— հարցրեց:

— Ի՞նչ պիտի ըլի. թուրքը գուքա, հազրվեցեք:

— Օ՛ֆ, ամա՛ն, Հաճի աղա, «թուրք, թուրք» առել անցել ես, քաղաքը լիքը սալդաթ է:

— Գլխեդ շատ մի դուրս տա, հազրվե՛, — հրահանգեց Հաճի աղան:

— Թուրք չկա, չկա. դայֆադ խմե, — արագախոսեց ժիր կինը և դուրս գնաց:

Այդ միջոցին Հաճի աղայի թուրք, Շողոն, մի կարմրաթուշ աղ-չիկ, դուռը ձեռներով ներս բերեց կաթով սուրճը:

Հաճի աղայի մեծ հարսը բերեց կապույտ փոռցը, փռեց միև-դարի առջև, կարպետի վրա, առավ աղջկա ձեռքից սուրճը, որ գնի փոռցի վրա: Բայց Հաճի աղան մոռնալ կախ, հուզված և դժկամ՝ ձեռով արավ, որ սուրճը տանեն դուրս: Այս արդեն այնպես ազդեց հարսին ու աղջկան, որ նրանք խորտակված իրար նայեցին, կարծես երկրի հաստատությունը խախտվեց: Հաճի աղան սուրճ չխմի՛...

Մեծ հարսը ձեռքով արավ Շողոյին, որ դուրս գնա, ինքն էլ դուրս եկավ՝ ինչպես հիվանդի սենյակից, որ շանհանգստացնեն նրան:

Հաճի աղան գնաց, ծալապատիկ նստեց մինդարին և թթվեց: Մտքերով շփոթված հայացքը գցեց իր տան սարք ու կարգին, կարծես օտարական լինելու. Սենյակը խաղաղ էր: Մինդարները, մութաբանները, խալիները իրենց տեղից այնպես հարազատ և դաշն խաղաղությամբ նայում էին Հաճի աղային, և այնպիսի մի հաստատունություն կար այդ առարկաների մեջ, որ կարծես ոչ մի գորություն խախտել չէր կարող: Տարօրինակ թվաց մի վայրկյան այն խոռվությունը, որ ընկել էր իր սիրտը, և պատուհաններում հանգիստ դրած այն ծաղկի փայտե թաղարները, որ հաճախ լվանալուց ճերմակել՝ փայլում էին, կամ սենյակի երեք պատերի տակով փռած մինդարներն ու պատերին կպցրած երկար բարձերը անվեր-դով պատմում էին խաղաղ հրավերքների, ուրախ հարսանիքների, անխոռվ օրերի մասին:

Եվ այդ բոլորը ահա այսօր անհաստատ բաներ էին: Այսօր իսկ կարող էին այդ ամենը լքվել... Դեռ տաս տարեկան հասակից իր հոր հետ ճամփորդելով «քրդերն ու թուրքերը», նրանց հետ առևտուր անելով՝ ահա վաթսուն տարի է տուն է շինում Հաճի աղան: Եվ հիսուն տարի, կանոնավոր ժամացույցի պես խաղաղ շքեացել է նրա երջանիկ տունը և ահա այսօր պետք է քանդվեր: Եվ ինչպես ջրում խեղդվողը հանկարծակի արագությամբ հիշում է իր անցած կյանքի մանրամասները, այնպես Հաճի աղան հիշեց իր անցյալը, ինչպես հանգիստ քուն դրեց և թաղեց հանգուցյալ հոր կողքին իր մորը, հիշեց 1877-ի պատերազմը, որ նրա համար անցավ իբրև իրեն չվերաբերող մի փոթորիկ... Միտքը բերեց, ինչ-

պես երեսուն տարեկան երիտասարդ՝ իր կենդը տարավ Երուսա-
ղեմ... ինչպես այնուհետև ձմեռ, գարուն նրա տանը տոն էր ու
հարսանիք, նրա կյանքը առևտուր էր, ապրանք ու հարստություն:
Հետո որդիները եկան հասան, ամուսնացան, բեղմնավորվեցին:
Պեմեն, ամեն ինչ եկավ իր կարգով ու եղավ, կարծես այդպես դա-
տավ, և այդ տունը այսօր քանդվում էր:

Ի՞ր տունը, հի՛ն տունը: Արյունը գլուխը խփեց: Ի՛նչպես, իր
բնտանիքը, հարստությունը, այդ նույնքան հիմնավոր բանը, որ-
քան ինքը՝ աշխարհի հաստատությունը...

Նվ Հաճի աղան, իբրև փորձված մարդ՝ իսկույն հարմարվեց
կենսական իմաստության. որոշեց խիստ ու հրամայական մի
կարգ՝ ազատել ամենակարևորը, իսկ եթե այդ շեղավ՝ կարևորա-
գույնը: Վճռեց ու դաժանացավ. — ամեն ինչ անել, ամեն խստու-
թյուն գործ դնել, անգթանալ, թեկուզև ստորանալ, բայց փրկել
այդ կարևորագույնը՝ իր տունը, իսկ եթե այդ շեղավ՝ իր անձը:

Կողքի «պզտի օղալում», թիթեղե փեճի վրա, հեռավոր գուռ-
նայի պես ծվծվում և ղժժում էր գյուղումը՝ և սենյակի տաք ու
լար օդը բարեխառնում ախորժելի խոնավով:

Հենց այդ փոքրիկ սենյակում, անկողինների ծալքի տակ
նստած էր մի տարեց կին: Դա Հաճի աղայի անդամալույծ քույրն
էր, Սրբունը, որ ամուսնու մահից հետո լվացք անելիս մի անգամ
սաստիկ մրսեց, տիֆով հիվանդացավ և անդամալույծ եղավ. էլ
չիմացվեց՝ տիֆի՞ց էր, թե արդեն տրամադիր էր: Ականջներն էլ
ծանր էին: Հաճի աղան իր անվան շուտեցրեց. որ իր հիվանդ քու-
ջը ուրիշները պահեն և իր վրա խոսեն. հիվանդին բերեց իր տուն
և անկյուն տվեց: Խեղճ կինը, ի բնե աշխատասեր և ինքնասեր,
ուզելով մի բանով եղբորը վարձահատույց լինել՝ ընտանիքի կարն
ու կարկատանը, ինչպես և գուլպան իր վրա առավ. ու թեև նրա
համար սաստիկ դժվար էր այդ աշխատանքն էլ, բայց նա անմը-
տունչ ու կամովին անում էր: Գեր էր, ծանր և սաստիկ նեղութամբ
նստած տեղից շարժվում էր և գետնաքաշ մի կերպ դուրս գնում:

Հաճու նստած տեղիք երևում էին նրա ուռած մատները, որով

1 Պզեճե ջրաման:

նա ծնկան վրա փռած մի կտոր հարդարում, շուռումուռ էր տալիս,
նորից հարգարում, չափում ինչ-որ մի կարկատանի համար:

Այդ մատներն սպիտակ էին, կարծես ջրով լիքը: Նվ այնքան
խաղաղ, առօրյա էր այդ մատների աշխատանքը, որ բուրբուխ
չէր. բռնում օրվա խոտվիչ դեպքերին:

Հաճին նայեց անդամալույծին, բայց շտեսավ նրան: Նա սեն-
յակի իրերն էր մտովի տեղավորում ֆուրգոնի մեջ և որոնում էր
ամենապետքական իրերը:

Հետո մի տասը-քսան անգամ վեր կացավ, պատուհանից
դուրս նայեց՝ փողոցի շարժումներից մի բան գուշակելու համար:
Փողոցում շարժում չկար, կարծես ամեն ինչ խաղաղ ժամանա-
կինը լիներ:

Բայց ահա մթնելու վրա էր, որ խառն ձայներ լսվեցին: Հա-
ճին վեր թռավ և շտապեց դեպի պատուհանը: Մի քանի մարդիկ
անցան պատուհանի տակով՝ խանութի ապրանք շալակած, որ
տուն էին կրում: Դրանց հետևեց մի սահնակ՝ անտանելի ծանր բե-
ռով, բուրբուխ կին ու երեխա, ետևից տղամարդիկ՝ ոտով: Հարևա-
նենք էին: Այդ առաջի սահնակը այնպես ազդեց Հաճուն, ինչպես
մի հիվանդի մահը, որ թեև առաջուց սպասելի էր, բայց դեռ այն-
պես չէր ազդում: Բայց երբ վերջապես սպասելին փաստ է դառ-
նում, մի դաժան ու սառը բան է զգացվում, որ առաջ չէր կարելի
երևակայել: Ու մինչ Հաճի աղան դուրս կգար գնացողներին բռն
հարցնելու՝ հանկարծ իրենց տան դուռը դուռաց: Ներս ընկավ Հաճի
աղայի կրտսեր որդին՝ Հակոբը, և նախասենյակից հուզված ու
կտրուկ ձայնով կանչեց.

— Ապրա՛...

Հաճի աղան վազեց դեպի նախասենյակի դուռը:

— Հակոբ՛բ... — հարցրեց շնչասպառ:

Հակոբը ցեխոտ ոտները հագիվ սրբած՝ «Թուրքերը եկան,
փախչինք պիտի» ասելով՝ շնչասպառ ներս մտավ և հարձակվելով
անկյունները դրած սնդուկների վրա՝ սաստիկ ուժով առաջ քաշեց:

Հաճին մոտեցավ օրդուն.

— Տուրդուն բռնեցի՞ք...

— Տուրդուն չկա, խզակ՝ բռնեցինք:

Հաճի աղան ընդունեց այդ առաջին մեծ հարվածը. բայց կյանքի բովում զելված մարդը իսկույն անդրադարձավ, որ խորհրդածութեան ժամանակ չէր. պետք էր ոչ միայն հաշտվել այդ աղետի հետ, այլ եղածն ազատել: Եվ ի՞նչ պիտի տեղավորվի մի սահնակի վրա... Հաճի աղան ավելի խստացավ.

— Տե՛, ազատելո՛ւն ազատեցեք... ամենն պետքականը...

Հակոբը քանզեց իր կավագույն բաշլըղը, հանեց դեղնած հաստ վերարկուն և, հարձակվելով սնդուկների վրա, այնպես ուժով առաջ քաշեց, որ զոռից դեմքի ու վզի երակները ուռան:

Իրար ետևից ներս լցվեցին և դռների մոտ արձանացան Շոդոն, Շմավոնի կինը, փոքր հարսը և մի հարևանի կնիկ:

Հաճին մոտեցավ Հակոբին և թևը բռնելով՝

— Խելքդ մի՛ կորցնե, — հրահանգեց, — ինչ որ պետքական է, անձ ժողվե:

Հետո տանեցոց հրահանգեց.

— Ամենն պետքական բաները ժողվեցեք, տեսե՛ք ճամփան կմնաք:

Հարևանի կնիկը, որ լուռ ականջ էր դնում սրանց, տեսնելով, որ տան բոլոր անդամները գործի անցան, դիմեց Հաճի աղային:

— Հա՛ճ աղա, օտա՛ցդ մեռնիմ, դուք կերթաք, մենք ի՞նչ պիտի էնենք:

— Եսի՛մ, — կտրեց Հաճի աղան. — իմ ձեռքս ի՞նչ կա:

Հարևանի կնիկը, որ դառն աղքատի վիճակին էր և համարյա Հաճի աղայի տան գործն անելով՝ մի կտոր, մի փշրանք ստանալու հուսովն էր՝ սարսափեց: Նա կարծում էր, թե աշխարհն այնպես է շինած, որ չի քանդվիլ երբեք. իսկ եթե քանդվի էլ, Հաճի աղան երևի բան կգիտենա դրա դեմ անելու: Չանի էլ ու գնա՛ մի բան կանի իր նման անճարներին:

Բայց Հաճի աղայի շոր ու դաժան պատասխանը սթափեցրեց խեղճ կնկան: Եվ տեսնելով, որ իրեն նայող չկար, հառաչեց ու ցուրտ գնաց:

Ու մինչ տեսցիք հավաքում էին իրերը, Հաճի աղան սկսեց անցուդարձ անել սենյակում՝ իբրև տխուր ուղտի կերպարանք: Նայում էր անկարգացած սենյակին, ուր իրար վրա թափված էին «անպետք» ու «ավելորդ» իրերը, տեսնում էր իր տան քանդվելը, բայց հուսահատությունից չէր զգում ցավը: Ավելի մեծ զուլումը

աչքին բան չէր թողնում. երևալու նա դեղնել, մագաղաթ էր դառնել: Տնեցիք շորերը կապում, նորից քանդում և կրկին ընտրում էին, և շարունակ լսվում էր. «Հաճ աղայիս գուլպաները», «Հաճ աղայիս դոշակը», «Հաճ աղայիս քուրքը շթողնեք»: Շմավոնի կինը կողքից նայելով Հաճի աղային և տեսնելով նրա մեռելադեմ երեսը՝ դիմեց նրան.

— Հաճ աղա, կոնյաք ըմ խմե՛ս:

Հաճի աղան լուռ էր, տխրատեսիլ արձանի պես: Նրա բերանը հուզմունքից դառնացել էր, և նա թուրք կուլ տալիս դեմքը ծամբոտում էր: Բայց ներքուստ շտապում էր և դիտում տանեցոց աշխատանքը: Եվ մտայլ, խստացած բերդապահի պես՝ քանի գնում իր բերդի զանազան իրերի արժեքը վերադնահատելով կարգադրում էր. «Պետքականները, պետքականները», մերթ սարկազմով. աղաչում էր. «Աստու սիրուն, հասկցեք. աս պետք չէ, ա՛ն», իսկ վերջը՝ կռիվը ոգևորողի պես՝ սկսեց քաշալերել. «Տե՛, տե՛, տե՛. հա՛, պապամ հա՛... պետքականները, պետքականները»: Ու այսպես «պետքականները» կրկնում էր ծիսակատարության ձայնով և զգում էր, որ մեծ գործ է կատարում, տուն է ազատում:

Իսկ այդ միջոցին մյուս փոքր «օղայում» նստած էր անդամալույծը և հանդարտ՝ աչքի տակով նայում էր իր եղբորը: Վերին աստիճանի խաղաղ էին նրա խոշոր ու մարած աչքերը, որոնց տակերը կապտած՝ պարկեր էին գոյացել: Նրա դեմքը ուռած, հիվանդագին ճերմակ էր:

Բայց նրան ոչ ոք չէր նկատում:

Տնեցիք արդեն պատրաստ էին, երբ դառն մոտ խզզալով ու դոփելով՝ կանգնեց մի ծանր մեծ սահնակ: Շմավոնը կարմրած, այլայլված՝ նստել ապրանքներով լի տուրակների վրա՝ սահնակը բերում էր տանեցոց տանելու: Նրա գնդիկ մարմինը վար սողաց տուրակների վրայից. և նա ներս ընկնելով շնչասպառ գուժեց.

— Զուլումը տեսա՛ք... խանթին ապրանքը մնաց... Ֆուրղուն չկա...

— Վո՛ւո՛ւլ... — ծնկները ծեծեցին հարսները և նայեցին Հաճի աղային:

Հաճի աղան ուղտի տխրութեամբ նայեց Շմավոնին և լռեց.

— Տե, Հաճի աղա, հագի՛ր, էրթանք, — ասաց Շմավոնը և շուրս գնաց:

Շմավոնի կինը աթոռ բերեց, որ Հաճի աղան նստի. հետո փոքր հարսի ցղնությամբ Հաճի աղայի ոտները հագցրին մի երկ-
բորդ շալվար ևս:

Այր ժամանակ «պզտի օղայից» խուլ հեծկտոցներ լսվեցին:

— Ատ վո՞վ է,— հարցրեց Հաճի մարը և ներս գնաց:

Հարսները հետևեցին նրան: Ինչ-որ բան խոսեցին անդամա-
լույծի հետ, որից միայն լսվեց Հաճի մոր ձայնը.

— Հաճի աղան չի սառի ճամփան, մի վախենա:

Եվ նորից սկսեցին խոսել:

Հաճի աղան բուժ հանգստությամբ իր մեջ նկատեց, որ նա
ամբողջ օրը չէր մտածել անդամալույծի մասին. և հիմա՝ մտածե-
լով անախորժություն զգաց: Եվ ոտը կոխելով շալվարի մեջ՝ խո-
սեց.

— Ի՞նչ է, ի՞նչ է էղիր:

— Հեչ,— պատասխանեց փոքր հարսը,— Սրբունը գուլա:

— Ան ինչի՞ է ձեռք ու ոտք էղիր, ո՞ւր պիտի գա,— խոսեց
Հաճի աղան բարկությամբ և մտքում զայրացավ, որ անդամալույ-
ծը ինքն իր բերնով չի հայտնում, թե համաձայն է մնալու և ուրիշ-
ներին է թողնում այդ բանը հայտնելու անախորժությունը:

Փոքր հարսը զարմանքով լի աչքերը հռոնց Հաճի աղային.

— Սրբունին պիտի թողնե՞նք...

Հաճի աղան ծաղրեց:

— Է՛, խանումս, տեսնինք ես ու դուն պիտի էրթա՞նք...

Հաճի մարը, որ դուրս էր դալիս անդամալույծի սենյակից և
լսեց այս վերջին խոսքերը, սարսափեց.

— Քա, ձունը գլխուս, Սրբունին պիտի թողնե՞նք...

— Ե՛ս եմ թողնողը,— հարեց Հաճի աղան,— տեսնինք խզա-
կին վրա տեղ կա՞:

— «Տեղ կա՞ն» ինչ խոսք է, Հաճի աղա, աքբան մարդս զո
կերթանք...

Եվ Հաճի մարը անընդունելի համարելով ամեն պատճառա-
բանություն՝ փոքր հարսին ձայն տվեց. ինքն էլ գնալով փոքր
սենյակը.

— Եսթե՛ր, օղուս, Սրբունին հագցրու՛:

Անկյունում մինդարի վրա ծալապատիկ նստել էր անդամա-
լույծը և՛ գլուխը ծնկան վրա կախած՝ աչքերն էր սրբում:

Հաճի մարը ծովեց նրա գլխին.

— Սրբո՞ւն, քո՞ւրս, ինչի՞ գուլաս:

Անդամալույծը շպտատախանեց:

Շմավոնի տղան, ուժ տարեկան կարոն, որ ներս էր եկել և
հետևում էր սրանց խոսակցության, բացատրեց.

— Թուրքերեն կվախենա:

Տիրեց լռություն:

— Ինչ էնեմ,— լացակումեց անդամալույծը,— Հաճ աղաս շատ
է վախեցե, վախենամ թե ճամփան ցավի գա:

— Ատոր համա՞ր գուլաս,— զարմացավ Հաճի մարը,— ջա՛-
նրմ, մեր դարդը մի՛ քաշի, հազրվե՛...

— Ե՛ս,— տխրածպիտ նայելով Հաճի մորն ու փոքր հարսին՝
ասաց անդամալույծը,— ես չեմ գա:

— Ինչի՞,— հետաքրքրվեց Հաճի մարը:

— Դուք ձեր հոգիներն ազատեցիք, ես անդամալույծ եմ.
ասօր կամ, էգվան շկամ,— պատասխանեց անդամալույծը տխուր
համակերպությամբ:

— Անդամալու՞յծն ինչ խոսք է, ջա՛նրմ,— հանդիմանեց Հաճի
մարը,— հոգին հոգի է, հազրվե՛:

Հաճին մեծ սենյակում անցուդարձ էր անում և լսում այս
խոսակցությունը: Հաճի մոր պնդումները նրան զայրացրին, և նա
իր կնոջը ձայն տվեց.

— Թե՛զ էրա, ատոր վախտը չէ՛:

Հաճի մարը դուրս եկավ անդամալույծի սենյակից և աչքերը
հռոնց Հաճի աղային.

— Հեչ կմտածե՞ս, թե ի՞նչ կըսես:

Հաճի աղան ձեռք առաչ պարզած՝ հարձակվեց կնոջ վրա:

— Տեղ չկա՞... կիմանա՞ս... — գոռաց, խեղդելով իր ձայնը,
Հաճի աղան և շեշտեց «կիմանաս» բառը:

— Է՛,— հակաճառեց Հաճի մարը,— բեռդ պաղսեցո՞ւ՝ տեղ
զըլի:

— Է՛,— տնազեց Հաճի աղան,— բեռդ օր պաղսեցնես՝ տղաքդ
ինչո՞վ պիտի պահես. աշխարհ խո չվերջացավ:

Եվ Հաճի աղան բաշլըզը փաթաթեց:

— Զա՛նրմ, գնացիք, իմ պատճառովս մի՛ք ուշանա, Հաճ
աղաս մեղք է,— տրտնշաց անդամալույծը ներսից:

— Այդպես բան չկա, մենք կերթանք, դուն ա պիտի գաս,— հրահանգեց Հաճի մարը և դուրս գնաց կառապանին տեսնելու։

Հարսները ներս եկան, և մինչև անգամ երեխաները բոլորեցին անդամալուծի առաջ։ Բայց նա տեսնելով, որ ամենքը իրեն են նայում և սպասում, վեր նայեց խաղաղ ու բարի աչքերով և ասաց.

— Դուք գնացեք, ինձի մի՛ք աշե, ես կմնամ, իմ ջանա ազիզ չէ։

Այդ ժամանակ ներս մտան Հակոբն ու Շմավոնը և սկսեցին լորս կողմ նայել, թե ինչ կա էլի վերջնելու։

Հարսներն սկսեցին սրանց աղաչել, որ անդամալուծին համոզեն իրենց հետ գալու և տեղ գտնեն սահնակի վրա։

Երկու եղբայր իրար նայեցին լուռ ու դժվարացած, հետո դեպի Հաճի աղան, որ լսեց հարսների աղաչանքը։

Հակոբը կեղծավորութուն արավ.

— Հը՞, Շմավո՞ն, ի՞նչ կըսես, ապրանքը թեթևեցնե՞նք...

Շմավոնը դեմքը կնճռեց ժլատի պես, որից փող են խնդրում։

— Զգիտեմ, ի՞նչ ըսեմ...

Ու դուրս գնաց։

Երեխաներն սկսեցին լաց լինել։

— Սրբուն մամին թուրքերը պիտի մորթե՞ն...

Եվ ընկնելով անդամալուծի վրա, փաթաթվեցին նրան և սկսեցին համբուրել։

Սա զրկեց նրանց և փղձկաց.

— Աստված հետներդ, գառնե՛րս, գնացեք, ինձի մի՛ք աշե։

Հարսները լցվեցին և երեխաներին քաշեցին մի կողմ։

Հաճին մի երկու անգամ գնաց-եկավ մեծ սենյակում, հետո՝ մուշտակը հագած՝ եկավ փոքր սենյակը և մոտեցավ քրոջը։

— Է՛, Սրբուն,— ասաց նա դժվարությամբ ու տհաճությամբ,— մնաս բարով։

Եվ ձեռք դրեց նրա ձեռի վրա։

— Մի՛ վախենա, թուրքերը քեզի ձեռք չեն տա. եր օր ներս մտնին, ըսե՛ «տունը ձեզի», ինձի ձեռ մի՛ք տա։

Շմավոնը, որ ներս էր մտել, հարեց.

— Ըսե՛ «սիրըն օճախա դյուլմի՛շըմ», ձեր օճախն եմ ընկե։

Անդամալուծը դողդոջուն ձեռքերով բռնեց Հաճի աղայի ձեռքը, տարավ շրթունքներին և համբուրեց։ Մի արցունքի կաթիլ նրա

աչքերից գլորվեց, ընկավ Հաճի աղայի ձեռքին։ Անդամալուծը ծոցից թաշկինակը հանեց և սրբեց եղբոր ձեռքը և ապա՝ մի զույգ «դժտիկ»՝ ձեռնոց հանելով մինդարի տակից՝ տվեց Հաճի աղային։

— Ձեռքե՛րդ անցու՛՛ ճամփան շմսիս։

Հետո փղձկալով՝ վրա բերեց.

— Քոռանա՛ լուսս... տղոցը համար չկրցա գործե։

— Բան չկա, բան չկա,— սառը հանգստացրեց Հաճի աղան։

Հետո դարձավ տնեցոց.

— Դե՛։

Ու ինքը դուրս գնաց։ Հաճի մարը այնտեղ չէր։ Ըստ երևույթին գնացել էր հարևանների մոտ՝ անդամալուծի համար տեղ գտնելու։

Հաճի աղան, ընտրելով սահնակի ամենահարմար տեղը՝ նրստեց, փաթաթվեց վերմակի մեջ ու մնաց։ Եվ որովհետև տնեցիք ուշանում էին,— անշուշտ անդամալուծին համոզելու համար, որ գա,— Հաճի աղան բարկացավ և գլուխը վերմակի տակից հանելով՝ ձայն տվեց.

— Թեզ էրեք, ատոր վախտը չէ՛... «էկա՛ն»...

Ու շտապով դեմքը ծածկեց վերմակի մեջ, որ չմտնի։

Բայց ներսը ուշանում էին։ Շմավոնն ու Հակոբը հասկանում էին Հաճի աղայի հաշիվներն ու խստությունը։ Գիտեին նրանք, որ կյանքի իմաստությունը հենց այդ էլ պահանջում է։ Եվ տեսան էլ, որ հոր վճռական քայլերի շնորհիվ բավական ապրանք են ազատում և իրենք էլ փրկվում են։ Նրանք հասկանում էին, որ հայրն իրավացի է՝ գնահատելով ժամանակը. պետք էր հասկանալ նաև նրա իմաստությունը. ա՛յն, որ իրենց հարստությունը էլ իրենցը չէր, այլ միայն իրենց փախցրածն էր իրենցը։ Եվ ահա հաշտվեցին, որ իրենց հայրը խելոք է մտածում՝ անդամալուծին թողնելով և ապրանքը տանելով։ Ո՛վ գիտե, օտարություն է, պետք է ապրել, նոր տուն շինել։ Աշխարհք հո չվերջացավ...

Եվ այսպիսի դեպքերի հասկանալի արագությամբ հաշտվեցին, որ անդամալուծը ավելորդ էր իրենց մեջ։

Եվ որովհետև ուրիշների հետ համեմատած՝ իրենց «հաջող» փախուստը, մահից փրկվելը, վտանգից դուրս գալը մի փոքր

¹ Ընտիր բուրդ։

բարձրացրել էր նաև նրանց տրամադրությունը, նրանք մինչև անգամ սկսեցին կատակել.

— Մենք կերթանք հարսնիք՝ հորքուրս կմնա տունը պահելու:

— էրկու օր չի քաշե՛ մենք ետ կդառնանք:

— Թուրքերը խանում-խաթունի պես կաշեն հորքուրին:

— Ջանըմ, անդամալուծին ո՞վ կդիպչի:

— Հե՛շ, հըլպը՛տ օր:

— Քեֆը հորքուրինս է:

Իսկ հարսները, որ լավ գիտեին Հաճի աղաչի անկոտրում բնավորությունը, տեսնելով՝ իրենց ամուսիններն էլ անհոգ են, հավերթի պես համակերպվեցին ու լռեցին:

Եվ լաց լինելով՝ հագցրին երեխաներին: Հետո մոտեցան անգամալուծին, համբուրվեցին նրա հետ: Հետո բերին մի քանի կարտոֆիլի մոմ, հացի մի մեծ կապոց, ջուր, լուցկի, դրին անգամալուծի մոտ և «օ՛ֆ, օ՛ֆ» անելով՝ դուրս եկան:

Դուրսը, թաղի մեջ մեծ տազնապ էր: Լուսամուտներից ու բաց դռներից դուրս ընկած լույսերի շերտերում բացվում ու խփվում էր բազմությունը:

Գլուխները հաստ շալերով փաթաթած ապլաններ, բաշլըղներով տղամարդիկ, շարֆերով տղաներ ու աղջիկներ՝ իրար անցած՝ խոնաված էին դռների առջև, սահնակների ու ֆուրգոնների շորս կողմը: Աղմուկ, վայնասուն... Ահա ծերուկ ժամկոշը, որի շոր, ածիլած կզակը դողում է, ընտանիքով մնացել է առանց սահնակի. ոտքով պիտի գնան: Մերուկը գլուխը կորցրել՝ երեխա է դառել: Կինը դայակի պես ետևից քշում է այս ու այն կողմ: Ահա ճամփա ընկան՝ առանց բռտի ու հագուստի: Ահա մի հասակավոր մարդ կռվում է իր հարևանի հետ, որը նրա կառապանին ուզում է մի բան ավել տալ և սահնակը խլել: Երկուսն էլ ձիու սանձերը դեսուգեն են քաշքշում:

— Աստված սիրողը իմտա՛տ հասնի... մնացի՛նք...— գոռում է մի կին անպատասխան ժխորի դեմ:

Մի ֆուրգոն, իրերով ու մարդով սարսափելի բեռնած, եկավ գեմ առավ Հաճիենց սահնակին:

— Խաբարդա՛, — գոռաց կառապանը իր մուշտակի միջից:

Մի դեմք՝ շեկ ու կոշտ բեղերով ու մորուքով՝ դուրս նայեց ֆուրգոնի առաստաղի տակից:

Գատարանի գրագիրն էր:

— Ի՞նչ եք կայնե, — գոռաց.

Ուրիշ երկու ֆուրգոն էլ եկան դեմ առան: Սկսեցին շտապեցնել: Գրագիրը գոռոգաց: Նրան բացատրեցին, որ անդամալուծի պատճառով են Հաճիենք կանգ առել:

— Ի՞նչ եք կայնե, գնացեք, — ձայն տվեց գրագիրը, — անդամալուծ տանելու վա՛խտ եք գտե, бросьте её к чорту!

— Կնկան թողնեն, էրթա՛ն, ի՞նչ կըսես, — առարկեցին ֆուրգոնի միջից:

— А что-ж: Պռավիլա՛ է, ի՞նչ է: Եփ օր էվակուացիա է, անդամալուծները ավելորդ են:

— Տե, թեզ էրեք, ուշացանք, — կատաղեց Հաճի աղան և ուզեցավ տեղից վեր կենալ, որ գնա, տեսնի, թե ինչ են անում ներսը:

Այդ ժամանակ Շմավոնն ու հայ կառապանը՝ Հաճի մոր թևից բռնած՝ բռնի դուրս էին բերում: Հաճի մարը զայրացկոտ շարժումներով աշխատում էր թևերն ազատել և ներս գնալ նորից անդամալուծին բերելու:

— Թողե՛ք, ես անոր պիտի տանիմ, — ծվում էր նա:

— Տեղ չկա, մա՛րս, տեղ չկա, — համոզում էր կառապանը:

Բայց կինը կատաղի գիմադրում էր:

Հարսներն ու երեխաները լաց էին լինում: Իսկ ֆուրգոններից բողբոջում և շտապեցնում էին:

Շտապով հարսներին և երեխաներին տեղավորեցին սահնակի վրա: Հաճի մորն էլ բռնի բերին, ղցեցին սահնակի վրա:

Հենց որ նա ընկավ հարսների և երեխաների մեջ, կառապանը մտրակը կատաղի զարկեց ձիերին: Սահնակը թռավ, և կառապանը ձիերի կողքից վազեց:

Շմավոնն ու Հակոբը մնացին դռանը: Մեկնելուց առաջ մի պահ սպասեցին և նայեցին իրար: Պետք էր ներս գնալ և վերջին անգամ տեսնել անդամալուծին: Պատուհանից երևում էր սենյակի լույսը: Երկու եղբայր ներս մտան, մոտեցան անդամալուծին: Սա հանգիստ նստած էր, և այդ խաղաղությունը բոլորովին չէր բռնում այն ընդհանուր շփոթի ու երկյուղի հետ, որ պաշարել էր ողջ քաղաքը:

Հակոբը մոտեցավ նրան:

— Հորքոր ջան... ավել-պակաս հալալ... — և փղծկալով բըռնեց համբուրեց անդամալույծի ձեռք:

— Աստված հետներդ, գառներս, գնացեք... Հաճ աղայիս, տղոցը լավ աշեցեք, ըմսին... — խոսեց անդամալույծը հոգածու ձայնով:

Շմավոնը կեղծ ու շիտակ զգացվեց, բերանը ծովոնեց, նա ևս մոտեցավ, համբուրեց անդամալույծի ձեռք և, անարցունք աչքերը սրբելով՝ դուրս եկավ: Նրան հեռեց Հակոբը, որ դուրս գալիս շտապեց և դիպավ Շմավոնին:

Եվ երկու եղբայր ֆուրգոնների կողքից վազեցին, որ հասնեն իրենց սահնակին:

Քաղաքը տեղից վեր կացել՝ գնում էր: Ֆուրգոններ, սահնակներ ու նրանց կողքից հեռակա մեծ ու փոքր շարաններ շփոթված, աղմկելով գնում էին: Երբ Շմավոնն ու Հակոբը հասան իրենց սահնակին, ետևից քաղաքը լուսավորվեց շուկայի հրդեհով, իսկ ֆուրգոնների կտավե ծածկոցները սկսեցին փոփոալ թեթև քամուց:

— Հո՛ո՛ո՛փ, — ձգեց իրենց առջևից գնացող ֆուրգոնի կառույանը և կանգնեցրեց ֆուրգոնը: Նրան հետևեցին մյուսները, և բուրբը կանգնեցին:

— Ինչի՞ կայնեցիք, — դժգոհեցին և վախեցան զանազան կողմերից: Բայց ոչ ոք չէր իմանում՝ ինչու: Միայն երեխաների ճիչն ու կանանց լացը ավելի պարզ լավեց աղմուկի միջից: Քաղաքի կողմը, դեպի արևմուտք, որ թաղված էր մթան մեջ, լսվում էին թնդանոթի խուլ դղրդյուններ: Տագնապը սաստկացավ քարվանի մեջ: Հաճու թոռները սկսեցին հեծկլտալ:

— Սրբուն մամին մորթե՛ն պիտի...

Հաճի մարը, որ մինչև այդ խստահայաց ու անհաշտ նայում էր շորս կողմ, լսելով երեխաների լացը՝ հանկարծ լցվեց և հեծկլտաց:

Երեխաները տեսնելով նրա լացը՝ ձայները բարձրացրին:

Թնդանոթի ձայներից Հաճի աղայի երևակայությունը վառվեց: Նա ավելի պարզ սկսեց շոշափել մահը:

Եվ հրդեհի մեջ պաշարվածի պես՝ նա զգաց, որ տարերային մի ուժ նրան միայն մի բան է թելադրում. փախչել, շուտով դուրս գալ մահի ճիրաններից: Մնացածը՝ կին, երեխա, ընկեր, բարեկամ՝ նսեմացավ նրա աչքում: Եվ ապամահ: Եվ նա զգում էր, թե

որքան դառն է այդ «ակաման», բայց և զգում էր, որ այդ այդպես է:

Նա կարծես ցնորքի մեջ լիներ. նայում էր շորս կողմ և, ամեն առարկա մի վայրկյան տեսնելով, մյուս վայրկյանին մոռանում էր: Կարծես երազում՝ նրա մոտով, ճամփի եզրով, իրենց հարևան կոշկակար Պողոսը, ուժեղ երիտասարդ՝ յափնջու վրա երկու երեխա նստեցրել՝ քաշ էր տալիս ձյան վրայով: Նրա ետևից հեալով և ընգնեցալով գնում էր նրա ծերուկ հայրը: Ահա հոգնեց նա, եկավ կանգնեց և ճամփից դուրս գալով, գնաց խրվեց ձյան մեջ ու մնաց:

— Ալ չեմ կրնա... գնացեք...

Նայում է նրան Հաճի աղան և իսկույն մոռանում է:

Ահա քարվանը նորից շարժվում է: Լեռնային սառնամանիքը իր սառցե մատներով բռնում է Հաճու մորուքը, և նա դեմքը ծածկում է վերմակի տակ:

Փշում է լեռնային քամին և ձյան փոշին, առաջ օձերի պես սողալով և ապա բարձրանալով իբրև վիշապներ, թռչում են օդի մեջ, նվում, վայում...

— Աստվա՛ծ, դո՛ւն հասնիս, — մրմնջում է Հաճի աղայի փոքրը հարսը:

Մեծ հարսը երեսը խաշակնքում է և սկսում «Հավատով խոստովանիմը» բարձր և զգացված:

Իսկ շալի մեջ Հաճի մարը կծկված՝ մտածում է անդամալույծի վրա և ծանր հառաչում:

Սուր վտանգն ու աղմկալից սարսափն անցել էին, տեղի տալով մի խաղաղ թշվառության, որ ընդունեց փախստականներին հետևյալ քաղաքի մեջ: Հանկարծակի աղքատներ, մի ժամում անտունացած մեծատուններ, ի ծնե շքավորներին խառնված՝ եկան ապաստանելու՝ ամեն կարոտություն շուտահող, ամեն ինքնասիրություն հաշվող բարեգործության և նրա միշտ ուշացող օգնության: Բարեգործականի, դպրոցի և մասնավոր անբնակ տների մեջ խցկեցին սրանց. բերին հաց, շոր, դրամ, նաև մխիթարական խոսքեր, և նման դեպքերի գթառատության ալիքը ինչ վարարությանմբ որ հորդեց, նույն արագությանմբ էլ ճապաղեց, և թշվառությունը հիմա այլևս անարգել ու հաստատ անցավ իր գործին:

Հաճիենց քաղաքը շուտով ետ առնվեց: Տղամարդիկ, որոնց

մեջ և Հակոբն ու Շմավոնը, վերադարձան տեր լինելու իրենց այրված ու կողոպտված գույքերին: Լուրեր եկան, որ գնացողները քիչ-քիչ հաջողում են կորածը գտնել: Փախստականների երեսը իստակվեց: Հաճի մարը իր հարսների հետ դուրս էր գալիս, այցելում մյուս փախստական ընտանիքներին, հյուրեր էին գալիս իրենց տունը, և հին մեծատան հյուրասիրությունը փորձեր էր անում հին ընթացքով քայլելու: Միծաղն սկսեց երբեմն իր ձայնը լսեցնել նրանց տանը: Մի անգամ էլ եկավ իրենց քաղաքի զվարճարան Գարանը և պատմեց ծիծաղելի դեպքեր, թե փախից և թե թուրքերը քաղաք մտնելուց, որ վերադարձողները լսել էին և եկել, տարածել: Ներկայացրեց մի վաճառականի, թե ինչպես էր շփոթվելուց մութ-բան գրկել՝ մինչ երեխան կողքին ընկած լալիս էր: Լուում էին, ծիծաղում: Հետո խօսք եղավ անդամալույծի վրա, որի մասին եկողները միաբերան ասել էին, որ անհայտ կորած է, և որի մասին տնեցիք աշխատում էին կամ շխոսել կամ մխիթարվել, ասելով, որ եթե գար՝ միևնույն է՝ ճամփին կմեռնել: Հաճին ավելի մոայլվեց: Այդ տեսնելով՝ Գարանը համարձակ և ուրախ հանդիմանեց:

— Ջանըմ, Հաճի աղա, բան չունի՞ս, չարդ տարավ. սաղ ըլին հարսներդ, տղաքդ, թոռներդ:

Սակայն Հաճի աղան խորտակված էր:

Այնուհետև ժամերով մի բառ չէր լսվի նրա բերանից: Նստում էր մի անկյուն, ծխում, համրիչը պցում և երբեմն միայն գլուխն օրորելով մրմուռում:

— Է՛, ե՛թ, թո՛...

Եկած օրից ոչ մի անգամ փողոց դուրս չեկավ:

Քաղաքում ծանոթ-բարեկամներ եկան, իրենց տուն հրավիրեցին, կտրուկ մերժեց:

Տնեցիք սկսեցին անհանգստանալ: Հաճու այս արտակարգ խռովությունը նրանք իսկապես կորցրած հարստությանը վերագրեցին և կարծեցին, որ կարող է ծերուկը խելքը կորցնել. ուստի և լուր ուղարկեցին Շմավոնին, որ ինքը կամ Հակոբը գան: Պատասխան չեկավ:

Հունվարի սառն ու պարզկա առավոտը նոր էր բացվում. որ Հաճի աղան անկաղնում նստեց: Հաճի մարն ու հարսները՝ երեխա-

ները ծոցերն առած՝ քնած էին փոքր ու նեղվածք սենյակում, որ Հաճին դիտմամբ վարձել էր, մերժելով ձրի սենյակը:

— Հաճի աղա՞, ինչի՞ էլար ասպես թեղ,— անհանգստացավ Հաճի մարը և նույնպես նստեց իր անկողնում:

— Ուշացիր եմ,— մոմոաց Հաճի աղան և սկսեց հագնվել:

Հաճի մարը աչքի տակով ուշադիր նայեց Հաճու դեմքին և նկատեց նրա աչքերում մի տխուր համակերպություն: Վեր կացավ, օգնեց որ հագնվի, ջուր բերեց, լվացվեցրեց: Հաճին վեր կացավ և գավազանը առավ:

— Ո՛ւր,— հարցրեց Հաճի մարը մի փոքր վախեցած:

— Ժամ պիտի էրթամ:

Հաճի մարը զարմացավ, բայց շրթունքը կծեց: Դրդեց հարսներին, որ վեր կենան, և ասաց, որ իրենք ժամ են գնում. հարսները զարմացած նայեցին Հաճուն, բայց Հաճի մարը դողունի մատները դրեց շրթունքին, որ շխոսեն:

Դուրս եկան փողոց և ձնբրի ու սառույցների վրայով անխոս գնացին եկեղեցի: Երբ մտան եկեղեցու բակը, Հաճու դեմքի մկանները ցնցվեցին: Նա դողողուն շրթունքները հպեց եկեղեցու քարե դռան, համբուրեց, երեսը խաշակնքեց և՛ կզակը դողացնելով՝ ներս մտավ եկեղեցի:

Առավոտյան ժամ էր, և եկեղեցին թափուր: Երբ ավարտվեց, Հաճի մարը առաջարկեց, որ գնան տուն. բայց Հաճին մերժեց և մնաց իր տեղում շոքած: Սպասեցին պատարագին: Շուտով եկավ մեծ հարսը: Եվ հարս ու կեսուր քաշված մի անկյուն՝ սկսեցին փսփսալ. Հաճի մոր համար պարզ էր, որ Հաճի աղան հոգեկան հիվանդ է դառել: Սկսեց աղոթել, տրորվել:

Չօքել էր Հաճին և ավելի մտածում էր, քան աղոթում: Հաճի մարը նայեց նրա սքած երևույթին, կորացած մեջքին, դեղնած մազադաթե դեմքին, ծխից կարմրած բեղերին և ճերմակ, ցախցախ մորուքին, որոնց վրա փախից հետո ածելի չբանեց, նայեց Հաճի մարը և զգաց, որ ծերուկի վիշտը շատ խորն է:

Մի մինդար քաշեց ծերուկի տակը, բայց սա մերժեց: Եկեղեցին լուռ էր, ցուրտ: Խնկի դուրեկան հոտը դեռ օդի մեջ: Ահա արևի ծիրանի սյունները պատուհաններից կախվեցին ներս: Եկավ ժամկոչը, հետո քահանան, կամաց-կամաց աղոթավորը շատացավ, սկսվեց պատարագը: Հաճին անշարժ ու հանգիստ նստում էր:

իր առաջ, պաղ քարերին: Միայն երբեմն, երբ արծաթագուլիս տեր-
տեղը շուռ էր գալիս դեպի բազմութունը և հորից լավող ձայնով
ասում էր «խաղաղութուն ամենեցուն», Հաճին գլուխը կախ էր
զցում և երեսը վախեցած խաչակնքում:

Երբ գնացին տուն և ամենքը շարվեցին «դաստախունի» շուր-
ջը և սկսեցին թեյ խմել, մեծ հարսը բերանը մոտեցրեց Հաճի մոր
ականջին.

— Գիտե՞ս, Հաճի աղաս տերտերին, տիրացուին բռերը մեկ-
մեկ օսկի դրեց:

Հաճի մարը սառած նայեց հարսի երեսը, հետո վեր թռավ և
գնաց դուրս և այնտեղից նշանացի կանչեց հարսին իր մոտ:

— Ե՞րբ, աղջի...

— Դուն սեղանին էիր մոտեցե, աղոթք կենեիր, — պատասխա-
նեց հարսը, — աղքտներուն ա մեկ-մեկ օսկի տվեց...

— Զէ, ջանըմ... — հեաց Հաճի մարը հուզմունքից:

— Աչքովս տեսա:

— Հը՞... — խոռվեց Հաճի մարը, — ձեզի բան կըսեմ՝ չեք իմա-
նա: Աման, աստծու խաթեր, Հաճիս ձեռքն գնաց, տնե՛-օճղն
հեռու...

Եվ սկսեց ծնկներին տալ ու տրորվել:

Հարսը պատմեց տեղով, որ իր աչքով տեսել է:

Հաճի մարը նորից ներս մտավ, իրեն զսպեց և հարսներին
աչքով արավ, որ ուշք չդարձնեն Հաճու վրա: Ու սկսեց հսկել նրան:

Երեխաները դուրս գնացին ձյունների վրա խաղալու: Հարսները
սփռոցը վեր քաղեցին, նորից մի թեթև ավելեցին սենյակը, որ
առավոտյան խնամքով ավել էին, փայտ ավելացրին թիթեղի վա-
ռարանին և գնացին «աշխանան»՝ կերակուր եփելու: Հաճի մարը
նստեց Հաճի աղայի դիմաց և, դիտելով նրա ամեն մի շարժումը,
քպասեց, որ նա մի բան ասե:

Բայց ո՞չ մի նշան, թե ուզում է խոսել: Նրա լուրջությունը ցույց
էր տալիս, որ խորին ու մշտական խռովքը և ներքին տաժանելի
մի աշխատանք դուր էր գալիս նրան:

Մի պատկեր կար, որ երևակայության մեջ ամբողջացնում էր
նա: Դա նրա կիրքն էր, որ նրան և սարսափեցնում էր և ուրախաց-
նում: Նա տեսնում էր անդամալուծի դիակը և աշխատում էր նա-
չել նրա սառած, բաց աչքերին: Ճգնավորի, մոլուցքի մեջ ընկած

հավատացյալի կրթով նա հետևում էր այդ պատկերին և աշխա-
տում էր երբեք, ոչ մի վայրկյան աչքից բաց չթողնել: Ինքը, միայն
ինքը եղավ այդ սարսափելի պատկերի ստեղծողը: Դա իր մեղքն
էր, ցածությունը, իր անգթությունը: Եվ ինչքան երկար նայում էր
այդ դիակին, այնքան կսկծում էր իր սիրտը և այնքան էլ հաճույք.
հանգիստ էր զգում: Անդամալուծը դառավ մի սուրբ, մի պաշտելի
սուրբ նրա համար: Նրա դիակը սրբազործում էր ծերուկի մեղաս-
լից սիրտը: Ահա ինչու նա կառչել էր նրան:

Բայց այս ապաշխարողի թեթևացումը երբեմն էր միայն: Լի-
նում էին բուսներ, որ նա զգում էր, թե խելագարվում է: Այդ
պատահում էր, երբ նա պայծառ գույներով պատկերացնում էր ի՞ր
խսկ մահվան օրը, կամ երբ հիշում էր իր սարսափները փախի գի-
շերը: Հիմա էր հաշիվ տալիս իրեն և զգաստորեն հաշիվ տալիս,
որ հենց այդ սարսափներն է կրել իր քույրը, այն արհամարհված
էակը, որի մեռնելը ինքը ցածոգի կերպով ա՛յնքան հեշտ և հաս-
կանալի համարեց փախի օրը: Եվ ինչպե՞ս կարելի էր թողնել նրան
մահվան առջև, և կա՞ արդոք մի արարած, որ շտանջվի մարմնա-
կան ցավից, չվախենա մահից և իրավունք չունենա ապրելու: Եվ
ի՞նչ համակերպությամբ ընդունեց անդամալուծը իր համար որո-
շած վիճակը և ի՞նչ անձնվեր հոգատարությամբ նա մտածում էր
փախչողների ապահովության մասին: Սա արդեն խոցում էր Հա-
ճու սիրտը: Եվ երբ Հաճին հիշում էր, թե ինչպես ինքը անկարող
եղավ կյանքի սերը՝ մեռցնել իր մեջ և դիմանալ մահվան մերձեց-
ման, մինչդեռ այն հասարակ, շնկատված էակը այնպես արիա-
բար վճարեց իր տուրքը, Հաճին խայթված վեր էր բարձրացնում
իր խոնարհած գլուխը և խելագարի պես նայում Հաճի մորը:

— Հաճի աղա՞, — արթնացրեց նրան իր կինը:

Հաճի աղան նայեց նրան խորասուզված հայացքով և լռեց:

— Ախր, մեմ ըսե տեսնեք՝ ի՞նչ կմտածես, — հանդիմանեց
Հաճի մարը:

Հաճին լուռ էր:

— Թե կորուցածդ է միտքդ ընկե՞ տղաքդ սաղ ըլին. ինչի՞
կմտածես: Թե Սրբունին վրա է միտքդ՝ բան չունի՞ս. անքունե՞րը
մեռան, ավելի ազիզները... լավ կըսեիր, թե «ան ավելորդ է»:

Հաճին մոռալ նայեց իր կնոջը և գլուխը օրորեց:

Եվ նա սաստեց խտտահայաց նայելով Հաճի մորը.

— Սո՛ւս... ավելորդ մարդ չկա. աստծու առջև հոգին հոգի է:
Հաճի մարը զսպվեց:

— Օ՛Ք, — հառաչեց Հաճի աղան, — գնա, սատկող շանը հար-
ցուր, թե սատկելը դուա՞յ՛ բան է:

Նրա դեմքը տխուր էր, աչքերը խորն ընկած, իսկ անաժիլած
կզակի ու այտերի ճերմակ մորուքի ցախերը նրա դեմքին տալիս
էին խստակյաց ճգնավորի երևույթ:

Մի շաբաթ անց Հաճի աղան պառկեց անկողնում: Երևի ժա-
մում մըսել էր: Քրտնացրին, ֆելդշեր բերել տվին: Ոչինչ օգուտ
չեղավ: Եվ մի երեկո ճրագ վառելու ժամանակ Հաճին տերտեր
ուզեց: Հաճի մարը ծնկներն էր ծեծում և գողունի նայում Հաճի
աղային, որ տեսնի, թե վտանգն անցնում է, թե ոչ:

Եվ մինչդեռ տնեցիք, թաքցնելով իրենց հուզմունքը, սպասե-
ցին մի պահ ևս, որ գուցե թե Հաճին ինքը մոռանա և էլ չպահանջի
տերտերի գալը, Հաճին հանգիստ և պարզ կրկնեց, որ տերտերի
պետք ունի: Կանչեցին: Եկավ արծաթազարդ տերտերը, որ բնազ-
գով իմանալով, թե հիվանդը մահամերձ է, հետը բերել էր հաղոր-
դությունը:

Տնեցիք բուրվեցին հիվանդի շուրջը: Տերտերը ձեռով արավ,
որ հեռանան, հասկացնելով, որ հիվանդին պիտի խոստովանեց-
նե: Բայց Հաճի աղան խնդրեց, որ մնան: Եվ բարձր ձայնով, մո-
լեռանդ հույզով խոստովանեց: Պատմեց, թե ինչպես ինքը թողեց
անդամալուծին:

— Մեղա քեզի՛, մեղա, — լացեց և համբուրեց ավետարանը:

Տերտերը մխիթարեց և հաղորդություն տվեց:

Եվ երբ հիվանդը հաղորդություն առավ, գողգոջուն ձեռը տա-
րավ բարձի տակը և, հանելով թղթի մեջ փաթաթած մի քանի ոս-
կեղրամ, տվեց տերտերին:

— Աս քեզի, — շշնջաց նա և, հանելով մի ուրիշ քսակ, գող-
գոջուն ձեռով մեկնեց տերտերին ու աչքերի երեխայական արտա-
հայտությամբ նայեց նրան և ուզում էր մի բան ասել, բայց մնաց-
չունը կտրվում էր. ստատիկ հուզված էր:

— Աս ո՛ւմ, — հարցրեց տերտերը՝ կուսնալով նրա վրա:

— Ո՛ւմ տաս... — մրմնջաց հիվանդը և լռեց:

Արտասուքը խեղդեց նրան: Շունչ առավ և հառաչեց.

— Ադ ա տուր աղքատներուն...

Եվ խլելով տերտերի փեշը՝ համբուրեց և մղկտաց.

— Ավելորդին հոգուն համար...

¹ Հեշտ (թուրք.):

ՏԵՐՏԵՐԸ

— Լվացքդ պրծա՞ր, իրիցկին:

Գնդլիկ իրիցկինը սապնոտ մատով սղալեց ականջին թափած դեղնավուն մազերը, շիտկվեց և նայեց հարցնողին:

Տիրացուի կնիկն էր, չոր ու ցամաք, մնոտ երես, կարմիր մազ: Եկավ ծամոնը բերնում ծոմռելով ու թեշիկը օրորելով նստեց երկար գերանին:

Իրիցկինը քրտնամխած հևում էր: Կլոր կարմիր երես, ձվաձև, շեկ-սպիտակ հոնքեր ու թարթիչներ, ինքը հաստլիկ, լայն ջապացքար:

— Մնաց տերտերիս շապկները, ան ա լվամ՝ կպրծնիմ:

Եվ իրիցկինը աչքերը պտտեցրեց խայտաճամուկ լվացքաշորերին, որ նախշուն կարկատանների պես փռել էր սրահի քարերին, պայծառ արևի տակ. և նայեց այնպես լուրջ, ինչպես նկարիչը, որ երբեմն նկարելը թողնում և դիտում է իր կտավը:

Նա նորից թեքվեց լվացքատաշտի վրա, և նրա կուրծքը կախվեց տաշտի մեջ: Բորիկ ոտների պճեղները ճպճպում էին լվացքաչրի ցեխի մեջ, և սապոնի սառած փրփուրները թռել-կպել էին նրա ճերմակ բաց սրունքներին: Եվ նա մի կեղտոտ շապիկ հաստլիկ ձեռքերում խեղդելով սեղմում էր, ցայում, քրքրում, և դա այնպես եռանդով, որ նրա թխլիկ մարմինը թլթլում էր դմբռչիկ գառան դմակի պես:

Մի սև հավ կեղտոտ ոտներով եկավ կանգնեց փռած շորերի վրա և հիմար հայացքը սկսեց շրջել մեկ վար, մեկ վեր:

— Քա քը՛ր՛շ, քը՛շ էրա,— պատուվող կաշու ձայնով ճչաց շար իրիցկինը և ումբի պես նետվեց դ՛պի հավը, արագ մի քար խլեց ու նետեց հավի վրա:

Հավը՝ ավելի ճչալով քան պահանջում էր վտանգը՝ թռավ

կտուրից օդի մեջ հավանորեն սավառնելով՝ բավական հեռու իջավ տիրացուենց բակը:

Նորից խաղաղութունը նստեց իր տեղը: Միայն իրիցկինը լվացքի ճղփոցն էր լսվում և երբեմն էլ մի նվոց, որ դուրս էր թռչում նրա եփվող կրճբից. երբ նա մոլեգնում էր և լվացքը շարձաբույս. և բռնված խոճկորի ձայնի պես ութմով խփում էր յը՛ի, յը՛ի, յը՛ի...

— Քա՛, իրիցկի՛ն, տեր-Մարուքը կըսեն մեռնի կր, ասօր շատ է ծանդրցե,— խոսեց տիրացուի կնիկը ճղլիկ աչքերը թեշիկից լպոկելով:

— Է՛հ, եսի՛մ, նեա կմեռնի, նեա կապրի,— մրթմրթաց իրիցկինը և տրորեց ծխից կակժող աչքերը:

— Չէ՛, իրիցկին, բան կըսեմ, չի ապրի, տիրացուս կըսեր հոգեվարքի մեջ է,— խոսեց տիրացուի կինը ցած ձայնով և զգուշ նայեց չորս կողմը:

Իրիցկինը լուռ մնաց:

— Հը՛, գիտես թը տերտերս է,— հանկարծ ասավ իրիցկինը ու ականջները սրելով՝ լվացքը բռնեց ու մնաց մի վայրկյան:

Տիրացուի կնիկը վեր կացավ և նայեց պատի գլխից:

— Տերտերն էկա՛վ:

Ասաց ու գող կատվի պես ծլկեց իրենց բակը:

— Գուքա՛մ, գուքամ,— լսվում էր հեռվից տերտերի մկկող ձայնը,— մաշտոցս առնեմ՝ գուքամ:

Եկավ տերտերը, տեր-Հմայակը, և մտախոհ նստեց դռան աջ կողմը, քարին: Ու արձանացավ: Չոր ու ցամաք երիտասարդ էր, ցորնագույն, շեշտ-երես, ցանցառ-մորուս, մորուքի թելերը օղակ-օղակ:

Նայեց դիմացը մտազբաղ, սևեռուն աչքերով: Ներքի լայն շուրթը կախ, պռկոշ, բերանբաց՝ մտածում էր և լուռ էր:

Վայր բերեց դեղնած եղոտ գլխարկը, հանեց լայն կարմիր թաշկինակը ու սկսեց քրտինքը սրբել՝ ինքնագոհ աչքերը լայն ու արագ ճպճպացնելով:

— Տեր-Մարուքը կվախճանի՛ի,— խոսեց նա կարծես ինքն իրեն, գետին նայելով:

— Հը՛, տերտեր ջա՛ն, կվախճանվի՛... — շիտկվեց հանկարծ իրիցկինը և տաք ջրում խաշած մատներով տաշտի եզրը բռնած՝

քրահաժոր երեսը գարձոնց անրտերին և այրվող թունքերը հար-
ցականորին վեր քաշելով՝ բերանբաց նրան նայեց ու աչքերը շինց:

— Ասօր կվախճանվի,— խոսեց տերտերը՝ էլի կարծես ինքն
իրեն:

Իրիցկինը վախով թե հետաքրքիր՝ նայեց նրան մի քիչ էլ և
կմկմաց:

— Տերտեր ջա՛ն, հիմի ի՛նչդ պիտի ըլի, հը՛...

— Ի՛նչը,— հարցրեց տերտերը մեքենարար և սաստիկ մտա-
զրադ:

— Տեր-Մարութին ծխերը:

— Մխերը ինձի մնաց, իցցուն ծխի համար գահանա՛ պիտի
կանչեն: Կլավան, Պոտոյինց Արութը, Սերոբ աղան ըսին՝ նոր տեր-
տեր շենք բերն: Քեֆիդ աշն:

Իրիցկինը գորովանքով նայեց տերտերին և խնդմնդաց:

— Վայ ի՛նչ լավ էղավ, տերտեր ջան, ոտներուդ մեռնիմ:

Եվ ուրախ-ուրախ վրա ընկավ լվացքին: Եվ այնպես եռանդով
շրփացրեց շապիկը, որ սապոնը թռավ նրա թշերին, որ հիմի կար-
միր ձմերուկի պես արնով լցվել էր:

Հանկարծ կանգ առավ ու դիմեց տերտերին:

— Չախլամամ էնե՛մ, տերտեր ջան:

— Չէ՛, շեմ ուզե, վախտը չէ: Դու Եղոյին ղրկե քաղաք, թող
քեզի համար շապկցու առնե: Է՛հ, ես էրթամ. գնա մաշտոցս բե՛ր:

— Բերե՛մ, տերտեր ջան.— ու իրիցկինը լվացքաջուրը կա-
թեցնելով, գլորվող տակառի պես ներս ընկավ՝ տերտերի պատվե-
րը կատարելու: Նրա թաց ոտների պճեղները պարզ տպվեցին շոր
հողի ու դռան սեմի վրա:

Երկար երազած ու հանկարծ եկած ուրախությունը՝ այնպես էր
հուզել ու շշմեցրել տերտերին, որ նա ժպտալու իսկ կարողություն
չուներ: Ընդհակառակը՝ գառել էր լուրջ, հանդիսավոր և հոգածու.
հոգածու՝ երջանկությունը ձեռքում մի այնպես լա՛վ պահելու: Բայց
միաժամանակ նա մի տեսակ գորովալից էր գառել և լցվել էր բա-
րություն, տեսական բարություն գեպի ամեն ինչ:

Իրիցկինը գուրս եկավ՝ թացոտած եղոտ մաշտոցը լվացքում
բրբրված ձեռքին: Տերտերը մաշտոցն առնելով արագ վեր կացավ:
Եվ պեսեց տեղում կանգնած՝ շփոթված մտածել:

— Կըսեի թը մե շախլամամ խմեիր,— խոսեց իրիցկինը՝ աչն
ձայնով, որ դիմում են հիվանդին:

— Հը՛... չէ՛,— սթուգվեց երջանկության մեջ սուզված ու շշ-
մած տերտերը և շարժվեց դեպի իր կարգակցի տունը: Իրիցկինը
կանգնեց, զմայլված հայացքով նայեց տերտերին և այդպես
մնաց՝ մինչև տերտերը հասավ գյուղամիջի աղբյուրը, ուր մի պա-
ռավ կին գողգողալով մոտեցավ տերտերին, աչն առավ: Տերտերը
ծավեց դեպի բլուրը և անհետացավ մի դեզի ետև:

— Աջիդ գուրպան,— մրմնջաց իրիցկինը գորովագին և մարդ
խեղդողի պես կռացավ իր լվացքի վրա:

Տերտերը մտախոհ հայացքը գետնին՝ գնում էր մեռնող տեր-
Մարութի մոտ:

Հեռնային երկրի մեզմ արևը իր կենարար եռանգը թափում էր
նրա ուսերին, մեջքին, դեմքին և շարժումները թեթև օդի մեջ տեր-
տերի մեջ այնքան էին վառում կյանքի ծարավը, որ նա իր աբա-
զիլի քիթը երբեմն օդի մեջ սրելով հստոտում էր ու խմում այդ գալ
ու թեթև օդը՝ ընտիր գինու պես: «Օխա՛յ», հառաչեց տերտերը և
աչքերը թրջեց՝ զգալով երակների մեջ մի քաղցր առողջություն:
Նա գոհ էր, որ ինքը չէ մեռնողը. զգաց մի անասելի հաճույք, որ
մարդ ուրիշ ժամանակ լավ չի գգում:

Մոտենում էր տեր-Մարութինց խրճիթին:

Մի խումբ կիսամերկ երեխաներ խրճիթի առաստաղի պատու-
հանը շրջապատած՝ զգույշ առաջ կռանալով գողունի ներս էին նա-
ջում: Տեր-Հմայակը նոր էր մոտեցել խրճիթի շեմքին, որ ներսից
նրա առաջը կտրեց զառամյալ կորաքամակ տիրամայրը և նրա
աչքը բռնելով կանգնեցրեց ու համբուրեց:

— Ոտներո՛ւզ մեռնիմ, ախր տերտե՛րս... — քիթը վեր քաշե-
լով, լացակումեց պառավը, կարծես տեր-Հմայակը նրա որդու հա-
մար կյանք էր բերելու: Բաց թողեց տերտերի աչք և կարմիր թաշ-
կինակը գոտկից հանելով՝ փակցրեց մի աչքին, հետո մյուսին
և՛— օ՛օ՛օ՛ֆ, քոռանար լուսս, օ՛օ՛օ՛ֆ... մրմնջաց ու հետեց
տեր-Հմայակին, որ արագ անցավ օգան: Հանեց դեղնած գլխարկը,
տվեց սան տակից վրա հասնող կարճահասակ հարսին և նստեց
սաթուխ: Նրան հետեցին տիրամայրը, իրիցկինը, որ ծնկները
շփելով՝ ցավում էր ու տրորվում: Չոքեց մի ծանր լուռություն:

Անկյունում, օջախի կողմը, նախշուն վերմակի տակից ցցվել

էր հիվանդի դեղին մորուքը: Դեմքը խիստ էր ու սրված: Վերմակը շարժում էր արագ հետքից:

Մեռնողի տարեց եղբայրը մոտը թեք ընկած՝ կապույտ թաշկիճակով ճանճերն էր քշում նրա դեմքից և հոգացու աչքերով նայում հիվանդին:

Հիվանդին այդ առավոտ հաղորդել էին. բայց տնեցիք, որ անհույս էին, դեռ չէին հաշտվել մահի հետ:

Հիվանդը խոժոռ նայեց առաստաղին, հետո ուզեց մի շարժում անել, բայց թողեց կամ անկարող եղավ և նորից աչքերը փակեց: Տիրամայրը գլուխը երերցնելով մոտեցավ հիվանդին:

— Տերտեր ջան:

Հիվանդը աչքերը լայն բացեց և նայեց շուրջը: Նրա դեղնամոմի դեմքը կաշու տակ արդեն պարզ գծագրվում էր՝ իբրև պարկը գցած գանգ և ասեղ երևույթ էր տալիս նրա հայացքին: Երկու ակնախոռոչում հարցական սև աչքերը կարծես բներից դուրս նայող անհանգիստ մկներ լինեին:

Տեր-Հմայակը նայեց, նայեց հիվանդի սրված քթին, այդ քիթը փակագծող երկու հարթվող ակոսներին և մտածեց, որ էլ նա վերկենալիք չունի: Եվ ապահովության զգացումից բարձրաձայն հառաչեց:

— Է՛հ, տիրոջ կամքն է, ի՛նչ էնենք:

— Օ՞օօֆ, աչքս քոռանար, վո՛ւշ,— գողունի հառաչեց տիրամայրը և թաշկինակը տարավ աչքերին: Նրան հետևեց չորացած իրիցկիներ:

Տեր-Հմայակը երազների հետ էր:

«Սերոբ աղան՝ տարեկան երկու մանիթ. Տիլիպոյնեց տնեն՝ երեք մանիթ...» — մտածում էր նա՝ հաշվելով իր նոր ստանալիք եկամուտները: Բայց չէր կարողանում կենտրոնանալ:

Հանկարծ մի պատկեր: Ահա ինքը, տեր-Հմայակը եկեղեցի է գնում, գլուխը բարձր, հպարտ, առանց մրցակցի: Ինքը հերոս է միակ քահանան. գյուղի կանայք, աղջկերք, ծեր ու ջահել՝ նրան են նայում: «Տեր-Հմայակը» մտածում են ամենքը, և մեծ հերոսություն, հմայք կա այդ բառի մեջ՝ «տեր-Հմայակը»... Ահա իր ետևից կանանց խմբի հետ եկեղեցի է գալիս նաև իր իրիցկիներ. գլխին կանաչ փուշի, հագին մախմուր՝ միակ իրիցկի՛նը... Ամենքը նայում են իրիցկնոջը, իսկ իրիցկիներ նայում է իրեն, տեր-Հմա-

յակին: «Օտա՛ցդ մեռնիմ, տերտե՛ր ջան»,— մրմնջում է իրիցկիներ յուրովի: Եվ ահա հանդիսավոր քայլերով ներս է մտնում տեր-Հմայակը եկեղեցի, ամենից գիտուն աչքերը լուրջ, տիրական՝ նայում է իր առջև և սկսում ժամը: Ի՛նչ երջանկություն... Եվ նա խանդաղատանք զգաց դեպի մարդիկ: Մինչև անգամ դեպի հիվանդը նա բարի զգացումով լցվեց: Հետո այդ խանդաղատանքը անցավ դեպի իրիցկիներ և այնպես ախորժով ճմլեց նրա սիրտը, անցավ մեջքով և փոխվեց մի քաղցր սարսուռի, որ տերտերը այդ զգացումից ազատվելու համար՝ հառաչեց և աչքերը ճպճպացրեց:

Եվ պահանջ զգաց մի բան ուտելու:

Հետո նորից նա մտածեց իրիցկնոջ մասին: Եվ նրան թվաց, թե իր իրիցկիներ զրկված է, քիչ է գուրգուրված, և ժամանակն է նրան փաղաքշելու, գոհացնելու:

«Ե՛հ զճ իրիցկինս. չորս հատ շապկցու առնեմ, թող հագնի պոլ-պոլ» — մտածեց նա:

Նա մոռացել էր մեռնողին: Հանկարծ միայն նկատեց, որ մեռնողը իրեն է նայում: Նրան թվաց, թե մեռնողը նախանձում է իր առողջությանը, ծխերին: Եվ տհաճություն զգաց, որ նա իր նախանձով գալիս է թունավորելու այս երջանիկ օրը: Նրան թվաց, թե հիվանդատերերն էլ նույն նախանձով են լցված դեպի ինքը: Եվ ասաց.

— Իշալլահ, տերտերս թեզըմ կլավնա, իրեն ոտքովը ծխերուն նշխարք կտանի:

— Է՛հ, տերտեր ջան, ծխերը քեզի կմնա,— կակծալով փրսփրսաց տիրամայրը և լուռ լացով բերանը ծռեց: Իրիցկինն էլ լցվեց:

— Վո՛ւշ աս օրն ա՛ պիտի տեսնեինք, վո՛ւշ,— ասաց ու ծնկները ծեծեց, չզսպելով իրեն՝ սկսեց հեծկլտալ:

— Տե՛, տե՛,— չոր ու հրամայական ձայնով ասասեց տեր-Հմայակը,— ձենդ մի՛ ցկե, ի՛նչ է էղե, ի՛նչ կա լալու:

Նա զայրացավ այդ լացից և ուզում էր ավելի թունդ հանդիմանել իրիցկնոջը: Նրա համար սաստիկ անախորժ էր այդ լազը և անտեղի:

Հիվանդի հոգեվարքը սկսվեց: Դաժան ժպտի նման մի բան շարժվեց նրա ծոմովող դեմքի անկյուններում: Հիվանդապահը չոքեց անկողնի մոտ և հիվանդի աջը ձեռն առնելով, ետ արեց նրա

մազերը քթի վրայից: Մեռնողը նայեց առաստաղին, ուր մի բան կարծես աչքովն ընկավ: Բայց դա թվում էր: Նա ցնցվեց, խորը շնչեց և մնաց:

Երկու բուպեաչափ մահը կատարում էր իր կոպիտ, անասնական զործը: Մեռնողը բացեց բերանը, որսաց օդը և երկար պահեց թոքերում:

Հետո կարծես մի շարժում էր ուզում անել: Ամենքը վեր կացան և սպասելով նրա շարժման՝ քարացան մնացին նոր դիրքերում:

Հիվանդը հանգել էր արդեն:

Հիվանդապահը նշանակալից հայացքով գողունի նայեց իրայինն՝րին:

Իրիցկիներ օձի կծածի պես վեր թռավ ու ճչաց:

Տեր-Հմայակը մի պահ խոռովվեց և մահը վանելու համար սկսեց անբնական բարձր ձայնով իր աղոթքը:

Մեռելի սառած աչքերը նայում էին մի անլուծելի, ծանր խորհրդով:

ԺՊԻՏԸ

Մեռելահոտն ընկել էր վանքի բակը, շուրջը, հեռուն, արևախանձ, փոշեթաթավ դաշտերը:

Փախստական հիսուն հազարանոց մի ժողովուրդ եկել շոքել էր բաց դաշտում, հրատուշոք գետնին, արևի տակ:

Կարծես բնությունը վառել էր դժոխքի բոլոր վառարանները: Մի բարակ փոշի ծանր պարում էր բազմության գլխին, օդը եռում էր հորիզոնում:

Ի՞նչ բազմություն... խունացած, խանգրած՝ կարծես աֆրիկյան տափաստանների հրդեհից փախած վայրի գազանների ու անասունների ոհմակներ, որ քշվել, ամբողջվել էին մեծ տարածության մեջ և կալմեջ եղած, անակնկալի մեջ շփոթված հևում էր ու ծանր շնչում: Մղձավանջային հոգեվարք: Եկել էր ամբոխը և հետո բերել էր իր անասունները, կայքը, ցնցոտիները, քրտինքը, կեղտը և մի զարհուրելի հոտ աղբի, վերքի, գեշի, մեռելի:

Մահը ճարակում էր: Եվ ամբոխը մահերով խոցված հառաչում էր, տրտնջում, իրար անցնում, անասնանում, և մեռնում:

Խումբ-խումբ ընտանիքներ ուրուր տեսած հավի ձագերի պես ծվարել էին պարիսպների տակ, ծառերի մոտ, քարերի վրա, ճամփի հենց մեջտեղ և մահվան ծուլությամբ քարացել մնացել:

Մի հիվանդ կին էր պառկել ծառի տակ, մի կենդանի մեղրամոմ, գյուղական ժամի մեղրամոմ՝ կեղտոտ և նիհար: Եվ նվում էր՝ բարակած, վերջին թելն ընկած: Մառերի մյուս կողմը հենց գլուխը հիվանդի գլխին տված՝ մեկնվել էր իր հասակավոր ամուսնու դիակը, խստադեմ, աչքերը երկնքին չաած, ատամները բաց: Մի ծանր, հրամայական արտահայտում կար նրա սրված դեմքի. ուկրոտ մարմնի և շուրացած ձեռների մեջ, որ դրել էր կրծքին:

Հող էր պահանջում. հրամայում էր, որ իրեն թաղեն: Եվ խիստ եր աչք հրամանը:

Բայց շուրջը դաժան օրգիա էր: Հարևան խմբերում ևս մեռելներ կային: Դիմացը, ետևը, ծառերի տակ մեռելավոր ընտանիքներ կային, որ չէին նայում ոչ մեռնող կնոջը և ոչ նրա ամուսնու կողմը: Այնտեղից հիվանդների տնքոց էր գալիս մերթ սուր, մերթ խուլ և խռպոտ:

Խստասիրտ էին դառել մարդիկ. էակը էակին մտիկ էր տալիս մշուշային աչքերով և չէր տեսնում: Ասվել էր ամեն ինչ, լսվել էր բոլոր գանգատները, արվել էր բոլոր ճիգը — և մի բան չէր օգնել:

Պիտի մեռնեին ամենքը, հերթով, դանդաղ, անօգ:

Հիվանդ կիներ նայում էր երբեմն իր տաս տարեկան աղջկան, որ խելոք նստած, ինչպես իրենց տանը, ինչպես իրենց կոկիկ սենյակում և իր կապույտ-ծաղիկ աշիկներով, կոտրած ժպիտով նայում էր շուրջը:

Եվ իր ամաչկոտ գանգրահեր գլխիկը խնկախաղողի ողկույզի պես մի ուսին ծռած՝ թաթիկները սեղմել, դարսել էր փորին: Ու սպասում էր, Ինչի՞: Ո՞վ էր իմանում: Կարծես սպասում էր, թե հիմի մայրիկը իրեն թույլ պիտի տար տանից դուրս գալու և խաղալու: Երբեմն բաց էր անում իր խմոր-խմոր թաթիկը, դրստում էր փեշերը, կոկվում, ուղղվում և էլի խնամքով դնում իր փորիկին:

Կողքի ծառի տակից մի հեծկտոց լսվեց: Հիվանդը դեմքը դարձրեց այն կողմը: Հարևան մեռած կնոջ երեխան էր, որ այդպես հեծկտում էր: Ձայն էր տալիս մորը, հրում էր, օրորում. բայց մայրը դաժանորեն լուռ ու համառ՝ չէր լսում նրան:

— Աստծո՛ւ սիրուն, մեռե՛լս մնաց, մի բուռ հո՛ղ. — հեծեց կիներ:

Ձո՛ւր. նրան լսող չկար. դա նրա հերթական աղերսն էր, մեքենական և դրա համար էլ հուսահատ:

Խուռն բազմությունը բժժում էր փեթականոցի պես:

Ահա կատաղի գայլերի պես ցատկելով մարդկանց դիակներին վրայով՝ խուժեց նրանց համար եկող հացի սայլերի վրա և սկսեց կողոպտել իր համար բերած հացը: Կոխկրտեցին երեխաներին, պառավներին, պատառոտեցին իրարու շորերը: Օղը լըցվեց սուր ճիշերով: Ոսկրոտ ձեռներ՝ տատասկների պես խրձվեցին հացերի մեջ, կիներ նայեց իր աղջկան, հոգնած աչքերը դարձրեց մարդկանց ո՛հմաճի վրա, մի բան ուզեց ասել, բայց հառաչ դուրս եկավ: Ձեռը, որ օդի մեջ էր, հնձված հասկի պես թրփաց գետին:

Ու կիներ լռեց, լռեցին նաև գայլերը: Միայն ճանձներն էին, որ փոքրիկ սլաքների պես սուրում էին օդի մեջ, գալիս բզզում էին ականջի տակ և հեռանալով՝ մի տաղտուկ տխրությամբ միտքը համակելով՝ տանում էին հեռուն, դեպի ինչ-որ հուշեր:

Հեռվից մի ձայն ծորեց. — մեռե՛լ, մեռե՛լ...

Բազմության միջից գլուխներ ցցվեցին՝ բորենու հարցական հայացքներ և նայեցին այն կողմը: Մեռելաթաղ սայլերն էին, Սայլապանը մոտենում էր և հոգնած անասունի անտարբեր ձայնով մեքենաբար ծոր տալիս՝ «մեռե՛լ, մեռե՛լ»:

Մեռելատերերը կիսովին բարձրացրին գլուխները և բորենու հայացքները հառեցին դեպի սայլերը: Նրանք ծանր ճռռալով, անշտապ ու տաղտուկ շարժումներով առաջանում էին դեպի մարդկային նախիրը: Մեռել էին ուզում նրանք: Բայց մեռելատերերը անշարժ ու լուռ դիտում էին նրանց և տեղներից չէին եռում: Շոգը, ցավը, ծուլությունը շարդել էր նրանց. թմրել էին կեղտից, սովից և մեռելահատից: Բայց սայլերը մոտենում էին մարդկային փողոցների միջով: Նրանցից մինը գալիս էր դեպի հիվանդ կնոջ կողմը:

Մեռելատերերը նվաղով վեր կացան, ձեռով արին սայլապանին ու իրենք կուացան մեռելների վրա՝ պատրաստվելով վերցնելու և սայլին հանձնելու:

Սայլը մոտեցավ՝ դողալով և ցնցելով իր վրայի մեռելները, որ սայլի բոլոր շարժումներին հնազանդ՝ թույլ էին տալիս իրենց օրորելու այն հազար ու մի ձևերով, որ սայլի քմայքը կթելադրեր: Էլ կամքի ոչ մի նշույլ: Նրանք առարկաներ էին:

Սայլապանը մոտեցավ և ճամփի եզրին կանգնեց:

— Դե, ով մեռել ունի՞ բերի, — գործնական սառը ձայնով կանչեց նա, աչքերը եզներին գցած ու հանգիստ սպասեց:

Մառերի տակից վեր կացան մարդիկ դանդաղ եզների պես և կարծես շորեր, կարծես գողացած իրեր լինեին դուրս հանելիս՝ վերցրին իրենց մեռելներին և տարան գցեցին սայլի վրա:

— Էլ կա՞, բերեք, — կանչեց սայլապանը իր շուրջը հավաքված բազմության:

Ոչ ոք չպատասխանեց: Ամենքը լուռ ու խիստ հայացքները հառել էին մեռելներին, որ անբնական դիրքով մնացել էին իրար կողքի, իրար վրա՝ տառեխների պես:

— Դե, շո՛ւտ արեք, շոգը գոռեց, հոտը դիմանալու բան չէ, —

շտապեցրեց սայլապանը և փափախը վերցնելով սրբեց իր թաղիք դարձած կարմիր մազերն ու մրտտ երեսը:

Ոչ ոք տեղից չլինեաց:

Սայլապանը սրտնեղեց ու գոռաց.

— Այ ձեզ մարդ ասողի հերք շուն գառնա, հոտեցրիք աշխարհք, դե բերեք է՛:

Ու իջավ սայլից:

Նրան հետևեցին երկու կին ու մի տղամարդ և լուռ մոտեցան դիմացի ծառի տակ մահացած կնոջ, վերցրին ու օրորվելով, տընքալով բերին, սայլին գրին:

— Մինն էլ հրեն էն կնկա գլխավերին է,— ցույց տվեց սայլապանը:

Խումբը մեծացավ. գութի եկան, մի տեսակ աշխուժ եկավ վրաները: Մուլությունը պարտովել էր, և մեռել ճամփելու աշխատանքը ինչ-որ անմեկին ուրախություն էր բերում: Գոռեց նրա համար, որ հրապարակից քշվում էին մեռելները, այդ խստապահանջ անգոհ էակները, որ հրամայել և հրամանը միշտ կատարած տեսնել գիտեն: Ծռանդով մոտեցան կնոջ ամուսնու դիակին և արագ վերցրին: Կինը սկսեց ինչ-որ սվսվալ. բան էր ասում, որ չէր հասկացվում: Դիակը սկսեց ձեռներին վրա մի կոմիկ ու տխրաշուք պար: Մովն ընկած մակույկի պար, որի մերթ մի եզրը, մերթ մյուսը շրջվում է վար ու հետո վերացող ալիքի հետ ծառանում է և վեր, խաղ անում, շորորում ու հանկարծ իջնում:

Ինչ-որ թաքուցյալ մի եսական բան, ինչ-որ խորամանկ զվարճացում ունեւր իր մեջ այդ դիակը: Կարծես կանչել էր այդ մարդկանց, որ հեծն նրանց ձեռներին ու զրոսնեւ. կարծես ամենքը պարտավոր էին ճիգ թափելու. նրանք շանում էին, իսկ սա ոչ մի շարժում, ոչ մի նշան, թե՛ աս էլ եմ օգնում ձեզ, որ ինձ տանեքք:

Վերջապես դիակը մոտեցրին սայլին, ոտները գրին մյուս մեռելների վրա և հրեցին առաջ: Մեռելը գնաց, պառկեց և շարունակեց հայացքը խիստ գամել դեպի վեր:

Հիվանդ կինը տնքաց, դեմքը կնճոտեց և աչքը գցեց իր աղջրկան: Սա տխրամած, կոտրված վար նայեց, խեղճացավ և աչքերը գցեց կողմը: Մայրը հառաչեց ու սկսեց անարցունք մի լաց, որ դեմքի ծամածռումն էր ավելի:

Սայլը գլորգաց և բուժ ու անտարբեր շարժվեց դենը, դեպի այլ մեռելներ:

Լոնցին ամենքը ու փտած փայտերի պես վայր թափվեցին, անշարժացան:

Արևը թեքվում էր: Փոշին, հոտը ավելի ծանրացան: Մի հոծ ժողովուրդ քայքայվում էր հսկա դիակի քայքայումով. կարծես բացվել էր մի ահագին փորոտիք, գզգզվել էին բյուրգալար աղիքներ, և մարդկային կղկղանքն ու լուծվող մկանները գոյացրել էին մի լայն կաթսայի զզվելի շիլափլավ:

Նստած էր աղջիկը, այդ հրեշային թանգարանի արձանիկը և ոպասում:

Մի քանի քայլ նրանից հետո, քարի շվաքի տակ մի այլ ընտանիք էր բուն դրել — մի վանա կատու, որ նոր ծնել էր հինգ ձագուկներ՝ կույր-կույր ու բմբլիկ, որ ծվծվում էին:

Կարծես մեջքի վրայից փրփրալի շուր էր թափվում՝ բաժանվելով երկու մասի. այդպես վար էին հոսում նրա մետաքսի երկար մազերը, որ նա խնամքով լիզել էր և մաքուր սանրել:

Մի երջանիկ տխրունակ հոգնություն կար նրա մայրական դեմքին ու աչքերին: Հանգիստ լիզում ու հսկում էր իր նախշուն ձագերին, որ իրար բռնելով — խուժել էին նրա ստինքների վրա և ծվծվում էին աղվամազ թռչնաձագերի ձայնով: Ծռում էին, զորվում հեռու, հետո կուրորեն որոնում՝ մայրական ջերմությունն ու ծիծր:

Մաքուր, կոկիկ և ապահով մի տնակ էր դառել այդ քարի հովանին: Մի երջանիկ ընտանիք էր դա՝ նոր ծնունդներով կենդանի և հուսալի: Ահա ձագուկներից մինը, որի մի աչքի կողմը սև սաթ էր, մյուսը ճերմակ ձյուն — արդեն ցույց էր տալիս իր ապագա շարաճճի խաղերը: Պառկեց մեջքի վրա և ճերմակ թավիչ փորիկը պարզելով սկսեց թաթիկներով խաղալ մոր ականջի հետ, որ կախված էր նրա դնչի մոտ. հետո ցատկելու պես արավ, որ շուռ գա և կանգնի, բայց զլորվեց և ընկավ հեռու: Մայրը ասես ժպտաց այդ ձախլիկության վրա, հասկացավ, ներեց և հոգածու ձայնով կիսամլավեց: Չարաճճին սողաց դեպի մոր դունչը. սա սկսեց քաղցր մոմալ և լիզել նրա թաթիկը, դունչն ու մեջքը:

Որտեղից էր այդ կատուն: Ընտանիքներից մեկն էր փախի:

ժամանակ բերել հետը, ի՞նքն էր փախել, որի՞ կատուն էր, կենդանի՞ էր տերը, թե՞ ընտանիքով հանգել էր — ի՞նչ իմանաս:

Միայն այս հանուր դժոխքի մեջ մի գթալի, մեղմ շեշտ էր մտցնում նա: Անգամ չէր զգում, թե ինչ կար իր շուրջը: Կուշտ էր նա այսօր և երջանիկ էր ինչպես առողջ մայր ողջ և առողջ ձագերի: Եվ մոմուում էր, երբեմն խլածայն մլավում, լիզում էր ձագերին, հոգում էր իր տան ախորժելի հոգսը և վայելում քարի հաճելի շվաքը:

Հիվանդ կիներ աչքը դարձրեց իր աղջկան: Մի բան կար, որ նրան պաշարել էր այդ վայրկյանին. մի բարձր, կյանքից հայնկույս բան՝ վեհ, խիստ և ահավոր: Եվ նա անհանգստացավ, դիտելով իր աղջկան, որ անգիտակ էր կամ ճնշված, և շուտով պիտի մնար հավիտյան որբ: Բայց աղջիկը դիտում էր կատվին և թեև չէր ժպտում, բայց զբաղվում էր: Հիվանդը նայեց և նոր տեսավ կատվի ընտանիքը: Մտիկ տվեց երկար, դիտեց կատվի երջանկությունը և հետո նայեց իր աղջկանը: Մի խանդաղանք, մի անուշ տխրություն ծորեց նրա սրտի մեջ, և նա զգացվեց մինչև հոգու խորքը:

— Ողորմությանդ մեռնեմ, աստված որ անպակաս է,— մրմնջաց հիվանդը:

Եվ նայեց կատվի երջանկության, աչքերով շոյեց այդ ընտանիքի ուրախությունը և կարծես հանգստացավ:

Ահագին ցավի տոգորման մեջ մի կում ջուր, որ կաթեց նրա հոգու վրա:

— Աստված,— մղկտաց կինը.— բա իմ ձագը ում պիտի մնա: Իմ ձագը մեր չպիտի՞ ունենա...

Կասկածն ու կսկիծը նորից սողոսկեցին նրա սիրտը: Բայց դրա հետ միասին մի անուշ բալասանի պես նրա հոգու մեջ լցվեց մի ուրիշ մոր իրեն չպատկանող ուրախությունը:

Ժպտաց կիներ և աչքերը փակեց:

Սկսվեց խաղաղ հոգեվարքը:

ՄԵՔԵՆԱՆ

Գեռ երեխությունից, երբ որբ էր գյուղում, Սերգոն աչքը բացեց չբացեց՝ միայն կարիքը տեսավ:

Առաջ հոտաղ էր: Սովի հետ քուն էր մտնում, սովի հետ վարթնում: Իր կյանքում քաղցր վարմունք չի հիշում: Միայն քեռին Ամերիկա գնալիս իր հին շավարը նվիրեց նրան: Այնուհետև, մինչև հասակն առնելը շտեսավ երբեք, որ մի մարդ «լավ մարդ» լիներ: Լավն էլ ո՞րն է: Լավ մարդը ուրիշ ժամանակ լավ, քաղցր ասում-խոսում է. բայց կարիքիդ, նեղությանդ մեջ, գործի, սակարկի ժամանակ ոչ մի կոպեկ չի գիշում քեզ: Միշտ աշխատում է մի կոպեկ ավելի պոկել, մի կոպեկ պակաս տալ: Հետը գործող վերջացավ թե չէ — էլի նա իր համար, դու քեզ համար:

Ահա այսպես տեսավ կյանքը դառը մանկությունից:

Պատանությունը մաշեց կառապանության մեջ: Զուրկ ու շարքաշ, Պոստի շինության շոր տախտակների վրա, ախոռների անկյունում, ձիերի հետ, շոգին, ցրտին, անձրևին:

Հետո էլ կարիքը քացով տվեց, զցեց գործարան, սղմեց մեքենաներին, կապեց մեքենայի հետ:

Հիմի, քսանհինգ տարի է, գործարանումն է: Մեքենան է սըրբում, յուղում, հսկում: Երբեմն էլ վարպետի ցուցմունքով քանդում, սարքում:

Առհասարակ շատ աչքաբաց և եռանդուն բանվոր դուրս եկավ Սերգոն: Գործի հետ կռիվ էր տալիս. ասենք միշտ այդպես է եղել հոտաղ և կառապան եղած ժամանակ էլ: Գործը նրա սովորույթն էր, բնավորությունը:

Բայց մի բան երբեք չդրստվեց նրանում: Դա նրա կծու բնավորությունն էր: Զոր էր շատ, խոսելու մեջ՝ կիրթ: Դրա համար էլ իր ընկերները քաշվում էին նրանից, ոմանք էլ խուսափում: Գուցե և շիրեհին էլ նրան դառը վարմունքների համար, բայց գործարանի հին տերերի, գործադուլների, պայթարների ժամանակ միշտ զգացել էին, թե ինչ արժի Սերգոն իր հանդուգն, կոպիտ բնավոր-

րությամբ: Այն օրերին Սերգոն իրո՞ք որ անգնահատելի ընկեր էր, այն ժամանակ շատ էին սիրում նրան: Նա իր «տեղումն» էր:

Բայց հետո, երբ եկան խաղաղության, շինարարության տարիներ, նրա ընկերները ապրելով երբեմն ուրախ, տոնական կյանքով, երբեմն դժվար աշխատանքի հոգսերով՝ մոռացան հին կռիվները, մեղմացան: Նրանցից ոմանք թուլացան և սկսեցին անհոգության տալ: Եղան գործից ուշանալու մասսայական դեպքեր: «Մլուլ տալը», խմելը ուշադրության առնվեց լրագրերում:

Այս աժեհը ոչ միայն սրտի խորքից վիրավորում էին Սերգոյին, այլև զարմացնում էին:

— Պուք իսկի բա՞ն եք հասկանում, թե՞ հենց էնպես... — բարկանում էր նա ընկերների վրա:

— Վա՛խիլ մի, գործը գնում է իր համար, — ծիծաղում էին ընկերները. — վերջապես գործը մեր ձեռին չի՞, կղրստենք:

— Ձերն ա, ձեր հո՞րն ողորմի...

Ընկերները ծիծաղելով անցնում էին գործի, իսկ նա քթի տակ մրթմրթալով ընկնում էր իր մեքենայի վրա:

Ասենք նա մի քիչ խստաբարո էր և բծախնդիր:

Մեքենաները լավ սարքին, դառնում են, բանում: Մի որոշ ժամանակ կա, որ պիտի հսկեա, յուզես և բավական է. նրանք կաշխատեն իրենց համար: Բայց Սերգոն սիրում է ավելորդ անգամներ մոտենալ մեքենային, մտիկ տալ, հետը խոսել, վրան մրթմրթալ: Մեքենան նրա համար շնչավոր արարած է, նույն եզը, նույն ձին, որոնց հետ ապրել է նա մի ժամանակ և հետները տարիներով խոսել: Դա նրա սովորույթն է: Անբացատրելի մի զգացմունք քաշում է նրան դեպի մեքենան: Այդտեղ կա և՛ սեր, և՛ առեղտություն, և՛ զայրույթ, և՛ երախտագիտություն: Բայց կա և մի խոր, ներքին դժգոհություն, թախիծ չսիրված արարածի: Ինչպես և հոտազ ու կառապան ժամանակ եզան ու ձիու հետ, այնպես էլ հիմա մեքենայի հետ նա շղթայված է մի խորին անհրաժեշտությամբ — կյանքի, գոյության կռիվ անհրաժեշտությամբ: Սերգոն միշտ բանեցրել է եզանն ու ձիուն, հիմա էլ բանեցնում է մեքենային: Բայց մի բան ճշմարիտ է, և ճշմարիտ, ինչպես նրա ժանկուց շարժարված, զրկված և ծեծված կյանքը, որ եզն ու ձին կարգ չեն բանել ինքնակամ և չեն թողել, որ նա մի րոպե անհոգ

նստի: Հակառակ՝ նրանք բանել են դժկամ, խուլափելով, և երբեք, երբեք նրանց պետքը չի եղել, թե Մերգոն ինչ կարիքի, ինչ ցավի մեջ է: Պետք է շարունակ աչքդ վրաները պահես, շարունակ հետները կռիվ տաս: Աչքդ մի քիչ դենը պահեցիր թե չէ՝ կթողնեն քեզ ցեխի, ձյան, կարիքի մեջ ու կգնան իրենց բանին: Նրանք երբեք, չեն սիրել Սերգոյին... նույնն է և մեքենան...

Մոմոն է մեքենան իր պողպատե երախներով, «վազում», սլանում է՝ գափելով իր երկար սմբակներով և կրճտելով ատամները, պսպղում Սերգոյի վրա: Հետո քրտնամխելով ճռուցնում է իր հետևից հսկայական սարքավորումը, կարծես հազարավոր ֆուրգոններ են զորդալով անցնում դաշտի շոր խճուղով:

Մոռյվում է հին կառապանի մրկած դեմքը, և նա ականջները սրած լսում է մեքենայի մասերի առանձին ձայները. ստուգում: Դա բարեխղճություն չէ միայն, դա նրա տարերքն է, նրա հոգեկան կյանքը: Նա մեքենայի մոտն է միայն կարողանում բացվել, մտածել, երևակայել, ինքն իր հետ խոսել: Նա այնտեղ իրեն այնպես է զգում, ինչպես «տրոյկի» նստարանի վրա, ձիու պոչի հետև:

Ման է գալիս մեքենայի շորս բուրբը, կոանում, տնտուսում տակից, կողքից, կարծես էլի այն հին կառապանն է իր ձեռքի կողքին, որոնց թիմարում էր, լվանում, պայտում:

Նայում է, նայում ու միշտ մի բան պակաս է գտնում: Եվ կարծես ինքը մի բան է ուզում, մեքենան միշտ ուրիշ բան է անում: Մեջները միշտ մի ներհակություն կա...

Հանկարծ խեթում է.

— Հը՞, էլի հեռցն ընկա՞ր, սատկած:

Յուզ է ածում ականջներում:

Հետո մտիկ է տալիս կարկատած փոկերին, որ տեղ-տեղ անխվներից մաշվում են:

— Հը՞, կրծի՞, կրծի՞, սուլած անասունի պես:

Աւ թքելով կոանում է, մտիկ տալիս մեքենայի մեջերքը:

— Կա՞ց, քու բերնի կապը կղնեմ:

Սերգոն գիտի, թե մեքենայի ինչ մասերն էին թույլ. դա վազուց էր նկատված և մի կերպ սարքված էր վազուց, և հակեցն ու խոսելը ավելորդ բաներ են: Բայց նա չի կարող այդպես շտանել: Դա բարեխղճություն չէ, դա նրա բնույթն է, նրա տարերքը: Նա

մեքենայի մոտն է բացվում, նրա հետ խոսելով է կարողանում մտածել, երևակայել, ինքն իրեն բարձր խոսել: Դա նրա հին սովորույթն է ձիու պոչի հետև, «տրոյկի» նստարանի վրա նստած պահին համ գործն արվում է, համ էլ... մտածում:

Մեքենան «գնում է» իր ընթացքով — կարիք չունի Սերգոյի խոսքերին: Սերգոյի տրամադրությունը լավանում է, նրա մոայլ դեմքին մետաղի մի սառը փայլ է շողում, մի դաժան հաճույք:

— էդպե՛ս, դե հիմի գնա՛... —

Մեքենան պտույտ է գալիս, հիմի ամեն բան լավ է, բայց էլի աչքը չի ուզում նրանից հեռացնի:

Թինկ է տալիս մեքենայի ճաղին, բայց և շուտ-շուտ ետ է նայում: Ո՛վ է իմանում. «գազան» է, մին էլ տեսարատամը գցեց փեշիդ ու փաթաթեց լավաշի պես:

Եվ Սերգոն աչքը ծուռ-ծուռ գցելով մեքենայի ատամներին՝ կատակում է.

— Դե՛, ուխդ քե՛զ քաշի... — Ու ինքնարավական ժպտում:

Քաղաքն աղմկում էր կեսօրվա արևի տակ: Հրապարակը կարմիր, պլպլում էր գաթայի պես: Գործարանը դղրդում էր, կարծես հարյուրավոր թնդանոթներ էին գափելով անցնում փողոցներով: Բանվորների լարված, գործի եռ ժամն էր:

Սերգոն կուցեց էր մեքենայի վրա, ինչ-որ բան էր տընտղում: Վզի երակներն ուռել էին: Մեքենան էլի ինչ-որ համառում էր, և Սերգոն շարացել էր վրան սև տաքդեղի պես:

— Ի՛նչ ես անում, Սերգո, «նալն ընկե՛լ է», — գլուխը թեքելով դեպի նա՝ գոռաց մի երիտասարդ բանվոր, որ անցնում էր նրա մոտով:

— Գործիդ գնա, — մրթմրթաց Սերգոն:

Բանվորը ծիծաղեց ու հեռացավ: Սերգոն յուզ ածեց մեքենայի ականջը, դրսուվեց և սկսեց քրտինքը սրբել: Երբ աչքը դուրս գցեց պատուհանից, արևի շողքն ընկավ մեջը: Զարացավ այդ կատակից ևս:

Հոգնած էր: Քամակն արեց դեպի մեքենան և շունչ քաշելով հանեց թուփունը, սկսեց ոլորել:

Ծիում էր և հետը մտիկ տալիս իր ընկերներին, որ խլըրտում էին մեքենաների շուրջը, դազգահների մոտ, մյուս բաժնում:

Մեքենաների դղրդյունը ութմիկ զարկում, թնդացնում էր շենքը և հորինելով մի երգ, գրավում էր աշխատելու, մրցման էր գրգռում:

Օրորվում էր Սերգոյի միտքը... Սկսեց դիտել իր ընկերներին, գործարանի անկյունները, պատուհանից դուրս: Եվ սկսեց երագել: Իր հին թախիծը: Մոռացավ կարծես: Միայն մեքենաբար գգում էր թինկը տված ճաղի ցնցումները:

«Քշում, գնում է» մեքենան... ո՛չ հոգս է հարցնում, ո՛չ թախիծ, ո՛չ էլ Սերգոյի հուշերը, այն սարսափելի, մոայլ օրերի մասին, երբ նրա հինգ հոգիանոց ընտանիքը հալվեց սովի և հիվանդությունների:

Ո՛չ ոքի պետքը չէր...

Հիշում է այն առավոտը, երբ իր գրկի մեջ հանգավ իր խարտյաշ երեխան՝ սոված մոր ստինքների շորանալուց: Հետո ինչպես, դեռ իր զավակին չթաղած՝ նա պարտավոր էր գալ գործարան և բանել մեքենայի կողքին, կանգնել ահա այսպես:

«Սրա էլ պետքը չէր... իսկի՛»։ Եվ դրսի աշխարհի ուժեղների, «ուրիշների» և ոչ ոքի պետքը չէր, թե ինչ վիճակի մեջ էին նաև այս բոլոր մոայլ մարդիկ, որոնք իր հետ և իր պես անց են կացրել դառն ու դաժան օրեր, տարիներ...

Ու այսպես թինկը տված մեքենայի ճաղին, աչքը գցած պատուհանից դուրս՝ երազում էր Սերգոն և կարծես երազի մեջ տեսնում էր, թե ինչպես է փողոցից հոսում կառքերի, տրամվայների և մարդկանց գետը: Սերգոն ականջ էր դնում այդ աղմուկին, որ հազարբերան ժխորային երգի պես ձգվում, լցվում էր, երբեմն մեղմանում, երբեմն սաստկանում:

Բայց չէր լսում:

Կյանքը ի՛նչ երկար տևեց: Որտեղի՞ց ո՛ւր: Սերգոն հիշում է հին-հին բաներ, իր հոտաղությունը, իր կառապանությունը, բուքերը, երբ ահռելի ձյան թևերի տակից, մահի ճիրաններից մի կերպ — բայց ի՛նչ կերպ — դուրս էր բերում սահնակը, իր կյանքը:

Միշտ կոփվ, միշտ արթնություն, միշտ լարվածություն...

Ու դառնորեն ծիում է Սերգոն: Եվ հուշերի ու ծխի դառնություն մեջ գգում է մի ծածուկ քաղցրություն:

Այդպես էր եղել նրա անցյալը. դառն հուշեր, դառն ծուխ...

Հետևից մեկը շոշափեց նրան: Թե՛ քաշեցին:

Հազիվ սթափվեց, ետ նայեց, հազիվ գլխի ընկալ, որ մեքենայի փողը ճանկել է իր փեշը:

— Է՛, է՛... — ցնցվեց ու հազիվ ճշալ ուզեց ու կամենում էր պոկ գալ — մի՛ վայրկյան — մեքենան այնպես հաստատ քաշեց նրան, այնպես հափշտակեց նրա թևք իր երախի մեջ ու տարավ, որ նա ոչինչ չկարողացավ մտածել: Մղտաց կարճ ու անասնային ձայնով: Եվ իսկույն կտրեց: Մոռացավ կարծես, կամ ուզում էր մի բան հիշել: Մի՛ վայրկյան...

Բանվորները ոռնացին, մի վայրկյան քարացան և հանկարծ կատաղած հարձակվեցին մեքենայի վրա, ձեռքերը պարզեցին, որ նրա երախից խլեն զոհին:

Գազանը պսպղացրեց իր առամները, ուտրեց բերանը ու սաստիկ թրփոցով Սերգոյին զարկեց հատակին:

Դուրս պրծավ զօճը ահռելի ատամներից և ազատ ընկավ մի կողմ, բայց ինչպես ջվալի միջի մորթած միս:

Բանվորները կալմեջ արին նրան, սկսեցին բզավել, վազել գես-դեն: Մի քանիսը դուրս թռան փազոց: Մեկը գլխի ընկավ վազելու հեռախոսի մոտ: «Բժի՛շկ» գոռացին:

Ապա շուր սրսկեցին դեմքին, որ դեզնամամի պես սառել էր:

Սպասում էին շուտափուլթ օգնության կառքին, բժշկին:

Սերգոն ընկած էր հատակին, աչքերը պղտոր ապակի, բերանաբաց, ատամները սաղափի պես պսպղուն: Արյունը թրջել էր նրա սև մորուքը և հիմա առատ հոսում էր ասֆալտի վրա:

Վատ էր «կօել» մեքենան: Ուղղակի ծամել էր թևք, ծամել, ինչպես մի վրիժառու ուղտ, որ վրեժը հանեց իրեն ծեծող ուղտապանից:

Եկավ բժիշկը օգնականի հետ: Փաթաթեցին Սերգոյի թևը, վերցրին, մի քանի հոգով դբին կառքի մեջ: Եվ այն առողջ մարդը, որ գործարան էր մտել ողջ ու առողջ՝ գուրս տարվեց այնտեղից իբրև իրերով լի առպրակ:

Հիվանդանոց:

Գեղերի ծա՛նր հոտ — մեռելի հոտ:

Բանվորները շրջապատել էին Սերգոյին, ու թեև հիվանդանոցի հերթապահը խնդրեց, որ շուտ հեռանան, բայց նրանք չէին կարողանում հրաժեշտ առնել վիրավոր ընկերուհու:

Շատ բան էին ուզում ասել նրան, բայց մի տեսակ լեզուները կապվել էր:

Խստաբարո բանվորը մահամերձ էր:

Բանվորները մխիթարեցին նրան, սիրտ տվին, խոսեցին գործարանից, դեսից-դենից...

Մեկը խոսեց մեքենայի մասին.

— Անտե՛ր մնար մեքենան:

Սերգոն աչքերը բաց արեց, խորը նայեց խոսողին: Եվ թույլ բարկությամ սրտնեղեց.

— Սարսաղ մի՛ դուրս առ, մեքենան տոտմեր չի, որ քեզ գրկած ման ածի: Կժո՛ւմ է:

Ու երկար լռեց: Հետո գլուխն օրորեց:

— Կլօ՛ի, բա՛ս... կթողա՛, որ մլուլ տառ, ոնց որ Կ՛ս արի:

Մեր բանն էդպես է, կոխվ է...

Բանվորները վեր կացան: Հեռանալու ժամանակ էր: Զգացին, որ սա վերջին տեսությունն էր:

Մինը շհամբերեց.

— Բա, Սերգո, դու էս օրին ընկնե՛ս...

— Զաննե՛րդ սաղ ըլի, աշխարհքը լեն, ինձպեսները լիքը:

Բան չունե՛ք. ես շհասա՛ ուրիշները կհասնեն: Էս էլ մի ճամփա է:

Ասեց Սերգոն, բայց ուժասպառ լինելով՝ խոսքը ծամծմեց.

— Բա՛ց արեք պատուհանը:

Փողոցից ուրախ ժխորը լցվեց ներս: Քաղաքը մոտից, հեռվից գղրղում էր, գափում, քրտնում, հևում:

Ամենքը «ճամփա» էին գնում: Միայն Սերգոն էր, որ ընկել էր այդ ճամփին:

Ընկերները շարժում արին: Նրանք գնում էին. գործն սպասում էր նրանց:

— Է՛հ, հերիք է, գնացեք, — շշուշաց մահամերձը, — ձեր ճամփեն երկար է, «մլուլ մի՛ տաք» ինձ պես: Սաղ ըլիք, շնորհակալ եմ:

— Վախել մի, դու էլ հրեա գալիս ես. — ասաց մեկը՝ վախելով, որ ուրիշ բան ափ:

— Կգամ, կգամ, — շշուշաց Սերգոն:

Բուրբ սեղմեցին Սերգոյի ձեռքը, գնացին, և Սերգոն «մնաց»...

ՍՏԱՄՈՒՔ

Տնից մեյդան, մեյդանից տուն:

Ահա նրա ամենօրյա մարզը, որ նա չափում է առավոտից մինչև իրիկուն: Առաջ էլ, երբ հյուան էր՝ քաղաքում առանձին տեղեր շուներ գնալու: Բայց գործից տուն գալիս՝ շաբաթ երեկոները ճամփան կծոներ դեպի գինետուն: Բայց հիմա, երբ պատերազմն ու սովը շատերի հետ նրան էլ ճզմեցին, էլ տեղ շուներ գնալու: Գործ էլ շուներ. արդեն ծերացել էր, բուրդը տվել և աշխարհքում այնքան կարևոր էր նա, որքան աղքատ գյուղի հացը կտրած պառավ շուն, որ խոպոտ ձայնով պաշտոնապես հաշում է, բայց ոչ ոքի ոչ վախեցնում է, ոչ հիշեցնում իր գոյությունը:

Նա ծեր հյուան էր, գործից նոր հեռացրած:

Վերջին կապալառուն լավ մզեց նրա հուսկ հյուսթը և ճամփեց տուն:

Այսինքն՝ դագաղ ու գերեզման:

Քառասուն բանվորական տարիներից ոչինչ չմնաց նրա մոտ, ոչ ուժը, ոչ գրամը, ոչ բարեկամները: Ետուն ձիերով լծած կառքի պես թռավ այդ բոլորը նրանից, և միայն մի բան մնաց անցյալից, որպես հավատարիմ շուն — անկշտում ախորժակը: Հին արհեստավորի առողջ ստամոքսը դեռ համառում էր:

Ուտե՛լ, անվերջ ուտել — ահա նրա կիրթը:

Առավոտից մինչև իրիկուն նրա խոսքը, գործը, ծրագիրը — բոլորը ուտելու վրա էր: Հազար անգամ վեր կկենար տեղից, կերթար բաց կաններ պահարանը, կարոտով կնայեր բոլոր անկյունները, բաց կաններ ամանների խուփերը, ձեռքը կտաներ ծալած անձեռոցիկների արանքը, և միշտ հույս ուներ կամ սուր ցանկություն՝ մի ախորժիկ բան գտնելու. տասնյակ ընկերներով կանգ կառներ բաց պահարանի առջև, մտասույզ կնայեր ամաններին ու

թեկուզ մի շոփ էլ չէր գտնում բերանը դնելու, բայց միևնույն բանը հրկեում էր ամեն ժամ, ամեն ընկեր:

Եթե հաց լինում էր՝ կերած էր լինում արդեն. շաբաթի երեկոները կտորը-կինը թաքցնում էր անգլուտ անկյուններում, և հյուանը որոնում էր գոնե հացի մի պատառ, խաշած սիսեռի մի հատիկ...

Որ սպանեն՝ չկա ու չկա: Եվ ախորժակը գրգռվում էր, կատաղում: Հառաչում էր հյուանը, բերանը լորմում, թուրք կաթեցնում և շրթունքները շփշփացնելով գալիս նստում էր տախտին ու մեջքն ու գլուխը պատին տալով, աչքերը կիսաբաց, երազուն կհառեր դիմացի պատի մի կետին ու կմնար ժամերով նույն դիրքի մեջ:

Եվ կմրափեր: Բայց դա մրափ չէր, այլ տեսիլների մի հանդիսարան:

Հնդուհավի բուդեր, իշխան ձուկ ընկույզով, խավյարի քրավածքներ, գառան մսով փլավի բլուդներ գալիս երևութ էին դառնում նրա գրգռված երևակայության մեջ: Մի անվերջ սուփրա՝ բազմազան խորտիկներով քացվում էր նրա առջև, և օդը լցվում էր անուշ բուրմունքներով:

Մի հյուսթալի լուլա-քապապ ճերմակ, լուսեղեն լավաշի մեջ կտողոսկեր նրա շուրթերից ներս, և լավ աղած մսի հյուսթը թրջելով լավաշի թերթը՝ հալվում էր նրա քմբի ու լեզվի մեջ:

Հանկարծ թուրք կուլ գնալով կթուչեր նրա շնչափողը, և նա հազալով կզարթներ: Կզարթներ և սոված գայլի պսպղուն աչքերը կզարձներ շորս դին: Խիստ, անողոք իրականությունը կսթափեցներ նրան...

Ու ախորժակը կկատղեր: Վեր կթուչեր տեղից:

Նախ օրորվում էր գլխապտույտից, տարտամ կանգնում էր, հետո պատերը բռնելով դուրս էր գալիս պատշգամ:

Կինը չէր հետևում նրա կյանքին, ուր մնաց շարժումներին: Ինչքան կուզե թող վեր թուչեր, դուրս գար, ներս մտներ. նրա ոչ մի արարժունքը ոչ մի նորություն չունեի կնոջ համար: Հյուանը դադարել էր ապրելուց, նրա բոլոր շարժումները, բոլոր խոսքերը, ամեն մի գործողությունը նախորոշ, կրկնված և մեքենական էին՝ ինչպես ծես, հազարամյա ծես:

Եվ ձանձրալի՛, աշնան անձրևի պես ձանձրալի:

Եվ ի՛նչ պիտի աներ այդ սոված անասունը, որ իր փնտջ ուղքը գրավեր: Արդեն ճակատագրի անշինջ վճռով իր ամուսինը պիտի

կրկներ միեւնույն բանք. դուրս պիտի գար պատշգամ, պիտի մոտենար անկյունում փռած սև պամիդորին, որ շորանում էր, պիտի վերցնէր մեկ-մեկ, տնտղեր դողդոջուն ձեռքերով, մոտեցնէր լեզվին, ցած պիտի դնէր, հետո անկյունից վերցնելով իր ցուպը՝ վար պիտի իջնէր սանդուղից և դուրս գար փողոց: Եվ ո՛ւր էր նրա գնալու տեղը: Իսկ էլ ճակատագիրը վճռել էր անդառնալի — մեյդանը:

Կերթար մի ժամի շափ, ման կզար բոլոր անկյունները, քաղաքի կշեռքի տակ, ձմերուկների, սեխերի, վարունգների, մածունների շուրջը, կհարցնէր բոլորի գինը, հետո կանցնէր մսագործի խանութի առջևով, կանգ կառնէր, բոլոր մսերը աչքով դիտելուց հետո ներս կմտնէր, ձեռով կտնտղեր մսերի կակուղ, յուղոտ մսերը և քայլերը կուղղեր մեյդանից դուրս, դեպի տուն: Հետո երբ հասնէր մեյդանի եզրին՝ կանգ կառնէր բարձր մայթին, թևերը կհանէր ցուպին ու կարոտակեզ աչքերը կուղղեր մեյդանին ու նրա բոլոր ուտեստի պաշարներին:

Ի՞նչ էր աշխարհքը, լի՞ բարիքով, բայց ափսոս՝ ամեն ինչ թանկ, կրակի գին:

Եվ այդ անսպառ բարիքից, այդ խնկագույն խաղողներից, երկնարույս եմիշներից, յուղալի պանիրներից ոչ մի պատառ, ոչ մի հատիկ, ոչ մի ծեղ:

Նրազ է աշխարհքը, զարմանալի, տանջալի, դաժան երազ: Այսքան ախորժակ, այսքան բերքի առատութիւն և այսքան անհաս ամեն ինչ:

Ի՞նչ պիտի լինի սրա վերջը: Մի՞թե հյուանը տարիներով կարոտ պիտի մնա մի անգամ թեկուզ կուշտ փորով ուտելուց:

Աշխարհից դեռ չհեռացած՝ նա արդեն մեռած էր աշխարհքի համար: Չէ՞ որ մեռելներն են, որ շն ուտում: Իսկ նա կենդանի էր, աչքով տեսնում էր ամեն բան: Հենց նոր իր շորացած ձեռքով տնտղում էր ձմերուկի սառն կեղևը, կարծես ափի մեջ դեռ լմում էր գառան մսի փափուկ ոտը... Ուրեմն աշխարհքը կա, ինքը գեռ չի մեռած: Ի՞նչ դառավ կյանքը, մի՞թե պիտի իսկապես մեռնի առանց ուտելու...

Դառնանում էր, շարանում, կատաղում:

Եվ ինչն իրեն խոսելով տուն էր դառնում:

Արդեն երբ տան բակն էր մտնում, կինը լսում էր նրա զա-

ռանցանքը: Աչքերն անգամ չէր ուղղում նրա կողմը՝ դիտելու նրա մուտքը: Հազար անգամ զառանցելով տուն էր մտել, հազար անգամ ցուպը կպցրել էր սանդուղի աստիճաններին և միշտ ու հավիտյան տեսել էր նրա պղտոր աչքերը, որ շարագույժ մտքերով լարած նայում էին, բայց չէին տեսնում:

Եվ իսկապես հյուանը այլևս չէր տեսնում ոչ մարդ, ոչ առարկա: Ամեն ինչի մեջ նա որոնում էր իր փափագելին — ուտելիքը:

Հյուանը կզար և կնստեր իր տեղը: Չորս կողմ կնայեր — ոչ մի նորութիւն: Կասեա աշխարհքը սառել էր մնացել, կանգ էր առել նրա ճախարակը:

Կինը դառն մոտ գուլպա գործելիս կլինէր: Եվ ահա հյուանը պահանջ կզգար մի խոսք, մի հնչյուն արձակելու՝ թեթևացնելու համար սրտի բեռը:

— Մեյդանն էի, լավ պամիդոր էին բերել. ուզեցի մի գրք վանքա առնեմ՝ քացախով կուտեմինք. անտեր մնա՞ գինը թանկ, փող չկա:

Ու թաւը կուլ կտար անհույս ու տխուր: Կարծես անսպառ բնկած ու ճամփան մոլորած էակ լինէր. գնում էր, գնում, բնակութիւն չկա: Այսօր նույնն է, ինչ որ երեկ:

Լուսթյուն էր տիրում: Կինը չէր խոսում: Եվ ի՞նչ խոսեր. նա էլ իր ցավի հետ էր: Միակ աշխատողը նա էր, հազիվ էր մի քանի մանեթ ճանկում տան գործով, կարող կամ վճացքով: Եվ ինչ որ բերում էր՝ տրվում էր հացի, և գնած հացի մեծ մասը գահավիժում էր այն անդունդը, որ նրա ամուսնու փորն էր: Ծկում էր խեղճ կինը, հազիվ էր օրական Լրկու ֆունտի գրամ բերում: Եվ այդքանը բավ համարելով՝ էլ չէր խոսում:

Ահա վերջապես օրվա հանդիսավոր և երջանիկ վայրկյանը: Կինը գնում էր փուռը և բերում հացը: Ու մինչ դուրս կերթար թեյ բերելու կամ մառանից մի բաժին լոբին հանելու՝ հյուանը բորենու պես վեր կկենար, կմոտենար հացին, կսկսեր կմշտել հացը, կվերցնէր, ձեռի մեջ շուռ ու մուռ կտար, կտնտղեր՝ կեղտոտ մատներով, հոտ կքաշէր և էլ իրեն զսպելու անկարող՝ կսկսեր մոլեգին ուտել, ուտել, ուտել՝ առանց ծամելու, առանց համ առնելու, խեղդվելով, կոկորդը քերելով...

Կինը ներս կմտնէր, կտեսնէր, ձայն չէր հանի: Նա արդեն իրեն համարում էր գազան պահող մի էակ, որի գործը այդ էլ պի-

տի լինելը: Երբեմն տրտնջում էր յուրովի, երբեմն ներում, մին-մին էլ կշտամբում էր, բայց ավելի շատ լուում էր և համակերպվում իր դժբախտության հետ:

Ճաշը վերջանում էր տխուր և արագ:

Եվ ահա հագիվ հացը կուլ տված՝ հյուանը, որ մի փոքր կազ-դուրված էր լինում, սկսում էր խոսել.

— Հերու էս ժամանակ մի փութ սոխ ունեխնք:— Կամ.

— Իրիկվան համար լոբուց պահեցի՞ր...

— Ի՞նչ կար, որ ինչ պահեի,— շարանում էր կինը և աման-ները հավաքում:

Բայց այդ բոլորը տեղի էր ունենում դարձյալ իբրև ծես և ոչինչ չէր փոխում մշտական վիճակից:

Վրա հասավ աշունքը՝ իր հոգսերով, սպասումներով:

Հյուանը նստած էր պատշգամի ճաղերի մոտ և դունչը պա-տըշգամի եզրին դրած դիտում էր դիմացի տան բակի անցուղար-ծը: Հարևան խանութպանը սայլի փայտ էր առել և հսկում էր, որ սայլը պարպվի: Մի ալևոր, կարմրաթուշ սղոցպան եռանդով սղո-ցում էր և ուրիշով նվում: Մի զույգ առողջ եզներ՝ մեկը պառկած, մյուսը կանգնած որոճում էին նահապետական դանդաղությամբ: Ինչ-որ խոտի և փայտի հոտ էր ընկել փողոցը:

Օրը ջինջ էր, արևի լույսը կարմիր ձվածեղ: Նայում էր հյուա-նը այդ բոլորին և տանջվում ախորժակից: Հիշեց երանությանմբ այն օրերը, երբ ինքն էլ ձմեռվա պաշար էր տեսնում. հիշեց իբրև մանկություն, որ քաղցր է, որ անդառնալի է:

Սղոցպանը քրտնամխեց և աշխուժի եկավ: Սղոցեց մի ժամ և ապա դադարեց: Հանեց տոպրակից գյուղի կարմիր բոբոն, կաշվե մատնեքով կոտրեց, դրեց բերանը և սկսեց արագ լոլմել: Նայում էր հյուանը և մտովի ուտում էր սղոցպանի հետ: Հետո հուսահատ նայեց եզներին, որ նույնպես ծամում էին: Արդեն հյուանի մրտ-քերը օր-գիշեր ծամելու վրա էին, այդ տեսարանը եկավ և մռլեգ-նեց նրա երևակայությունը: Ամբողջ աշխարհը նրա շուրջը ծա-մում էր. ամեն ձայն, ամեն շարժում, ամեն իր միայն ծամոց էին այդ ժամին: Հյուանի աչքը եզներից մեկի վրա էր, որ պառկելով ավելի ցցուն էր դարձրել իր ետևի ոտի բուզը: Հյուանը իր մտքում մաշկում էր այդ բուզը, կտրում էր եզան միսը և զցում ամանների մեջ, եփում էր և ուտում, ուտում, ուտում:

Փրփրել էր, կատաղել և աչքերը արցունքով լցվել: Նա այդ բուսեին մի իսկական գազան էր, մի գրգռված ստամոքս և ուրիշ ոչինչ:

Նստած էր այդպես մինչև վերջ: Հետո, երբ սայլը գնաց, սղոցպանը հետևեց նրան և փայտը կրվեց ներս, հյուանը մի դող զգաց: Պարզ արևի տակ աշնան գաղտուկ ցուրտ էր սողոսկում, որը դիպավ նրան: Ներս գնաց և փաթաթվեց իր հին վերարկուի մեջ:

Միքանի օր անց նա արդեն լուրջ հիվանդ էր: Կինը, որ սպա-սում էր այդ վիճակը ևս, համակերպ կատարում էր իր վերջին պարտքը: Հյուանը մածնեսպաս ուզեց և ուզեց կյանք հայցողի պես, բայց ոչ մի հնար չեղավ նրան արժանացնելու այդ երկնային ապուրին: Դրա տեղ կինը նրան սառը ջուր էր տալիս՝ մեջը հինգ հատ շոր հոն, որ բավական կոտրում էր նրա ծարավը:

Բայց հիվանդը հրամանով խնդրում էր մի աման մածնե-սպաս: Ամբողջ առավոտը խոսեց, սպասեց — ոչինչ չեղավ:

Անցավ ճաշը մի կտոր սև հացով. հիվանդը փորձեց ուտել, բայց կուլ չգնաց:

Երեկոյան դեմ հարևանի կինը նկատեց, որ հյուանի կինը մեծ մտահոգության մեջ էր: Մոտեցավ, հարցուփորձ արավ և իմացավ բանի էությունը: Գութի եկավ և իր տղին ղրկեց կաթնատուն, մա-ծուն բերելու Մածուն չկար: Հետաձգեցին առավոտյան:

Բայց հյուանը գիշերը ծանրացավ: Զառանցում էր տաքության մեջ: Առաջին զառանցը, երբ ուտեստի վրա չէր խոսում: Սաստիկ ջերմի մեջ հարցրեց կնոջը, թե ուր տարան ինչ-որ գաղթականնե-րի, Կինը չիմացավ, թե ինչ գաղթականներ էին և ուր պիտի տա-նեին: Քողեց անպատասխան: Հիվանդը աչքը բաց արեց, նայեց կնոջը, աչքերը սևեռեց նրան և հարցրեց. «Ապա դու ի՞նչ պիտի ուտես»: Կինը կարծեց թե մածնեսպասին է մտում:

— Կբերեն, կբերեն, սպասիր.— հանգստացրեց հյուանին:

— Դու՞ ինչ պիտի ուտես ինձնից հետո,— հարցրեց կրկին հյուանը՝ ակնարկելով իր մահը:

— Է՛, ջահանդամը, եսի՞մ,— քրթմնջաց կինը տխուր ձայնով:

Այդ միջոցին ներս մտավ հարևանի կինը, մի աման մածնե-սպասով, որ դրեց սեղանին ու քննող աչքը սևեռեց հիվանդի վրա:

— Մածնեսպաս է բերել, կուտե՞ս,— հարցրեց կինը հիվանդին:

— Կեր, ախպեր, կլավանաս:

— Հը՞,— հարցրեց հիվանդը շերմի մեջ և աչքերը բաց արեց:

Սպասը մոտ տարան և մի գդալ վերցնելով՝ մոտեցրին հիվանդի շրթունքներին: Հիվանդը բնազդորեն զգաց, որ իրեն ուտեցնում են. շրթունքները չփշփացրեց, բայց չկերավ: Ախորժակ չկար:

Առաջի՞ն անգամ կյանքի մեջ: Փոխվեց, գնաց այն ախորժակը, որ երբեմն աշխատավոր օրգանիզմի հաճույքն էր, հետո նրա պատիժը:

Զկերավ: Տխուր նայեց իր կնոջը, հարևանուհուն և տնքաց:

— Վնաս չունի, հետո.— ասավ հարևանի կինը և ամանը տրվեց հյուանի կնոջը:

Զգացվեց սա: Եվ տխուր նայելով սպասին, հետո մեռնողին՝ սպասը տարավ պահարանը:

Եվ երբ սպասը պահելու համար բաց արեց պահարանը, ինչ-որ գթաշարժում զգաց և սիրտը ծակեց: Քանի՞ անգամ բացվել ու խփվել էր այդ պահարանը, քանի՞ տեսակ բարիքներ պահվել այնտեղ, քանի՞ բարեկամի աչքն էր ուրախացել այդ բարիքները հանելիս: Եվ քանի՞ անգամ հյուանը վերջերս բաց ու խուփ արավ երբեմնի առատ այդ կյանքի պահարանը:

Դեռ չէր տեղավորել ամանը, որ հարևանի կինը ինչ-որ շշտնչաց և նրան ձեռով արավ:

Հիվանդը մեռնում էր:

Ձեռով արավ. բան էր ուզում ասել:

Կոկորդը կծկումների ու շնչառության մեջ ինչ-որ լիբրտեց:

— Քե էսպես պիտի ըլեր իմ մեռնելս, ես հոժար եմ,— ասաց հիվանդը:

Եվ մեռավ հեշտ, անսպասելի արագ:

Սենյակում տիրեց դազադի լուսթյուն:

Հետո՞: միայն սա՞: Կինը սպասեց, որ մի բան փոխվի: Բայց ոչինչ չփոխվեց: Նայեց իր դեմը և աչքին ընկավ՝ մի կողմ սովամահ հյուանի բաց ու սառած աչքերը և մյուս կողմ պահարանը, որ նույնպես բաց ու անշարժ նայում էր իրեն շարժարողի հետ:

1918

ԽՈՒԺԱՆԻ ՇՈՒՆԸ

Ամեն քթից մի-մի կղպեկ, ամեն մուկից մի կտոր հաց, ամեն քիմքից մի կատլետի պատառ՝ վզակոթին մի փոքր վրիպած բուռնցքի հավելվածով, որ իբրև վերագիր դեսերտ հասցնել է ուզում դռներով ելումուտ անող ճաշարանի ծառայողը — և օր է՝ մթնում գնում է Հայրոյի համար:

Ի՞նչ է եղել Հայրոյի անցյալը:— Մշուշ: Ոչինչ չի հիշում: Երագի պես միտն է իր հայրը էջմիածնի լճափին, ծառի տակ, անբնական դիրքով պառկած: Անշարժ ու ձիգ: Հետո միայն, մայրը հիշեցնելով նրան այդ դեպքը՝ բացատրում էր, թե հայրը մեռած էր ծառի տակ և տանող չկար թաղելու: «Մի՛ լա,— ասում էր մայրը.— թե չէ՞ դու էլ կմեռնես»: Մորը կորցրեց Սարգարապատում: Նա էլ սովից մեռավ:

Ուրիշ ոչինչ:

Մնացածը իր կյանքն էր, իր տասներկու տարեկան կյանքը բնության դահլիճում՝ դաշտում, փողոցներում, այգիների պատերի տակ, խանութների փեղկերի մեջ... Հայրոն մնաց մենակ, իր բախտին:— Ընկերներ շատ ունեցավ. Երանք մեռան, մեռան: Նոր ընկերներ ունեցավ, սրանք էլ մեռան: Ինքն էլ շատ հիվանդացավ, սով ու տանջանք քաշեց, շատ անգամ գիշերները պառկում էր այն մտքով, թե պիտի մեռնի: Առավոտն արթնանում էր՝ որ չի մեռել:

Վերջն էլ տեսավ — որ իսկի չի մեռնում: Երեսը դեմ արեց ու սկսեց ապրել:

Կյանքի կրունկը որքան կոխ տվեց նրան, այնքան պնդվեց ես, կոփվեց փողոցի սե, բայց երեսը պինդ ցեխի նման: Քանի գեաց պնդացավ, կարծրացավ ու մնաց:

Մենակ չէ Հայրոն: Հին ընկերներ ունի. Մքեն, Դավոն, Խեչոն, Անդրասը, Հակոն, որոնց հետ սերտ ընկեր է: Նրանք ընկեր գառան շատ են: Երեսը, սովը, հիվանդությունը կուշ

բերեց նրանց ու մոտեցրեց: Այնքան իրար հետ մուրացին, փախ-
ցրին, գողացան, այնքան վտանգվեցին միասին, այնքան գիշեր-
վա ցրտին կիպ կպան իրար, գողացին ու մի կերպ իրար տա-
քացրին, որ կապվեցին իրար հետ:

Քաղաքում շատ կային խմբեր, որ թաղերը բաժանել էին
ազդեցություն գոտիների: Ամեն մի գոտի տուրքադրված էր:
Ամենքից պահանջում էին:

Առաջ թոցնում էին: Իսկ սովի ժամանակ ուղղակի խլում է
վերջը թոցնելը դուր չեկավ Հայրոյին: Պահանջելու էլ տեղը կար:
Հայրոն ուրախությամբ ճաշարանների ու փոռների առջև կանգնած
սալլերից փայտը կրում էր ներս: Ջուր բերում, արկղներ էր տե-
ղափոխում խանութ-խանութ: Շատ անգամ էլ սաստիկ զբաղված
մի ծառայողի համար ծխախոտ էր բերում, փող էր մանրում:
Հավատում էին: Հայրոյի ընկերները սիրում էին նրան շիտակու-
թյան համար, և նա նրանց խրատում էր. հանդիմանում:

Հայրոն ասավ՝ պրծավ, պետք է գողացածը ետ տանել:

Մի երկու անգամ մանկական ապաստարան տարան: Առա-
վտը հաց, ճաշին մի աման կերակուր, երեկոյան՝ քնիր: Մի՛
խոսի, մի՛ վագի — քունը տարավ, ձանձրացավ: Մլկեց գնաց իր
բանին:

Հայրոն իր խմբով ման էր գալիս ամբողջ քաղաքը: Ղանթարը,
լավաշների շարքը, մսագործների գալերեան, բանկոտպի ճաշա-
բանների ղոները: Ամեն տեղ կոխում էր իր մրոտ քիթը, գիտեր
ամեն ինչ, դիտում էր, քննում: Գիտեր ով որտեղ է առուտուր
անում, ով ում ծանոթն է, ով ում ընկերն է, սա ինչ գործի է:
Ամենքին պահել էր ատամի տակ. գիտեր բնավորությունները —
կոշտը, փափուկը, ժլատը, առատը: Գիտեր ում հետ ե՞րբ չի կա-
րելի խոսել, ե՞րբ կարելի է համարձակ պահանջել:

Հայրոն իր խմբի ղեկավարն էր, նրա թույլ անդամների
պաշտպանը: «Տան» հայրը:

Մի շուն էր ճարել: Ավելի շուտ՝ շունն էր իրեն ճարել Չանգվի
տփին: Սատկում էր աղբի մեջ: Հայրոն վերցրեց բերեց քաղաք,
քոսից մրոտ երեսին, գուրգուրեց, խնամեց, և շունը ապրեց, մեծա-
ցավ: Այնուհետև միշտ հեռուց ման էր գալիս: Ընտանիքի սերե-
վին էր, նրա նվիրապետական սանդուղքի մեջ թեև վերջին, բայց

ոչ նվազ մտերիմը: Շանը մյուս խմբերն էլ էին ճանաչում. և Հայ-
րոյին սիրելով, սիրում էին և նրա շանը:

Չալոն՝ շունը, վազում էր հետևներից փողոցից փողոց և մաս-
նակցում նրանց արշավանքներին: Հայրոն իբրև ընտանիքի մեծը՝
շունը բերելով տուն՝ հոգսերը շատացրեց: Եվ գիշերները, երբ
ցուրտը փախցնում էր խուժանների քունը՝ Հայրոն պատմում կամ
բացատրում էր շատ կենսական բաներ, որ նորեկ խուժանը պիտի
իմանար: Միլիցիոները բարձր է գոռում — ասել է դա նշան է, թե
չի դիպչելու, պաշտոնի համար է գոռում: Ծառարանի ծառայողը
հարձակվում է վրադ՝ մի վախենա, եթե ճաշարանում մարդ շատ
կա — չի խփի: Մասնավոր խանութպանի վրա բարձր գոռա —
բալշևիկ չէ: Նրան բալշևիկները չեն սիրում: Մեկ կիսի, երկուսը
խփի:

Ամառը անցավ երազի պես: Աչքդ խփեցիր բացիր՝ ամառ չկա:
Աշուն: Հետո էլ ձմեռ: Բայց այս անգամ ձմեռը խիստ եկավ ու
նստեց: Անվերապահ, անգիշող: Հինգ ամիս ավել կամ պակաս
ցուրտ: Սա էլ միլիցիոներ չէ, չի խնայի: Պետք էր դիմադրել: Բայց
ինչպե՞ս: Մի տոպրակ — ահա տունդ, ահա ապաստանդ:

Գիշերները, այդ դաժան գիշերները, կարելի էր տեսնել Հայ-
րոյի ընտանիքի անդամներին գունդուկով, իրար փաթաթված,
տոպրակների տակ քնած: Կանցներ մի անցորդ, կնայեր, գլուխը
կշարժեր, բայց միշտ կգնար... Դրանից ավելի խուժանին չէր մո-
տենա: Խուժանը գիտեր այդ: Եվ ինչպես խանութի առջևի մայթը
կպած էր գետնին, և բնական էր, որ այդ այդպես էլ պիտի լինի՝
այնպես էլ խուժանը պիտի կպած քներ այդ մայթին:

— Էս ի՞նչ եք անում էստեղ, — կհարցներ կողմնակի մարդը:
Պատասխան չկա:

Կամ քնած էին, կամ արհամարհում էին:

Միայն Չալոն էր, որ պառկած լինելով Հայրոյի գլխավերևը՝
գլուխը դուրս էր հանում տոպրակի տակից և հաշում խուժանի
պատասխանը: Միջադեպը դրանով էլ վերջանում էր:

Չմեղվա մեջ, ցրտից էր թե ինչից, շները քաղաքում սկսեցին
կատաղել: Գործկոմից մարդիկ եկան և սկսեցին հավաքել շներին
ու թունավորել:

Հայրոն, որ մի քանի անգամ տեսել էր շներին թունավորելը՝
սաստիկ անհանգստացավ Չալոյի համար:

- Անդրա՞ս:
- Ի՞նչ է:
- Չալոյին կղեղեն:
- Վո՞վ:
- Միլիցան:
- Զոռո՞վ:
- Զոռով կթորկե՞մ, տո՛: Համա լավ է՝ պահենք:
- Պահենք, Վի՞ր տեղ:
- Վիր տե՞ղ: Գու մնա տուն: Որ մոտենան՝ մտի պատվալի գուռ: Ես երթամ հաց բերեմ:
- Զուշանաս: Ես էլ անոթի եմ:
- Ուշանամ՝ չուշանամ: Չալոն քեզ պահ կտամ, դու գիտես, հա:
- Հաց կբերե՞ս:
- Ես ի՞նչ գիտեմ:

Գնաց մեյգան: Մտավ դանթարը: Հոտվրտաց դես-դեն: Ցուրտը նոսր էր պահում մեյգանը: Մարդ չկար շատ: Խանութպանները թաթմանները դնում էին ականջներին և պար գալիս: Բայց և գաժանացել էին:

Ոչ մի կտոր հաց: Հայրոն սրթսրթաց մի քիչ ու հեռացավ: Հեռվում մի ինչ-որ բազմություն էր հավաքվել: Ականջները սրեց: Հացը մոռացավ — սա ավելի կարևոր էր: Հետաքրքիր դեպքի համար խուժանը ամեն ինչ կտա: Վագեց:

Գլուխը կոխելով թևերի արանքից՝ նայեց:

Մի շուն էր ընկած: Թունավորել էին, և մարդիկ նայում էին: Գեղեցիկ, շագանակագույն շուն էր: Ընկած մի կողքի վրա՝ լեզուն կախ գցած՝ արագ հևում էր: Երբեմն էլ աչքերը ժպտալու պես անկելով՝ հանկարծ ոտքերը շոտում էր՝ ու ցնցվում ու անիվի պես պտտվում իր առանցքի շուրջը: Ու մնում:

Մի դպրոցական երեխա իր գալոշը մոտեցրեց շան պոչին:

— Մի՛ ձեռ տա, — մռայլ խեթեց նրան մի կարմիրբանակալին ու հեռացավ:

Նայեց Հայրոն և ինքն էլ մոայլվեց:

— Էս ո՞ւմ շունն է, — հարցրեց նա ինքն իրեն և հատկացավ թե ինչքան գովար է սատկում շունը:

Մտածեց Չալոյի մասին: Գահ էր, որ նրան ձեռք չեն տվել: Մեյգանում բան չգտնելով՝ անցավ մսագործների շարքը, հացթուխների կողմը:

Մի կերպով ճանկեց մի կտոր հաց ու վազեց տուն:

Մոտենալիս նկատեց, որ մայթի վրա ոչ Անդրասն էր երևում, ոչ շունը:

— Կա չկա շանը տարել են, — մտածեց ու վրա ընկավ պաղ-վալի դռան:

Շունը չկար: Անդրասը նույնպես:

Հայրոն անհանգստացավ, վազեց դեպի բուլվար: Չկար: Դիմեց սրան-նրան, ոչ մի խուժան չկարողացավ հաստատ բան ասել: Բայց խոսում էին, որ այդ օրը բավական շուն են թունավորել:

Կեսօրից անց էր, և Հայրոն քրտնքի մեջ կորած, ման էր գալիս ողջ քաղաքը:

Մոտեցավ ճաշարանին: Ընկերները, որ վաղուց եկել հավաքվել էին դռանը՝ ձայն տվին:

— «Ընկեր» Հայրո, ճաշը պատրաստ է, համեցեք:

— Ճաշ է, ճաշ, ճա՛ա՛ա՛շ... — կրկնեցին մյուսները ոտքերի վրա օրորվելով և մատները բերաններին փչելով:

Հայրոն շնչասպառ միայն հևաց:

— Շունը տեսա՞ք, շունը:

— Դեղե՞լ են, վո՞վ է դեղել, տո՛:

— Զէ, ի՞նչ կա:

— Շունը դեղել են:

— Միլիցան:

— Է, է՞... հասե՛ք, տո:

Ու պուկ եկան:

— Ո՞րտեղ ա:

— Ես գինա՞մ որտեղ ա:

Առաջ ընկավ: Գնում է կրակ կտրած, աչքերը սաստիկ մտահոգ, հեալով ու ճարճած մերկ ոտքերի պճեղները անխտիր կոխելով ցեխի. ձյան ու ջրերի մեջ:

Միայն թե Չալոյին ազատի...

— Է, լավ, վո՞վ է տեսել, որ շունը միլիցան է տարել:

— Արի՛ք, արի՛ք: Վա՛յ, վա՛յ, վա՛յ... վա՛յ Անդրաս, քո՞ն-

նար քու մամու երկու լուս, չկրցար մի շուն պահել: Ես հիմի շանը ո՞րտեղ գտնեմ...

Չգիտե լա՞, թե բարկանա: Խու՛մբը երկար ժամանակ պտըտվում էր փողոցներում: Բայց ոչ Անդրասը կար, ոչ Չալոն:

— Վա՛յ քու տունը շավերի, Հայրո,— գոռում է հետևից Մքեն շնչասպառ,— էդ շունը դու հիմա՛լ բաց թողիր:

— Ե՛ս բաց թողի, տու: Տվի Անդրասին, թե պահի՛ ես երթամ ճաշարան հաց բերեմ «տուն»: Ինքն էլ չկա, շունն էլ չկա:

— Խելքի՛ պուտուկ, Անդրասի ումուտով Չալակը թողիր գացիր «գործի»:

— Հա՛, հա՛, է՛դ ասա: Ես իմ խելքին ի՞նչ ասեմ: Անդրասի հես. մարդ «գործ» կբռնի,— ասում է ու քիթը խաշտում է Հայրոն:

— Դպրոցի տղաները շտանե՞ն կորցնեն, յա դեղել տան,— կասկածեց Խոն:

— Ի՞նչ, շուն կորցնե՞ն, դեղել տա՞ն,— խեթեց Հայրոն,— բերաննե՛րը կճոռթեմ երկու գազ: Չալոն դեղե՛ն: Գետնի տակ քառասուն գազ խորեն՝ կհանեմ:

— Տուն չլի՞ գացած, տղա՛:

— Չէ՛:

— Վա՛յ թե գացած եղնի: Հայրո՛, քելե տեսնենք:

— Հը՞,— ու Հայրոն կասկածով շուրթերն է կրծում:

Կանգնել են փողոցի անկյունում, խորհուրդ են անում:

Անցորդները չեն հասկանում պատճառը, նայում են, տարակուսում, թե խուժաններն ինչ բանի են: Անկյունում նստած էր Դավոն: Մոտեցան նրան, հայտնեցին:

— Բան չեն անի, ձեռ չեն տա շանը,— մխիթարում էր Դավոն:— Կպահեն, կտան:

— Կպահեն... խուժանի շունը վո՞վ կպահի, շա՛ջ:

— Էլի՛, էլի՛, էրթանք գտնենք:

Դավոն էլ վեր կացավ:

Պոստի փողոցի անկյունում մարդիկ խոնվել էին: Խուժանները տեսան:

— Հայրո՛, էն ի՞նչ ա:

Հայրոն պատասխանի տեղ՝ վազեց:

Խուժանները ոտարորիկ, ոմանք էլ ծանր, պատռոտած կոշիկները բոթբոթացնելով ընկան նրա հետևը:

Երբ մոտեցան՝ տեսան Անդրասին, որ դիմադրում էր մի մարդու, որը ըստ երևույթին թունավորող բուժական էր:

Հայրոն ճղեց հավաքվածներին ու գնդակի պես խրվեց նրանց արանքը: Թեքերի ու մեջքերի արանքից մտիկ տվեց և հանկարծ աչքովն ընկավ Չալոն, որին մի խումբ խուժաններ շրջապատել, պաշտպանում էին:

Հայրոյի տեսան թե չէ.

— Հայրո՛, հա՛սի, Չալակին դեղեցին:

Հայրոն քարի պես նետվեց նրանց կողմը, հափուց շանը և մյուս կողմից ճղելով բազմությունը՝ սկսեց վազել:

Թունավորող բուժական ու միլիցիոնները ընկան հետևից:

— Կաղնի՛, կաղնի՛:

Հայրոն ետ չէր նայում:

Խուժանները շրջապատեցին միլիցիոններին ու կախվեցին փեշերից:

Բուժական սկսեց գոռալ, բայց տեսնելով միլիցիոնների փեշերից կախված խուժանների ճիգը՝ ծիծաղն եկավ ու ձեռը թափ տվեց:

— Թո՛ղ, բան չունե՛ս: Թե շունը տեր ունի՝ թող մնա:

Միլիցիոնները չէր ուզում զիջել: Թափ տվեց իր փեշին կպած խուժաններին ու փորձեց վազել: Բայց ցեխը, Հայրոյի հեռավորությունը նրան զինաթափ արին, նա էլ զիջեց ու բաց թողեց «գործը»:

Բազմությունը, որ սկզբում հռհռում էր այս տեսարանից՝ սկսեց կամաց-կամաց ցրվել:

Խուժանները ցեխը ճպճպացնելով վազ տվին Հայրոյի կողմը: Հայրոն «տուն» էր հասել:

Նստել էր մայթին, շանը գրկել և նրա գլուխը թևի տակն առած՝ շնչասպառ հնում էր: Հոգնած էր, քրտնքի մեջ կորած, և կաթիլները նրա երեսի մուրը լվալով, գլորվում էին շան վզին:

Նա հոգածու, գոհունակ աչքերով նայում էր շուրջը և երբեմն կռանում, թուշը քսում շան ալկանջին:

Խուժաններն սկսեցին հանդիմանել Անդրասին, թե ինչպե՞ս է բաց թողել շանը:

Անդրասը արգարանում էր.

— Ես իդա տեղ մեզք շունիմ. շունը փախա՞վ, ես էլ ընկա հետևը...

Հայրոն աչքերը շոնց վրան.

— Սո՛ւս, հոգիդ մի՛ սեցուր:

— Տնավեր, — մեջ ընկան մյուսները, — մկա մարդ շունը կը-թորկա ընկնի միլիցու ձե՛ռ: Շունը որ դեղեին վո՞վ էր տերը:

Անդրասը չէր զիջում:

— Բե՛ր, բե՛ր, շատ մի՛ խոսի, բե՛ր շուլ կապե շան վիզ՝ շտա-նեն, — վերջացրեց Հայրոն:

Անդրասը գես-դեն մտիկ տվեց՝ փալաս չգտավ:

Այն ժամանակ Հայրոն ատամով բռնեց տուպրակի փեշը, պատռեց մի ծվեն և ուրրելով կապեց Չալոյի վզին: Ու ծիծաղեց.

— էս էլ քեզ խուժանի շուն:

Հետո շորս կողմը նայեց: Հոգնած էր, շարշարված, սոված: Մտահոգվեց: Պետք է մի բան գտնել շան և իրենց համար: Կար-գադրեց, որ ինքը մնա՝ շանը պահի, մյուսները գնան հաց բերելու

խուժանները հեռացան: Հայրոն մնաց տանը — այսինքն՝ ամեն կողմից բաց մայթի վրա, որի մի կողմը, պատի մեջ նկուզի սանդուղք կար: Ահա այնտեղ մտավ նա, և լուռ, մտախոհ օպա-սում էր թեք զցած իր հովանու տակ մնացած շանը, որի պաշտ-պանը միայն ինքն էր — անտուն խուժանը:

1010 ք.

ԽԱՆՈՒԹՊԱՆ

Մի խավար ներքնատուն. գա էր նրա խանութը: Նրա աշխար-հը՝ ավելի շուտ: Բայց ի՞նչ ներքնատուն. ծակո՛ւտ, մկան բուն, որի բերնի շուրջը մկան դուրս ածած քարի, հողի տեղ կտեսնեիր մանր, կոտրած տաշտեր, ժանգոտ թիթեղե ամաններ, փտած պանտա, մզլած մրգեր, կեղտոտ շիր... Մի քարե կոտրած սան-գուխ իջնում էր դեպի այդ փոքրիկ դժոխքը:

Ապրա՞նք — անունը տալ շարժե, վարնո՞ց, կեղտո՞ւտ, տեսակ-ները անհարիր, անսպասելի... զարմանալի տաղանդ ուներ գտնել մրգերի ստորագույն տեսակը, կակալների կծվածը, խաղողի քա-ցախածը, նկուղից-նկուղ ճամփորդած, հազար խուրջին տեսած, կեղտից սևացած շուրջսեղներ, հարյուր անգամ տնտղած, մատ-նահարած հացեր, երշիկներ՝ այնքա՛ն կասկածելի իրենց ծագու-մով, որ ոչ մի կասկած չէին թողնում:

Ցերեկը դռնից դեպի ցած նայողը մթան մեջ հազիվ կնշմա-րեր իրեն, խանութպանին: Հիսունից անց էր վաղուց, դեզնած մումիա, շոք տառեխ: Տխուր աղվեսի պես դանդաղ վեր կսողաք սանդուղներից, մազաղաթի ճաղատ գլուխը դուրս կհաներ ծակու-տից, մի եբկու բերան տխուր աչք կածեր փողոցը, կվերցնեք մի փտած տանձ, զոգնոցով կկեղտոտեր, կազինաղի կտորները ավելի կմանրացներ և քիթը խաշտելով կիջներ ցած և քացի տալով քո-սոտ կատվին՝ առաջ կքաշեր մրգերի արկղը՝ ջոկելու համար ամե-նամզլածը, վերջապես դուրս զցելու վճռով:

Բազմաթիվ արկղներ, կոտրած տաշտեր ուներ, որոնց մեջ տեղոցտեղ էր անում իր ապրանքների տեսակները, տեսակների տեսակները, հոտածների զանազանները, որոնք կլասիկ աստիճա-նավորումով նախ ընկնում էին մի փոքր նվազ փտածների տաշտը, հետո ավելի մզլածների և վերջը արդեն «ոստիկանական» տեսա-

կը, որի վրա երկար նայում էր տխուր ու բարկացած, վերոգիր էր անում, շուգելով հաշտվել արկղը գցելու հետ:

Մի ծանր, հավիտենական հոտ կար նրա խանութում՝ պանրի՝ ասես, թթուների՝, տեղաշորերի՝, կեղտոտ փալասների՞. մի կատարյալ նեխարան: Փտում էին դազգյահն ու դարակները, փտում էին առաստաղի մրկված գերանները, փտում էր կարծես և ինքը, իր դեղնած, հետո սևացած արխալուղով, որի օձիքը, մեջքն ու թևքերը պլպլում էին՝ ինչպես ֆուրգոնի ձիու սարք:

Թթված, դժգոհ էր նրա դեմքը: Ինչի՞ց, արդյոք, գուշակելը դժվար էր: Գործը վատ չէր գնում: Նա էր միակ մատակարարը թաղի աղքատ, ավուր հացի կարոտ ընտանիքների, տանից մի քանի կոպեկ գողացած երեխաների, սովից մեղրամոմ դառած գաղթական պատանիների, որ ծերերի պես երերալով՝ գալիս կանգ էին առնում նրա ծակուռի առջև և աշխատում ողորել նրա սիրտը, որ էժան ծախս մի որևէ փտած խնձոր: Գաղթականը՝ ավելի՞ էժան, մի քանի կոպեկ էժան, իսկ նա՝ ավելի՞ թանկ, գոնե մի կոպեկ թանկ: Համաձայնություն չէր լինում, և պատանին հեռանում էր թոնթորալով, իսկ նա մոռյլ՝ նայում էր գետնին: Մի տանձի ճեղ, ճաթի մի փշուր, մի բուռ վառած հացի քերիչք անգամ չէր տալիս: Ամեն ինչ ծախում էր միայն, — հենց այդ մի ճեղ տանձը, ճաթի մի փշուրը, վառված հացի քերիչքը:

Զէր խոսում, քրթմնջում էր. չէր նայում, որոնում էր, դանդաղ, աչքերը գետնին, ի՞նչ, ո՞ւմ, ո՞վ գիտե, և այդ բոլորը շարացած, ժանգոտ, տխուր:

Կքաշեր փողի դախլը՝ փողերը հաշվելու, ստուգելու, վերըստուգելու... Հետո աչքերը կզցեր գետնին և մի բան հիշել ուզողի պես՝ կսառեր կմնար, ապա դախլը կփակեր, հետո ձեռները թևքերը կոխած՝ ժամերով կկանգներ, կթթվեր:

Խոռվ էր աշխարհի հետ... կա՞ր պատճառ այդպես խոռվ ապրելու, պա՞րզ էր իր համար, թե ինչո՞ւ էր խոռվ. բայց նրա զըլխում կոտրած ջաղացի պես բանում էր մի բարդ հաշիվ, որ մի բոպե չէր դադարում: Նա հաշվում էր ամեն մի փունձ ընկույզի, ամեն կտոր մաստակի առքը, ծախք և օգուտը, հետևում էր ամեն մի կոպեկի կյանքին, թե որի համար եկավ, որի համար ում ձեռքը անցավ նորից, և հետո ի՞նչ կլինի ամեն մի բողկի, կարտոֆիլի, փչացած կեռասի բախտը: Նա մարդ չէր տեսնում իր առջև

նրա տխուր, ճպոտտ աչքերը միայն ձեռներն էին տեսնում և ձեռների մեջ գրամներ: Մարդկանց մտապատկերը վաղուց հավել էր նրա երևակայության առջև և նրա պատկերացումը Ռյոնտգենի ճառագայթի պես անհետացնում էր մարդը և գրպանի մետաղն էր նկարում նրա աչքերի առջև: Կոպեկները մարդիկ էին և մարդիկ կոպեկներ: Ահա այդ գրամներն էին, որ ուշանում էին: Ուշանում էին և ջղայնացնում նրան, չէին հասկանում նրա հաշիվները, գալիս էին, բայց նորից գնում... Եվ կարծես մարդկանց վրա շարացած էր նրա համար, որ ուշանում էին իր փողերը բերելու և նրան ստիպում սպասել, հսկել, ճգնել...

Եվ երբ թաղի մի աղքատ երեխա տոռուզ ու կեղտոտ ափի մեջ կոպեկանոցը սեղմած՝ ներս էր մտնում ծակուռը և իր ուրախ հեվոցը գցում այդ մոռյլ դագաղի մեջ՝ ժպտագին սպասելով մի մատնոց սեմիչկին, որ նա՞, խանութպանը, կրկին ու կրկին դատարկում, լցնում, շափում էր մի հատիկ անգամ ավել շտալու համար, կարծես այդ երեխան փախցրած լիներ խանութպանի կոպեկը և հիմա բերեց: Խանութպանը դեմ էր անում սեմիչկան և խուզարկուի պես, ժանգոտ նեղսրտում.

— Ահա՛, ա՛ռ, ո՛ւր է կոպեկը:

Երեխան բաց էր անում քրտնած բուռը, և խանութպանը կարծես իր կոպեկը տեսնելով, ետ էր խլում և փնթփնթալով գցում դախլը:

Ո՞ւր էր տեղավորված նրա ընտանիքը այդ ծակուռի մեջ: Գազգյահի ետև մի տախտակորմ կար: Պետք է, որ այնտեղ լիներ: Բայց ի՞նչպես էր տեղավորվել այնտեղ, ո՞ւր էր տեղավորվել: Կարելի էր ենթադրել, գուշակել մի բան, բայց հասկանալու հնար չկար, այնքան նեղվածք էր այնտեղ, այդ բազմազան, անպետք, անթիվ իրերի բավիղում: Պատերը քանդված էին, հատակը հող, ցուրտ, խոնավ:

Խանութը ավելի էր մոռյլում, երբ մխոտ նավթի ճրագը հիստոնելով պատ ու ապրանք՝ ժլատորեն լուսավորում էր ծակուռը, նրա ներսը, անկյունները:

Ահա նստած է կնոջը իր քնարանիակ հետ: Իր կինն էլ էր մոռյլ, հողագույն, ճիւղ, մի ձձկեր ետևա գրկին, և վրում էր կատվի ձագի պես:

Մի տասներկու տարեկան կաղ աղջիկ ուներ, որ նստած էր լի-

նում դռան մոտ. շա՛ր, ագա՛հ, մեծացած-փոքրացած: Զրմշրմ-
փացնում էր բերնի ծամոնը և գրանով մի փոքր խանդարում ծա-
կուռի տխուր լուսվյունը: Հոտած օ՛դ, ցուրտ նկուղ, փառող ապ-
րանքնե՛ր...

Սվ փտր՛ը կյանք...

Ոչ ոք չէր խոստանա չէր շարժվում: Կարծես նրանք հրե՛ք,
սգառանկը կողպած: Խոսնափուրդը — զգ մնա՞նք զգիտա՛ւմ...

Նավթի ճրագը մխում էր խանութի սանդուղիների վրա՝ և հիսը
նստեցնում փտած ապրանքների: Առուտուր շկար: Ներսը դա՛գ-
գյա՛հ, մոտ նստած էին ինքը՝ կեղտո՛տ, բաշլըղը գլխին կապած,
կինը իր տեղը, աղջիկը՝ իր, մինչև անգամ քոտոտ հիվանդ կատ-
վածագը իր տեղը:

Երեխան քնած էր:

Տարիներ. անցել էին, և ոչինչ նոր բան չէր պատահել այդ
ներքնատանը: Հիմա էլ այնպես:

Դուրսը շարժում էր. մարդիկ գնում էին եկեղեցի, բայց դա
չէր վերաբերում նրանց — իբրև բանե՛ր՝ ապրող աշխարհի, որից
վաղուց նրանք բաժանված իջել էին իրենց մուժ գուրը՝ եգիպտա-
կան մումիաների նման:

Ահա մի երեխա թաղի չքավոր ընտանիքից մոտեցավ ծակու-
ռի դռան և կանգնեց:

Խանութայանը վեր շնայեց:

— Ի՛նչ ես ուզում,— ժանգոտվեց աղջիկը՝ տակից վեր նայե-
լով երեխային:

Երեխան շպտասխանեց: Միայն տատանվելով ներս իջավ և
կանգնելով խանութայանի առջև, աչքերը գետնին մքմնջաց:

— Մերս ասավ՝ մի գրվանքա՛ ճաթ տաս, կոտորվում ենք,
սովից...

Բա՛խողն ա՛յլ ոչ... շարժեցավ առջևից իր նստից՝ մոտից
գլխով թող շոյակներ ավելացավ պարտքի փոխք միսմ նողորմաց ներս գլխմ

— Գնա՛, գնա՛, թե՛ թե՛ չկապ... յ՛նչաց առջիկը վերևից նայանց
սպասեցու իր Տարը: զրույսմ անգը մ գրոքմավը գնա՛ող բլա իմ

Երեխան աչքերը զցեց նրա կնոջ վրա: Հույս ուներ նրա
գթության: Բայց կինը նրան նայում էր այնպես, կարծես ոչինչ
չէր տեսնում — անտարբեր, տխուր, ուրիշ մտքերով պաշարված:
Նայեց իրե՛ն, խանութայանին և սպասեց:

Խանութայանը միայն թեքերից հանեց իր կեղտոտ, գորտի
պես փայլող ձեռք և ափով նշան արեց, որ գնա...

— Բա սովից մեռնե՛նք,— լացակումելով հարցրեց երեխան:
Խանութայանը ձեռով արավ՝ գնա՛, գնա՛...

Ու ժպտաց:

Ի՛նչպես...

Առաջի՛ն անգամ իր կյանքում լսում էր մի այդպիսի հիմար
հարց: Քանի՛ տարի է՝ չէր ժպտացել: Կնճիռները մրոտ երեսին
բացվեցին իբրև մամուլի տակ սխալ զցած լրագրի ծաված տե-
ղեր, որոնց չի դիպել տառերի մուրը:

Նորից ձեռով արավ՝ գնա՛, գնա՛...

Ի՛նչպես — ինքը ողորմի՛... Թափ սվեց գլուխը, նորից ծրպ-
տաց և կամաց-կամաց էլի թթվեց: Ոչ ոք չէր դիմել իրեն այդ ձե-
վով: Առաջին դեպքը թաղի մեջ նրա հետ...

Սվ առաջին ժպիտը — միակ նորությունը նրա կյանքի վերջին
տարիներում:

Երեխան գլուխը կախեց և դուրս գնաց: Ընտանիքը թթվեց,
լռեց և սկսեց էլի սպասել...

Ի՛նչ բանի...

Ապրիլի վերջերն էր: Փողոցի մայթերի ակացիաները զգես-
տավորված, իրենց բուրվառներով խնկարկում էին գարնան գա-
լուստը:

Սակուռի դռան մոտ թարմ տախտակներ էին ընկած, և տա-
շեղի ճերմակ գանգուրները դես-դեն էին խոնվում: Ներքնատնից
տախտակի, խեժի դուրեկան հոտը բուրելով դեպի փողոց՝ հետը
բերում էր ասեղայի ուրիշիկ, ժիր շղփոցը և շահել ատաղձագործի
լիակուրծ, ուրախ երգի և հևոցի ձայնը: Դազգյա՛հ նորն էր, դա-
րակները նոր և ճերմակ տախտակները լվացած և հստակ երես-
ների պես ժպտում էին: Քեթված էր նախկին կեղտը, պատերը
սվաղած: Իսկ դա՛նը սխառահասն էր ավելի խոն:

Սվ այդ բունը գիտեցողը և հիմա նայողը առատորեն ծծում:

էր ծաղկած ակացիաների և տաշեղի դուրեկան բուրմունքը և կուրծքը ուռեցնելով՝ ախորժակով արտաշնչում էր և երազանքով հառաչում:

Չկար խանութպանի ընտանիքը. ո՛ր էր տեղափոխվել, հայտնի չէ:

Միայն ինքը խանութպանը մեռել էր մի ամիս առաջ:

1920

Գրողը հարգանքներ է արտահայտում հայ հասարակության նկատմամբ, որը հարգանքներ է արտահայտում հայ հասարակության նկատմամբ, որը հարգանքներ է արտահայտում հայ հասարակության նկատմամբ...

ՄՐԱՅՆ ՄԵԿԸ

— Վա՛շտ, կա՛նգ-նի՛ր:

Վաշտը ոչ-որիթմիկ թափով դադարեց, մնաց ճամփի վրա:

Միակ աղմուկը ամայի շրջակայքում:

Նա էլ դադարեց:

Մնաց միայն գինվորների հետքը, որ հիմի ավելի պարզ և ալիք-ալիք դիպում էր շրջակայքի լուսթյանը:

Սպաները դուրս եկան ճամփից ու քամակները դիմհար տալով խոշոր քարերին սկսեցին անխոս ծխել:

Ձինվորներից մի հինգ-վեց հոգի հեռացան ճամփից, իսկ մյուսները մնացին տեղերում:

Գորշ ու անվերջ դաշտավայր:

Երկնքի կափարիչը կապարի պես լուծվում-հոսում է լեռների վրա, այնտեղից էլ բլուրների վրա, և սրանք մոխրագույն մկների պես դնչները խրել են գետնի մեջ ու ականջ են դնում:

Մի շարագուշակ, ժանգոտ բան կա ամեն բանի մեջ:

Օրվա ո՛ր ժամն է...

Եվ դա լո՛ւյս է, թե մոխրափոշի մաղված օդի մեջ:

Ձինվորները կապտած ու մրկված երեսները թաքցրել են բաշտիկների մեջ ու շեն խոսում, ինչպես մեռելատանը:

Անձրեն սկսեց փսփսալ:

Ցուրտ է:

Երբեմն հեռվից, կարծես մի խարխուլ մեծ շինության օճորքից, մի քար է ընկնում հատակին ու խուլ թնդում:

Հետո արձագանքը՝ դո՛ւ-ո՛ւմմ... քայքայվում է ու հալվում օդի մեջ:

— Ա՛մպ է,— խոսեց վաշտի մեջ մի ձայն:

— Դու էդպե՛ս իմացի,— պատասխանեց մի ուրիշ շարածպիտ ձայն:

Եվ ինչի՞ են սպասում...

— Սվինը վեր բռնի, է՛յ,— մրթմրթաց մի զինվոր իրենից առաջ կանգնածին:

Դիմացինը, որին «էյ» ասաց, դրսեցեց իր ուսադիրից կախ ընկած հրացանի փոկը, հանգիստ նայեց աչքերին: Սա էլ նրա աչքերին նայեց:

Եվ ուրիշ ոչինչ:

«Էյը» մեղմորեն հնաց ու կուզը կրկին դուրս գցեց: Հետո սկսեց կողքանց նայել անձրևաչրի բարակ թելին, որ սողալով սկսեց ճամփի արխի միջով:

Բարակ անձրևը իր միլիոնավոր մատներով թափում էր զինվորների վերարկուները: Նա մի խուլ, մտածկոտ պատմություն էր անում: Էյը ախորժելով էր լսում նրան: Նա նրան ինչ-որ մի քաղցր բան էր հիշեցնում: Հասկանում է — սարի դազան, որի թաղիքին անձրևը մտերմորեն թխկթխկացնելով կեսգիշերային լուսթյան մեջ նիրհ է բերում մարդու աչքերին:

Որտեղից է՛լ միտն ընկան այդ անցած-կորած բաները: Քսան տարուց ավելի է սարի կյանքից հեռու՝ ընկած է եղել քաղաքները: Իսկի միտն էլ չի, թե ինչպես է ապրել: Առաջ կառուպան էր Դիլիջանի տրակտում, հետո գիշերապահ Քիֆլիսում: Վերջերս էլ վեց տարի է՝ հնոցպան էր Բաքու՝ Սպիտակ քաղաքի մի յուզի գործարանում: Ամեն տեղ իր պաշտոնը քշվածությունն է եղել: Քյուղերից դուրս, տներից դուրս, գործարանի անկյունները: Ու քսան տարի է՝ նստում է, իր մտքերի ետև ընկնում: Դրանից էլ՝ կարգին խոսել չգիտե: Հենց որ դալիս է «պերեկլիչկան», և ենթասպան հասնում է նրա անվան ու պաուզա է լինում, զինվորները հասկանում են, որ դա նա կլինի. բոթում են կողքին ու նա դեմ ընկնելով ու ֆիզիկապես արտասանում է.

— Յա՞:

Նրա ազգանունը ոչ ոք էլ չսովորեց: Ուշտի և ամենքը «էյ» են կանչում նրան:

Հիմա, իբրև «խաշակիր» պատկերված է գնում մեյք —

Դեռ ահանջի մեջն էր իր հնգամյակի գարգռի ճեղքի պոկեցին աշխատանքից, բերին մի քակրի պիլակապարձից, որ պանակ պատկերված, Ռաբբի մեյքի հնգամյակի կռուձ — գործը

*) Ե՛ս (գերմ.):

մնաց կիսատ: Մենակ գա՞րծն է, տունը մնաց անտեր՝ իր կնոջ ու երեխայի հոգսով: Հետո քաղաքը, մարդիկ, հազար ու մի բան ու գործ...

Աշխարհքը:

Միտքը գնում է դեպի ետ:

— Քայլերով առա՛ջ... մա՛րշ...

Վաշտը նորից կենդանացավ և հուղարկավորների պես շարժվեց:

Խը՛րթ... խը՛րթ... խը՛րթ...

Կոշիկները ութմիկ շեշտով խոսում, խաղ են անում քարերի, կաշտերի հետ:

Հիմի էլ էյը կառնեց այդ խրթխրթոցին: Հաճելի է ինչ-որ: Մտիկ է տալիս առողջ զինվորների կարմրած ձեռքերին, շրթունքներին, լսում է նրանց թարմ շնչառությունը: Հաճելի է: Ինչ-որ հույս կա դրա մեջ: Հետո կծկվելով այդ ձայների հաճույքի մեջ՝ մտիկ է տալիս խոզան արտերին:

— Չէ՛, «սրանք» էլ են վարում, ցանում: Աշխարհքի մեջ մի խելք կա: «Նա» չի տևի երկար, «նա» չի լինի:

Ահա դաշտի հեռուններից, կարծես գետնի տակից դուրս եկավ մի գլուղ: Իրիկվան սովերներն են կախ նրա դոններից ու շարդախներից, Կարծես շների հաշո՞ց: Կարծես ինչ-որ մարդիկ են դռների առջև:

Մյուս զինվորների դեմքերն էլ մի քիչ խտակվեց:

Սկսեցին փսփսալ:

— Քշերը մնո՞ւմ ենք:

— Կարելի չա որ մնանք:

— Մի քիչ դիժնջանանք...

— Բա՛:

— Ձյունը ուշացել է: Ամա թե որ գա՛ կնստի:

— Շ՛հյոֆ... հյա ս՛րտեղ ես: Տավարը որ հիմիկուց խոտի պաշարին ընկնի՞ գարուն կհասնի՞:

— Բա՛: Հյա պոթի հանդիցը պոկի:

— Գա՛ն ձյունը, ամա չի նստի:

— Մի՛ն երկու կգա, կհալի:

— Ա՜հա՛ք մի՛նչի՛ նստելը՝ տավարը՝ մի տակից մի երկու շաբաթ էլ որ կեր ճանկի՞ էլի մեծ բան ա:

— Կճա՛նկի: Էյր ահանջ է դնում հայ գյուղացի տղերանց այս խաղաղ գրույցը և հանգստանում է:

Գյուղը սողաց-սողաց, օրորվեց, այլակերպվեց և խոժոռ կանգնեց վաշտի առջև: Վաշտը մտավ համփի փողոցը և կանգ առավ:

Ամայի՛ գյուղ...

Գանգերի պես պարապ խրճիթներ, որոնց փտած աչքերի միջից մահը խեթ-խեթ մտիկ է տալիս, ու քանդատած զոնները փամփոփում են քայքայված բերանների պես:

Լուս է: Ոչ մի ծպտուն:

— Մարդ չկա՛... — փսփսում է մի զինվոր՝ ահանջ դնելով:

— Խարաբա է, — խոսում է ուրիշը և քիթը խաչշտում:

Նայում է էյր և իրեն թվում է, թե տեսիլք է գնացել:

Ահա աղբյուրը... — ջուր է բխում ոչ ոքի համար:

Կողքին՝ ջրաղացը: Գուռը հանած է, և ներսում կանգ են առել աղորիքները: Անշարժ գերեզմանաքարեր են թվում նրանք, երբ այլևս չեն աղում:

Ճնշվում է էյր այս ավերի խստության առջև:

Տունը, որ այնպե՛ս դժվարությամբ են շինում՝ այսքան տնե-րը, գյուղերը, քաղաքները այսպես խենթի պես քանդել: Տես ի՛նչպես են հանել գերանները:

Հե՛շտ է գերանը կտրել, բերել, դնել: Ի՛նչ խելք է...

Եվ քա՛նի օր է՝ էյր անց է կենում այսպիսի ավերակների միջից:

Տո՛ւնդ շքանդվի, աշխարհք:

Որ հազար-հազար մարդ շինում հա շինում էր՝ մտիկ էիր տալիս — էլի շինելու բանը կար ու կար: Հիմի ի՛նչ են խմացել, որ քանդում են ու քանդում:

Ափսո՛ս ջրաղաց: Կրեթիր ցորենի ջվալները, կկիտեիր այս ջրաղացում, ինքդ կնստեիր ջրաղացպանի ու մյուսների հետ, մի լավ կրակ կանեիր այս ցրտին, հաց կթխեիր մոխրի մեջ, մի կողմից զրույց կանեիր, մյուս կողմից աղորիքները կաղաչին: Խաղաղ հացը:

Ախր, ինչո՞ւ չեն առնում այն, ինչ որ պետք է, ինչո՞ւ են այդ լավ բաները փչացնում:

էյր հավաքել է ուզում իր շփոթ մտքերը: Հանգիստ է րո-նում, որին փարվի: Եվ հծկվում է վերարկուի մեջ:

Մի՛թե չեն գիշերելու այստեղ:

Ոչ, չեն գիշերելու:

Անցնում են առաջ: Անցան գոճերը, մարագները... և ահա նորից դաշտ, նորից անձրև:

Օրը նվազում է, լույսերը մաշվում:

Գիշեր:

Շուտով էլ քամին վեր կացավ: Լայնարձակ դաշտավայրի անհյուսիսակալ դառն քամի:

Բաշլիկները փոփոում են, ծեծկվում: Անձրևը այլևս մտրա-կում է, և ցուրտը կծում, ասեղների պես լցվում է մարմինը:

Անձրևի լճակները շարացած ձայներով ճզփում են կոշիկների տակ, ցեխը կծում է կոշիկները, ատամներով բռնում:

էյր տխրում է:

Ախր ո՞ւր են գնում...

Խրճիթների կերպարանքներ երևացին, որ նոթերը կիտած մտիկ տվին խավարի միջից:

Կայան է:

Պահակներ են ցցված ճամփի եզրին:

Ախտոներից մարդիկ ելումուտ արին: Վախկոտ լույսերը ծկրակեցին դռների արանքից:

Վաշտը կանգ առավ: Իրենց գունդը այստեղ է: Երևի իրենց էին սպասում: Զինվորներ դուրս եկան ախտոներից: Խոսեցին: Ասում են վաղը ելույթ է. գնում են խրամատ:

Զինվորները դողողալով մտան ներս, վար բերին հրացան-ներն ու պարկերը: Վերջապես հանգիստ է: Զեռաց մխաց օջախը, և ծուխը լցրեց խրճիթը:

Ու թեև հոգնած էին, բայց շպառակեցին քնելու, այլ խոնվե-ցին խրճիթում և ձայները բարձրացնելով՝ սկսեցին խոսել, կար-դաղրել, հարմարվել:

Թե՛յ հանդես եկավ: Թթու հացի հոտ: Ընթրում են:

Խրճիթի մի մասը, որ անասունների բաժինն էր՝ մետրքների առջև ձիեր էին կապած: Ախորժելի հասարակություն:

Բոցը օջախում կլխաց, թևերը՝ թափ տվեց, զինվորները կի-սարուր նստեցին դիմացը:

Ձայնեք բարձրացա՛վ:

— Էյ, Դաթիկո, «չուրը» հանի:

— Չկա, գնա Ռաստով:

— Ադա, Տիմոֆեյ, շաքարը մի դեսը:

Տիմոֆեյը հանում է կեղտոտ շաքարի քսակը և մեկնում է գիմացիին:

Նոր է որոշվում զինվորների կերպարանքը:

Վաշտը մի խայտաճամուկ խառնուրդ է ուսների, հայերի, վրացիների, լեհերի...

Կրակի ուրախ շրթոցին խառնվեց զինվորների ուրախ զրույցը: Ուրախ են նաև նրանց սովերները, որ ահա թուլկոտում, պարում են սեացած պատերի վրա:

Թեյը ժպտում է կապույտ էմալե գավաթների միջից ու շերմացնում:

Մի շիրակեցի մեջքը դրել է պատին և ոտները մեկնել:

— Հակո՛, էս դրուստ մեր տունն է: Այ, էն մեկը տեղովը մեր տուլբան է:

Ու ձեռք մեկնում է գիմացի պատի խորշը:

Հակոն, որ քթի տակին երգում է, գլխով հավանության նշան է անում:

Կարծես տեսած լինի շիրակեցունց տան տուլբան:

Շիրակեցին ժպտում է և գլուխը թափ տալիս:

— Տերը փախել է՞, հը՞, Հակո:

Հակոն կոնատակն է քերում ու կլկլացնում:

Էյը նրանց է լսում: Եվ ուրախ է: Այս խոսքերի փոխանակութունը նրան անասելի դուր է գալիս:

Նա էլ է ուզում մի բան ասել այդ տան տիրոջ մասին, որ փախել է: Բայց միայն հազում է և կոտրած ժպիտով նայում է շիրակեցուն:

— Տղերք, ասում են էս կողմերը լավ հաց է ըլում, — ծոծրակը բորելով հորանջում է էյի հարևան Միկիլը:

Եվ դառնում է ուսերին՝ իր կողքի նստած մի կարմրամուրուք զինվորի:

— Շի՛շ, Կոզմա, էս գյուղերում ջատ լավ հաց է ըլում: Էյը մտիկ ա՛վեց Կուզմային: Սա շուտ ա՛վեց իր պզնձազարի

գլուխը դեպի խոսակիցը, և մորուքի կարմիր լավան կասկաղենով թափեց ուսազլխից:

— Նո՛ւ, բուսուկ, էստեղի հացով մեզ չես զարմացնի: Էս տարի մեր Կուբանում հացը ա՛յ միջն է՝ էստեղ է,— ցույց է տալիս իր զանգը փչելու փստակն ու լայն, կարծես հենց ինքը տափաստան երկիրը լինելու: Հետո կոշտացած մատները սյունաձև բռնելով գավաթի տակին տարձամ շոթի թիթիս՝ ու՛ր թո՛ւք անելով ներս քաշեց թիթը:

Զրույցը մեծացավ: Սկսեցին խոսել հողի հատկութուններից, Հեռից, Անաստեաններից:

Կարծես հիմա պիտի քաղցր քնեն և վաղը գնան դաշտային խաղաղ աշխատանքի:

Միայն Տիմոֆեյը տխուր է:

— Ա՛յ, դուք հիմի երևի հաց ունեք ձեր տանը: Ամա տեսեք, որ իմ կնիկը, ախպեր ջան, էս բոպեիս մի կտոր հաց էլ չունի: Ինքս հյուսն եմ: Վեց ջան երեխեք թափել եմ տանը՝ եկել: Կերակրի՛ տեսնեմ:

Ոչ ոք չի պատասխանում:

— Ռ՛ւմ համար է էս դալմադալը — չեմ իմանում: Ամա արե՛ տես, որ ուրիշը կոբիլ է սարքում՝ մեջտեղը մեր ժողովուրդն է կռվում:

— Դո՛ւ ինչ ես էստեղ բերանդ շաղ տալիս,— մրթմրթում է մի մոայլ զինվոր, որը թեք է ընկած և աչքերը հառել է առաստաղին,— ո՞վ է տանը ժառանգություն թողել իր կնկա համար: Թող գնա աշխատի: Թագավորական ժառանգություն է, հարսանիք չի:

Բոլորը մոայլվում և բարկանում են Տիմոֆեյի վրա, թեև գիտեն, որ սա ճշմարիտն է խոսում: Եվ մրթմրթան զինվորն էլ հենց դրա համար է քրթմնջում: Նա էլ համաձայն է Տիմոֆեյի հետ:

— Քնի՛, քնի՛, — խեթում է նրան Տիմոֆեյը,— ես սոված աշխատավոր եմ, դու էլ կուշտ գեղացի չես:

Լուռ եմ մի պահ:

Էյը մտիկ է տալիս նրան՝ ժպտում է յուրովի, հավանություն տալիս: Նա ուրախ է այդ ընդհանուր տեսարանի մեջ: Լավ է տեսել, որ քեյսուրն իրենց փոքր մեծք է, անասունները կորտաճում են զի բնիս ուռջ ավ միջանցում քեյսուրն ու գլ:

Բայց ոչ նրա ժպիտը, ոչ նրա ներկայութունը չի երևում գին-վորների մեջ:

Էյը գորշ մարդ է, աներևույթ: Մոտեցավ օջախին, սկսեց շամփուրով կրակը խառնել: Հիշեց իր հնոցները, և սքրտը ծակեց:

Բայց դա մի րոպե էր միայն:

Նա աչքերը հառեց կարմրամարտուկուղակին, արդև հաղթան-դամ մարմինը ուղախացնում էր էլին:

— Հացը պետք է ժամանակին գցել հողը — դասախոսուհի է Կուզման: — Հացը երեխա է, իր օրորոցում քնել է ուզում: Ա՛յ, պատերազմը որ չլիներ՝ գիտե՞ք թե մեր հողը ո՞նց էր կատաղած բերում հացը: Աշխատող ձեռքերը գնացին պատերազմ... գեղում պտռավներն են լնզվեցում: Ա՛յ թե բանն ինչումն է:

Ու մորուքը թափ տալով՝ դանակը կոշիկին քսելով սրբում է, խնամքով ծալում, դնում է գրպանը:

— Ձեր տանից մենակ դո՞ւ ես, — հարցնում է նրան Դաթիկոն:

— Ո՞վ, — կարծես բարկանում է Կուզման, — երեք եղբայր ենք: Այ, Իվանը ավստրիական ֆրոնտումն էր, Երոպկան գերմանական ֆրոնտում: Երկուսն էլ սպանված են: Ի՞նչ տուն: Տնտեսութունը քանդվեց գնաց:

— Հա՛, դժվար է, — փիլիսոփայեց Դաթիկոն:

— Աբա՛, բրատեց տի մոյ, տակիյն դելա՛:

Ու Կուզման հացի պաշարը կոկ ու սիրուն տեղավորեց պարկի մեջ ու պարկը դրեց բարձի տեղակ իր գլխավերևը:

Եվ հանկարծ մի վճռական շարժումով թափ տվեց իրեն.

— Է՛, քնելու ժամանակ է: Թե չէ՛ մին էլ տեսար, աչքդ բաց ես անում որ՝ ելույթ է:

Հսկայի պես ծառանում է վեր, կարծես գետնի միջից: Ապա փոսեց վերարկուն, մեկնվեց ուսական դաշտի պես անդորր քնելու:

Այս բոլոր խոսք ու զրույցի ժամանակ այնտեղ է էյը: Այնտեղ, իր համար, զինվորների մեջ, կորեկի հատիկի պես կորած:

Նա համաձայն է բոլոր ասածներին: Կարծես ամենքը իր ուզածն են ասում: Փորձում է ինքն էլ մի բան ասել, բայց ոչ խոսքի ծայրը գիտե, ոչ էլ պաշտ:

Թափ է տալիս գլուխը, նայում է իր շուրջը հավաքված զինվորներին՝ Դաթիկոյին, որ խաժ աչքերը հառել է կրակին ու աչքը պաղել է և մնացել: Տիմոֆեյին, որ ար-

նեքը կուշ բերած պառակել է կողքին ու մշմշում է, թքում կրակի մեջ: Մրթմրթան զինվորին, որ շար աչքերով օճորքին է նայում ու իրար ետևից ծխում:

Երբակեցին ու մյուս հայերը քնել են: Մյուս զինվորներն էլ անհանգիստ քնած են:

Ու այդպես կորած, անտեսված՝ էյը գնաց կծկվեց մի անկյունում իր վերարկուի մեջ ու դունչը ներս քաշեց: Դեռ շատ կա մինչև «այնտեղ»: Դեռ մի քիչ տաքանա, քնի, ինքն իրեն հավաքի:

Պառկած է էյը, բայց ջուրը չի տանում: Մարմինը տնքում է հոգնածութունից: Աչքը փակ՝ ականջ է դնում: Ախոռի հոտը ախորժելի է գալիս նրան: Հարազատ, խաղաղ մի բան կա դրա մեջ: Մսուրքներից, դը՛րթ-դը՛րթ, լսվում է ձիերի ուտելու ձայնը: Դա հիշեցնում է հեռուններում թողած կյանքը, խաղաղ կյանքը: Դա ոչ թե ախորժելի, այլ և սրտառու է: Երբեմն ձին առողջ սրմբակով պինդ դոփում է գետինը:

— Էրնակ քե՛զ, — մրմնջում է էյը և դառնությամբ ժպտում:

Ուզում է ավելացնել, թե «դու չգիտես, որ պատերազմ ես եկել», բայց միտքը չի ձևավորվում:

Ու ընկնում է մտքերի ետև:

Աչքի առաջն է գալիս իր տունը: Հիմա քնած են՝ իր երեխան ու կինը: Եվ չգիտեն, որ ինքը այս հեռու երկրի մի ախոռում արթուն պառկած՝ նրանց վրա է միտք անում:

Ահա իր փակ աչքերի դիմաց ուրվագծեր են օրորվում: Իր երեխայի երկար թարթիչները խաղաղ քնած աչքերի եզրերին: Գիշերվա ճրագը պլպլում է, առկայծում, և լույսը դողում է նրա դեմքին: Ահա երեխայի և անկողնի ստվերը օրորվում է պատի վրա:

Էյի երևակայությունը սրվում է: Ահա իրենց գործարանի հնոցները: Բոցերը պտույտ են գալիս իլիկների պես ու մղվում են հնոցի պառկած խողովակների խորքը: Փոնչում են նրանք, թռչում, ցզրգզում են կաթսաներն ու խողովակները: Էյը պարզ տեսնում է: Այ, տես, դուրս անկա՞ գործարանի ընդարձակ բակը: Տեղ-տեղ ինչ-որ շոգիներ են ֆտաֆտոտում, ինչ-որ խողովակներ են շրխացնում:

Ահա և խաղաղ ծովը, ձգվում է անփին: Հեռուն մթնում է Բիրի-էյրաթը: Դեպի այժմած՝ խորհրդավոր Բաբուն...

— Էյ, վեր կաց, — գոռում է ընկեր հնոցապետը ոչ իր ձայնով
և բարկացած:

«Վախո՛ւտ» է, — վախեցած հարցնում է էյը ու վեր թաչում:

Ջովապետն է: Նա է. բոլորի ոտքով:

Շշմած, դողալով վեր է կենում էյը:

Կեղտոտ մի երկինք ներս է նայում երգիչից: Դեղնած խոտեր
էք գողգողում ու ծեծվում այդ երգիչի եզրերին:

Դուրսը քամի է:

Հավաքվում են:

Զինվորները շար ու ներվային են: Այնպես են մտիկ տալիս
ամեն մեկի վրա, այնպես են խեթում սրան ու նրան, կարծես նա
է այս ամենը սարքել:

Վերջապես շարվեցին:

Ոչ ոք չի խոսում: Հրացանները գրկած, ձեռները թևքերի մեջ
կանգնել են ու սսվել: Թշնամու երկրի քամին հաշում է գամփոփ
պես, կծում, վանում է նրանց:

Դիմացը ժանգոտ բլուրներ են: Ասում են՝ այնտեղ են խրա-
մատները: Այն կողմից գնդացիներ են շոր-շոր հաշում: Էյը
ականջ է դնում, և թվում է, թե դա արագիլի կտուցների կափկա-
փոց է: Մանոթ պատկեր, իրենց գյուղի արագիլները... բայց
պատկերը վախով ցնդում է: Դիմացի բլուրներում «գործ» կա,
անախորժ, ծանր մի գործ:

Ահա դիմացի բլրից, ուր գնացել էր իր հարևան վաշտը փոխ-
վելու, իջնում է մի ուրիշ վաշտ:

Նրանք գալիս են հեղեղատի միջով, հատ-հատ, դանդաղ:

Վաշտը լարվեց: Նրանց է նայում:

Ահա ծանրաբայլ մոտեցան նրանք: Ոմանք կաղում են: Նրանք
գալիս ու բոլորովին լուռ անց են կենում սրանց կողքով:

Վերարկունները ճմլած, ցեխոտ, իրենք մի տեսակ փռած,
սեքած, Դեղնած մեռելներ: Սվ կարծես գնալքեր չեն, այլ դիմակ-
ներ: Այդ աչքերը, իբրև արդեն մահը տեսած աչքեր՝ ինչ-որ տա-
րաբխակ անտարբերություն ունեն իրենց փայլը ստի:

Ապահու պես են փայլում:

Ահա թե ինչպես են նայում «այնտեղից» եկածները:
Բայց ի՞նչ կա այնտեղ...

Մտիկ է տալիս նրանց էյը և հասկանում է, թե ինչ կա «այն-
տեղ»:

Սվ ծանր մի ձեռքաշում է նրան «այնտեղ»:

— Դեպի հեղեղատը, մարշ...

Վաշտը շարժվում է դեպի հեղեղատը, որ այնտեղից բարձ-
րանա երգամատների շարքով:



Ահա և «այն բանը»... Կարծես առանձին բան չէ: Մածկած
բներ են, տեղ-տեղ քարած, տեղ-տեղ ցեխոտ, խոնավ խրամատ-
ներ, և ուրիշ ոչինչ:

Էյը վիզը երկարացրեց, նայեց բլրի մեջքի վրայից դեպի
«այն բանը»: Ոչինչ չի երևում: Այնտեղ ոչինչ չկա: Միայն մշուշ,
բլուրներ, բլուրներ, մշուշ և ապա կապույտ լեռներ:

Միայն սև, կտրտված թելի պես մի բան զիզզազ գնում է աչ
ու ձախ, երբեմն ընդհատվում, մեջ տալիս:

Դա թշնամու խրամատներն են:

Սպաները, որ առաջ զազազած գոռոռում էին, հիմա հան-
կարծ սակավախոս դառան: Ինչ-որ շարածափտ հայացքով են նա-
յում վաշտին, էյին և դավադիր փսփսում իրար մեջ:

Կոմանդները կտրուկ են: Սվ արդեն անկեղծ: Էլ այն հանդի-
սավոր թատրոնական ձգումները չկան:

Այդ կոմանդները հիմա «նշանակություն» ունեն:

Էյը շուտ-շուտ մոռանում է, թե որտեղ է: Կարծես երազի մեջ
է, կարծես ամեն ըստեղ զարթնում է ու նորից ընկնում երազի մեջ:
Սվ այդ ըստեղներում ահագին ժամանակ է անցնում: Բայց դեռ
մի քանի ժամ հազիվ է անցել:

Աչքը դարձնում է իր շուրջը և գգում է, որ ինքը իսկապես
«այնտեղ է» արդեն: Բայց ինչու՞ չի սկսվում «այն բանը»: Կար-
ծես ինչ-որ հանդիսավոր կերպով է սկսվելու դա:

Արդեն կրկնվեց, որպիսի է հրացանները շոր ձայնով հայ-
թեցին: Իրան է հասնում հերթը: Ինչ էլ է կրակում դեպի դիմա-
ցի թեղ:

Այդ կրակոցները «կապի մկրտություն» համար է իսկապես:

Վաշտի մեծ մասը սկսնակ է դեռ: Շիրակեցին ու Միկիչը հուզմունքից անբնական ժպտում են: Տիմոֆեյը փնթփնթում է յուրովի: Իսկ Կուզման ունքերը կիտած դիմացն է դիտում: Նա հանգիստ է ու մոռալ:

էյը նրան է նայում և սպասում է, թե ինչ կանի, կարծես Կուզման է որոշելու կովի բախար: Հայճելի է նրա մտերբը լինելու:

Բայց ահա Կուզման — և դա ե՛րբ եղավ և ի՛նչքան ժամանակ անցավ... — Կուզման շոքել է և գլուխը դրել խրամատի պատին: Ի՞նչ է փնտրում:

Սանիտարներ են գալիս կուզեկուզ:

Հարցնում են.

— Ո՞ւր է:

— Այստեղ է. տարե՛ք:

Կուզմային ետ քաշեցին խրամատի պատից: Մորուքը մեջտեղից թրջվել էր կարմիր արյունով: Երբ նրան մի փոքր բարձրացրին, արյունը սկսեց պարզ շիթել ցեխի մեջ:

Նրա դեմքը գունատ էր մոմի պես, ջունքերը կապտած:

Դրին պատգարակի վրա:

էյը կողքանց նայում է, թե ինչպես Կուզման սկսեց ութմիկ օրորվել պատգարակի վրա, կարծես կոմիկ պար է գալիս, ու ամեն ութմից արյունը օձապտույտ ծլծլալով թելի պես գնում, նախշում էր գեպինը:

Տարան Կուզմային:

Հետո՞...

Հետո՞ էլ ոչինչ:

Եվ էյը ճնշվում է, ինչպես սպանդանոցում հերթի կանգնած անասուն:



Օրերն անցնում են ծանր, սրտի միջով, սիրտը հետը քաշելով: Վաշտը, դեռ նոր կռիվ մտած վաշտը, դավաճանորեն գնդակահարվում է՝ մեկ-մեկ, աննկատելի, հե՛շտ, ինչպես Կուզման: Վաշտը, կողքի վաշտերը քայքայվում են, փափամուսնի միջոցով: Փափած էլ կռիվ է զորություն: Բեկքեր չկան, կամ իրայն մի անշարժ դեպք — անորոշ, անվերջ պատերազմը:

Դա էլ մի գործ է, որ ոչ ոքինը չէ: Դրա տերերը ինչ-որ հեռու տեղ են: Նրանք այստեղ միայն սպաներ ունեն, որ դաժանանում, հայհոյում, խստասրտում են, զինվորներին ուղարկում մահի դուռը, երբեմն էլ իրենք են ընկնում արյունովա:

Եվ «գործը» կանգ է առել: Դա մի դիակ է, որ ընկել է մարդկանց մեջ ու հոտում: Նեխում է ամենքին:

Արդեն ամենքը գազազել ու զսպորեն անկարգացել են:

Տիմոֆեյը սկսել է բարձրաձայն մրթմրթալ: Զոկապետը աչքը մեխում է նրա աչքին, մի ընկալ խեթում ու շրթունքները ջարժելով ուրիշ կողմ նայում:

— Արնախումնե՛ր... — սեղմում է առաճենների մեջ Տիմոֆեյը:

Զինվորները ասում են, որ նա կամ կգժվի, կամ կգնդակահարվի:

Տիմոֆեյի դեմքը ջղաձգորեն ցնցվում է: Նա դատապարտված ու նեղն ընկած գայլի պես համարձակ է դառել:

Ու քանի գնում է՝ պատերազմը փոխվում է մի այլ բանի: Վատ գործի: Մթերք չկա, շեն բերում: Զորամասերը անկարգանում են, անկարգանում են և իրենց գործի տերերը — սպաններն ու հրամանատարները:

Լուր չկա: Սա պատերազմ չէ, այլ անվերջ տանջալի կյանք:

Ի՞նչ պիտի լինի սրա վերջը... ո՞ւր է սրա ծայրը — ոչինչ չի երևում: Մտածո՞ւմ են այս մասին, և ո՞վ է մտածում: Ոչ ոք ոչինչ չգիտե:

Սակայն «գործը», այդ ոչ ոքի գործը մի անասնական բթությամբ ճարակում ու անխտիր խժոռում է ամեն ինչ:

Շիրակեցին էլ «գնաց»:

Հինգ ուրիշ զինվորներ էլ «գնացին»:

էյը չի մտածում, սակայն, որ ինքն էլ «կգնա»: Դա իրենից շատ հեռու մի բան է:

Նա դեռ սպասում է:



Առաջին ձյունը նեխած: Եվ նույնպես այդ ձյունը չէ, որ ամեն ինչ մաքրում էր: Գարունը կռիվները պարզվեց: Բամբ բարձրացավ, հետո նորից հալվեց, նորից շարժվեց:

Սպաններն էլ սկսեցին բորբոսնել, Չանձրույթն ուտում է ամեն-
րին ժանգի պես:

Միայն մատակարարն ու իր օգնականներն են, որ ապրում են
սովորական կյանքով:

Շատ անգամ ամբողջ խրամատում լուռ է, ինչպես դիակա-
նոցում:

Միայն խրամատի ետևը, փոսի մեջ շաքար են բաժանում: Եվ
որպեսզի տրտունջ ու կողմնապահություն չլինի, վիճակ են գցում:
Մատակարարը շաքարը բաժան-բաժան է արել, իսկ օգնականը
երեսը շուռ տված կարդում է ցուցակը:

Մատակարարը ծիսական ձայնով հարց է տալիս:

— Կո-ոմո՞ւ:

Ի՞նչ արտասանում է օ-յով:

— Միդո-ո՞-րովու, — ձգում է օգնականը սարկավազի պես:
Ու երկար դեռ լսվում է այդ ձանձրալի «կոմո»-ն՝ կարծես ինչ-
որ թաղման ծես լինի զինվորների գերեզմանների եզերքին:



էյին հետախուզության ուղարկեցին մի խումբ զինվորների
հետ: Պատահաբար, եղավ դա, թե հետախույզ կոմանդի քմահաճ
անփութությունից — բայց եղավ:

Մթնշաղ էր, որ ճամփա ընկան:

Նախ շեղվեցին դեպի ձորակը և անխոս իջան ներքև:

Պետը, ինչ-որ իր մտքի մարդ, հրամայեց մի փոքր սպասել
ժայռի տակին:

Ամայի ձորակ: Ամեն ինչ անծանոթ, դաբանակալ, թշնամի...
Գետակի ափին ժայռերի խոշոր, մամոտ բեկորներ էին տխրում
ու անհյուսիքնակալ նայում էին:

Ոչ մի ձայն:

Առվակն էր միայն քրթմնջում:

Եվ ուրիշ ոչինչ:

Շարժվում են առաջ:

Ահա և մի մեծ ժայռի բեկորի տակին, մեկ դիակալ վիթևակ փո-
րի տակ, մյուսը ցեխի մեջ՝ ընկած է նա բերանբախվաբ, որ հեղձ
չբեկ է այս կողմը: Ետքապիսի է նա, զանգի դուռը — արհեստ
լուծված, թափված:

Ժնգժնգալի ծիծաղը ատամների մեջ, աչքի մեկը ճոթված,
մյուսը կիսափակ՝ էյին է նայում:

Սա էլ նայում է նրան:

Սանր, մահի հոտ է գալիս նրանից:

էյը ուզում է խոսել, դարձյալ խոսք չի գտնում ասելու, բայց
թևքով բռնում է զինվորներից մեկի արմուկին և ցույց է տալիս
դիակը:

— Կորցրո՞ւ, — թքում է սա և երեսը շուռ տալիս:

Նստեցին մի փոսի մեջ: Մեկը գլուխը դուրս հանեց, սկսեց
դիտել շորս կողմը: Իսկ պետը սկսեց կարգադրել: Բայց և շուտ-
շուտ կարգադրությունը փոխում էր խորհրդակցության: Ավելի
շատն այն էր, որ նա ինքն էլ ոչ մի ծրագիր չունեի: Երբեմն նա
կիսաձայն խոսում էր մի զինվորի հետ, որը ըստ երևույթին նրա
պես ծանոթ էր դիրքին ու հանգամանքներին: Խնդիր էր դրված՝
գտնել փշալարերի կողքերից մի այնպիսի ճամփա, որ կարելի լի-
ներ գիշերը մոտենալ և կտրատել: Եվ երևի պետը գիտեր, թե որ-
քան են մոտ կամ հեռու վտանգից՝ ըստ երևույթին իր օգնականի
հետ հանգիստ էր:

Հանկարծ մթան մեջ մի խուլ ձայն սողաց ու թռավ:

Թփթփոց:

Պետը թնդաց տեղից: Սա անակնկալ էր արգեն: Ականջ է
դնում:

Ի՞նչ իմանաս, ո՞վ է, ի՞նչ է:

Պետը գործում է խորամանկորեն, զգույշ: Բայց նրա ամեն մի
շարժումը, վճիռը էյին թվում են անսիրտ, մեքենայի պես ան-
սիրտ: էյը վախենում է ամեն նրա մի խոսքից:

Եվ ահա պետի մոխրագույն ապակե աչքը կանգ է առնում
էյի վրա: Ապա նայում է իր օգնականին: Սա էլ խորամանկորեն
ժպտում է և հասկանում է պետին:

Պետն ուզում է վտանգն ստուգել: Բայց կարող է «ծախս»
վնեն:

Այն պահին, երբ էյը, ձեռքով հարյուր քայլ այս ուղղությամբ և ա-
փանց ցիր:

«Այսպես ապահով է» — մտածում է նա և նայում իր օգնա-
կանին:

«Ճիշտ է» — մտածելով պատասխանում է նրան օգնականը, և ծպտում:

Օգնականը, իհարկե, խղճում էլ է նրան — դե մարդ է, պետք կգա վտանգավոր վայրում: Բայց պետք է նաև, որ վտանգվելիս ա՛յդ մարդը վտանգվի:

«Անհրաժեշտութուն» — մտածում է նա և նայում է էլին, որ շփոթված դեռ կանգնած է՝ ինչպես ոչխարը մսագործի առջև:

— Աշխատի մեզ չկորցնես, — պատվիրում է պետք: էյը գնում է:

Իսկ պետք օգնականի և մյուս զինվորների հետ քաշվում են մեկդի, դեպի ձորաբերանը տանող ճամփան:

Հանկարծ բլրի ուսերից լավեց հրացանի ճայթոց: Նա ճայթեց շոր ու ընդհատ կարծես քամին ձեռը դրեց հրացանի շրթունքին և լռեցրեց: Հետո լավեցին ուրիշ ճայթոցներ ևս:

էլին այնպես թվաց, թե մեկը իրեն քաշեց վար:

Անզգայորեն նստեց:

Ինչ-որ սովերներ էին վազում բլրից: Նա մի շարժում արավ դեպի ձորակը, բայց հանկարծ ոտը զցեց մի փոսի մեջ, որը հենց ուղիղ նրա կրունկի ետևն էր, ու ընկավ մեջը:

Վազողները գետինը դոփելով անցան փոսի մոտից: Հիմա էլ ճայթոցները ձորակից լավեցին: Երևի իր ընկերների հետ ընդհա-րում եղավ: Բայց ահա մի քանի ծուլ կրակոցներ ևս, ու ամեն ինչ հանկարծ լռեց:

Ի՞նչ պատահեց — էյը չհասկացավ:

Սպասում է, թե ինչով կվերջանա կոփը: Ականջ է դնում:

Հեռացա՞ն: Չպիտի՞ գան:

Բայց ընկերները շեն գալիս:

Ոչինչ չի սկսվում առայժմ: Եվ ի՞նչ պիտի պատահի արանից հետո: Չգիտե: Պիտի հեռանա՞, միանա՞ իր ընկերներին, թե մնա այստեղ:

Ի՞նչ պիտի կարգադրեն:

Ականջները թշուրտ են և ծիածանի գլխակներ են պլեթավորվում աչքերի մեջ: Փորձում է վեր կենալ՝ զգում է, որ փորի աջ կողմն ու մի ոտը իրենը շեն: Կարծես մի գազան պար անամները «ցեղ» քրո-նել է իր ոտից և չի թողնում շարժվելու:

Նա որոշում է սպասել իր ընկերներին, թե կերպար ծա-

մանակ անցավ, բայց էյը հանգիստ է դնու՞թէ՞, կգա՞ն ի՞նչպես կթողնեն մարդ այսպես անխնամ մնա այստեղ և վերքից մեռնի: Այն էլ այսպես հեշտ, մեծակ:

Եվ նա հարցափան աչքերը փոսի եզրերին հառած՝ շուտ-շուտ որսում է ամեն մի թվացող շարժում:

Մի րոպե մտածում է և ասում: Եթե չեմ գտնում, ապա մեռնում եմ:

Ահայն քամին է գալիս և օտար ու անկարեկից մոմում:

Հետո թռչում է: Վստգատում սմբուլների մեջ, սրանք շաշում են բարակ մտրակների պես:

Ցուրտը ասոր՝ չրի արև սողում է էլի՝ մարմնի մեջ: Նա դո-ղում է: Միածամանակ սուր ծարավ է զգում:

Եվ այդպես մնաց նա՝ աչքը փոսի եզրերին, մինչև լույսը բացվեց:

Դարձյալ ոչ ոք: Քամին է միայն, որ ինչ-որ անհասկանալի լեզվով խոսում է քարերի ու խոտերի մեջ:

Այդքանը միայն:

Ի՞նչպես... Ուրեմն ամեն բան այսքա՞նն էր: Վերջացա՞վ:

Ոչ: Այսպես չէ կարող լինել:

Եվ նա շարժում է անում, որ վեր կենա: Բայց զուր: Ման-րացել է արձճի պես: Ավելի գնալու, անգամ սողալու հնար չկա:

Մաստիկ ցավը նրան իր ատամների մեջն առած անշարժ պահում է գետնին կպած:

Հիմա մենակ հնարն այն է, որ գան և տանեն իրեն:

Եվ նա աչքերը հառած նայում է գլխավերևը: Այն կողմը բաց է: Երևում է ձորակը: Մովում է քիչ և երեսը շրջում դեպի նա: Չա-ռիվայրին մի քար քիթը խոզի պես տնկել առաջ ու նայում է: Հե-ռուն, գետակից քիչ բարձր մի հին ավերակ է մտորում: Մարդ, շունչ չկա այնտեղ: Մահվան պատուհանները անթարթ նայում են այնտեղից:

— Վայ թե իմն էլ էստեղ պիտի հատնեն, — մրմնջում է խրո-պոտ ձայնով էյը ու ձայնը բարձրացնում է:

— Օգնեցե՛ք, մարդ չկա՞:

Ոչ ոք: Եվ այդ ժամանակ էլ ինչ-որ մեկը խոսում է: Միայն կրկնե՞րա՞ն անկարեկից մի՞ ամա՞ր մասն լողում՝ գնում է իր բանին:

Փակում է աչքերը: Եվ չմտածելով և չսպասելով անհանգստանում է:

Պայծառ գույներով, ինչպես կենդանի իրական կյանք՝ իր բո-
լոր անցած կյանքը խո է գալիս և լցվում իր շուրջը: Ծրեռյթքի
պես գալիս անցնում է իր մանկութունը, մոռացված, դեպքեր են
կենդանանում: Ահա ինքը իր պաշև — փոքրիկ երեխա՝ կոճի է
խաղում, դռանը, քարին նստած է իր տատը, իրեն է նայում: Ահա
սար են գնում: Անտառներ են ծխում ձողակները — որ իրաներաց
է, ջրերը լույսերի պես թափվում են ջրամբար, մայրաքաղաքի Զեհու-
հոսում են քաղաքի փողոցները, տրամվայները, մետաղաբերքը,
իրենց գործարանը, Բալախանին, Սպիտակ քաղաքը, մազուկի ու
ցեխի մեջ ոտաբոթիկ կանայք: որ մազուկ են քաշում կեղտոտ
գույներով:

Սև նավթահորերը, շրթն: Շշակները լեղապատառ ճշում են:
Բանվորները խելագարների պես խոնվել են կայարանի առջև, որ
շրջապատված է բոցերով: Այնտեղ պառկած է հիվանդ Գյուլբին:
Նրան են ուզում փրկել: Ի՞նչպես են կտրատում իրենց, ի՞նչպես
են մղվում դեռ ու դեն, մազլցում պատերը, ցատկում կտուրներից,
թոկեր նետում:

— Ուռա՛ ա՛ա՛ — գոռում են կատաղի ուրախությամբ բանվոր-
ները, և հիվանդ Գյուլբին աչքերը մարած, փոս ընկած, գլուխը
ծռած մի կողմ, տանջալից հայացքով նայում է դեռուղին:

Նրան թոկերով կապած վար են բերում կտուրից:

— Հա՛յ գիտի, ընկերտիք... — Ստի պես կթռչեին իր մոտ և
թևերի վրա կթռցնեին իրեն:

Բայց ո՛ր են նրանք...

Սարե՛ր, ձորե՛ր, դաշտե՛ր, էլի սարեր, էլի ձորեր ու դաշ-
տեր...

Ուզում է լաց լինել, բայց միայն դեմքն է ծամածռում: Ար-
ցունք չկա: Աչքերը փակում է:

Ահա և իրենց գործարանի ճաշարանը: Նստած են ամեն ազգի
բանվորներ: Դեմքե՛ր, դեմքե՛ր, դեմքե՛ր... Բուրբուր կենդանի,
պարզ, ծանոթ: Նրանք ասում, խոսում են...

Ականջները դժժում են, ինչպես հեղադրի պատերը: Բայց ար-
ծես թռչում է օդի մեջ, ու իր հետ սլալում ևն ընդարձակոր լծարով
դիկ, քաղաքներ: Նրանք վշտում են ընդհանր պես, ու գոռում, զհած
սում, հոսում...

Իր հնոցապան ընկերները — Կարտիկը, Սպիտակը, որտե՛ս

Ահա նրանք վազում են դեպի ինքը: Ահա եկան, կանգ առան
իր մոտ: Գրկում են իրեն, որ բարձրացնեն: Ու ինքը մտովի փա-
թաթվում է նրանց ոտներին, այդքան ավետաբեր ոտներին:

Ի՞նչ էժան էր նայում նա իր ընկերներին, և ի՞նչ թանկ են
հիմա նրանք:

Թա՛նկ — կյանքի շանի:

Բայց ի՞նչպես՝ կյանքը մինչև այստե՛ղ էր: Այսքա՛նը միայն:
Եվ ուրիշ ոչի՛նչ: Ի՞նչ անսպասելի բան:

Ահա իր ոտնատեղը, հողի թարմ փրվածքը, երբ ինքը ընկավ
փոսը — իր կյանքի վերջին գործը: Դեռ մինչև երեկ երեկո նա կա-
րողանում էր այդ անել:

— Իմ ոտի թափած հողը, — մտածում է էլը դառնությամբ, —
մինչև էնտեղ է՛լ ձեռս չհասնի, էնքան է՛լ չկարենամ անեմ...

Շատ բան է ուզում ասել, բայց այդքան է դուրս գալիս:

— Էդ է, — խոսում է նա բարձրաձայն, — իմ ձեռիս ու ոտիս
վերջին գործը: Սրանից դենը էլ ոչ կրակ կվառեմ զավոդում, ոչ էլ
ոտս նորից կկարենամ էդտեղ դնել:

Էլ երբեք, երբեք վերջին ոտնատեղով չի վերադառնա դեպի
կյանք: Ետ գնալ չկա՛:

Այնտեղ կյանքն էր. մի տեղ կա գնալու — դեպի մահ:

Հիմի մի գործ ունի նա — մեռնել: Կյանքը վերջացավ: Բայց
ի՞նչպես պիտի մեռնի: Ինքը մեռնի և ինքն էլ տեսնի՞՝ այդ: Ինքն
էլ հիմի մի կմախք է դառնալու՝ աչքերը ճոթած, ատամները
բաց, ինչպես այն դիակը, որ երեկ տեսավ ձորակում...

Զի՛ կարող լինել այդ: Ո՛չ: Ուրիշ բան թող լինի:

Նոր զգաց միայն, որ «կենդանի» ժամանակ, ամբողջ կյան-
քում նա հանգիստ էր, և դա նրանից էր, որ միշտ մի նեցուկ
ունեիր: — Հույսը: Հույսը կենդանի մարդ էր, միշտ իր հետ, միշտ
իր սպասին:

Հիմա այդ կենդանի էակը, այդ միշտ պատրաստ նեցուկն
ինքը դիակնանում էր իր առջև, իրենից առաջ:

Զէ՛ դու էն ասա — ուրեմն էլ իսկի՛ չի պատահի, որ մեկը գա
իր գերեզմանը փնտրելու: Գործերը մնաց կիսատ, երեխան չի մե-
ծացել, տոներ ամայացան: Ուրեմն ոչ ոք և ոչ մի ժամանակ չի
ցույց տալ իր տեղը, թե՛ ասա էտեղ է թաղվածս:

Սառը քրտինք է տալիս վրան:

Ու սրտնեղոյ՛մ է:

— Օգնեցե՛ք, մարդ չկա... — Գոնե՛ մի մարդ անցնի, իրեն տեսնի: Թշնամին թող գա: Նա էլ մարդ է: Գազան թող գա:

Եվ զգում է, թե ինչ մեծ բան է մարդը, ընկերները, աշխարհովի կյանքը: Ի՛նչ բան էր մարդկանց մեջ մեռնելը — խաղ ու պար:

Մի տանջալի պատկեր առաջնորդվում, շարժվում է աչքի գիմաց:

Նա մեկ բացվում է, ժպտում, մեկ փակվում: Իր երեխան աչքերը գարնան օրվա պես ուրախությամբ լի:

Վիրավորը մտովի փաթաթվում է նրա ոտներին և չոր, կաշվացած շուրթերով համբուրում: Ու մի դառն դաշույն ծակում է սիրտը:

Հետո իր զավակի դեմքը փոխվում է ուրիշ դեմքի, այլաչափում է, քայքայվում:

Չյան հյուսեր: Անդունդ, Անձրե՛ն է թե գետը: Ոչ: Ականջներն են թշնամ: Գլուխը պտտվում է: Ինքը երկնքում ճախրում է, երկիրը իր ոտքերի տակին սլանում է ուր-որ, ինչ-որ հարսանիք: Լեռնային գյուղ: Աղջիկները պար են բռնել: Ահա մինը ծիծաղեց...

Մի լեռնային ջրվեժի մեջ է ինքը: Խմում է, խմում, բայց սիրտը չի հովանում: Ու ընկնում է զառանցանքի մեջ:

Ի՛նչքան ժամանակ է անցել... Չարթնում է: Բայց մի՞թե քնած էր: Չգիտե: Աչքերը բաց է անում: Ո՞րտեղ է: Չի հասկանում: Իր հետ ինչ-որ շարագուշակ, ժանգոտ բան է պատահել: Ի՛նչ բան: Ու հանկարծ հիշում է ու ցնցվում:

Հա՛: Պիտի մեռնի՛:

Բայց մի՞թե նոր բան է դա: Մի՞թե չգիտեր:

Այո, նոր բան է, ամեն բոպե նոր բան: Ամեն բոպե նոր է զգում, հետո մոռանում, հետո լավ զգում, որ պիտի մեռնի: Եվ չի կարողանում հասկանալ, որ այդ այդպես է:

Չորացած սմբուլի մի կմախք իրենից մի քալ հեռու իրեն է նայում և օրորվում:

Միակ շարժուն բանը, որի մեջ մի քաղցր, բայց շատ տխուր ժպիտ կա: Կյանքի ժպիտը:

Նա իր վրա այնպես է նայում, որ ինքը այլևս մեռած է:

Ուժերն արդեն սպառվում են: Շունչը կտրվում է: Եվ կարծում է, որ եթե նստի՝ շունչը կհեշտանա:

Եվ ուժ է անում, որ նստի: Չի կարողանում: Գետինը, այդ մեծ ու ծանր գետինը կպել է նրան: Հևում է, օդն է որսում: Բայց օդն էլ փախչում է իրենից:

Նայեց սմբուլի կմախքին ու ձեռք գցեց նրան: Պոկի՛: Ոչ: Հեռա՛ էլ «ոչ ոք»: Չի շարժվի իր ծոց: Միակ շարժուն բանը իր շուրջը:

Ոչինչ չի փոխվում, ոչինչ չի օգնում իրեն: Ոչ սպասելը, ոչ երազելը, ոչ քնքշանալը սմբուլի հետ, ոչ էլ քնելը: Մի բան միայն ահա՛վորապես ճշմարիտ է.

Պիտի մեռնի՛...

Արճճի պես հաստատ է դա:

Գոնե՛ այնպես մեռնի, որ ինքը չիմանա...

Տիմոֆեյը ճշմարիտ էր, որ վայրանում էր: Տեսա՞ք ուր բերին իրեն այս պատերազմը սարքողները: Ի՛նչպես խորամանկորեն բերին գցեցին մահի ճանկը: Մեռնել՝ մեռնել: Ու մի թունավոր զայրույթ է օձանում նրա սրտի մեջ:

— Բռնես դրանց, բերես բերանը սեղմես արյան վրա ու խեղդես. «ահա, արյուն ես ուզում՝ խմի՛ր, տրաքվի՛ր»:

Եվ ինչո՞ւ եկավ, ինչո՞ւ այն հրացանը, որ իրեն տվին, շարժ-բացրեց ու շղարկեց տվողի գանգին: Մեռնել՝ մեռնել: Այստեղ չէր մեռնի, այնտեղ կմեռներ: Ո՞ր էր խելքը: Հա՛յ գիտի գիժ Տիմոֆեյ: Ը՛, բռնես այստեղ ուղարկողների շնթից, բերես այստեղ, երեսները զարկես քարերին, քսես, տրորես.

— Ը՛հ, կերեք, կշտացե՛ք... է՛ս էիք ուզում... շան որդիք: Ու գազանը զարթնում է մեջը:

— Մարդ չկա՞... Ո՞վ կա էդտեղ...

Կատաղում է:

Այլևս ոչ մի սարսափ, ոչ կյանք, ոչ մահ:

Եվ խոպոտ ձայնը լարելով, հետզհետե ձայնը սրում է ու զիւտոնոց է արձակում, սոված գայլի խոպոտ ոռնոց: Հետո ճանկրտում է գետինը, ուզում է սողալ, կրճտում է ատամները, պոկում է խոտերը, «իր վերջին ջնկերովը» — սմբուլը, քարը, հողը...

Բայց այդ ամենը բոլորովին զուր: Պիտի մեռնի՛...

Գիշերը սողում է ճորակից՝ վեր: Առարկաները սեղվում են

խաղարի թանաքի մեջ: Վիրավորի բոլոր շարժումները հետզհետե դառնում են անմիտ ու անօգուտ: Նա բոլորովին արյունաքամվում, ուժասպառվում է: Եվ սկսում է անկապ զառանցել:

Զառանցեց ամբողջ գիշերը:

Այնուհետև «իները» այլևս այնտեղ չէ:

Դա մի անգիտակից մտակույտ է, որ խոխոտում է, ջղաձգվում և մահ է աղերսում:

Հուսանում է:

Անշարժ մի դիակ դաշույնի սանձը աչքերը չուել, նայում է վեր:

«144 բարձունքի դիմաց ոչ մի փոփոխություն: Ամսիս 5-ին, երեկոյան հաջող հետախուզություն ունեցանք: Միայն մեկը ըստ պանված»:

1922

...

ՉԱՐԳՅԱԸ

Կարավանը ուրիշ է տալիս անապատին: Աղտերի թեւնած սապատները ալիք-ալիք՝ մակույկներ են ելնում-իջնում: Իսկ ճակատագրահորերը հողնեւ են հաքքել են անապատից:

Առջևում նառն է ուղտ-պարագլուխը հպարտագլուխ, վես: Քայլ է առնում դարիվ-դարիվ, վրան մատաղահաս նինգիլը, վրան բոժոժ ու զանգ՝ նազան, ճոճան, զանգ-զրանգ:

Հետևից ուղտերը հատված-հատված, լեռնաշղթա: Մեղկ ձայն է տալիս զանգը զանգին: Խոր հետ է դարձնում զանգին զանգը:

Ու ճոճվում են: Առջևում նինգիլը: Ու մինչ սա նետվում է ծովի ալիքի պես առաջ-առաջ, հետևյալ ուղտի մեջքին ծեր Իբրահիմ խանն է ընկըղմում փոսը կիսամրափ:

Հետո բեռներն են վերուվարում՝ հակեր բուրալի, ծաղկած գորգեր: Հետո Ալի Նիզամը, խանի մուլքագարը — փոքրամարմին ապխտած կապիկ: Մրան ի պատասխան ճոճում է քիրմանշահի վաճառական Հյուսեինը՝ սև սաթ զանգրամորուս: Հետո ծերուկ Բուրխանը — գրագիր փիլիսոփան՝ կրուկե մորուքը օդում, գլուխը քսում երկնքին: Նրա շարժումը կրկնում է շվեդացի լեզվաբան պարսկագետը:

Հետո բեռներ, հակեր, մարդիկ, գորգեր, բոժոժ, զանգեր, զանգ-զրանգ:

Նիրհում են խանի զառամ կատվի աչքերը: Հենց նոր Թեհրան էր գնացել նա աչքերը բժշկելու և միաժամանակ ներկայելու երեք ուսուցիչներին խեղդելուն կախաղանի վրա: (Նրանք իր ամբարները կրակել էին):

Նրանք խեղդվեցին: Ասում են զվարճացրեց տեսարանը ծերուկին, նա կյանքի եկավ և երեխայի պես ծիծաղեց: (Այդպիսի

տեսարաններից հետո նա մի քանի օր բարի է դառնում)։ Ասում են՝ նրան էլ խեղդում է իր ամբողջ-տան բարիքի կատաղած առատութունը, հարյուրավոր գորգերի արյան գույնը, բուրաստանների թունավոր ծաղկաբույրը ու ցորենը — գլուղացիներից բաշած բոլոր ցորենը, որ փտում է նրա ամբարներից։

Ուղղվե՛ր, ճանձվե՛՛մ, քն գանգ-զրանք ու՛ գանգ-զրանք։

Իսկ նրանց ստիպարից սասարած խոտքեր են նեղվում։

— Նինգիլը... (Մուլքադարի ձայնն է լսվում, խոսմանցինը դէ), հայք գլուղացի էք... Ձեր տալիս բայց բռնագրավե՛ց խանը... պարտքի դիմաց... ասում են աղաչի համար է տանում, բայց... ով գիտե... Շատ լացեց, բայց ճամփին մնաց լացը... Մաղկի պես բան է՝ արշալույսին կարտաօվի, կծիծաղի արևածագին... Սինեման... հետաքրքիր չէր... Բայց Ֆատիհ խանումին հանդիպեցի այնտեղ... Հենց կալադարումն է կենում... տասներկու տարեկան աղջիկ ունի... լավ մազեր է... (ծիծաղում է մուլքադարը)։ Հետո հառաչում։

Դե՛...

«Ուր հայտնվի սերը սուլթան՝

Տեղ չի մնա պարկեշտության»։

Լուում են։

Ուղտերը գանգ-զրանգ։

...— Երեքին էլ կախեցին... Հետաքրքիր չէր, բայց ինքը (խանը) հրամայեց, որ գնամ հետը տեսնելու... Փասիանները... ի՞նչպես ասեմ, գեր չէին, բայց ամբողջ երեկո գլուխ կոտրեցինք՝ չկարողացանք հասկանալ, թե խոհարարը ինչ հնարքով... Ովքե՛ր... ֆրանսիացի առևտրական ազենտն էր, նորին գերազանցութունը և Մանսուր խանը... Նորին գերազանցութունը սիրեց պորտվեյնը։ Դա շատ մեծ հաջողություն էր... Ռեուլուցիոների ձեռքը կտրեցին... Ոչ, չկարողացավ մինչև բժիշկը վազել... Հենց մեյդան հասավ՝ կյանքը երակից գնաց... Մյուսը բախտավորների մոտ է։ Ընկերոջը կաշառել են, որ սքնացնի... Ձիա-Սողին Դովլեին անհարմար էր ձերբակալելը... Թեև կերածը քիչ չէ — երթառե՛ հազար թուման... Իրեն (խանին) որ գնում է ուղևորով) ասացի ավտոյով, վերադառնա՛ք, գերադասեց ուղևոր... Մայրը չի սիրում, որ հաստանի՝ մեքենան տանը մտնեցնեն... Մորից բաշվում է... Հա՛, շատ է բարեկարգ) անորը մարդ է... Եվ հետո՛ ճամփան

էլ քարքարոտ է. ինչպես մնացել է հայրերից-պապերից, ուղտով... դե՛, կամա՛ց-կամա՛ց։

Թրթռաց օրվա պատրույզն արևմուտքում։ Օրը հանգավ։

Ընթանում են ուղտերը պղնձե, ինչպես դարեր կորաքամակ, գառամ ու նրանց պես հնաթախիծ երգերն են զնգում։

Չանդ — ձայնում է գանգը գանգին։ Չանգը դառնում է գանգին գանգը։ Բժժոժների առվակներն են օդի մեջ դլում, գլում։

Մտորում է ճամփան։

Բարակ դա մի գետ է թախծալի, գնում է լցնում քաղաքներ, գյուղեր, իր սրտի մեջ առնում թախիծ ու մտքեր, տանում ցրվում աշխարհն աշխարհ։ Աշխարհակալներ են եկել զնազեղ կարավաններով այս ճամփաներում ու գնացել ցրվել իբրև խոփվ հեռաստաններում։ Կարավաններ են ճոճացել, իրենց հակերում տարել ցորեն, վարդաշուր, արմավ, թիրաք, բեհեղ, թույն, թղթերում ծալած մահաժճիռներ, ողջույններ սիրու։ Որքա՛ն հույս, որքա՛ն թախիծ։

Եվ Ռիզան մտորում է՝ հետևակ գնալով Նինգիլի կողքով։ Ռիզան զգզզված է, փոշոտ։ Ավազն ու խիճը կրծոտում են նրա ոտների հաստակաշի մատները։ Լափշիները քրքրված են ինչպես փրփուր։

Փնթփնթում է Նինգիլի հասցեին։

— Տեսնես ո՞ր շան համար է։ Ափսոս...

Հարցրեց մոտից գնացող կարավանապետին։ Կարավանապետը խեթ նայեց։

— Բանիդ կաց։

Ռիզան թափառաշրջիկ է, տոպրուկը կողքին։ Նա եղել է բանվոր «Անգրոպերշին Օյլում», բեռնակիր՝ Բենգեր Բուշիրում, մշակ՝ Գիլանում։ Բայց թափառում է ավելի։ Հիմա գնում է կարավանի հետ։ Ուր, այդ գիտե նրա ճակատագիրը — գեպի լուսավոր մի օր, թերևս կախաղան։ Ռիզան մենակ չէ։ Նրա պես հազարներ շրջում են ամբողջ Իրանը։ Նրանք հեթաթներ են պատմում կարավանասարաներում։ Հյուսում են այդ հեթաթները գլուղացիների կյանքից, իսկ երբ նյութը պակասում է, նաև իրենց արկածներից։ Բախտավորներն արհամարհում են այդ հեթաթները, բայց ուսմիկներն ու ազգասերը սիրով լսում են։ Այդ հեթաթների մեջ փայլատակում են ցորենի ավազների ոսկի հրդեհներ, նրանց մեջ

կարմրում է արյունը, արցունք էս նրանց մեջ և վտանգ ասողին էլ, լսողին էլ:

Կարավանապետը մտալ մարդ է, փորձված ու տանջված: Նա զգուշանում է Ռիզայից, բայց և չի ատում նրան:

Ռիզան մի քիչ հետ մնաց, սկսեց քայլել Իբրահիմ խանի տղատի հետ: Խնթ աչքերով, տակից նայում է նրան Ռիզան: — Խանը սմբել է՝ զատել կենտոս վայրի խնձոր: Գնում է Ռիզան նրա կողքով թասակը ծոծրակին, ձեռքերը քամակին, ճակատը բաց, արգյուղացիական աճազին, բաղմանկյուն ճակատը, որից քրտինքի կայլակներ են կաթում — դառն, այրող:

Հետո Ռիզան փակում է աչքերը: Այնտեղ, աչքերի մեջ տեսարան է բացվում — այրող սակայն: Արևը լափում է դաշտը ղեղին շտրիներով: Մի տաշոր աղչիկ, զույնը լիմոնի, քաղհան է անում մուլքազարի բամբակի արտում: Տասնամյա աղջկա աչքերը խոշոր են, նա աչքեր է միայն՝ մնացածը ազագիլ կմախք: Տենդը տղուկի պես խմել է նրա հյութերը, թողել աչքերն ու թախիծը: Այդ աչքերը կարոտով են նայում կյանքին, բայց մահվան ժպիտը կաթիլ է արգեն նրանց խավար ցուլքի մեջ: Աղջիկը պառավել է շերտասարգացած:

Ռիզայի աղչիկն է: Ռիզան այդպես թողեց նրան դաշտում ու գնաց տուն: Խնուղու եղրին քար ջարդողը աչքով էր արել նրան նա մոտեցել էր ծխախոտք վառելու պատրվակով:

— Գիլանցիք բանտումն են, «Հեքիաթը» կախված է: «Պատույզը» չկա: — Կծիկը դիր...

Տանը պառկած էր կինը՝ հիվանդ, ծանրահոտ: Տնքում էր առանց օգնություն խնդրելու: Մի ամիս է չէր դուրս եկել դաշտը: Օրավարձ չունեք, մնում էր մեռնել: Մեռնում էր դանդաղ և դա էր ցավը թե իրեն թե ուրիշներին: Նրա կողքին տենդում տապակվում էր մի ծեր մանուկ:

Ռիզան գնաց հավարուն, ուր շկար և ոչ մի հավ, հանեց պատի արանքից իր յուզած դանակը, թարցրեց՝ էլ չես իմանա որտեղ, վերցրեց ևս թոփուս՝ դառն ու մաղձոտ, ինչպես իր կյանքը նայեց հացի տաշորին, ուր մի կտոր կար, ձեռք թափ տվեց վրա: Մտածեց — մի ամբողջ կյանք — եկավ նայեց կնոջը, ուր չէր կարում իրեն, ուզեց մի բան ասել, չտալով ոչ մի բան, այնքան շատ բան էր իր ասելիքը, դուրս եկավ դուրս, քրեց երկրի վրա, որը եր-

բեց չէր բուսցրել նրա համար մի հատ ուրախություն ծաղիկ և գնաց կրկին դաշտ քաղհանի:

... Ենպե՛ս երեկոն: Մուլքազարի մշակները վերադարձան տուն: Ռիզան մնաց առվի ծոռ, տոնները լվանալու: Հետո երեկոն ծանգառեց, ասեց, ցածր էլ Ռիզան իրեն նետեց զիշերային խավարի մեջ, գնաց Գեորգիա լեռնաձորից հեռուները:

— «Գիլանցիք բանտումն են», «Հեքիաթը» կախված է, «Պատույզը» չկա:

Կծիկը թաքցվել է: Հմտնայն ինքն է, հետո ուրիշները, որոնք շրջում են այժմ գյուղեր ու քաղաքներ քրքրված, զգզված ու դառն: Ինչպե՛ս ձբամորճի ծիխ թույն:

Ռիզան գնում է, տանում է իր հետ իր կյանքը, իսկ արյունը լուրջ հեղուկ է: Ռիզան մտածում է այդ մասին:

Չանգ զրանգ... Արթնանում է Ռիզան:

Սահում է նինգիլը մթնաթախիծ ուղտի մեջքին, հրաշքի պես փախում օդի միջով, և նրա հետևն է ընկել Ռիզան՝ քրքրվելով ճամփի խթներով մեջ:

Ինչն է նինգիլի մեջ քաշում Ռիզային, այրում. արդյոք այն, թե ինչու է նինգիլը ուրախ կրակի պես ու լցնում է օդը ցնձազին խնդուխյամբ, թե՛ ուրիշ բան:

Ահա կոհակում է նինգիլը կարավանի երգի մեջ: Գեղեցիկ է նա, երբ ուղտի մեջքից ինչպես աղեղի միջից՝ լարված նետ՝ սլացող միտում է դեպի հորիզոնը: Նա ամբողջացած է ուղտի հետ, և ամբողջությունն ընթանում է հանդիսավոր՝ ինչպես պոեմ:

Ու մինչ ժպտում է նինգիլը՝ շարուխյամբ նայում է առջև: Չարդարել են նրան, բայց զարդերը իրենը չեն, տակին նրա զայրույթն է: Նրան չի ուրախացնում ոչ իր այդ գեղեցիկ բեռը, ոչ էլ զարդարանքները: Բնկի բոժոժների ու մետաքսի փնջերի մեջ պարուրված՝ նա անմասնակից է իրեն հազցրած այդ գեղեցկությունը: Հայտն է նաոր — մի՛ նայեք նրան: Նա ընթանում է ինչպես ժամանակը, որին ամենքի նայում են, իսկ ինքը չի նայում ոչ ոքի: Ահա՛ քարծրացրեց ու թեքեց գլուխը մեկ աջ, մեկ աճյակ, նայեց հեռանալուն, ինչպես հավարտ մարգարե՝ կարդալու նզովք աշխարհին: Այդ թիպին նրա աչքերը ատելություն են ցայտում: Դժգոհ է գնում նա ու տեսնում յուրովի Բեռնը է, շոգիցն, սոված է, հոգմած... Ահա՛ մի՛ ձայն է արձակում դեպի հեռաստանները,

հնազարքյան հազարամյա ձայն՝ դառն, ատելի, նախանձափրփուր:
Մի շեշտ կա սակայն այդ ձայնի մեջ՝ խորին, անհուն մի վիշտ:

Ու էլ ոչնչով իր տրտունջի միտքը չի հայտնի, գաղտնի է տանջվում նաուր: Լեզվաբանը ուղտին է նայում. չի՞ կարելի արդյոք վերծանել ուղտին, հասկանալ պատճառը նրա մոռացություն: Ու զարթեցնում է «կրակե մորուքին».

— Ինչու է ուղտը տխուր այդքան, Միքղա:

«Կրակե մորուքը» չի լսում: Նայում է մշուշ աչքերով: Երագում է արթմնի:

Նրա տեղ արձագանքում է վաճառականը.

— «Ուղտի գործն ի՞նչ է էլ.— Հենց բեռ կրել, տխրել»:

Սուղտերը ճոճվում են, զնգում է նաուր, կոհակվում Նինգիլը: Լեզվաբանն աչքով է անում Նինգիլի կողմը.

— Բայց եթե ուղտն իմանա թե ինչ գեղեցիկ բեռ է կրում...

«Կրակե մորուքը» փրիստփայում է.

— Գիշերվա սև մեջքին վարդալույս այգը զնում է ծիծաղով, իսկ գիշերը տխրելով,— մեր կյանքն է դա, բարեկամ...

— Մեր կյանքը...— և լեզվաբանը ժպտում է խորհելով:

— «Այգի լույս ուրախ ինչով իմացվեր՝

Եթե սև գիշերվա տխուրը չլիներ»—

Մեր կյանքն է դա, բարեկամ:

Լեզվաբանը հարցրեց.

— Ուրեմն կյանքը տանջվելով է ուրախանում: Դա պարագաքս է, Միքղա:

Միքղան քմծիծաղով.—

«Ով կասի թե ինչու

Տրտնչում, քրքչում,

Խինդի մեջ է տանջում

Կյանքը միշտ ինքն իրեն»...

(Իսկ կարավանը՝ զանգ-զրանգ):

Միքղան ոգում է.

«Նա, ով շինեց կրակե ծաղիկը՝

Նաև նա թույն խառնեց հետք.

Թունավոր է գեղեցիկը,—

Այսպես է ամեն գեղեցիկ:

Միծաղի տակին արցունքն է պահված,

Ժպտում արև, արցունքն հետը.

Եվ երկուսով միայն խառնված,—

Այսպես է կյանքը գեղեցիկ»:

(Իսկ կարավանը զանգ-զրանգ):

Հանկարծ անապատը ոռնաց:

Ռիզան էր դուրս եկել ճանապարհից, հեռացել, որ ձայնն արձակ հնչի: Նա էր, որ ոռնաց տանջված գալլի ձայնով:

Դա գրոհի երգ էր, մարտական կարավանի, որ ոտ է առնում, շարժվում սպառնազին ու դիզվելով զարկում՝ զանգ-զրանգ: Այստեղ ուղտերը ռազմական են, զանգերը հնչում են մարտի կոչելով, իսկ նրանց մեջքին թունավոր հողի պես գալարվում, թափահարվում է հարձակողների մոնչոցը և հոսում դեպի թշնամին:

Լսում են՝ շարգյահն է:

Հիմա զանգերը այլ կերպ են հնչում, ուղտերն այլ կերպ են ճոճվում՝ զանգ-զրանգ...

Ռիզան ոռնաց, բողբոջեց, լացեց օձի պես, հետո մոտեցավ, վերջացրեց երգը՝ քթի տակ ավելացնելով իր բառերը, ինքն իրեն.—

Գիլանցիք բանտում են,

«Հեքիաթը» կախված է,

«Պատրույզը» շկա —

Այ Նինգիլ...

Ու նայեց Նինգիլին շանթահարող աչքերով:

Վերջին հավելումը երգեց թիվ, հեզնական շեշտով, հետո զայրույթով մոմոաց ու թքեց:

— Այդ ինչե՞ր ես երգում, բարեկամ:

(Մուլքադարն էր):

— Էսպես մի երգ կա:

— Դա գող ու ավազակի երգ է:

— Գողի, թե ավազակի, բայց ճանապարհի երգ է: Գնում ես, գնում, ճանապարհի չի հատնում, երգում ես՝ հատնում է:

Մուլքադարի ախտավոր քիթը կնճոռովեց լպիրշ ծիծաղով:

— Հատնելն ինչի՞դ է պետք,— գնա՛, էլի:

— Ուղտի վրա ես՝ պետքդ չի: Իջիր՝ կիմանաս:

- Ներքև ի՞նչ կա:
- Ոչինչ: Լափշիներդ է քրքրվում, գուլպադ, ոտիդ կաշին:
- Է, թող քրքրվի — նորը կգա վրան:
- Հոգուդ է հասնում, իսկ հոգին կաշի շունի:
- Հոգին էլ թող քրքրվի, հետո...

Միծաղում է մուլբադարը, ծիծաղում է քրմանշահի վաճառական շյուսեհինը:

Իսկ կարավանը զանգ-զրանգ:



— Է հերթ է, դադար:

Խանը հանգիստ է ուզում — թեև կարավանները գիշերով են գնում առհասարակ: Խանը սուրճ է ուզում վայելել անուպատի հովում, նիրհել մի փոքր: Իր պալատը հեռու չէ:

Կարավանապետը նառի բերանի պարանը բռնեց ու կախվեց: Հետևող ուղտերը կուտապ-կուտապ հավաքվեցին, կանգ առան: Ցամաքեց բոժոժների ու զանգերի երգը, հնչյունները հատ-հատ միայն կաթկթեցին ավազի վրա:

— Իջեք:

Չոքեցին ուղտերը բլուր-բլուր:

Ճամփորդներն իջան ավազի վրա՝ երազկոտ հոգնությունից:

Դուրս եկան ճամփից, փոռեցին գորգերի ու կարպետների դալարը խիճերի վրա: Ներքև սահեց նինգիլը նառի վրայից ու գնաց մտավ խանի գրկաբաց վրանի գորգերի վարդաստանը:

Նստեցին ճանապարհորդները կրակների շուրջը. — Կքակե մորթը, մուլբադարը, վաճառականները:

Մի փոքր հեռու՝ ուղտապանները:

Հետո լուսթյուն: Անապատը ականջները սրեց: Միայն համրիչները՝ շակ-շուկ: Եվ կրակը՝ հո՛ւտու:

Նաոր չի հանդարտվում:

Խփում են պարանով, — որ շոքի — չի գիշում, համառում է, բղղում:

— Այնպես է բղղում, կարծես խիստ վիրավորված է, բողբոջում է, չի ներում: Դա ինչ-որ տրտունջի ձայն է, — վերծանեց լեզվաբանը:

Քերմանշահի վաճառական շյուսեհինը թիկն է տալիս իր հակերին. —

— Դա տրտունջի ձայն չէ — համրիչի հետ ծանր-ծանր շարեց նա — ուղտը այդ ձայնը հանում է և անբեռ ժամանակ, և չոքած, և կուշտ: Այդ ձայնը (ծուխը ներս քաշեց շյուսեհինը) մի ձայն է, հենց այնպես, անիմաստ (արտաշնչեց ծուխը)... Եվ ինքն էլ չի իմանում թե ձայն է հանում: Չի էլ լսում իր ձայնը:

— Բայց մի բան ուզում է, — փորձում է լեզվաբանը:

— Հազար տարիներ ուզում է: Հազար տարիներ կարավանում գնում է: Դիտում ես՝ թվում է թե ուղտը գիտես ինչ բան է: Բայց ուղտին ոչ ոք չի ճանաչի: Ուղտը անհասկանալի կենդանի է:

(Համրիչները՝ շակ-շուկ):

— Ուղտը լուռ կենդանի է, չի տրտնջում: Դա նրա իսկական ներսի ձայնը չի: Օրեր, շաբաթներ, ամիսներ կընթանա, ոչ կեր կպահանջի, ոչ խմելիք, ոչ հանգիստ — սակավապես է ու լուռ: Նա իր ներսինը չի հայտնի: Տեսեք, ահա քնած է իբր թե: Բայց թվում է: Մի կարճ մրափ, և դա է ուղտի քունը: Նա իր մեռնելն անգամ ցույց չի տալիս: Չոքում է, վիզը դնում ավազին, մի տընքոց և վերջ — ուղտ չկա:

— Գոռոզ է գուցե:

— Ով գիտե:

— Եվ մի վիշտ ունի անշուշտ: Ի՞նչ կասես, Միրզա:

Միրզան համրիչն է քաշում, ինչպես իր մտքերի շարանը. —

— Մութն է ուղտի վիշտը — ով իմանա: Նա վիրավորված է: Նրան խոր վերք է տվել ճակատագիրը, և նա այդ չի մոռանու: Ուղտը կյանքն է:

Ու լուռ են Միրզայի մտքերը: Միայն համրիչը՝ շակ-շուկ: Լեզվաբանը մտորեց երկար ու փակեց իր միտքը.

— Բայց մի ինչ-որ տխուր վեհաշուք բան ունի իր ամբողջ կերպարանքի մեջ:

— Անապատից է, — մոմոաց Միրզան:

Մանրում է խարույկի շողշողուն գանգուրները մեղմ հովը: Պարում են ստվերները անապատի վրա, իսկ վերը երկինքը քընքուշ թավիշով ծաղկում են աստղերը:

— Հիմար կենդանի է, — գռչեց մուլբադարը:

— Հիմար, — արթնացան խոսակիցները:

— Շատ հիմար, Հազար տարիներ սերնդից սերունդ աշխատող ուղտը չի ընտելանում, չի հաշտվում իր գործի հետ: Ուղտի գործն ինչ է՝ բեռ կրել: Բայց — նկատեցեք բեռնելիս, թե բեռը թափելիս միշտ փնթփնթոց է, միշտ համառություն: Մի հոգս ունի միայն — ճամփին, շարժման ժամանակ, որքան կարելի է շատ պաշար հավաքել իր բարդ ստամոքսը: Ոչ սովորութեքը, ոչ խնամքը չեն ազդում նրան: Չի կապված իր տիրոջը, չի էլ զգում ով է նստած իր մեջքին, իր տերը թե օտարը: Ինքը չի աշխատի քեզ վայր գցել, այդքան խելք ու հնարամտություն չունի: Բայց որ ընկար, չի կանգնի, չի նայի, կգնա, իր համար ուր, ում մոտ՝ ուր պատահի, ով բռնի: Բայց նկատեցեք, — երբ նստում ես վրան՝ նա մեկ-մեկ ետ է ծռում վիզը, որ եթե կարելի է մի անգամ կծի քեզ և ամեն անգամ մի ուժեղ հարված պիտի հասցնես գլխին, որ դունչն իրեն քաշի:

— Բայց, հախ աստծու՝ դիմացկուն շարքալ է, հլու անասուն:

— Հլու... — Մուլքադարը խնդմնդաց բորենու պես, — եթե ուզում եք դրանով ասել հիմար՝ համաձայն եմ:

Անապատը մտածում է:

Իսկ համրիչները՝ շակ-չուկ:

Վեր նայեց Կրակե մորուքը, —

— «Կյանք է տանում մեջքին, ինքը մի կյանք է, առանց նրան անապատը կճարակեր շեն ու քաղաք»:

— Բայց՝ տարօրինակ կենդանի է, — հարեց լեզվաբանը:

— Ահա այսպիսի մի բնութք է, — կցեց վաճառական Հյուսեհինը:

Եվ երկար լռություն:

Որից հետո՝ մյուս վաճառականը. —

— Մարդու նման է, քմայքներ ունի:

Մթան մեջ մեկը խլրտաց.

— Ժողովրդին է նման, — մոմոաց խուլ, մթան միջից, կարծես դարանից:

Ձրուցողները ետ նայեցին: Ռիզան էր: Նրա ձայնը բուժ հարվածով դիպավ օդին, կարծես քանտի պատի միջով խոսեց նա:

Լուցկին դեղնեց խաղաղ կրակով: Նրա լույսը ներկեց մեկուկ մահձոտ, սև դեմքը՝ խոշոր, դաժան:

— Ուղտը համբերող կենդանի է: Դրա համար էլ պետք է զգույշ լինել նրանից:

— Ինչ կանի:

— Կթքի: Իսկ նրա թքի մեջ թույն կա:

— Թույն չկա, մուրտառություն կա, — նայեց նրա կողմը մուլքադարը: Եվ մատը մեկնեց նառի կողմը:

— Այ, տեսեք, սրան մի անգամ այնպես եմ թակել, որ ձեռքերս երկու օր ցավում էին:

— Ինչո՞ւ:

— Բեռ դրին վրան: Խանի բեռն էր: Չի ուզում վեր կենա: Մշակի պես բան է: Պիտի գլխին մի լավ տաս: — Ու խեթ նայեց Ռիզայի կողմը:

Ռիզան ծխել սկսեց: Խուսափուկ, ճկուն ծուխը դառնորեն դուրս էր լողում բերանից, փախչում դեռ ու դեն ու թաքնվում օդի մեջ:

Մի սև սպի շեշտակի թրատում էր Ռիզայի դեմքը վերից վար:

— Վերջին երաշտ տարին էր, — խոսեց Ռիզան, կարծես ինքն իրեն, — էն որ շատ շատերը հարստացան: Հիշո՞ւմ եք, որ խանը փտեցրեց հորերում երկու հազար խավար ցորենը: Ջարմանալի առատություն էր նրա ամբարներում: Տեղ չունեք պահելու: Ժողովուրդը ճանճի պես կոտորվում էր: Եվ — տեսեք — ցորեն առնող չկար: Հիմար է ժողովուրդը:

Ու լռեց:

— Դու հեքիաթ ասող ես, — խեթեց մուլքադարը շարժպիտ նայելով դեպի խավարը՝ Ռիզային:

— Եղել է, պատմել ենք:

— «Կրակի հեքիաթներ» էլ պատմել ես:

— Դա ինչ բան է — չեմ լսել:

— Թե հրանում «կլսես»...

Ու ծիծաղեց: աչքով անելով վաճառականներին: Սրանք էլ ծիծաղեցին:

— Ո՞րն է կրակի հեքիաթը — հասկանալ է ուզում լեզվաբանը:

Մուլքադարը թունտովեց:

— Սկսվում է ցորենի ամբարներից, վերջանում է սապանած պարանի օղակում: Ավազակներն են այդ, որ շրջում են ամբողջ

իրանում, նստում գյուղացիների հետ խանի ամբարների մոտ ու հեքիաթներ պատում: Այդ հեքիաթներից կրակ է դուրս գալիս՝ վառում ամբարները: Մուրտաններ...

Ու ծամածոնց մի քանի հայհոյանք իր կապկային բերանում: Լոռում էր Ռիզան, լոռում էր անապատը: Համբիշները՝ չակ-չուկ:



Կարավանը քնած է:

Մուլին է անապատում, հեքիաթներ են շրջում անապատում: Խավարի մեջ ստվերների պես, անհասկանալի, ինչպես ուզտերը՝ լցնելով ամենուրեք ուղտային տխրություն: Մուլին է անապատում: Հենց նա ինքը մի մեծ ուղտ է՝ շոքել, սև ու տխուր սապատները մխրձել հորիզոնի գծի հետ երկինքը:

Իսկ վերը, տիեզերական կապույտ գրքի մեջ կրակի մտքեր են վառվում, և այդ մտքերն են՝ կյանք: Մծմբային գրերով այնտեղ գրած է՝ հավերժություն:

Գիշերը շրջեցնում է իր ճախարակը: Անապատը սկսեց փրսփրսալ:

Գեղնազարհուր լուսինը գլուխը հանեց գետնի տակից՝ ինչպես գերեզմանից:

Հորիզոնի գծի վրա, երկնքի ֆոնի մեջ գծագրվեց նառը: Նա չէր շոքել, որ նիբհի: Նա կանգնել էր ինչպես մարգարե և դիտում էր դարերի ընթացքը, այնքան խորասույզ էր նրա կերպարանքը:

Մուլքադարը գնաց դեպի գորգե մեծ վրանը, ուր քնած էր խանը Նինգիլի հետ: Մոտեցավ նայելու վրանի դռան, ուր գամփոռի պես պառկել էր խանի ծառան՝ Մահմեդը: Մուլքադարը կանգնեց և աչքը վրանի կողմը՝ ականջ դրեց հո արթուն չի խանը: Ոչ, ըստ երևույթին: Բայց նա սուր ցանկություն զգաց, որ իրեն թվաթե վրանում շնչառության հետ մի բան է փսփսում: Շարունակեց ականջ դնել: Խանդ զգաց՝ տանջալի, հաճելի, անզուսպ հետաքրքրություն և փախչելու դրդում:

Մեղկ լուսնալույսի մեջ հալվում էր ամեն շնչառություն: Մուլքադարը հիշեց թեհրանի վերջին մի քեֆ մի երիտասարդ կնոջ հետ, զգաց նրա գաղջ մարմինը և...

Մի բուժ արքան բռնեց մուլքադարի ծոծրակը և սեղմեց: Նառի ատամներն էին: Մուլքադարը գտաց ու հետո... հեռացավ անապատից, երկինքը պտտվեց, աստղերն իջան ոտներից նեղուկ, երկիրը բարձրացավ վեր: Նրա կապկային թեթև մարմինը կծկվեց, մի փոքրիկ ոստյուն գործեց և կախվեց ուղտի ատամներից, որոնք սկսեցին ցայել նրան ավազի վրա:

Ուղտը մի ուժգին շարժումով թափահարեց նրան, ցած դրեց և կանգնեց բուժ անասնական անշարժությամբ:

Կարավանը զարթնեց: Մարդիկ վեր թռան: Ուղտապանները և խանի ծառաները հարձակվեցին նառի վրա: Ուղտը բռնեց ու անշարժ նայեց նրանց, երբ անգամ գավազաններն իջան իր գլխին:

Կարավանապետը վրա վազեց ու կախվելով ուղտի պարանոցից, սկսեց կատաղի անիծել զարկողներին: Սկզբից մի մուկեղն կոխվ նրա և ծառաների մեջ: Նա գազանի պես մոնչում էր, հեռում, ոռնում և ընդունում հարվածները, որ տեղում էին մեկ նրա մեկ ուղտի գլխին:

Վախեցած դուրս նայեց Նինգիլը և չէր հասկանում, թե ինչքան ծեծում ուղտին:

Վեր թռավ խանի գլխավոր ծառան, կացինը խլեց: Նրա դեմքի այտերը եռում էին, խլթխլթում: Կարավանապետին մի կողմ քշեցին: Մառան գորիլլայի պես կողքե-կողք առաջ եկավ ու կացնի մի ուժեղ հարված իջեցրեց ուղտի ճակատին: Ուղտը շոքեց անմոռուն: Մառան սկսեց հարվածել ուղտին ինչ-որ մի կուտակված ներքին զայրույթով ու մուկեղնությամբ: Ուղտը լուռ էր, սատկել էր արդեն, և դա էր կարծես կատաղեցնում հարվածողին: Ու որքան իջնում էր հարվածները, այնքան ավելի լուռ էր ուղտը և առեղանում, որքան լուռ էր ու սգեղանում, այնքան ավելի էին հարվածները զայրանում: Ուղտը դուրս թքեց իր բոլոր տգեղությունն արյան, ուղեղի, ոսկրի մի զզվելի խմորով: Զարկողը չհաղթեց: Ուղտը չհաղթվեց, իր այդորինակ դիմադրության մնաց: Մնաց տխուր, լուռ, տգեղ ու ատող:

Նվ գաղտնապահ:

Փշրվեցին նառի բոժոժները, զանգի մեջ խեղդվեցին երգերը, հնչյունները թափվեցին գետին:

Փովեց ուղտը անշարժ ու այլանդակ՝ բուրելով խոնավ մի հոտ ավազի հոտի հետ խառն:

Մուլքագարի դին մումիայի պես փաթաթեցին վերմակի մեջ:
— Մուրտառ անասուն,— մումուաց կացնահարողը:— կծածկի,
կլոխի, չի հասկացնի ոչինչ ու վերջը մի մուրտառ բան կանի, ոնց
որ արեց:

— Բայց ի՞նչ եղավ, ի՞նչ էր պատճառը,— խոռվահույզ հար-
ցրեց լեզվաբանը:

— Վրեժից — ուղտը վրեժ ունի...

Ռիզան էր:

Հեռացան: Հարթ անապատի վրա սև թմբի նման մոայլվեց
ուղտի դիակը՝ անխոս լեզուն ավազի վրա երկարած:

ԱՂԱՋԻՈ

Հպարտ վարպետը գրկեց իր վիոլոնչելը, կոպիտ աղեղը հպեց
լարերին և ապա նայեց դահլիճ, ուր հազար աչքեր իրեն հառած՝
սպասում էին:

Սպառնագին լուռություն:

Վարպետը խեթ ու կողքանց նայեց դաշնակահարին և մոայլ-
վեց:

Սպասեց մի վայրկյան ևս:

Հանկարծ զարկեց լարերին:

Վիոլոնչելը օտարոտի կոնչոց արձակեց: Վարպետը կծեց իր
շրթունքները և վիոլոնչելի կոկորդը սեղմեց: Բայց վիոլոնչելը
չհնազանդվեց: Բողոքեց, հառաչեց: Տաքացավ վարպետը, սկսեց
նրա լարերը թակել: Վիոլոնչելը կատաղեց, թափահարվեց, կար-
ծես շարժում արեց փախչելու, բայց չկարողանալով՝ սկսեց
դժկամ ու խեղդաձայն երգել մեծ հանձարի ստեղծագործու-
թյունը:

Վարպետը խոռվեց, սկսեց արձակել նվագի կծիկը: Նվագում էր
ու հետն էլ ականջ դնում նվագին: Վիոլոնչելի ձայնը հնչում
էր խորթ, անդուր: Վիոլոնչելը շէր ենթարկվում, դիմադրում էր
դեռ: Ասենք վաղուց էր նա այդպես. դժկամ էր սկսում երգել, երբ
տանն էր լինում, իսկ երբ դուրս էր գալիս հասարակության առջև՝
այլևս բոլորովին վայրենանում էր ու համառում:

Վարպետը նայեց դահլիճ — հասարակության: Սա անգթորեն
լուռ էր: Ոչ մի նշան ջերմության: Կարծես նրա համար չեն նվա-
զում:

Ահա նա — այդ հասարակությունը — մի երիտասարդ շարա-
ժպիտ փսփսում է իր կոկետ դամի հետ, ահա մի դեմք մոայլ ու
թշնամի նայում է իրեն:

Հանկարծ սրտնեղեց վարպետը, հավաքեց իրեն: Ի՞նչ է կա-
տարվում իր հետ: Մի՞թե պիտի պարավի հնչեցնելով մի անգույն

երգ, մի միջանկ բան... ո՛չ, պետք է հաղթել: Եվ պատրաստվեց կռվի:

Եվ սկսվեց կռիվը: Մի կողմից վիոլոնչելի, մյուս կողմից հասարակութայն դեմ: Վիոլոնչելի կոկորդից բռնած՝ սկսեց խեղդել նրան, որ չհամարի, երգի վսեմ երգը: Ճոճվեց փոթորկահար կաղնու պես, փոթորկեց աղեղը լարերի վրա, վիոլոնչելը գոռաց դառնաձայն, սկսեց կաղկանձել, բայց համառորեն չհնազանդվեց: Ու քանի վարպետը մաքատում էր՝ այնքան զգում էր, որ պարտվում է: Դա հոգու նվագ չէր, այլ ներվային կռիվ վիոլոնչելի և հասարակութայն դեմ: Դժբախտաբար հանկարծ էլ ընկավ մի շտապ գահավեժ տեմպի մեջ, որ գնալով սաստիկ արագացավ նման լեռներից գլորվող քարի, որ չի կարողանում իրեն պահել և նետվում է անդունդը:

Այդպես փչացավ ալլեգրոն:

Գոնե փրկվի ազա՛ջիտն...

«Փրկվի՛... հաղթե՛լ էր պետք, ոչ թե փրկվել: Սա արվե՛ստ է, բարեկա՛մ»:

Եվ ահա ուժերն հավաքեց ու սկսեց աղաջիտն, մեծ հանճարի գերմարդկային տանջանքը և ստոյիկ հաշտությունը վշտի հետ:

Նվագեց, այո... սակայն ո՛ւր: Պարտվածը ավելի պարտվեց: Սառն էր դա՛հիճը, հուզվածը ինքն էր, այսինքն՝ բարկացածը, ներվայնացածը, և բարկութայն թակում էր իր վիոլոնչելը, ինչպես անասունի: Անձնատուր շեղան ոչ հասարակությունը և ոչ վիոլոնչելը: Սա, — այս անկարեկից վայրենին, — դավաճանեց նրան և մինչև վերջ դիմադրեց, շերգեց:

Դժվարի՛ն, աղետալի գործ:

Ավարտեց նվագը: Պարտված էր վերջնապես: Վեր կացավ, դժկամ գլուխ տվեց հասարակութայն և արագ փախավ հետևի օթյակը: Հասարակությունը հատուցեց սպանիչ քաղաքավարական ծափահարություն տուրքը: Դեռ չէր հասել վարպետը օթյակի դռան, որ աթոռները միահամուռ զոզոացին:

Ուրեմն հասարակությունը ցրվո՛ւմ է... Առանց կրկնե՛լ տալու մի բան: Դժգո՛հ է: Վարպետը իր մեջքի հետև զգում է մի վիշապ, որ մոմռում է, պատառոտվում, խոնվում և դանդաղ սողում դուրս: Վարպետն էլ գնաց տուն:

Զիմացավ թե ինչպես հասավ տուն: Ծրբ մտավ՝ սենյակ՝

ականջներում լուռություներ շնչաց: Նա մոտեցավ մեղանին, կանգնեց երկար նրա եզրին հենված, մեքենաբաբ: վերցրեց կոնյակի շիշը և կործեց իր շրթունքներին: Դա մի փոքր արթնացրեց նրան: Դժգո՛հ էր, վիրավոր, ծեծված: Մի տեսակ ամոթանք, կոտորություն կար նրա հոգում: Զգաց, որ մի մեծ հանցանք է, վարպետի համար ամենամեծ հանցանքը, — վատ է նվագել:

Լույս չվառեց: Լիալուսին էր: Մեքենաբար հանեց աղեղը, վիոլոնչելը դրեց ծնկների մեջ և կքվեց բազկաթոռի եզրին: Քուներ չէր տանում, ներվերը պրկվել էին, անհանգիստ էր, խոռվահույզ: Զերմ եկավ վրան: Թիրևս ջերմ չէր, այլ խմիչքը, գերազերգիտ հոգեկան վիճակը:

Լուռ էր սենյակը: Կարծես ամբողջ աշխարհը հեռացել էր, վերջացել արդեն: Շշնջում էր լուռությունը միայն, և վարպետը աչքերը փակ ունկնդրում էր դիշերին և տանջվում:

Գիշերն հոսում էր: Ի՛նչ գիշեր: Հուզվում էր մի Միսիսսիպի, խորը, լայն սիմֆոնիկ, տիրական, հուզումնալից:

Վարպետը չէր կարողանում մտքերը կարգի բերել. — Ի՛նչ էր պատահածը: Դիպված, ներվայնություն, անտաղանդություն: Անտաղանդ է ինքը...

Վարպետը բռունցքեց բազկաթոռի թևին: Սկսեց զայրանալ, դատափետել մարդկանց, իրեն: Ինչո՞ւ են այդպես անզգա, անառիկ: Դառն, տարօրինակ ճակատագիր: — Նա միշտ փախել է մարդկանցից, բայց և միաժամանակ միշտ որոնել է նրանց, դիմել է նրանց: Առանց մարդկանց ի՛նչ երգ... Ահ, ո՛րքան է վարպետը սիրել ու ասել նրանց: Ո՛րքան է տանջվել կյանքում, որ իր վիոլոնչելը երգել տա հենց այդ մարդկանց համար, հրդեհել նրանց սիրտը: Եվ կրկի՛ն դառն և տարօրինակ ճակատագիր. — թե՛ նրանք՝ մարդիկ, և թե՛ սա՛՝ վիոլոնչելը դժգո՛հ են իրենից:

Ի՛մացը հայելին էր: Նայեց մեջը: Ահա նստած է իր դեմ մի մոռյլ, տանջված կերպարանք, կքված, կպած բազկաթոռի եզրին. խորտակված զրկել է իր արտառոց գործիքը: Ինչի՞ է նման նա...

Իրեն էր նայում վիոլոնչելը: Ի՛նչ տխրատեսիլ գործիք՝ օ՛ւ ականջներով, շեղ աչքերով, սև վզով, դեղնակաթմիր, ուռած փորով և բարակ միակ ոտով, կարծես մյուսը կտորել են:

Եվ վարպետը դառնածպիտ ու արհամարհանքով մոմռաց.

— Անասո՛ւն, կապի՛կ... գուցե այն պատճառով, որ վիոլոն-

չելի մարմինը, գույնը, ականջները հիշեցնում էին կապիկի՝ եթե մի փոքր ֆանտազիային ազատութիւն տաս: Թերևս այդ ֆանտազիային սնունդ էր տվել վարպետի լսած արևելյան ավանդութիւնը, որի համաձայն՝ մի մարդ անտառով անցնելիս տեսել է ծառի ճյուղից կախ մի կապիկի շորացած կմախքը, պոկել է այն և բերելով տուն՝ նրանից շինել առաջին շուֆակը:

Եվ թերևս այդ կապակցութեամբ վարպետը իր վիճակը երևակայում էր մի կենդանի կապիկ...

«Այո, ես մի կապիկ եմ բերել անտառից, ամբողջ կյանքում ծեծել, ստիպել եմ տանը խաղալ սովորել և ապա դուրս բերել մարդկանց առջև խաղալու, իսկ այս կապիկը միշտ դիմադրել է, համառել, և իբրև թե մի փոքր սովորել է, բայց և շուտով հանկարծ փչացրել «խաղը»՝ ինչպես փչացրեց այս երեկո: Ո՛ւհ, անիծյալ կապիկ, ո՛րքան ես փչացրել դու իմ խաղերը և իմ կյանքը»: Ու զայրույթով ցնցեց «կապիկին»:

— «Ասա՛, ասա՛, իսկ դու ի՞նչ ես ուզում ինձանից: Դու փախչում ես ինձանից, փախչում քո անտառը, ինչպես կաներ իսկական կապիկը՝ ձգտելով հետ, դեպի վայրի կենդանական ազատութիւնը:

Ախ, ես ոչինչ չեմ քան ծիծաղելի, թշվառ կապիկ պարծոնը:

Վարպետը զայրալի զարկեց աղեղով վիճակը լարերին:

«Կապիկը» կաղկանձեց:

«Կաղկանձ, և ուրիշ ոչինչ», — դառնազին մտածեց վարպետը. — այդպես այնտեղ, համերգին էր կաղկանձում, չէր ուզում երգել: Այո, ճակատագիրը նրան կապել է մի թշվառական, շար, համառ կապիկի հետ, որ փչացնում է գործը, մինչդեռ նրան պետք էր մի շքնաղ էակ, որին տաներ մարդկանց մոտ երգել տալու իր երազած վսեմ երգերը:

— Երգի՛ր, — մոմուաց վարպետը շարացած և կրկին զարկեց «կապիկին»:

— Մի՛ դիպչիր ինձ — կարծես այսպիսի ձայն հանեց «կապիկը»:

— էլի՛ կատաղեցիր, անաս՛ուն: Երգի՛ր: Ամբողջ կյանքս մաշել ես ու չես երգում: Դու պիտի երգե՛ս: Հասկանո՞ւմ ես, ես չեմ կարող տանել մարդկանց անտարբերութիւնը, անհասկացողու-

թիւնը: Պիտի երգես: (Նա կաղկանձում է... վիրավորված է «կապիկը», ծամածոնում է երգը, վնասում...): Ո՛չ, դու պիտի երգե՛ս... Ես խայտառակվում եմ, խայտառակվում վերջնապես...

«Կապիկը» դիմադրում էր: Չէր ուզում անգամ փորձել: Չէր ուզում ենթարկվել: Վարպետը պարզ զգում էր նրա ատելութիւնը: Մեծվող կապիկի ատելութիւնը իր դաժան տիրոջ հանդեպ: Նա կաղկանձում էր շարունակ...

— Դե կաղկանձի՛ր, դե կաղկանձի՛ր...

Բայց ինչպես երևում էր՝ հարվածներն ուժեղ էին և կոպիտ: Կոպիտ էլ ձայն էր հանում «կապիկը»: Մի ձայն, որ նման էր ցավից կատաղած ու փրփրած իսկական կապիկի ճշոցների, մի կապիկի, որ արդեն կպել էր վարպետին և կծում էր նրա կզակը, դեմքը: Նրա աղմուկին խառնվեց վարպետի անեծքը, նախատինքը, որով նա բարկացած թակում էր, թակում կապիկին:

Վարպետը կորցրել էր իրեն: Նա բռնադատում էր իր անասունին, որ սա երգի: «Կապիկն» սկսեց կատաղութիւնից լաց լինել, սկսեց ոռնալ: Էլ ի՞նչ երգել: Երգելն այդպե՛ս կլինի միթե... Վարպետն սկսեց ունկնդրել այդ լացին: «Կապիկը» բողբոջում էր, մղկտում ցավից, և կարծես մի փոքր ենթարկված, խնդրում էր վարպետին, որ իրեն չծեծի:

Վարպետը թույնը թափելով՝ հոգնեց և մի փոքր անց նաև ինքը հանդարտվեց: Ցավով և գանգատավոր ձայնով հեծեծեց.

— Երգի՛ր աղաչի՞ն:

«Կապիկը». Մի՛ դիպչիր ինձ...

Վարպետը. Չեմ դիպչի...

«Կապիկը». Ազա՛տ թող ինձ...

Վարպետը. Ահա՛, ազա՛տ: Դե՛...

— Ոչ. բոլորովի՛ն ազատ թող, ավելի՛...

— Ահա՛, ավելի՛ — թուլացավ վարպետը՝ և հառաչեց ծանր ու դառն:

Տանջալի՛ ճակատագիր. — ամե՛ն ինչ կովով, ամե՛ն ինչ ճիգով:

Կրկին նայեց հայելու մեջ: Ինչի՛ է նման նաև ինքը, այդ բավաթոռի եզրին, ինչպես ծառին կպած, կքած նույնանման արարածը, ինչպես իր «կապիկը»... որի՛ հետ կովում է ինքը, կովում ամբողջ կյանքում: Իսկապես արդյոք նման չէ՞ սա այն

բանին, որ ինքը մշակում, կրթում, կատարելագործում է հենց ինքն իրեն, իր մեջ թաքնված նախամարդկային կապիկին, մղելով նրան դեպի մի վսեմ էակի տիպար: Եվ այդ տաժանելի գործում՝ ճգնում, ճգնում, ճգնում: Անդր՛ւ աշխատանք, պայքար, կռիվ մարդու և կապիկի մեջ, նենգավոր ու հրաշալի անասունի-բնության դեմ: Եվ ո՛րքան հին է այս պայքարը:

— Դարձյալ՝ ծուռ ես եղանակը, անասուն: Մի՛րոպե ազատ թողի քեզ և դու թաքցրիր երգը: Ա՛խ, շես մնում միևնույն քմայքի մեջ, պետք է շարունակ դավաճանե՛ս, նենգես... (Մի՛րոպե թողնում եմ անուշադիր՝ կրկին վայրենանում է...): Տե՛ս, էլի կսկսեմ երգի՛ր: Այգպե՛ս: Այգպե՛ս: Ես քեզ կսովորեցնեմ երգել: Դե՛...

— Մի՛ դիպչիր ինձ: Լսի՛ր: Լսի՛ր:

— Լսում եմ:

— Մի՛ տանիր ինձ մարդկանց մոտ:

— Ինչո՞ւ:

— Ես վախենում եմ նրանցից, ես առում եմ նրանց, նրանք շեն հասկանում ինձ: Ե՛րգ են ուզում, ինձ երգել տուր այստե՛ղ, այս սենյակի լուսթյան ու մթության մեջ: Միայն սա է ինձ հասկանում:

— Ա՛խ դու խե՛նթ, քմահա՛ճ, ինքնասե՛ր, խանդո՛տ արարած, այդ ճիշտ է, դու խորթանում ես մարդկանցից և ինձ էլ շես սիրում: Եվ ի՞նչպես կարող եմ ես առանց մարդկանց: Ես կարիք ունեմ բյուրավորների մեծ սրտի ջերմության, զգալու մարդկայինը, մարդկայինի համազգացումը: Առանց մարդկանց ես խեղճ եմ, անօգ, մենակ: Վերջապես ես ինքս մարդ եմ նույն մտից, նույն ոսկրից:

«Կապիկը» քրթմնջում էր սակայն:

Վարպետը լսել սկսեց: «Կապիկը» մեղմ հեկեկում էր... — Ա՛խ, քո ճեպտք, քո մատնե՛րբ... Այնքա՛ն ծեծեցիր ինձ, որ դարձրիր կապիկ իսկապես, այլանդակեցիր իմ հրաշալի ձայն: Հիմա ես մի թշվառ կապիկ եմ, քո ձեռքի գերթի, բանտարկված: Դու շոյում ես իմ մազե՛րը: Մի՛: Դրանք շքնաղ գիսակներ էին, որոնց հագում էին լստոսի բույրերը միայն: Դու ուզում ես բռնել իմ հնչյունե՛րբ: Մի՛: Դրանց հետ խաղում էին թիթեռների ու կելույս թևերը:

Վարպետը լսում էր այս շշուշշ գիշերի վեհական բարբառ

մեջ: Նա փակել էր աչքերը: Սակայն և առանց նայելու նա զգաց իր խոսակցի դեմքին կախարդիչ աչքերի շլացնող մի ժպիտ:

— Մի՛ տանիր ինձ մարդկանց մոտ՝ ես քեզ համար կերգեմ ակնաղբյուրի խիճերի դալլալը բարանձավում, հովերի խուլապարը լուսնի շողերի հետ, մամուռների զմրուխտե լուսթյունը...

— Ա՛հ, հրաշալի կենդանի, ինչե՛ր ունես դու սակայն: Ապա՞, ապա՞: Երգի՛ր դա... Եվ եթե՛ դու — (վարպետը երազել սկսեց) — երգելի մի այնպիսի բան, տանեի մարդկա՛նց... Ի՛նչ երջանկություն...

— Օ՛, եթե մի այնպիսի բան երգեի ես... Կերգե՛մ, բայց դու շես կարող տանել այն մարդկանց: Կերգեմ այնպիսի մի երգ, որը շես կարողանա հիշել, որի հնչյուններից կհալվես, կցնդես կապույտ անհունում:

— Ա՛խ, դու, շարաճճի՛ հրաշք, գեղեցի՛կ խորամանկ... Այդ ի՛նչ կերգես, որ շեմ կարողանա տանել մարդկանց:

Ու վարպետը խորամանկ ժպտաց, ականջները սրեց՝ պատրաստ խաբելով զողանալու նրանից վսեմ երգը, որ նրանից ծածուկ տանի մարդկանց, այրի նրանց սրտերը և բարձրացնի նրանց:

— Ա՛հ, երգի՛ր, երգի՛ր, այդպե՛ս:

— Միայն մի՛ հպիր ինձ, ազա՛տ թող ինձ, ալվելի՛... բոլորովին... բա՛ց թող... հանգա՛րտ, մե՛ղմ, հեռո՛ւ... Այդ երգի սկսվում է այսպես... Ա՛յ... լսո՛ւմ ես... Հիմա կգամ...

— Ո՞րտեղ ես դու, — խոսեց բարձրաձայն վարպետը:

Նա զարթնեց իր ձայնից:

Ոչ ոք չկար սենյակում: Լուսթյուն էր անհուն:

Նայեց՝ իր գրկում վիռլոնչելն էր և ձեռքին՝ կախարդված աղեղը, որ հենց նոր կանգ առավ Ադաջիոյի վերջին նոտայի վրա:

ԱՐԱՄ ԹԱԳԱՎՈՐԸ

Գավառական քաղաքումն էր: Հինգ տարեկան տղա էի այն ժամանակ: Իմ աշխարհը մեր տան բակն էր, բակում կենող հարևանները, նրանց երեխաները: Իսկ որ՝ մի աշխարհ հազար ու մի հշաշքներով լի:

Ես երկու ընկերուհի ունեի՝ Սանդուխտը և Խոսրովիդուխտը, երկու քույրեր, որոնք մի փոքր մեծ էին ինձանից:

Օրնիբուն նրանց հետ էի: Խաղում էինք, վազվզում, զրուցում: Նրանց հայրը չէր երևում ինչ-որ: Ինձ շատ էր զարմացնում այդ բանը: Մի՞թե նրանք հայր չեն ունեցել և չունեն:

Մի անգամ, երբ հարցրի Սանդուխտին և Խոսրովիդուխտին, թե հայր ունե՞ն, նրանք պատասխանեցին, որ ունեն և իրենց հայրը Արամ թագավորն է:

— Արամ թագավորը...

Սա ինձ շքանքեց և շատ զարմացրեց: Լա՛վ, որտե՞ղ է:

— Ուրիշ տեղ է:

— Ինչո՞ւ տուն չի գալիս:

— Կգա:

Արամ թագավորը: Դա վերի՞ն աստիճանի հետաքրքրական բան է.— մեր հարևանը, այս տան բակում ապրում է Արամ թագավորը:

Նախ ես չէի տեսել և ոչ մի թագավոր, հետո՝ հայոց թագավոր:

Բայց ինչո՞ւ չի գալիս, երևում քաղաքում, ո՞րտեղ է շրջում, ի՞նչ գործ ունի ուրիշ տեղերում: Եվ ի՞նչ տեսակ մարդ է, ինչպե՞ս են լինում թագավորները:

Հետաքրքրակա՛ն, շատ հետաքրքրական բան:

Երբ մի փոքր շփոթմունքս անցավ, սկսեցի հարց առ ինձ, թե այդ ինչպե՞ս է, որ Սանդուխտի և Խոսրովիդուխտի հայրը թա-

գավոր է: Երեկոյան մորս հարցրի թե ինչո՞ւ Սանդուխտի և Խոսրովիդուխտի հայրը թագավոր է, իսկ իմ հայրը ատաղձագործ:

— Դե նա Արամ թագավորն է, նրա բանն ուրիշ է, տղաս,— հանգստացրեց ինձ մայրս՝ իբրև թե բացատրեց մի բան:

Տարակուսանքներ մնացին հոգուս մեջ և մեծ տարակուսանքներ: Չէի կարողանում լուծում գտնել հարցասիրությանս: Ուզում էի օր առաջ տեսնել Արամ թագավորին: Ամբողջ ժամանակ մտածում էի այդ մասին և պատկերացնում էի... Դե՛ հնա՞ր կա բացատրելու թե ինչե՞ր էի պատկերացնում: Ոսկեհուռ թագը զլխին, հագին ծիրանի, մարգարտաշար զոտուց ակնազարդ սուրը կախած, ձեռին գալիսուն կամ աշխարհագունդը... Ահա իմ գիտեցած թագավորը, որ տեսել էի նկարների մեջ: Չէ, հետաքրքիր է, հետաքրքիր:

Եվ ուրիշ աչքով սկսեցի նայել Սանդուխտին և Խոսրովիդուխտին: Նրանց անունները նոր նշանակություն ստացան իմ աչքում: Նրանք ինձ համար այժմ արդեն դառան միստիկական արարածներ, հեքիաթական հերոսուհիներ: Նրանց դեմքը, հագուստը, խոսվածքը ինչ-որ արքայական էր, այլևս ոչ այս աշխարհի:

Հանկարծ մտածեցի,— տեսնես Սանդուխտն ու Խոսրովիդուխտը ի՞նչ ձևով են դառնում դեպի Արամ թագավորը և խոսում նրա հետ: Եվ ի՞նչ խոսքերով: Նա էլ իհարկե պատասխանում է... Եվ հետո այն հանգամանքը, որ Արամ թագավորը նրանց հայրն է: Երջանիկ, երջանիկ են նրանք: Եվ ինչպես մինչև օրս ես չեմ նկատել այդ երկու ընկերուհիներիս մեջ, որ նրանք թագավորի աղջիկներ են: Եվ նրանք պահում էին ինձանից իրենց գաղտնիքը: Տես, ինչպիսի աղջիկներ են նրանք: Սա էլ առանձնապես ներգործեց ինձ:

Չբավոր էին նրանք: Լսվում էր երբեմն նրանց տան վեճերն ու տրտունջները, անգամ լացը: Մայրը, մի շարքաշ, թախծոտ արարած, չէր տալիս աղջիկներին ինչ-որ բան, սրանք պահանջում էին: Երբեմն էլ ծեծում էր նրանց, բայց չնայած նրանց խեղճության, կարիքին՝ ինձ համար ոսկեզօծ էր նրանց կյանքը: Դա Արամ թագավորի տունն էր: Ու մինչ այդ լսած հայոց պատմությանից բոլոր խառն ու անորոշ ակնարկները իմ գիտեցած բոլոր ֆանտաստիկ դեպքերն ու անձերը կոնկրետանում, պատկերվում էին ահա այդ ընտանիքի մեջ:

Մի օր էլ, ահա, երբ փողոցում ես ընկերուհիներին հետ արդեն մոռացած այդ հանգամանքը՝ տարված էինք մեր խաղով՝ հանկարծ հոսորովիդուխտը ձայն տվեց.

— Սանդուխտ, հայրիկը...

Սանդուխտն ու հոսորովիդուխտը վազեցին դեպի փողոցի անկյունը, որտեղից երևաց նրանց հայրը: Այսինքն՝ Արամ թագավորը: Աղջիկները բռնեցին նրա ձեռքերը և հետը եկան տուն:

Ես արագ ու սրտատրոփ վազեցի նրանց հետևից և աչքերս լայն բացած մտիկ տվի եկողին: Դա մի հասարակ մարդ էր՝ դեղնած մորուքով, սևագանգուր մազերով, գլխին... կարտուզ և հագին մի կարկատած պիջակ: Ոտներին շուտեր: Ուսին էլ մի լիբր խուրջին:

Իս զարմանքն աճեց, ես արդեն կորցրի ամեն շփ ու համեմատություն: Բայց մոտ գնացի Արամ թագավորին և շարունակ աչքերս վրան պահած ուղեկցեցի մինչև տան բակը: Արամ թագավորը հասավ իրենց տան շեմքին, խուրջինը վայր բերեց և ցածրիկ դռնով՝ մեջքը կոացրած՝ մտավ ներս:

Ես չհամարձակվեցի մտնել ներս, ընկերուհիներս էլ իրենց ծնողով տարված դուրս շեկան: Գնացի տուն և մորս հայտնեցի.

— Մայրիկ, Արամ թագավորն եկավ:

— Եկա՞վ, — մեղմ ժպտաց մայրս և էլ ոչինչ չխոսեց:

Ես մնացի բակում: Երկար ժամանակ ականջ դրի ներսի խոսակցություններին, բայց անորոշ ձայներից բացի բան լսել չկարողացա: Միստիկական անձնավորությունը — Արամ թագավորը, չէ՞ր խոսում, թե՞ ցածր էր խոսում, բայց շարժանաչա նրա մի բառին:

Գնացի տուն և նստելով մեր պատուհանի գոգին՝ սկսեցի ուշի ուշով, լարված նայել Արամ թագավորենց պատուհանին: Խորհրդավոր աղոտ լույս կար ներսը: Ինչ-որ սովերներ միստիկական ուրիշով խլրտում էին պատի վրա: Արդյոք Արամ թագավորի սովերը չէ՞ր դա: Ահա պարզ գծագրվեց մի ձեռքի թափահարումը: Ում ձեռն էր դա: Երևի այնտեղ խոսում էին, չէի կարող լսել: Անշուշտ: Եվ խոսում էին իհարկե Արամ թագավորի... ներկայությամբ... թերևս մինչև անգամ նրա հետ... Բայց տեսնես ի՞նչ էին ասում նրան և ի՞նչ էր պատասխանում նա: Ի՞նչ հրաշք բան, ի՞նչ նշանավոր դեպք պիտի լիներ լսելը, տեսնելը այդ ամենը:

Այս մտքերի մեջ էի, երբ մայրս ձայն տվեց ինձ, որ քնեմ: Ես մտա անկողին և դեռ երկար օրորվեցի Արամ թագավորի և նրա աղջիկների երազանքով, մինչև որ քունը վարագուրեց իմ աչքերից այս հոյակապ տեսարանը:

Հետևյալ առավոտ զարթնեցի բավական ուշ: Արևն ընկել էր իմ գլխին: Վեր թռա և վազեցի պատուհան, նայեցի Արամ թագավորենց տան կողմը: Այնտեղ հանդիսավոր լուսվյուն էր: Հագնվեցի, դուրս եկա բակը:

Արամ թագավորը երեկվանից էլ դեռ կախարդիչ անձնավորություն էր ինձ համար՝ շնայած իր «տարօրինակ» զգեստին, այդ սիջակին և կարտուզին (թագավորի համար անհամապատասխան): Ես փափագ ունեի սակայն լսել Արամ թագավորի ձայնը, խոսքը...

Հանկարծ դուռը բացվեց և դռան մեջ գծվեց իր ամբողջ հասակով Արամ թագավորը, մի ինչ-որ գլուղացու հետ, որ շես հասկանում ինչ հրաշքով գիշերը, թե առավոտը եկել էր Արամ թագավորի մոտ: Նա հետ նայեց ներս և ասաց իր կնոջը թե աղջիկներին.

— Դը՛, ինչ որ ասի...

Եվ դառնալով գլուղացուն կցեց.

— Երթանք:

Նրանք եկան անցան իմ մոտով: Ես մոտ վազեցի և շատ լարված նայեցի Արամ թագավորին, որի հայացքը ինձ թվաց թախծալի և խորհրդավոր:

Սանդուխտն ու հոսորովիդուխտը դուրս շեկան տնից:

Արամ թագավորը գնաց փողոց, շուտ եկավ անկյունով և կորավ իմ տեսողությունից հեքիաթային արարածի պես: Ո՛ւր գնաց, ի՞նչ գործով — այս ևս իմ մանկական երևակայության համար դառավ անվերծանելի մի սեպագիր, ընդունակ միայն իմ մանկական երևակայությամբ զարդարվելով շքեղացվելու:

Ես այլևս խուսափում էի հանդիպել Սանդուխտին և հոսորովիդուխտին: Սաստիկ քաշվում էի նրանցից: Նրանք դառան ինձ համար անմատչելի և օտար էակներ: Ուստի և աշխատում էի փողոցի անկյունում սպասելով հանդիպել Արամ թագավորին և մի բան հասկանալ: Ա՛խ, եթե հաջողվեր լսել նրան, իմանալ թե ինչեր է ասում:

Վերջապես այդ հաջողվեց. հետևյալ երեկո նա բակը մտավ մի քանի գյուղացիների ընկերակցությամբ: Սրանք լուռ անցան իմ կողքով: Հետո մտան տուն: Սանդուխտն ու Խոսրովի դուխտը ներս վազեցին ու կրկին առանձնացան:

Ես կամաց-կամաց, ոտներին ծայրով մոտեցա նրանց պատուհանին և սկսեցի ականջ դնել: Այնտեղ ուրախ զրույց էր սկսվել: Չէի կարողանում որոշել, թե ինչ են խոսում: Ինձ զարմացրեց գյուղացիներից մեկի ձայնը, որ ամպի պես զոռում էր: Արամ թագավորի կինը մոտենում էր պատուհանին, որի զոգում փայլում էր ինքնաեղբ և բաժակները թեյ լցնելով հետ էր տանում: Հանկարծ գյուղացին գոռաց.

— Է՛, կենդանություն, սաղ ըլիք:

— Անուշներ,— լավեց չգիտեմ ում ձայնը:

Սկսեցին ծիծաղել, ձայները բարձրացավ: Ես ավելի մոտեցա պատուհանին: Գոռոռացող գյուղացին սկսեց երգել: Նրա ձայնը երբում էր: Մեկ էլ նա ասաց.

— Էն խաբարը մեկ էլ ասա, էն ի՞նչ բան էր:

— Քա՛նի անգամ պիտի ասի, ասաց էլի,— լավեց պատասխանը:

— Ամ-մա՛ն, թե հոգիդ կսիրես, Արամ թագավոր, մեկ էլ,— պնդեց գոռոռացողը:

Չայները լռեցին: Եվ հանկարծ լավեց... Արամ թագավորի խոսելը.

— Նամակն եկել է մի ամիս առաջ: Զինացոց թագավորը գրել է մեր հայոց ազգին, թե՛ մոտո ուղարկեցեք Մամիկոնյան իշխաններից մեկին, որ զա ստանա նրանց թողած գանձերը:

— Մամիկոնյան իշխանները ո՞րտեղ են:

— Դե, էն է, փնտրում ենք, որ գտնենք:

— Հա ա՛... — լավեց ընդհանուրի կողմից:

— Բերանդ տաճար, Արամ թագավոր,— գոռաց գյուղացին,— մի հատ էլ լցրու, Արամ թագավոր:— Ու երգեց կրկին:

Երբ երգը դադարեց, նորից լավեց Արամ թագավորի խոսքերը.

— Նամակը բերել է շինացոց իշխան՝ Խին-խոն, կաշե փաթեթոցի մեջ, մազազաթի վրա գրած, շինական թանաքով, որ ջրի մեջ չի ծրում:

— Զո՛ւր ինչացու էր, Արամ թագավոր,— հարցրեց գյուղացին երգը մոլտալով:

— Մովի ափերից լողալով եկել է իշխանը, որ Անգլիան շկուհի,— բացատրեց Արամ թագավորը:

Ես զգացի մի հաճելի զոռ ողնաշարիս վրա:

— Հա՛յ, ասոված բերնեղ լսի, Արամ թագավոր,— գոռաց գյուղացին,— դե, լցրեք, լցրեք մի-մի հատ էլ տնկենք:

Երազանքի ցերեկ էր այդ օրը և կախարդանքի գիշեր, երբ մոտա անկողին... Ո՞րտեղ էր հիմա շինական իշխանը. արդյոք կգտնե՞ն Մամիկոնյան իշխաններին: Ի՞նչպես կարելի է տեսնել այդ բոլորը...

Անցան տարիներ. ես դարձա խելահաս պատանի, և Արամ թագավորի առեղծվածը լուծվեց: Լուծվեց շինացոց թագավորի և Մամիկոնյան իշխանների գաղտնիքները... Դուրս եկավ, որ նա մի հասարակ մասնավոր ուսուցիչ է և գյուղերում եկեղեցիների բակերում կամ օդաներում մի քանի աշակերտ հավաքած՝ նրանց հետ անցնում է տարրական գրագիտություն՝ բնավճարի դիմաց և ընտանիք պահում: Ազնիվ, խեղճ մարդ է, նվիրված ընտանիքին: Բայց՝ ինչպես վերջը պարզվեց ինձ համար՝ սիրում էր հավաքել գյուղացիներին և սկսում պատմել: Ֆանտաստիկ դեպքեր, ջարդեր, հաղթություններ, սխրագործություններ... Եվ ո՞վ գիտե թե ի՞նչ նախճիրներ է նկարագրել, որ սարքում են եղել հայոց թագավորները Արամ թագավորի ուժեղ ֆանտազիայի շնորհիվ: Եվ անշուշտ ջարդված թշնամիների թիվն այնքան ուռցրած է եղել կամ ով գիտե հայոց թագավորների քաջությունները նկարագրելիս այնքան անվերապահ է եղել, որ գյուղացիներն ավելի զվարճանալով, քան բանի տեղ դնելով այդ պատմությունները՝ նրան կպցրել են Արամ թագավոր մականունը՝ իր անվան՝ Արամ վարժապետի հարմար:

Հետաքրքրականն այն էր, որ երբ իրեն դիմելիս էլ այդ անունըն էին տալիս՝ չէր վերավորվում:

Ահա այդ անվանակոչությունը գյուղերից եկել քաղաքի շու-

կան և ամենուրեք տարածվելով հասել էր մինչև անմեղ Սանդուխտին ու Խոսրովի դուստրին:

Արամ թագավորը մերկացալ իմ աչքում և դառալ Արամ վարժապետ: Արդեն խոսում էր հնաս, գրուցում գյուղերում պատահած դեպքերից, ընդհանուր քաղաքական անցքերից, ամեն տեսակ պատահարներից, որոնցից մեծ մասը բնության մեջ գոյություն չունենր:

Պարզապես ֆանտազյոր էր:

Օրը երեք շորս բան էր հնարում ամենազարհուրելի մանրամասնություններով, առանց աչքը ճպելու:

Ո՞րտեղից էին գալիս այս բոլոր անհնարին ֆանտազիաները: Ինչի՞ց ստիպված հնարում էր այդքան անհեթեթ, անգամ կոպիտ ֆանտազրաները: Թերևս նյութակա՞ն ակնկալություններից... Բայց ի՞նչ օգուտ կար նյութական թե հոգեկան: Նրան չէին հավատում, ծիծաղում էին և անցնում:

Վերջին տարիներս մի դեպք լյատահեց, որ ճակատագրական նշանակություն ունեցավ Արամ թագավորի համար:

Լրացրում, վերջի էջնրի վրա մի տարօրինակ հայտարարություն երևաց մի հատիկ բառով:

«Ահրուխտա»:

Եվ ուրիշ ոչինչ:

Մի քանի լրագիր կարդացողներ սկսեցին հետաքրքրվել, թե ինչ է նշանակում այդ միակ բառը՝ հայտարարություն սե շրջանակի մեջ: Խոսում էին, ենթադրություններ անում, բացատրում:

Բան չէր դուրս գալիս:

Զէին կարողանում հասկանալ թե ինչ է նշանակում այդ բառը: Գտնվեց մի ուսուցիչ, որ ինձ ասաց թե՛ դա ռեբուս է, և ով լուծի, գուցե մի ահագին գումարի պրեմիա կստանա:

Հետաքրքրությունն առավել գրգռվում էր այն հանգամանքով, որ չէր տրվում ոչ մի ակնարկ, բացատրություն թե ի՞նչ նպատակ ունի այդ մի հատիկ բառը հրատարակել՝ թողնելով անհայտ թե իբրև ինչ էր առաջաբերում ընթերցողներին, իբրև ռեբուս թե այլ բան: Զկար նաև հնար բացատրելու թե ինչպես էր պետք վարվել այդ բառի հետ:

Կատարյալ միստիկա...

Այդ հարցով զբաղվում էր երևի նաև Արամ թագավորը: Բայց ո՞վ զարմանք, չէր խոսում այդ մասին, այլ լսում էր միայն և լուռ շարունակ: Երբ իրեն հարցրին մի օր՝ պատասխանեց.

— Դա ուրիշ բան է...

— Ի՞նչ բան...

— Ո՞վ գիտե, — բացատրեց Արամ թագավորը և լռեց:

Բայց խորասուզված էր և լարված:

Մի օր էլ՝ երբ քաղաքի ընթերցարանում հավաքվել էին մի խումբ ընթերցողներ, մեծ մասը ուսուցիչներ, Արամ թագավորը ներս մտավ և իբրև սենսացիա հայտնեց, որ քաղաքի սյուններին փակցրել են մի նման հայտարարություն.

«Ահրուխտա»:

Բոլորը հետաքրքրվեցին:

— Ի՞նչ կարող է լինել:

Այն ժամանակ Արամ թագավորը բոլորին հավաքեց իր գլխին և հայտնեց հետևյալը.

— Դա մի բառ է, որ ինչ-որ մի քաղաքում ինչ-որ մի անհայտ օղակայան ընդունում է մթնոլորտից և ենթադրվում է, որ Մարսից է:

— Ո՞վ ասաց, — հարցրինք մենք:

Արամ թագավորը բացատրեց.

— Այս քանի օրերս կարդացել եմ մի մասնագիտական ժուռնալում: Այնտեղ լուր էր տրված, որ Ամերիկայում պատրաստվում է մի տորպեդ օղանավ, որ պիտի թռչի դեպի Մարս, և այնտեղից էլ ազդանշաններ են գալիս լույսի շարժումներով: Գիտնականները կարդացել են այդ նշանները — դրանք մի բառ են արտահայտում: Բառի միտքն անհասկանալի է:

— Իսկ ինչի՞ց իմացար այդ ամենը, — հարցրինք մենք:

Արամ թագավորը ոգևորվեց և սկսեց բացատրել, որ ինքն ահա մի ամիս է ուսումնասիրում է մի հին ձեռագիր, որ քաղդիական ծագում ունի և նրա մեջ օգերևութաբանական գուշակություններ ու նշաններ կան: Այնտեղ նա այս օրերս կարդացել է... և Արամ թագավորը շորս կողմ նայելով, ցածր ձայնով և համարյա դավադրորեն փսփսաց.

— Ես կարդացի մի բառ. — այա... եոոտ... ելլի... տահ... Հենց այդ բառն էլ պետք է որ լինի այդ «ահրուխտան» և Մարսի

ազգանշանների հետևանքը երևի մեծ կապ ունի այդ բառի հետ և թերևս շուտով կիմանանք, որ երկար դարեր այնտեղից կանչում են երկրագունդցիներին:

Տիրել էր մեռելային լուսթյուն: Ֆանտազիան, լրջությունը, այդ մարդու համառ պայքարը հանուն ֆանտազիայի մի տեսակ զարմանալի թվաց մեզ: Ի՞նչպես, երբ մարդը օրը ցերեկով այդպիսի բաներ է հնարում կամ մտածում:

Բայց հենց այդ լուսթյունն ընդհատեց մի ֆիզիկայի ուսուցիչ, որ ամբողջ ժամանակ լուռ կարդում էր և հարևանցի լսում մեր միստիկական զրույցը:

— Հարգելի քաղաքացիներ,— ասաց նա բարեսիրտ իրոնիալով,— «Աերոլիտա» — դա ուսուցիչի գրող Ա-ի համանուն վեպի ֆիլմն է, որ շուտով պիտի ցուցադրվի ամբողջ Միուսթյան մեջ, «Աերոլիտան» պարզապես այդ ֆիլմի հերոսուհին է:

— Ուրեմն դա ֆիլմ է:

— Ֆիլմ, և այդ մի բառով հանդես գալն էլ առանց բացատրության ունկլամ է հետաքրքրություն գրգռելու համար: Ի՞նչ Մարս, ի՞նչ ռադիոկայան, ձեռագիր...

Հոմերական քրքիչը թնդացրեց ընթերցարանը: Արամ թագավորը կարմրեց, ապուշ նայեց մեզ և գլխիկոր դուրս եկավ ընթերցարանից:

Մի քանի տարի անց լսեցի, որ մեռել էր: Մեռել էր շհասնելով իր անհայտ նպատակին, թերևս ֆանտազիայով կառուցել մի անուն, մի գիրք՝ իր անուրախ, անհայտ ու կորած անձի համար:

Խեղճ Արամ թագավոր:

ԳԻՐՔ ԾԱՂԿԱՆՑ

Մաշի ձեռք, դառնա ի ճող,
Գրս մեա հիշատակող:
(Միշնադարյան)

Ծաղիկները կրակներ են, պտուղները՝ ազնիվ քարեր,— նա այդպես էր տեսնում,— իսկ թռչուններն ու գաղաններն զգեստավորված խեղդատակներ, խաղում են առակներ թագավորների, իշխանների, գյուղացիների կյանքից, այն, որ պատմել է իր տատիկը: Նրա համար քարափները խոռոված նայում են, իսկ լեռներն ալիքներ են փոթորկված Վանա ծովի:

— Տեսե՛ք — մին էլ ասում էր նա,— պատանին առյուծին նստած գնում է:

— Ո՞ւր է... Ո՞ւր է...— Հետաքրքիր վրա էին վազում խաղընկերները:

Յուրջ էր տալիս Զվարթը դաշտի քարակույտերը և ծիծաղելով վազում էր գնում փողոցը վայր:

Նայում էին և ոչինչ չէին տեսնում դաշտի քարակույտերում: Եվ հետևիցն էին ընկնում, որ ծեծեն Զվարթին՝ խաբելու համար: Բայց նրան հասնում էին բլրի վրա մի ծաղկի գլխի կոացած: Ու մինչ պատրաստվում էին խփել նրան, նա թավշե ծաղիկը ձեռքը վերցնելով ծիծաղում ու ցույց էր տալիս:

— Վարդապետը, վարդապետը, գլխին վեղար՝ կունձիկ-մունձիկ գնում է վանք:

Ու կոմիկ շարժումներով տիկնիկի խաղ էր սարքում, տրմբաշմբացնում ծաղկի գլուխը, փայլեցնում ձեռքի վրա: Երեսնաները ծեծը մոռացած ծիծաղում էին և հետո էլ զարմանքով նայում նրան:

— Ի՞նչ տեսակ տղա է...

Պատահում էր նստում էին քարափին: Արդեն Զվարթը պատմում էր:

— Գնացել էի ձորը, գետի ափը: Փրփուրների միջին մի աղջիկ ինձ փսփսաց. «Արի՛, Զվարթ, արի՛, արի՛»: Գնացի, ինձ տարավ

հետո, գետի տակը: Պալատներ կային, նախշուն քարերով, մարգարիտներով...

— Սուտ ես խոսում,— գոչում էր ընկերներից մինը, բամփում գլխին և երեխաները կրկին հարձակվում էին վրան խփելու, բայց Չվարթը փախչում էր տուն: Հետևից քար էին նետում:

Իսկ տանը ծնողներին ու հարևաններին արդեն պատմում էր, որ ձորի միջով ոսկի ուղտեր անցան. մեկ ուղտի վրա կապիկ էր նստած ակնեղեն աքաղաղը ձեռքին, իսկ մյուսը՝ նառը, հագել էր ոսկեթել շուրջար, նրա մեջքին էլ վարդն էր նստել, որի դեմքը լուսին էր շրջանակած վարդի կրակե թերթերով:

Ծնողներն ու հարևանները լսում են, իրար նայում նշանակալից և տխուր: Նրանցից մինը գլուխն օրորում է.

— Աստծո՛ւց գտնես փրկություն, զավակս:

Երեկոն մանիշակ ցանեց գյուղի, դիմացի քարափների ու անդրի այգիների վրա: Հետո, երբ Չվարթը քնած էր, հարևան պառավ Սանդուխտը դեմքը մոտեցրեց Չվարթի մոտը.

— Շե՛ն տիկին, տղադ ցավագա՛ր է, շարոց է:

Իսկ հարևան ծերունի Գաղիշոն, խստադեմ, սրբապայծառ մի մարդ մարգարեական անհակառակելի խոսքով կտրում է.

— Ընծայեցե՛ք սուրբ նշանին:

Չվարթի մայրը տխրեց: Հայրը՝ մոռյվեց:

Ու հստակ այդ երեկոյին, մի հազարամյակ առաջ, երբ հարազատ ծղրիդը մտերմաբար ծղրում էր պատի ճեղքում, Չվարթի ծնողները վճռեցին նրան տանել սուրբ նշան վանքն ընծայելու:

Գարունը հեռում է Հայաստանի լեռնաշխարհում: Օրը ջինդ աղբյուր՝ կոհակում է խաղաղ: Չվարթենք, նրանց գյուղացիներն ուխտ են գնում լեռան մի վանք: Գնում են շարան շարքերով, սայլերի վրա, հետևակ: Նստել է սայլին Չվարթը և դիտում է գյուղացիների նոր զգեստները և նրանցից մեկը նրան թվում է վագրենի հագած: Ու ծիծաղում է վրան. «Ո՛ւր կերթաս, շելբի վաղը ես դառել, շելբի»:

Ու զնգում է նրա ծիծաղը:

«Չելբիին» սառը նայում է Չվարթի հորը և գլուխն օրորում:

Իսկ մայրն աչքերն է սրբում: Չվարթը սողաց դեպի լուծը, որ նստի սայլի գլխին, քեռի Մանուկի մոտ: Քեռի Մանուկը գրկեց Չվարթին և ճիպոտը տվեց ձեռք: Չվարթն սկսեց քշել եզներին: Հետո հանկարծ մատն ուղղեց եզան աչքի մեջ և ցույց տվեց քեռի Մանուկին:

— Քեռի՛, քեռի՛, տե՛ս:

— Ի՞նչ է, ձագուկ:

— Տե՛ս, եզան աչքի մեջ գիշեր է: Քեռի Մանուկը ծիծաղում է:

Սայլն ընկավ մի մարմանդ հովիտ ու սկսեց սուրալ: Քեռի Մանուկը երգեց.

Աստղիկի մը երկնուց ի վաար կու սիբե ձկնակն ի ծովուտե...

Ո՞րչ աստղիկն է է վա՛ա՛ր գալու, ո՞րչ ձկնակն ի վե՛ե՛ր գնալու...

Լսում է Չվարթը և նրա աչքերը գոհարների պես ցուլում են հետաքրքրությունից:

— Քեռի՛, աստղիկը ձկնակին շա՛տ կու սիրե:

— Շա՛ա՛տ,— ձգում է քեռի Մանուկն ու հառաչում:

— Քեռի՛, ապա իսկի շպիտի՛ իջնա աստղիկը ձկնակին քով:

— Չէ՛, ձագո՛ւկ, չէ՛,— հառաչում է քեռի Մանուկը:

— Հեռո՞ւ է երկինքը:

— Հեռո՞ւ...

Չվարթը խորասուզվում է մտքերի ծովը, թե ինչո՞ւ ձկնակն ինքը չի գնում երկինք: Բայց այդ միջոցին նրա ուշքը գրավում է գետակը, որ հովի վրա իր կոհակները շուլալելով, ասեղնագործում է տասնյակ ժապավեններ: Իսկ երկու կողմ ժայռերից ծիլ-ծիլ հյուսվում են լուսեղեն աղբյուրներ:

Թերակղզի, երկու կողմն անդունդ: Սևավոր մի վանք նայում է այնտեղից խիստ ու գեղեցիկ: Երկինք է միտում նրա գմբեթը նեոազեղի պես լարված: Նրա շուրջն են խռնվել ուխտավորները:

Հանկարծ Չվարթը մատը մեկնեց վանքի պատին և դրդեց հորը.

— Հայրի՛, հայրի՛, տե՛ս ծառի տակին ով է կանգնած նուռը ձեռքին:

— Ո՞րտեղ...

— Պատի վրա,— և Չվարթը հետաքրքիր նայում է պատին:

Հայրը, ուխտավորները զարմանքով ու ցավով նայում են վանքի պատին: Այնտեղ ոչինչ չկա: Վանքն է բարձրաշեն ու սրբաբառաշու: Ծեղքվածների գծեր են խաղում պատի վրա: Զվարթը մարդ է տեսնում այդ գծերում և զվարճացած ծիծաղում.

— Ա՛յ, ա՛յ, աչքերի վրա աղեղակներ...

Բայց շրջապատողները վախեցած են արդեն: Հավաքվեցին մյուս ուխտավորները և երկյուղած նայեցին Զվարթին, որ աշխույժ մատով օդում կրկնում է գծերը.

— Նուրբ տալիս է եղնիկին: Տեսե՛ք եղջյուրները:

Ուխտավորները երեսները խաշակնքում են: Զվարթի մայրն արտասովում է, իսկ հայրը խիստ ազդված, դողահար, բռնում է Զվարթի ձեռքը: Վանահայրն է միայն, որ գոհունակ նայում է Զվարթին:

Զվարթենց հարեանը փսփսում է վանահոր ականջին.

— Աչքին միշտ կերևան, հայր սուրբ, հայնց որ երազ:

— Շնորհաց աղբյուրին ապավեն լինենք,— մրմնջում է վանահայրը:

Հարեանները, համազուղացիները սրտերն առնված նայում են Զվարթին և ափսոսում նրան: Զվարթը պիտի մնա վանքում, նվիրվի վանքին: Նա էլ չի տեսնելու իրենց տունը:

Ժամերգությունն սկսվեց: Խորին անդնդից ասես ուղտերի գանգեր եղանակեցին, որոնց արձագանքը դողանջեց ներսից: Ուխտավորները, բացի կանանցից, մտան սրբավայրը:

Սեպած, փոշոտ կամարները թուխ արծիվների պես թևաբաց իջնում են վերևից: Անկյուններում արդեն մթնում են ստվերները: Կանթեղը թույլ դողում է բեմի խորքում, մշուշի մեջ լողացող աստղի պես: Սևազգեստ վանականները կոկորդաձայն կռնչում են ինչ-որ աղոթքներ: Եվ անկյունները տխուր են, տխուր մեռելի փակված աչքերի նման:

Ճնշվում է Զվարթի հոգին: Նա երկյուղով նայում է հատակին, չի համարձակվում աչքը վեր բարձրացնել:

Ժամերգությունը վերջացավ: Զվարթին տարան բեմ, մոտեցրին մի ահավոր հանգուցյալի, որի դեմքը կաշվե դեմակ էր, որը մեռելի մեռած մորուք ուներ և ոսկրե ձեռներ: Նրա այտը և մի աչքի տակն այրված էր մոմից: Նա շրջանակի միջից ահուելի նայում էր Զվարթին, Զվարթին մոտ տարան դեպի մեռելը.

— Համբուրե, համբուրե,— շնչացին հետևից նրան:

...Ջրերի կոհակներ են խշխշում, խշխշում են երկար, հեռվից, խորքից: Մի մեծ ձուկ լաց է լինում, «Ո՛ւ, վուշ, Զվարթս, տղա՛ս, վուշ»:

Բաց է անում աչքերը Զվարթը,— ի՞նչ է, ո՞ւր է... Նրա դուխավերև նստած է հայրը, կողքին մայրը, որ ծնկներին է ձեռնում: Մի կողմ շարված են ուխտավորները, իսկ ոտների մոտ նստած է մի մարմարե ծերունի, որն հանգիստ նայում է Զվարթին և այդ հայացքով նա նման է, այ, հենց այն ծերունի ամպին, որ երկնակապույտի մեջ կորամեջք գնում է ուր որ:

Իրիկնադեմին Զվարթենք և բոլոր ուխտավորները քաշվեցին: Ամենքը գնացին, մնաց մթնած տուղտը, խավարած վանքը, սառնածոր աստղերը երկնքում: Անձուկ դառավ վանքի բակը, լոնց, գերեզմանաքարի պես և նրա մեջ թաղված աշխույժ թիթեռը— փոքրիկ Զվարթը:

Հեռուն, հեռուն, որտեղ գնացին Զվարթենք և գյուղացիները, հովիտն է լցված փիրուզե մշուշով: Դա հայրենիքի ճանապարհն է: Զվարթը տխուր նայեց այն կողմ և սրտաբեկ հառաչեց: Վանահոր փոքրավորը նրան տարավ վանահոր խուցը, ուր նա կծկվեց մի ոչխարենու վրա: Վանահայրը նստեց ձիթածրադի լույսի առջև, վերջրեց մի սևակաշի գիրք և խոշոր աչքերը գրքին հառած, սկսեց կիսաձայն մրմնջալ: Նա ծովի էր նման, օտար ու մշուշոտ: Զվարթը նայում էր նրան և գրքին: Վանահայրը կախ էր գցել նրա մի էջը, և երևում էր այդ էջի վրա մի ոսկեշող խամոթ, կապույտ սյուներ և ծաղիկներ: Զվարթը տխրեց, երբ տեսավ ծաղիկները: Դա հիշեցրեց նրան իրենց դաշտերի ու ձորերի ծանղիկները: Հանկարծ ճրագի լույսը, ծերունին, գիրքը, բոլորը բեկբեկվեցին արտասուքի կաթիլի մեջ, որ բխեցին Զվարթի աչքից: Նա սկսեց հեկեկալ: Ինչո՞ւ բերին իրեն, թողին այս լոին ու օտար վայրում: Ե՞րբ պիտի տանեն իրեն: Այլևս չի՞ տեսնելու ծնողներին, ընկերներին: Իրեն թողեցին ու գնացին: Ամբողջ սրտով լաց եղավ: Գիշերը տաքություն եկավ վրան: Տենդի մեջ սկսեց այրվել: Ջրեր սկսեցին խշշալ նրա ականջներում, ծաղիկների մի հեղեղ եկավ խոնվեց նրա աչքերում: Չոր. ջրթունքները վազում էր ջրերի մեջ, խմում անհագ ու որքան խմում էր, այնքան ծարավն այրում էր

իրեն: Մի քանի օր ոչինչ չէր գիտակցում: Միայն մի ճերմակ ձմեռ — վանահայրը լցվում էր խուցն ու ցրվում հետո: Մերունին նայում էր նրան հանդարտ ու սպասում:

Եվ մի օր Զվարթը աչքերը բացեց: Սառը քրտինքը ճակատին նա հանգիստ շունչ քաշեց: Նա ապաքինված էր: Փոքրավորը նրան ապուր բերեց ու աղբյուրի սառնորակ ջուր:

Զվարթն ապաքինվեց, բայց և սկսեց գաղտնի մաշվել: Հայրենիքի բույրեր հողի ու ծաղիկների հետ գալիս լցվում էին վանքի դավիթը և նրան քաշում հեռավոր տուն, խաղընկերների մոտ: Մթնակապույտ հեռանում էին լեռները դեպի այդ տունը, ծիծեռնակները սլանում էին այն կողմ, լողում ամպերը, որ կարապներ էին՝ վրան ճերմակ աղջիկներ հեծած: Նստում էր պարսպի տակ, անդնդի եզրին Զվարթը և նայում դեպի իրենց տան կողմը, լեռներն ու դաշտերը: Մտերմաբար իջնում էր երեկոն, շույում նրա վառվող աչքերը և Ղունկիանոսը՝ փոքրավորը նրան գտնում էր քնած անդնդի եզրին: Զարթնեցնում էր և տանում խուցը:

Իսկ ձմեռը՝ ձյան փաթիլներն աղավախների պես ճախրում էին անդնդի վրա և Զվարթը մտքովը նրանց հետ խաղում էր, խաղում ու հետո գալիս մտնում խուցը, ոչխարենու մեջ կծկվում, քնում:

Փոքրավոր Ղունկիանոսը, մի խեղճ ու կրակ երիտասարդ էր, բայց անասման բարի, որ շատ խղճաց Զվարթին և կապվեց նրա հետ: Վանականների սառ հայացքներից սիրտը պաղած, Զվարթը նրան էր որոնում: Ղունկիանոսի մեջ ջերմություն կար, կյանքի նշույլ: Նա էր միայն, որ սիրտ էր տալիս Զվարթին:

Նա Զվարթին սփոփում էր կարծես: Այնուհետև ոչխարենու վրա պառկած, Զվարթը հանգիստ էր դիտում ծերունի վանահորը, որ անքուն անդադար գրում էր մագաղաթի վրա: Ի՞նչ էր գրում նա, ի՞նչ մտքերի մեջ էր խորասուզվում այդ խորին ծերունին: Զվարթի մտքերը թափառում էին այդ ծերունու շուրջը, կորչում, կրկին գտնում նրան: Տարօրինակ մարդ էր վանահայրը: Նա, այդ ինքնամոտի, խոր մարդը վերին աստիճան հետաքրքրում էր Զվարթին: Ո՞վ էր նա իսկապես: Ղունկիանոսը լսել էր և պատմում էր Զվարթին: Վանահայրը նախկին ճարտարապետ է և փիլիսոփա: Նա կառուցել է վանքեր, լսարաններ ու պարիսպներ: Այժմ, երբ մարմնական ուժը պակասել է, մտել է վանք փիլիսոփայությունից: Նրան աբեղաները շեն հարգում, քա-

նի որ նա հոգևոր տենչով չի եկել վանք, նա «հոգևորաց» չէ, այլ «մարմնավորաց» է:

Ի՞նչ է նշանակում այս: Զվարթն ավելի է վառվում հետաքրքրությունից, որ հասկանա այդ մարդուն: Եվ ուսուցման ժամերին, երբ նա Ղունկիանոսի հետ ծալապատիկ նստած էին լինում վանահոր դիմաց՝ Զվարթն աչքերը լայն բացած, ուշակորույս ունկընդրում էր այդ անհուն մարդուն: Միայն դեռ չավ չէր ըմբռնում նրա նոր օրինակ, անլուր մտքերը: Նա միայն տեսնում էր իր առջև ծովի նման խորը մի էակի, որ խոսում է, խոսում է հենց ծովի պես, որին լսում ես անհագ տենչով, բայց չես հասկանում որի լեզուն: Զվարթն զգում էր ինչ-որ արթնցնող վերասլացում:

Խցից դուրս, բնության անհուն դահլիճում շքեղ հունդես է: Վառվում է երկնային ջահը և լեռներն ու անդունդները շքեղանում են հանդիսավոր լուսով: Թռչունները սրտապատառ ցնծությունից ճախրում են օդում: Աշխարհը տոնում է ամենամեծ բանը — կյանքը և նրա ուրախությունը:

Վանահայրը նստած է խցում, համրիչը քաշում փիլիսոփայություն: Զվարթն ու Ղունկիանոսը ծունկ-ծնկի ծալապատիկ նստած՝ սերտում են ինչ-որ հատված: Մեղուն տղալուով կտրում է լույսի ոսկի սլունը և լցնում խուցը կյանքի ուրախությամբ:

Հանկարծ արևի շողքը մթնեց գոան առջև: Ղունկիանոսը վեր նայեց և տեսավ գոան առջև մի բարձրահասակ մարդու: Մա իր սապատավոր մեջքը խոնարհեց գոան կամառի տակ և զանգուր այժամորուքի ծայրը ցցելով ներս, նայեց Զվարթին արծվի հայացքով և խոնարհություն արեց վանահորը: Ապա տաղանդի գծերով կրթված ձեռքից նրան մի գիրք հրամայեց. Ղունկիանոսն ու Զվարթը վզները երկարացրին, նայեցին գրքին: Վանահայրը բացեց գիրքը: Էջերի վրա բնագրի հետ մեջընդմեջող վանքի ու այլ շենքերի նկարներ կային խստագիծ նկարած, որոնց շուրջը ծաղկած էր: Արծվաքիթ մարդ, որ, ըստ երևույթին, աշխատել էր այդ գրքի վրա, սկսեց բանալ էջերը և բացատրել: Զվարթը հասկացավ, որ նա էր գարգարել գիրքը վանահոր համար:

— Գրել է և շենքերը նկարել է հայր սուրբը, իսկ Թադեն արտագրել, ծաղկել է էջերը, — շնչաց Զվարթի ակունցին Ղունկիանոսն անհասկանալի բաներ:

Վանահայրն անդորր նայեց գրքին, հառաչեց և այս աշխարհից հեռացողի երազով նայեց գիրքը ծաղկողին:

— Այժմիկ պատրաստ եմ երթալ առ հարս, Թաղե, ահավասիկ վաստակք իմ և կտակ իմ:

Սաղկողը, Թաղեն, համբուրեց վանահոր աչք և դուրս գնաց:

Վանահայրը մեղմաժպիտ նայեց Զվարթին ու Ղունկիանոսին և սկսեց բարձրաձայն կարդալ իր հեղինակությունը: Նա տարվեց իր մտքերով և սկսեց այնպես կարդալ, որ չէր իմացվում, ի՞ր համար էր ընթերցումը, թե՞ ուսուցանում էր Զվարթին և Ղունկիանոսին: — «Կառուցումն է աշխարհն և աշխատք շինողական» — շրջում է գրքի էջը վանահայրը և ոգում, — «Կառուցումն է քաղաքն, կառուցումն՝ խոսքն, կառուցումն՝ միտք»:

Եվ ցույց է տալիս երկինքը, երկիրը, վանքի շենքը, իր ճակատը, իր «միտքը»: Բացատրում է տիեզերական շինարարության արվեստը:

Զվարթը բոցավառվում է: Նրա աչքերում գծագրվում և գունավորվում են շքեղ պատկերներ: Զնգում են մուրճերը և խստադեմ քարտաշները կտրում են ժայռերը, խոհուն որմնադիրներ կանգնեցնում են հոյակապ քաղաքներ՝ երկնասույց աշտարակներով: Փարթամ պարտեզներ կախվում են անդունդների վրա:

— «Աշխատ առնե բնությունն, կառուցանե ծառն, շինարարի մրջյունն: Եղեք և դուք կառուցողք և շինարարք, որպես մարդիկք երկրի, սիրեցեք աշխատք, զի կառուցումն և աշխատք սուրբ են»...

— «Զքանա բռնություն, փոշիանան գահք և թագավորությունք և մնա շինարարն»...

Խորանում է ծերունին Զվարթի աչքերում: Այլակերպվում է այդ հրաշքներով լի մարդը: Նրա մոռյալ սքեմը հալվում է և նրա տակից դրսևորվում է «երկրի մարդը», որի միտքն զբաղված է մի մեծ կառուցողական տենչով ու երազով: Զվարթը խցից դուրս է նայում «աշխարհին»: Եվ այդ անհուն շենքի մեջ, ուր թռչունները հյուսում են մետաքսե բներ, մրջյունները կառուցում են իրենց բնակարանները, ամբողջ աշխարհը ներկայացնում է որպես մի հսկայական ճարտարապետական կառուցվածք իր երկնքի աշտարակով, նրա վերև կախված արևի ջահով, լեռների սյուներով ու անդունդների նիշերով:

Տանջվում է Զվարթը, գիշերները տապակվում է անքնություն:

նից: Տանջվում է մի անըմբռնելի տենչից: Զգիտե՞ որտեղից է գալիս այդ տենչը և ինչ տենչ է դա, ի՞ր մեջ է, թե՞ դուրսը, այլ տեղ — չգիտե:

Ղունկիանոսը նկատում է նրա տանջանքը և ուզում է օգնել նրան.

— Կարդա՛, Զվարթ, կարդա՛, — սիրտ է տալիս, հորդորում: Զվարթը նայում է Ղունկիանոսին երազով ու տխրությամբ:

— Ես անիմա՛ եմ, Ղունկիանո՛ս, միտքս՝ տկար, ե՛րբ պիտի ես էլ իմանամ թե ի՛նչ եմ:

— Համբե՛ր ունեցիր, Զվարթ, կգա տեքը շնորհաց, կընդունես շնորհ և միտքդ կվառվի:

— Ի՛նչ բան է շնորհ ընդունելը:

— Շնորհ ընդունելն այն է, որ նա քեզ կասի թե ի՛նչ ես կամենում և ի՛նչ պիտի անես:

— Ո՛վ է տեքը շնորհաց:

Անհասկանալի բաներ է պատմում Ղունկիանոսը, այն, ինչ որ լսել է, բայց ինքն էլ չի հասկացել: Այդ տեքը շնորհաց մի լույս է. այսպես է լսել Ղունկիանոսը վանահորից:

— Լո՛ւյս — վախենում է Զվարթը — չի՛նի՛ թե գա գիշերը, խավարի մեջ, միայնության ժամին: Շարունակ անհանգիստ մտածում է այդ էակի մասին:

Մրջում է այդ մտքերով Զվարթը անդնդի վրա, գարնանային արևը լուծվում է ժայռերի, ծաղիկների, ջրերի վրա և Զվարթը նրանց արտաքին կերպարանքի տակ, նրանց մեջ բաներ է տեսնում, որ նրանց այլափոխում, դարձնում են շնչավոր բանական էակներ, որոնց հետ ինքն իր մեջ խոսում է գաղտնի իրենից և գաղտնի լեզվով: Նա նրանց տեսնում է և ամենուրեք, — ամպերում, պատերի վրա, խավարի մեջ: Նրանք շարժվում են, մարդու ձևեր ընդունում, խոսում իր հետ, ծիծաղում, կանչում իրեն:

Զվարթն ակամա, ձեռքով, օդի մեջ գծում էր նրանց պատկերը: Բայց հենց մարմնացնում էր նրանց մտովի գծերով, օդի մեջ, նրանք խուսափուկ ու արագ անէանում էին և նրանցից մնում էին ուրիշ բաներ. — բառեր, կրակոտ բառեր, որ շշնջում էին նրա ահանջին:

Մշնջում, շշնջում և կորչում: Հկտո կրկին ու կրկին...

Տանջվում է Զվարթը, տենչում ինչ-որ, ուր-որ...

Բարձրագմբեթ, կամարակապ մի օթեան: Նրա տակին միայնակ կանգնած է Զվարթը և ունկնդրում լուսթյան: Գիշերը ծծումբի աչքերով երկնքից նայում է ներս գողտրիկ պատուհանների տրանքով:

Նավար է օթեանում և տխուր: Միայն դուրսը, անդնդում անքուն գեան է վշտում, հովտում տնքում գիշերահավը:

Հանկարծ օթեանի պատը, որը թվում էր անհուն, հեռվից, շատ հեռվից, ձեղքվեց և ներս հոսեց ո՛վ — ինքը, Զվարթը... Զվարթը չի զարմանում: Չէ՞ որ նրան նա տեսել է շատ անգամ — աղբյուրների ակունքներում, ցողի մեջ: Նա արեգակնափայլ աչքեր ուներ, որ վառվոտ էին գոհարների պես: Այդ աչքերը այնպես էին նայում, որ Զվարթը զարհուրեց: (Իր մե՛ջ ահա այդպիսի զարհուրելի բան կա եղել...):

Սվ շիշխեց վեր նայել նրան, Բայց մի ուժ գրգում էր Զվարթին նայել նրան: Սվ ահա, երբ նա աչքերը վեր բարձրացրեց, զարհուրած ընկավ հատակին: Երկար մնաց այդպես ընկած, հետո ինչ եղավ — չի հիշում Զվարթը: Միայն զգաց, որ էակը մտտեցավ իրեն և կոանալով ձեռքը դրեց նրա ուսին: Նրա կոանալն զգաց նրանով, որ նա շշնջում էր: Անբացատրելի էր այդ շշունջը, երգածայն անուշ:

Զվարթը լսում էր ու օրորվում: Երգի եղանակի պես ձգվում էր այդ շշունջը: Զվարթը երևակայությամբ շրջում էր եղանակը և սա ընդունում էր այդ ընթացքը, և այն բառերը, որ կամենում էր Զվարթը:

Զարթնեց Զվարթը: Դեռ գիշեր էր: Անուշ քունը հետ էր քաշում նրան: Միայն մի անգամ աչքերը բացեց Զվարթը և խցի դռան բացվածքից նայեց երկնքին: Լուսո աստղը հալած ոսկու պես գողում էր լուսացող, հում երկնակապուտի մեջ: Բայց այն հրաշալի շշունջը դեռ հոսում է նրա ականջում:

Հետո կրկին զարթնեց: Միծեռը սաղմոսում էր վանքի քիվերում: Դա նույն այն շշունջն էր, որ քաղցր բարբառում էր:

Զվարթը դուրս ելավ և գնաց անդնդի եզրը և սկսեց շրջել բարից քար: Արևի շողքերը դեռ նոր էին նկարում ժայռերի մոայլ սյուները: Գետն անդնդի միջով գնում էր իր օտար ճանապարհը: Նրա երգի մեջ և լսվում էր երազի այն շշունջը:

Հանկարծ Զվարթն անդրադարձավ և ո՛վ էր նա... չէ՞ որ ինքը

չէր: Բայց և ի՛նչպես երազում էր թե նա ինքն է: Ով էր նա... Եվ նկատեց, որ ինքը շարունակում է այն շշունջը, որ ինքն է շշունջացողը:

Սվ իմացավ, որ երազի էակը ինքն է: (Ախր, երկու էակ չկա միևնույնը...):

Սվ հանկարծ Զվարթը զարթնեց արթնություն մեջ: Նա զգաց խոսքը: Նրա սիրտը մարեց մի անբարենելի տենչով: Նա տենչաց խոսել, խոսել բարձր, երգածայն, հանդիսավոր, թեկուզ բազմություն առաջ:

Սվ սկսեց մի ասք մրմնջալ կիսածայն: Պատկերներ բազմաբովանդակ:

Վանականները հավաքված էին գարնան արևին պարսպի տակ և դիտում էին ձորը: Հանկարծ նրանք տեսան Զվարթին անդնդի վրա երեքալիս:

— Գիտե՞մ է, կգահավիժի անդունդը, — ձայնեց արեգաններից մինը և վրա վազեց, բռնեց Զվարթին:

Զվարթը հրաբորբոք աչքերով նայեց նրանց և դողահար շրթունքները բաց սկսեց հեալ: Նրան բերին վանահոր խուցի դուռը: Վանահայրը դուրս եկավ:

— Ի՛նչ ունես, հիվանդ ես, որդյակ:

Բռնեց ճակատը: Տաք էր: Զվարթը հեռում էր ինչպես տենդի մեջ և երազով նայում վանահոր: Սա շոյեց նրա ճակատը և մեղմ հրամայեց:

— Խոսիր, որդյակ, ասա մեզ բան, ի՛նչ է մտածություն քո:

— Խոսիր, խոսիր, — պնդեցին արեգանները:

Զվարթը նայեց նրանց, վանահորը և հանկարծ փայլատակեց, սկսեց ոգել: Ավելի հստակ զգաց, որ ինքը պիտի խոսի այն, որով լիքն է ինքը, սիրտ առավ և կրակվեց աշխուժով: Նա սկսեց մի վեպ, թե ինչպես ինքը երազ տեսավ, ինչպես շնորհքն եկավ ու լցվեց իր մեջ և որ ինքը կարող է ոգել, ինչ որ կամենա ամեն ոք: Նա ոգում էր հափշտակված, բառերը անարգել հոսում էին, նա ոչինչ չէր տեսնում, — գալիս է գարունը, ձայն տալիս հողին, զարթնում է հողը, ձայն տալիս բույսերին: Զարթնում է ձեթաղիկը, ձայն տալիս մյուս ծաղիկներին, թե զարթեցեք, զարթեցեք, բանի՞ քնեք հողում, զարթեցեք, լցե՛ք աշխարհը ուրախությամբ:

Սար ու ձոր լցվում է ծաղիկներով:
Եվ՝

Մափ է տալիս ծափծափը, ծիծաղում,
Աշխարհը թագ է բուրբում գլխին,
Ղատիֆան հագնում է ծիրանի,

Մարուրիկը սուրմա քաշում աչքերին:
Եվ՝

Սեր է աշխարհն, սեր են մարդիկ,

Սեր է արևն, սեր՝ ծաղիկն,

Սեր են հավքերն ամեն երկնուց,

Միրով են ամենքը գեղեցիկ:

Վանականները լսում էին մթին քարերի պես, անարձագանք,
սառն: Միայն նրանցից ամենաշարը տխմարադեմ Ազարիան դառն
ու նախանձահույզ ձայնով հարցրեց, բողբոջեց.

— Որպես խոսի սա զբանս զայն. զի չէ սա վարդապետ:

Վանահայրը սաստեց նրան.

— Մի՛ բանսարկիր: Միտք նորա ինքնաբուխ են և պայծառ:
Եվ իմաստուն է պատանին այս, քան զվարդապետ:

Վանականները սաստված նայեցին Ջվարթին և պապանձվե-
ցին:

Եվ նկատեց Ջվարթը, — նախանձահույզ Ազարին, որ դավ էր
ուզում նյութել իր դեմ, նախանձից դեղնեց: Մյուսները մոռալե-
ցին, ոմանք ամաչեցին, իսկ ոմանք էլ շտապեցին խոսափել վա-
նահոր աչքերից, թերևս նաև Ջվարթից:

Վանահայրը արձակեց Ջվարթին և վանականներին հրամայեց
ցրվել իրենց խուցերը: Նրանք հեռացան ոխով լցված դեպի Ջվար-
թը: Նրանք ատեցին Ջվարթին: Եվ ամեն պատահելիս հարձակվում
էին վրան, կշտամբում, բարկանում: Ջվարթը չէր հասկանում
նրանց և ժպտուն նայում էր նրանց և անցնում:

— Նա ծաղրի է մատնում մեզ, — փրփրալի ժայթքում են վա-
նականները վանահոր վրա, որ նա իր պաշտպանություն տակն է
առել մի խելագարի:

Սկսեցին հալածանք բորբոքել նրա դեմ, Բանսարկեցին նրան՝
«հերետիկոս է, շարի գործիք: դիվական գիրք է գրում նա, պետք
է այրել այն»:

Վանահայրը լսեց այդ և շատ վշտացավ: Նա զգում էր իր
մահը: — Ում պիտի մնան իր կիսավարտ մտքերն ու գործերը, իր
կառուցումների ոգին: Ղունկիանոսն անուսում է դեռ, Ջվարթը պա-
տանի: Ում պիտի ավանդի իր կտակը: Չորս կողմը խավար,
անապատ:

Մի օր վանականները Ազարիայի գլխավորությամբ պաշարե-
ցին վանահոր խցի դուռը: Եկան պահանջելու, որ արտաքսի Ջվար-
թին, որովհետև նա պղծում է սրբավայրը դիվական մտքերով:

Վանահայրը դուրս եկավ խցից.

— Որո՞ իրավամբ, ամբարիշտներ, — բողբոջի և վշտի ձայնով
հարցրեց նա, — տեսե՛ք նրա շնորհքը, նրա մտքերը:

— Թող դուրս գա, խոսի կրկին, և մենք ցույց կտանք նրա
մեղքը:

Վանահայրը դուրս կանչեց Ջվարթին.

— Ե՛կ, որդյակ, ե՛կ արդարացիր:

Ջվարթը դուրս եկավ և ժպտալով նայեց վանականներին:

— Ահա՛ դու առաջի մարդկանց ասա՛ մի բան, թող դատեն
քեզ:

Ջվարթը մտածեց մի փոքր և ապա կերպարանափոխվեց: Նա
սկսեց ոգել: Ինչի՞ մասին էր այդ:

Բովանդակությունը այս էր. —

Եկավ գարունը, ծաղիկները հորդեցին,

Մանիշակը ժողովեց բուրբ ծաղիկներին

Եվ դավ սարքեց վարդի հանդիման.

Վճռեցին սպանել վարդին, որ չլինի թե,

Գա զարդարվի վարդն կարմիր,

Ամենքի ուշը գրավի իր վրան,

Ամենքը նայեն վարդին կարմիր

Եվ իրենք աննկատելի մնան:

Նորոտ-մորոտ ձայնեց ձնծաղկին,

Ձնծաղիկը շուշանին,

Շուշանը նունուֆարին,

Սուսամբարին, նարդիգին

Եվ ինչ որ ծաղիկ կար երկրի երեսին,

Որ գնան կտրեն վարդն կարմիր:

Հանկարծ հնչեց ձայնը բլբուլի,
Նվ վարդը զարթնեց մեղն իր կանաչ վրանի,
Հանեց իր կանաչ կապան,
Հագավ իր վառ ծիրանին:
Սաղիկները փախան, ցրվեցին. ոմանք ամոթից,
Ոմանք շփոթված, ոմանք սուզ մտան, կապտեցին,
Ոմանք երկյուղից դարձան դեղին:

Վարդը զարդարեց իր բուրաստանը, եկավ բլբուլը նստեց նրա
մ.տ. հարբեց նրա անուշ հոտից ու երգեց բարձրաձայն, թե —

Սեր է ծառն, սեր ծաղիկն
Սեր է հավթի ձայնն ի ծառին,
Սեր է վարդն, սեր բլբուլն,
Սիրով է նստել վրա վարդին:
Եթե շլիներ սեր իմ սրտիս,
Չէի կախվի վարդի փշին,
Եթե սերն ինձնից զատվի,
Ինձ կտանեն ցուրտն ու քամին:

Տենչում է վարդն բլբուլին, խնդրում է բլբուլին, որ համբու-
րի իրեն և ցույց է տալիս սիրտը, մեջը դեղին: Դա իր վիշտն է:
Նվ զանգատվում է.

Պիտի քաղեն տանեն իրեն
Նվ եփեն դեղ հիվանդներին,—
Դրանից է սիրտը դեղին:

Զվարթը վերջացրեց և նայեց վանականներին. նրանց աչքե-
րի սպիտակուցները փայլուն դանակների նման մերկացել էին
իր դեմ:

Առաջ եկավ նախանձափրփուր Ազարիան, բացեց իր դառն
բերանը և սկսեց բանասարկել:

- Մարմնավորաց են բանք վարդիս և սեր աշխարհի է:
- Պիղծ են բանք զորա,— մոմոացին մյուս վանականները:
- Մի բանասարկեք, մաքուր են մտածությունք պատանվուն:

Սակայն Ազարիան շանձահարվեց: Նա ապերասան և կոկո-
զավիզ առաջ եկավ:

— Դիվահար է, հարկ է սպանանել զնա և դեն, որ է ինձա,—
զոռաց նա դառնաշունչ և կատաղի եզան նման հարու տվեց
Զվարթի վրա:

— Հեռու, խավարի ծեռուդ,— բարձրացրեց ձեռը վանահայ-
րը,— ո՞ր իրավամբ սպանանես զանձեղն:

Բայց անհանգստացավ վանահայրը: Խոռվություն էր բռնկ-
վում: Պետք էր փրկել պատանուն կատաղած մոլեռանդներից:
Ինչ աներ... Նա հավատով նայեց Զվարթին:

— Կարո՞ղ ես խոսել բան մեկնության,— խոժոռ հրամայեց
վանահայրը:

Զվարթը թափանցեց նրա հոգու տաղնապի մեջ, մի վայրկյան
թափառեց նրա մտքերի աշխարհը և հետ եկավ լարված ու
վստահ:

Ու սկսեց.

Ասե՛մ ով է վարդն կարմիր,
Կամ ով են ծաղկունքն ամեն,
Կամ թե ով է բլբուլը քաջ,
Կամ թե որն է ձայն բլբուլի:

Սաղկունք բահանայքն են հին օրինի, վարդը Հիսուսը, մա-
նիշակը Հուդան, որ դավեց նրան և բլբուլը Գաբրիելն էր, որ փո-
ղը փշեց: Վարդն, որ հագավ ծիրանին, Քրիստոսն էր, որ հարու-
թյուն առավ, ծաղկունքը, որ թառամեցին, դեղնեցին, զինվորներն
էին, որ փախան նրա գերեզմանից:

Գոհունակ ունկնդրեց վանահայրը, վանականները պապանձ-
վեցին: Զվարթը հաղթել էր:

Սակայն Ազարիան Զվարթի աչքերում եկատեց մի շող, ճար-
տար մտքի ճարպիկ խաղ: Նա զգում էր, որ Զվարթի միտքը
«մարմնավորաց» էր: Բայց իր բուժ միտքը չէր ծաղկում այնպես
ճարտար, որ կարողանար հակաձուռել: Խավարեց նա բարայրի
պես և հետ քաշվեց: Գնացին և մյուսները:

Այնուհետև աճրողը օրը խցերից լուվում էր անեծքի գառնա-
շունչ ձայնի: Վանահայրն անկնության մեջ էր: Զգում էր այս
աժենի վախճանը:

Մի գիշեր երկար գրում էր նա իր գրքի շարունակության մեջ, Գրում էր իր կտակը: Նա դառնացած էր վանականների քանսարկու և նախանձահույզ հալածանքից:

Նա իր կտակի մեջ ձաղկում էր մարդկային սոցիալությունը, գովերգում էր ճշմարտությունը:

«...Անէանա մարմինն իմ որպես ծուխ և մնան միտք իմ ճըշմարտության: Դուք կգողանաք իմ մարմինը, ցրիվ կտաք որպես խոփվ, բայց իմ միտքը կմնա որպես լույսն արեգական: Մի դիպչեք ինձ, որդիք խավարի,— սպառնում էր նա իր կտակի մեջ,— ճշմարտությունն եմ ես և ես վրեժխնդիր կլինեմ ձեզանից»:

Գրեց մինչև խորին գիշեր: Լուսաբացին զարթեցրեց Զվարթին և Ղունկիանոսին, մոտ կանչեց, համբուրեց նրանց և ասաց, որ գնում է:

— Ո՛ւր,— հարցրեց Ղունկիանոսը, բայց և իսկույն հասկացավ և դառնորեն լացեց:

Վանահայրն իր նվիրական գիրքը հանձնեց պատանիներին և պատվիրեց լավ պահպանել: Եվ մեռավ:

Վանահորը թաղեցին բռնադատված շուքով, բայց խորին աստելությունը:

Ղունկիանոսը նրա գիրքը գաղտնի տարավ Քաղեի մոտ, և նրանք թաղեցին քարե գաղտնարանում:

Հետևյալ օրը վանականները Զվարթին փակեցին մի մութ խցիկում և թույլ չտվին երգելու ծաղիկների երգը: Նրան այցելում էր միայն Ղունկիանոսը: Զվարթը թախիծով նայում էր նրան և սկսում խոսել, ոգել իր վեպը: Ղունկիանոսը լսում էր, լսում և երկուսով մոռանում, որ բանտի մեջ էին: Սիրում էր Ղունկիանոսը լսել այդ վեպը:

Բայց մի օր էլ նրան արգելեցին այցելել Զվարթին: Այնուհետև Ղունկիանոսը գալիս էր բանտի լուսամուտից նայելու, գլուխը ծռած, տրտում: Ժպտում էր Զվարթը և նայում երազով, կարծես անհոգ:

Եվ մեռավ Զվարթն այդպես, հոգում ծաղիկներ:

Ավերակ վանքի խարխուլ խցում արևոդ կյանք է ծաղկում: Այնտեղ Քաղեն հողի հատակին արևի պես սփռում է գույներ, լույսեր, խաղեր: Առաստաղից կաշվե բարակ թելերից տախտակներ են կախ, վրաները մագաղաթ քաշած: Քաթախում է Քաղեն սուր

գրիչը երանգապնակի մեջ և արծվի աչքերը մագաղաթին՝ անշարժանում է, սպասում և հանկարծ այժամորուքը կախելով մագաղաթի էջին սրբությունը ծաղկում է էջը: Պատանիներ այժյամի աչքերով նայում են իրենց վարպետին: Վախենում են նրանից և սիրում նրան: Քաղեն հրաշքներ է գործում իր գրչով: Քանի ծոայլում է նա, այնքան ժպտում են մագաղաթները: Այնտեղ է Ղունկիանոսը: Նրա աչքերը գնում են կորչում այդ ծաղկած մագաղաթների ոսկու, լաջվարդի, նարնջի, հակինթի մեջ:

Հարցնում են ի՞նչ գիրք է այս:

Քաղեն վեր նայեց: Նրա աչքերը խորն են հորիզոնի պես: Նա նոր տեսավ Ղունկիանոսին և արթնացավ: Երազի մեջ էր:

Նա կրկին կոացավ մագաղաթի վրա: Նրա ուշքը մի սիրամարգի կողմն էր, որի սրճագույն գլուխն ու վիզը հոխորտ կարկառել էր վերև և գետնի վրա սփռել իր փետուրների ասեղնազորժ գորգը: Մանվածապատ ծաղիկներ հակինթների ու գոհարների ցուլքով խաղում են լուսանցքին: Իսկ վերևի աստեղալույս երկընթում այնպիսի մի երկնակապույտ է, որ կարծես մագաղաթը ձեռքել էր և ինքը երկինքն էր նայում այնտեղից:

Աշակերտները լուրի ու հնազանդ լցնում էին ծաղկոդ վարպետի շրջանակները հետևյալ մանրամասներով:

Երբեմն Քաղեն հայացքը շրջեցնում էր դեպի աշակերտները և իր նաղաշական հրահանգներն էր տալիս նրանց:

— Ոսկեծույլ նշողն ընդ նարնջին... ծաղիկ ընդ ծաղկանց... բոլորակն ոսկեճաճանչ, կամարն երկնահան գույն... Պայծառ լաջվարդույթ, նոճին կանաչագեղ, թագազուխ վարդն — ա՛յս է կանոնն...

Գիշեր է: Քաղեի խցում Ղունկիանոսը պատմում է Զվարթի կյանքը: Քաղեն լսում է: Մոլի է նա, հարբած՝ իր գույներով, բայց գիշերվա մթնում չի կարող ծաղկել: Քունը չի տանում, քունը փախցրել են երանգները, որ վառվում են խավարի սև պատտառի վրա: Բնությունն է միայն, որ նկարում է երկնքի էջի վրա, սփռում ծաղիկների թերթեր: Քաղեն լսում է:

Ղունկիանոսը ոգեց Զվարթի երգը ծաղիկների մասին: (Խեղճ Ղունկիանոս, միայն մի հստակ հիշողություն ունի այս աշխարհում և բարի սիրտ):

Նա ոգեց գեղջուկ ձայնով և անկեղծ շնչտով: Քաղեն ականջ-
ները սրեց: Լսեց, լսեց և գլուխն օրորեց:

— Երանի՛, երանի՛, երանի՛, անո՛ւշ է սրտին:

— Ծաղկի՛ր Զվարթի վեպը, վարպե՛տ,— ասաց Ղունկիանո-
սը արտասովելով:

Վարպետը ցնցվեց:

— Եջմարի՛տն ասացիր, վաղիվն իսկ կսկսեմ: Երանի՛ թե
կարենամ:



Կրթութեամբ տանջվում է նաղաշը: Ծաղկում է Զվարթի վեպը
վանահոր գրքի մեջ: Նայում է Ղունկիանոսը նաղաշին խոնարհ
ու ջերմեռանդ: Սա խառնում է գույնը գույնին, խառնում, թող-
նում ու կրկին, կրկին: Կրակներ են վառվում մագաղաթի ճակա-
տին ու լուսանցքներին: Բոցագույն վագրեր թռել են նարնջենի
եղնիկների մեջքին և պատրաստվում են հոշելու նրանց: Գողա-
հար է նկարում նաղաշը, նա թվում է մոլի, խելագար: Ինչ-որ
հիվանդագին ջերմի մեջ, նա հատնում է մոմի պես, նա որոնում
է մի շատ դժվար նրբերանգ: Գույնը չի գտնվում: Նրա աչքերը
մարեցին, կիսախուփ նայել սկսեցին կարծես մի անդունդ, որի
հատակին վառվում է մի հազվագյուտ ծաղիկ, աներևակայելի
նրբերանգով: Ու հենց այն է, գրիչը թաթախեց պնակի մեջ և դրեց
մագաղաթի վրա, նրբերանգը փախավ ինչպես շնաշխարհիկ թռու-
չուն: Նաղաշը հոգոց հանեց և հուսահատ նայեց դռնից դուրս:
Աշակերտները պապանձվեցին, նայեցին իրենց վարպետին և ակ-
նածանրով սպասեցին: Նրանք ապրեցին վարպետի տանջանքը:

Հանկարծ նաղաշը սրտնեղած վեր կացավ և լուռ լուսնոտի
դեմ գնաց դուրս, անցավ գավիթը և հեռացավ:

— Գնաց երանգը գտնելու, գնանք հետևից:

Աշակերտները և Ղունկիանոսն էլ նրանց հետ դուրս եկան:
Նաղաշը գնում էր դաշտը: Ամբողջ օրը թափառեց նա իր աշա-
կերտների հետ: Մոտեցավ, նայեց նկարին: Հետո վերցրեց գրիչը:
Քատանիները քարացան: Սրբազան լուսնոտի մեջ ժպտաց մա-
գաղաթը:

Ոսկեհուր մի գիրք, լի լույսերով և իմաստութեամբ: Բոցա-

վառ կենդանաթռուններ, ձկնագազաններ և ծաղիկներ շրշանակել
են երկու վեպ. մեկը՝ որ խոսում է աշխարհի կառուցողական
սկզբունքի, շինարարական աշխատանքի սրբութեան մասին, իսկ
մյուսը, որ կրակե ծապավենի նման հոսում է էջե էջ — Զվարթի
վեպը ծաղիկների մասին:



Չյուն է թափվում լույսի նման: Բայց սե է վանքը և մոթ
նկուղը, օրի մեջ բանտարկված է ձեռագիրների հետ մի գիրք և
ոչնչանում է խոնավից: Ասում են այդպես է լինում միշտ — ոչքն-
չանում են մագաղաթները խոնավից: Այդ գրքում ծաղիկներ կան:
Արդյոք քե՛ն է են ծաղիկները գրքի մեջ, թե՛ ոչնչանում են նաև
նրանք:

Վանականները պորտաբույծ կյանք են վարում: Նրանք փք-
վել են գորտերի պես, ու մոռացել Զվարթին, վանահորը, Քաղեին
և նրա աշակերտներին: Նրանք բուրբին բշել են վանքից, նրանք
ցրված են ով գիտե ուր:



Գիշեր: Չմեռը մրրկում է: Մրրկում է Հայաստանի լեռնաշ-
խարհում: Յուրտ է, երկինքը սառ ապակի: Լեռների լանջերով
գնում է Ղունկիանոսը, մեջքին մի պարկ, ձեռին մի մրուտ մե-
տաքսե կապոց: Նրա կարկամած ձեռները կապտել են, բայց նա
մատները երկաթի պես գամել է գրքի կազմին, որ մետաքսի տա-
կից սառը կծում է: Կստոնն այդ մատները և նա գիրքը ձեռքից
բաց չի թողնի: Նա փախել է մեռածներից: Միայն մի բան գի-
տե, որ գրքերն է ազատում: Միայն թե ազատվեն նրանք... Ո՛ւր
է գնում, ինքն էլ չգիտե: Աշխարհավեր մրրիկ է լեռնաշխարհում:
Զորքեր են հոսում հովիտներում: Այրվում են քաղաքներ, գյու-
ղեր, վանքեր, գրադարաններ:

Առավոտյան դեմ բուքը բերանքսիվալը ընկավ դաշտերի ու
լեռների վրա: Մի խարխուլ լեռնավանքի դռան, որ մի ծեր վա-
նական բաց էր արել, ձյան մեջ մի կիսաթաղ մարդ է երևում,

պարկը մեջքին, կողքին մետաքսախառն մի գիրք, որ բացվել է և ժպտում կապույտ երկնքին:

Մեր վանականը նայեց գրքին և վերցրեց գողահար:



Խավար մի ամպ շղարշում է գիրքը և նրա պատմությունը: Մի դարու պատմություն: Ոչինչ չի երևում ուրիշ: Մի փոքրիկ բացվածք միայն թույլ է տալիս նշմարելու մի բեկոր.—

Զրնգում են ճանապարհները սուլթան էլտըրըմի հեծելազորն-դեբի սմբակներից:

Կարկուտ-ամպի պես է գնում նա քրքնթաց: Պապանձվել է երկիրը, էլտըրըմն է լավում միայն:

Վանքի մի խցում նստել է մի ծերուկ, գրքեր է քննում խորասույզ: Խուլ է նա դեպի արհավիրքը: Կարգում է: Ներս են գալիս երկու զինվոր: Զի նկատում նրանց: Զայն են տալիս նրանք: Զի լսում: Զայրանում են զինվորները և նետահարում ծերունուն: Նա ընկնում է:

Մի փոքր անց, կրակն սկսեց լափել գրքերը: Ծենճահոտ՝ ծանր, դան: Մագաղաթները կշրտում են: Զինվորները տաքանում են, զվարճանում գրքերի ճարճատյունից: Հետո հանգստացան, կշտացան, նայեցին շորս կողմ, ծերունուն: Նայեցին անշար աչքերով, երկյուղած: Զգում են, զուր սպանեցին նրան:

— Ի՞նչ գրքեր են սրանք:

— Ո՞վ գիտե...

— Ասում են գիրքը զայրանում է, պատժում... Նրանց մեջ ճշմարտություն է գրած: (Խեղճ զինվոր, միայն գրքի՞ մեջ, թե՞ նաև իր մեջ...):

Հանկարծ մի գիրք պայթեց ու թռավ մի կողմ կրակից: Գիպված չէ՞ր — մագաղաթ, յուղ, կրակ... Բայց ցնցվեցին և վրա ընկնելով կրակին՝ հանգցրին: Գրքերը մխալ սկսեցին ծանր, դան: Գուրս ընկան ճանապարհ:

— Գիրքը զայրացավ:

— Գիրքը զայրացավ:

— Այ՛ն, գիրքը չի կարելի վառել:



Զորում սոսափեցին ուռիները, մտածեցին և կրկին սոսափեցին: Հետո պաղ գետի պես ձորավերևից հոսեց աշունը և գնաց ձորնիվայր: Սոսափին խառնվեց և մի ուրիշ սոսափ: Դա ջրաղացի բանդի մամուհանոտ ջուրն էր: Բաց թողեց ջրաղացպան Հակոբը բանդի ջուրը:— Էլ կարիք չկա նավերից ջուրը հոսեցնելու: Սով է համայն երկրում:

Հակոբը ուռնու տակ խորհուրդ արեց իր երիտասարդ օրդու հետ.

— Գնա, Հուսի՛կ, Դամասկոս: Աղորիքները կանգնեցին: Գնացորեն բեր, ցանենք, կենդանությունը չմարի:

Հուսիկի կապույտ աչքերը թախծալի ժպտացին: Նա կրկնեց.

— Կենդանություն:

Ու բերանաբաց ժպտով նայեց հորը:

— Ի՞նչ ես հիմար մտիկ տալիս: Խելքդ զլո՛ւխդ հավաքիք, երկիրը կործանվում է:

Հակոբը մտավ ջրաղաց, հանեց անկյունից մի ծաղկավթր խալաթ, հինգ մետաքս թաշկինակ և հետո կաշվե մատներով շոշափեց ու քսակից հանեց երեսուն դահեկան:

— Տաս բահ եմ շինել — նրա գինն է: Խալաթը ծախելով ճանապարհը կկտրես, մի քիչ էլ կբանես, կբերես, դարձան մի բան գցենք հողին բերանը: Կենդանությունը չմարի:

Հուսիկը նայում է հոր աչքերին: Հայրը ազգում է նրան բնության նման: Նա ինչ որ խորը, սարսափելի բան է ասում:

Հուսիկը ճանապարհ ընկավ դեպի Դամասկոս:

Գնում է Հուսիկը մի կապույտ տրտմալի ժպիտ աչքերում: Հեռավորի կապույտը—հեռավոր հայրենիքի:

Հրաշկե ճանապարհներ են կտրում երկիրը: Նրանք տանում են բուրալի հակեր՝ արմավի, ցորենի, փստոցի, սուրճի:

Գնում է Հուսիկը, կարծես աշխարհի վրայով և մտածում է: Եվ յուրովի ժպտում է շարաճճիորեն.—

— «Ի՞նչ էր ասում հայրը՝ «Կենդանությունը չմարի»: Ո՞վ, ի՞նչը կփրկի մարդուն: Հո՞ղք, կիսկեն: Ամիրա՞ն, իր գործերով —

նրա դեմ կանգնած են սելջուկների, թաթարների իշխանները, հեղեղ հեղեղի միջով գալիս են լափում, ջնջում իրար: Գուցե հարըստաթշո՞ւնը. — բայց տեսա՛վ Հուսիկը թե ինչպես մերկացան հարուստները, ոսկին գնաց, մնացին կմախքները: Ռւբմն ի՞նչը կպահի կենդանութունը, ո՞րն է վեմը կենդանության:

Վե՛մը — ահա թե ինչ է որոնում Հուսիկի միտքը:

Ու երբեքում է Հուսիկը քրտնախաշ, ազագիլ տատասկի պես արևի դեղին ծովի մեջ:

— «Ա՛յ, եթե մարդ թուշո՞ւն դառնար, փախցներ իր հետ ոսկին, հացը, զգեստը, կյանքը: — Բայց ի՞նչ օգուտ — անզղներն ու աքթիվները երկնքում կբզկտեին մարդուն և կհափշտակեին նրա բոլոր ինչքը»:

Ոսկեփոշի քաղաքը հուրհուրատում էր արևի լույսով: Մի հախուն բազմութուն հոռում է այնտեղ: Հուսիկի աչքերը խայտացին, շլացան: Ահա մի կրակոտ երիտասարդ՝ բրոնզե ձեռքերն օդի մեջ՝ ծոռում է մի հրացայտ սուր: Պողպատը ցնցվում է ու շիտակվում օձի պես: Նրան շրջապատել են պղնձե երիտասարդները: Նրանք ծիծաղում են սադաֆի ատամներով: Ուղտեր են չոքել շինարների շուրջը, նրանց կողքին ցաք ու ցրիվ հակեր են ցորենի ու բյուր բարիքներով:

Նստեց հոգնած այդ հակերի մոտ, մեջքը տվեց շինարու բնին: Արևը կիզում էր նրան, տոթը խեղդում: Նայում է շուկան շրջանակած տներին, մարդկանց, — բոլորը խանձված են բարկ արևից: Կապուտակ շրերի կոհակներ վետվետացին Հուսիկի աչքերում: Նա անգամ զգաց նրանց սառցի շրթերը իր պապակ շուրթերին: Քուն է գալիս աչքերին: Նայում է մշուշոտ հայացքով: Երկա՛ր էր նայում, քնե՛լ էր և զարթնել, շէր հիշում — նայեց և ահա տեսավ իր դեմ մի խոնաված բազմութուն, որ ծիծաղելով իրար ձեռքից առնում և բարկ մատներով կոպիտ բացուխոսի էին անում մի գիրք: Հուսիկը վեր կացավ, գրավվելով ինչ որ ծանոթ բանով: Ի՞նչ է դա: Այո, այդ գրքի տեսքը: Նա տեսել է դրանցից: Մոտեցավ: Անզղույշ կոշտ եղունգեք բերում էին գրքի կողերը: Մի ուրիշ ձեռք խլեց գիրքը և ինքն սկսեց տնտղել նրա սեակաշի արծաթապատյանը: Հետո բացեց գիրքը և նայեց էջերին:

Գարուններ բացվեցին և մրգահաս աշուններ, երկինքներ սուտակ, բուրաստաններ, հրեղեն վարդեր, վարդեր ոսկեծույլ, և

ծաղիկներ մանվածապատ, ջերմ, հափշտակված, հրճվալից: Հուսիկի աչքերում նկարվեցին իր լեռների, հովիտների մտերիմ գույները:

Ի՞նչ էր գրած այս գրքում, որ այդպես ջերմագին ծաղկազարդված էր: Գիրքը ծախում էին: Մախողը մի արաբ զինվոր էր, բարեդեմ ու անհոգ: Նա ձեռք էր բերել այդ իրը արշավանքի ժամանակ և հիմարություն էր արել բերելու մինչև Դամասկոս... «Ինչի՞ն էր պետք»:

— Հը՛, ի՞նչ տամ, — բերանը ծիծաղով ծոռում է մի ուրախ մարդ:

— Երեսուն դահեկան:

Գնորդը փրթկաց, և գիրքը թռավ, ընկավ գետին, փոշու մեջ: Մյուսները ոտներով խփեցին այս ու այն կողմ: Զինվորը ծիծաղեց և գնաց ծուլորեն վերցրեց գիրքը և բռնեց ձեռին: Զվարճանում է, որ ինքը ծախում է նրանք էլ չեն առնում:

Հուսիկը մոտ գնաց և գիրքը շոշափեց: Տաք էր արծաթը նրա մատների մեջ: Բացեց գիրքը: Նայեց նրան թեթև, հանդարտ: Աչքերը երկացին ծաղիկների միջից: Մի գարնանային իմաստութուն, մի հարատև կենդանութուն բուրեց նրանց միջից: Գիրքը հանգիստ էր մի մարդու նման, որ գիտե կյանքի բոլոր օրենքները և կենդանության գաղտնիքը և չի վախենում մահից, սիրում է կյանքը և հավատով է ճակատագրի դեմ: Հուսիկը հեզելով կարդաց. «Զի աշխատք սուրբ են»:

Հուսիկը հիշեց — հիմա միայն հիշեց — իր գինեսեր ու զվարթ Սարգիս ապուպապին, որի մասին ասել էին, որ մի առույգ որմնադիր էր եղել: Երգում էր եղել «բանելիս», երգում աղեստների օրերին և երբեք չէր ձեռնանում: Մի անգամ գործից վերադառնալով նա տեսել էր, որ իր տունը կողոպտել էին: Ցիպ մերկացավ ընտանիքը: Բայց Սարգիս ապուպապը քահ-քահ ծիծաղել էր.

— Չեղքս չեն գողացել:

Ամենանեղ օրերին նա միշտ ասելիս էր եղել. «կաշխատենք կապրենք»:

Այս էր ասել նաև նրա որդին՝ երևելի կառուցող, սրա որդին՝ և վերջինի որդին՝ Հուսիկի հայրը: Եվ ասել էր հայրը, լսել էր սրա հայրը, և սա էլ լսել էր իր հորից, որ ամենամեծ բանն աշխարհում աշխատանքն է:

— «Աշխատանքը սուրբ է» — այսպես է գրած գրքում — ասելիս են եղել Հուսիկի պապերը — բոլորն աշխատավոր, Կրկին կարդաց.

— «Զի աշխատք սուրբ են»:

Ուրեմն սա այն գիրքն է...

Հուսիկի աչքերը վառվում են և միտքը կորչում հեռուն... Նա հանեց իր դրամները և տվեց զինվորին: Սա վերցրեց, գիրքը աշխույժ խոթեց Հուսիկի բուռը և ծիծաղելով գնաց: Մի-ծաղեցին նրա հետևից մյուսները և զարմացած նայեցին Հուսիկին:

Սա երազում էր:

Մոտեցան ուրիշ օտար մարդիկ, նայեցին գրքին, Հուսիկին: Ու մինչ սա գիրքը դնում էր իր տոպրակը, մի ծանոթ ձայն սթափեցրեց նրան: Սողոմոնն էր, իր հայրենակիցը:

— Դու խելա՞ն ես, թե՞ հիմար: Փողդ տվիր գրքի՞ն:

— Հա,— կոտրած ժպիտով, փոքր-ինչ հիմար նայում է Հուսիկը Սողոմոնին:

— Ապա զարնան ի՞նչ ես ցանկելու:

Հուսիկը ապուշ նայում է և աչքերում առկայծում է թախծալի մի շող:

Շփոթված է, թե՞ կատակ էր արեց:

— Հիմա գնա տուն, անխելք:

Կգնա տուն և սովը նստած կլինի այնտեղ: Մոխրագույն մի անդունդ է ընկղմում գիրքը: Էլ ոչինչ չի երևում:

Ի՞նչ եղավ Հուսիկը, ի՞նչպես վերապրեց սովը: Այսինքն՝ մահը, ևե՛նթ, խե՛նթ Հուսիկ...

Գրքի հիշատակարանում գրած է, թե ինչպես նա դրամը տվեց գրքի դիմաց... երևի կարծելով, որ ցորենն անգամ կենդանություն չէ, որ անգամ նա չի փրկի իր կյանքը մահից:



Հիվանդ երեխայի բարձի տակից — (ահռելիորեն ծանր շարժվել, բայց անցել են կրկին դարեր) — կյանքի հուսով նայում է նա, այն գիրքը: Ի՞նչ գիրք է, ոչ ոք չգիտե անգրագետ հոգաբարձի այս ընտանիքում: Նրան գտել են մի ավերակի տան մոխրա-

նոցում: Ասում են բժշկում է ամեն հիվանդություն, Երեխան հոգու հիվանդություն ունի...



— Էս ի՞նչ կարավան է, ո՞ւր էսպես, Խոջա՛:

— Վենետիկ, Ճենովա, թե բարին աջողի:

Խոջան կքել է, կարգում է անվերջ, շիկափուկ ճանապարհի եզրին: Ուղտերի բռններում՝ որդան-կարմիր, տորոն, մորթիներ, ակնեղեն:

Կարավանն հանգչում է: Ուղտերը որոճում են:

Կարգում է Խոջան և վանում ճանապարհի թախիծը:



Սև դարերի խորքից գալիս է մի գիրք: Խավարի միջին թափառող լույսի է նման՝ դողդողում է, բայց գալիս է. թե ինչ վտանգներ է անցնում, չի տեսնում նա: Ոչ ձմեռ, ոչ խավար: Ոչ կրակն է այրում նրան, ոչ շոգը խեղդում: Հրա՛շքն է պահում նրան, թե՞ պատահմունքը: Բայց սերունդները խնամում են նրան, թաքցնում, փրկում և ավանդում նրան հետնորդներին, ձեռք-ձեռք անցկացնում դարերի փորձանքներից, անցկացնում հուր, սուր, ջուր:

Ժպտում է գիրքը: Միամիտ է նա, անհոգ է նա, խորամանկ է նա և գիտե իր գործը կարգադրել: Թե՞ իմաստուն է, հայտնի է իրեն իր ճանապարհի գիրք:

Նման արևի լույսին, որ անհոգ խաղում է փրփրած ծովի կատաղի ալիքների վրա: Դեղնում են ալիքները, կապտում, փրփրալի ժայթքում, գոշում, բռնցքում արևի դեմ, բայց նա ժպտում է: Վտանգ չի իմանում նա, ատելություն չի դիպչում նրան, ալիք չի փշրում նրան:

Հազար ձեռքեր պահել, շոյել, շոշափել են այս ծաղիկները՝ կյանքի գեղեցկությունը, հազար-հազար աչքեր նայել են նրանց հետևից սիրով ու թախիծով: Մոխրացել են հազար ձեռքեր, տենչալի աչքեր և մնացել է այս ջերմ գիրքը:



Բնաջնջվում է մի ամբողջ ժողովուրդ: Ոչ թե մի գիրք: Քնդա-
նոթներն ահեղ վիճակում են, «նա կորած է»... — ո՛չ, «նա
փրկված է», «...հրա՛ջք է, թե փրկվի...»:



Մի կարմիր հողմ փոթորկալի թերթում է ոսկելույս թերթերը
գրքի, որ ընկած մի մեծ ճանապարհի վրա նայում է նրան մտեր-
մորեն: Նա փրկված է իրեն միշտ փրկող ժողովրդի հետ:

Երկաթե գրադարաններում լուում են դարերը: Մի ալեհեր
զուխ հակված է պատմության անդունդը և խոր հովտում տեսնում
է ծաղիկներ, ծաղիկներ, ծաղիկներ...

ԶՈՒԹԱՎ ԵՎ ՍՐԻՆՎ

Ո՞վ հնարեց ջութակը... Ո՞վ հնարեց սրինգը...

Քարմ գարուն էր, օրը պայծառ, կապուտակ, Գանգեսի մթին
անտառի պուրակում ճխում էին թռչունները, հովը գալիս թել-թել
տանում էր ծառերի թևերն ու քղանցքները, առուն քշվում և գե-
ղեցիկ կակրմեն սիրում էր երջանիկ Հայանթուն:

Հայանթին եղեգնուտի մոտ թեք ընկել, աննպատակ եղեգ էր
տաշում ու քաղցր միտք անելով նայում կակրմենին, իսկ կակրմեն
ծաղիկ էր քաղում ու երգում. և այնքան երջանիկ էր նա, որ չէր
իմանում, թե ինչ էր երգում:

Խոսում էր հեքիաթական անտառը, բզզում հսկա փեթակի
պես լի կյանքով ու երգով:

Նայում էր Հայանթին իր սիրած աղջկան և աննպատակ տա-
շում. տաշում էր եղեգը, դեն ձգում, նորը վերցնում, էլի տաշում:
Հետո՝ ինչպես եղավ՝ տաշած եղեգը դրավ բերնին ու սկսեց փչել:
Եղեգը մեղմ սուլեց: Հանկարծ մի շարահճի միտք ծագեց նրա գլը-
խում... Ժպտաց քթի տակին ու եղեգը առնելով դնաց մտավ թփե-
րի մեջ: Ու մինչ կակրմեն միամիտ, իր համար երգում էր առվակի
ափին՝ Հայանթին սկսեց սուլել եղեգը ու նմանեցնել նրա երգին:
Սկզբում սուլոցը դժվար ու կոպիտ էր, բայց շուտով այնպես վարժ-
վեց, որ պատրանքը հաջողվեց: Ու սկսեց բարձր ու համարձակ
կրկնել կակրմենի անգիտակից երգն ու խաղերը:

— Հայանթի՛, — հանկարծ սթափվելով ձայն տվավ աղջիկը, —
այդ ո՞վ է ինձ տնազ գալիս:

— Զգիտեմ, — ասավ Հայանթին թփերից դուրս գալով՝ շա-
րահճի ժպիտը հազիվ պահելով:

Բայց կակրմեն տեսնելով նրա ձեռքի եղեգը՝ գլխի ընկավ:

— Սատանա՛, էլի մի բան հնարեցի՛ր, լավ էիր տնազս գա-
լիս, էլ չանես:

Բայց Հայանթին ձեռք չվերցրեց իր հանաքներից: Այնքան նվազեց, այնքան սրան-նրան տնազ եկավ, որ թե՛ գործիքը կատարելագործեց և թե՛ լավ նվագող դառավ: Նվագում էր ու ամենքին զվարճացնում:

Մի տխուր տղա էլ կար՝ Նալը, որ սիրում էր Լակըմենին: Տխուր, հուսահատ կնայեր սրան, կարծես մայր մտնող լուսնյակ լինի՝ գունատ, պղնձագույն: Լակըմենն գիտեր նրա սերը, բայց է՛հ, երջանիկ էր, չէր մտածում նրա մասին: Ասում էին՝ ցնդած է այդ տղան, որովհետև մենակ շրջում էր անտառներում և հորթի աղիքներ կախում ծառի ճյուղերից, շորացնում, ուլորում: Միծաղելով ասում էին, որ նա էլ ինչ որ նվագարան է շինում...

Եվ ահա մի անգամ՝ անտառում Հայանթին ու Լակըմենն ջահել տղաների հետ նստել մի ծառի տակ հանգստանում էին: Երգում, զվարճանում էին տղաները գարնան սեզի վրա, և նրանց քրքիչն անտառի լուսթյան մեջ՝ զվարճացնում էր նրանց իր առակներով և ինքն էլ զվարճանում՝ լսելով նրանց անհոգ քրքիչը:

Այնտեղ էր և Նալը, որ հեռուն խոտերի վրա նստած նայում էր պատանիներին անժպիտ ու տխուր:

— Հայանթի,— ասավ բանաստեղծ Խալդունը,— մի բան նվագի՛ լսենք: Այ, Նալն էլ, ասում են նվագել գիտե. նա էլ որե՛է մի բան կնվագի, կզվարճանանք: Դե, ձեզ տեսնեմ, ջահելներս:

— Այո, նվագեցեք, նվագեցեք,— ձայն տվին բոլոր տղաները և զվարթացան:

— Նվագեցեք,— կատակեց շարաճճիներից մեկը,— և ով որ հաղթի, թող նա լինի Լակըմենի սիրուն արժանի:

Բոլորը ծիծաղեցին: Ժպտաց լուսածիծաղ Լակըմենն և ուրախացավ, որ Հայանթին պիտի իր շնորհքը ցույց տա: Ժպտաց նաև Հայանթին, բայց հեգնորեն, ինքնավստահ և աչքի տակով նայեց Նալին, որն անշարժ նստել էր՝ իր ծիծաղելի գործիքը թևի տակին:

Եվ որ ցույց տա, թե ինքը ահ շունի, հայտնեց, որ առաջ ինքը կնվագի. «Նվագեմ, թող ձայնները կտրեն» — մտածեց նա իր ուժը գիտակցելով:

Թեք ընկավ Լակըմենն փարթամ ծաղիկների վրա, պատանիների շրջանակի մեջ, կարծես ձյունափայլ լուսին լիներ սև նոճիների միջից նայիլիս:

Ամենքը ակամա նայեցին նրա լուսափթիթ գեմքին ու սկսեցին երազել: Ժպտաց գեղեցիկ Հայանթին, ու այդ ժպիտի հետ ցուլաց նրա ձյունն ատամնաշարը:

Ժպտաց նաև գեղեցիկ Լակըմենն, և նրա վայրահակ սև թարթիչներից կախ ընկավ սիրուն, մանրիկ ժպիտը:

Ու Հայանթին սրինգը դնելով վարդիթեք շրթունքներին՝ սկսեց նվագել:

Դուրս թռավ նվագը ու գնաց հովի պես շնկշնկաց ու սուրաց լեռնիստ հովտի մեջ: Եվ սուլոցները այնպես առատորեն ջաղ տվավ, որ կարծես աղբրե մարգարտաշար ու կլկլան կաթիլներ լինեին քարեքար թափվելիս՝ անտառի հստակ լուսթյան մեջ: Բյուրեղի պես մաքուր և արծաթի պես հնչուն էր այդ սուլոցը, առատ, զարմացնող, շոյիչ ու հարբեցնող:

Եվ ի՞նչ բազմազան խաղեր, ի՞նչ պատրանք... կարծես սոխակներ ու սայրակներ լինեին իրար ձայն տալիս երջանիկ մայիսին: Եվ ի՞նչ զվարճալի տնազ երկու երջանիկների, որ ծաղիկների մեջ կարծես թռվալիս, խաղալիս լինեին և մի սիրած ու սիրված աղջիկ քրքալիս երջանիկ մոռացության մեջ:

Ու այսպես ծվլաց ու կլկլաց եղանակը, արա՛գ, ինչպես լճակի կայծկլտուք, և մի վերջին ժխորով ունկնդիրներին շշմեցրեց ու նետի՛ պես թռավ, կտրվեց:

— Ապրե՛ս, Հայանթի՛, ապրե՛ս,— ձայն տվին ամենքը հիացած:

— Ապրե՛ս, Հայանթի՛,— ասավ Լակըմենն՝ չկարողանալով ծածկել իր հիացմունքը և գուրգուրոտ աչքերով նայեց շառագունած գեղեցիկ պատանուն:

— Ի՞նչ ճարպիկ ելևէջներ, չէի՛ր ասի, թե մարդ էր նվագողը,— խոսեց միևնույն հափշտակված:

— Հը՛մ, ճարտար նվագ էր,— ասավ բանաստեղծ Խալդունը:

— Ապրե՛ս, Հայանթի՛, ապրե՛ս,— կրկնեցին ամենքը միաբերան և ծաղիկներ քաղելով նետեցին նրա գիրկը:

Լուռ էր Նալը... անշարժ՝ ինչպես գիշերվա լուսնիստ ու մռայլ արձան: Ունքերը խոժոռ, զուսպ սաստը աչքերում, հիվանդ իր խորհրդավոր արվեստով՝ գետին էր նայում, միշտ թևի տակ սեղմած տարօրինակ գործիքը:

Հերթը նրանն էր:

— է՛հ, հիմի էլ թող նալը նվագի,— կարգադրեց ծեր բանաստեղծը:

Ու մինչ նալը կատարաստվեր՝ մի շշուկ անցավ բոլորի մեջ, երբ նայեցին նրա ծիծաղելի, հողի գույն գործիքին:

— Շերեփ է,— փսփոսաց մինը ու քիչ մնաց փոթկար:

— Թիակ է,— ասավ մյուսը,— վերցնես, մարդու մեջքին թակես:

— Սպասեցեք, գուցե մարդն ուզում է իբ այդ աղեղով բուրդ գլել,— ծաղրեց երրորդը:

Ժպտաց մինչև անգամ Հայանթին, և շար էր այդ ժպտուր:

Միայն կակրմեն շոտսեց: Երբ նայեց նալի աչքերին, զգաց, որ այդ պատանու մեջ թաքնված է մի մուսյլ ու աղետավոր հոգի: Եվ մի անորոշ աճ մտավ սիրտը:

Նայեց նրան և ծեր բանաստեղծը և գլուխը թեթևակի շարժեց:

Եվ նա, այդ խորհրդավոր նալը, հանկարծ շուրջը նայեց. գեմքը այլակերպված էր, ոգևորված ու վճռական: Հանկարծ գունատվեց, կերպարանափոխվեց, և բոլորը սաստված շունչները պահեցին: Եվ նա գործիքը ձնկան, ինքը վրան կոացած ինչպես գետնահակ լացող ուռնի՝ հանկարծ ջլուտ, նիհար ձեռքով քաշեց աղեղը լարերի վրայով ու սկսեց:

Տարօրինակ ձայն հանեց այդ գործիքը: Տխուր ու մաղձոտ մարդու ձայն, ինչպես սիրտը լցված մարդ, որ հագիվ է զսպում հեկեկոցը՝ այնպես այդ խեղդված ձայնը ծանր ու տխուր սկսեց դողալ և հետզհետե լցվելով ուժեղացավ, ծավալվեց ու զանգատավոր շեշտով մի հարցմունք արավ, հետո զսպելով իր փղձուկը՝ նորից սրտին ընկավ, մարեց:

Հետո — իբրև դրան պատասխան — մի ուրիշ ձայն, ավելի ուժեղ և հնչուն սկսեց որբ ձայնով ոգել, արծարծել մի տխուր պատմություն, այնքան տխուր, որ կարծես տառապած մարդկության վեպը լիներ: Սկսեց այնպես հեծկլտալ, այնպես հանգուրհոնգուր լաց լինել, որ ծառերի բները լցրեց թախիծով, տրտմանցրեց ծաղիկները, սառեցրեց արևի լույսը, հորիզոնում ծավալեց անապատների անհուն տրտմությունը և աշխարհը դարձրեց տխուր-տխուր վշտերի հովիտ: Հուրջ էր այդ եղանակը, ինչպես մահը և անկեղծ, ինչպես մարդու մեջ թաքնված սիրտը: Սրտից էր,— ա՛հա թե ինչու այնպես սաստեց ու հափշտակեց ամենքի

սիրտը: Ճշմարիտ էր այդ երգը, և ամենքը տրտմած կախեցին գլուխներն ու այդպես գետնահակ մտածել սկսեցին այն մեծ տառապանքի վրա, որը գիտես որ կա, ճշմարիտ է, ամենուրեք, ամենքի համար:

Ու այսպես գնաց եղանակը, տաքացավ: Ու ոնց հուսահատ անապատի շուրթերից՝ ինչպես գերեզմանից՝ դուրս գար դալուկ լուսնյակը և անապատին. նայեր իր մեռելի դեմքով, այնպես հանկարծ դուրս ելավ շորրորդ լարի տխուր ձայնն ու երգեց ծա՛նր, լիաձա՛յն ու տիրաբար: Ու երբ դրան խառնվեց նաև երրորդ լարը, լավեցին այնպիսի ոռնոցներ, կարծես այդ անկենդան անապատում լցվել էին գոտ տատասկներ, որ պառավ ձեռքերի պես օդում կարկառած գուլթ էին աղերսում: Բայց չկա՛ր գուլթ... Հանկարծ զայրացավ եղանակը, անցավ բարակ լարերի վրա ու սկսեց այնպես սողոսկել, հեծել, ոնց որ խորշակը փշելիս լիներ, տարուբերելով այն տատասկները, որ խելացնոր շարժումներով կարծես կոծապար էին բռնել: Եվ երբեմն լսվում էին այնպիսի ճշոցներ ու լացեր, կարծես հուսահատ միայնությունը նստած ավագների վրա փետում էր իր գորշ մազերը:

Այնպես երգե՛ց, երգե՛ց ու հետո մեղմելով, հաշտվեց, հեռացավ, ու տխու՛ր, թախիծով սրտին ընկնելով լոնց... կարծես նորից մտավ իր գերեզմանը:

Մի ծպտուն իսկ շլավեց: Ունկնդիրները քարացած էին: Ամենքը ներշնչված այդ խորը նվագով՝ մուսյլ հայացքները բարձրացրին դեպի կակրմենն ու Հայանթին:

Ահա՛ թե որն է նվագը:

Ցած դրավ սրինգը պարտված Հայանթին և նախանձախնդիր նայվածքը ահով ուղղեց կակրմենին: Մուսյլվել էր կակրմենն: Բայց այդ մուսյլը նման էր մի թեթև թուխպի, որ գալիս սքողում է գեղեցիկ մայիսյան օրը: Ծիշտ է, վախով էին լցված նրա որսորդ տեսած եղնիկի աչքերը, բայց նա բարձրացնելով այդ շողողուն աչքերը դեպի Հայանթին՝ ասավ կարծես նեղացած.

— Գնանք տուն, Հայանթի:

Տղաքը հարցական հայացքով նայեցին կակրմենին ու չհասկացան նրա երկյուղը: Ու մինչ ամենքը շփոթված աչքերով նայում էին նրան, նա վեր կացավ և Հայանթու հեղ հեռացավ:

Երբ քիչ հեռու էին՝ փսփոսաց:

— Ես քե՛զ եմ սիրում: Հայանթի՛, քե՛զ, նա՛ այնպես տխու՛ր է... նա՛ ինձ վախեցնում է իր գործիքով: Նրա նվազը օձի պես մտավ սիրտս ու գալարվեց: Գնանք, նվազի՛ սրինգդ և նորից արախացրո՛ւ ինձ:

Գնաց նա, և մոռալ շիրմաքարի պես՝ մնաց Նալը՝ հայացքը գեպի հեռացող անսիրտ ու գեղեցիկ կակրմեն, զոզոջ ձեռքը գործիքին սեղմած:

Մնացին ունկնդիրները և ծեր բանաստեղծ խալդունը:

— Ապրե՛ս, Նա՛լ, — ասին նրանք, և այդ ասին մի ձայնով, որով մխիթարում են մեռելատերին: Տխրեց Նալը և գլուխը կախեց: Հանկարծ բարձրացրեց իր գործիքը և ուզում էր քարին խփի կտորի, բայց միայն գառնորեն օդում թափ տալով ցած դրավ և գլուխն ափերի մեջ առած՝ լռեց:

Նայեց նրան ծեր բանաստեղծը, ժպտաց գորովալից աչքերով ու ծանր թափ տալով իր ալևոր գլուխն՝ ասավ.

— Ինչո՞ւ ես ուզում կտորես այն գործիքը, որ քեզ հետ պիտի մեռնի: Նա՛լ, դու այն մարդկանցից ես, որ մեծ տառապանքի համար են աշխարհք գալիս: Եվ քո նվազը երգն էր այն մեծ արվեստագետի, որի ներշնչողը մահն է եղել, և որը լացել է ստեղծելիս: Նա արդեն բաց է արել աշխարհիս բոլոր խնդությունների ու ցավերի դռները և նայել ներս: Է՛հ, Նա՛լ, քոնն է իսկական արվեստը, ու էլ ո՛չ մի գործիք չկա հնարելու: Ինչ է սրինգը սրա մոտ — ականջի զվարճություն և ուրիշ ոչինչ:

Գնա՛, կյանքի մեջ թշվառ և արվեստի մեջ երջանիկ Նալ, գնա՛, կրի՛ր ակնակուռ թագերի թագը, և թող աշխարհիս ստրուկներն ու արքաները գլուխ խոնարհեն քո արվեստի առջև:

Ու տանջվի՛ր... Այո՛, կակրմեն սիրում է սրնգահարին, որը նրան տալիս է համեստներից համեստը, բայց մարդկանց համար թանկերից թանկը — այս կյանքը և նրա ուրախությունը: Նա քեզ չի սիրում և ինչո՞ւ սիրի... Դու կմաշես այդ թիթեռի կյանքը քո անկշռելի տառապանքների մեջ՝ միշտ լսել տալով քո աշնան կոծերն ու մահվան ձայնը...

Եվ ի՞նչ, դու նրան չես էլ կարող սիրել, աղետավոր հոգի, որովհետև քո արվեստը սիրողը ուրիշ բան չպիտի սիրի և արժի՛, և մի՞թե կարող ես ուրիշ բան սիրել...

Այդ օրվանից Հայանթին ավելի երջանկորեն սուլեց իր սրինգը, իսկ Նալը գնաց տառապանքների մոռալ աշխարհները հեծելու և ստեղծելու:

Այդ օրվանից է, ասում են, որ սրինգը սուլում է սիրո մեջ երջանիկ պատանու նման, այնինչ չութաղը միշտ մի անսպասմելի թախիծ ունի իր ձայների մեջ:

1928

ՔԱՆԳԱՐԱՆԻ ՆՅՈՒԹԵՐ

Երիտասարդը ծեծեց նախասենյակի մթան մեջ հազիվ երևացող դուռը: Ներսից մեկը շարժվեց, կարծես ճկավ դուռը բանալու, բայց դադարեց: Երիտասարդը սպասեց մի փոքր ևս և կրկին ծեծեց դուռը: Վերջապես մեկը մոտեցավ դռան, շոշափեց նիզը և զգուշորեն, կանացի ձայնով հարցրեց.

— Ո՞վ է:

— Ես եմ,— ասաց երիտասարդը բարձրաձայն և պարզ:

Դուռը բացվեց և կիսամթան մեջ երևաց մի պառավ կին:

— Հա, ընկեր խոսրովյանն է: Համեցեք:

Երիտասարդը ներս գնաց մի կռկիկ, մաքուր սենյակիկ, որի պատերը զարդարված էին լուսանկարներով: Դրանց միջին աչքի էր ընկնում մի մեծագիր յուղաներկ պատկեր հին սերունդի մի մարդու, հաստ բեղերով, նուրբ ածիլած կզակով և բարձր ճակատով:

Խունացած հին կամոդի վրա բազմաթիվ մանրիկ իրեր կային շարած, որոնց տակին փռած էր նուրբ ժանեկավոր մի փուռ: Նրանք էլ կռկիկ, մաքուր:

Վերջապես պատից կախած էր հնօրյա ժամացույց, որը սակայն չէր բանում այլևս: Երեկ հնար չկար — շատ էր հին:

— Նստեցեք, խնդրեմ,— ասաց պառավը թարմ ու աղջկա ձայնով և մոմեղեն դեմքի կիսաիրոնիկ ժպտով աթոռ հրամցրեց երիտասարդին:

— Ձեզ պիտի հայտնեմ,— ասաց պառավը հանգիստ ու հոգնած,— որ այն օրը ձեր գնալուց հետո ես մտածեցի, որ...

— Դե ի՞նչ պիտի մտածեք երկար, տիկին... — ասաց ու իսկույն մեղանշողի պես հազաց երիտասարդը, պառավը օրհորդ էր,— հավիտյան հո շեք պահելու իրերը: Պետական թանգարանը

ավելի ապահով տեղ է և վերջապես դինը կարծում եմ լավ կբարձրի:

— Համաձայն եմ,— հեզ ու տխուր ասաց պառավը:

— Վերջացնենք, որ այդպես է:

Պառավը պահարանից հանեց մի քանի իրեր, նամակներ, այլ գրություններ, լուսանկարներ և բերեց դրեց սեղանին:

Երիտասարդի աչքերը վառվեցին բոլոր թանգարաններում աշխատողների հատուկ կրթով: Բայց և իսկույն խորամանկորեն զսպեց իրեն. միայն անշշմարելի ժպտաց բերանի անկյուններով:

Շատ կարևոր էքսպոնատներ էին իրենց թանգարանի համար, բայց երևույթին, որոնց մասին լավ տեղյակ էր ինքը նախօրոք:

— Սրանք նամակներ են,— ցույց տվեց պառավը մի հաստ կապոց:— Հանգուցյալ հայրս սրանք հավաքել՝ սիրով կարդում էր: Ասում էր մեծ գրողի նամակները գրքի պես են կարդացվում: Եվ իսկապես գիրք,— հառաչեց հանգիստ պառավը,— ես էլ եմ կարդում մեկ-մեկ. երբ գործ չի լինում տանը: Դե մենակ եմ, ինչ գործ էլ պիտի լինի:

— Կարելի՞ է մեկ նայել,— հարցրեց երիտասարդը այնպիսի մեղմ ու հոգատար ձայնով, կարծես երեխա էր ուզում առնել պառավի գրկից, որին պետք էր զգուշ վերցնել:

— Այս բոպիս,— ասաց պառավը՝ նամակների կապոցը պինդ սեղմած կրծքին:

Նա վայր դրեց իր առջև նամակների կապոցը, ծածկեց մի ձեռքով, իսկ մյուսով առաջ քաշեց լուսանկարներ:

— Սրանք էլ լուսանկարներ են: Ինքն աշխարհահռչակ արտիստ՝ իր պես աշխարհահռչակ արտիստի հետ լուսանկարված — սա ամեն տեղ չես գտնի: Հիմա ո՞ւր են այդպիսի արտիստներ,— ժպտում է պառավը նուրբ արիստոկրատիկ աչքերով:

Երիտասարդը կամեցավ ձեռքից վերցնել նայելու, բայց վախեցավ խրտնեցնել պառավին. ուստի և կրկին զսպեց իրեն: Բայց և անհամբեր էր սաստիկ, այրվում էր ուրախությունից և հեռաբերբրությունից:

Իրերն անշուշտ հազվագյուտ էին, իսկ պառավը կապրիզներ ուներ, կասկածոտ էր և ինքնասածի — կարող էր միտքը փոխել, սատանան գիտե ինչ մի հովից կամ ճանճի թռչից:

Հանկարծ պառավը կարծես մի բան հիշեց թե՛ վճեց.

— Սպասեցեք, գիտե՞ք ինչ, ընկեր խոսրովյան, քանի որ այս իրերը տալիս եմ ձեր թանգարանին՝ եկեք... ի՞նչ կասեք դավթարի մասին:

— Հա՛... դեղավթար, — կակազեց երիտասարդը:

— Ձեռագիրը, մագաղաթը, միջնադարյան երգարան է:

Երիտասարդը շփոթվեց:

— Դուք հին ձեռագիր ունե՞ք:

— Հայա՛... մեջը հին ոտանավորներ կան. «Այ լուսնկա Շուշան ծաղիկ»: Հը՛, ի՞նչ կասեք, ծախե՛մ, թե...

Պառավը կանգնեց ու նայեց երիտասարդին տարակուսանք-ների մեջ:

Երիտասարդը հարբած վիճակի մեջ էր: Ոտանավորներ, շուշան ծաղիկ — անշուշտ միջնադարյան երգիչներից անհայտ մնացած բեկորներ կամ մի նոր երգիչ...

Պառավը սակայն վճռեց և պահարանից հանեց քողի մեջ փաթաթած մի մագաղաթ մատյան, մինիատյուր նկարներով զարդարուն:

Դնելով իր առջև, ձեռքը վրան պահած՝ պառավը սկսեց պատմել այն մասին, թե քանի անգամ ուզեցել է ծախել, բայց քանի որ դա իր հոր ամենասիրելի գիրքն է, ինքը վճռած էր եղել երբեք հրապարակ չհանել:

— Բայց, էհ, կյանքս էլ գնում է, մեռնեմ՝ պիտի ընկնի ով գիտե ում ձեռքը: Լավ է թող պետական թանգարանին մնա:

— Անշուշտ, անշուշտ, — սրտատրոփ ձայնով ասաց երիտասարդը և լարվեց վերին աստիճան:

Պառավը խոսում էր սակայն, պատմում ինչ-որ բաներ, որ երիտասարդը չէր կարող լսել և հուզմունքից, և շլացումից:

Նվ իրոք վտանգավոր մոմենտ էր, պետք էր շատ զգույշ համբերել և մի կերպ այդ պառավ ձեռքի տակից մեղմով դուրս քաշել ձեռագիրը: Ազատել:

Երիտասարդն սպասեց, որ պառավը վերջացնի:

Ձանձրույթ էր գալիս նրանից: Նա ոչինչ չէր կարողանում ասել հետաքրքրական: Դա արդեն իր կյանքն էր — թերևս շատ կարևոր միայն իր համար: Թերևս կարելի էր և ունկնդրել նրան: Բայց ի՞նչ կարելի էր անել, որ գոհացում տրվեր նրան: Վերադարձնե՞լ անցյալը — անկարելի էր: Համաձայնել — օգուտ չուներ:

Պատմություն էր, որ պիտի պատմվեր վերջանար — ուրիշ ոչինչ:

Երիտասարդը սակայն խոնարհ ու հյուստում էր, ավելի շուտ նայում էր պառավի ձեռին, որ հենց վերջանար պատմությունը՝ խլեր ձեռից հազվագյուտ գիրքը:

Մի անգամ պառավն ընդհատեց: Երիտասարդը շարժում արավ և ձեռը երկարացրեց: Սակայն պառավը ձեռը սեղմեց մատյանի վրա և շարունակեց պատմելը: Իսկական տանջանք էր — այնքան անհետաքրքրական գրույց և այսքան կարևոր, կենդանի, հետաքրքրական մի գյուտ...

Բայց — այդպես է շատ անգամ կյանքի իրոնիան — ամենակարևոր բաները գերության մեջ են լինում երբեմն այսպիսի մի սովորական, աննշան անկյուններում:

— Վերցրեք, — ասաց վերջապես պառավը և ձեռագիրը քշեց երիտասարդի կողմը:

Սա խլեց ձեռագիրը, բայց և իսկույն զսպելով իրեն՝ հանգիստ ու հասարակ նայեց ձեռագրին, բացեց և սկսեց դիտել ու կարդալ:

Թանկագին գյուտ... Դա մի հին, շատ կարևոր գիրք էր, իրոք որ միջնադարյան երգիչներից մեկի դեռ անհայտ երգերով: Կարդաց: Սքանչելի տաղեր, վսեմ երգեր...

— Ի՞նչ պիտի տամ, — հարցրեց երիտասարդը սրտատրոփ:

— Տվեք ինչ ուզում եք, վերջացած է ամեն բան, — հառաչեց պառավը և լռեց:

— Հինգ հարյուր ուսուրի:

Պառավը ձայն չհանեց: Նա խորհում էր իր աննշան կյանքի մասին, անընկեր, անսեր, հավիտյան անամուսին կյանքի, որ ահա վերջանում էր: Վերջանում էր, որովհետև եթե կար նրա մեջ կամ նրա տանը որևէ բան, որ կարող էր դրսի աշխարհից մարդ բերել իր մոտ, զգալ տալ իր գոյությունը, — դա իր թղթերն էին, նամակները, լուսանկարները, գրքերը: Ահա նրանք մեկ-մեկ գնում են իր տանից: Մնալու է ինքը և իր վերջին օրերի սենյակը՝ նույնքան դատարկ, որպես և ինքը:

Երիտասարդը հանեց պորտմոնեն, իսկույն հաշվեց գինը և դրեց պառավի առջև ու մինչև անկհաշվեր դրամը՝ նա արագ գրեց ստացականը: Սա էլ մոտեցրեց պառավին և առաջարկելով իր

ինքնահոսը՝ շատ մեղմաձայն, մինչև երաժշտութիւն հասնող քնքշութեամբ ասաց.

— Ստորագրեցեք:

Երիտասարդն արագ փաթաթեց ձեռագիրը:

— Իսկ նամակներն ու լուսանկարները՞,— հարցրեց պառավը:

— Դրանք էլ անպատճառ կվերցնեմ:

Եվ կտրեց մի գին, որ պառավը մի փոքր սակարկելուց հետո համաձայնեց:

Երիտասարդը գնած թղթերն ու ձեռագիրը դրեց իր պորտֆելը: Ու վեր կացավ:

Վերջացել էր ամեն բան:

Այդ սենյակն արդեն ոչ ոք չէր մտնի: Պառավն անցավ հուշերի շարքը: Նյութերը գնում էին դեպի նոր կյանք:— Քանգարան:

Երբ դուրս եկավ և իջնում էր սանդուղքներից՝ թևի տակ կրծքին սևղմեց գնածները և հառաչեց բեռից աղատվածի պես — տանջված և ուրախ:

ԸՆԿԵՐՆԵՐ

Նրանք մտերիմ ընկերներ էին՝ Ղոնդին ու Գրգըլը, երկու հարևան ընտանիքների «կաթնախաբ» զավակներ: Դա նշանակում է օրորոցից ընկերներ:

Աչքերը որ բաց արին ու առաջին զգացումն ունեցան թե աշխարհ են եկել՝ առաջին անգամ իրար էր որ տեսան: Դեռ աշխարհը աղոտ մի բան էր այն ժամանակ,— վերևը կապույտ, ներքևը կանաչ:

Գյուղը ինքը մի մեծ աշխարհ էր, ուր խաղում, վազվզում, երգում, ծեծկվում էին Ղոնդին ու Գրգըլը մյուս երեխաների հետ: Չարաճճի էին երկուսն էլ: Ու միշտ միասին, ինչպես մարդը շվաքի հետ: Հենց փողոցի ծայրից մինը երևար՝ հարց կտային նայողները:

— Էս՝ Ղոնդին. բա Գրգըլը՞:

— Այ, Գրգըլը:

Մյուսը ժամանակ չէր կորցնում — իսկույն երևում էր նրա հետևից:

Քանի՞ անգամ են նրանք մեկ երկու բացակայության ժամանակ իրար պաշտպանելու համար ծեծել, ծեծվել:

— Ղոնդի՞, քիթդ ինչի՞ է ջարդվել:

— Զիուց վեր ընկա:

Նույն բանը պատասխանում էր Գրգըլը, երբ ջարդվողը ինքն էր լինում Ղոնդուն պաշտպանելու համար: Բայց որ իրար էին հանգիպում՝ այս մասին ոչ մի խոսք:

Մի անգամ Ղոնդինց տանը հարիսա էին ուտում: Գրգըլը գնացել էր սար, հնար չկար նրան կանչելու: Ղոնդին շատ ներս ու փուրս արավ, փնթփնթաց, անհանգիստ եղավ: Մայրը նկատեց

այդ, հասկացավ պատճառը, բայց ձայն չհանեց: Ղոնդին չհամբերեց ու մտահոգ հարցրեց.

— Բա Գրգըլը ի՞նչ պետք է ուտի:

— Ուտներս,— անփույթ պատասխանեց Ղոնդուց մի քիչ մեծ եղբայրը:

Հարիսով ամանը թռավ դեպի հանդգնողի ճակատը: Կերակուրը խառնվեց վերքից հոսող արյան հետ, վիրավորն ընկավ ուշաթափ: Ղոնդին, որ բարկությունից զողում էր՝ նկատեց անգամ մյուս՝ ավելի մեծ եղբոր ձեռքի թափահարումը իր գլխի վրա, բայց չպաշտպանվեց, ընդունեց հարվածը, և միաժամանակ անսասան կանգնեց ու աչքերը շոթծ նայում էր թե ինչպես են ուշքի բերում իր ձեռքով վիրավորված եղբորը: Մի քանի հարված էլ ստացավ Ղոնդին, բայց ոչ տեղից թնդաց, ոչ էլ բողբոջեց: Նա միայն գոհ էր, որ Գրգըլին վիրավորիչ խոսք ասողը պատժված էր իր ձեռքով:

Բայց երբ Գրգըլը ձիու մերկ մեջքին նստած սարից եկավ և Ղոնդենց դուռն անցավ անցավ գնաց իրենց տունը՝ Ղոնդին հազիվ լսելի հարցրեց.

— Հը՞, եկա՞ր:

— Հա,— թթու պատասխանեց Գրգըլը և անգամ չնայեց Ղոնդուն:

Եվ նույն երեկո Գրգըլը իր փոքրիկ եղբորն ուղարկեց Ղոնդուն կանչելու իրենց տուն, որ միասին ընթրեն և միասին էլ այնտեղ քնեն: Մի օր էր սարում ապրել առանց Ղոնդու և սաստիկ կարոտել էր նրան:

Քնեցին կտրանը մի վերմակի տակ և երկար ժամանակ Գրգըլը փսփոսոցով պատմում էր, թե ինչպես էր սարում սիրտը ճաքելիս եղել:

— Ինչի՞— հարցրեց Ղոնդին մեքենաբար:

— Չեմ իմանում:

Բայց Գրգըլը շատ լավ էր իմանում: Ղոնդին այնտեղ չէր:

Երբ Ղոնդուն դպրոց տվին, նա իսկույն տուն փախավ, երբ տեսավ, որ Գրգըլին էլ չեն բերել այնտեղ. մինչ մի օր առաջ նրան հայտնել էին, որ Գրգըլն էլ պիտի դպրոց գնա:

Համառեց Ղոնդին, չգնաց գպրոց, մինչև Գրգըլին էլ դպրոց տարան: Բարեբախտաբար երկուսին էլ միևնույն դասարան ընդու-

նեցին — այլապես էլ չէր լինի բնականաբար,— և թեև մի նրստարանին շնտաացրին և նրանք էլ ինչ որ չկարողացան այդ պահանջը դնել, բայց շուտ-շուտ Ղոնդին ծովում հետ էր նայում Գրգըլին:

— Գրգը՞լ:

— Հա, էստեղ եմ:

Շարունակ, դասի ժամանակ, այնուհետև նրանք իրար էին նայում: Այդպես ոչ միայն հաճելի էր, այլև դասն այսպես էր միայն հասկանալի դառնում:

Ավարտեցին ծխական դպրոցը, և միասին մտան կյանք: Կյանքն էլ ինչ էր՝ գյուղական աշխատանք — առաջ գառնարած, հետո հոտաղ և միշտ էլ մեջընդմեջ ամեն բան: Գյուղի պատանին այս կողմից ամենագետ է: Հետո ընկան պղնձի հանքերը, բանվոր դառան: Հետո էլ հազիվ էին հասել սիրո առաջին պտուղներին, որ մի մեծ փոթորիկ վրա հասավ և ամբողջ աշխարհը ոտքի հանեց: Համաշխարհային պատերազմը պոկեց գյուղից ու քեց տարավ միլիոնների հետ գյուղի երիտասարդներին: Հերթը նոր էր հասնում նաև Ղոնդուն և Գրգըլին, որ պատերազմը Ռուսաստանում փոխվեց քաղաքացիական կռիվների, Հայաստանը անցավ դաշնակցականների ձեռքը, սկսվեց եղբայրական կոտորածները և լեռնամասը անջատվեց մնացած Հայաստանից իր հոտով, կռիվներով ու կյանքով:

Ղոնդին ու Գրգըլը ծանոթացան ընդհատակյա բոլշևիկների հետ և ընդունվեցին կոմերիտականներ: Եվ երբ նոյեմբերին Հայաստանը խորհրդայնացվեց, լեռնամաս ուղարկվեց մի կարմիր զորամաս:

Մրանց մոտենալը իմանալով՝ երկուսն էլ փախան գյուղից և մտան պարտիզանական մի խմբի մեջ, որ ուղեկցում էր զորամասին:



Լեռնային գյուղը ձորերում դառնում է մրգաստան, մինչ վերև գարու արտերն են ծփում: Գիշեր է: Գյուղական տան անշուք պատշգամբ բացվում է այգու վրա, որ իջնում է դեպի ձորը: Մրոտ ճրագը հազիվ է լուսավորում սեղանը, որի հետև նստած է

կարմիր զորամասի հրամանատար Դավթյանը, հնամաշ զգեստներով և խիտ սև մորուքով: Նա հոգնած, բայց եռանդոտ դեմք ունի: Նրա դիմաց նստել են կրտսեր հրամանատար Ռուբենը, քաղղեկ Ավետը:

Ավետը երկար բացատրելուց հետո եզրակացրեց.

— Գուք գիտեք, բայց ես հարմար եմ համարում պարտիզաններից այդ երկու հոգուն:

— Ես ճանաչում եմ դրանց, շատ կտրիճ տղերք են,— ասաց Ռուբենը: Դավթյանը մորուքն էր շփում և աչքերը պատուհանի մթուձյան հառած՝ մտածում էր:

— Կտրիճ լինելը դեռ քիչ է: Դաշնակցականների շտաբում նստած է Ասատուրովը՝ դեմիկիսյան գնդապետ, նա պահանջներ կլինի դրած կամուրջի վրա՝ նշանակություն չունի թե կամուրջը իբր թիկունքումն է: Մեծ խումբ չենք կարող ուղարկել՝ կնկատվի: Մեզ պետք են երկու մարդ, կտրիճ, բայց տեղանքին շատ լավ ծանոթ, քանի որ պիտի անցնեն հակառակորդի թիկունքը և կամուրջին մոտենան, աստանան գիտե ինչ կողմնակի տեղերով: Ի՞նչ տղաներ են, պայթուցիկ նյութերին ծանոթ են: Սա է ամենից պլանավորը:

— Ծանոթ են,— պատասխանեց Ռուբենը,— պղնձահանքերում աշխատել են:

— Ենթադրո՞ւմ ես, թե հաստատ գիտես:

— Հաստատ գիտեմ:

— Գրագետ ե՞ն:

— Միականն են ավարտել, ի՞նչ ես ասում,— բացատրեց Ավետը մեծ բավականությամբ:

— Կանչիր ներս,— ասաց Դավթյանը:

Ռուբենը դուրս գնաց:

— Եթե կամուրջը պայթեցնենք, հոգեբանությունը միանգամայն կփոխվի կամուրջի թե այս և թե այն կողմում: Ես իսկույն պրոպագանդիստներ կուղարկեմ: Բայց կարծո՞ւմ ես, որ հակառակորդի հրետանին մինչև պայթեցնելը չի անցնի կամուրջը:

— Կարող է և անցնել,— ասաց Դավթյանը,— այդ դեպքում գործը տանուլ կտան գոնե երկար ժամանակ: Կամուրջը պիտի վճռի ամեն բան: Բայց պիտի կարողանան...

Տնայնագործություն չանենք. այ կգան տղերքը՝ կտեսնենք,— ժպտաց Ավետը՝ հիշելով ինչ-որ կոմիկ դեպքեր եկողների մասին: Ներս մտավ Ռուբենը՝ հետևից բերելով Ղոնդուն և Գրգըլին: Դավթյանը խոժոռ, բայց բարի հայացքով նայեց նրանց և հարցրեց.

— Ո՞րտեղացի եք:

— Վերնաշենցի,— պատասխանեց Գրգըլը:

— Ի՞նչ ընտանիքից եք:

— Երկուսս էլ մի տեսակ ընտանիքից ենք,— ասաց Ղոնդին:

— Զբավո՞ր ընտանիքից:

— Ուրիշ ի՞նչ կարող էինք լինել:

— Ուրիշ ի՞նչ,— կուլակ, միջակ...

— Կոմերիտականներ ենք,— ժպտալով ասաց Ղոնդին:

— Այդպես ասացեք,— հանգստացավ Դավթյանը:— Լավ: Ձեզ պիտի ուղարկենք մի շատ պատասխանատու գործի: Գուք պայթուցիկ նյութեր բանեցրե՞լ եք:

Ղոնդին պատասխանեց զարմացածի պես.

— Բանեցրել ենք, ի՞նչպես չենք բանեցրել:

— Շատ պարզ,— ինչո՞ւ պետք է բանեցնեիք: Որտե՞ղ եք բանեցրել:

— Պղնձի հանքերում. ամենքն էլ գիտեն, ընկեր հրամանատար,— նույն տոնով պատասխանեց Ղոնդին:

— Շատ լավ,— ասաց Դավթյանը,— հիմա ձեզ կտամ մի առաջադրանք: Պետք է նամակը հացի խմորում տանեք հասցնե վերնաշեն՝ ընկեր Վարդանին: Շատ կարևոր նամակ է: Մյուս առաջադրանքն է պայթեցնել գնդապետ Ասատուրովի թիկունքի Շուշանաձորի կամուրջը: Երկուսով եք գնալու, կամուրջը պետք է պայթեցնեք, չպիտի բռնվեք, նամակը պետք է տեղ հասցնեք. դարձյալ չպիտի բռնվեք և պատասխանը բերեք ինձ: Ամենաշատ երեք օր է ժամկետը: Երեք օրը որ անցնի՝ էլ օգուտ չունի համարյա: Կարո՞ղ եք:

— Կարող ենք,— այս անգամ խոսեց Գրգըլը, որ մինչ այդ լուռ էր:

Հրամանատարը փորձել ուզեց.

— Եթե չեք կարող, հանձն մի առնեք:

— Կենդանի շենք վերադառնա, ընկեր հրամանատար,—
ասաց Գրզըլը:

Դավթյանը կնճոտեց ճակատը:

— Գործ է պետք: Ինչ որ կգա ձեռքներիցդ՝ պիտի անեք, ոչ
մի վտանգի առաջ չպիտի կանգնեք և առաջադրանքը պիտի կա-
տարեք: Անպատճա՛ռ: Անպայմա՛ն: Կրկին եմ ասում՝ կարո՞ղ եք:

— Կարող ենք,— ասաց Գրզըլը հանգիստ ձայնով:

— Կարող ենք,— կրկինեց Ղոնդին, պակաս շմնալու համար:

Դավթյանը զննող հայացքով նայեց ընկերներին: Նրան դուր
էր գալիս նրանց միամիտ ու պարզ վստահությունը, բայց կըշ-
ուադատում էր թե ո՞րքան ընդունակ են նաև գործը կատարելու:

— Շատ լավ,— ասաց նա,— ձեզ կտանեն հիմա սակրավոր-
ների և ոտ, նրանք մանրամասն կբացատրեն:

— Հետո նամակը: Սխախտի թղթի վրա է, զգուշ դրեք հացի
խմորի մեջ: Դե, հիմա կգնաք: Ինձ նայեցեք: Զգուշ, վերին աս-
տիճանի, չբռնվե՛ք:

— Ինչո՞ւ պիտի բռնվենք, ընկեր հրամանատար,— մի քիչ վի-
րավորված հարցրեց Գրզըլը:

Դավթյանը քննող հայացքը այս անգամ գցեց Գրզըլի վրա:

— Ի՞նչպես թե ինչու: Պայթեցնողները շե՞ն բռնվում: Եթե
բռնվես՝ ի՞նչ կանես:

— Երկուս էլ կսպանվենք՝ գաղտնիք շենք դուրս տա:

— Երկուս էլ...— սկսեց Ղոնդին:

Բայց հրամանատարը ընդհատեց նրանց:

— Դուք իրար հաշվի խոսք մի՛ տաք: Երկուսդ էլ հո իրար
կպած չեք ծնվել:— Հետո դարձավ Գրզըլին.— ա՛յ կոնկրետ, քեզ եմ
հարցնում: Դու ի՞նչ կանես:

— Մենք իրար կխփենք, ընկեր հրամանատար,— ասաց
Գրզըլը:

Դավթյանը հազիվ նկատելի ժպտաց:

— Լավ, ինչպես երևում է՝ մեկդ առանց մյուսի չեք պատկե-
րացնում: Թող այդպես լինի:

— Մանկուց ընկերներ են,— ծիծաղեց Ռուբենը քթի տակ:

Դավթյանը կանգնեց:

— Շատ ուրախ կլինեմ ձեզ կենդանի տեսնել, կտրիճ տղերք

եք, բայց կամուրջը պետք է պայթեցվի և նամակը տեղ հասցվի:
Սա է ամենագլխավորը:

Գրզըլը հուզվեց:

— Եթե այդպես է՝ իմացած եղեք, ընկեր հրամանատար, որ
տասը կրակ ու ջուր կանցնենք և գործը մաքուր կկատարենք:

— Եթե գործը փշացնեք, ամբողջ գործը փշացած կլինի:
Իմացած եղեք, որ հազարավոր կյանքեր ձեզ կսպասեն,— ասաց
Դավթյանը:

Հետո մոտենալով Գրզըլին՝ ձեռքը դրեց նրա ուսին.— Ես մեծ
հույս ունեմ... դու կառաջնորդես:

Ապա դարձավ Ղոնդուն:

— Նրան մի բան եղավ՝ դու կանես... հասկանո՞ւմ եք: Դուք
երկուսդ էլ ժողովրդի զավակներ եք: Վերջապես դուք կոմերիտա-
կաններ եք:

Գրզըլը աչքերը կախեց և ամաչելով ասաց:

— Ընկեր հրամանատար, այս գլխից ի՞նչ խոսենք: Այ, երբ
գործը գլուխ կբերենք՝ հետո հեշտ է...

— Ապրե՛ս, բրավո՛ւ,— ուրախացավ հրամանատարը,— իս-
կական տղամարդու խոսք: Դե հիմա գնացեք, բարի ճանապարհ:
Ասաց ու տվեց նամակը: Գրզըլը վերցրեց այն ու Ղոնդուն
դրդեց, որ դուրս գա:

Նրանք հեռացան:

— Սակրավոր Լեոնի մոտ,— ասաց Դավթյանը Ռուբենին:

— Լսում եմ, ընկեր հրամանատար:

— Կարծես պիտի կարողանան...— խոսեց Դավթյանը մտած-
մունքի մեջ ընկնելով:

— Շատ կտրիճ տղերք են,— ասաց Ռուբենը — փորձված են:
Ընկերները ճանաչում են:

— Պետք է ոխակել,— ասաց Ավետը և ծխախոտը վառեց:

Դավթյանը մտահոգ և մռայլ կանգնեց սեղանի մոտ և խորա-
սուզվեց մտքերի մեջ:



Թանձր խավարի մեջ երկու ընկերները դուրս եկան զորամա-
սից և ճամփա ընկան դեպի թշնամու դիրքերը: Քանի որ հակա-

ուսկո՞ղմները դեռ չէին շոշափել իրար, անկարելի էր գուշակել, թե որքան էր թշնամին հեռու կամ մոտ: Ղոնդին ու Գրգըլը գնում էին ճամփից դուրս, բլուրների վրայով: Նրանք ընկղմել էին այնպիսի մի խավարի մեջ, ուր անկարելի էր գուշակել անգամ թե որքան հեռու է մինչև այն լեռը, որ այդ խավարում սևազանգված ուռչում, բարձրանում էր, դեպի աստեղալույց երկինք:

Նրանք հետզհետե բարձրանում էին մի դժվարանց լեռան լանջով: Նրանք աշխատում էին ճամփան բարձր բռնել, որ թշնամուն չհանդիպեն: Կամուրջը, որ գնում էին պայթեցնելու՝ կապված էր մի շատ խոր ձորի գետի վրա և միացնում էր երկու լեռները: Այդ լեռների անջրպետը միանգամայն անհնարին էր դարձնում հրետանի անցկացնել դեպի ռազմաճակատ: Այնպես որ՝ պայթեցնելով կամուրջը՝ թշնամու գլխավոր գեղազանցութունը՝ հրետանին՝ զրկվում էր կովին մասնակցելուց:

Երկար ժամանակ քարակույտից քարակույտ, ժայռից ժայռ մագլցելուց հետո Գրգըլը բավական համարեց վերիջը: Նրա հաշվով այժմ իրենք հասել են այն կետին, որտեղից անվտանգ կարելի էր իջնել դեպի կամուրջը: Դա Շուշանաձորի «ակունքներն» էին, այսինքն ձորի սկիզբը, ուր նա լեռնային առվակի հետ միասին սկսվում է իրրև փոքրիկ ձեղքվածք, որը ներքև գնալով հետըզհետե խորանում էր և իր մեջ առնելով ուրիշ մանր ձորերի ջրերը՝ խորանում էր և լայնանում: Անտառախիտ լանջերը ներքևից սևին էին տալիս: Այնտեղից դեպի վեր բարձրանում էին հազիվ նշմարելի արահետները, որ բարձրանալով լեռների բարձր լանջերն ու կատարները՝ կորչում էին ձյունների մեջ: Դա սարվորների արահետներն էին: Զգուշության համար նրանք դուրս եկան այդ արահետներից և սկսեցին խարխափելով իջնել սարալանջից: Իջան մտան անտառը և այնտեղ մի փոքր հանգստացան:

Նրանք ամբողջ երեկոն ու գիշերի մեծ մասը քայլել էին, ավելի շուտ մագլցել: Շատ հոգնած էին: Բայց գիշերն անցնում էր: Եթե այդ գիշեր կամուրջը չպայթեցնեին՝ լուսանալիս այլևս անհնարին էր. պետք է այն ժամանակ ցերեկը թաքնվեին անտառում և սպասեին մթնելուն:

Գրգըլը բարկացած էր Ղոնդու և իր վրա: Ղոնդու առաջարկած ճամփան անվտանգ էր, բայց հեռու էր, խլից գիշերվա ամբողջ կեսը, մինչ Գրգըլի առաջաքիած ճամփան կտրուկ էր, թեև

ավելի վտանգավոր: Իսկ հիմա էլ Ղոնդին ընկել էր մեջքի վրա և խոճափացնում էր:

— Այ շո՞ւ քեզ,— մոմոաց Գրգըլը և անհանգիստ նայեց աստղերին: «Շամփուր կշեռքը» թեքվել էր բավականին: Իր հաշվով դեռ մի ժամ ճամփա ունեին: Պետք էր շտապել: Շտապել պետք էր առավելապես նրա համար, որ թշնամու հրետանին կարող էր ամեն բուրբ անցնել կամուրջը: Եվ ի՞նչ օգուտ պայթեցնելուց...

— Ա՛յ տղա, վե՛ր,— ձայն տվեց Գրգըլը Ղոնդուն, որը անուշ քնի մեջ կազդուրում էր իր քրտնամիած, ջարդված մարմինը:

Ղոնդին շլսեց:

Գրգըլը ցնցեց նրան.

— Վե՛ր, է, ի՞նչ մեռար էլի:

— Հը՛,— դժգոհեց Ղոնդին կես արթուն վիճակում:

— Վե՛ր կաց, ուռանում ենք:

Գրգըլը ծծում էր անտառի խոնավ օդը: Թփերի սառը տերևները համբուրում էին նրա այտը, իսկ հոտավետ խոտը քնով լիքը՝ դեպի իրեն էր քաշում նրա ծանրացած գլուխը: «Զգուշ» — մտածեց նա: Բավական է գլուխը գետին դնելը — իսկույն կսահեր քնի աշխարհը և ամեն ինչ կորած էր: Գրգըլը վեր կացավ և մոտենալով Ղոնդուն՝ ոտքով քացի տվեց.

— Շա՛տ ես սատկելու: Վեր կաց:

Ղոնդին թարժած եղած վեր թռավ և ձեռքը տարավ դեպի ատրճանակը: Նա մի վայրկյանում արթուն էր և զգաստ: Իսկույն հասկացավ, որ վտանգ չկար, այլ Գրգըլն էր արթնացնողը — միամըտվեց և վերցրեց բեռը: Ու առաջ ընկան: Գրգըլը հետևեց նրան: Խոտավետ արահետը ծծում էր նրանց ոտնաձայնը: Հազիվ փրփրում էին թափված տերևները, դիպչելով նրանց ոտներին: Անտառը քնած էր հեթաթախին քնով: Այնպիսի մի խաղաղություն էր բնության մեջ, որ անհասկանալի էր դառնում կոփվը, արյունը, աղմուկը: Այդ անդորրը կարող էր ցնցվել մի որևէ դարանամուտ հրացանի պայթյունով և ամեն բուրբ: Բայց զարմանալի էր — չէր կարելի հավատալ նաև դրան:

Երբեմն Ղոնդին կանգ էր առնում և ականջ դնում: Զորք, որ հետզհետե լայնորեն էր հորանջում և բաց երախը լցնում գիշերա-

յին խավարով, սկսեց փսփսալ ինչ-որ անհասկանալի և դավադիր մի շրջյունով:

— Ա՛յ տղա, ո՞րտեղ ենք:

— Կամուրջի քերծի գլխին, — հաստատ ձայնով պատասխանեց Ղոնդին:

Գրգռը գլուխը շարժեց:

— Էս ի՞նչ խշխշոց է:

— Ջրաղացի ձայնն է:

— Սիրտդ բաղարջ է ուզում, ջրաղացի ձայն ես լսում, — հեզ-նեց Գրգռը:

— Բա ի՞նչ ձայն է:

— Գետն է:

Անտառից դուրս եկան և մտան մի բացատ: Որքա՞ն եղավ նրանց զարմանքը՝ ավելի շատ Ղոնդունը, երբ իրենց առջև մի կրակ ծկլտաց: Ուրեմն եթե մի փոքր ձախ բռնեին՝ պիտի ընկնեին այդ կրակ վառողների ճանկը: Եվ ովքեր են նրանք:

— Ղոնդի:

— Հը՛:

— Ջահր ու գխրթի՛: Ո՛ւր բերիր մեզ:

— Ի՞նչ է, է՛:

— Չոռը պի՛նչդ է: Քեզ չէի՞ ասում ձորից գնանք: Տեսա՞ր ուր ընկանք: Քշնամու բերանը:

— Ոչ մի թշնամի չկա: Մեր սարեցիների հոտաղներն են:

— Հա, ախորժակ պահի՞՝ քեզ խորոված են տալու: — Ու հան-դիմանորեն նայեց Ղոնդուն:

— Գիտե՞ս որտեղ ենք:

— Ո՞րտեղ:

— Սաքանենց արտի գլխին:

— Ջրաղացի մոտ ենք:

Գրգռը զայրացավ Ղոնդու համառության վրա: Եվ իսկույն ձեռներեցությունը վերցրեց:

— Դե հիմա սրանից հետո ես գիտեմ ճանապարհը: Ե՛կ:

Ու շուտ տվեց դեպի աջ՝ ձորափի ուղղությամբ:

Ղոնդին հետևեց նրան՝ ինքն զգալով, որ իր ձեռներեցությունը վիժեց:

Նրանք զանդադ ու խարխափելով սկսեցին քայլել ձորափով:

Գրգռը արահետ էր որոնում իջնելու ձորը: Կրությունը շատ բարդ էր: Պետք էր իջնել ձորը կամուրջը գտնելու, միաժամանակ անաղ-մուկ շարժվել, քար չզլորել, չնկատվել: Ո՞վ է իմանում թե ի՞նչ մարդիկ կարող էին հանդիպել: Ամենից հավանականը խմբերն էին, որոնք վխտում էին այս լեռներում և ձորերում: Իսկ եթե գյուղացիները լինեին, նրանք ևս անվտանգ չէին: Նայած թե ի՞նչ գյուղացի է:

Կրակը որ պլպլացել էր մի քիչ առաջ՝ հանգավ: Այնտեղից ձայն չէր լսվում: Կարծես ովքեր որ էին՝ վերջացրին իրենց գործը և հեռացան:

Գրգռը ու Ղոնդին կանգ առան մի մուտի գլխին: Մուտը բանուկ շավիղի գլխին էր: Ուրեմն կարելի էր իջնել ձորը, կամուրջը գտնել: Բայց նաև կարելի էր հանդիպել մարդկանց: Ընկերներն ավելի լարվեցին:

Իսկ գիշերն անցնում էր:

Հանկարծ Գրգռը կանգ առավ: Նայեց շուրջը և մթան մեջ նկատեց իրեն ծանոթ քարեր և հասկացավ իրենց՝ ուր լինելը:

— Տեսա՞ր...

— Ի՞նչ է...

— Բեր դինամիտը ինձ մոտ:

— Ի՞նչ կա:

— Բեր թաղենք:

— Ինչո՞ւ թաղենք... թաղելու համար բերի՞նք:

— Գլո՛ւխդ մեռնի, համ մենք բռնվենք, համ էլ դինամիտը:

— Տես ուր ենք: Սա Սաքանենց արտը: Կամուրջը այն կողմը մնաց: Այսպես եթե ուղիդ գնանք՝ կընկնենք այն կրակ անողների ճանկը: Պիտի հետ դառնանք, ձորի մյուս ափից մոտենանք: Դե մինչև գնանք կլուսանա:

Ղոնդին զարմացած նայեց Գրգռին:

— Ուրեմն կամուրջը մնա՞ց...

— Կամուրջը կարող է մնալ կամ չմնալ: Այ այսպես կտենենք: Այսպես թաղելով քիչ-քիչ առաջ կգնանք: Եթե չպատահեցին՝ կփորձենք պայթեցնելը, եթե ոչ դինամիտը ազատենք: Մենք չհանգամք:

— Է, լավ: դինամիտը չկա, այ մեռած:

— Գլուխդ չի՞ մտնում, որ եթե դինամիտը բռնվի՝ կիմանան, որ կամուրջի համար ենք եկել:

— Խելոք բան ես ասում: Դե, ապա՞:

Դինամիտը շատ զգուշ փաթաթեցին և թաքցրին քարերի մեջ: Խեղդիլը ավելի բարդվեց: Պետք էր և տանել դինամիտը և թաքցնել շարունակ, նայած թե որքան վտանգավոր էր որոշ բուստի և որքան անվտանգ հետևյալ ժամանակ:

Գրգռիկն սակայն զբաղեցնում էր թե ովքեր էին կրակ վառողները: Եթե խմբեր էին, ի՞նչ բան ունեին կրակի հետ: Նրանք, ճիշտ է, թիկունքում էին և կովի բռնվելուց հրկյուղ չէին կարող ունենալ, բայց և այնպես կարող էին զգուշանալ իրենց տեղը մատնելուց, եթե դուրս էին եկել դասալիքներ որսալու, կամ հետախուզելու թե արդյոք չկա՞ն այս մոտակա լեռներում պարտիզանական խճերը: Վերջիններիս մասին խոսում էին ածգամ բուլճիկյան թիկունքում: Գրգռը անգամ լսել էր այդ մասին ֆրոնտից այն կողմում: Ախորժիկի շէր նրա համար նաև հանդիպել անժանոթ գյուղացիներին, որոնք ինչքան էլ բարյացակամ լինեին՝ միևնույն է՝ կզնային և կտարածեին լուր, որ կասեցնելի մարդիկ են երևացել ֆրոնտից այս կողմ: Նա սկսեց մտատանջվել: Հիրավի վիճակը ծանր էր: Մի կողմից գործը պետք էր անպատճառ շուտով կատարել, «ժամկետով», դա խանգարվում էր ամեն բուստի ճակատագրական հանդիպումների երկյուղով, մյուս կողմից գիշերն անցնում էր: Պետք էր մի բան վճռել: Այսինքն ուսկի՛լ: Իսկ ուսկի՛ն այդ դեպքում նույնպես վտանգավոր էր, քանի որ առաջադրանք էր տված — անպայման պայթեցնել կամուրջը:

— Լսիր, — ասաց Ղոնդին, — դրանք կարող են նաև պարտիզաններ լինել:

— Կարող են: Բայց ի՞նչպես կարող են վաղաժամ հայտնվել: Չէ, պարտիզանի բան չի: Խմբեր են, ապահով են զգում իրենց, կրակ են վառում:

— Ուրեմն ի՞նչ անենք:

— Ինչ ուզում է լինի՞ պետք է այս գիշեր գործը գլուխ բերենք: Հետո կարելի է, բայց ուշ կլինի: Ռիսկ է, կամ կհաջողվի կամ ոչ: Գուցե կայտնի, ես մի գնամ նայեմ:

Եվ Գրգռը իջավ մուտից:

Ղոնդին, որ ավելի անհոգ էր, բան Գրգռը՝ գլուխը շարժեց:

Նրա հուշերի մեջ զարթնեցին այնպիսի գիշերներ, երբ նա դարան մտած հետապնդելիս էր եղել այլ նպատակների — այն է՝ ոչխարի հոտերից գառ փախցնելու: Դա շատ վաղուց էր: Երբ նա Գրգռի հետ աշակերտ էր գյուղական դպրոցի: Ո՛ւր այն վտանգը, ո՛ւր այս: Ղոնդին մի բուստ մոտացավ թե ինչու համար է սկսել այս ճորտափր և մտքով գնաց դեպի պատանեկական անհոգ օրերը: Բուլճուր հուշերը կապված էին մի շղթայի մեջ — դա իր ընկերն էր՝ Գրգռը: Կյանքը դառել էր նրա համար երկու հոգով ապրելու մի վայր: Եվ Ղոնդին ժպտաց յուրովի, մտածելով, որ մանկությունից մինչև աճա այս գիշերային գործը նա Գրգռի հետ է:

Ինչո՞վ պիտի վերջանա այս ընկերությունը: Ակամա մտածեց այս մասին Ղոնդին և ժպտաց կրկին: Ղոնդուն ուրիշ ոչինչ չէր պատկերանում, քան կյանքը դարձյալ Գրգռի հետ: Ահա թե ինչու նա չէր մտածում վտանգի մասին և զարմանում էր, որ Գրգռն անհանգիստ էր և ներվային: «Մեռնել՝ մեռնել» — մտածում էր նա — «Բայց հո միասին՝ կլինենք»: Մահն անգամ չէր մոռացնում նրա պայծառ սիրտը:

Ձորի խավարից դուրս սողաց Գրգռի սև կերպարանքը:

— Ներքևում մարդ չի երևում:

— Բաս գնանք:

— Էլ քեզ լսողի հե՛րն անիծած, — մրթմրթաց Գրգռը և սկսեց գինամիտը հանել քարերի միջից:

Ղոնդին, որ քաղցր մտքերից հանգստացել էր՝ մի քիչ զարմացավ:

— Ա՛յ տղա, ի՞նչ ես կպել ինձ:

— Սո՛ւս կաց, թե չէ՝ հիմի շգիտեմ ինչ կանեմ, — զայրացած շշնջաց Գրգռը: — քո խելքով գնացի, որ այս օրին ընկա:

— Դե հիմի կպատահի, ի՞նչ անենք: — Կփորձենք՝ գուցե բան դուրս գա:

Գրգռը խել չնայեց նրան:

— Իսկ եթե դուրս չգա:

Ղոնդին լրջացավ:

— Դե ինչպե՞ս անենք հիմի, սխալ եկանք:

— Զգիտեմ, պիտի պայթեցնեմ զահրումարք, որ հետն էլ պայթեմ՝ պիտի պայթեցնեմ:

— Է, կարծում ես քեզ մե՞նակ կթողեն՞՞մ, Գրգռը քան: Հո-

գո՛ւտ մատաղ,— կրկին կատակի տվեց Ղոնդին ու գրկելով Գրգըլի գլուխը համբուրեց:

— Թո՛ղ, գլո՛ւխդ կշարդեմ,— հետ մղեց Գրգըլը: Ղոնդին ծիծաղեց ու սկսեց օգնել Գրգըլին:

— Շուն ես կտրել այս գիշեր:

Գրգըլը փնչաց, հավաքեց գործիքներն ու վեր կացավ: Կրկին վայր դրեց:

— Կա՛ց, մի գնամ էլի աչք ածեմ: Թե մարդ չկա ու անիծածները հեռացան՝ գուցե ճղենք անցնենք այն կողմը: Շրջապատված ենք, անիծածը:

— Չուշանաս:

— Որ վրա հասնեն՝ հեռացիր թաղած տեղից՝ հետքեր չգտնեն:

Գրգըլը դարձյալ գնաց ձորի կողմը: Նա շարժվում էր անվճռական ու խսկույն էլ հետ դարձավ:

— Բեր դինամիտը:

— Ախր, ասում եմ...

— Շատ մի՛ խոսի:

Նրանք քայլեցին դեպի ձորը:

Սակայն հազիվ էին հասել ձորի պոռնոգին, որ հետ ընկերկեցին: Այնտեղից մարդիկ էին բարձրանում: Հետ վազեցին: Բայց այս անգամ էլ ձորափից ինչ-որ սովերներ շարժվեցին նրանց վրա: Նրանք նկատել էին սրանց այն ժամանակ, երբ սրանք շարժվում էին դեպի ձորը:

Գրգըլը դիպավ Ղոնդուն և միայն այսքանը ասաց:

— Իմ հետևի՛ց:

Եվ փախավ ձորից դեպի մոտակա բլուրը, մտադրվելով ընկնել անտառը, այնտեղից էլ լեռան լանջը: Ղոնդին մեքենաբար հետևեց նրան: Սովերներն աղաղակեցին:

— Բռնեցե՛ք:

Ու կրակեցին:

Անտառը մոտ էր: Ղոնդին կանգ առավ հանկարծ և կրակեց ատրճանակը: Սա կարծես թե կասեցրեց հետապնդողներին: Բայց դա մի վայրկյան էր: Սովերները նորից վազեցին և հասան նրանց:

— Չսպանե՛ք,— հրամայեց մեկը բամբ ձայնով:

Հետապնդողները պինդ բռնեցին փախչողներին ու կանգ առան: Մթան մեջ լավ չէր որոշվում նրանց դեմքերը, բայց որոշ լավում էր նրանց շնչասպառ հեռոցը, որը խառնվեց փախչողների հեռոցին:

Գրգըլին ու Ղոնդուն քաշ տվին դեպի ձորափ: Ծրկ-երկու հոգի այնպես պինդ էին սեղմում բռնվածներին, կարծես գազաններ էին որսացել և վախենում էին նրանց կծելուց:

Նրանց տարան մի մեծ քարի մոտ, որի վրա նստած էին երկու հոգի: Դրանք փափախավոր, փամփշտակալները խաշաձև կրծքներին կապած հաղթանդամ տղամարդիկ էին:

Մոտ տասնհինգ հոգի նույնպես զինված տղամարդիկ էին մյուսները, որ խիտ օղակով սեղմել էին բռնվածներին: Մեկը միայն ճիգ էր անում ճեղքել շղթան և ձեռքով մի կողմ էր ուզում քշել նրանց:

— Ո՞րդ էիք կրակողը,— գոռաց նա:

— Թո՛ղ, մեջտեղ բերեք դրանց,— սաստեց քարի վրա նրստածներից մեկը:

Հարձակվողը զսպվեց ու մոմռալով հրացանը ցած դրեց կոթի վրա:

Քարի վրա նստածներից մեկը, որի ձայնից երևում էր, որ նրանցից հասակավոր է և գլխավորը՝ շոր հազաց:

— Երկուքդ էիք, թե՛ էլ կայիք:

— Երկուսս էինք,— պատասխանեց Գրգըլը գործնական ձայնով, կարծես դատական քննության առջև էր:

— Լա՛վ տղաք կերևիք,— սկսեց կեղծավոր ձայնով քարի վրա նստածը, որը արդեն պարզ էր, որ խմբապետ էր,— դե հիմա եթե ըսեք՝ մնացածները ո՛ւր փախան և քանի հոգի էին՝ խոսք կուտամ, որ ձեզի վնաս չի գար:

— Ինչո՞ւ կրակեցիք,— նորից հարձակվեց հետև կանգնածների մեջ այն հետապնդողը, որն ինչպես երևում է՝ վտանգվել էր զնդակից:

— Սերո՞բ, հե՛տ քաշվի,— հրամայեց խմբապետը,— կովի մեջ կկրակեն, կարգն այդ է: Մինակ թե, ինձի ըսեն թե քանի հոգի էին և ինչ տեղեն հայտնվեցան հոս:

Կուռթյուն:

— Չե՞ք ըսեր,— հարցրեց խմբապետը:

Գրգռըն ու Ղոնդին սպասում էին կրակոցի կամ ծեծի: Բայց խմբապետն անսպասելի կերպով զիջեց կարծես:

— Լավ չեք ընեք:

Ու դարձավ զինվորներից մի քանիսին:

— Տարեք զնդապետին: Գևորգ,— դիմեց նրանցից մեկին,— քեզի կհանձնեն՝ նրանց ողջ հասցնես զնդապետին: Իմացա՞ր: Գլխովդ պատասխանատու ես: Իսկ դուք, կտրիճ երիտասարդներ, կմեղքնամ ձեզի և խորհուրդ կուտամ ճշմարտությունն ըսել զընդապետին: Տարեք:

Զինվորները կապեցին Գրգռլին ու Ղոնդուն և կոպիտ հրեցին զեպի բլուրը:

Գրգռը հասկացավ, որ իրենց հետ են տանում դեպի Ֆրոնտ, ուր պիտի լիներ խմբապետի ասած զնդապետը: Ըանապարհին նա մտածում էր խմբապետի տարօրինակ վերաբերմունքի մասին: Նա նրանց անվանեց «կտրիճ» երիտասարդներ, ասաց, որ խղճում է նրանց, և վերջապես խստիվ պատվիրեց, որ նրանց ձեռ չտան... Ի՞նչ էր նշանակում այս: Գթասրտություն, թե կեղծավորություն: Իսկ զնդապետի մոտ ուղարկելը...

Զէ, լավ բան չէր կարելի սպասել: Ընդհակառակը՝ դա շարագուշակ մի բան էր:

— Շա՛տ պիտի գնանք,— հարցրեց Գրգռը զինվորներին:

— Գնա՛,— եղավ պատասխանը և հրացանի կոթը հարվածեց նրա թիկունքը:

Ղոնդին շարժում արեց թուկի միջից ազատելու ձեռքերը: Նա ուզում էր հարվածել խփողին: Սա հասկացավ և հրացանը բարձրացրեց:

— Ի՞նչ ես ոլորվում, սատկա՛ծ:

— Ինչո՞ւ ես խփում:

— Հա՛... դու մնացիր պակա՛ս, ահա մինն էլ քեզ,— ասաց շարախնդորեն զինվորը և մի հարված էլ հասցրեց Ղոնդուն:

Գրգռը կանգ առավ:

— Շա՛տ պետք է լրբություն անեք:

Զինվորները հրացանները ուղղեցին զեպի նրան, և նրանցից մեկը հրացանի փողը մոտեցրեց Գրգռլի քթին:

— Հը, ուզում ես, որ սատկեցնե՛նք:

— Ձեզ ասում եմ լրբությունը թողե՛ք,— ատամները կրճտացնելով ասաց Գրգռը:

— Ի՞նչ կանես,— հեգնեց զինվորը:

— Ես գիտեմ ինչ կանեմ,— պատասխանեց Գրգռը, բայց զինվորներից մեկը, Գևորգը, որին խմբապետն հանձնել էր բռնվածներին կենդանի հասցնել զնդապետի ձեռք՝ արգելեց զինվորներին խոսել բռնվածների հետ և բռնելով Գրգռլի ուսից կոպիտ բռթեց առաջ:

— Դե՛, շան լեզուդ քե՛զ պահի, գնա՛:

Բարձր բլրից ներքև, հովտի մեջ, խավարի ծոցում ընկղմած գյուղը նման էր մռայլ քարակույտի: Մի ճրագ, փոքրիկ լուսամուտի պես, ծանր սողաց մթան մեջ ու անհետացավ: Երկար ժամանակ օրորվում էր գյուղի անորոշ կերպարանքը և հետզհետե մոտենում: Մի պտույտ ևս և ահա շները հաչեցին: Մռայլ ստվերներ շարժվեցին մի խրճիթի դռանը: Բայց ոչ ոք առաջ չեկավ: Գյուղի փողոցները մեռած էին: Ոչ մի շուն: Զինվորներն անցան գյուղի հրապարակը և մոտեցան մի մեծ խրճիթի, որ պատշգամբ պես մի բան ուներ դռան մոտ: Կանգ առան հեռվում:

— Ո՞վ է,— ձայն տվեց պահակը:

— Կալանավոր ենք բերել, կանչիր:

Պահակը մեղմ սուլեց:

Գուրս եկավ մի ստվեր, մոտեցավ:

— Պարոլը:

— «Այգի»,— ասաց Գևորգը:

Ստվերն ավելի մոտ եկավ:

— Ներսն ո՞վ կա,— հարցրեց նրանց զլխավորը, Գևորգը:

— Քնած են,— եղավ պատասխանը:

— Սրանց ո՞ւր տանեմ:

— Գոմը:

Գրգռլին ու Ղոնդուն տարան խրճիթի հետևը, ուր գոմն էր և բռթեցին ներս:

Երկու ընկերները՝ կարծես երազի մեջ՝ մտան գոմը: Մտատանջությունը, սաստիկ անհանգստությունը իրենց հանձնարարած

գործի այսպիսի ելքից այնքան էր սուր, որ հոգնութիւնը չէին ըզգում: Բարոյական տանջանքը ավելի ուժեղ էր: Մինչև անգամ մոտալուտ մահը, որ հաստատ կանգնած էր նրանց առջև՝ չէր զբաղեցնում նրանց:

— Խայտառակվեցի՞նք, — ասաց Գրգըլը և գլխարկը գետին խփեց:

— Վե՛րջ, — հաստատեց Ղոնդին:

— Հիմա ի՞նչ անենք, — հարցրեց Գրգըլը Ղոնդուն, — ամբողջ գործը կքանդվի:

Ղոնդին զարմացած նայեց Գրգըլի կողմը՝ թեև չէր տեսնում նրա դեմքը:

— Այսինքն ի՞նչպես թե ինչ անենք, պետք է հանգիստ մեռնենք:

— Ապա գո՛րծը:

— Գործը վերջացա՛վ:

Աքաղաղները կանչում էին: Այն ժամն էր, որ ուրիշ ժամանակ մի որևէ սայլ սկսում էր ճոնչալ փողոցում, կամ ձիավորի ձին դոփելով գետինը, անցնում էր ու զարթեցնում աշխատավոր շինականին: Ոչ, աշխատանք չկար, գյուղը մեռելային քնի մեջ էր: Գտնվելով ֆրոնտի մոտ՝ նա անձկութեամբ սպասում էր դեպքերի վախճանին:

Գրգըլն սկսեց ականջ դնել, որ իմանա թե գյուղում ի՞նչ է կատարվում, կամ չե՞ն գալիս արդյոք տանելու...



Խրճիթի սենյակներից մեկում նստած էր խմբապետը: Նա հասակավոր էր: Երբեմն ելումուտ էր անում մի այլ զինվորական՝ շոր ու ցամաք և լուրջ մի սպա, որը մկան նման աչքերը դես ու դեն էր ման ածում և շարունակ ինչ-որ բան էր որոնում:

Սեղանին դրված թույլ ճրագը հազիվ էր լուսավորում սենյակի ծխոտ սև պատերը: Իսկ միակ պատուհանի հետև թանձրացած էր կեղտոտ խավարը:

Խմբապետը դարձավ դեպի շորուցամաք զինվորականը.

— Պարոն կապիտան, ի՞նչ կըսե գնդապետը, պիտի հարձակվե՞նք բոլշևիկներուն վրա:

Կապիտանը շեմոդանը խառնելով և ուշադրութիւնը դեպի այն կողմը՝ հազիվ քթի տակ, պատասխանեց.

— Օժանդակ մասերի ենք սպասում:

— Մինչև օժանդակ մասերը գան՝ թշնամին ու դավաճանները մեզի կխեղդեն ճակատեն ու թիկունքեն:

— Ուրիշ կերպ չենք կարող: Հրետանին պետք է հասնի:

Խմբապետը ծուխը բաց թողեց իր թավ բեղերի միջից և տխուր մտածելով ասաց.

— Դավաճաններ օր-օրի կշատանան: Քշնամու կողմ անցնողներ բազմաթիվ են:

— Դավաճաններ կան՝ բռնեցե՞ք բերե՞ք:

— Ահա այս երկուքին բռնեցի. մեկ ուղեցա վերջացնել, մեկ ալ ըսի ուղարկեմ շտաբը, սխմենք բան իմանանք:

— Ո՛ւր են:

— Գոմում:

— Գնդապետը քնա՞ծ է:

— Չէ, նոր ընթրեց:

Կապիտանը, որ մինչև այժմ մոռյլ էր և խմբապետի հետ խոսում էր անկամ ու թափթփված շեշտով՝ հանկարծ ժպտաց և աղաչական ձայնով դիմեց նրան՝ մոտենալով.

— Լսիր, Սեյրան, ինձ մի լավ ձի է պետք: Գյուղացիներից պոկիր:

Խմբապետը դրստվեց տեղում և լուրջ շեշտով.

— Շատ աղեկ, ձի մը ղրկեմ քեզի:

Այդ միջոցին հարևան սենյակի դուռը դանդաղ բացվեց և ներս մտավ գնդապետը: Նա քառասունից քիչ անց, թիկնեղ և խըստադեմ տղամարդ էր: Քիչ խմած էր և հղիացած: Սակայն լուրջ և խուզարկող աչքեր ուներ: Նա հայացքը պատեցրեց ներկա եղողների վրա և եկավ նստեց սեղանի մոտ:

— Չո՛րտ վազմի, — մոմոաց նա, — գերմանական ֆրոնտ դարձրին անիծածը: Խրամատային կռի՛վ են ուզում վարել: Այս պարտիզանական շարժումը սպանեց մեզ:

Հետո դարձավ խմբապետին.

— Նու, ի՞նչ նորութիւն:

— Դասալիքներ շատացել են, պարո՛ն գնդապետ:

Գնդապետը դեմքը ծանրացրեց դեպի սեղանը և գինովի լըր-
շությամբ մոմռաց.

— Դա տխուր բան է, շատ տխուր բան է:

— Ես կզարմանամ այս գյուղացիներուն վրա, — գանգատվեց
խմբապետը: Ասոնք հայրենիքի գաղափար չունի՞ն:

— Դա տխուր բան է, շատ տխուր բան է, — մոմռաց նույն
տոնով գնդապետը և գինովի մոռացության մեջ ընկած սկսեց ան-
բձաստ նայել իր առջև դրված քարտեզին:

— Երեկ էր, — շարունակեց խմբապետը, — հավաքեցի գյուղա-
ցիներուն, խոսեցի, հրամայեցի, որ կովին, խոսք տվին, երդում
ըրին — բայց գյուղացի են խորամանկ — իրենց բանը գիտեն և չեն
կովում:

— Դա տխուր բան է, շատ տխուր, — մեքենաբար կրկնեց
գնդապետը:

Նրա գլուխը հաճելի գլխապտույտի մեջ էր:

Հանկարտ արթնացավ գինով վիճակից.

— Նու, ի՞նչ եք անում հիմա: Հեռախոսագիր կա՞:

— Լո՞ւն են ինչ-որ: Կասկածելի է:

— Թողչեիկներն էլ սպասում են օժանդակ մասերի, — խմբա-
պետը հազաց և շարժվեց տեղում:

— Այն երկուքին հարցուփորձ չե՞ք ընել:

— Զգնդակահարեցի՞ք, — հարցրեց գնդապետը կապիտանին:

— Ոչ, — պատասխանեց նա, — սպասում ենք, որ հարցաքն-
նենք:

Կապիտանը դուրս գնաց:

— Ո՞րտեղ բռնեցիք, — հարցրեց գնդապետը քնատ ձայնով:

— Կամուրջին վերևը, ջրաղացին քով: Թե չհասնեի՝ պիտի
անցնեին ճակատը՝ բողջեիկների կողմը:

Գնդապետը թեթև հեզնական նայեց խմբապետին.

— Ինչո՞ւ եք ենթադրում, որ այստեղից էին գնում բողջեիկ-
ների կողմը: Գուցե հակառակն էր:

Ներս մտավ կապիտանը երկու պահակով մեջներն արած
Ղոնդուն և Գրդըլին: Նրանց թևերը կապած էին:

Գնդապետը բերանը ծռեց.

— Ահա՛, պատվելիներ՛ս, պատի՛վ ունեմ ողջունեիլու...

Ու շրթունքները ծծելով սկսեց թուրը կուլ տալ:

Խմբապետը նայեց և ասաց.

— Ահա՛, տղա՛քս: Պարոն գնդապետին անկեղծ խոստովա-
նեցե՛ք մամն բան: Եթե ճշմարիտը խոսեք՝ ես կմիջնորդեմ որ
կյանքներդ խնայե:

— Ո՞րտեղացի եք. ո՞վքեր եք, — հարց տվեց գնդապետը:

Գրդըլն ու Ղոնդին շպտասխանեցին, այլ անորոշ նայեցին
գնդապետին:

Գնդապետը ճիգ արեց լրջանալու և կենտրոնանալու և սկսեց
մեղադրականը:

— Ձեզ բռնել են ջրաղացի վերևը, մեր թիկունքում: Ո՞ր կողմ
էիք գնում: Լսո՞ւմ եք...

Ուզում էր խիստ տոնով մի բան ասել, բայց բարվոք համա-
րեց դեռ զսպել:

— Բայց ա՛յ, եթե խոսեք, մի բան պատմեք, կասեմ, որ
կտրիճ տղերք եք:

Ու հարբածի ժպիտով բերանը ծռեց:

— Պատմեցե՛ք, — կրկնեց խմբապետը:

— Իհարկե, կպատմեն: Նո՛ւ... — աշխուժացավ գնդապետը, —
ո՞րտեղացի եք:

Գրդըլը հազաց և շատ սառը պատասխանեց.

— Ի՞նչ օգուտ ունի ասելը, — մին չի՞...

Եվ դառը ժպտաց:

— Օգուտ ունի — կազատվեք, — ասաց գործնական եղանա-
կով գնդապետը և դարձավ Գրդըլին.

— Դու ո՞րտեղացի ես:

— Էլ բան չունենք ասելու, — պատասխանեց Գրդըլը նույն
եղանակով:

Լուսթյուն տիրեց: Այն լուսթյունը, որին անմիջապես հետե-
վում են բավական դաժան բաներ: Կապիտանը, որ չեմոզանը
խառնելուց չէր դադարում, թողեց գործը և հետաքրքրված վեր նա-
յեց: Խմբապետը ևս նայեց գնդապետին: Բայց սա ըստ երևույթին
դեռ չէր «վճռում»: Ընդհակառակը՝ ավելի մեղմացրեց ձայնը.

— Ո՛չ: Այդպես չի կարելի պատասխանել: Ասացեք մանրա-
ման, այ, ո՞ր գյուղացի եք, ո՞ր կողմն էիք գնում, ի՞նչ կապ
ունեք բողջեիկների հետ... մեկ-մեկ լավ կպատմեք, կասեք, քա-

նի հոգի էիք: Մի՛ վախենաք, մենք նրանց վնաս չենք տա: Այ, խմբապետը կխոստանա, որ նրանց բոլորին վերցնի իր խումբը, դուք բոլորդ կկռվեք մեր հայրենիքի թշնամիներին դեմ:

— Խոսք կուտամ, որ բոլորիդ կընդունեմ խմբիս մեջ,— կցեց խմբապետը:— Ձեզի պես կտրիճ տղաքը ափսոս են, որ տուներին մնան: Ես գիտեմ, ձեզի մոլորեցրեր են, խաբեր են, թե խումբեր գյուղերում վնաս կուտան, գազան են: Այ տեսեք, ինչպես բազր կխոսենք հետներդ: Կուզե՞ք՝ բաց կթողնենք, ուր կամենաք կզնաք: Դե՛, տղաքս...

Լուսթյունը եղավ պատասխանը:

Գնդապետը կրկին մեղմաձայն խոսեց.

— Ես հայ ազգի կադրային զինվոր եմ: Ես շատ եմ կռվել գերմանացիների, ավստրիացիների, թուրքերի դեմ, շատ բան եմ տեսել: Թշնամին — ճիշտ է, բարեկամ է դառնում: Մենք բարեկամ կդառնանք, դուք շատ լավ կծառայեք մեր բանակում: Միայն մի ծածկեք, ամեն բան մանրամասն պատմեցեք: Խնչ օգուտ, որ ձեզ սպանենք: Գործը տանուլ եք տվել: Եվ այն էլ կա, որ վաղը մյուս օրը ամբողջ Հայաստանը կմաքրենք բոլշևիկներից: Դա ամենագլխավորն է: Նո՛ւ, պատմեցե՛ք:

Գրզըլի և Ղոնդու լուսթյունը, որ արհամարհանքի արդյունք էր՝ արդեն սկսում էր համբերությունից հանել գնդապետին: Եվ՛ սա, որ շնայած հարբած վիճակին՝ դեռ պահել էր իրեն հատուկ զգաստությունը՝ արդեն մի բուպե կատարյալ լուրջ եղանակով դիմեց նրանց:

— Դուք, գիտե՞ք, սուտ էջ մի՛ ձևանաք: Շատ լավ հասկանում եմ, որ ամեն բան հասկանում եք: Գիտեմ շատ բան եք տեսել գյուղում, զորքի մեջ, շատ լուրեր եք հավաքել, որ տանեք բոլշևիկներին: Գուցե ձեզ համար լավ էր, որ տեղ հասցնեիք այդ լուրերը: Բայց ի՛նչ արած, բախտներդ չբանեց, և լավն էլ այդ էր: Հիմա օգուտ չունի պահելը: Հետո՛ չեմ կարծում թե մեռնել ուզենաք:

— Այո, այո, երիտասարդ եք և պետք եք ազգին,— կցեց խմբապետը:

Գնդապետը հազաց և տեղում դրստվելով սպասեց.

— Լսում եմ: Սկսեցե՛ք:

Կրկին լուսթյուն:

Գնդապետը վեր կացավ, գնաց մյուս սենյակը: Կապիտանը շարախինդ աչքերով հետևեց նրան, մոռյլ նայեց երիտասարդների խմբապետը, և լուսթյան մեջ, որ այլևս ծանր էր՝ սկսեցին ականջ դնել մյուս սենյակից լսվող թույլ շրջյուններին: Գնդապետը բաժակը դիպցրեց գինու շշին. դա պարզ էր: Ուրեմն նա այնտեղ խմեց: Դա կապիտանի համար նշան էր, որ «պատմությունը» շուտով կվերջանա: Նա ժպտաց քթի տակ: Գնդապետը ներս եկավ մյուս սենյակից և բերանը թթվեցրած, դեմքը ուռած, օրորվելով կանգնեց դռան մոտ, հետո դանդաղ եկավ նստեց սեղանի մոտ, վառեց մի պապիրոս: Մխեց: Հետո խոժոռ, բայց զուսպ նայեց կալանավորներին:

— Լեզուներդ պապանձվե՛լ է:

Հետո հո՛հաց:

Ու արհամարհանքով դարձավ կալանավորներին.

— Հո՛ւ՛հ, վախկո՛տ նապաստակներ:— Հանեց նազանը և դրեց սեղանի վրա:

Լուսթյունը, որ մի անգամ կարկամեցրել էր ամեն ինչ՝ շարունակվեց:

— Ձե՛ք խոսում... հասկանո՛ւմ եմ: Շների պես վախեցած եք: Հետո վեր կացավ, մոտեցավ Ղոնդուն և քիթը մոտեցնելով նրա դեմքին՝ բերանը ծամածոցեց.

— Է՛յ... հիո՛ւ՛հ... լեզուդ հանիր, տեսնեմ:

Նույնը արեց նաև Գրզըլին.

— Հը, լեզուդ...

— Իշացել են,— դարձավ խմբապետին և հո՛հաց:

Նրան ձայնակցեց խմբապետը, որին հետևեց և կապիտանը:

— Նու, ճշմարի՛տն ասացեք. դուրս էիք եկել թալանի՛, թե՛ բոլշևիկների կողմն էիք անցնում,— սուր նայեց նրանց գնդապետը:

Դռան հետևը ինչ-որ խլրտաց: Դուրսը ինչպես երևում է մարդիկ սպասում էին հետաքրքիր տեսարանին:

— Սրանք խուժաններ են, ո՛րտեղից հանցիք, թե կռվողներ են: Խուժաններ են, դուրս են եկել թալանի, գողության...

— Այո, և եթե ճշմարիտը խոստովանին՝ ես իրենց կառնեմ խմբիս մեջ,— ասաց խմբապետը:

— Այդ կարելի է,— հավանություն տվեց գնդապետը:

Բայց բռնվածները լռում էին:

— Չե՞ք խոսում,— հանկարծ կատաղեց գնդապետը և բռունցքը սեղանին խփեց,— ես ձեզ խոսել կտամ, շան լակոտներ: Ձեզ պեսներին չէ՞ մենակ, որ խոսեցրել եմ:

Վերցրեց նագանը և դարձավ խմբապետին ու կապիտանին.

— Մի կո՞ղմ:

Նրանք քաշվեցին մի կողմ: Գնդապետը նագանը բռնեց Գրդըլի ձակատին.

— Քո հերն եմ անիծել... դե, որ չես խոսում...

Կարծես պիտի կրակեր: Բայց չկրակեց. այլ սկսեց ատրճանակը պտտեցնել մերթ Գրդըլի, մերթ Ղոնդու ձակատի վրա: Հետո ցած բերեց ատրճանակը և գլուխն օրորեց.

— Դողա՞ց խարդախ հոգիներդ: Ծների պես վախեցած եք: Մի՛ վախենաք,— գոռաց նա հրամանի ձայնով,— կռիվ եք դուրս եկել՝ շան որդիք, կովեցեք, մեռեք, ինչպես վայել է զինվորին: Ապա ի՞նչ, կարծում եք կատա՞կ բան է կռիվ դուրս գալը, փլա՞վ է՝ ուտեք: Դե շո՞ւտ, ասացեք թե ձեզանից ո՞րն է ղեկավարը: Թող մեկը մյուսին մատնի: Մատնողին կազատեմ: Դարձյալ լռում ե՞ք: Ի՞նչ, վախկո՞տ շեեր: Տեսնում եմ՝ ինչ եք դառել:—Ու ատրճանակը սեղանին դրեց:

— Դե, որ այդպես է՝ չեմ խփում ձեզ: Ձեզ հիմա փակել կտամ գոմում, այս նագանն էլ կտամ ձեզ: Գնացեք ու որ մեկը որ մյուսիդ խփեցիր սրանով՝ նրան կազատեմ: Պատվավոր զինվորականի խոսք: Կազատեմ, ուր կուզի թող գնա, շան տեղ էլ չեմ գցի, ու այդպիսի վախկոտ շանից վնաս չկա: Իսկի ափսոս էլ է, որ այստեղ մարդ ձեռք կեղտոտի ձեզնից մեկն ու մեկին սպանելով:

Հետո նստեց աթոռին.

— Իսկ եթե իրար չեք խփի՝ քարափից վայր գցել կտամ ձեզ: Պատվավոր խոսք: Դե՞, մա՛րշ:

Եվ կապիտանին, որ կես շփոթված, կես ժպտալով նայում էր իրեն և հետո զվարճացավ այս տեսարանով, հանել էր ատրճանակը և պատրաստվում էր տանել կալանավորներին գնդակահարելու՝ գնդապետը զսպեց.

— Չհամարձակվել: Իրենք պիտի իրար խփեն: Ասացի, այդ-

պես էլ կլինի: Մի՛ փամփուշտ միայն դրեք, ավելի ոչ: Դե, հիմա տարեք:

Խմբապետը ծիծաղեց: Ծիծաղեց և կապիտանը, սրամիտ գտնելով գնդապետի «կատակը», մանավանդ որ տեսնելով նրա գինովությունը՝ նա կարծում էր, որ միայն մինչև լույս կտևի այս «կատակը»:

— Գնանք,— դաժան ժպտով դիմեց կալանավորներին և վերցրեց սեղանի վրայից նագանը, որի մեջ թողեց մի փամփուշտ միայն:

Կալանավորները դուրս գնացին. դռան մոտ նրանց շրջապատեցին զինվորները և տարան:

Խմբապետը ծխամորճը լցրեց:

— Զուր ուշացրիք, պարոն գնդապետ, վերջացնելու էիք:

— Հույս ունեք, թե իրար վրա կրակե՞ն,— թերահավատ շեշտով հեզնեց խմբապետը:

Գնդապետը խեթ նայեց խմբապետին.

— Կկրակեն ու կգան կմատնեն ամենքին:

Մի փոքր մտածեց և ասաց.

— Եթե մեկն ու մեկը այդ քայլը ընե՞ կզառնա մեր մարդը, հե՞: Կառնեմ խումբիս մեջ:— Եվ վեր կենալով տեղից դուրս գնաց, Գնդապետը սեղանի տակից հանելով օղու շիշը դրեց բերանին, հետո դառնություն բերեց.

— Թյո՛ւ, սատանան տանի բոլորին էլ:

Ներս մտավ կապիտանը՝ շարձճի ժպիտը սուր շրթունքներին: Գնդապետը նայեց նրան և նկատեց նրա ձեռքի նագանը.

— Տարար փակեցի՞ր:

— Գնդակահարե՞մ,— հարցրեց իր հերթին կապիտանը:

— Ո՛չ, հարկավոր չէ. խուժաններ են, հասարակ թալանողներ:

— Լրտեսներ են:

— Թող իրար կոտորեն՝ հետո կերևա թե ինչ են:

— Ձեռ քաշեցեք, ձերդ գերազանցություն, կարծում եք բան դուրս կգա դրանի՞ց — կխփեն՝ իրար:

— Դուրս կգա,— հարբած համառությունով պնդեց գնդապետը,— ճանաչում եմ այդ վախկոտներին: Մեկը մյուսին կվերջացնի ու կգա դեռ մյուսներին էլ կծախի:

Գնդապետը վեր կացավ, գնաց ներսի սենյակը և վերադարձավ մի մեծ շոռով օդի և երկու գավաթ ձեռին, կանգնեց սեղանի մոտ, փորը ուռցրեց և կուրծքը դեմ անելով օդի մեջ՝ արտասանության պես դիմեց կապիտանին.

— Բաբախանովիչ:

— Լսում եմ, ձեր գերազանցություն:

Գնդապետը նստեց, լցրեց գավաթները և կարգադրեց.

— Նստի՛ր: Վերցրո՛ւ:

Կապիտանը նստեց և վերցրեց գավաթը:

Գնդապետը մթնեց և դեմքը իրոնիկ ժպտով ծովուց.

— Да; «Հայրենիք»... «Հայրենիք» ենք պաշտպանում... То-то «Հայրենիք»: К чорту полетели нелюбимые, Гибель, единая. неделимая ель ենք այս քնժոռոտ Հայաստանը և վախկոտ նապաստակների հետ կովում ենք վախկոտ նապաստակների դեմ:

Խմեց: Նրան հետևեց և կապիտանը: Օդին սկսեց ազդել իր հատուկ խաբուսիկ տրամաբանություններ, որին դիմում են հուսահատ մարդիկ:

Գնդապետը սուր նայեց կապիտանին:

— Ասում ես չե՞ն սպանի իրար: Կսպանե՞ն: Ճանաչո՞ւմ եմ այդ ժողովրդին, — և կրկին լցրեց օդին, — Բաբախանովիչ:

— Լսում եմ, ձեր գերազանցություն:

— Ասո՞ւմ ես չե՞ն սպանի իրար: Կսպանե՞ն: Իրենց սեփական հորը, մորը, քրոջը, կծախեն, կսպանեն: Խուժաններ են, — գնդապետը գոռում էր արդեն, — խուժաններ են նրանք, մերոնք բոլորը, ЧОРТ ВОЗЬМИ, բաց թող դրանց վաղը: — Դաժանորեն ծիծաղեց, հետո հանկարծ դառնությունով՝ — Թո՛ղ ամեն բան, Բաբախանովիչ — սկսեց սեղանին թակել — ճղե՛նք Կոնստանտինոպոլ, լսում ես: Կոնստանտինոպոլ: Առաջ Կարս, Տրապիզոն ու ուղիղ Կոնստանտինոպոլ, Գալիպոլի, К дрездовцах. գնանք Եվրոպա, լահեյություն անենք: — Ու ձեռք կատաղի զարկեց սեղանին: — К чорту այս փոշոտ Հայաստանը: Ոչինչ չի դուրս գա այս կավարդակից:

— Այո՞, — հառաչեց կապիտանը հարբած լրջությամբ, — խմբապետ ենք դառել: Պետք է մի ավելի մաքուր գործ:

— Լահեյություն: Բժա՛ծ այս խուժանների վրա: К чорту

ВСЕХ ИХ, այս խմբապետներին: Բա՛ց թող այն խուժաններին, թող գնան իրար կոտորեն ու թալանեն: Նրանց էլ հերն անիծած, մերոնց էլ, Անգլիա, Ամերիկա, Հայաստան, խալտո՛ւրա:

— Ճղե՛նք Կոնստանտինոպոլ, Բաբախանովիչ... վերցրո՛ւ...

Նորից լցրեց գավաթները:

Ու դառնությամբ խմեցին:

Խմբապետը կրկին ներս մտավ ու լուռ նստեց սեղանի մոտ:

Գնդապետը հզիփացած ու շար նայեց նրան, հետո լցրեց գավաթը, քթով նշան արեց, որ խմի: Խմբապետը վերցրեց գավաթը, ծանր տարավ շրթունքներին, խմեց ու քնատ աչքերը գցեց գետին: Գնդապետը մրթմրթում էր հատուկեմտ բառեր, որոնց իմաստը կապիտանն էր միայն հասկանում:

Գնդապետը նայեց կապիտանի աչքերին.

— Չհամարձակվես:

Կապիտանը հասկացավ, թե ինչի մասին էր խոսքը:

— Ոչ, ոչ, Գավրիլ Մալխուսեկիչ:

— Տես, հա, նրանք պետք է իրար խփեն:

— Այո, այո, ես կհսկեմ անձամբ, — հանգստացրեց կապիտանը՝ քմծիծաղ նայելով ինքնասած գնդապետին, որի օրիգինալ խաղը նա համարում էր նրա տրյուկներից մեկը, որոնց սա դիմում էր երբեմն հուսահատ մոմենտներին:

Կապիտանը դուրս գնաց: Նրան հետևեց խմբապետը: Միջանցքում խմբապետը կանգնեցրեց կապիտանին:

— Ինձ նայե, պարոն կապիտան, ճշմարիտ պիտի ազատեք զարկողին:

Կապիտանը սառը նայեց խմբապետին:

— Ո՛ւմ, կարմիր սատանայի՞ն: Իմ ձեռից ո՞ր ճանճն է պրծել, որ սրանք պրծնեն:

— Գիտե՞ս ինչու կրսեմ: Ես իմ խմբերուս մեջ այդ տեսակ տղաներն մեկ քանի հատ ունեցել եմ: Ատոնցմե մեկն ու մեկը շատ պետք է ինձի հետախուզության համար: Կուզեմ քովս տանեմ, համոզեմ:

— Ո՛ւմ համոզես, — դաժանորեն ժպտաց կապիտանը, — բուշկիկներին: Բուշկիկին շես համոզի: — Դառն շարունակումս նայեց խմբապետին: — Եվ զուր ես կարծում թե կխփեն իրար: Բուշկիկը

Ք անի:— Հետո շատ գործնական եղանակով.— Կուզի խփեն, կուզի ոչ: Երկուսին էլ գնդակահարելու եմ:

— Վախեցած են,— ասաց նույնպես գործնական եղանակով խմբապետը,— մեկն ու մեկը հոգին ազատելու համար կզարկե մյուսին: Եթե զարկեց՝ ալ թո՛ղ, կտանեմ խումբս, կհամոզեմ:

Կապիտանը թույլ ժպտաց:

— Կարող ես համոզել, բան-ման դուրս քաշել: Այ դա գործ կլինի: Փորձիր, խոսեցրու: Հետո... կխփենք:

— Լավ: Փորձենք:



Գոմը բուրդովին խավար կլինե՞ր՝ եթե լրացած լուսնի լույսը չլուսավորեր նրա որոշ մասը, մսուրները, հատակի քարերը և սյուներ: Սրա տակին մի քար կար, որի վրա նստած էին կալանավորները:

Նրանք նախ ականջ էին դնում դրսի ձայներին՝ հետևելու համար, թե ինչ է լինելու իրենց վերջը: Գնդապետի տարօրինակ վարմունքը զարմացրել էր նրանց, մանավանդ Ղոնդուն:

— Գի՞ծ էր անիծա՞ծը, թե՞ փորձել էր ուզում,— խոսում էր նա տարակուսած:— Մենք իրար սպանո՞ղ ենք:

Գրզըլը լուրջ էր: Ղոնդին հետախույզ հայացքով քննում էր նրա դիմագծերը:

— Կարծում ես լո՞ւրջ ասաց,— հարցրեց Ղոնդին:

Գրզըլն իսկույն շպտասխանեց:

Հետո Ղոնդին ինքն իրեն պատասխանեց.

— Հարբած էր, շուտով ուշքի կգա ու... «կտանեն»: Միևնույն է:— Դուան հետև թեթև աղմուկ լսվեց: Նրանք վեր թռան:

— Չէ կարծես... — մոմուաց Գրզըլը՝ շարունակելով ականջ դնելը,— կտուրը բարձրացան: Չե՞ս տեսնում ճեղքը — պիտ հըսկեն:

Վերև նայեց, առաստաղին մի տեղ փոքրիկ անցք կար:

— Մի բան անենք,— ասաց Ղոնդին:

— Ի՞նչ:

— Ճղենք:

— Ո՞րտեղից:

— Վերևից:

— Չե՞ս տեսնում՝ կտրանը նստած են:

Ղոնդին նայեց կտրան ճեղքին, որտեղից երբեմն ստվերներ էին ընկնում լուսնի շողի վրա, որ սկսեց նաև այն կողմից ընկնել:

— Ճղելը այս բոպեխս մտքիցդ հանի՛,— ասաց Գրզըլը:

— Լսիր, ինչո՞ւ ես հակառակում,— պնդեց Ղոնդին,— դուռը չե՞նք կարող կտտրել ու կրակելով ճղել:

— Կարող է չհաջողվել:

— Է, այսպես հաստատ կխփեն: Միևնույն չէ՞:

— Միևնույն չէ,— լուրջ ու խորհրդավոր պատասխանեց Գրզըլը.— ոփսկ է:

— Ռիսկ՝ ոփսկ: Ե՛կ, նրանք դուռը բաց անելիս ճղենք: Նազանը դու վերցրու, առաջ ընկի, ես հետևիցդ կգամ:

— Երկուսիս էլ ձեռաց կպառկեցնեն: Կամուրջը կմնա:

Ղոնդին անհանգստացավ:

— Այն է՛լ ես ասում, այն է՛լ:

Գրզըլը նույն զուսպ եղանակով ասաց.

— Շատ վատ բան եղավ:

— Է, ի՞նչ ես միտք անում:— Մեռնել՝ մեռնել: Մի օր եղել ենք, մի օր պիտի մեռնենք:

Գրզըլը ինչ-որ բան էր մտածում:

— Ոչ,— ասաց նա շեշտված ձևով,— մի ասի: Մահը ուրիշ է, մահը խոր բան է: Երբեմն մարդիկ խորն են ապրում, բայց լի-նում էլ է, որ խորն են մեռնում: Պետք է երկուսն էլ իմանալ:

— Դատարկ բան է: Մահը մահ է,— սրտնեղեց Ղոնդին,— հետո մտածմունքի մեջ ընկնելով սկսեց բարձր փիլիսոփայել — Հա՛յ գիտի հա՛... Ի՞նչ բան է կյանքը: Մի՞տո՞ղ է, որ երեխա ժամանակներս ես ու դու գնացինք անտառ պանտա բերելու:

— Ը՛մմ... — ցրված ձայն հանեց Գրզըլը:

— Զխու՞մ,— աշխուժացավ Ղոնդին,— բան եմ պատմում, լսի՛ր: Մի՞տո՞ղ է, որ մնացինք անձրևի տակ, թրջվեցինք: Հետո եկանք մի ծառի տակ, ուզում էինք կրակ անել՝ լուցիկ չկար: Նստեցինք ու իրար պինդ գրկեցինք: Մի՞տո՞ղ է, ասացինք, որ միա-սին ենք մեռնելու: Հը՞:

Գրզըլը ժպտաց.

— Հա... միտս է...

Ու խորասուզվեց մտքերի մեջ: Մանկություն...

— Տեսա՞ր ինչպես ասածներս կատարվեց,— ասաց Ղոնդին: Գրգռը լռեց, ու հետո մեղմ ձայնով և երազող աչքերը գետին պսած մի տեսակ խորհրդածեց:

— Է՛, տնաշեն, միասին մեծացանք, միասին ապրեցինք, միասին ընկանք կրակների մեջ ու հիմի էլ պարզ է... միասին պիտի գլորվենք:

— Վախենո՞ւմ ես:

— Շա՛տ,— կատակեց Գրգռը:

— Թե վախենում ես՝ ծոցդ քա՛ր դիր: Մենեկուց դենը էլ գյուղ չկա: Դենը դժոխքն է ու դրախտը: Այ տղա, ջոկ-ջոկ տեղեր շոգե՛ն մեզ: Մեկ թոկով կապվենք: Այ, այստեղ մի իշի պարան կա:

Վերցրեց մի թոկի կտոր, որ աղբի մեջ էր ընկած ու մոտեցավ Գրգռին:

— Բե՛ր վիզդ կապեմ:

Գրգռը փափախով խփեց նրա դեմքին.— գնա՛:

— Գլուխդ թաղեմ, Գրգռ, ի՛նչ օրի ես,— ծիծաղեց Ղոնդին: Հետո լրջացավ:

— Լսիր, բան եմ պատմում:

— Թո՛ղ պատմություններդ: Արի լա՛վ մտածիր: Քեզ բա՛ն եմ ասում: Միևնույն է, մենք այստեղից ազատվողը չենք: Երկուսիս էլ շանսատակ կանեն:

— Զհանդա՛մք:

— Կամուրջը մնաց:

— Կամուրջը մտքիցդ հանի՛ր:

— Կամուրջը ի՛նչպես մտքից հանեմ: Մեզ սպասո՞ւմ են...

— Դե մի՛ հանիր — ի՛նչպես ես պայթեցնում:

Գրգռը բռնեց Ղոնդու ուսը:

— Դինամիտի տեղը հո իմանում ես:

— Իմանում եմ:

— Այ կգնաս ու գործը կկատարես:

Ղոնդին զարմացած նայեց Գրգռին:

— Խելքդ թոցրի՛ր: Եվ աղոթեմ:

— Ես դրուստ եմ ասում: Կգնաս, գործը կկատարես: Դե, վերցրո՛ւ: Եվ լսիր թե ինչպես պիտի անես:

Ու նազանը մեկնեց Ղոնդուն:

— Հա՛, ա՛յդ ես ասում: Բեր,— կատակեց Ղոնդին ու արագ վերցնելով ատրճանակը կատակով նշան բռնեց Գրգռի ճակատին:

— Տրա՛խկ: Դե՛, ընկի՛ր դերասանի պես:

Հետո ցած բերեց ատրճանակը:

— Ա՛յ տղա, էդ հարբած շանն ասենք՝ բաց թողնի՛ մեզ, գնանք դերասանություն անենք: Հավա՛տա:

Գրգռը տհաճ կերպով դեմքը կնճռտեց:

— Հիմարությունները թո՛ղ: Բռնի՛:

Ղոնդին ծուռ նայեց և կես կատակ կես լուրջ հարցրեց:

— Հը՞, հարբել ես վախից, թե՞ այն գնդապետից բան սովորեցիր: Հետո՞ դու հավատո՞ւմ ես այդ հարբաց գազանին:

— Նա կատվի-մկան խաղ է անում: Հաճույք է նրա համար տեսնելը թե ինչ կանենք: Հարբած կոնտրոկուցիոնները կատակ արեց՝ դու էլ հավատո՞ւմ ես:

Գրգռն ինքն էլ այդպիսի մտքեր ուներ, բայց նրան գայթակղում էր այդ կատակը: Ո՞վ գիտե, գուցե այդ կատակից մի ուրիշ բան դուրս գա...

— Կոնտրոկուցիոններ է նա և մեր թշնամին: Նա կարծում էր թե մենք շատ վախեցած ենք: Նա մեզ արհամարհում էր: Դե լա՛վ է:

— Դատա՛րկ բան է:

— Ամենավերջին հնարն էլ որ մնա՝ կոմերիտականը պետք է գործադրի՝ պրոլետարական գաղափարի համար: Լսի՛ր, այդ կոնտրոկուցիոնները միայն մի լավ բան է անում — մեզ ժամանակ է տալիս մի բան անելու: Նա հարբած է, ինքնասաց մարդ, խաղ է անում, զվարճանում: Նա մեր «խաղին» է սպասում: Թե չէ, նա մեզ շանսատակ կաներ իսկույն: Վաղը կխփեն մեզ: Ե՛կ փորձենք:

— Ախր, ի՛նչ կարող է լինել, որ փորձենք, բավական է,— բարկացավ Ղոնդին:

— Զգիտեմ, մի բան պետք է անենք,— գործը կմնա,— մի աղմուկ, շփոթ, կամ նա պիտի հիմարանա, մեկն ու մեկիս բաց թողնի, կամ չգիտեմ, մեկս ու մեկիս տանեն խոսեցնելու, ձգձրգվի գործը, մի բան լինի մեկս փախչենք:

Մի պահ լռեց՝ լարված:

— Խմբապետը թույլ կողմեր ունի, նա հուսով է, թե մեզ կծոխի, իրեն պետք կգանք, այդպես էլ համոզում էր գնդապետին: Դարձյալ լոնց:

— Վերջապես չգիտե՞մ, պե՛տք է դուրս պրծնենք, կամուրջը պետք է պայթեցվի, հասկանո՞ւմ ես... — ու առամենբը կծեց կատաղի մոլուցքով: — Դե՛, սկսե՛նք: Գնդապետը սրան է սպասում:

Ղոնդին զայրացավ:

— Սրա՞ն է սպասում: Դե թող չսպասի: Ահա այս զահրու՛մարը դրի լուսնի շողքում, թող վերևից նայեն ու սպասեն կոնտր-ռևոլյուցիոններները, թե ռևոլյուցիոններները իրար են սպանելու:

Եվ ատրճանակը դրեց լուսնի շողքի ընկած տեղի վրա:

— Թող զան իրենք խփեն: Այստեղ մարդասպան չկա:

— Բայց կամուրջը կմնա:

— Կամուրջը կմնա՛:

Գրգռը զայրացավ:

— Ո՛չ, կամուրջը չպիտի՛ մնա:

— Հիմար-հիմար մի՛ դուրս տա:

— Ես հիմար դուրս չեմ տալիս: Ես քեզ հաստատ բան եմ ասում: Կամուրջը պետք է պայթեցնենք:

Ղոնդին սուր նայեց Գրգռին:

— Դու լո՞ւրջ ես ասում:

— Լո՞ւրջ:

— Չե՛ս ամաշում:

— Ո՛չ:

Ղոնդին իբրև կատակ էր ուզում ընդունել, բայց Գրգռի թե շարժումը և թե դեմքի խիստ արտահայտությունը նրան գծից հանեց: Նա սաստիկ կոտորվեց: Գրգռ՛ը, այն Գրգռ՛ը, որի հետ նրանք միայն ու միայն կյանքն էին ճանաչել ու զգացել, այս անգամ մահվան կերպարանքով կանգնել իր դեմ մահ էր առաջարկում:

Ի՞նչ պատահեց Գրգռին... Փոխվե՛ց մի գիշերվա մեջ, թե՛ նրա հոգու միջից դուրս նայեց մի ուրիշ մարդ, օտար, անընկերասեր և դաժան մարդ: Եստ անախորժ, սառը մի բան զգաց Ղոնդին: Այսքան տարվա մանկության ընկերը այդպես ուրիշ մարդ լինի՛, և նա, Ղոնդին չճանաչեր նրա՞ն... Եվ Ղոնդին ցանկացավ նրան ուշաբեր վիճակի հասցնել:

— Տո, դու ասացիր ու ես էլ վերցրի ատրճանակն ու քեզ խփեցի էլի՞... — և հուզված գլուխն օրորեց— Հը՞մ... գլո՛ւխդ մեռնի, տես թե ինչե՛ր են անցնում մտքով:

— Ինչ կա որ, — հասարակ եղանակով ասաց Գրգռը, — միևնույն չէ՞, նրանք են խփելու:

— Նրանք ինչ որ կուզեն թող անեն: Նրանց արածը հաշիվ չէ: Եվ Ղոնդին սկսեց քթի տակ մի երգ մոմալ՝ վանելու համար անախորժ տպավորությունը: Հետո հետզհետե ձայնը բարձրացրեց և վերջը բացականչեց.

— է՛յ, կոնտրռևոլյուցիոններնե՛ր, ձեր հե՛րն եմ անիծել:

Ու ծիծաղելով հանդիմանորեն դարձավ Գրգռլին.

— Տո՛, դու կարծում ես այս հնարքները քեզ կարծացնե՛ն:

— Ես չգիտեմ, մի բան պետք է անեմ:

Ղոնդին շարժվեց տեղից.

— է, հիմի ի՞նչ ես ուզում... որ մենք իրար խփե՞նք: Ես քեզ խփողը չեմ:

— Ուրիշ ճար չկա: Միևնույն է, մեզ սպանելու են:

— Ես քեզ խփողը չեմ: Թող նրանք սպանեն: Միասին կլի-նենք:

— Չէ՛, տեղ կա, պետք է ապրել. տեղ կա՛ պետք է մեռնել: Մի՛ կարծիր թե ամեն ապրել ապրել է: Այնպես կապրես, որ մահի նման կլինի: Քեզ բան եմ ասում: Ես կխփեմ ինձ: Ասա, որ դու ես խփել:

— Դու որ քեզ խփես, ես էլ ինձ կխփեմ: Դա մտքիցդ հանի՛: Ես ընկեր սպանող չեմ: Գուցե դո՛ւ ես ուզում ինձ սպանել:

— Ոչ... ես չեմ ուզում սպանել: Ոչ էլ ուզում եմ, որ դու սպանես ինձ: Մենք ընկերներ ենք, ի՞նչպես կարող էր ուրիշ ժամանակ այսպիսի միտք գալ ուղեղիս մեջ: Միևնույն է ինձ համար, թե ով ում կսպանի և ո՞վ կսպանվի մեզանից: Ինձ այստեղ մտահոգում է գործը: Ես ամաշում եմ, սարսափում եմ հրամանատարի առաջ, հետևանքների առաջ: Եթե ոչ, իմ կոմերիտական խիղճը հանգիստ է:

Լուսթյունը շարունակեց մի բոպե նրա մտքերը:

— Լսի՛ր, բան եմ ասում. կարող ենք մեկս ու մեկս կամուրջին հասնել, նամակը տանել: Բան եմ ասում: Եվ անասունի պես չմեռնենք, եկ մեռնենք պրոլետարական գործի համար:

Ղոնդին սկսում էր հետզհետե հասկանալ, որ Գրզըլը լուրջ է առաջարկում: Նա մտածեց այդպես կարելի է անել, բայց, որ ինքը չի անի:

— Շատ լավ. ահա ես եմ ու քեզ խփեցի կամ դու ինձ խփեցիր: Եթե կհաջողվի գործը, անպատճառ, հաստատ կհաջողվի՝ ես համաձայն եմ: Իսկ եթե չհաջողվի՝ ի՞նչ խղճով կապրես նրանից հետո: Դու կանե՞ս: Ես չեմ անի:

Գրզըլը թուլացավ մի պահ:

— Եթե չհաջողվի... Այո, եթե չհաջողվի՝ սարսափելի բան կլինի... — ասաց նա և ընկավ մտատանջության մեջ. բայց հետո թափահարեց իրեն. — ուրեմն այսպես պիտի մեռնե՞նք: Սատկած շների պես տանեն զցեն աղբանո՞ցը: Այն հարբած շունը մեզ ծաղրի՞, արհամարհի՞...

Նա սկսեց անցուդարձ անել գոմում: Լուսնի շողը գոմի հատակի վրա մթնեց: Վերևից նայում էին: Այնտեղից քրքիչի ձայն էր գալիս:

Հանկարծ Գրզըլը հարձակվեց Ղոնդու վրա և բռնելով նրա ուսը՝ պինդ ցնցեց ցավեցնելու շափ.

— Դու խելք չունես, դու չես մտածում: Դու շան պես պիտի սատկես անօգուտ:

Ու մի հարված հասցրեց նրան:

Ղոնդին, որի նյարդերը ծայր աստիճանի թուլացել էին՝ լացակումեց.

— Ի՞նչ ես ուզում ինձանից. անխի՛ղճ, ինչո՞ւ ես խփում ինձ, թո՛ղ հանգիստ մեռնեմ:

Գրզըլը կանգ առավ: Ծանր էր նրա համար իր վարմունքը: Նա իր մտքերի և վճռի տաքության մեջ չկարողանալով սկզբում անդրադառնալ իր գործողություններին՝ Ղոնդու ներվային թուլության մեջ ասած խոսքերից սթափվեց: Ղոնդին խիստ հանդիմանորեն նայեց նրա աչքերին և ասաց.

— Ուզո՞ւմ ես, սպանի՛ր ինձ: Եթե միտքդ այդ է՝ դո՛ւ խփի ինձ, ես քեզ չեմ խփի: Վերջին գիշերն է, ընկերություն չես անում, կովում ես հետս... ես մեռնելուց չեմ վախենում... բայց քո արածն արած չի...

Գրզըլն հենվեց մսուրին և սաստիկ մտատանջված նայեց Ղոնդուն: Ուրեմն ի՞նչ... Ղոնդին ի՞նչպես է հասկանում իր միտ-

քը: Գուցե նա ենթադրում է մի ստոր բան, թե Գրզըլը ուզում է զուցե իր գլուխն ազատել: Շատ դառնացավ և կարծես ինքն իրեն դիմելով՝ ասաց.

— էհ. այստեղ հա՛րց է թե ո՛վ է ում խփում: Խփելը մի տեսակ չէ:— Հետո մոտեցավ Ղոնդուն, փաթաթվեց և առաջին անգամ իրենց երիտասարդական կյանքում՝ համբուրեց նրան և շոյեց գլուխը:

— Ղոնդի՛ ջան, լա՛վ, թո՛ղ:— Ախր լսի՛ր, սիրելիս, փահելվանության տեղ չէ. երկրում արյուն է կաթում: Գործի համար ենք եկել, ոչ թե քաջություն ցույց տալու: Ախր մտածի՛ր, սա ում գործն է, ինչի՞՝ ենք եկել: Սա աշխատավոր ժողովրդի գործն է, ոչ թե իմ ու քո, որ գանք մահվան հետ դժգոհություններ անենք: Դժվարը գործն է, այստեղ դիտություն, խելք է պետք, դիմացկունություն: Քաջությունն ի՞նչ:

— Լավ չէ՛ր ֆրոնտում ընկնեինք,— մոմռաց Ղոնդին:

Գրզըլը զսպեց իրեն և հանգիստ, քաղցր տոնով ասաց.

— Վնաս չունի, Ղոնդի ջան, սա էլ ֆրոնտ է: էլի դու իմ Ղոնդին ես, ես քո Գրզըլը: Ի՞նչ անենք, այսպես պատահեց: Միասին ծնվեցինք, միասին էլ մեռնում ենք մի գործի մեջ: Ես քեզ կներեմ, դու ինձ:— Դե՛ վերցրու նազանը: Եթե չվերցնես՝ տես, ահա ես ինքս կխփեմ ինձ:

Այս ասելով Գրզըլը հետ քաշվեց ու ատրճանակը դրեց ճակատին:

— Դե, կանե՛ս ինչ որ խնդրեցի:

Ղոնդին հարձակվեց Գրզըլի վրա և ճիգ արեց ատրճանակը խլելու նրա ձեռից: Սկսեցին մաքառել: Նրանք մեկ մտնում էին լուսնի մեջ, մերթ հեռանում անկյունների խավարը:

Գոմի կտուրից ներքև նայեցին՝ երևի կալանավորների քաշքշուկի ձայնը լսելով: Եվ մաքառողներն իրար հետ պայքարելուց չսեցին նրանց քրքիչը:

Գրզըլը կանգ առավ:

— Հաստա՛տ չես խփի ինձ...

— Մեր ընկերությունը վկա:

— Ազնի՛վ խոսք...

— Ինձ հո ճանաչում ես:

— Իսկ եթե ես ինքս խփեմ ի՞նձ...

— Ես էլ ինքս կխփեմ ինձ:

— Հաստա՛տ խոսք,— կրկնեց Գրգըլը:

— Հաստա՛տ: Դու քո կյանքն ես ուզում ազատել: Ամո՛թ քեզ...

— Դե՛ ա՛ն, անիծվա՛ծ,— մռնչաց Գրգըլը կատաղի ու խեղճ ված ձայնով և այնպես կծկվեց ու կնճռոտվեց, որ Ղոնդին զգաց նրա վճռական միտքը: Չեղբ բնազդաբար դեմ արեց նրա կողմը և կայծակնորեն արագ մտածեց, որ Գրգըլն ուզում է կրակել: Գերագույն արագ այդ վայրկյանում, ուր կարելի էր մի ամբողջ աշխարհ տեղավորել՝ նա մտածեց, որ Գրգըլն ուզում է իր վրա կրակել: Մի ինչ-որ կենդանական, մութ, վատ բան զգաց. բայց հաշիվ չտվեց: Ու մինչ մշուշոտ նայեց Գրգըլին՝ երազում կարծես լսեց մի շատ ուժեղ շոր հազոցի նման թնդյուն: Ու էլի մինչ կմտածեր, թե ինքը վայր է ընկնում՝ օդի մեջ երերաց Գրգըլը, հետ շրջվեց ինքն իր վրա, ցնցվեց ու մնաց: Կատա՛կ էր... Ո՛չ, ի՞նչ կատակ: Արյունը, իրական արյունը մթության մեջ թելի պես կախվեց Գրգըլի քունքից: Ղոնդին վրա ընկավ, գրկեց նրա գլուխը և շրթունքները հպեց նրա ճակատին:

— Գրգը՛լ...— խեղդված մի ձայն հագիվ հանեց նա և մնաց այդ վիճակում:

Դրսից աղմուկ լսվեց: Ղոնդին հետ քաշվեց դիակից: Ոտնաձայները մոտեցան դռան: Դուռը բացվեց և ներս մտավ պահակը: Նբանից հետո կանգնեցին ուրիշ զինվորներ՝ հրացաններն ուղղած Ղոնդուն:

— Չեղբերգ վե՛ր, թե չէ կրակում եմ,— հրամայեց պահակը և հրացանը ուղղեց դեպի Ղոնդին:

Այս գործողությունները տեղի էին ունենում ինչ-որ մի շփոթ վիճակում, որովհետև ոչ Ղոնդին էր ուշքի եկել, ոչ էլ պահակն էր գլխի ընկել, թե ինչ աներ այսպիսի մի դեպքում,— նախապես գիտեր գնդապետի խաղը:

Ու մինչ այս վարանման մեջ էին պահակները՝ ներս եկան խմբապետն ու կապիտանը:

— Մո՛, իրա՛վ զարկեց... — զարմացավ խմբապետը մթան մեջ տեսնելով Գրգըլի դիակը,— այ գազան տղա...

Կապիտանը մոտեցավ Ղոնդուն և սառը խոսեց.

— Ի՞ր համաձայնությունը կրակեցիք:

— Թող գնդապետը ներս գա՛ հետո:

Այն ժամանակ ներս մտավ գնդապետը: Նա զվարճացած նայեց Ղոնդուն:

— Ահա՛, կտրի՛ճ բոլշևիկ... Բռա՛վու: Որ ասում եմ վախկոտ են բոլշևիկները:— Հետո Ղոնդուն մոտենալով օձի պես ֆշշաց.— վախկո՛տ նապաստակ:

— Չեմ դողում,— ասաց Ղոնդին մռայլ:

— Так,— և դարձավ կապիտանին,— բերեք ձեր ատրճանակը: Կապիտանը տվեց:

— Հիմա ես քեզ ցո՛ւյց կտամ ընկերին սպանել: Ասա՛, այս տղան քո մո՛տ ընկերն էր...

— Մոտ ընկերս էր,— պատասխանեց Ղոնդին:

— Ապա ինչո՞ւ սպանեցիր:— Մի՛ դողա...

— Չեմ դողում:

— Ասա, ինչո՞ւ սպանեցիր ընկերիդ: Կյանքդ ազատելու համա՛ր:

— Այո, պարոն գնդապետ:

— Ինչո՞ւ չթողիր, որ նա քեզ սպանի:

Ղոնդին շպատասխանեց:

— Հը՛, ինչպե՛ս կթողնեիր, կյանքը քա՛ղցր է:

Հանկարծ գնդապետը ցնցվեց մի նոր մտքից.

— Սպասի՛ր, գուցե նա ինքն իրեն սպանեց:

Ղուռթյուն:

— Հը՛,— սպառնալի մոտեցավ գնդապետը և դաժան մտիկ տվեց Ղոնդու աչքերի մեջ,— ինչո՞ւ դու էլ քեզ շպանեցիր... Չէ՛, կյանքը քաղցր է:

Հանկարծ ատրճանակը բռնեց Ղոնդու ճակատին:

— Դե՛ հիմա տես թե կյանքը ո՛րքան է քաղցր,— բռնեց երկար միջոց և ապա իջեցրեց ու զզվածքով նայեց Ղոնդուն — ապրի՛ր, գնդակն ափսոս է:— Ու դարձավ մյուսներին:

— Ну, к чорту! ոչ ոք ձեռք չտա սրան: Դուրս գցեցեք այս կեղտոտ անասունին, թող ազատ գնա գյուղ: Կոպեկի վնաս չկա սրանից:

Աչքով արեց կապիտանին: Սա հասկացավ գնդապետին և մոտեցավ նրա դեմքին:

— Տար խմբապետի մոտ, խոսեցրեք ու հետո... — աչքով արեց:

— Հը՛մ... այո՛,— շնչաց կապիտանը սառը նայելով նրա աչքերի մեջ և դարձավ Ղոնդուն,— գնա խմբապետի մոտ, քեզ հետ ուզում է խոսել մի քիչ: Գնա, մի՛ վախենա:

Խմբապետը բռնեց Ղոնդու ուտը:

— Դե, տղաս, կտեսնե՞ս, որ կյանքն անուշ է, արի՛ երթանք ինձի, ես քեզ կընդունեմ խմբիս մեջ, լավ գինվոր կդառնաս:

Գնդապետը հարբած ծիծաղելով մատը թափ տվեց Ղոնդու վրա:

— Մյուս անգամ զգո՛ւյշ: Դե՛, մա՛րշ, վախկո՛տ նապաստակ, Ղոնդին հեռացավ դռնից դուրս: Գնդապետը նայեց նրա հետևից և ասաց իր շրջապատողներին:

— Տեսա՞ք թատրոնը:

Հոհոաց: Մյուսները նույնպես ծիծաղեցին:

— Դիակը տարե՛ք, գնա՛նք:

— Ափսոս չէ՞ կյանքը, խե՛նթ: Երիտասարդ ես, խելացի տղա: Ապրես, այդպես էլ մյուս դավաճաններուն մեջտեղեն վերցուր, կյանքդ ա՛լ ազատե, հոգիդ ա՛լ: Երթանք, տեսնենք ի՞նչպես ընկար աս փորձանքներուն մեջ, ո՞վ խելքե հանեց: Ծա գիտեի, որ ասանկ պիտի վերջանար:

Այսպիսի հայրական եղանակով խոսում էր խմբապետ Սեյրանը իր տան ճանապարհին՝ կողքով գնացող Ղոնդու հետ: Քրնկոտ էր սակայն նրա խրատը: Գինին օրորում էր խմբապետին: Սակայն նա երբեմն գինով գլուխը հետ էր շրջում և ստուգում հետևից ու հեռվից իրեն հետևող զինվորին, որին հրամայել էր «թույլ թողնել սանձը» և գալ «հենց այնպես»:

— Շա՛տ լավ եղավ, շա՛տ լավ եղավ,— շարունակեց Սեյրանը, շատ ուրախացա, որ ազատվեցար: Շատ կմեղքնայի... պատմե, ջանս, պատմե:

— Կպատմեմ,— ասաց Ղոնդին խլածայն և սաստիկ լարումից թուրք կպավ քմքին: Նա ծոծրակով հսկում էր հետևից եկող զինվորին, լուսթյան մեջ շափելով նրա քայլերի ձայնն ու հեռավորութունը:

— Կպատմեմ, շատ բան կա պատմելու,— խոսեց կրկին Ղոնդին մի ձայնով, որ նրան թվում էր, թե դուրս է գալիս ոչ իր, այլ ուրիշի բերանից:

Ու հանկարծ աչքով նշան դրեց զառիվայրի թփուտը, նեղ

կածանը, հետևի սարը: Հասարակ ու հեշտ թվաց իրեն այն միտքը, որ կայծակեց նրա գլխում: Նա արդեն «սպանված» էր, ո՛չ միայն բռնված և բանտարկված: Նա անտարբեր էր դեպի ամեն տեսակ մահ: Երկյուղն անգամ, որ միշտ մշուշում, մեծացնում է վտանգը, գլուխը կորցնել տալիս՝ երկյուղը չբացել էր իսպառ: Ահա թե ինչու նա ամենահասարակ սառնասրտությամբ — այդպես էր թվում նրան, լարված էր — եղնիկի պես կծկեց իր մարմինը և զսպանակի պես թռավ դեպի թփուտը:

— Մ՛, ծո՛...

Խմբապետը բերանաբաց նայեց ու ձեռը տարավ դեպի ատրրճանակը: Զինվորը վազեց Ղոնդու հետևից: Թփուտից լավեց նրա հրացանի կրակոցը:

— Զարկի՞ր,— հարցրեց խմբապետը՝ սպասելով ուրախալի վստահացման:

Պատասխան չեղավ: Միայն ավելի հեռվից լավեցին մի քանի կրակոցներ ևս:

Հուսահատ էին այդ ձայները: Նրանք ամենից ավելի պարզ ցույց էին տալիս, որ գործը տանուլ տրվեց...



Ղոնդին սաստիկ հոգնած փախավ, հեռացավ գյուղից: Նա անց էր կացրել մի սարսափելի երկար և խորը գիշեր: Նրան թվում էր, թե մի տարի քաշեց այդ գիշերը: Եվ մարմնի հոգնածությունը, որ բթացել էր հոգեկան տազնապալի հուզումներից՝ զգալ տվեց նրան իր գոյութունը: Ղոնդին հեռացավ գյուղից և որովհետև լույսը բացվել էր, անհնարին էր մի բան ձեռնարկել՝ նա մտավ անտառը և խորանալով մի ապահով տեղ՝ պառկեց: Արճիճի պես ծանր քունը նրան ընկղմեցրեց անէություն մեջ: Մանր էր սակայն այդ քունը: Շուտ-շուտ վեր էր թռչում մի որևէ խեղդող մղձավանջից: Կեսօրին մոտ նա հանկարծ զարթնեց, կարծես մեկը նրան դրոցեց:

Ժամանակն էր: Նա վեր կացավ և աչքերը տրորելով ճանապարհ ընկավ: Շտապում էր, ուստի սկսեց արագ ընթանալ: Բայց ի՞նչպես պետք էր անել՝ չգիտեր, թեև գիտեր, թե ինչ պետք է աներ... Արդեն սկսում էր զործն ուշանալ: Նա զրկվեց օգնակահից: Հեշտ չէր գինամիտ դնելը: Պետք էր ամեն րոպե հսկել, թե

արդյոք մարդ չի՝ մոտենում կամուրջին, նշաններ տալ, սկսել գործը, դադարեցնել, թաքնվել... Ի՞նչպես աներ մեն-մենակ:

Սակայն կամուրջի պայթեցնելու գործը հիմա արդեն բարդ-վեց ավելի սոսկալի մի հոգեկան բեռով: Ընկերոջ մահը, որ մրզ-ձավանջի պես գիշերն եկավ ու խեղդեց նրա զգացումները՝ այժմ արդեն սկսում էր լիովին պատկերանալ նրա երևակայության մեջ իր սարսափելի պատկերով: Նա շատ ավելի հեշտ էր պատկերաց-նում այդ գործը: Եվ հիմա, երբ արդեն դա կատարված փաստ էր՝ նոր միայն նրա համար պարզվեցին բաներ, որ առաջ չէր կա-րող զգալ:

Հանկարծ ցնցվեց: Հիշեց մի մանրամասնություն այն վայր-կյանից, երբ Գրզըլը ընկավ: Հիշեց, — և ի՞նչպես նոր հիշեց նա, — հիշեց, որ երբ Գրզըլը գոչեց՝ «ա՛ռ անիծված» ու հենց այն է՝ կրակում էր՝ ինքը՝ Ղոնդին մտածեց, որ Գրզըլն իր սեփական կյանքն է ազատում, որ նա՝ այդ քայլը, միայն գործի հաջողու-թյան համար քայլ չէր, որ դա վերջին հաշվով եսականություն էր և թուլամորթություն: Այո, մի վայրկյան էր ժամանակը, բայց հույժ լարված վիճակի մի վայրկյանում չէ՞ որ մարդ հավիտենա-կանություն է ապրում: Ահա դա էր այն կենդանական մութ, վատ բանը, որ անցավ նրա մտքով այն րոպեին: Հիշեց հիմա, հիմա գիտակցեց: Ղոնդին սուր խայթ զգաց սրտի մեջ: Ընկերը, իր սի-րելի ընկերը հանդիմանական տխուր աչքերով նայեց իրեն: Հիմա հիշեց, որ Գրզըլի հայացքը այն վայրկյանին դաժան չէր, որ նրա մեջ մի անսահման ցավ կար:

Եվ հիմա ընկերը, սիրելի ընկերն իբրև մի ուրիշ մարդ, խորը մարդ, բոլորովին այլ հոգով ու մտքով նայում էր նրան: Այդ հա-յացքը երևում էր ծառերի բներում, թփերի, քարերի վրա: Ուր գնում էր Ղոնդին, ուր դարձնում էր աչքերը՝ այդ աչքերը նայում էին իրեն: Եվ նա, որ կարծում էր, թե եթե ընկերն իրեն սպանի՝ այն վայրկյանին գերագույն ծանր բաներ պիտի զգար ինքը՝ նոր հասկացավ, որ հիմա սկսվեց մի նոր դժվարություն, որ պետք էր հաղթահարել: Արդյոք ինքը՝ Ղոնդին, չէ՞ր պատճառը, որ Գրզըլն սպանվեց: Իհարկե ոչ: Բայց արտաքուստ այդ այդպես էր: Ղոն-դին կարող էր ինքն առաջ ընկնել: Բայց չընկավ, իրեն կանխեց ընկերը և խզճի խայթերը լցրեց իր հոգու մեջ: Օ՞, հավիտյան կմանն այդ խայթերը: Ի՞նչ անել ի՞նչ անել... Հոգեկան խռովա-

հույզ վիճակում նա փախած եղնիկի պես ապավեն էր միայն որո-նում: Ի՞նչ էր այդ ապավենը:

Նա զգում էր, որ եթե իր պարտքը կատարի լիովին՝ հոգե-կան տանջանքները կթեթևանան: Այո՞, այո՞, պարտքը կատարե՛լ, թեկուզ մեռնե՛լ իսկույն: Դա է ելքը: Չէ՞ որ այդ պարտականության համար էր, որ ձեռ բարձրացրեց ընկերն իր կյանքի վրա:

Այս նոր խնդիրը, խղճի տանջանքներից ազատվելու խնդիրը, բռնեց նախկին խնդրի տեղը — այն, որ ձգտում էր կալանքից ազատվել: Հիշեց, որ այն գիշեր նա հոգեկան մշուշի մեջ էր: Ապրել-մեռնելու: Չգիտեր ո՞րն ընտրեր, որի՞ն կառչեր: Անտար-բերության մեղկարար մի թույն թմրեցնում էր նրա ուղեղը, և նա անձնատուր էր դրան այն գիշեր: Մինչ՝ պետք էր վճիռ կայացնել և շտապ ինչպես իր հերոս ընկերը: Ընկերը վճռեց մեռնել, միև-նույն է թե ով, — և նա մեռավ ինքը: Երկար շմտածեց, Իսկ հիմա ինքը մտածում է, և մտածում է երկար, և չի կամենում մեռնել: Գիտակցաբար չի կամենում: Իր ընկերոջ պես գիտակցաբար, որ այդպես էլ մեռավ: Ընկերը պետք է մեռներ, այդպես էր այնժամ րոպեն: Հիմա ինքը պիտի ապրի — այդպես է րոպեն հիմա:

Պետք է ապրե՛լ, ամեն կերպ ապրել և գործը կատարել: Կատարել ընկերոջ նվիրական գործը: Ի՞նչ պիտի անի նա իր ըն-կերոջ հիշատակի առջև՝ եթե նրա այդ ավանդը տեղ չհասցնի սրբությանը: Դա մի նպատակ է, որին պետք է հասնել՝ խղճի կծու խայթերը մեղմացնելու համար:

Եվ նա սկսեց մոլեգնաբար դիմել այդ նպատակին:

Նա գնում էր ծանոթ անտառով: Դա իրենց գյուղի անտառն էր: Նույնն էին ծառերը, արահետները, կարծես չի եկել և անցել համաշխարհային մեծ աղետը — պատերազմը, կարծես այժմ մո-տակա լեռներում ու ձորերում իրար դեմ շեն կանգնած երկու բանակ, շեն ձգտում ոչնչացնել իրար: Ահա այն ծառը, որի տակ ինքն ու Գրզըլը պատանի օրերին պատսպարվեցին անձրևից, նա ցնցվեց: Ահա առարկան ավելի շոշափելի հետ շրջեց ժամանակի անիվը և վերադարձրեց անցած օրերի կյանքը, մտքերը, խաղերը, իրեն՝ Գրզըլին երազկոտ ու անձնվեր:

Ահա խոշոր շեշաքարը, որի փոսի անձրևաջրից խձել են ինքն ու Գրզըլը:

Ահա և փոքր քարայրը, ուր նրանք գողացած կարտոֆիլ էին խորովում:

Արահետին խաչաձևեց մի շավիղ, որ դեպի սարերն էր գնում: Դա իսկապես բարակ ճամփա էր, որի եզրերով մարդիկ քայլել էին և դրել իրենց ոտների կնիքը:

Վերևից մի տղա էր իջնում: Դա անշուշտ իրենց գյուղի տղաներից է:

— Ո՛րտեղից ես գալիս,— հարցրեց Ղոնդին մեղմաձայն:

— Սարից:

— Արտակին ճանաչո՞ւմ ես:

— Արտակի՞ն,— հարցրեց տղան աչքերը խելացի կերպով շոտձ,— չեմ ճանաչում:

— Սաքանենց Արտակին չե՞ս ճանաչում, որ ահանջն էլ կտրած է:

— Հա, հա, Արտոյին, ճանաչում եմ:

— Այ, երբ կգնաս գյուղ, նրան գտիր և ասա, որ իրենց հորթը ձաբաբերանին մոլորվել է, թող գա տանի:

Տղան քննող հայացքով նայեց Ղոնդուն և ասաց.

— Լա՛վ:

Բայց էլի նայեց նրան.

— Դու ո՛ւր ես գնում:

— Ես գնում եմ իմ գործին, մորուտը:

Տղան կրկին կասկածով նայեց Ղոնդուն ու լուռ գնաց:

— Կասես, հը՞:

— Կասեմ, ինչի՞ չեմ ասի:

Ղոնդին մի փոքր դանդաղեցնելով իր քայլերը՝ գնաց տղայի հեռացած կաթանով: Հասնելով մի բացատի, նա մտավ թփերի մեջ ու պռուկեց: Նա մտատանջվում էր թե արդյոք տղան կկատարի՞ հանձնարարությունը:

Հոսում էր ժամանակը: Հեղվում էր ժամանակը, ինչպես արյունը թանկագին... Բայց նա ուրիշ հնար չունեիր — ստիպված էր պատահական ու կասկածելի միջոցներով գործել: Այն էլ մի գործում, որ այս րոպեիս Գրդըլի ինքնապանուծից հետո պահանջում էր ամենահաստատ ձեռնարկումներ...

Օրը թեքվում էր, և Արտակը չկար: Արդյոք հայտնե՞լ է, արդյոք Արտակը հավատացե՞լ է, արդյոք ուրիշները չե՞ն իմացել

և այժմ ընկե՞լ անտառները... որոնե՞րս և բռնե՞լու... այդ կասկածելի օտարականին:

Անտառի կածանի ուղղությամբ, որով գնացել էր տղան՝ մի ստվեր սկսեց մերթ խառնվել ծառերի բներին և մերթ հայտնվել: Ղոնդին նայեց այն կողմ և լարվեց: Կարող էր Արտակի տեղ հայտնվել վտանգավոր մեկ ուրիշը, կարող էր և Արտակը լինել:

Այո, Արտակն էր, այն տղայի հետ: Նրանք գալիս էին շտապով: Արտակի շարժումները, հուզումնալի աչքերը և խուզարկու հայացքը ուրիշ բան էր գուշակել տալիս: Նա ուրեմն մի բան հասկացել էր... Բայց ինչո՞ւ էր տղային հետը բերել: Հասնելով բացատը նա արագ անցավ նրա միջով: Ի՞նչպես իմաց տալ: Նրանք խոսում էին, բայց ոչինչ չէր լսվում: Բայց և մի բան պարզ է, որ նրանք գնում էին ձորի կողմը:

Ղոնդին վեր կացավ և սկսեց հետևել նրանց: Երկար ժամանակ նա գնում էր նրանց հետևից: Մի տեղ Արտակն ու տղան կանգ առան և սկսեցին խոսել և նայել շորս կողմ: Ղոնդին շատ էր ցանկանում, որ տղան հեռանար, բայց հակառակի պես նա կպել էր Արտակին: Ղոնդին մտեցավ նրանց՝ թաքնվելով թփերի մեջ: Արտակը պարզապես սպասում էր, և այդ ցույց էր տալիս: Մի անգամ միայն սարից էր թե անտառից մարդիկ էին մոտենում՝ Ղոնդին նկատեց, որ Արտակը տղային մղեց դեպի թփերը՝ հասկացնելով որ թաքնվեն: Եվ իրոք՝ նրանք թաքնվեցին: Գյուղացիներն անցան: Նրանք կրկին դուրս եկան թփերից: Ղոնդու համար պարզվեց մի բան, որ տղան վստահելի է, և Արտակը նրա հետ գաղտնապահություն է անում: Մակայն զգուշացավ և սպասեց: Այդ ժամանակ Արտակը սուլեց: Պարզ էր՝ կանչում էր...

Ղոնդին ոհսկ շարեց դուրս գալ: Նա գայրույթից ուտում էր իրեն և զզում էր, որ եթե հրացանը մոտը լիներ՝ երևի կկրակեր տղայի վրա: Շատ էլ վստահելի էր, բայց ո՞վ գիտեր... Ղոնդին հիվանդագին զգուշ էր: Եվ դա մի կողմից տանջում էր նրան, մյուս կողմից ուշացնում, հանցավոր կերպով ուշացնում էր գործը: Ժամանակն անցնում էր... իսկ Արտակը կարող էր հեռանալ: Մի փոքր հույս կար միայն, և դա այն էր, որ Արտակը հասկացել էր: Բայց նա կարող էր այնպես հասկանալ, թե գործը շտապով չի և առհասարակ կարող է կասկածել թե գուցե և ոչ մի խորհրդավոր մարդ էլ չի եղել իրենց հորթի մասին հոգացող պա-

տահական մարդը: Կարող էր Արտակն ընկերանալ անցորդների հետ և գյուղ վերադառնալ: Այն ժամանակ անհնար կլիներ նրան մեկուսացնել: Ղոնդին շատ էր հանդգնել իր կյանքում և այս անգամ էլ նրա համար դժվար չէր ոխի անել և մոտենալ Արտակին: Բայց նա մտադրվելով անպատճառ հաշոյ գլուխ բերել գործը, ուզում էր միանգամայն լրիվ զգուշութիւն բանեցնել:

Հանկարծ խնդիրը շատ հեշտ լուծվեց: Արտակը կամ գլխի ընկավ, որ Ղոնդին չի ուզում հայտնվել կամ այդտեղ չի, տղային ուղարկեց ձորի ուղղութիւն: Տղան հեռացավ: Այն ժամանակ Ղոնդին զգուշ սողալով թփերի միջով մոտեցավ Արտակին և օձի պես գլուխն հանեց տերևների միջից, նայեց շորս կողմ: Վստահելով որ ոչ ոք չի գալիս՝ դուրս վազեց թփերից և գնաց դեպի Արտակը:

Արտակը, որ տասնեկնը տարեկան կոմերիտական էր, թե ինչպես էր ձեռք բերել որոշ զգուշավորութիւն և գործնականութիւն՝ դա հասկանալի չէր Ղոնդուն, բայց նա դուր եկավ նրան: Նա գիտեր միայն մի բան, երբ վճռեց կանչել նրան, որ նա Գրգըլի եղբայրն է: Բայց նա չգիտեր նրա կոմերիտական լինելը:

Մոտենալով Արտակին՝ նա ուզում էր նախ հարցնել թե ո՞վ է այն տղան, բայց Արտակը ավելի շուտ զգաց այդ հանգամանքը և ասաց.

— Սա Մանուկի տղան է:

— Շատ էլ Մանուկի տղան է, ո՞ւր ես բերել հետդ:

— Որ հեշտ լինի քեզ որոնելը:

Ղոնդին մտածեց, որ խելքի մոտիկ բան էր նաև այդ, բայց ժամանակ չկար, ուստի և սկսեց գլխավոր գործից խոսել:

— Մանուկը ո՞րտեղ է:

— Գյուղում:

— Անմիջապես գնա և կանչիր, ասա թող հրացաններ վերցնի:

— Մեկը նա կվերցնի, մյուսը՝ ես:

— Գու է՛լ ես գալիս... — մտածեց Ղոնդին:

— Անպատճառ:

— Դե, լավ, հրացանը բեր, հետո կվերադառնաս: Այդ տղային կորցրու:

— Լավ:

— Դե, գնա, շուտ:

Արտակը վարանեց.

— Բայց չասիր թե Գրգըլը...

Ղոնդին դաժանորեն ընդհատեց.

— Գնա՛, դրա ժամանակը չէ:

Արտակն հնազանդվեց: Ղոնդին հեռացավ և ձեռքով ցույց տվեց տեղը.

— Ահա այստեղ կլինեմ:

— Լավ:

Ղոնդին թաքնվեց: Արտակը գնաց տղայի ուղղութիւնը նրան որոնելու և վերադառնալու գյուղ:



Խավարի մեջ երեք ստվերներ սողոսկում էին: Նրանք սահում էին շտապ և անհանգիստ: Աստղալույս երկինքը արևելքում կարծես գունատվում էր: Հորիզոնը հղի էր լուսնով: Մի ժամ հետո թերևս լիալիր դեմքը պիտի հաներ նա լեռան անտառի կապարճի միջից:

— Էս լուսնյակն ո՞վ շինեց, քանզի դրա շինողի տունը, — մոռաց ստվերներից մեկը մյուսին, որ հավասարվեց նրան ձորափի տափակ սեղանի վրա:

— Հնար չկա, պիտի վերջացնենք, — ասաց մյուս ստվերը և սպասեց երրորդին, որ գա միանա իրենց: Սա մոտեցավ:

— Լսի՛ր, Արտակ: Գու լավ ծանոթ ես այս տեղերին: Գու կնայես աչ կողմից կամուրջին մոտեցողներին, իսկ Մանուկը՝ ձախ, անտառի կողմից: Ես մի դինամիտը գտնեմ:

Նրանք մոտեցան մի քարաբլուրի և կանգ առան:

— Ահա, այստեղ է, — ասաց Ղոնդին և ուշադիր կերպով տնտղեց դինամիտի տեղը: Կասկածելի ոչինչ չգտավ: Ապա նայեց շորս կողմը և ասաց, — ես դինամիտը կտանեմ, իսկ դուք հսկեցեք: Բոլոր նշանները — ինչպես ցույց տվի: Ինչքան կարելի է՝ մի՛ կրակեք:

Մանուկը նստեց: Նա քառասունի մոտ, մազերով երեսը ծածկած տղամարդ էր: Հին որսորդ էր և վերջերս բուշեիկյան կազմակերպության անգամ: Նա զրոսեց իր տրեխի կապիչները, նայեց

փամփոշտակալին, քաշեց փակաղակը, պահունակը դրեց մեջը և փակեց:

— Տենամ քոնը ոնց ա,— դարձավ Արտակին:

Արտակը լցրել էր իր հրացանը, բայց անխոս հնազանդվեց Մանուկին, որը մինչև անձամբ չստուգե՞ր՝ չէր սկսի գործը:

Ղոնդին, որ այդ գիտե՞ր՝ նույնպես ձայն չհանեց, թեև Մանուկը նրա հրամանատարութեան տակ էր: Երբ Ղոնդին կրկնեց իր հրամանը չկրակելու մասին՝ Մանուկը մռայլ պատասխանեց.

— Գիտում եմ:

Մանուկն ու Արտակը իջան ձորը: Իսկ Ղոնդին դինամիտը տարավ նրանց հետևից: Նրանք զգուշ իջնում էին, երբեմն կանգնելով և ականջ դնելով: Լուռ էր. ըստ երևույթին մարդ չէր շարժվում ներքև ճանապարհին, որը շատ թույլ երևում էր: Կամուրջը ես ազատ էր: Նրանք իջան մինչև ճանապարհը և մեծ քարի հետև թաքնված սպասեցին: Ղոնդին տեղ որոնեց դինամիտը թաքցրնելու համար՝ եթե դրա հանկարծակի կարիքը չզգացվեր:

Մանուկը գնաց դեպի աջ, իսկ Արտակը դեպի ձախ: Ղոնդին սպասեց, գնաց ձորի պոռնկը, նայեց կամուրջին: Դժվարութիւնը նրանումն էր, որ կամուրջը գտնվում էր ճամփի կեռմանի վրա և լայն տեսադաշտ չունէր: Միշտ պետք է թե աջից և թե ձախից լուր բերեին թե մարդ է մոտենում: Ղոնդին կարող էր միայն այն ժամանակ իջնել կամուրջը և աշխատել, երբ այս ու այն կողմից մոտեցողները շատ հեռու էին: Նա պետք է աշխատե՞ր մեջմեջ, որսալով ազատ մոմենտները և շարունակ վերև բարձրանալով, միանգամայն ապահով լինելու համար, որովհետև ճամփորդներից որևէ մեկը կարող էր ո՞վ գիտե՞ր իջնել կամուրջի տակը: Կամ կարող էր ըստի առ ըստի վրա հասնել որևէ պահակախումբ կամուրջին հսկելու: Կոխվ էր, օր-օրի, ժամ-ժամի. մարդիկ նոր զգուշական միջոցներ են մտածում...

Հանկարծ աջ կողմից եկավ Արտակը: Ղոնդին նայեց.

— Մա՞րդ կա...

— Ճամփորդներ են:

— Ի՞նչ գիտես: Զինվա՞ծ են:

— Ոչ:

— Լավ, սպասե՞ր՝ ոտը հանդարտվի: Հիմի ես քեզ ասեմ: Եթե անհաշող վերջացավ՝ քեզ մի բան կասեմ գուցե... մի տեղեկու-

թյուն... կտանես մերոնց: Բայց եթե հաջողվի, պայթյունը լսե՞ս՝ իսկույն անհետացիր դեպի գյուղ:

Արտակը նայեց Ղոնդու մտախոհ դեմքին.

— Դու գյուղ չե՞ս գալու:

— Ոչ, Ուրիշ տեղ:

— Գ՞րդըլի մո՞տ:

Ղոնդին չպատասխանեց:

— Դու էլի շասիր թե ո՞րտեղ է Գրդըլը:

Ղոնդին չպատասխանեց:

— Հը՞... սպանել են...

Եվ Արտակը սրտատրոփ նայեց Ղոնդու տխուր դեմքին: Ղոնդին բերանից թափեց ակամա և անշեշտ.

— Ոչ...

Արտակին դուր չէր գալիս այդ ծածկամտութիւնը:

— Գրդըլն իմ ախպերն է, ի՞նչ, զինվորական գաղտնիք է, որ չի կարելի. իմանալ թե որտեղ է:

— Կիմանաս, դրա ժամանակը կգա:

— Լսիր, Ղոնդի, ես կգամ հետդ:

— Ոչ, դու ինձ հետ չես գա. կգնաս գյո՞ղ... — և հառաչեց թեթև, — իմ ճամփան ուրիշ է:

Եվ սկսեց ականջ դնել: Անհանգստացավ: Արտակը մի բան հիշելով քթի տակին ծիծաղեց:

— Գյուղում ծիծաղում են:

— Ո՞վ, ինչո՞ւ, — մեքենայաբար հարցրեց Ղոնդին:

— Գյուղացիները: Էլ էնքան բաներ են պատմում քո և Գրդըլի արարքներից: Պատմում են ու ծիծաղում:

— Լավ են անում, որ ծիծաղում են:

Արտակը նայեց կրկին նրա տխուր դեմքին:

— Քե՞քդ ինչո՞ւ է կոտրած:

— Կոտրած չի...

— Ես իմանում եմ — Գրդըլը հետդ չի: Առանց նրան տխուր ես: Գիտե՞ս ինչ, Ղոնդի, ես միշտ ասել եմ, որ երկուսդ կամ միասին պիտի ապրեք մինչև ծերութիւնը կամ միասին մեռնեք: Դուք մեկդ առանց մյուսի չեք կարող ապրել:

Ղոնդին խոցվեց.

— Լսիր, այդ բաները թող: Իմացա՛ր, ինչ ասացի բեդ: Գու
կատարիր՝ ինչ որ բեզ կարգադրեցի:

— Դե որ շես ուզում, ի՞նչ անեմ:

Ձախից երևաց Մանուկը:

— Հա, հրետանի՞ է,— վախեցած շշնջաց Ղոնդին:

— Հրետանի չի երևում անիծածը: Սայլեր են: Բան չի հաս-
կացվում:

— Դատա՛րկ են:

— Բեռնած են՝ զահրումարը:

— Պարզ է, ֆրոնտ են քշում: Իմացիր՝ ինչ բեռ է:

— Գան հասնեն անտառ: Դեռ երկար կքաշի:

— Գու ասա պահակ շքերեն կամուրջի վրա: Հը՞, ի՞նչպես
անենք, ուշանո՛ւմ ենք...

— Էսպես հա՛ կգան ու կգնան: Գնանք դնենք դինամիտը:

— Մեծ ռիսկ է: Պետք է լավ մտածենք: Կամուրջը պետք է
անպայման պայթեցնել,— հետո դարձավ Արտակին... — Արտակ,
գու գնա պոստը: Զգույշ, Արտակ, շա՛տ, շա՛տ զգույշ, կրկնում եմ:

— Զգույշ որ լինեի՛ չէի ծնվի,— ծիծաղելով ասաց Արտա-
կը,— տնաշեն, մի կյանք չի՛: Երկու հո չի՛:

— Հիմարություններ դուրս մի տա: Սա այն տեղն է, որ
կյանքը շատ թանկ է և քոնը չէ:

Արտակը անհոգ թափ տվեց ձեռքը:

— Կոխվ է, կխփեն, թանկ շեն հարցնի:

Ղոնդին գազազեց անսպասելի թե Արտակի և թե Մանուկի
համար:

— Զգույշ, ասում եմ բեզ, լակո՛տ... թե չէ՛ հետ դառիր, գնա
տուն:

Արտակն անխոս հեռացավ իր պոստի կողմը: Մանուկը նըս-
տեց:

— Փոխվել ես, մեր տղա: Ա՛յ, ինչ բան է պատերազմը: Քա-
նի Գրդըլի հետ էիր՝ օրը հազար մահի հետ գլուխ էիր շարդում:
Հիմի՛ ինչպես եմ տեսնում՝ շատ ես զգույշ:

— Վախենում եմ,— ժպտաց Ղոնդին:

— Սուտ չի: Աչքդ մի բանում վախեցած կլի: Մի գինվոր
էնպես բան էր տեսել կովում, որ չէր կարում պատմի՛ Էն է՛
սկսում էր թե չէ, մեծակ դողում էր ու սիրթնում: ԵԱյ տղա, կամ

սպանել են կամ տանջել, պատմի՛, ի՞նչ կաս: Զէ: Լեզուն կապ-
վում էր: Երևի կովում մարդու հետ գործ ունենալը դժար է:

Ղոնդին քմծիծաղ տվեց:

— Հը՞, դժվա՛ր... գործի մեծությունը որ չլինե՛ր՝ ո՛վ կդի-
մանար — ... դեպքեր են պատահում...

Սկսեց ականջ դնել:

— Հը՞, տեսնես ի՞նչ եղավ Արտակը...

— Բան եմ ասում, խոխին ո՛ւր բերիր,— ասաց Մանուկը ծա-
նրը նստելով:

— Գործը պահանջում էր... ուրիշ ի՞նչ մարդ կարող էի վեր-
ցնել գյուղից: Ա՛յ տղա,— խոսքը փոխեց,— ի՞նչպես պիտի լինի
հիմա... ի՞նչպես պիտի անենք:

— Կանենք, վախիլ մի,— հանգիստ ու հաստատ եղանակով
ասաց Մանուկը:— Շատ ես քեզ ուտում: Տնաշեն, հո ամբողջ կոխ-
վը մի կամուրջի գլխին չի:

— Իմ գլխին է:

— Ինչո՞ւ:

Լռեց: Զգաց, որ խոսքերով ավելի է հուրհրում ներքին կրա-
կը, բայց չէր կարողանում զսպել իրեն:

Ու հրացանը թափով նետեց գետին:

Մանուկն էլ չէր հասկանում Ղոնդու հոգեկան վիճակը:

Խնդրի մարտական և տեխնիկական կողմը Մանուկի համար
պարզ էր և հեշտ: Նա սարի մարդ էր և վտանգի սովոր: ուստի և
զարմանում էր, թե ինչո՞ւ են այսքան անհանգիստ մարդուն
ուղարկել այս գործը կատարելու:

— Քեզ հետ եմ, գնանք դինամիտը դնենք: Թե չէ՛ հրես
լուսնակը դուրս է գալիս:

Արտակն արագ վազեց ձորի կողմից:

— Հա՛...

— Զինվորներ եկան կամուրջի վրա:

— Պահակներ կրկնեն,— հուսահատ ջեշտով ասաց Ղոնդին:

— Ախր, բեզ ասում էի,— հանդիմանեց մեղմ ու հանգիստ Մանուկը,— ինչի՞ հակառակեցիր: Ուշացանք:

Ղոնդին գլուխը բռնեց:

— Պահակներ՝ կլինեն: Տեսար ինչ եղավ: Լսեցե՞ք,— դարձավ նա Արտակին ու Մանուկին,— ժամանակ չկա... հիմա ամեն ինչ կարող է պատահել... բայց էլի... ի՞նչ եմ ասում, Արտակ, զնա... չէ, սպասիր, ես զնամ:

Ու վազեց դեպի ձորը:

— Մինչև գործը գլուխ գա՛ սա իրեն կկորցնի: Ի՞նչ է պատահել սրան:

— Գործ են հանձնել... երեխա ես,— ասաց Մանուկը և զրբազանից թուփունի քիսան հանեց, սկսեց շիբուխը լցնել: Սակայն հիշեց, որ չի կարելի ծխել, հետո դրեց զրպանը:

Ղոնդին հետ դարձավ: Նա այլալված էր:

— Չորս հոգի են,— ասաց նա,— կարող են հետո ավելանալ: Լսեցեք, գուցե կարելի է հենց... Մեծ ոխակ է, բայց պատրաստվեցեք:

— Ռիսկը ո՞րն է,— ասաց Արտակը,— մեռանք՝ մեռանք:

— Ի՞նչ անեմ... մեռնել կա, որ մեռնելն էլ բիշ չէ: Լսի՛ր, Արտակ... Գիտե՛ս... Գրդըն սպանված է...

Արտակը մոտ ցատկեց ուղիղ նրա աչքերի դեմ:

— Ի՞նչ, Գրդըլը... ո՞վ է սպանել...

— Մեկը նրան սպանեց:

— Մաուզերի՞ստ:

— Ոչ... մերոնցից:

— Ինչո՞ւ:

— Գործի համար... խոսք էր տվել կատարել...

Արտակը բռնեց Ղոնդու օձիքից.

— Ասա, ո՞վ էր... ասա, ո՞վ էր:

Ղոնդին հետ մղեց նրան.

— Սպասիր, դրա ժամանակը չէ,— և ականջ դնելով ձորի

կողմից լսվող շխկոցներին՝ ասաց,— սպասեցե՛ք մի րոպե, էլի մի անգամ նայեմ ու սկսենք:

Ու թռավ դեպի ձորի կողմը:

Արտակը նայեց և գլուխը ձեռների մեջ առած սկսեց մղկտալ.

— Ախր, տեսնում եմ, աչքերից երևում էր...

Բայց նրան սթափեցրեց Մանուկի շոր ձայնը.

— Վեր կա՛ց, վերցրու հրացանը:

Արագ նշաններ անելով վերադարձավ Ղոնդին.

— Գնացին...

— Ահա՛, հա՛... շա՛վ է,— խուլ մունչաց Մանուկը և վերջում հրացանը խլելով:

Ղոնդին արագ կարգադրեց.

— Դե, էլ հնար չկա: Լուսինը դուրս է գալու: Դուք դիրքերից պահեցեք ճանապարհը,— և կոնեմ դինամիտը: Ամեն անցորդի մի կրակեք: Դե...

Ու արագ վերցրեց դինամիտը: Մանուկն ու Արտակը օգնեցին նրան, տանելով գործիքները: Նրանք հրացանները կոնատակերին և գործիքները ձեռներին շտապով իջան ձորը:

Հասնելով կամուրջին, Ղոնդին ու արտակը սկսեցին դինամիտը դնելու աշխատանքը, իսկ Մանուկը հսկում էր: Ժամանակ չկար, պետք էր շտապել: Բայց երկար տևեց աշխատանքը, քարը դիմադրում էր: Ղոնդին երազի մեջ էր. նա ամբողջովին դառել էր բնազդ, որը լսում է հազարավոր քայլերի ձայն թեկուզ հինգ վերստից և տեսնում է մարդկանց՝ ժայռի հետև:

— Չէ՛...

— Հիմա, Մանու՛կ, հիմա...

Ու Ղոնդին ծակում էր քարը: Մեկը վերջացրեց, անցավ մյուսին: Հիմա արդեն Մանուկն էլ էր անհանգստանում: Գործը գլուխ էր գալիս, բայց ո՞վ է իմանում: Հանկարծ վերջին մոմենտին...

— Դրի, պատրաստ է: Վառում եմ, հեռացեք: Մանուկն ու Արտակը վազեցին ձորափը, եկած ճանապարհով:

Ղոնդին պատրույզները վառեց ու մի անգամ նայեց: Լավ վառվում էին: Այլևս չէր կարելի սպասել, կարող էր պայթել:

Բայց նա զգում էր մի քաղցր անտարբերություն: Հիմա միևնույն է, թող ինքն էլ կործանվի կամուրջի հետ:

Գործը կատարված է, հազարավոր կյանքերի գործը, և զըլ-նավորն է՝ Գրգըլի կյանքը զուր շանցավ:

Նա դանդաղ բարձրանում էր ձորից և շուտ-շուտ հետ նայում: Ահա՛, հիմա՛... հիմա՛...

Նա անշուշտ կպայթի... Արդեն ձորափին էր, որ բոցն ու ծուխը ցայտեցին և ահռելի թնդյունը պոռթկաց կամուրջի վրա: Չորն արձագանքեց ու կրկնեց հեռուն ու հեռուն: Հետո տիրեց հաճելի խաղաղություն:

— Հիմա պետք է լուրը տանե՛լ, — ասաց Մանուկին ու Արտակին սաստիկ անհանգիստ:

Նրանք չհասկացան, թե ինչո՞ւ անհանգստացավ Ղոնդին:

— Դե՛, դեպի սա՛րը, — ուրախ հրամայեց Ղոնդին ու թռավ առաջ:

— Դե հիմա նամակը, շո՛ւտ... — ասաց Ղոնդին մի նոր, ավելի տաղնապալի մտատանջությամբ: Նրան հիմա պաշարեց ավելի մեծ երկյուղ, որ պայթյունից առաջ լավ չէր զգում — հանկարծ իրեն բան պատահի և լուրը չհասցնի հրամանատարին: Բայց միաժամանակ նա հոգու խորքում շոշափում էր մի այլ բան... Դա ընկերոջ ուրվականն էր. — ի՞նչ պիտի աներ Ղոնդին իր ընկերոջ հիշատակի առջև՝ եթե նրա զուրկ շավարտեր սրբություններ:

— Դեպի սարը, — հրամայեց նա և թռավ առաջ:



Լեռնային կածաններով կրակ կտրած գնում է Ղոնդին Մանուկի և Արտակի հետ: Նա չէր կարողանում մտքերը կարգի բերել: Կյանքի անիվը զուրս էր թռել ու սլացքով գլորվում առաջ:

Լուսինը փայլատակում էր երկնքում: Նրա աչքերը ուռել էին և այտերը պայթում և դունատ ու մեռած նայում էր ներքև:

Լեռնալանջը, որով գնում էին երեքը՝ քարքարոտ էր ու դարուփոս: Բայց ամայի էր, կարելի էր անտես անցկենալ: Զէին խոսում: Մտքերը փոթորկում էին նրանց գլխում: Նրանք մոտենում էին Վերնաշեն գյուղին, որի ներքև լեռնազաշտում սևին էր տալիս

անտառի պես: Շուտով նրանք պիտի իջնեին մի ձոր, որից այն կողմ լեռնադաշտն էր:

Դարձյալ նույն տաղնապալի հապճեպը, դարձյալ նույն ժամանակի սղությունը: Ղոնդին պետք է մտներ գյուղ, գտներ հրամանատարի անվանած Վարդանին և հանձներ նամակը:

Եվ հիմա նրա միտքն այրում էր այդ գործի մասը: Կամուրջի հետ կար նաև կարևոր նամակ, որ պետք է հասցնեի Վարդանին: Ի՞նչ էր նշանակում այս: Անշուշտ մի շատ կարևոր քայլ, մի անհրաժեշտ օղակ կամուրջի պայթեցման գործի հետ:

Գրգըլի ուրվականը կարծես վազում էր նրա կողքին: Զէ՛ որ Ղոնդին սովոր էր ամբողջ կյանքում նրան այդպես տեսնել իր կողքին, իր հետ Գրգըլը շինի՛, Գրգըլը իր հետ շինի՛, սա ամենատարօրինակ, անբնական բանն էր Ղոնդիի համար:

Բայց Ղոնդին չէր կարողանում խորանալ այդ իրողություն մեջ — ժամանակ չկար: Ուժն ու եռանդը պետք էր լարել մի ուղղությամբ — գործը կատարել մինչև վերջը:

Բայց նա անձկում էր, շտապում ավարտելու այն գործը, որ մի նստի և իրեն հաշիվ տա, թե ի՞նչ էր կատարվածը Գրգըլի հետ:

Եվ նա շտապում էր, շտապում:

Իջնում էր ձորը: Այստեղ մի նեղ ճանապարհ կա, որով գյուղացիները գնում էին սար: Կարող է և հանդիպում տեղի ունենալ: Կրկին երկյուղ այն երիտասարդի համար, որ երկյուղ չէր իմացել իր կյանքում:

Եվ այդ երկյուղը ամենից շատ ի՛ր վերաբերյալ էր: Հանկարծ բռնվի... Ի՞նչպես պետք է նամակը հասցնել Վարդանին: Իհարկե նա կարող էր այդ նամակը հանձնել Մանուկին կամ անգամ Արտակին: Բայց ի՞նչով էր ապահով, որ նրանք էլ չէին բռնվի և տեղ չհասցրած չէին սպանվի: Եվ ո՞վ էր ապահով այդ երեքից, ո՞րի մոտ պահվեր նամակը, որ վստահ լինեի, թե անպատճառ տեղ կհասցնի: Թերևս ամենից ապահովն ինքն էր, կամ ամենից անապահովը...

Սակայն հիմա Ղոնդուն պաշարեց մի ավելի մեծ երկյուղ, որ կամուրջի պայթյունից առաջ լավ չէր զգում — հանկարծ իրենց բան պատահի և լուրը չհասցնի հրամանատարին: Հիմա հոգու խորքում շոշափում էր մի ավելի մեծ խոռվի սկիզբը, որ ծա-

վալվում էր, արծարծվում հրգեհի պես, լուսավորում ավելի տանջալի մտքեր, քան ընկերոջ խնդիրը: Հիշեց ընկերոջ խոսքերը՝ «դժվար է աշխատավոր ժողովրդի գործը... այստեղ խելք է պետք, գիտություն»: Բայց Գրդըլը, ինքը՝ Ղոնդին ժողովրդի համար դուրս եկան զոհվելու: Ահա այստեղ է, որ հազար ու մի ասեղի ծակով անց ես կենում՝ մինչև գործը գլուխ բերելը:

Այսպես մտածելով նա ինչպես երազում գնում էր և չէր կարողանում կանգ առնել մի մտքի վրա:

Այս մտքերով նա ինչպես երազում Մանուկի և Արտակի հետ անցավ ձորը, գնաց դաշտով և ահա վերջապես գլուղը: Նրանք սահելով փողոցներով ու ստվերների պես հալվեցին տներից մեկի դռանը:



Կիսախավար սենյակի լուսթյան մեջ Վարդանը, չոր ու ցամաք ու մռայլ մի քսանամյա երիտասարդ, դանդաղ ու զգույշ բաց արեց հացի միջուկից նամակը, կարդաց, դրեց գրպանը և սկսեց մտածել:

Ղոնդին արդեն հայտնել էր նրան կամուրջի պայթյունը: Բայց ոչ մի տպավորություն ըստ երևույթին:

Մռայլ Վարդանը ոչինչ շասաց Ղոնդուն ու Մանուկին: Միայն երբ մտածմունքի ու լուսթյան շափն անցավ՝ նա նայեց Ղոնդուն և կարծես ուզում էր հայտնել, թե հիմա ինչ է մտադիր անելու: Բայց նա միայն հարցրեց.

— Ո՞ր ժամին պայթեցրիր կամուրջը:

— Ժամը չեմ հիշում:

— Իսկ հաստատ գիտես, թե հրետանին շանցավ: Թե՞ այնպես...

— Հաստատ:

Վարդանը լռեց երկար ժամանակ, և հետո վեր կացավ:

— Կավ,— ասաց նա խորը մտածմունքի մեջ ընկած, կարծես գժվար էր հասկանալը, որ կամուրջը պայթել է, որ հրետանի չի անցել: Մանուկը լուռ նայեց Վարդանին և ըստ երևույթին հասկանալով նրան՝ ոչ մի հարց չտվեց: Հետո Վարդանը դարձավ

դեպի Ղոնդին և այս անգամ, առաջին անգամ, նայեց աչքերի մեջ և ասաց.

— Դու կսպասես այստեղ: Պատասխանը կգրենք կտանք քեզ, որ տանես: Մանուկ,— դարձավ նա Մանուկին կարգադրողի հայացքով և մտացի — սրան...

— Հա՛, կտանեմ,— ասաց Մանուկը:

Վարդանը գնաց, Ղոնդին վերավորված նայեց Վարդանի հետևից: Ի՞նչ է լուռ, ի՞նչ է թաքցնում իր անելիքը: Եվ վերջապես ի՞նչ ասել է իրեն «կթաքցնեն, կտան պատասխանը...»:

Կարծես հասարակ պոստի նամակաբեր լինի ինքը: Իսկ եթե այդ չոր Վարդանը իմանար թե ինչե՞ր է քաշել Ղոնդին այս երկու գիշեր...

Ուրեմն Ղոնդին շի էլ կարող իմանալ թե ինչ էր պարոլի միտքը և ինչ են վճռելու այստեղ: Իհարկե չէր կարող և ներկա լինել այն ժողովին կամ խորհրդակցության, ուր պիտի մշակվեր պատասխանը:

Նա այդ մտքերի հետ էր, որ իր առջև դրվեց սև հացի լավաշը:

Խոտի դեղը, ահա նրա անկողինը մարագի հետև: Ու թեև դա շատ ապահով տեղ էր՝ մի կողմից մարագը, մյուս կողմից անմիջապես այգին՝ բայց Ղոնդին մեծ տհաճությամբ մտավ մեջը և երկար ժամանակ չէր քնում: Միաժամանակ նա գիտեր, որ մարտական կյանքն այդպես է: Նա զգում էր, որ Վարդանից շի կարելի պահանջել մտերմական զրույցներ: Բայց նրա լարված նյարդերը և այս երկու օրվա ապրումներն այնքան էին նրան թափ տվել, որ նա դառել էր դյուրազգաց:

Վերջապես բնությունը փակեց նրա աչքերն ու մտածմունքների հոսանքը: Նա ընկավ անէություն սփոփիչ գիրկը:



Ավելի անտանելի էր ցերեկը, երբ Ղոնդին հարկադրված էր թաքնվել խոտի դեպի մեջ ամբողջովին թաղված: Շոգը, անշարժությունը, անգործությունը տանջում էին նրան: Երկարեց, դանդաղեց օրը Ղոնդին իր «բանտում» խաշվում էր քրտնքից ու

միջատներից: Բայց ամենից շատ անորոշ կացութիւններից: Ի՞նչ են որոշում այնտեղ, ե՞րբ են վերջացնելու, ե՞րբ պիտի ազատվի այդ տեղից...

Կերակուր բերին իրեն: Դա նույն սև հացն էր, միայն մի քիչ լոտով: Երևում էր, որ գլուղում սով էր: Եվ նա նկատեց, որ շարժում չկար և ոչ էլ աղմուկ: Խոտի արանքից նայեց հեռավոր անների կտուրներին: Մի մոմեղեն պառավ զողողալով իջնում էր էրանից: Նա կմախք էր, կենդանի մեռել: Գոմի կողքով՝ օրորվելով մի շուն անցավ: Նա կանգ էր առնում, հարբածի պես նայում և երբ որոշում էր շարժվել, տատանվում էր և քիչ էր մնում վայր ընկնելու: Հետո երկու երեխա եկան գոմի պատի տակ կանգնեցին: Նրանք խաղում էին, ծիծաղում: Բայց Ղոնդին նկատեց, որ նրանք ծիծաղում էին դիմակի պես, դանդաղ և խոսելիս էլ բառերը կախ էին գցում: Նրանք հոգնեցին կանգնելուց, նստեցին, բայց էլ էլ հոգնեցրեց: Նրանք պառկեցին և քնեցին:

Ահա թե ինչեր կային գլուղում:

Վերջապես մութը հանդարտ բազուկներն արձակեց գլուղի դրսու: Մանուկը եկավ և Ղոնդուն ներս տարավ: Սենյակում Վարդանն էր և մի քանի երիտասարդներ, որ ըստ երևույթին գլուղում չէին անցկացնում իրենց օրը և գիշերաշրջիկ կյանք էին վարում մտտակա լեռներում:

Երիտասարդների ներկայութունը զարմացրեց Ղոնդին:

Այդ ի՞նչպես էր այդքան լուակյաց ու գաղտնապահ Վարդանը նրանց բերել Մանուկի սենյակը իր տեսակցութեան: Նրանք ոգևորված երիտասարդներ էին և արևառ ու կմախքացած դեմքերը պատկերացում էին տալիս նրանց շարքալ դաժան կյանքին:

Բայց Ղոնդին մի փոքր անց հասկացավ Վարդանի մանյովրը: Սա երիտասարդներին բերել էր ցույց տալու Ֆրոնտից եկած մարդուն, նրանց ոգին բարձրացնելու համար:

Վարդանը հանգիստ և մռայլ լուությամբ ընդունեց Ղոնդուն և երբ սա ներս մտավ՝ դարձյալ երկար ժամանակ լուռ էր:

— Հիմա այսպես է,— ասաց Վարդանը,— ընկերները քեզ կտանեն բոլորովին անձանոթ ճանապարհով և երբ կհասնենք օրոշ տեղ,— նշանք գիտեն այդ տեղը — դու մենակ կգնաս: Ընդհանրապես մեք գրութիւնը,— ավելացրեց Վարդանը և ժպիտի պես մի

բան խաղաց նրա աչքերում,— լարված է: Սպասում ենք անհամբեր:

Ղոնդին սպասում էր մանրամասն զրույցի, սպասում էր, որ Վարդանը հայտնի իրենց անելիքի մասին:

Բայց նա իր մռայլ ու կարծես տխուր շարժումներով վեր կացավ տեղից և կարգադրեց:

— Դե, հիմի ճանապարհ ընկեք:

Այսքանը միայն:

— Ի՞նչպես է գլուղերի վիճակը,— հարցրեց Ղոնդին:

— Ոչինչ, ոչինչ, կանե՛նք, լա՛վ է,— վրա տվեց Վարդանը և դարձավ երիտասարդներին:

— Դե, դուք առաջ ընկեք:

Երիտասարդները մեկ-մեկ հեռացան: Մնաց մեկը նրանցից, որ պիտի գնար Ղոնդու հետ: Վարդանը նրա մոտ հանեց մի խմորի կտոր և տվեց Ղոնդուն:

— Ահա՛, սա էլ... նամակը: Կտանես նույն ձևով ընկեր Դավթյանին: Պետք է շուտ հասցնել, ժամանակ չկա, գլուղերում կարող են անախորժ դեպքեր տեղի ունենալ: Վտանգ, «բան» պատահելիս նամակը կտաք մեկ-մեկու և տեղ կհասցնեք: Դե, դուք էլ ճանապարհ ընկեք: Գնաք բարով:

— Մնաք բարով,— ասաց Ղոնդին և ձեռքը մեկնեց Վարդանին:

Սա սեղմեց Ղոնդու ձեռքը և թափահարեց ուժեղ ու սրտալի:

— Դե, քեզ տեսնեմ, ընկե՛ր ջան, զգո՛ւյշ և արա՛գ...

Վարդանի մռայլ աչքերի մեջ մի ջերմ շող վառվեց: Նրա դեմքի վրա խաղաց հոգսերի, մտատանջութեան և գործի կամքի այնպիսի մի հույսվածք, որով ավելի շատ բան պարզվեց Ղոնդու համար, թե գլուղերում ինչ վիճակ էր, քան եթե Վարդանը պատմեր:

Ղոնդին գուրս գնաց երիտասարդի հետ:

— Այդու միջով, Պետրոս,— կամաց հրահանգեց Վարդանը և ինքը հեռացավ:

Ղոնդին դուրս եկավ Պետրոսի հետ: Այդու ժայռին սպասում

էր Մանուկը: Նրանք գնացին դեպի լեռները, որ կողմով-է գծացել էին մյուսները:

— Ի՞նչ կա գյուղում,— հարցրեց Ղոնդին Պետրոսին:

— Գյուղում ի՞նչ կա, տնաշեն,— ի՞նչ չկա...— հառաչեց Պետրոսը և քրտինքը սրբեց: Նա նիհարած էր և ըստ երևույթի գրկանքներից ուժասպառ:

Գիշերային խավարի մեջ հետզհետե միացան մյուսները և խումբը գնաց դեպի լեռնային առապարները:

Ամբողջ գիշեր գնում էին և լուսնիստ լեռան լանջերը կլանում էին երիտասարդների հեղուկները: Նոր էր լուսաստղը հալած ոսկու պես պլավում, որ խումբը կանգ առավ:

Առաջ եկավ Մանուկը և ձեռքը մեկնելով մի մռայլ ձոր, Ղոնդուն ցույց տվեց նրա հետագա ճանապարհը:

— Ահա էն ձորից, որ դուրս գաս քերծի գլուխը՝ էնտեղից կմտնես քո եկած ճամփան:

Ղոնդին գլխարկն հանեց և թափահարեց օդի մեջ:

— Մնաք բարով, ընկերներ:

— Բարի ճանապարհ,— պատասխանեցին նրանք,— շուտ եկեք:

— Շուտ կգանք,— ասաց Ղոնդին և ուժով իրեն գցեց քարաշեղջի վրա: Քարերը աղմկով թափվեցին, նրա ոտը խրվեց նրանց մեջ ու սահեց վայր:

Շուտով նա ստվերի պես կորավ գիշերվա մեծ ստվերի մեջ:



— Շատ գեղեցիկ:

Եվ Դավթյանը, կարմիր հրամանատարը, վայր դրեց սեղանին ճմրթած նամակը: Կարծես շեր նկատում Ղոնդուն, որ կանգնած էր սեղանի մոտ և լուռ ու խոռվահույզ նայում էր Դավթյանին:

— Շատ գեղեցիկ:

Լուսթյունը կլանեց այդ խոսքը ևս: Դավթյանն սկսեց մտախոհ նայել պղտոր պատուհանից դուրս, ուր գիշերը լցվել էր սև մրրի պես: Ի՞նչ էր մտածում նա... Շրթունքները սուլելու նման կծկեց նա և առանց սուլելու անձայն փչեց շրթունքներով, նայեց

գես ու դեն, նամակին, քարտեզին: Մի պահ հայացքն ուղղեց Ղոնդուն:

Երկուսի հայացքները հանդիպեցին իրար: Դավթյանը շափեց Ղոնդուն ոտից գլուխ, կարծես առաջին անգամն էր տեսնում նրան: Ղոնդին այլալված սպասեց, որ Դավթյանը խոսի: Ցնցվեց: Բայց Դավթյանը սաստիկ լարված էր իր մտքերով: Նա միայն մեքենաբար դարձյալ կրկնեց առանց կապելու իր միտքը Ղոնդու. նրա բերած նամակի հետ:

— Շատ գեղեցիկ:

Հետո կիսաձայն.

— Հիմնովի՞ն պայթեց կամուրջը:

— Ամբողջ կամուրջը թափվեց ձորը, ընկեր հրամանատար:

— Հրետանին անցե՞լ է այս կողմ:

— Ոչ, ընկեր հրամանատար:

— Ստո՞ւյգ գիտես, թե ենթադրում ես:

— Ստուգեցի տեղում:

— Լա՛վ, դա կստուգենք:

Ու կրկին վերցրեց նամակը: Չէր կարդում, պարզ էր, մտածում էր: Հանկարծ վեր նայեց, նայեց Ղոնդուն և արթնացածի պես.

— Հա, ընկե՞րդ ուր է:

Ղոնդին գլուխը կախեց:

— Սպանվե՞ց:

— Սպանվեց...

Դավթյանը շխոսեց: Մի փոքր անց միայն, կարծես ինքն իրեն՝ շշնջաց.

— Ամեն բան կպատահի:— Հետո՞ բարձր.— Որտե՞ղ սպանվեց:

Ղոնդին դժվարությամբ շունչ քաշեց և սկսեց.

— Դեպքն այսպես պատահեց, ընկեր հրամանատար...— սկսեց հուզմունքից ծանր հեալով Ղոնդին:

Ներս մտան Ավետն ու Ռուբենը:

Նրանք բարձր տրամադրության մեջ էին:

— Ահա և նա,— ուրախ բացսկանչեց Ավետը՝ նայելով Ղոնդուն,— պատմեցի՞ր ընկեր հրամանատարին:— մոտեցավ Դավ-

Քյանին և մոտ նստեց նրան:— Լավ նեղն եք ընկած եղել, մե՛ր տղա: է, ի՞նչ, ուրիշ հնար չկար երևի:

Հանկարծ շուտ եկավ դեպի Գավթյանը և կոանալով նրա դեմքին հարցրեց.

— Հետաքրքի՛ր նամակ է: Ի՞նչ է գրում Վարդանը:

Նրանք սկսեցին անլսելի ձայնով փսփսալ: Խոսեցին մի պահ և հանկարծ երկուսն էլ շեշտ նայեցին Ղոնդուն:

— Այսպես է եղել,— մոայլվեց Գավթյանը և լարվեց,— հետո՞, ձեզանից ո՞րը կամեցավ առաջինը իրեն զոհել:

— Նա... ծանր և ցածր ձայնով ասաց Ղոնդին և զգաց, որ ամենածանր վայրկյանը հասավ:

— Դու շառաչարկեցի՞ր, որ նա քեզ խփի...

— Ոչ...

Լուսթյունը բռնեց Ղոնդիի կոկորդից և սեղմեց: Գավթյանը, Ավետը և Ռուբենը ծանր նայեցին Ղոնդուն, որ դատապարտվածի պես նայում էր գետնին:

— Հա՛, շա՛տ ես տխրում,— հարցրեց Ավետը ժպտալով մեղմ:

Ղոնդին հազաց, կամենալով մաքրել կոկորդի ջղաձգությունը:

— Ընկեր կոմիսար... ես շատ դժբախտ եմ... որ ես չեղա զոհը, և թույլ տվի, որ ընկերս զոհվեր... Ես նրան ծանր խոսք ասացի... Չէի սպասում թե նա:

Չվերջացրեց, դժվար էր:

— Ոչինչ, ասաց Ավետը, երբեմն կյանքն է պետք, երբեմն մահը, և այդ ամենը վերջիվերջո գնում լցվում է այն մեծ գործի մեջ, որի համար պայքարում ենք մենք: Հարգենք ընկերոջդ:

Հետո գործնականը:

— Շա՛տ լավ, ազա՛տ ես,— ասաց Գավթյանը և նստեց վանելով ծխախոտը:

Ղոնդին դուրս եկավ և գնաց այն տունը, որի սենյակներից մեկում նա և Գրգըը ապրել էին երկու շաբաթ: Երբ ներս մտավ աչքը տնկեց այն մահճակալին, որի վրա քնում էր Գրգըը: Նրա վրա փոքրիկ կապոց էր դրած, որի մեջ կապած էր Գրգըլի զինվորական բլուզը, խակի բլուզը, որ նա ձեռք էր դրել ով գիտե որտեղից:

Ղոնդին քանդեց կապոցը, վերցրեց բլուզը, հոտ քաշեց, քաց

արեց և բլուզի թևերը պարզած, բռնեց օդում: Գրգըը, իր սիրելի Գրգըը կանգնած իր դեմ, թևերը պարզած, կաթվածահար թևերը: Այդպես կաթվածահարի պես Գրգըը թևերը պարզեց օդում և ընկավ գետին այն սարսափելի գիշերը:

Ղոնդին գրկեց բլուզը, փաթաթեց նրա թևերը իր դեմքին և այդպես տխուր մնաց մինչև լույս:

Փողերը հնչեցին: Գունդը գնում է...

ԴԱԴԱՐ

Առաջին առավոտ՝ շնայած երեկվա ճամփի հոգնածության, դեռ ծիտը ջուր չիմած՝ Զուրաբը զարթնեց:

Իսկույն վեր թռավ նստեց անկողնում — մեքենայի պես, ուղիղ այն ժամին, երբ քաղաքում զարթնում էր գործարանի շշակի հետ: Որտե՞ղ էր... Ուշքի եկավ — հանգստի տանն էր? և գործարան չէր գնալու:

Հին, քսանհինգ տարվա սովորություն (դեռ ավելին — մանկուց). ամեն օր միշտ վաղ էր վեր կացել: Այսօր էլ այդպես:

Սենյակի պատերը օտարոտի, խաղաղ նայեցին նրան: Ու թեև կարող էր մնալ անկողնում, շուտովու գալ իր համար, բայց համ շառավ: Հագնվեց, գնաց պարտեզ, լվացվեց աղբյուրի մոտ:

Եվ արդեն պատրաստ էր. մնում էր մի բան ուտել ու վրա ընկնել մի հիմնավոր աշխատանքի: Եվ թվում էր, թե իսկապես հիմի մի բան կսկսվի, և ինքը մի բան պիտի անի:

Բայց հանգստի տանը ի՞նչ աշխատանք: Լուռ էր տունը, — բանվորները դեռ քնած, ոչինչ չէր սկսվում: Նստեց մի քարի, վերդիր արեց իր վիճակը. սնունդ, անկողին, լվացք — այս ամենն իր հոգսերի մեջ չկան: Ընտանիքն ապահով թողել է քաղաքում:

Քանի քաղաքումն էր, գործարանում ու իրեն հայտնի էր, որ պիտի գնար հանգստի տուն՝ վիճակը որոշ էր, անվրդով սպասում էր գալու օրվան: Ու մինչև վերջին օրը նա սովորականի պես իր ժամին գնում էր գործի՝ ամբողջ օրը լցված այդ օրվա հոգսով: Մինչև վերջին վայրկյանը, դեռ էլի իր սովորական հոգսի հետ էր, այդ բարեբար, մտերիմ հոգսի հետ: Հանկարծ կտրվեց այդ հոգսի թելը:

Հետո՞... Հիմի ի՞նչ է լինելու իր հոգսը: Առանց հոգսի՞: Տարօրինակ վիճակ:

Կարծես ընկավ մի տեսակ պարապ տարածության մեջ, հիվանդացավ, փոխվեց ուրիշ աշխարհ:

— Հը՞, Զուրաբ, էշդ կորցրել ես, — ձայն տվեց պատըշգամբից նրա ընկերը՝ Ալեքսոն, — ի՞նչ ես միտք անում. հազարի կեսը հինգ հարյուր է:

— Գիտեմ — պատասխանեց Զուրաբն այնպես ցրված ու լուրջ, կարծես իսկապես այդպիսի հարց էր դրված:

Ալեքսոն պատշգամբից մոտեցավ աղբյուրին, կոշտ ու կլոր գեմքը շոփ-շոփ լվաց ու լայն թաթերով սրբիշախառն հիմնավոր սրբեց ու կուշտ մտիկ տվեց Զուրաբին:

Դա մի կարճահասակ, գորտի աչքերով, մսի կոճի պես մարդ էր: Ուրախ, գռհհիկ:

Եվ խոշոր ատամները կափկափելով ասաց.

— Դե, վեր, գնանք բալկոն, մի նարդի խփենք, մինչև շալը տան:

— Սովա՞ծ ես:

— Ծ՛ս:

— Հա, բա ո՞վ... դե լավ, լավ, հիմի կտան:

Բարձրացան պատշգամբ, նստեցին նարդու մոտ:

— Դե, բա՞:

Նաղը տաքացավ:

— Շատ մի՛ մտածի, է՛ս ա, մարս եմ անում, — սկսեց գրգռել Ալեքսոն, ու նարդու քարերը — կարծես հրացանի կրակ էր բաց արել — շառաշով զարկում էր, շարում:

— Էս՝ սե, էս ջահար: Էղա՞վ: Հը, Զուրաբ, ֆրոնտդ ճեղքում եմ ահա, տղամարդ կաց, — աղմկում էր Ալեքսոն կոշտ ձայնով:

Զուրաբը լրջացել, մտահոգ նայում էր իր քարերին և այնպես էր կենտրոնացած՝ կարծես համաշխարհային պատասխանատվություն կար մեջտեղը, լավ քննում էր իր քարերը, հետո հանգիստ, համաչափ վերցնում զգույշ, անձայն դնում տեղերը:

— Զուրաբ, բուրդ է, հա՛յ մի դու շեշ, — գոռում է Ալեքսոն և զառերը զցում: Զուրաբը աչքերն է ձպձպացնում և լարվում:

Մինչ նրանք խաղում էին՝ հանգստյան տունը լցվեց աղմուկով: Բանվորները վեր էին կացել և դուրս էին գալիս լվացվելու:

Աշխատանքից, մրից, երկաթից և հոգսից՝ կոշտացած, սևացած մարդիկ էին, անկյունավոր շարժումներով: Ու թեև եկեղ են

երկաթուղու գծից, փայարաններից և այլ գործարաններից, բայց բոլորի դեմքին միևնույն մտայլ կնիքն էր — տարիների աշխատանքի կնիքը, որից նրանք ծիծաղելիս անգամ խիստ արտահայտություն ունեն:

— Տղերք, քվեարկում եմ,— գոռաց Ալեքսոն,— ով սոված չէ, ձեռք բարձրացնի:

Բանվորները ժպտալով հավաքվեցին խաղացողների գլխին: Ալեքսոն ամենքին զվարճալի էր երևում, ինչպես միշտ:

Նա խաղում էր ու շորս կողմ նայելով ոգևորված գոռում:

— Մտիկ ես տալի՞, Զուրաբ, ի՞նչ կոխտա ամառանոց է: Կարտինկա է թամամ: Մի էն ծտերին, ծտերին, ոնց են լեկուրի պար գալի լոթիքը: Պա՛, պա՛, պա՛... մի էն աղբրի ջրին, ոնց է կլկլում. կասես մեր Կախեթու անմահական գինին է խելաթից թափվում: Զա՛ն, ձեր հոգուն մատաղ,— գոռաց Ալեքսոն ու քարերը շրա՛խք զարկեց նարդուն:

— էս՝ փանջ, էս՝ ջահար:— Ու նայում է պարտեզին, տանը,— լավ տեղ են ապրել մեր բուրժուաները, հը՛, ի՞նչ կասես, Զուրաբ: Տո ի՞նչ ես ծռծռացնում, դե շուտ արա, խփի:

Զուրաբը լսում է նրան, բայց իր բանին է: Մտածում է: Կարծես կարևորագույն հարց է լուծում:

Կամաց-կամաց Ալեքսոն բոլորին հավաքեց իր շուրջը իր գոռոցներով ու խաղով:

— Տո, ի՞նչ ես առավոտ-առավոտ կամպանիան սարքել,— նկատում է խոհարարն ու անց կենում դեպի խոհանոց:

Ալեքսոն խոսքի տակ չի մնում.— ո՞նց թե, տու: էս շան լա-կոտ սովը գցել է փորներս — դե մի կտոր հաց տվեք, գցենք ռեխները, է՛:

— էս ա՛ շայր տալիս են,— պատասխանում է խոհանոցից մի ծիծաղկոտ ձայն:

— Մա՛րս,— գոռաց Ալեքսոն և նարդու քարերն իրար խառնելով վեր կացավ:

Զուրաբն աչքի տակով նայեց, ստուգեց վերջի քարերի դիրքը, որքան հնարավոր էր և լուրջ համաձայնեց:

— Հա՛:

— Դե, էլ ո՞վ ա գալի, մի հատ էլ խփենք,— հրավերեց Ալեքսոն, քարերը շարելով:

— Մո՛, կեցի տեսնեմ,— արլորեց մի երիտասարդ բանվոր և մեջ մղվեց:

Զանդը տվին: Թեյը պատրաստ էր: Գնացին սեղանատուն, շարվեցին երկար սեղանների շուրջը: Սկսեցին ուտել-խամել շատ գործնական եղանակով, կարծես մեքենան բանի գցեցին:

Ալեքսոն սկսեց աչ ու ձախ քննել, սրան նրան ժպտալ, ձեռք առնել:

Նվ այնպես էր ուտում, որ ահագին բերանը իր հաստ շերթներով կափարիչների պես բացվում փակվում էին:

Զուրաբը իր համար պարկեշտ ապրում էր հանգստյան տանը: Հանգիստ էր, բայց չէր բացվում, դեռ էլի իրեն զգում էր ինչ-որ խորթ վիճակում: Դոնները զգույշ էր բաց անում — կարծես չէր ուզում խանգարել ընկերների ուշադրությունը: Պատառաքաղը հատուկ հոգածություն էր բանեցնում: Բայց ընկերությունից էլ չէր քաշվում: Նստում էր նրանց հետ պատշգամբում, ընթերցարանում, պարտեզում և ավելի ականջ էր դնում, քան խոսում և գոհ էր: Իր ընկերներն ասում, խոսում, ծիծաղում էին, բազկաթոռների, դիվանների վրա բազմած:

Կահ-կարասին ճոճոտ էր բանվորների հախուռն կազմվածքների տակ:

Մի օր ճաշից հետո բանվորները նստած էին պատշգամբում և խաղաղ զրույց էին անում: Նրանց մեջ էր և Զուրաբը, որը մի կողմից ականջ էր դնում, մյուս կողմից իր մտքերը որոճուճ, որոնցով նա սիրում էր հաճախ տարվել:

Ներս մտավ Ալեքսոն և իր անճուռնի բերանը բաց արած նայեց Զուրաբին:

— Հը՛, էստեղ ե՞ս, քեզ էի ման գալի: Ո՞նց ես:

— Լավ եմ,— վերև նայեց Զուրաբը:

— Հա, ղոշաղ կա՛ց:

Զուրաբը ըստ իր սովորության «բարիխիղճ» նստած էր դիվանի եզրին, մեջքը ուղիղ բռնած, արձանի պես:

Ալեքսոն մին էլ մտիկ տվեց նրան:

— էդ ո՞նց ես նստած, տո՛:

— Ո՞նց:

— Տո մի ձգվի՛, է, բամակո քաղցրացրո՛ւ, վախում ես դի-

վանի մեջքը ցավի՞: Թե՞ հորն օղորմի, դրա հին տերը բեղամազ կրի...

Եվ իր երկաթե ձեռքը գցելով Զուրաբի ուսին՝ կոպտորեն սխմեց նրան դիվանի մեջքին:

— Այ տղա, ի՞նչ ես անում, ուսս կոտրեցիր:

Բանվորները ծիծաղեցին, իսկ Ալեքսոն ձեռքերը պինդ խոթելով գրպանները, փորն անճոռնի առաջ ցցեց, և ամբողջ մարմինը ցնցահարելով գոհակարեբան հը՛, հը՛, հը՛ — մի երկար հռհռոց գցեց՝ հաստ ատամները կափկափելով:

— Լավ տեղեր գիտեին ասլու մեր բուրժուաները, հը՛, Զուրաբ... Հա՛յ գիտի, հա՛...

Ու նայելով Զուրաբին, որ մեջքը տվել էր դիվանին և ժրպտում էր.

— Այ, էղենց, ձգվի մի լավ, որ մարմինդ զվարթանա:

— Է՛հ, սիրտս նեղանում ա, — խոսեց Զուրաբը ժպտալով:

— Ընչի՞ց, տո:

— Էսպես սլարապ-սարապ:

— Հապա ո՞նց գիտեիր, հանգստյան տուն ա, պըտի հանգըստանաս: Որ եկար, ըստի արգելված ա աշխատելը: Բա՛ս:

Զուրաբը համաձայնում է, բա՛յց.

— Այ տղա, էդ բուրժուաները ո՞նց էին անում:

— Ի՞նչը:

— Էսպես հանգիստ ասլու: Ասում եմ, ո՞նց էին տարիներով պարապ անցկացնում. բա սրտները շէ՛ր ճաքում:

— Բա, ընչեր են քաշել խեղճերը, քո դուշմանը, էս պարապության ձեռիցը: Հայ գիտի, հա՛: Էն որ քաղբում (Թիֆլիս) ասլու-մայիսի հովը կանցկենար ու ամառանոցի քաղցր հովը կփչեր՝ դուն իս իմ պարոնն, իր ծառեքին ու գուլբերանտկերանց դիփ մոտ կաներ ու երեխանցով, կնկնով, բարեկամներով կգար կնստեր «ղաչա»: Առավոտը շայր, կոֆեն, շոկոլադը լավ մուրաբեքով ու ժորժ Բորմանի պեչենիքով անուշ կաներ, ճաշին լավ-լավ զակուսկեքով բերան կքաղցրացներ, զուրգելները, զագրանիչնի սարդինկեքը հնդուհավի ու փլավի հետ, իրան հալալ կուտեր, իրիկնահովին էլ սուկու խորովածը վրրեն կըղասեր, կըսվադեր, — բա էսպես էլ տանջանք տեսել ես, Զուրաբ ջան:

— Հա՛, — ժպտաց ու գլուխը օրորեց մի մռայլ բանվոր՝ ինչ-

որ մի դառն բան հիշելով, — էդ էն ժամանակն էր, որ աղքատն աղքատանում էր, հարուստը հարստանում:

— Բա՛ս, — վրա բերեց Ալեքսոն զվարթ ծիծաղով, — մարդը էսքան տանջանքներ է քաշել, էս ցավերը. ասա թե, Զուրաբ ջան, քո ջանը էս դարդից մին էլ ա իմացե՛լ ա: Խեղճ սրա տերը... Շատ բան քաշեց հանգստության ու պարապության ձեռքին: Էդ հանգըստանալն էնպիսի մի խաթա էր, որ դրա համար էլ խեղճին ազատեցինք էս բանտից ու քեզ գցինք փորձանք: Հախն է, Զուրաբ ջան, ջանդ դուրս գա՛՛ դնջացիր, հերիք ա:

— Չեմ իմանում էդ բաները, որ ասում եք, — նկատեց Զուրաբը ժպտալով ու վեր կացավ, սկսեց անցուղարձ անել:

Ալեքսոն ծաղրական հայացքով մտիկ տվեց նրան.

— Ը, ը, ը... Տեսչեն, էնպես ես ժաժ գալի, կասես, ոտիդ տակին ձվաններ ըլին: Հը՛, բան ես ասում:

— Քշվածի պես է: Մի ծաղկի՛, է՛, քե՛ֆ շանց տուր, տո՛: Մեծ պասվա ժամ ես եկե՛լ, — մեր տունն ա:

Զուրաբը գլուխը շարժում է:

— Նամակ չեկավ, է՛, նամա՛կ: Մերոնց անիրավներին ասի էլ, թե մի գիր զարկեցեք:

— Բանն ինչո՞ւմն ա:

— Գործը թողի Սերգոյի ձեռին:

— Թողիր՝ պրծար. էլ ի՞նչ ես ուզում, — խեթեց Ալեքսոն:

— Էկա, ու հիմի ով է իմանում գործն ինչ հալի է:

— Ի՞նչ հալի:

— Խամ տղա է, բանի ոլորքը չի իմանում լավ: Ո՞վ է իմանում, ամեն դազգահ մի տեսակ չի:

— Ի՞նչ տեսակ է:

— Յը՛...

— Ասա էլի՛, ի՞նչ ես ծոծուացնում:

Ու Ալեքսոն բարկացած բզում է Զուրաբի փորին: Սա քթի տակին ծիծաղում ու սուր մտիկ տալիս Ալեքսոյին.

— Տեսչեն, ասպ հենց գիտես թե գործը փափա՞ է: Դազգահ է, իր ոլորքն ունի:

Ալեքսոյի սիրտը նեղվում է:

— Դե վե՛ր կաց, վե՛ր, գնանք անտառ վիզիտ: Կգանք իրիկ-սապահ անուշ կանենք, քաշքի թե թողնեն գնանք թատրոն: Էս իրիկուն մեր լոթիքը զեկուցում ունեն, վերջն էլ ներկայացում:

— Մենք էլ ենք գալիս անտառ,— մյուս բանվորներն էլ միա-նում են նրանց:

Օրերն անց են կենում միակերպ խաղաղ, անհոգ: Ամեն ինչ հանգստանում է հանգստյան տանը: Մինչև անգամ ծառերը, պարտեզը, շինությունը: Բոլոր աղմուկը սովորական կերպով կրկնվում է օրվա որոշ ժամերին և լռում: Բանվորները ապրում, ասում, խոսում են՝ տներից, գործարանից, պատերազմից:

— Էդ կոխվը մեր վզին որ փաթաթեն՝ պտի կռվենք,— խոսում են այսպես:

— Հը՛, Զուրա՛բ, ի՛նչ ես ասում, կկռվե՛նք, չէ՛:

Զուրաբը ունքերը վեր է քաշում ու քիթը ցցում օդի մեջ.

— Հաշիվներ շատ կան...

Բայց միտքն ուրիշ տեղ է, իր գործարանը:

Զուրաբը լուրջ ձանձրանում էր: Արգեն սկսել էր ման գալ հանգստի տան շենքի բակը, մյուս մասերը: Մտնում էր պարտիզպանի տնակը, խոհանոց, դիտում խոհարարի, պարտիզպանի, հյուանի աշխատանքը: Դա նրան բավական զբաղեցնում էր: Երկար զննում էր մանավանդ բակում, պահեստում, շենքի շուրջը աչքովն ընկած ամեն պողպատ գործիք, առարկա: Այստեղ արդեն հատուկ թուլություն ուներ. երկաթի, պողպատի սեր, ձիւրք: Ու այդ իրերը զննելիս մտովին խարտում, ծեծում էր: Դա նրա ձեռքի, մատների սովորույթն էր, հպվածքը, ինչպես համրիչ քաշելը:

Միշտ աչքի առաջն էր իր դազգահը, որի վրա տեսնում էր գործիքներ, անիվներ, մեքենայի մասեր, որոնց պատկերը, գծերը կառուցիկ ձևերի սիմետրիան նրան սիրելի էին, ինչպես արձանի ձևեր, ինչպես ստեղծագործության արդյունքներ: Նա իր դազգահի մոտ, գործարանի մեծ ու աղմկալի շենքի մեջ զգում էր մի անվերջ գործի հոսանքն ընկած մարդ, որ գնում էր ստեղծում, շարժվում:

Հիմի այգ ստեղծումը դարեքով կանգ էր առել, և իր կյանքը ետ էր մնում:

Անտառի տակ, դիմացը արտ էին հնձում: Զուրաբը զբոսնելով մոտեցավ, նստեց արտի եզրին ու սկսեց դիտել հնձվորին:

— Հե՛շտ է,— հարցրեց Զուրաբը:

— Դժվար չի, թե իմանաս,— ասաց քրտնքի մեջ կորած միա-կանի հնձվորը և կոացավ գերանդին ծեծի շարժական փոքրիկ սայլի վրա:

Մեծեց, վեր կացավ նորից: Բայց Զուրաբը առաջը կտրեց:

— Մի դեսը տուր:

Առավ գերանդին և սկսեց անճոռնի շարժումներով հնձել: Կարծես բան պիտի դուրս գար: Բայց ետ քաշվեց, չէր լինում:

— Չէ, կոտրվում են:

— Բայց ի՛նչ,— ժպտաց հնձվորը և գերանդին առավ ձեռքից ու սկսեց վարժ հնձել ու հետն էլ հեալ ութմիկ կերպով:

Հանկարծ գերանդին կոթից դուրս թռավ: Հնձվորը թքեց, ուշունց տվեց ու նայեց: Օղակը կոտրվել էր: Նստեց, որ ամ-րացնի:

— Բեր, ես կանեմ,— ասաց Զուրաբը և ձեռքիցն առավ գե-րանդին:

Օրը շոգ էր, հարբեցնելու չափ:

— Այ տղա, ոնց որ երևում է՝ պարապ կենալու սովոր չենք,— ասաց Զուրաբը:

— Բաս ի՛նչ գիտես: Պարապը բուրժուայի բան է,— այս ան-գամ լուրջ պատասխանեց Ալեքսոն:

Հնձվորը ժպտաց ու կողքանց մտիկ տալով սրած գերանդուն, զարկեց հասկերին:

— Գնանք,— ասաց Ալեքսոն:

Զուրաբը վեր կացավ:

— Այ չի, էնտեղ լավ էր, հավատա, էստեղ հիվանդանում եմ:

— Ափսոս չի՞ գործը... կյանքի առողջություն է,— փիլիսո-փայեց Ալեքսոն,— դե էն է՝ քիչ մնաց, գնում ենք, էլի:

Մղրիդները միակերպ ծեծում էին իրենց մրճիկները սալին:

Անտառը աչքը կպցնում էր:

ՆՐԱՆՑ ՈՒՂԻՆ

(էտյուպ իրողություններից, խոսքերից, մարդկանցից)

Հենց այդպես էլ Եգորը գերմանական ռազմաճակատից վերադառնալով գյուղ՝ չկարողացավ մնալ տանը: Գյուղը ծառս էր ելել: Ռևոլյուցիայի ալիքը դիպել էր այդ ետ ընկած բնակավայրին ևս: Ծերերը կշտամբել սկսեցին Եգորին, որ գյուղ է եկել՝ առանց մտնելու Կարմիր զվարդիան: Մայրն անգամ քիչ էր մնում կացինը նրա բուռը կոխի:

— Էնպիսի զուլում չի բարձրացել, որ փեշի գլխին պառկես, վե՛ր կաց, գնա՛. բարինը էլի գլխներին է ուզում նստի:

Իր հետ միասին գյուղ վերադարձած ընկերներին էլ օր չտվին: Հավաքվեցին մի օր Եգորի ընկերները, խորհուրդ տվին, թե ի՞նչ անեն, ո՛ւր գնան: Պարզ էր, պետք էր գնալ մոտակա ավանը և մեկնել Կարմիրզվարդիական զորամասը: Մի խոսքով կոխվ սկսել:

Կոխ՛վ—չորս տարվա ծանր, երկար, տանջալի պատերազմից հետո:

Տիմոֆեյը՝ Եգորի հարևանը, սկսեց հարցուփորձ անել, թե արժե՞ այդ գործի մեջ մտնել և ի՞նչ բան է դա՝ քաղաքացիական պատերազմը:

— Հասկանալու բան չկա,— վեր կացավ տեղից Եգորը,— էն կլինի, ինչ որ ամենքը կվճռեն, իսկ ի՞նչ վճռելու բան կա՝ երբ ամեն բան վճռել-պրծել ենք: Ես դուրս եմ գալիս:

— Հենց էդպես ու էդպե՛ս:

— Ես թխասհավ չեմ, թևերս ընտանիքի վրա չեմ փռում: Թևերը թռչելու համար է տված: Թռչելու տեղն էլ շա՛տ — կգնամ, թող մարդկանց կյանքը թեթև լինի...

Լուսաբացին Եգորը մնաս բարով ասաց ծնողներին, կնոջը, երեխաներին, վերցրեց հրացանն ու գնաց գյուղի ծայրը:

Շուտով մթնշաղի միջից հայտնվեցին ընկերները: Հրացան-

ներն ուսներին, պարկերը մեջքներից կախ: Էլի պատերազմ, էլի երթ: Ճամփա ընկան: Գյուղը ետ լողաց, ետ լողաց ու սուզվեց գետնի տակ:

— Էս էլ քեզ տո՛ւն,— խոսել սկսեց Կուզման:— Տո հենց նոր եմ եկել տուն, ուսերս դողում են հրացանից՝ վարժապետն այբբենարանը քիթս է կոխում:

— Հա, է՛, էդ ասա,— գոչեց Եգորի մյուս հարևանը՝ Կարպը,— հիվանդություն է ընկել մեջներս վերջերս — գիր սովորել: Տո, դու ժամանակ տուր կովից ետ սովորեմ, մաղձս ետ տամ: Մատներս զենքին է կպած, գրիչ չի բռնում:

Հետո տնտեսության վրա խոսեցին: Կուզման՝ հասակն առած գյուղացի մարդ՝ ափսոսաց, որ տնտեսություն չկարողացավ սկսել:

— Ախր հողս երկու տարի էր չէին վարել: Հողը քաշում էր... Կուզման շուռ եկավ դեպի նա և խեթ նայեց:

— Ի՞նչ տնտեսություն, ի՞նչ հող... ա՛յ, ես քեզ բան ասեմ, որ գեղացին չի ասի.— քանի դեռ ժամանակը չի գալիս՝ ես իսկի հող էլ չեմ ուզում: Բոլոր հողը մերը կլինի, ա՛յ, էն ժամանակ մարդիկ կապրեն:

Գնացին անխոս, մի երկու բլուր ևս անցան: Գործը նոր էր, և բոլորի սիրտը լիքն էր մի անորոշ զգացումով: Պատերազմ՝ պատերազմ չէ, խաղաղություն՝ բայց սա ի՞նչ խաղաղություն է, երբ հրացաններն ուսներին, պարկերը մեջքից կախ՝ էլի գնում են ու գնում:

— Հը՛մ, էլի կոխ՛վ,— սկսեց խոսել Յաշան, ամենաերիտասարդը,— հենց եկա տուն, կնիկս շուր տաքացրեց, դրեց ինձ տաշտը, սապնեց, սապնեց, բան դուրս չեկավ: Վերցրեց բուժ շեղբը, քերեց, քերեց, նոր կաշին երևաց:

Բուլորը ծիծաղեցին:

Արդեն ավանին մոտ էին, որ Կարպը կանգ առավ:

— Տղերք, լավ կլինի՛ մի զորամասում լինենք:

— Խնդրենք տեսնենք,— ասաց Եգորը:

Մտան ավանը և ներկայացան զինվորական իշխանության: Պարետը վերից վար նայեց եկվորներին և ուղարկեց համապատասխան ինստանցիան: Հավաքվել էին մոտիկ շրջաններից շատ

կամավորներ, նրանց մեջ կային մեծ թվով քաղաքից եկածներ, որ թողել էին իրենց բանող, կամ կիսախանգարված ֆաբրիկաները:

Բայց մարտերի և մարտական երթերի անսովոր զորամասի մարտիկներ չէին դրանք: Զրի ու կրակի միջից անցած, թրծված, մահի աչքերին հարյուրավոր անգամ նայած մարդիկ:

Դրանք կարծր պրոլետարներ էին. հին ռևոլյուցիոներներ՝ լուռ ու սակավախոս մարդիկ, որ պատրաստվում էին երկարատև պատերազմի: Նրանցից մի քանիսին Եզորը ճանաչում էր նաև գերմանական ռազմաճակատից: Դրանցից մեկը փականագործ Միշան էր, միևնույն վաշտից՝ ինչ որ Եզորը, որ վիրավորվել էր, ուղարկվել Մոսկվա և հիմա կրկին այնտեղից եկել էր այս նոր զորամասը: Նա լավ չէր կազդուրվել, գունատ էր, թույլ: Բայց մեղմ ժպիտով հանդիպեց Եզորին: Սա ասաց.

— Հա՛, եկել ես արյուն թափես:

Միշան քթի տակ ժպտալով նայեց Եզորին ոտից-գլուխ և մեղմ պատասխանեց.

— Կապիտալիստների բաժինը թափեցինք, մնաց մեր բաժինը, ա՛յն էլ թափենք՝ վերջանա գնա:

Մոտ եկավ մի ուրիշ ծանոթ — հնոցապան Միխեևը, որի մի ժամանակվա գեր մարմինը հիմա բարեկազմ էր դառել սակավ աննդից:

— Հաց կա՞ գյուղում, — հարցրեց նա:

— Հա՛ց, — ասաց Եզորը և ձեռքիցն առնելով պապիրոսը՝ կպցրեց իրենին:

Նրանք ծխում են և նայում իրենց խաչտարղետ զորամասին: Դա արտաբուստ ոչ բարեկարգ զորական միավոր է: Բայց նրանց կապելու է ոչ միայն զինվորական կարգապահությունը, նրանք բուլտրն իրենց վայրերից բերել են նաև զաղափարներ, հանուն որի ահա գնում են դեպի հարավ՝ հարվածելու թշնամուն: Նրանք իրար հետ խոսում են հաճախ կոպիտ բառերով, գնում են իրար վրա, բայց սիրում են իրար, արյուն են թափում իրար փրկելու համար:

Եզորն իր հեռ գյուղից եկածների և Միշայի ու Միխեևի հետ մի կամպանիա կազմեց հենց առաջին բուլտրից: Նրանց բախաբ բերեց, — բուլտրին նշանակեցին մի վաշտում: Երկու օրից հետո զորամասը շարժվեց դեպի հարավ:

Ու սկսվեց մարտական երթը: Բայց ի՛նչ երթ: Զորամասը

կիսաբորիկ, կիսամերկ: Շատերը հին վերքեր ունեն, դեռ թույլ են: Հրամանատարները ո՛չ ձի ունեն, ո՛չ մի կտոր հաց ավելի՝ քան հասարակ զինվորը: Միայն մի հեռադիտակ ունեն, որով տարբերվում են: Մնացածը՝ ոչնչով չես զանազանի զինվորն ու հրամանատարը: Գնում է զորամասը շենքերով ու ստեպներով, հազար տեսակ մարդկանց միջով: Ո՛չ թշնամին է որոշ մի կողմ կանգնած, ո՛չ բարեկամը: Խառն է ամեն ինչ: Գյուղում, ավանում, սենյակում, անկյունում, ամեն տեղ կողքիդ մահը կանգնած է, և դու չես տեսնում: Գնում է զորամասը, և ինչպե՛ս: Հանգիստ չկա օր ու գիշեր: Կարծես հետևից գազան է ընկել: Շտապում է: Առջևում ժողովուրդ է ոչնչանում՝ եթե ժամանակին վրա չհասնես: Զյունը, անձրևը, ճահիճները, ձորերը, հիվանդությունները, տիֆերը՝ տեսակ-տեսակ: Ժողովուրդն իր սեփական պատերազմն է մղում, դեռ նոր է իր զորքը կազմել և կռվում է ահագին թշնամու դեմ — թե՛ կողքիդ, դարանի մեջ, թե՛ հեռուն, ծովերից այն կողմ: Եվ կռվում է իր մահու-կենաց կռիվը:

Արդեն Եզորի ոտքերի կաշին ուռել, վերք է դառել: Ընկերների վիճակն ավելի լավ չէ: Ցաշան շոր է փաթաթել իր կոշիկի մնացորդներին: Կուզման հասարակ բլուզով է՝ մինչ ցուրտը սրխմում է անտանիլի: Կարպի ոտքի բթամատը ցրտահարվել է, և նա կազում է: Բուլտրը կիսաքաղց են, հոգնած:

Արդեն զորամասը որոշ ժամանակից մտնում է նորաստեղծ կարմիր բանակի կազմի մեջ: Պատերազմն արժարժվում է, տարածվում է ամբողջ երկրում:

Գնում է զորամասը: Վերստին հետևում է մյուս վերստը, պուրակին՝ պուրակը, դաշտերը լուռ ու անտարբեր նայում են երեսիդ հեռուն-հեռուն ճոճվում են կազակների նիզակներն ու կորչում հորիզոնի կաթնագույն մշուշի մեջ, բլուրը ծամածոտ է իր դեմքը: Ծանր մտքեր է լցնում զլուխդ, ու վերջ չկա երթին:

— Մի քիչ ուրա՛խ, — դաշտի լուռությունը խախտում է հրամանատարի թանձր բասը:

Եվ Ցաշան, որ զիլ ու զանգակի ձայն ունի՝ վեր է բաշում զվարթ.

— Է՛յ դու իմ ստեպ, ստեպ լայնարձա՛կ...

Զորամասը հանկերգում է կարծր ու գոշուն ձայներով: Մարտիկների դեմքերը՝ արևից, քամուց ու ցրտից կապարի գույն առած՝ ուռչում են երգի ճիգերից: Զորամասը զվարթանում է:

Բայց մարտական երթը այն ժամանակ էր աշխուժանում, երբ սկսվում էին մարտերը: Հենց որ մոտենում էին մարտական վայրին՝ մարտիկները կարծես դուրս էին բերում ուր-որ թաքցրած իրենց ուժերն ու աշխույժը, կարծես առողջանում էին ու վերակենդանանում: Մարտն անցնում էր զվարթ լրջությամբ, կենդանի, լուրջ խաղի նման:

Զորամասը շէր զգում այլևս ո՛չ հոգնություն, ո՛չ տառապանք, մինչև որ սկսվում էր էլի երթը:

Անցավ թուլացնող ամառը, վրա հասավ կարկամող, ցուրտ ձմեռը:



Օրը թեքվում էր:

Արևը սառը փայլում էր: Հեռու, հորիզոնի խորքից դուրս լողացող սև կետերը վերջապես մոտեցան, մոտեցան և խոժոռվեցին: Առջևում կանգնեց գորշ գավառական քաղաքի կերպարանքը.— միահարկ տներ, որոնց ծխնելույզներից մի քանիսը հագիվ ծխում էին: Քամին զզգում էր այդ ծխի թափանցիկ քուլաները և թշում, կորցնում սառը օդի մեջ: Հրամանատարը հրամայեց մարտական շղթա կազմել.— քաղաքում թշնամու զորամասն էր, պատրաստ՝ մարտն սկսելու: Զորամասը դիրքեր գրավեց: Մարտը սովորականներից էր. թշնամին սկսեց մի տարտամ դիմադրություն, որից նահանջի հոտ էր գալիս:

Եզրի կողքին պառկել է անվրդով Միշան, որի հոգնած դեմքը հողի գույն է ստացել: Նրա հիմար դեմքին տենդագին փայլող աչքերը դեսուդեն շրջելով, քմծիծաղելով նայում են ծխացող տներին: Այնպես են նրանք խաղաղ ծխում, կարծես աշխարհիս երեսին ո՛չ պատերազմ կա, ո՛չ անհանգստություն: Դա խաղաղ բնակիչներն են, որոնք իրենց միջով բաց են թողնում կռվող սպիտակներին ու կարմիրներին, որ սրանք իրենց կռիվը կռվեն,— իսկ իրենք, այդ խաղաղ բնակիչները մնում են իրենց տներում անմասնակից ու անվրդով, իրենց կյանքի հոգսերի հետևից ընկած:

Ահա այդ թխաղաղ խխունջներն էր, որ շէր սիրում Միշան: Ամենից շատ նրան զայրացնում էին նրանք: Նա թքում է: Եզրը հասկանում է նրան:

— Նստել տներում, տաքանում են ու խժոռում,— մոռաց նա Միշային:

— էդ է վառում մարդու,— շար ձայնով ասաց Միշան:

— Ի՞նչ անեն,— հարցրեց Մատվեյը,— գործ չունեն:

— Կտամ նրանց գործ...:

Եզրը մոռյվեց, ինքն իրեն մրթմրթաց և ուզում էր բան սսել, բայց փականագործը ճակատը սեղմեց գետնին: Նա վերք ստացավ, թեթև թե մահացու: Եզրը կրակել սկսեց՝ խնամքով որոնելով հարվածի կետը:

— Մատվե՛յն էր,— լավեց մի քիչ հեռվից:

— Հա,— պատասխանեց մի ուրիշ ձայն:

Եզրը ցնցեց Մատվեյին: Նա շարժվեց, բայց մնաց տեղում:

— Դե հիմի կտանենք խաղաղ բնակչի մոտ, թող իմանա իր գործն ինչ է,— ասաց Եզրը:

Կարճատև մարտը վերջացավ սովորական ձևով — այսինքն՝ թշնամին, որ չես իմանում ինչու է համառ դիմադրում, երբ չի կարող դիմանալ, կամ իսկույն նահանջում, երբ կարող է դիմադրել — այստեղ էլ նահանջեց, շփորձելով փողոցային մարտ ընդունել: Զորամասը մտավ քաղաք և տեղավորվեց քաղաքի դպրոցում և նրա մերձ շինություններում:

Մատվեյին սայլով բերել էին քաղաք: Նրան մտցրին դպրոցից քիչ հեռու առաջին պատահած տունը և պառկեցրին: Տանտերը և ընտանիքը ոչ մի ձևով շարտահայտեցին իրենց վերաբերմունքը եկողներին: Միայն մի կին, բակի տնվորներից, կաթ բերեց տընվորների համար: Եվ Եզրը, որ ընկերներով նստել էր հատակին՝ նկատեց, որ այդ կինը համարյա շխոսեց տանտիրոջ ընտանիքի հետ, և նրա դեմքին խաղում էր հագիվ նկատելի հաղթական մի թեթև ժպիտ: Տանտիկինը՝ բարձրահասակ ու գեղեցիկ մի կին՝ հանկարծ մոտեցավ կաթ բերող կնոջը և խիստ նկատողություն անելով, որ չի կարելի կաթն ուղղակի կաթսայով տալ վիրավորին՝ բաժակ բերեց և լցնելով կաթը, ինքը տարավ և դուրեկան ժպիտով տվեց վիրավորին: Կաթ բերողը քմծիծաղ տվեց միայն և մեկ-մեկ նայելով վիրավորին և մյուսներին՝ հեռացավ:

— Գուցե բոլորը կուզեիք տեղավորվել մեզ մոտ, — հարցրեց տանտիկինը Եգորին:

— Ձե՛զ մոտ, ոչ, — արթնանալով իր մտքերից՝ ասաց Եգորը և վեր կացավ:

— Մնացեք բոլորդ, մենք կտեղավորենք ձեզ, — այս անգամ պնդեց տանտիկինը, — տեղներս նեղ, սրտներս լին:

Նվ ներվայնորեն ծիծաղեց:

— էստեղ կմնան երկու հոգի վիրավորի մոտ, մենք կգնանք ուրիշ տեղ, — ասաց Եգորը և վեր կացավ:

— Մնացեք, ընկերներ, լավ կլինեք, — նորից պնդեց տանտիկինը:

Երկու հոգի թողնելով վիրավորի մոտ՝ խումբը դուրս եկավ տանից: Դռան մոտ կանգնած էր կաթ բերող կինը, որը լուռ համակրանքով նայեց հեռացողներին և տեսնելով, թե ուր են ուղղվում՝ քթի տակ ժպտաց և մտավ ներս:

Եգորը իր ընկերների հետ Միխեևի խորհրդով մոտեցավ դըպրոցի հետևի տան վակ դռանը: Տան պատուհանները գոց էին, իսկ ծխնելույզը հագիվ նկատելի ծխում էր: Պարզ էր՝ բնակիչները թաքնվել էին, մի կերպ հանգցնելով վառարանը: Դուռը ծեծեց Յաշան: Ներսից ոչ մի պատասխան: Դարձյալ ծեծեց, այս անգամ ծիծաղելով: Մեռած միջանցքում մի բան քսվեց պատին, թե դռանը:

— Բա՛ց արեք դուռը, բան չենք անի, մե՛ք վախի, — կատակեց Յաշան:

Դուռը կիսով բացվեց, և մի տարակուսալից դեմք դուրս նայեց: Եկողները ժպտացին: Դեմքը նայեց կրկին և ապա շշնջաց:

— Համեցեք... եթե...

Ու դուռը բաց արեց: Մարտիկները մտան տան միջանցքը: Յաշան առաջ անցավ, արագ ու մի փոքր նայեց միջանցքի դիմաց երկու սենյակները, որոնցից մեկի դուռը կիսովին բաց արեց միայն և գլուխը թափ տվեց անփուլթ:

— Մաքուր է, — շշնջաց նա յուրովի:

Հրացանները ցած բերին ուսներից և տեղավորվեցին սենյակում, նրանցից մինը թողնելով տանտիրոջն ու իր ընտանիքին:

Տունը տաք էր և բարեկարգ կլինեք, եթե չկրեք ինչ-որ թաքց-

նող ձեռքի հետքերը: Սենյակում պահած էր միայն անհրաժեշտ կահավորումն ու ամանեղենը: Մնացածը տարել էին:

Սենյակ մտավ տանտերը, որի դեմքը դիմակ էր դառել — անթափանց ու արհեստական կյանքի նշաններով ներկած կաշի: Նա ժպտաց բերանի անկյուններով, իսկ աչքերը մնացին անշարժ ու սառը, ինչպես անկենդան ապակիներ: Նա կարճահասակ էր և բավական լիքը: Զգեստը հասարակ սև բլուզ էր, հին, բայց լավ նստած նրա բարեկազմ մարմնին: Նա ներդաշնակ շարժումով կիսախոնարհ կանգնեց եկողների առաջ և այտերին մի ժպիտ կոտրելով՝ հարցրեց:

— Գուցե սամովա՞ր կկամենայիք:

— Նեղություն մի՛ կրեք, — կոշտ պատասխանեց Եգորը:

Տանտերը շնորհալի շարժումով շրջվեց դեպի նա.

— Ես իսկույն կարող էի թե՛յ տալ ձեզ:

Մարտիկները լուռ էին:

Տանտերը աշխույժ թափով շրջվելով՝ ետ գնաց:

Սեղանատան լայն սեղանի շուրջ շարվեցին մարտիկները՝ հրացանները պատերին հենած: Հանեցին շոր ու սև հացերը. բայց տանտերը կրկին ետ եկավ և ամեն տեսակ ծառայության պատրաստ մատուցողի պես կանգնեց.

— Այստեղ եք դիշերելու, իհարկե:

— Աստված գիտե, — ասաց Կուլման քիծիծաղ:

— Նրա համար եմ ասում, որ դուք հոգնած եք, — հանգիստ ու հեզ ձայնով հոգ տարավ տանտերը և կենտրոնացած ու լուռ կանգնեց: Մարտիկներն սկսեցին ազահորեն ուտել, իսկ տանտերը շուտ-շուտ դնում գալիս էր, կրկին կանգնում՝ ծառայության պատրաստ: Նա հանգիստ էր ուզում պահել իրեն, բայց աչքերի ապակին սառն էր ու գաղտնապահ: Իսկ ձեռքը դողում էր նուրբ ու աննկատելի: Նրա ձեռքը սառել էր մի անորոշ տարակուսանքով: Նա երբեմն գաղտագողի արագ նայում էր իր սենյակի կողմը, որ ճիշդ ընտանիքն էր: Նրա խելացի աչքերը նայելով սեղանին դրած ուտելիքներին՝ միաժամանակ լարված հսկում էին զինված հյուրերին: Ամեն մի շարժում սրանց կողմից աչքերի մեջ առաջ էին բերում մի գաղտնի երկյուղ: Ինչի՞ց էր վախենում նա, ի՞նչ էր սպասում:

Նայում էր Եգորը տանտիրոջը, աչքերը սահեցնում նրա կեր-

պարանքի վրայով և հարց էր տալիս ինքն իրեն. «ո՞վ է սա...»: Դուր չէր գալիս Եզրորին տանտիրոջ բուռը, որի տակ ներդաշնակ լողում էր նրա բարեկազմ իրանը՝ շուրջը խնամքով գոտին կապած: Առավել տհաճ էին Եզրորին տանտիրոջ փափուկ ու գեր ձեռքերը, որ նա կախել էր և հարգևոր կպցրել շավարի կարերին:

Տանտերը կարդաց Եզրորի հայացքը: Մի երկու անգամ նրանց հայացքներն իրար գամվեցին: Տանտերը սառը ժպտաց և հանդարտ, ինչ-որ մի բան հիշողի պես վեր կացավ և անցավ ննջարան՝ «իր» սենյակը:

— Սրան շոշափեցեք, — մոմոաց Եզրոր:

— Հասկանալի է ով է... էլ ի՞նչ կարիք... — ասաց Միխենը:

— Տեսեք ով կա նրա սենյակում, — խեթեց Միխենը հանդիմանող հայացքով:

Յաշան վեր կացավ և գնաց: Բաց դռնից երևում էր միջանցքում դիմացի սենյակը, ուր առանձնացավ տանտերը:

— Բա՛ց արեք դուռը, — կոշտ ձայնով ասաց Յաշան:

Դուրս նայեց տանտերը: Նրա այտը ցնցվեց.

— Այստեղ իմ ընտանիքն է, ընկերներ, ի՞նչ կարիք կա...

— Ավելի լավ, հո չենք ուտի, — հրեց տանտիրոջը և ներս մտավ Յաշան:

Նրան հետևեց Կարպը:

— Պատերազմի ժամանակ է, մի՛ շարանաք...

Նրանք ներս մտան: Եզրորը նկատեց, որ Յաշան ընկրկեց և ձեռքը բարձրացնելով օդի մեջ՝ պահեց, մնաց:

— Թյո՛ւ, սատանա՛, — արեց Կարպը և ետ եկավ:

— Հա՛, ի՞նչ է, — հարցրեց Եզրորը և վեր կացավ:

— Կե՛ղտ, սատանան տանի, — ծամածոնեց դեմքը Կարպը: Հետո քմծիծաղ տվեց. — սատանան հրեց մեզ էս կողմը, հենց ի՛սկը տեղն էր, որ եկանք:

Եզրորն ու Կուղման մյուսների հետ գնացին այն սենյակը: Նրանց առջև բացվեց մի անակնկալ պատկեր, — դազաղ էր, միջին մի հասակավոր մեռել՝ զինվորական մաքուր զգեստով, փայլուն ուսադիրներով ու շքանշաններով: Մեռելն ուռել էր, և նրա դեմքի գծերը կորել էին ուռուցքի մեջ: Սենյակում՝ ոչ ոք չկար. ծանր հոտ էր ընկել, որ ավելի շարագուշակ էր դառնում մեռելը թաքցնելու պատճառով: Փակ փեղկի բարակ ձեղքերից լույսը շոշափում

էր մեռելի անշարժ ու մոայլ գեմքը: Գիակաների ու մեռելների հետ անընդհատ գործ ունեցող մարտիկներին սաստիկ ազդեց այդ քստմենքի գիակը. ավելի շուտ նրա այդ գաղտնի, դավադրական ներկայությունը մի բնակարանում, ուր իջևանել էին նրանք, թե՛ն էին խմում և շէին խմանում, թե իսկապես ո՞վ էր այդ տանտերն ինքը:

— Ո՞վ է սա, — սպառնալից հարցրեց Յաշան և շոր նայեց տանտիրոջ աչքերին:

Տանտերը գունատվեց, ձեռքերը դողացին, բայց չկարողանալով զսպել նաև իր ներսում եռացող շարունջունը, սառը արտասանեց.

— Մահացած է, ոչ ոքի հետ գործ չունի...

— Գիտե՛մ գործ չունի... Բայց դու ունե՛ս գործ և մե՛զ հետ ունես գործ, — վրա գնաց Յաշան և բռնեց տանտիրոջ բուռը կրծքից, — դո՛ւ ով ես...

— Ով որ եմ, ինձ հետ էլ գործ չունես, — կես համարձակ, կես վախով շշնջաց տանտերը:

Յաշան բռունցքն իջեցրեց տանտիրոջ քունքին: Նա ընկավ:

Հանկարծ փողոցում իրարանցում ընկավ: Հեռվից տողեց զրե՛ս դացիբը: Մարտիկները խլեցին հրացաններն ու դուրս պրծան տանից: Զորամասը հավաքվում էր քաղաքի հյուսիսային ծայրամասը և դիրք բռնում: Հրամանատարությունը տեղեկացել էր, որ սպիտակները հարձակվում են մեծ համալրումով: Սկսվեց փողոցային մարտը:

Քանի դեռ մարտ էր՝ հնար չկար բոլոր վիրավորներին դուրս հանել տներից: Մատվեյի և մյուս վիրավորի բնակարանից դուրս թռած երկու մարտիկները հենց դռների մոտ, առվի մեջ պառկած կրակում էին: Հանկարծ կողքի փողոցից սրընթաց խուժեցին մի քանի ձիավոր կազակներ: Մարտիկները կրակելով քաշվեցին ապարան փողոցի անկյունից այն կողմը: Եզրորն իր ընկերներով կրակելով ետ էր քաշվում դեպի հյուսիսային ծայրամասը: Անցնելով վիրավոր Մատվեյի տան առջևից՝ նա ուզեց ներս նայել, բայց հետևեց թե՛ծացող կրակը թույլ չտվեց, հարկավոր էր անցնել կտրող փողոցի անկյունը: Հասնելով այնտեղ և սկսելով կրակել՝ նա տեսավ միայն, որ կաթ բերող կինը դուրս էր եկել և անհանգիստ նայում էր դետուզեն: Հանկարծ մի ձիավոր մոտեցավ նրան և սկսեց

մի բան հարցնել: Այդ միջոցին տանից դուրս եկավ բարձրահասակ կինը և ցույց տալով առաջին կնոջը՝ ինչ-որ ասաց ձիավորին: Սա վայրկենապես թառը վրա բերեց կնոջ գլխին: Կինն ընկավ: Ոչ ոք դուրս չեկավ տանից: Բարձրահասակ կինը մնաց կանգնած:

— Հիմա Մատվեյին կմատնի բաժը, նշան բռնիր,— շտապեցրեց Միշան Եզդրին:

— Իսկ դու՝ ձիավորին,— ասաց Եզդրը:

Կրակեցին: Զինվորն ընկավ, իսկ կինը ներս փախավ: Նրանք նահանջեցին: Թշնամին տիրեց քաղաքի բոլոր դիրքերին:

Մի քանի վերստ անցել էին, որ կանգ առան: Հաղորդագրություն եկավ, որ հասնում են օգնական ուժեր: Մնացին սպասելու Գիշերը փոսի մեջ կրակ վառեցին և նստեցին շուրջը:

Թշնամին չէր դուրս գալիս քաղաքից. երևի պատրաստվում էր ուժեղ հարձակում ծավալելու կամ այդ գիշեր կամ հետևյալ օրը:

Սաստիկ հոգնած էին մարտիկները: Մի քանիսը հացը բերաններին քնեցին: Չէին քնած միայն Եզդրն ու նրա կողքին պառկած Կարպը: Յուրտը սողում էր մինչև ոսկորները և կտրտում: Խարույկի շերմությունը կաշում էր քամու թևերին ու ցնդում նրա հետ: Յաշան, Կուզման և Միշան քնած էին:

Եզդրն ու Կարպը լուռ էին և անշարժ նայում էին հանգչող կրակին, որ աչքերն ահով բաց էր անում երբեմն, նայում քամու կողմը և նորից փակում:

Կարպը տնքաց:

— Օ՛ֆ, բախտ, դառը բախտ... ինչ մտել եմ էս զուլումը՝ մարմինս էնպես է ջարդվել, որ կասես թակած կաշվեպարկ եմ, ոսկորներս ծեծած՝ մեջ ածած: Մարմին մի ասի, բեռ ասա:

Եզդրը արձանի պես նայում էր լուռ ու անշարժ: Կարպը միտք արեց մի քիչ ու հետո երազելու պես խոսեց.

— Մենակ թե չհավատաս, հիմի ես էն չեմ, ինչ-որ տանից հեռացել եմ: Ոնց որ իմ տունը հետս գնում է օդի մեջ: Ռուսաստանը հիմի՝ հենց վերցրու՝ թռչում է:

Յաշան քնի մեջ ատամները կրճտեց ու նվաց: Եզդրը նայեց նրա կողմը:

— Հանգիստ չունի տղան: Անցյալ տարվա էն բանից եղավ:

— Ո՛ր,— խոժոռվեց Կարպը:

— էն, որ սպիտակները բռնել էին և գցել ջրհորը:

— է, հետո դուրս եկավ, չէ՞:

Եզդրը քմծիծաղելով նայեց կրակին:

— Դուրս եկավ, բայց էլ ի՞նչ... էնքան էր սպասել ջրի մեջ, էնքան էր պատին փոսեր արել ու դառը տանջանքով դուրս եկել, որ հիմի ջրից վախում է: Աստված շանի մի ճերմակ բան տեսնի՝ թիթեղ, դանակ, արծաթ,— սիրտը թափում է:

Կուզման վեր թռավ նստեց և դողաց.

— Կտրտում է անիծած քամին... բը՛ռ...

Եզդրը ծիծաղեց.

— Բա կարծում ես հորդ տան փեշի գլխին՞ է:

Մարտիկները մեկ-մեկ զարթնեցին. ո՛րը նստեց, ո՛րն էլ պառկած՝ սկսեցին հազալ, մոմոալ, քորվել:

— էդ վախի՞ց եք խոսում,— ասաց մի քիչ հեռու պառկած մի մարտիկ,— է՛խ, եղբայրներ, մի խոսեք:

— է, դու էլ հենց նրա համար ես մարտիկ, որ էդ պառկավ-կան բաներից չվախես,— նկատեց Միխեևը, որ մեջքն արել էր դեպի կրակը և կուշ եկել:

Առաջինը վեր թռավ:

— Այ, դուրս կտաս հիմար-հիմար... — և շուտ եկավ դեպի նա,— չես իմանում ու խոսում ես:

— Բա՞... — ծիծաղեց Միխեևը,— այ, ես գիտեմ մեկին,— գնդակահարվածի կոշիկը հանել էր, որ հագնի: Հենց ոտը մեջն էր դրել՝ մին էլ մուկը դուրս էր պրծել կոշիկից: էնպես էր վախը մտել սիրտը, որ մի ժամանակ բոբիկ էր ման գալիս: Դա խե՛ղք է:

— էդ ահը գնդակահարվածիցն է գալիս,— խոսեց Եզդրը,— էդ նրանից է, որ էս զուլումը մեզ գցել է մի էս տեսակ գործի մեջ:

— Պատերազմ է, դրանից է, դրանից է, չէ՞,— բացատրեց հեռու պառկածը և գոհունակ դեմքը դարձրեց դեպի Եզդրի կողմը:

— Պատերազմը պատերազմ է, խոսք չկա, բայց սա էն պատերազմը չի, որ արել են գերմանացու հետ. սա մեր պատերազմն է: Մենք մարդ ենք ու մարդ ենք սպանում:

— Բա չսպանե՞նք,— շար տոնով հարցրեց Եզդրի կողքին նոր զարթնած մի շատ երիտասարդ մարտիկ:

Եզդրը շարժվեց տեղից.

— Ո՞նց թե չսպանենք, խեղաք: Ապանելու էլ ենք ու ջնջելու

էլ ենք մինչև վերջը: Տղերքն ուրիշ բան են ասում: Աշխարհքն է ծուռ հիմքի վրա շինած: Ա՛յ, Աշխարհքը պիտի դրստենք, թե չէ էսպես կյանք չի լինի: Սա կյանք է, վեց տարի է հրացանը ուսիցս վեր չի գալիս:

— Էդ նրանից է, որ մի հավատի չես, սրտով չես կռվում,— մրթմրթաց միջից մեկը, որ նոր էր զարթնել ու ծուլ հայացքով նայում էր խոսակիցներին:

— Էդ ո՞վ է,— ժանգոտվեց Միխեկը և անբարյացակամ նայեց խոսողին:

— Ես ինքս եմ, որ կամ,— արհամարհոտ պատասխանեց խոսողն ու վեր թռավ: Նրա աչքերում իրոնիկ մի ժպիտ կար:

— Դե որ կաս՝ էդպես էլ կաց,— չոր կտրեց նրան Միխեկը,— դու ոչինչ չես հասկանում:

— Ես ոչինչ չեմ հասկանում,— շարացավ խոսակիցը,— ես ձեզ պես չեմ: Մտար կռիվ՝ գնա մինչև վերջը: Շատ մի խոսի:

Եզորը շար աչքերով նայեց նրան.

— Ոչ թե մենք չենք գնում մինչև վերջը, դու չես սկսել գնալ դեռ: Դու մարտի՞կ ես: Դու դեռ կռիվ չես տեսել կարգին: Դու դեռ նոր ես հետույքդ գետնին դնում, իսկ մենք տասը ոսկոր ենք մաշել՝ քսելով հողին ու քարին: Իսկ եթե դու մեզ դավաճան դուրս կբերես՝ քթիդ կհասցնենք, չենք խնայի:

Խոսողը լեզուն իրեն քաշեց:

Եզորը խառնեց կրակը, հետո թուփուն հանեց ու սկսեց լրագրի թղթի մեջ պատել:

— Դու մեզ հետ գլուխ չես հանի, մի՛ խոսի: Վերցրե՛լ ենք էս գործը՝ գլուխ կբերենք:

— Էս կռիվը ուրախ կռիվ է, էս մեր կռիվն է: Ուզում ենք, որ մեր գլխին կապիտալիստ ու բարին չլինի:— Հենց սա էլ դրա կռիվն է,— խոսեց մթան միջից Միշան՝ որ քթի տակին ժպտալով ականջ էր դնում մարտիկներին:

Նրան դուր էր գալիս բանակայինների այս կռվատուրը: Դա մարտական կյանքի ամենախաղաղ զրույցն էր: Միշան սիրում էր երազել ապագայի մասին: Նա երևակայում էր, որ շուտով-շուտով ամբողջ աշխարհը վեր կկենա և կտապալի ռոնուֆյունն ու կեղեքումը: Նա պլաններ էր կազմում: Ահա գարնանը կոնտրոկոլուցիան կխորտակվի, պրոլետարիատը կհաղթի, կսկսվի սոցիալիզմը:

Բայց նա գիտեր, որ դա այդպես շուտ այդ գարնանը և հեշտ չէր լինի, որ դա պիտի գա արյան գետերից և երկաթե մրրիկներից հետո: Բայց նա սիրում էր այդպես երազել:

Քամին ուժեղացավ: Հարկավոր էր պատասպարվել, Բայց որտե՞ղ և ինչպե՞ս: Մարտիկները կծկվեցին իրենց պատառոտված շինելների մեջ և կուչ եկան: Խարույկի կրակը ցրվեց, մարեց:

Իսկ հեռուն սևին էր տալիս քաղաքը: Այնտեղ էին սպիտակները, որոնք ո՞վ գիտե ինչե՞ր էին պատրաստում վաղվա համար: Եզորը չէր քնում: Միտում էր դառնորեն և մտածում:



Հետևյալ օր զորամասը կռվով մտավ քաղաքը:

Մարտը քաղաքի փողոցներում երկար տևեց: Թշնամին դիմադրում էր հուսահատ ճիգով: Հեշտ չէր նրան ամեն մի փողոցից ու տնից դուրս հանելն ու քշելը: Մարտիկները կատաղել էին: Այն սոված ու պատառոտված մարդիկ, որ հոգնությունից երբեմն չէին կարողանում հացը բերանները տանել՝ այժմ կռվում էին դեպի պես: Քաղաքն անվեց արյունահեղ մարտով միայն: Սպիտակները քշվեցին հետո, որոնց հետապնդելու ելավ հեծելազունը: Բայց ինչպես երևում է՝ շատ էլ հեռու չնահանջեց թշնամին: Զորամասը կանգ առավ քաղաքից մի քանի վերստ հեռու: Բավականին վիրավորներ մնացին քաղաքի փողոցներում, նրանց հավաքեցին և տեղավորեցին դպրոցում և տներում: Ճակատում գործերն ինչ-որ սկսեցին դանդաղել, և զորամասի որոշ հատվածներ, մանավանդ վիրավորները մնացին քաղաքում:

Եզորն ու Յաշան էլ թեթև վիրավորված էին՝ Եզորն ուսից, իսկ Յաշան ականջի ծայրից: Նրանց վերքերը կապեցին, և նրանք դուրս եկան փողոց: Իրենց նման թեթև վիրավորված մի քանի բանակայինների հետ ուղղվեցին դեպի այն տունը, ուր թողել էին Մատվեյին:

Գնում էր Եզորը իր ընկերների հետ և նայում քաղաքի տներին: Եզորի մեջ մի շար բան էր կուտակվում, որ ելք էր որոնում պոռթկալու:

Երբ մոտեցան տանը՝ բակից դուրս եկավ մի պառավ կին և տեսնելով մոտեցող մարտիկներին՝ մազերը բռնեց ու ճյաց:

— Նա չկա՛, նա չկա՛, տարան անիծածները...

— Տարա՛ն,— մռայլվեց Եգորը,— իսկ ո՞ւր է էն կնիկը...

— Կնիկը գնաց իրայինների հետ:

— Կգնա՛ր, շէ՛ր մնա,— մրմռաց Եգորը և կանգ առավ մտածկոտ:

— Ո՞նց եղավ,— հարցրեց նա ինքն էլ զայրանալով իր անօգուտ հարցից:

— Սաժուկ գնաց շտաբը, էնտեղ մատնեց, որ իր տանը կարմիր կա: Եկան տարան խեղճին,— բեկբեկվում էր պառավը:

— Ախր, ո՞նց կարելի էր թողնել դրանց մոտ...

Եգորը նայեց իր շուրջը: Կանայք էին, բոլորն էլ տուժած էին երևում, կաց էին լինում և հուսալից հայացքներ ուղղում դեպի բանակայինները:

— Իսկ էն կնի՛կն ով էր, որին սպանեց կազակը:

Պառավը հեծկլտաց: Կանայք հայտնեցին, որ նա պառավի աղջիկն էր:

— Վաղուց քեն ուներ իմ աղջկանից... Ախր, խեղճը դուրս էր եկել ձեզ իմաց տալու, որ վիրավորին տանեք... Մատնեց, սպանել տվեց օձը...

Եգորն ու մյուսները ներս մտան այն բնակարանը, ուր տեղավորել էին վիրավորներին: Բնակարանը դատարկ էր, մռայլ, թշնամական լուսթյամբ համակված:

— Գիշերս փախան... — բացատրեց մի կին, որ շարունակ գալիս էր Եգորի հետևից:

Եգորը միջանցքում կանգ առավ և ինչ-որ բան էր որոնում, բան էր ուզում անել:

Մի ոչ այնքան հասակավոր մարդ մտավ միջանցքը և ոտների թաթերի վրա ման գալով՝ եկավ նրանց կողքից անցավ, գնաց իր սենյակը:

— Իսկ դո՞ւ ով ես,— հարցրեց Եգորը, խոժոռ նայելով նրան:

— Ե՛ս,— կրկնեց նա ապահով ու անմեղ ձայնով,— ես խաղաղ բնակիչ եմ:

Եգորը՝ չգիտես ինչու, սկսեց նայել տան մյուս մասերը: Մտավ մի բնակարան: Յաշան հետևեց նրան: Տանախրանք ընդունեցին զսպված հայացքով: Ամբողջ ընտանիքը քաշվել էր մի

սենյակ և կուշ եկել: Կանգնեցին, նայեցին: Մի կին էր՝ երեք աղջիկների հետ: Նրանք լուռ էին, եկողները ևս լռեցին:

— Ինչո՞ւ եք քաշվել էստեղ,— հարցրեց վեղջապես Յաշան:

Տանտիկինը նայեց հատակին և անշեշտ ձայնով պատասխանեց:

— Մենք ոչ ոքի չենք խանգարում:

Յաշան ուզեց խոսել, բայց բան դուրս չեկավ: Իսկ տանտիկինն իր աղջկերանց հետ լսում էր: Յաշան շփոթվելով և մի փոքր քաշվելով իր այցելությունից՝ շիմանալով ինչ անել՝ մոտեցավ կոմոդին և ձեռքն աննպատակ դրեց հայելու մոտի ալբոմին: Տանտիկինն օձի նման նայեց նրան և լարվեց: Յաշան անշնորհք ժպիտով բացեց ալբոմը:

— Մի ալբոմ ունենք՝ այն էլ տանում եք,— Ֆշշաց կինը, շար նայելով Յաշային:

Յաշան, որ ալբոմը թերթել էր արագ և նկատել այնտեղ հազցրած լուսանկարները, որոնց մեծ մասը կուշտ ու բարեկարգ վաճառականներ էին ու զինվորականներ՝ ալբոմն ուժով խփեց սեղանին:

— Առեք, ձեզ լինեն ձեր տողած պապաշա-մամաշեքը, նրանք ատելի են ինձ...

Եգորը, որ կանգնած էր դռան մեջ՝ ետ եկավ և մոտենալով այն դռանը, ուր կանգնած փակվեց այն ներս եկող մարդը՝ ձեռքը դուրս:

Մարդը դուրս եկավ և հանգիստ ու պղտոր աչքերն ուղղեց Եգորին:

— Ի՞նչ կհրամայեք,— հարցրեց:

Եգորը շրթունքները շփշփացրեց ու մտածեց: Հետո նայեց նրան:

— Իսկ դու ի՞նչ էիր անում, որ մի կուսնդ հարազատն էր ապրում, մյուս կուսնդ՝ մատնիչը:

— Ի՞նչ պիտի անեի ես,— մեղմ անհանգստությամբ հարցրեց մարդը:

— Ինչ պիտի անեի՞ր:

— Ի՞նչ կարող էի անել,— սիրտ առավ մարդը:

Եգորը կրծեց շրթունքները:

— Իսկ տանը տիտիկ անել կարո՞ղ ես: Ինչո՞ւ չես դուրս գալիս թշնամու դեմ:

— Թշնամին հայտնի չէ, ո՞ւմ դեմ կուվես,— դանդատավոր ձայնով խոսեց դիմացինը,— ու չես էլ իմանում, թե մենք ինչու ենք տանջվում, որ խաղաղ բնակիչներ ենք:

— Առ քեզ հայտնի թշնամին, ընտրիր հիմա,— բռունցքով զարկեց նրա դնչին Եգորը,— ու մի՛ նստի տանը:

Խաղաղ բնակիչն ընկավ ուշաթափ: Եգորը թքեց ու դուրս եկավ տնից: Նրան հետևեցին մյուսները:

Գնում էր զորամասը դաշտերով ու բլուրներով: Կարծես երբեք էլ վերջ չեն ունենալու այդ դաշտերն ու բլուրները: Օրերն են լառնում, ամիսները, տարիները, բայց պատերազմի էլ վերջը չի երևում: Ընդհակառակը՝ ավելի է հույս տալիս նա: Իսկ թշնամիներն ավելանում են, այդ օտարազգիները, սպիտակները, բնակչության ողջ կոնտրոլուցիոն զանգվածները: Մյուս կողմից էլ քաղաքներից ու գյուղերից անընդհատ գետերի պես դեպի կարմիր բանակն են հոսում բնակչության այն մասերը, որ ծառս են ելել տիրող դասակարգի դեմ: Դրանց մեծ մասը կորցրել է իր տունը, ապրուստը, հարազատներին: Նա դուրս է եկել գրավելու գործարաններն ու հողը:

Բայց այդ հողը գերի է դեռ: Նա փովել է անմշակ ու ամուլ, չի կերակրում ոչ ոքի: Սովը հյուծում է ժողովրդական լայն զանգվածներին: Երբ զորամասը մտնում է մի շեն, էլ չի խուզարկում հացի թաքցրած պաշարներ գտնելու համար: Բանակայինները նայում են բնակիչների դեմքերին և նրանցով էլ դատում, թե ինչ սևուկ կա այնտեղ հայտնի, թե թաքուն:

Մի անգամ Ցաշան գերի ընկավ հետախուզության ժամանակ: Նրան տարան շտաբը՝ հարցաքննելու: Դեղնակարմիր սպան տեսնելով, որ Ցաշան չի խոսում՝ հարձակվեց վրան, զարկեց ատամներին և հետո հրամայեց զինվորներին, որ ծեծեն: Գցեցին ոտի տակ և սկսեցին կրունկներով թակել: Ընկած էր Ցաշան հատակին, բերանքսիվայր, շրթունքները ցեխոտ տախտակին կպած: Հանկարծ նա զգաց, որ ատամների և լեզվի արանքում մի հաճելի բան լցվեց: Դա ցեխոտ հացի կեղև էր: Ցաշան սկսեց ծամել և ցեխի ու սեփական արյան աղի համի հետ հազիվ զգում էր հացի համը: Նա մի րոպե մոռացավ և՛ ծեծը, և՛ մահվան մերձավորությունը:

Նրան տարան մարազը, որ հետևյալ օրը գնդակահարեն: Բայց Ցաշան, որ ազահորեն կերել էր հացի կեղևը՝ կարծես ավելի ազահացավ կյանքի հանդեպ: Մութ անկյունում նստած՝ նա մտածում էր ապրելու մասին, կարելի՞ բան է: «Ոչ, ապրել, ապրել, ոչնչացնել այս գազաններին ու ապրել հազար տարի»:

Եվ մինչև լուսադեմ քանդեց հողը և ծակեց դուրս եկավ, փախավ:

Եգորի մյուս ընկերը՝ Կուզման, մնաց ճանապարհի գյուղերից մեկում, ուր գիշերը մարագում քնած ժամանակ հարևան մի կուլակ իր կնոջ ու հարսի հետ նրան տարել ու գցել էին ջրհորը և մի հատ քար էլ գցել վրան:

Իսկ Կարպը վիրավոր ընկավ մի թեժ մարտում: Զորամասի՝ Եգորի մյուս մտերիմները մնացին: Նրանք դիմացան արշավանքին: Փոխվել էին նրանք անճանաչելի դառնալու շափ: Եգորի մազերում ճերմակներ երևացին, իսկ Ցաշայի ոսկորն ու կաշին էր մնացել:

— էս է՝ մինչև ազատությունը ձեռք չբերենք՝ էսպես կգնանք աշխարհքի ծերը,— ասում էր Ցաշան Եգորին:

— Ոչինչ, ես էլ կփչանամ, թշնամուն էլ կփչացնեմ, թող աշխարհքի համար թեթև լինի:

Զորամասն անցնում էր մի ավանով: Փողոցի բազմությունը ճանապարհը բաց արած՝ նայում էր բանակայիններին: Միշան, որ գլուխը կախ գնում էր շարքից մի փոքր շեղված՝ մտածում էր այն մասին, թե ինչ ասաց Եգորը: Եվ որքան որ նրա մարմնի յուրաքանչյուր անդամը կարող էր զգալ այդ ճանապարհի երկարությունը՝ նա զգաց մի անվերջություն, որ իրոք փոված է իր առջև: Նա զգում էր, որ ինքը սովոր է գնալու այդ անվերջությունը, որ կյանքի միակ նպատակն այդ անընդհատ երթն է դեպի մի բարձր նպատակ,— ազատ մարդու տիրապետությունը:

Այդպես մտքերի ծովն ընկած և անգամ մոռացած, որ ինքն անցնում է ավանի բազմության միջով՝ նա պատահաբար գլուխը բարձրացրեց վերև և նայեց մարդկանց: Եվ հանկարծ բազմության միջից մի կին եռանդուն շարժումներով ճամփա բաց անելով վազեց դեպի Միշան: Նրա ճերմակող մազերը զզգզված էին, նա մաշված էր, գունատ: Միշան աչքերը կկոցեց: Կինը ասով և ուրախացած աչքերով վազեց դեպի Միշան:

— Մերի՛կ...

— Ես եմ, ե՛ս...

Միշալի մայրը... Այստե՛ղ, հարյուրավոր վերստեր հեռու իրենց աննշան գյուղից: Տես, թե ինչպե՛ս է բարձրացել քամին ու քշում տանում ամբողջ Ռուսիան, Միշալի փոքրիկ, աննշան մոր հետ:

Մայրը դողալով գրկեց Միշալին և կարոտով կպավ նրա կրծքին: Միշան մի թևով պահեց մորը և զգաց, թե ո՞ր աստիճանի թեթևացել էր մայրը:

— Դե հերիք է, մերի՛կ: Մնա, ես էլի գնում եմ:

— էլի՛... բա ո՛ւր, էսպես մինչև որտե՛ղ...

— Չեմ իմանում, որտեղ վերջանա...

Մայրը սայթաքելով ու հեիհե վազում էր Միշալի կողքից:

— Իսկ դու որտեղի՞ց, էս ո՞նց... — հարցրեց Միշան՝ կողքանց նայելով մորը:

— Սպիտակներից եմ փախել... գնում եմ Ռյազան՝ քրոջս մոտ: Մինչև հաղթենք...

— Գնա՛, լավ է: Մնաս բարով:

— Գնաս բարով, Մի՛շկա, ա՛խ...

Մայրն էլի քաշ եկավ Միշալի կողքից և ետ մնաց: Աբտասուբների մեջ արտացոլվեց զորամասը, հրացանները, Միշան, մյուսները, բոլորը արևառ, մաշված, կապարազույն: Հետո կինը կանգնեց, նայեց, նայեց, մինչև զորամասը ճոճվելով ու ոխթմիկ երերալով կորավ հորիզոնի մեջ:

— Հը՛, մե՛րդ էր, — շշնջաց Եգորը, — ճնճողով է դառել թեթև:

— Հա՛, — երկարացրեց Միշան, — մտքիցս ընկել էր, կասես ծառի բնից եմ դուրս եկել, ոչ թե մորից:

— Սա էն զուլումը չի — մերդ է՛լ կընկնի մտիցդ, անունդ է՛լ:

— Տես, է՛, — գլուխը թափ տվեց Միշան, ծիծաղեց ու էլի ընկավ մտքերի ծովը:

Բանակայինները գնում էին գլխիկոր ու լուռ: Եվ ոչ ոք առանձին ուշով չէր նայում այն դիակներին, որ փոված էին լինում դաշտում, ճանապարհի եզրերին: Դրանք թշնամու ետ մնացած, սառած կամ արյունաքամ վիրավորներ էին, որ թշնամին ցանում էր իր հետևից: Ազոավները օդի մեջ կախելով իրենց ծանր հետույքները՝ ծույլ-ծույլ թռչում էին գիակից գիակ:

— Թախծալի է, թախծալի, — բարձրաձայն մտածում է Միշան, — ծանր կյանք է, բայց բոլորը մարդկանց համար է:

Միխեևը ծուռ նայում է նրան:

— Դու մեր սրտերը գու՞թ մի՛ գցի, մենք դիտենք, թե էս պատերազմը ոնց ենք անում: էս էսպես կանենք՝ էլ էս բաները չեն լինի:

Զորամասը հասնում էր արդեն Դոնի շրջանները: Գարունը նայում էր հալվող ջրերի միջից, շողում գողունի ժպիտով:

Սպիտակները նահանջում էին ու նահանջում: Սևահողը մռայլ, բայց հուսալից մերկությամբ անծայրածիր ու լայն փոված էր ամեն կողմ ու կլանում էր իր գրկի մեջ պրոլետարական բանակը:

Հեովից, գետնի տակից, դուրս եկավ մեծ քաղաքը: Այնտեղ թեժ կոխվ էր, որ մղում էր առաջ ուղարկված հեծելազորը: Զորամասը գնում էր օգնություն: Հոգնած էր նա, բայց կովի տենը նոր ուժ էր տվել նրան: Շտապում էին: Եգորն ու իր ընկերները լարված հայացքներով նայում էին քաղաքի կողմը: Միայն Միշան հիվանդ էր և ուժասպառ: Նա կանգ առավ:

Դուրս եկավ ճամփից և մեջքի վրա փովելով ասաց.

— Գնա՛ք բարով եղբայրներ, էլ չե՛մ կարող:

Նրան թողին, որ հետո գա, հասնի: Նա ուշաթափ մնաց:

Բայց նրան զարթեցրեց թրի խայթոցը: Աչքերը բաց արեց՝ սպիտակներն էին: Միշան տեղից շարժվեց էլ: Մինչև անգամ թեթևացավ կարծես, որ արյունը գնաց: Սպիտակներն անցան, թողնելով նրան կիսամեռ:

Հետո ուշքի եկավ, նայեց շորս կողմ, ոչ ոք չէր երևում: Հեովում, մթան մեջ, սևին էր տալիս քաղաքը: Ականջ դրեց՝ հրանոթների ձայն էր գալիս, բայց այն էլ շատ խուլ, ավելի հեռու, քան քաղաքը: Ի՛նչ էր կատարվում այնտեղ, հաղթո՞ւմ էին կարմիրները, ո՞ւմ էր ժպտում բախտը: Միշան շուռ եկավ մեջքի վրա և սկսեց դիտել աստեղավառ երկինքը: Գլուխը պտտվում էր, ականջները թշնում, կարծես գետի ալիքներ էին անցնում իր վրայից: Քունը, թե ուժասպառումը փակում էին նրա աչքերը: Նրանից անկախ կարծես իբրև մի երաժշտություն հնչում էին երազներ ու մտքեր, նա խորասուզվում էր երկնքի անհամար աստղերի հույլե-

րի մեջ, որոնք նրան թվում էին ապագա մարդկության ճանապարհի լապտերները:

Ապրե՛լ, ապրե՛լ, հավիտյան ազատ, խոր, խմել գիտությունը, արվեստը, որոնց այնքան ծարավ էր Միշան, որոնց մասին երազել էր շարունակ:

«Շուտո՞ւմ, շուտո՞ւմ»,— մրմնջաց նա և աչքերը փակեց:

1924 թ.

ՀՈՂԸ

Խորի՛ն, իսկական Հայաստան:

Նրա քաղաքներից մինը: Քաղաք՝ ձեռաց շինած:

Խրճիթների, մարագների ու ախոռների արանքում՝ տպարան, կոոպերատիվ, էլեկտրակայան:

Եվ երգիկների ծուխը բարդ-բարդ ծառանում է դեպի վեր:

Մի երկար փողոց գնում է իր համար: Մերթ անհամոզիչ ծըռվում է աջ, երբեմն ձախ ու հետո գնում, գնում, հարու է տալիս և քաղաքից վազում դուրս:

Փողոցի երկու կողմն ինչ-որ արտառոց գոմեր, վայրիվերո բակեր կան հին պոստային վարչություններից մնացած, «ստարոստայական» ունեւանսի ոճով: Բակերի ընդարձակություններ, ուր քայքայված ֆուրգոնների տակ, ձիու աղբերի շուրջը հախուռն հավաքույթներ են լինում ճնձղուկների ու հավերի: Եվ ճանճե՛ր, ճանճե՛ր... բզզում են, պարում օդի մեջ ամենուրեք:

Ցուցանակներ են հորանջում խանութների ճակատին: Վիթ-խարի մալականը իր ահագին դեղնամորուքի հետ ման է գալիս խանութ-խանութ: Մինչ սալլով խոտը ականջդ ճանկելով անց է կենում քունքիդ մոտով: Ահա և կարմիրբանակային վաշտը. կարմրաթուշ պատանիներ՝ ամուր նյութից շինած գյուղացի տղերք, կարծես քոչարի բռնած իրար են կպել, պատի պես առաջ են գալիս: Ալեծածան է նրանց ընթացքը և երզը համավոր. մի քիչ էլ համեստ: Եվ շիրակեցի կարմիրբանակայինը ատամների սաղաֆը մերկացրած դողացնում է կզակը.

«Մի—ենք իենք կարմիր բանակը»...

Անցնում են:

Շուկան: Գյուղացիներ, գեղջկուհիներ, պիոներներ, պինվորական խոհանոցի սալլը, խուրջիներ, եղաններ, ավտոմոբիլ, եզ... Կոոպերատիվ խանութում իրար են խառնված:

Բայց հենց ծովում ես փողոցի մի կողմը՝ աջ կամ ձախ՝ ուրարտական լուսթյուն... Հինօրյա գյուղն է, իր դատարկ փողոցներով: Հեռուն՝ դաշտերն են արտերի կարկատաններով մինչև լեռների լանջերը:

Իմ տանտիրոջ՝ բիծայի արխալուզի պես:

Եկել եմ հանգստի: Սենյակս գյուղի ծայրին է: Նստում եմ պատշգամբում, գիրքը ձեռքս: Դեմից անտառը իր կանաչ աչքերով մտիկ է տալիս...

Եվ քունս տանում է:

Տանտերս մի ութսուն տարեկան բիծա մարդ է: Ամպի մորուքը դեմքից կախ:

Նոր ենք ծանոթանում իրար հետ: Կողքովն անցնելիս ասում եմ՝ «բարով, բիծա»:

— Այ բարին արևիհի-ի՛դ... — ձգում է ետևիցս մի քանի քայլ: Դեռ տնտղում է ինձ: Սպասողական դիրք է բռնել: Մի երկու հոտոտեց — բան դուրս չեկավ: Ուզում է իմանալ, թե ինչ մարդ եմ:

Վերջին տարիների վայրիվերումները մի քիչ շփոթել են բիծային: Վրիպում է շարունակ. մարդիկ, նրանց վիճակը, գործը, արտաքինը այնպես են փոխվել, որ բիծայի աչքերը խառնվում են:

Առայժմ կարծեմ վաճառականի տեղ է դնում ինձ:

Ես էլ դիտմամբ պղտորում եմ ջուրը, տեսնենք ինչ կանի:

Պատշգամբիս առջև տան բակն է, հավերի ներկայությունը: Այ կողմը թոնրատունն է. ձախ՝ սենյակներ են վարձու տված:

Օրը շոգ է, փայլում է կարմիր գաթայի պես: Օրվա քունը տանում է: Արևի մեղրը հալվում, ծորում է տների, ծառերի, աթարների բուրգերից գետնի վրա:

Թմրում եմ պատշգամբում: Կիսափակ աչքերիս դեմ մի վաղածանոթ պատկեր է երևում: Չոր աթարների ճարտարապետությունը, թարմ աթարների գաթաները պատերին փակցրած: Հավերը իրենց բևեռագիր կատարներով, աքլորի կանչը՝ ինչ-որ ուրարտական շեշտով, որ ծորում է՝ «ծո՛ւղ-րու-ղո՛ւ-ո՛ւ»:

Մեղունները պստիկ այրողալանների պես ճախրում են ջուրը և բզզալով մի տարտամություն են բերում վրա:

Բակը ամայի է: Տանտերս է միայն տանը: Նստել է ջրհորի

բերանի մոտ, գերանի վրա ու գլխով շուտ-շուտ կշռում է ու արթնանում: Գլխին մի յուղոտ շլյապ ունի, որ անշուշտ մի տյուկի մեջ նավ է նստել Հյուսիսային Միացյալ Նահանգներում և Ատլանտյան օվկիանոսը ճեղքել դուրս է եկել Լենինական քաղաքը: Եվ ո՛վ իմանա ի՛նչ ժամի՝ երկու վանեցի վաճառական ո՛ր տախտակե խանութի լուսթյան մեջ, երկար շուռ ու մուռ տալով այդ շլյապը՝ խորհրդակցեցին և գինը կտրեցին այսպես.

— Խիչնգ շահի:

Եվ շլյապը նստեց բիծայի գլխին: Թիճան երկու աշխարհ ունի իր վրան: Ուսից վեր և ուսից վար: Ուսից վեր Ամերիկա է: Ահադ-նադդորդ շուգունն քաղաք. փողոցներով հոսում է ավտոբուսների, տրամվայների, մարդկանց մի հորդ Միսսիսիպի: Ամերիկյան եկեղեցի: Աղոթող բազմության դիմաց կանգնել է վշտից գերացած պաստորը, որ հնդուհավի վզի նման կարմիր երեսը մռայլելով՝ ճենճերային ձայնով սաղմոսում է: Արևելք, աղքատներ, եղբայրներ ի Քրիստոս: Ս. հոգին այցելում է բազմությանը, և հետևյալ օրը ամերիկացու գլխից շլյապը ձամփա է ընկնում Արևելք, մինչև բիծայի գլուխը:

Գլխարկից վար ուրիշ աշխարհ է: Հին օրեր: Հասան խան, յաթաղան, զնչիլ, ֆարրաշներ: Խանը խոսեց՝ գլուխը թռավ: Հետո ուրիշ օրեր: Երկհյուղ մորուքավոր պրիստավ, յասավուլ՝ ահ-ռելի փափախով: Մտրակ, ծեծ, հայհոյանք, կաշառք: Քյոխվան կտրան ծերից ըոխալի հայհոյանքով հրամայում է գզրին. «Տո՛ւր, տո՛ւր էդ շուն շան որդուն, տո՛ւր էդ հառամզադին»: Գյուղացին ծեծվում է, պատուած բազմակարկատ արխալուզը ծլանդ-ծլանդ փոփոում է քամու առաջ:

Քնած է բիծան:

Կարծեմ ես էլ եմ քնած:

Մեկ էլ հանկարծ:

— Քշա՛, քշա՛, ձեր քոքը վառի...

(Հասան խա՛նը):

— Քշա՛, — կրկնում է բիծան ու քարը շարտում հավերի վրա.

Սրանք խուճապով փախչում են և անհամոզիչ կերպով բարձր ճշալով նահանջում են նախօրոք նշանակված դիրքերը նոր հարձակման մտադրությամբ:

Բիձան տան մեծն է: Արամազդը ինքը: Ընտանիքի մյուս անդամներից են իր պառավը, երկու որդին 40 և 45 տարեկան, մի որբևայրի հարս և հինգ-վեց մանր ու խոշոր տղա-աղջիկ:

Ընտանիքի մեջ է մտնում նաև մի կիսախենթ բիձա: Նրան չեն սիրում. նախ նրա համար, որ պառավի եղբայրն է, ասել է՝ տանից չէ, և ապա՝ որ խենթ է, կարելի է շտիրել: Բայց և այնպես նրան պահում են, քանի որ նա մի պստիկ տուն ունի, որ ամառավորներին վարձով են տալիս և վարձը իրենք են ստանում: Մեկ էլ՝ իրենց բոստանը նա է պահում:

Խենթը տուն չի գալիս: Նա իր խելքը — եթե ունի, և երևում է, որ ունի ինչ-որ յուրատեսակի մի խելք — այդ խելքը տվել է բոստանին:

Դսնավոր խոսակցության ժամանակ հարևանները նրան «բիձա» են ասում, իսկ առօրյա գործածության համար որոշված է՝ «գիժը»: Բարձրահասակ, չոր ու ցամաք մի ծերուկ է բիձան, աչքերը խորն ընկած, ման է գալիս գլուխը բարձր բռնած, երեքալուվ, կարծես հիմի պիտի ընկնի, կանգ է առնում ու մրթմրթում: Շաբաթը մի հետ երևում է բակում, այն էլ հատկապես գոռոռու: Այդ լինում է այն ժամանակ, երբ տանեցիներից մեկը երեխաների մոտ բան է ասած լինում նրա մասին, և երեխաները խոսքը տեղ են հասցնում:

— Ո՛ւմ շներն եք,— գոռում է բիձան,— սոված շներ, ո՛վ աձեզ իրավունք տվել իմ վրեն բերան պատռելու: Ծա որ չըլեմ՝ սովից կսուսկեք:

Այդ գոռոցը, ճիշտ ասած, դիվանագիտական բնույթ ունի, ավելի մարկայի համար է, որպեսզի իր պատիվը որոշ մակարդակի վրա պահի:

Բոլորը լուռ են: Միայն երբ բիձան կանոնադրության սահմանից անցնում է և գործ է ածում ոչ պառլամենտական ոճեր, տանտերս ձայնը բարձրացնում է.

— Դե, լավ, հերիք հաչես, ու՛ր ըլի:

— Ո՛ւմ ես ասում ուղ ըլի՝ պրիստա՞վ ես, թե գուբերնատ... — ու այս ոգով դեռ երկար շարունակվում է բիձայի ամբաստանագիրը: Բայց նրան լսող չկա, նա էլ բավարարված է: Ուստի և վերջացնում է ու մոմալուվ հեռանում դեպի բոստանները: Ծանապարհին երերում է ու կանգ առնում: Ահա բահը զար-

կեց մի քարի ու շարտեց ճամփից դուրս: Ահա և կանգնեց, նայում է առուների ջրին: Աշխատանք գտավ, ուրեմն և մոռացել է միջադեպը:

Այս առավոտ անկողնում էի, որ լսեցի բիձայի ձայնը և մեկ էլ մի անծանոթ երիտասարդի ձայն:

— Դո՛ւ ես տանտերը:

— Տանտե՛րը, ի՞նչ կա որ,— զգուշացավ բիձան:

— Դու չե՛ս տանտերը:

— Ախր մի ասա տեսնեմ ի՞նչ կա: Հա, ես եմ:

Գլուխս բարձրացրի, որ տեսնեմ, թե ինչ երիտասարդ էր: Չէր երևում: Միայն բիձայի միրուքն էր տմբտմբում:

Երիտասարդն ըստ երևույթին գործկոմից էր:

— Քանի՛ հոգի եք:

— Քանի՛ հոգի՛:

— Հա, քանի՛ հոգի եք:

— Ըստե՛ղ,— ու բիձան որջից գլուխ դուրս հանած գայլի պես տնտղում է երիտասարդին,— ըստեղ երկու աշխատող ենք:

— Մի՞թե այդքան միայն:

Բիձան գիտե, թե ինչ է անում: Չհասկանալու է տալիս, ժամանակ շահում, որ իմանա, թե ո՛վ է երիտասարդը, ինչի՞ է հարցնում և ինչ դուրս կգա տակից: Դրա համար էլ գորտի պես ջուրը պղտորում է տիղմով և տակին տազ անում:

— Ո՛նց թե երկու հոգի եք, տանը ուրիշ մարդ չկա՞:

— Կա, ամա նրանք ուտող են:

— Դու ինձ բոլորը միասին ասա:

— Ըստեղ երկու հոգի ենք... — ու հանկարծ կրկին նույն հարցը.— յավաշ, էդ ընչի՞ հմար ես հարցնում:

— Պետք է,— կարճ կտրում է անփորձ երիտասարդը և բարկանում:

— Այ ի՞նչ իմանամ: Միտքս վրաս չի:

Երիտասարդը գրում է ըստ երևույթին.

— Քո անո՞ւնը:

— Գրի՛ Մացաք Օվանեսով, ութանասուն տարեկան: (Հալիվոր եմ, անպետք):

— Ձեր կնոջ անո՞ւնը:

— Գրի՛ Թագուհի Օվանեսով: (Նա էլ վացցուն տարեկան աս, կոնները, սաղ ջանը ցավում աս: Չի կարում թե բան անի):

Ու տնտղում է երիտասարդին, որ մի կերպ լուծի հանելուկը: «Թող շարը խափանի»:

— Տղաներդ: Քանի՞սն են:

— Մինը վասիլն աս: Սալգաթություն արած պրծած աս, կրու վում էլ յարալու յա ըլել: Աշխատողը նա յա: էն մեկելը, Սիմոնը, էն տարին որ սաթըլջամ ընկավ...

— Քանի՞ տարեկան են:

— Իցցուն, իցցուն հինգ կրլեն:

— Պակաս շե՛ն: Քառասուն:

— Հա՛, քառասուն, ավել էլ կրլեն:

— Քանի՞ տարեկան են վերջը:

— Վասիլը 40 աս, Սիմոնը՝ 45:

— Հարսներդ, թոռներդ:

— Ի՛, անպետք խալխը, դրանց էլ ես գրո՞ւմ:

Երիտասարդը գրում է:

— է, վերջացա՞վ: Հետո՛:

— Բիձեն մնաց, բիձեն,— ձայն է տալիս հարևանի կնիկը:

— Ռւրիշ էլի՞ մարդ մնաց: Ի՞նչ բիձա, է:

— Մարդ չկա: էն գժի հմար աս ասում: Դե նա իրա հմար կա՞... Պարապ հացակեր աս:

Բայց բիձան հանգիստ չէ: Չգիտե՞ լա՞վ է պատասխանում, թե՞ վատ: Մշուշ է առաջը, չի կարողանում պարզել:

— Ստուգման համար էր,— վերջացնում է երիտասարդը, փակելով իր խորհրդավոր տետրակը:

— Հա, վնաս չունի,— կմկմում է բիձան, էլի շթափանցելով մեծ գաղտնիքը:— Թե դրուստ մեր հալը կուզես իմանաս՝ խեղճ ենք, անջախ մի փոր հաց հանում ենք:

Ու ճամփու է դնում երիտասարդին:

Դեռ ուշքի չի եկել: Անհայտությունը շարժվեց: Ու անհաս-գըստացած գազանի պես մտիկ է տալիս հեռացողի ետևից:

Վեր կացա անկողնից: Լվացվում էի ջրհորի մոտ: Բիձան նըստած էր հարևանի այգու պատի տակ:

Երեսս սրբելով մոտեցա իրեն:

— Բարի օր, բիձա: Ի՞նչ կա, ի՞նչ չկա:

— Ջանսաղություն: Լավը դու գիտես, դո՛ւ ասա՛ լսենք:

— Բա դու իսկի լավ բան չե՞ս իմանում:

— Իհի՛...— ճոռաց հին ֆուրգոնի պես՝ քաշելով իր մտքերի ծանր բեռը:— Լավը ո՞րն աս: Գետինը շանգոելով միջիցը մի բան հանում ենք, ապրում: Լավն էն ժամանակն էր, որ Աղբաբա թուրքերի մեջ յասավուլ էի: Քառասունը հի՞նգ... հա՛, հա, մի էդքան կրլի հա՛: Համարյա պրիստավ էի: Դեղուպովիզատել Պավլե աղեն բաշ-քյաթիպ էր: Նրա ձեռի տակին էի: Իմ ճշմարտութենիցը ինձ շատ էր սիրում: Ես էլ մեկ սաստիկ գործ էի բռնում թուրքերի միջին: «Հը՞, ոնց ես, Մացաք»,— կասեի՝ «Լավ եմ, աղա՛»: Կհա-նեք մեկ ճոճուան թուղթ մանեթ կխփեր ճակտիս. «Գնա քե՛ֆ արա»: Թուրքերը դողում էին ինձանից: Թուրս լավ լազաթին կա-պա՞ծ: Տախտիս տակին շաքարը, եղն ու պանիրը իրա կարգին: Կասեի՝ «Պավլե՛ աղա, թուրքն էկել աս, ուզում աս քեզ տեսնի»: Կա-սեր՝ «Ասա իցցուն մանեթ աս»: Կառնեի իցցուն հինգը: Հինգը թուրքից կառնեի, հինգն էլ Պավլե աղեն կտար: Հեռի քեզանից՝ ավանակի աշխարհք էր: Հըմի ի՞նչ...

Դա նրա սիրելի նյութն է, և միաժամանակ «չեղոք նյութը», որով զբաղեցնում է ինձ...

Բայց դեռ տնտղում է ինձ, ատամի տակ գցում: Դրա համար էլ իր «որչի բերանից» չի դուրս գալիս:

Հանկարծ հարձակվում եմ.

— Քա՞նի եզ ունես, բիձա՛:

Բիձան անակնկալի եկավ ու պոչն իրեն քաշեց:

— Քանի ե՞զ:

— Հա՛, քա՞նի եզ ունես,— սեղմում եմ պատին:

— Է՛հ, ո՞վ աս իմանում: Աստված ինչքան որ տվել աս՝ էն աս իրա հմար կա:

— Բայց քա՞նի հատ է:

— Էսպես մի շորսը կրլի,— վարագուրում է բիձան:

— Լավ, քո ապրանքը չե՞ս իմանում ինչքան է:

— է, ի՞նչ մի բան աս, թե ի՞նչ իմանամ: Անասունի բանը ո՞վ աս հասկանում: էս «ղաբաղ» աս, էս սար ու քուլ աս, դող աս, գել աս: Տակին բա՞ն աս մնո՞ւմ, որ մարդ իմանա քանիսն ունի, քա-նիսը չէ՞:

— Քա՞նի կով ունես:

— Կո՞վ.— շունչ է առնում.— մի 4—5-ը կա:

Ուզում եմ «մարս» անել:

— Տասը հատ չի՞:

— Դե որ սաղ տանը վրա գցես, տասը շատ բան չի: Հա մի էդքանը — ու լիտում է: — Խ՞ն աստված պահի... տեսնենք...

Անորոշությունը բիծայի տարերքն է: Դա ինձ զվարճացնում է, և ես հարձակումը ծավալում եմ.

— Ո՞ր կառավարությունն է լավ: Սա՞ թե նիկալայինը:

— Չեմ իմանում: Մենակ նիկալայի ժամանակ խարջը քիչ էր:

— «Սրա՞նք» ոնց են:

— Դե, ջահելի հմար լավ ա, մին էլ մարդ մարդու վրա չի կարա ձեռ բարձրացնի: Մենակ էն ա, որ խարջը շատ ա:

— Բիձա, ախր էն էլ կա, որ սրանք հիմի ձեռ գեղը քաղաք են դարձնում:

— Ընչի՞ս ա պետք քաղաքը:

— Տներ կշինեն, գործարաններ բաց կանեն, ապրանքը կշատանա, ճամփաներ կշինեն:

— Ինչ ուզում ա շինեն: էդ ամենը պտտվում, պտտվում՝ վերջը էլի գալիս ա խարջի վրա: Իմը գիտե՞ս ոնց ա: Իմը խարջն ա. բեր էդ բեռը իմ վրիցը վերցրու՝ էն ա ամեն բան լավ ա ու լավ:

— Ապա ո՞ւմնից առնեն խարջը:

— Ով որ ունի:

— Ո՞վ ունի.— հետապնդում եմ ես.— ում մոտ գնաս՝ կասի չունեմ: Կուզե՞ս կառավարություն էլ թող շինի:

— Ըլում ա, թող ըլի իրա համար: Ինձ համար լավ կառավարությունը նա յա, ով ինձանից խարջը չի առնի:

Լուսաբացից բիծան ոտի վրա է: Ման է գալիս բակում, կտրան, ներքնատանը ու դաշտամկան պես դուրս է ածում իմպերիալիստական պատերազմը — վայրիվերո, անհարիր, անպետք իրեր — քաղցր կաթի ժանգոտ տուփեր, մեխեր, տաճկական սվին, կարի մեքենայի կոտրած խողովակ, ձիու հին խամուտ, շրապնեւի դատարկ ումբ: Մխրճվում է նրանց մեջ, խառնըխտորում,

նորից ածում ներս: Ինչի՞ է պահել, ի՞նչ է փնտրում նրանց մեջ...

Պառավը ինչ-որ շկա մեղտեղը: Դա ներքին արարած է. բերան-մերանը գլխի թաշկինակի մեջ թաքցրած՝ սուս ու փուս թշուշ է անում թոնրատանը: Բայց թեև ձայնը դուրս չի գալիս, ինչ-որ տակից խեթում, կտցահարում է իր ամուսնացած աղջկան, որ աղքատ մարդու է գնացած, դրա համար այս տանը չեն սիրում ոչ նրան, ոչ էլ ամուսնուն:

Բատրակ է ամուսինը, բայց աներանք նրան գործ չեն տալիս: Կոմունիստներին դիմավորել է Չ1 թվին:

Կինը դառն աշխատանքից խունացած մի էակ, հաճախ է գալիս հորանց, տան գործի մասնակցում ու մի կտոր հաց ճանկում: Հույս ունի, որ ամառվա վերջը հորանց տան բոլոր ամառավորների իրերը իրենք կտանեն կայարան և հինգ ութու շափ էլ դրանից կստանան:

Պառավի ձայնը լսվում է այն ժամանակ, երբ անիծում է, իսկ անիծում է, երբ բարկանում է իր թոռան՝ Անուշի վրա: Սա մի կարմրաթշիկ, սևաշյա աղջիկ է, զարհուրելի շարաճճի: Ամբողջ օրը ճպուռի պես վխտում է ներս ու դուրս — կրակ է անում, ավլում, սրբում ու կշկշում: Պիտներ է: Աշխատելիս էլ բերանը չի գաղարում. կամ երգում է, կամ ծիծաղում, կամ վիճում: Ամեն բան վեճի առարկա է: Մի անգամ պատշգամբից լսվում էր: Վիճում էին ձմերուկի առիթով, թե ով է ստեղծել ձմերուկը:

— Դու կարծում ես աստված ա ստեղծե՞լ,— ճշում էր Անուշը պառավի երեսնիվար:

— Աղջի, լեզուդ լալկի, սո՛ւս կաց, ասում եմ, է՛,— սաստեց պառավը:

— Հա՛, սո՛ւս կաց, խի՞ եմ սուս կենում: Դե ապա՛ դո՛ւ ասա. ո՞վ ա ստեղծել:

— Ա՛ղջի, սրտա՛մեռ, աստժու ստեղծած բանին կասեն թե ով ա ստեղծե՞լ: Բա որ աստված շստեղծի՞ ո՞վ կարա ստեղծի:

— Բնությունը:

— Բնությունը ի՞նչ բան ա, որ ստեղծի: Բոլոր թաղեմ, բնությունը կարա՞ ձմերուկի կորիզները էսպես կարգով շարի:

— Ինչո՞ւ չի կարա շարի: Մարդ է ստեղծում՝ ձմերուկի կորիզները չի կարա շարի՞:

— Սո՛ւս կաց, լեզուդ քե՛զ պահի,— զայրանում է պառավը:

Բայց Անուշը պպին է կանգնել: Չարացել է ու ավելի գրգռելու համար ճշում է:

— Ասա՞ծղ ի՞նչ ա, աստված չկա՛, չկա: Դա հոգևորականների ստեղծածն ա:

— Աղջի, աստվածը բեզ թաղի, շես վախո՞ւմ, ձենդ կտրի, է՛:

— Աստված չկա, աստված չկա. այ, ասում եմ, բա խի՞ չի թաղում,— ճշում է ավելի բարձր Անուշը:

Պառավը ճիպոտը խլեց ու այն է՛ հարվածը իջեցնում էր Անուշի գլխին, սա խար տվեց ու փախավ:

— Այ կրակն ընկնի էն ուսումնարանը, հա՛, որ բեզ էդպես ուսում ա տվել,— անիծեց պառավն ու ընկավ Անուշի ետևից: Մի երկու շրջան գործեցին, բայց պառավը չհասավ, թողեց Անուշին: Սա ետ դարձավ:

— Ի՞նչ ա, ի՞նչ ես մեր ուսումնարանին բան ասում: Ապա ի՞նչ, ձեզ նման պըտենք ըլի՞լ: Իմ ուսումնարանին մատա՞ղ, իմ ուսումնարանի պես լավ բան կա՞: Նրան բան մի՛ ասի:

Ու գրկում է ինքն իրեն, կշկշում անհոգ, ուրախ:

Մի տասը բոպե անց Անուշը արդեն թոնրատանն է, պղինձ է լվանում: Հիմի էլ այնտեղից է կշկշոցը գալիս: Միծաղի ֆաբրիկա:

— Անուշ ջան, էս ամանիքն էլ սրբի, ես գնամ էն դաշնիկից չորս կապեկը բերեմ:

— Ե՛տ արի, Ես գնում եմ ակումբ:

— Աղջի, էսօր է՛լ ակումբ կա:

— Ըստուց ետը շաբաթը երկու օր ակումբ կա:

— Լավ, կգամ:

— Զէ, շուտ արի, շո՛ւտ, շո՛ւտ, ես շեմ կարա սպասի: Տե՛ս, որ ուշացար՝ շեմ սպասի, կգնամ:

— Ա՛ղջի, կրա՞կ ես,— շարանում է պառավը:

— Զեմ իմանում, շեմ իմանում: Ե՛տ արի, ես գնալու եմ: Կու՛վարը բարկանում ա, չի թողնում ուշանանք:

Պառավը գնում է: Անուշը արդեն երգում է ու ամանները զզզում: Ու մի քանի բոպեում երգը փոխվում է արտահայտության: Վերնագիր է տալիս.

«Մենք լենինյան սերունդն ենք»:

Հետո ընդոստ-ընդոստ ու արագ վրա է տալիս.

«Մե՛նք լենինյան

սեր-ս՛ունդն ենք...»:

Վերը փոխվում է ճառի: Եարում է բառեր — համաշխարհային կոնտրոլուցիա՛ն... եվրոպական իմպերիալիզմը, ուղուցիայի կարմիր գրոհը... Բայց ինչպես երևում է, նրա նախադասությունները այդպես են կազմված և իրա համար ամփոփ իմաստ ունեն:

Ու հանկարծ զըրը՛նգ — պղինձը գլորվում է գետին, որի ձայնից սարսափած կատուն թոնրատնից փախչում է դուրս:

Ասում էին «Վասիլ, Վասիլ»՝ դեռ իրեն չէի տեսել: Անուշի հայրն է, բիձայի մեծ տղան: Վերջապես այսօր տեսա: Ծաշին եկավ տուն սայլով: Արդեն փողոցից լսվում էր նրա ճիպոտի շառաչը և գոռոցը եզնների վրա.

— Եզն ա՛րի:

Այնպես էր ճղավում, կարծես կոկորդի մեջ արշիններով կտավ է ճոթում:

Ահա ըոխալի հայհոյանքով սայլը քշեց բակ ու կանգնեցրեց.

— Օհո՛ո՛ո՛... հո՛:

Ածխապան: Հիմնական մի կեղտ ծոծրակին, երես-մերեսը մազ-միրուքի մեջ կորած, դարմանոտ, փոշոտ: Ընենճոտ մի կարտուզ ունի աչքերին քաշած, կոզերյոկը ականջի կողմք:

Աչքերը շեն երևում, բերանն է բաց:

Բարկացած է ուրիշի վրա և եզներին է թակում:

— Վասիլ, ի՞նչ կա,— հարցրեց բիձան մոտ գնալով:

Վասիլը չի պատասխանում:

— Սոնին ա քիչ... բան էլել,— կամաց բացատրում է երիտասարդ հարևանը, որ սայլի ետևից գալիս էր:

Վասիլը նոր սր փրփրեց:

— Ես սրան սել եմ բան տալիս, սա տանում սար ու քու ա գցում, սունին կոտրում:

Ու բերանբաց նայում է սայլին:

Բոլորս մոտ ենք գնում: Մոտենում է նաև վրացի կայարանապետը, որ նրանց մի սենյակում հանգստանում է պմառք: Նա մանր ժպտով նայում է Վասիլին ու սայլին:

Վասիլը թքում-մրում է հարևանին: Սա էլ հանցավոր կատվի պես սքլել է: Զի պատասխանում և եղններն է արձակում:

Վասիլը կարծես հրդեհ հանգցնելու է գնում: Բոպե շունի: Ու եփվում է: Ոչինչ չի տեսնում, չի լսում:

— Բռնի, է՛, բռնի՛, բռնի՛,— գոռում է հարևանին և ինքը գրկում է անիվը, որ դուրս քաշի:

— Դե լավ, դու էլ հերի՛ք արա, Վասիլ,— նկատում է երրորդ հարևանը, որտեղից-որ հայտնվելով օգնելու:

Վասիլը կանգ առավ, շիտկվեց ու ճակտին խփեց:

— Ես է՛շ էէէ՛մ... Ինձ նման էշը որ չլի՛ էշի գինը հազար թուման կըլի: Մինը ինձ ասի, թե՛ էէէ՛շ, ո՞նց ես դու էս խոտհարքի վախտը սելդ տալի ուրիշի: Բռնի, է՛,— ծղրտում է նորից ու անիվը գրկում:

Վերջապես հանեցին:

Ներս վազեց ու դուրս բերեց մի արկղ՝ լի էր մեխերով ու գործիքներով: Ուզում է սոնին մեխել:

Կայարանապետը քմծիծաղ է տալիս:

— Բան չի դուրս գա, Վասիլ, սոնին կոտրվել է, պիտի օղակել տաս: Տար դարբնի մոտ:

Վասիլը բերանը ավելի է բացում և աչքերը շոռում կայարանապետի կողմը:

— Հը՛ ա՛... — քորում է ծոծրակը: Ու հանկարծ հարձակվում է սոնու վրա:

— Բռնի, բռնի... ա՛խ, ի՞նչ ասեմ, ախր ինչի՛ հմար եմ էշ... Ակը հանում եմ և արագ-արագ տանում դարբնի մոտ:

Քանի գնում է՝ բիճայենք լարվում են: Բուրբի ուշքը դաշտի կողմն է, ուր հասնում է հացը: Եվ կարծես դա հաց չէ հասարակ, այլ մի հզոր, խորհրդավոր էակ, որ բնության ապարանքներից գալիս է:

Ամենքը պատրաստության մեջ են:

Վասիլը երկու անգամ սար գնաց եկավ: Պատիկ, տաս տարեկան Կևորզը սարից երկու կով բերեց տուն և նդած կովերին տարավ սար մեն-մենակ: Հետո Վասիլը գնաց խոտհարքի, վեր-

ջացրեց, եկավ: Խոտ կրեց ուրիշի համար: Բեռ կրեց կոուպերատիվի համար:

Ամբողջ օրը տան բակում թոնրատանը, կտերը, ներքնատանը անդուլ ելումուտ է: Գալիս են, գոռգոռում, հայհոյում, անիծում, որը վերջանում է երեխաների թակով: Թակում են ու գնում:

Ամենից շատ գոռում է Վասիլը, նրան ձայն է պահում Միմոնը: Բայց սա չի կարողանում տանը տիտիկ անել: Մի ոտը սարումն է: Հարմար առիթին ծլկում է այնտեղ:

«Պարապ հացակեր» բիճան՝ գիժը, օրնիբուն աշխատում է: Լավ խնամում է բոստանը: Ոտաբոբիկ կիսճորում է ցեխերը, առունները դրստում: Նրա շինարարութունը արդեն հասարակական բնույթ է ստացել: Նա առուն մաքրում է քարերից ու ճումբերից, ճամփի քարերը շպրտում մի կողմ:

Ահագին տեղ ճահճի ցեխը հավաքեց տարավ, պատվար շինեց, ջուրը բանդ արեց ու մի ծորակ բաց թողեց, որ լվացքի ջուրը այնտեղից վերցնեն:

Ճահիճը ցամաքեց, էլ այնտեղից նեխած հոտ չի գալիս:

— Բիճա,— հարցնում եմ,— էս ինչո՞ւ ես բուրբ առունները դու մաքրում:

Թողնում է գործը, դառնում շեշտ աչքերով նայում ինձ:

— Ինձ հարցրու՝ «դու ո՞վ ես»:

— Դու ո՞վ ես:

Ժպտում է և զինվորի պես արագ-արագ պատասխանում:

— Ինձ արևը կարգել ա, որ առուն ծռեմ, մարզը դրստեմ, ջրերը հավաքեմ, կարտոպը բաժանեմ: Ասա՛ ընչի՛ հմար:

— Ընչի՛ հմար:

— Ընդուր որ՝ մարզը ծռուն ա, առուն դրուստ, ջրերը բաժան, կարտոպը մի հատիկ: Աշխարհքը իմ բահի տակին ա,— եզրափակում է բիճան ու շարունակում իր գործը:

Հարևաններս մի բանի հոգի են: Վրացի կայարանապետը, նրա ուս կինը: Ինքը հաստ բեղերով, սրամիրուք առողջ մարդ է, իսկ կինը սուա ու փուս արարած է՝ շաղկիկ ու գնդիկ: Մի եր-

կու անգամ գնաց Թիֆլիս, տանելով հետք ճուտ, ձու, յուղ, պանիր: Ծախեց ու վերադարձավ: Զրի տո՞մս ունի թե ինչ...

Երկրորդ կենողը մի «բանվորի հայր» է՝ ինչպես ասում են: Հիսունից անց մարդ է: Սուրմալուեցի: Նախկին խանութպան: Փախստական է: Հիմի ձեռքը մեջքին, տերողորմյան հետույքից կախ բռնա է տալիս բակում, դիմացի այգու պատի տակ: Անգործ է: Տղան երկաթուղու վրա կոնդուկտոր է: Աշխատում է և հորը պահում:

Խաղաղ ապրում են հայր ու որդի: Ընտանիքը ոչնչացած է ճամփին: Տնտեսը հայրն է: Առավտոր վաղ գնում է ճամփին նրստում, որ հենց մյուս գյուղերից մթերք բերող գյուղացիները մոտենան գյուղին՝ առաջին գնողը ինքը լինի: Վարպետ է էժան ապրանք առնելու: Բերում լցնում է տունը յուղ, պանիր, ձու, բանջարեղեն: Կատարյալ տան պատրանք ստեղծելու համար սուրմալուեցին պատի տակին օջախ է սարքել ու ամեն օր ծխի մեջ խեղդում է բակը, շնայած որ տղան առատ նավթ է ստանում, և կարելի է պրիմուս բանեցնել:

Ժամերով անշարժ նստում է սուրմալուեցին պատշգամբում և աչքերը խփում: Քնած կկարծես, եթե տերողորմիայի հատիկները չըրթկոց չհանեն: Մտածում է, մտածում ու հանկարծ վեր է կենում ու քշվածի պես գնում է դեպի դիմացի այգու պատը, այնտեղ է նստում մի երկու ժամ, հետո գալիս մտնում է թոնրատուն, բիձայենց մոտ: Հաճախ կարելի է տեսնել նրան բահը ձեռին, որով հավաքում է կենդանիների թրիքը և տանում ծեփում է պատերին: Հին կենող է, 21 թվից: Արդեն ընտելացած է բակին ու բիձայի ընտանիքին: «Սովետական» կենող է, ուստի և ֆոնդի սենյակ է բռնել:

Նրա կյանքը մի անվերջ ձանձրալի կրկնություն է միևնույն բանի, ինչպես իր տերողորմիայի հատիկները:

Ժամերը, օրերը, իրերը, մարդիկ — ամեն ինչ հատիկ-հատիկ գալիս-գնում են, գնում-գալիս են, բայց ամեն բան մնում է միևնույնը: Նոր բան չկա, ելք չկա...

Ու քնում է մարդը:

Տղան շարաթը մի անգամ լապտերը ձեռին տուն է գալիս: Շատ անգամ հետք նավթ է բերում:

Այդ ժամանակ «բանվորի հայրը» պատի տակ ավելի մեծ օջախ է անում, պղինձը դնում վրան:

Ու ծուխը բռնում է բակը: Մի երկու անգամ նկատել եմ, թե ինչու պրիմուս չի առնում. հեշտ է և մաքուր: Տղան էլ է շատ անգամ ասել. բայց հայրը համառում է.

— Օջախս մարել է «էնտեղ», էստեղ պիտի վառե՛մ: Օջախը տան բարաքյաթն ա: Առանց դրան տունն ի՞նչ:

Տղան չի պնդում: Նա շատ էլ այս տանեցի չէ: Նրա տունը շարունակ գնում-գալիս է Թիֆլիս—Լենինական: Այնտեղ են նրա ընտանիքի անդամները — իր ընկերները:

Ինչո՞ւ է գալիս տուն... Կարծես օտարական լինի: Զի էլ խոսում այստեղ:

Ու հայր ու որդի լուռ նստում են պատշգամբում՝ ամեն միևն իր մտքով տարված:

Անուշը օրվա որոշ ժամերի գնում էր պարապմունքի: Պառավը շատ էր փնթփնթում:

— Այ ո՞տո՞ղ կտորի, ա՞ղջի, էլի՞ յա կորել:

Բայց նա պատրաստություն է տեսնում գնալու հարևան քաղաքը շրջագայելու: Պիոնեռական կոլեկտիվի հե՞տ... Պառավը չի ուզում թողնել.

— Հորդ կասեմ:

— Ասա, ես գնում եմ, էնտեղ կարմիր կնունք ունենք և հակակրոնական կամպանիա կա:

— Աղջի, էլի բերանդ պատռեցի՞ր:

Մայրը մեջ է ընկնում: Շատ է սիրում իր ազգական և ամեն բանում պաշտպանում.

— Զեռը վեր կալ, գնում ա՞ թող գնա:

Պառավը, սակայն, համառում է.

— Աղջի, հերդ գա ի՞նչ կասի:

— Ինչ ուզում ա ասի, ես գնում եմ:

— Զի թողալ:

— Ո՞նց չի թողալ. իրան հո կպած չե՛մ: Պիոները որ էդ տեսակ բաներ լսի՞ ո՛ւր կգնա:

Անուշի ընկերուհիները և մի պատանի՝ նեգրի նման սևա-

մարմին և համարյա մերկանդամ — պիոններն եկան կանգնեցին այգու պատի տակ: Անուշը վազեց նրանց մոտ, խոսեց ինչ-որ ու ետ դառավ:

— Տուրգոնով ենք գնում:

— Ճամփին կմրսես, կատկես:

— Ո՞վ, ես սատկողը չեմ:

Մայրը առաջ եկավ:

— Դե, լավ, լավ, գնա՛:

Պառավն էլ համաձայնեց:

— Գնա՛, գնա՛: Սոսնանց Վասիլին, Նիկոլին, Գիքորին շատ բարե կանես, կասես՝ նանին ասավ՝ աստվածածնա սուրբ կիրակի օրը իրենց սպասում ենք, թող գաա՛ն: Իմացա՞ր:

— Իմացա, նանի ջան, իմացա,— գնում է Անուշի արծաթի ձայնը թոնրատնից և պատռած վերարկուն, հացի պաշար ու երկար ձեռնափայտը խլած Անուշը դուրս է վազում, գնում դեպի իր ընկերուհիները:

Իրիկնապահին Վասիլը փոշեթաթախ եկավ տուն:

Թոնրատան շեմքին նստած, ինչ-որ ջրալի կերակուր էր խոշտում, որ հանկարծ գոռաց (նա միշտ գոռում է)։

— Բա Անո՞ւշն ուր ա:

Բացատրեցին: Բերանը մնաց բաց, ու բեղերից կերակուրը կաթկթեց:

— Ո՞նց թողիք որ գնա:

Պառավը արդարացավ:

— Ինչ քու աղջիկն ա ու իր մերը — կարա՞ մարդ խոսք հասկացնի:

— Լավ, լավ, բան չկա, Սոսնանց տանն ա վեր գալու:

Բայց Վասիլը շատ է սիրում իր աղջկան: Թե՞ ժամանակ էլ շունի զբաղվելու այդ հարցով: Այդքանով փակեց հարցը և շտապեց շուկա:

— Ինչո՞ւ, Փեյիներ աթար շինելու տեղ՝ լավ չէ՞ արտը պարտացնես:

— Շատ դրուստ ես ասում,— լայնորեն համաձայնում է Վասիլը,— փեյիներ արտի հոգին ա:

Ես պատմում եմ ինտենսիվ մշակութայն, ռացիոնալ տնտեսության մասին: Տրակտորն եմ բացատրում, անտառների ու խոտհարքների մասին:

— Դրուստ ա, բա՞,— ասում է Վասիլը լուրջ կերպարանքով,— ինչքան մի բան լավ անես՝ էնքան լավ:

Հանկարծ ձայնը մեղմացնում է:

— Հըմի հրամանքդ էլ էս կոմունիստական մարդկանցից ե՞ս, թե՞ հին մարդ ես:

— «Հին մարդ եմ».— ասացի իր տերմինով:

Չորս կողմը նայեց ու մտերմաբար:

— Էս ի՞նչ բաներ են, էս անկարգ բաները, որ ասում են՝ ժամ չկա, տերտեր չկա:

— Դե ով հավատում է թե տերտեր կա, թող հավատա,— խուսափում եմ ես:

— Հա, էդ մեկը դրուստ ասիր: Մեր պապական օրենքը ոնց որ դրված ա, էն էլ կպահենք:

Մշուշապատ դուրս եկավ: Բայց Վասիլը «վերնաշենքից» սկսելով առանց էվուոցիայի թավալվոր ընկավ «հիմնաշենքը»:

— Նալոզը շատ ա, նա՛լոզը: Էս նալոզը թողում չի թե աչք բաց անենք: Սաղ նալոզի ենք տալի:

— Դու ի՞նչքան ես տալիս:

— Ո՞վ ա իմանում... կա՛, էլի՛:

— Չէ, այսինքն՝ ի՞նչքան,— սեղմում եմ ես:

— Երեսուն, քառասուն, իցցուն. հաշիվը կա՞: Էն ա՛ ինչ ուզում են՝ գրում են:

Գլուխներս կախ՝ գնում ենք:

— Եզն ա՛րի,— ասում է ինքն իրեն Վասիլը, այնպես, մեքենաբար:

— Վասի՛լ, ուղո՞ւմ ես պատերազմ լինի:

— Պատերա՞զմ,— ժպտում է ներողամտաբար,— տնաշեն, հո մեջքներս կկտրվի: Մի՛նն էլավ, հլա տակից դուրս շենք գալի:

— Բա որ մեզ գոռո՞վ կովել տան:

Վասիլին ամեն օր պատահում եմ անտառի ճամփին: Խոսում ենք մեկ-մեկ:

— Աթա՞ր ես կրում, Վասիլ:

— Բա ի՞նչ, մերն էլ էդ ա:

- Դե էն ա, լափ կքանդվենք, աշխարհք կվերջանա:
- Ո՞վ պիտի կովի:
- Ի՞նչ իմանամ: Իմը ունեւարութիւնն ա:
- Հա՛, ունեւարութիւնը... Քայց այդ էլ մենակ ես անում մի կտոր հողի ու մի քանի կովի, եզան հուլսով: Զորային կա, տավարի ցավ կա, հազար ու մի փորձանք:
- Հալա կգնանք, մինչև բարակելը:
- Որ բարակե՞ց:
- Դե էն ա՛ կկտրվի,— ասում է Վասիլը և հանգստանում:
- Ինչո՞ւ տնտեսութիւնդ չես միացնում ուրիշների հետ:
- Ո՞ւմ հետ:
- Քեզ պեսների հետ:
- Հա՛, էդ էլ վրլի. ամա ո՞վ առաջ ընկնի:
- Դո՛ւ:
- Ծ՛ս... Ի՛հ, մերը ըսենց պտի գնա՛ ոնց որ եկել ա: Մեզանից բան չի դուրս գա... Եզն ա՛րի:

Վասիլը տանջված երևույթ ունի: Յախ-ցախ մորուքի, դարմանի, ցեխի մեջ կորած դեմքը կնճռոտ կաշու պես է: Նրա աչքերը պղտոր են, թախծալի: Նա հիմարական հայացքով, բերանաբաց ինձ է նայում մի պահ, և նրա ճղրիկ աչքերի միջից դուրս է լողում մի նուրբ կասկածանք և մի շողշողուն արհամարհանք դեպի ինձ: Հողի միջից դուրս եկած այս մրկած, տանջված հանելուկը կողքանց գնալով, հայացքը պցում է գետին և երբեմն միայն աչքի ծայրով մտիկ է տալիս ինձ: Նա իր հողի մեջ թաքնված մտքեր ունի, բաներ է մտածում իմ մասին և սառը, յուրովի ժպտում...

Ո՞վ իմանա՛ ի՞նչ, ինչո՞ւ...

Երեկոյան բակը խաղաղվում է: Ամառավորների մի մասը գնում է ակումբի կողմը, մյուսը՝ քնում:

Բիձան մի երկու հայհոյանք թափթփելով դեռ ու դեն՝ մըտնում է թոնրատուն, ուր նվաղում է թույլ ճրագը:

Մի երկու մոմոց ևս, և ահա ճրագը ուշաթափվում է, ու բալորը քնում են:

Ոչինչ չի վրդովում լուսթյունը:

Բայց բակը միշտ էլ քնած չէ:

Շատ անգամ է պատահում, որ պատերի տակով մի սեփնք է երևում, մուլ տալիս դեռ ու դեն:

Դա բիձան է. քունը առել է, հիմի վեք է կացել, բահը վերցրել, գնում է բոստանի կողմը ջուր գողանալու:

Առվի գլուխը անտառի մոտն է: Այնտեղից ներքև երակներով ճյուղավորվում է դեպի բոստանները: Հերթով է ջրելը: Գիշերցերեկ գլուղացիք հերթի վրա են: Խարդախում են կաթը, խլում իրար ձեռից:

Մի առավոտ զարթնեցին մի բարձր գոռոցից: Բակն էր եկել մի երիտասարդ և կատաղած հարցապնդում.

— Զուրը խի՞ եք կտրել:

Բիձան ձեռը կոխել էր կոնատակը և քորում էր միայն:

— Քեզ հետ եմ, ջուրը խի՞ եք կտրել:

— Ի՞նչ ջուր,— հարցրեց բիձան ձայնը իջեցրած:

— Բոստանի ջուրը, «ի՞նչ ջուր»... խի՞ եք կտրել:

— Այ տղա, էդ ինչե՞ր ես ասում, ո՞վ ա ջուրը կտրել:

Երիտասարդը ավելի կատաղեց.

— Այ քեզ ասում եմ, իմ ջուրը կտրել եք, տարել ձեր բոստանը:

— Այ տղա, շա՞ն ես, ի՞նչ ես, ո՞վ ա քու ջրին ձեռ տվել, մենք մեղ հմար միամիտ քնած:

— Լա՛վ միամիտ քնած եք:

Բիձան դեռ անվրդով քորում է կոնատակն ու ներս մտնում:

— Այ տղա, ա՛վտաս մեր գիժը ձեռ տված ըլի: Հենց ա իմացել, թե հերթը մերն ա: Տնաշե՛ն, դու էլ տեսար՝ կտրի, էլ ետ տաք ձեր բոստանը:

— Գժի արած բան չի: Թե գիժ ա, բա ո՞նց ա մեր ջուրը ձեր բոստանը տանում: Սա քու արած բանն ա: Գանգատ կանեմ վրագ:

Բիձան դիմում է բեմադրության: Հին օրերի սև սարսափն է ուզում տարածել իր շուրջը. ու գլուխը գուրս հանելով պատուհանից՝ գազանի կերպար է ընդունում.

— Տո գու ո՞ւմ վրա ես գանգատ տալի: Ի՞նձ Հանեսանց Մացաք կասեն: Հալա իմ վրա գանգատ տվողը մորը փորից չի դուրս էկել: Գնա թե չէ՛ էս ա գուրս եմ գալի մեջիցդ փռեմ, հասա՛...
Ու գումարում է ծեր գամփոռի պես:

Քյոխվայական մանյովրը, սակայն, չի օգնում: Հին բեմադրութուն է: Եվ երիտասարդը սպառնում է.

— Շան սատակ կանեմ. դուրս արի ու տես:

Դիալոգը փոխվում է դուետի: Էլ իրար չեն լսում. միասին են հայհոյում, մինչև որ երիտասարդը հարցը համարելով սպառված՝ մամռալով հեռանում է:

Բիձան էլ զորացրման է ենթարկվում ու բոլորովին հանգիստ գիմում է թողանք.

— Գեորգ, գնա էն մեծ քրեղանը բեր:

Երկու շաբաթ կա, որ գիծ-բիձան չի երևում ոչ առվի մոտերքը, ոչ էլ բակում:

Ոչ ոք չէր նկատել այդ: Ասեմք՝ նրա խոսքը երբեք չէր լինում բակում:

Բայց մի անգամ նրա մասին ինչ-որ լսվեց.

— Ասում ա՛՛ լավը է՛ս էր, հազիր էն ա՛՛ կմեռնեմ կպրծնեմ.— քացատրում էր պառավը մի խումբ կնանոց, որ հավաքվել էին թոնրատանը:— Ասում ա՛՛ պտի հիվանդանայի, երկար քաշեր: Ըսենց լավ ա:

— Ըրևում ա, որ ուզում ա մեռնի,— նկատեց մինը:

— Է՛հ,— հառաչեց պառավը,— լավը էդ ա: Ընչի հմար ա ապրում:

Ուրեմն գիծ-բիձան ինչ-որ մեռնում է:

Սակայն բակում դրանով չեն զբաղվում: Ուրիշ իրարանցում կա: Նավթի կրիզիս: Կոոպերատիվը նավթ շունի կամ քիչ է. խառնութենների առջև աղմկալի պոչեր են:

«Բանվորի հայրը» սպասում է իր նավթին, որ որդին պիտի ուղարկի: Առանձին կենդանության մեջ է: Կայարան է գնում-գալիս:

Հարևանները խոսեցին հետը: Խոստանում է ամենքին էլ բաժին հանել նավթից:

Եվ ահա, իրիկնադեմին, երբ նա ստացավ նավթը՝ բոլոր սպասողներս ուրախացանք, ոմանք էլ աւագին, որ վաղը կոոպերատիվը նավթ է ստանում: Դրանք չեն ուզում «բանվորի հորից» ստանալ:

Բայց ես և մի քանի հարևան վերցրինք տաս-տաս ֆունտը լա՛վ տեղը սեղմեց մարդը. ֆունտը 40 կոպեկ հաշվեց: Դու բանին մտիկ՝ եթե կոոպերատիվը վաղը նավթ ստանա:

«Բանվորի հայրը» ինչ-որ սուս ու փուս բաների հետ է: Սարից եկող թուրքերից մթերք է առնում, նավթ է ծախում, շորեղեն փոխում, մանր-մունր բաներ է սաղացնում: Ինչ-որ գործեր ունի, պտիկ, բայց բավական մութ:

Բայց, իհարկե, երբ հետևյալ օրը իջա բակը և գերանի վրա նստած զրույց էինք անում նրա հետ՝ խաղաղ, նահապետական բնույթ էր կրում մեր զրույցը:

Ծս էի, բիձան, մի հաշվապահ հարևան, որ երբեմն գալիս էր մեր բակը:

«Բանվորի հայրը» պատմում էր պատերազմի անցքերից.

«Անցանք Ալաշկերտ զորքի հետ: Մի վախտ էստեղ առուտուր արինք, վերջը թուրքը որ զոռեց՝ խանութը փախցրինք Դիադին, էստեղ էլ որ զոռեց՝ փախցրինք Իգդիր: Քյուրդը խերով ժողովուրդ ա: Լավ առուտուր ունեի, տուն-տեղ, ընտանիք: Փշացավ գնաց, եկանք դառանք գաղթական: Հինգ տարի է էս տանն ենք: Դառել ենք տնեցի: Աշխատողը տղես ա, ես պարապ: Առաջվանը ո՞վ ունի»:

— Առաջվա ի՞նչը ասես որ լավ չէր: Հա՛յ գիտի Աղբաբա,— հառաչում է բիձան:

— Լա՛վ կաշառք կար, հը,— ծիծաղում է «բանվորի հայրը», հրահրելով բիձային, գիտենալով նրա սիրած նյութը:

Բիձան սրտաշարժվում է.

— «Կաշառք կա՛ր»: Տո՛, աղքատն ո՞վ էր հարցնում, մշակն ո՞վ — ուտող ուտողի էր, տանող տանողի: Հիմի ի՞նչ. ահա երեք տուն ունեմ — մեջը փուշ, օխտը հատիկ: Չորս տարի առաջ այ էս մարդը (դառնում է ինձ ու ցույց տալիս «բանվորի հորը») ամիսը մի ֆունտ հաց էր քրեհ տալիս: Վերջը շինեց ամիսը տաս շահի: Հըմի տալիս ա մի մանեթ: Գնա ապրի:

— Աբա՛,— հաստատեց «բանվորի հայրը»,— հիմի ավելացրել ենք:

Բայց տպավորությունը դրստելու համար տերողորմյան լիկլիկացնում է և աչքերը մի կողմ դարձրած՝ վեր կենում տեղից: Ամառում է:

— է՛,— հառաչում է բիձան,— թե կավելացնի՛ ինքն ու խիզ-
ճը, թե չէ՛ ինքը գիտի:

Ու խեթ նայում է «բանվորի հորը», որը խոցվում է: Նա էլ
հառաչում է և մշուշներ է բաց թողնում:

— Բանը փողը չի,— շեշտում է հատ-հատ, աչքը շարունակ
հեռուն,— բանը ճշմարտությունն ա, դրուստությունը: Թե չէ՛ փողը,
տունը, կյանքը, հարստությունը անցվոր, փուշ բաներ են աշխար-
քիս երեսին:

Ու աչքը հեռուն՝ շվացնում է՝ համբիշը ցուցամատին փաթա-
թելով և օդի մեջ պտտեցնելով:

Մինչև մութն ընկնելը խոսում են:

Եվ դեռ երկար ժամանակ մթան հետ մերվող նրանց սիլուետ-
ների կողմից լավում է նրանց զրույցը:

— Ասում են՝ կոմիսենն՝ որ ըլի՛ լավ կըլի.— հորանջում է բի-
ձան քնկոտ ձայնով:— Ա՛յ տղա, ո՞նց լավ կըլի: Որ բաժան եմ,
իմ հացին, իմ ջրին՝ միսս ուտում են. բա որ մի տեղ ըլենք՝ ի՞նչ
կանեն:

— Կոմիսենն լավ բան ա՛ թե ամենքն էլ աշխատեն.— պա-
տասխանում է «բանվորի հայրը»,— բայց ավազակ են, չե՞ն աշ-
խատի: Մինը կաշխատի՛ մյո՛ւսը կուտի: Ավազակ են:

Եվ ավազակ արտասանում է փափուկ ք-ով, «ավազայք»...

— Հըմի ինքը հանգստացել ա՞:

— Ո՞րտեղից, հլա հոգու հետ ա:

Հարևանի կնիկն է. խոսում է պառավի հետ: Մեծաքամակ,
արմատական մի կնիկ, զարհուրելի առողջ: Խոսքը գիծ-բիձայի
մասին է: Հարևանի կնիկը գող կատվի պես աչքերը չուս՝ հե-
տաքրքրվում է.

— Ոչխար եք մորթելո՞ւ:

— Ի՞նչ իմանամ, այ բալամ, ի՞նչ ֆողը տամ գլխիս: Չմոր-
թած ըլի չի, մորթե՛նք... ո՞նց ենք մորթում:

— Ընչի՞ց ա մեռնում:

— Ի՞նչ իմանամ. թե ասեմ աղիքը հլորվեց՝ պատժու բան ա,
ո՞նց իմանաս:

Դեռ մինչև ճաշ դրացի կանայք ղովոում էին թոնրատանը:

Բիձան սաստիկ կենտրոնացած էր և մտահոգ՝ ներս ու դուրս
էր անում:

Գիժը ծախսի դուռ էր բաց անում:

Վասիլն էլ տուն եկավ: Նա բերանը բաց կանգնեց թոնրատան
դռանը, քիթը խպշտեց, թևքով սրբեց երես-մերեսը: Քրտնած էր
և դորժով սաստիկ զբաղված:

Ներս գնաց թոնրատուն: Ղովոոցը կտրեց: Ինչ-որ խոսեցին
այնտեղ:

— Տերտերի հոր մեռելն էլ ու նրա օխտը պորտի էլ, ինչ
անում եք արեք,— շարտեց Վասիլը դուրս գալով ու շտապեց դաշտ:

Երևում էր, որ ներսը խոսք կար ոչխար մորթելու գծի հոգե-
հացին:

Վասիլը հակառակ էր:

Ուրեմն բիձան մեռե՞լ էր: Դուրս եկա ստուգելու:

— Բիձան մեռե՞լ է,— հարցրի տանտիրոջ:

— Հալա չէ,— մոայլվեց նա:

— Հետո՞:

— Հետո էլ ի՞նչ, էն ա մեռնում ա: Մի շաբաթ պառկեց:

— Բա ճար շարի՞ք:

— Ի՞նչ ճար, թե մեռնում ա՛ էն ա կմեռնի: Մարդ պըտի
մեռնի՞ թե չէ:

Բանից դուրս է գալիս, որ իրենց սայլը անկյունում ճամփան
ձռել էր և պատին սեղմելով գծին՝ փորը ուժով տրորել էր՝ վնա-
սելով երևի աղիքները:

— Մարդ որ փթած ըլի, էն ա՛ նրան մի սել ա պակաս,—
եզրափակեց բիձան:

Ու հանգիստ հեռացավ իր բանին: Հիվանդով զբաղվող չկա.
նա իր համար այնտեղ պիտի մեռնի: Այդբանը միայն:

Գնացի բոստանը: Գիժ-բիձան ապրում է մի թողտիկում, որ
շինված է ուրիշի տան պատի տակ: Դա մի պատիկ տուփ է, որ
գիծ-բիձան է շինել: Ծարտար սարքել է, հարմարեցրել: Դուռ,
պատուհան, տախտ, դարակ: Ախայն փոքր է դազաղի պես:

Դուրը բաց էր: Եվ գիժը աչքերը առաստաղին՝ հեռում էր:

— Բիձա, ո՞նց ես:

Զի պատասխանում: Կամ ուշքը վրան չէ, կամ անօգուտ բան է համարում խոսելը:

Դեմքը սրված է, աչքերը ապակի:

Երևում է՝ կմեռնի:

Կանչել՝ բժշկին թե ոչ:

Անօգուտ է, բայց որոշում եմ կանչել:

Եկա տուն: Բիձային ասացի, որ բժիշկ եմ կանչել տալիս:

— Օրը հասել ա, ի՞նչ բժիշկ: Պըտի մեռնի:

Տոմս գրեցի, տվի հարևանենց աղջկան, ուղարկեցի բժշկին:

Բիձան զվարճանում է «ուսումնական» մարդու «հավեսի» վրա: Քմժիծաղ է տալիս:

Երեկոյան բժիշկ եկավ:

— Զի ապրի, ուշ է:

Տերտերը քուցին-քուցին անելով ներս ընկավ բակը, աջը տվեց պառավին ու հարսներին, նստեց և բարձր շունչ առավ:

Տրամադրութունը բարձր էր: Թաղումից հետո, իբրև մի մեծ շահատակութունից հետո, որ նա կատարել էր, հիմի եկել էր հանգստանալու:

Նրա հետ էր և տիրացուն. հնոտի, բայց առողջ մի տղա-մարդ: Տերտերի ծալած շուրջառը դրեց պատին և հոտոտելով, սկսեց աչքերով խուզարկել շորս կողմը:

Գյուղացիները իրար ետևից շարան-շարան հավերի պես թրը-փալով իջան բակը և մեկմեկու քամակ բոթելով՝ առաջ գնացին, պառավին «աստվածանից մխիթարվես» ասացին ու ձեռները լվա-նալով նստեցին սուփրի շուրջը:

Սկսեցին ուտել: Այնպես լուրջ ու հիմնավոր, կարծես ցեմեն-տի պատ էին շարում: Առաջ ցած էին խոսում, քիչ հետո ձայնե-րը բարձրացրին:

Բակը կենդանացավ: Հարևան երեխաները կիտվեցին կտուր-ներին և սկսեցին դժվժալ:

Մինչև անգամ ինչ-որ շներ հայտնվեցին և ահռելի սև զըն-քերը տնկած սկսեցին աչքերը սևեռել դեպի սուփրան:

Հագիվ մի ոսկր թռչում էր նրանց կողմը՝ յասավույների պես հասնում էին ու հափռում:

Սեղանը աշխուժացավ:

Վատորակ գինին ազդեց: Դեմքերը կաս-կարմիր ձմերուկի պես լցվեցին արյունով: Ու մի ստամոքսային մոլուցքով տարված խժռելով ամեն ինչ՝ սկսեցին կատակել, խոսել առօրյա դեպքերից ու իրենց գործից: Վասիլը, սակայն, մռայլ էր և լուռ ուտում էր:

«Բանվորի հայրը» խոսում էր Զակտպոյի մասին և համեմա-տելով բանկոռպի հետ՝ գտնում էր, որ Զակտպոն «զոռում է»:

— Աղը չկա, աղը՝ դու աղն ասա,— բերանը բացեց Վասի-լը,— առանց աղ հրե ե ե՞ն տավարը սարում կոտորվում ա:

— Տավարը դրանից չի կոտորվում, է՛, դրանի՛ց,— ձայն է տալիս մի ճենճոտ գյուղացի,— ես ասում եմ՝ էն շան որդի համ-զալիմանցին իր տավարի ցավը գցեց մեր մեջ:

— Բա դոխտո՞ւրն ինչ ա ասում:

— Այ էդ դոխտուրի ֆոտը կտրի հա՛, դոխտուրին ո՞վ ա տես-նում,— ձայն տվեց Վասիլը:

Մինը մյուս կողմից.

— Ա տնածակ տերտեր, խանութդ ե՛րբ ես սարքում, խա-նութդ:

— էս ա սարքում եմ, կաց մի տղես գա Թիֆլիսից, որ կաղ-նացնեմ խանութում:

Վերջապես մեկ-մեկ սկսեցին նկատել, որ կշտացել են, և այլևս ոչ մի հնար չկա ուտելու: Ականջները տնկվեց:

Ետ նստեցին, որ շունչ քաշեն:

Այդ ժամանակ տերտերը վեր կացավ բաժակը ձեռին: Մյուս-ները հետևեցին նրան: Նա սկսեց մրթմրթալ մի աղոթք:

Հետո — «Աստված լուսավորեսցես Սարգսի հոգուն»: Նոր հայտ-նըվեց, որ գիժը անուն էլ է ունեցել — Սարգիս:

Ապա բոլորը խմեցին Սարգսի ողորմաթասն ու բխկալով հե-ռացան իրենց տները: Վասիլը թոկն առավ ու շտապեց անտառ:

Բակում նոր հյուրեր են եկել: Բիձայի որբեայրի հարսն է և մի անծանոթ գյուղացի: Սարից յուղ ու պանիր են բերել ձիով:

Կոճղի պես պնդակազմ կնիկ է, քամուց ու արևից մթնած

դեմքով: Պիրկ ձեռքերով քանդեց թուր, բեռները արագ գրկեց, վազեցրեց, տարավ տեղավորեց, ձին տարավ ախոռը: Բորիկ է ու ման գալիս գետինը դմբդմբացնում է: Չի խոսում, այլ հրամաններ է արձակում իր հետ բերած գյուղացուն, որը ուզում է օգնել նրան, բայց չի կարողանում ետևից հասնել: Դա շորագյալցի է, սարում մշակ է մտել նրանց մոտ:

Մի քիչ դես ու դեն արավ ու մոտեցավ ինձ.

— Հրամանքդ կազգվանցի՞ ես:

(Ինչո՞ւ պիտի կազգվանցի լինեմ):

Ասացի որտեղացի լինելու և ապա հարցրի.

— Ի՞նչ կա:

— Հեշ, գիտես թը ճանանչ ես:

Ոտների վրա տրորվում է: Հետո նստեց պատշգամբի սանդուղին:

— Ներողություն, եղբայր, քեզի մի բանըմ պիտի հարցնեմ: Կաթի մաշինան, մեկ էլ մե տրախտորըմ որ ուղեկանք բերել տալ, ի՞նչըդ պիտի էնենք:

Ո՞վ է ուզում բերել տալ:

— Ուզող կա սարը: Ես է մեջն եմ: Գուզենք կաթի արտեկ բանանք: Մենակ մաշինա չի: Ենք թա՞նկ է, աժա՞ն է:

— Ուզում եք տնտեսություն սկսել:

— Հա: Մաշինի պանիր ու կարագ գուզենք հանե: Հրամանքդ տեսե՞լ ես կաթի մաշինա:

Բացատրում եմ: Շորագյալցին ըստ երևույթին մի քիչ ծանոթ է կաթնատնտեսության և հիմի ավելի մանրամասն է ուզում ծանոթանալ սեպարատորին և տրակտորին: Նա ինձ ուշադրությամբ լսում էր: Հարցրեց, թե ո՞րտեղից կարելի է ձեռք բերել և ի՞նչ արժե: Ասացի՝ գները շփտեմ, բայց եթե դիմեք գյուղկոպին՝ նա ձեզ կօգնի այդ հարցում: Հասցեն տվի:

— Էդ տրախտորը որ բերել տանք՝ մենք կրնա՞նք բանեցնե:

— Հազիվ թե. պետք է սովորեք:

Եվ բացատրեցի, որ լավ է շատվոր լինեն:

Շատ հետաքրքիր և աչքաբաց մեկն էր երևում: Ուստի և սկսեցի գյուղատնտեսությունից խոսել: Բերի օրինակներ Եվեյցարիայից, Գանիայից:

Նա սկսեց հարցեր տալ: Նրան շատ զարմացրեց դանիական կովերի քաշը, մեծությունը:

— Ցա, էդպես է կով էղնի՞: Մը, ծը՛, ծը՛, ծը՛, ծը՛— ծվծվացրեց լեզվով և գլուխը թափ տվեց:

Հետզհետե անցավ նորանոր հարցերի: Իմ բացատրությունները լսում էր, բայց ինչ-որ միտքը զբաղված էր նաև ուրիշ բաներով և առիթներ էր որոնում կարծես՝ հարցնելու:

Հանկարծ խոսքը շուռ տվեց.

— Վարժապե՛տ, մե բանըմ հարցնեմ: Քափանակի դեղ գիտե՞ս:

— Քափանակի՞— փորի ճիճվի՞:

— Հա: Տափակ ճիճվի:

— Դո՞ւ ես հիվանդը:

— Չէ, էնտեղ սարը մի սրտակից ընկեր մ՛ունիմ՝ էնիկ ունի պիտի թափեմ:

— Դրա դեղը սանտոնինն է:

— Հա՛, ըշտը ադ ըսած դեղը: Ըսեմ՝ քովդ կունենաս:

Ասացի կա — իսկապես էլ կար,— բայց հին էր նախ և ապա ի՞նչպես տալի: Բացատրեցի, որ դեղատնից կարելի է ձեռք բերել: Դժվարացավ: Դեմքը կնճռոտեց: Հետո լիստեց.

— Ես օր էրթամ, կուտա՞ն:

— Չէ, պիտի դիմես բժշկին:

— Է՛, վո՞վ գլոխ ունի բժշկին էրթալու, գիշերս պիտի սարն էրթամ: Քովդ ունիս՝ տուր:

— Շատ լավ, կուտամ:

Շատ ուրախացավ.

— Իսկ մայասուլի յա թե չէ՛ սուսանակի դեղ շունի՞ս:

— Չէ: Ինչի՞դ է պետք:

— Ինձի պետք չէ: Փառք աստծու, իստակ եմ ու գերդաստան ունիմ: Մենակ թե մեր սարը թուրքեր շատ գուքան քովս՝ կիսնդրվին: Չե՞ս կրնա բժշկեն ատ դեղերը առնե:

— Չէ, չեմ կարող: Հիվանդը ինքը պիտի գնա բժշկի մոտ:

— Լավ. քափանակի դեղը տուր:

Տվի փոշին, հինգ թե վեց հատ:

— Երկնուց գետին շնորհակալ եմ.— ասավ ու ծոցը դրեց:

— Այդ սեպարատորի ու տրակտորի մասին այս կառեմ,—

ասացի ես,— որ եթե կոլեկտիվ դիմում լինի՝ բան դուրս կգա:
— Հա՛, կմտածենք,— պատասխանեց անտարբեր՝ ուշքը
ուրիշ տեղ:

Նա փշում էր «իրենց» մտադրության մասին. ես զգացի,
բայց լռեցի: Ինձ զվարճացրեց այդ շորագլուխի հեքիմի տրյուկը:
Իրիկնադեմին, երբ ճամփա էր ընկնում դեպի սար, միամիտ
եղանակով հիշեցրի կրկին կոլեկտիվ տնտեսությունը:

Շորագլուխին բաց արեց կարտերը.

— Զա՛նք, ի՛նչ տրախտոր, ի՛նչ բան, ես քոստ օշխարքմ
շա՛տ ունիմ՝ կաթի մաշինա առնեմ: Տեսնինք, վրես դրե,— ու խո-
րամանկ ժպտալով՝ աչքով արեց:

Լուր եկավ, թե պիոներները ֆուրգոնով վերադառնալիս՝ մի
ֆուրգոնի հետ երեսուն հոգի թափվել են ձորը:

Գյուղում իրարանցում է: Գործկոմի ձիավոր գնաց:

Շոուսե՛ր երկարությամբ մայրերի ու եղբայրների մի շարան
ձգվեց դեպի այն ձորը:

Վասիլը թողեց գործն ու վազեց: Բայց Անուշի մայրը հան-
գիստ ժպտում է.

— Սուտ կըլի: Միշտ, հենց որ պիոներները ոտը դուրս են
դնում գեղից, էդպես բաներ են խոսում:

Ճաշից հետո երկար փողոցի կողմից լավեց դալար ձայնե-
րից հյուսված մի «ուռա»: Պիոներները շարքով-կարգով քաղաք
էին մտնում: Ոտով էին գալիս, իսկ ետևից ֆուրգոնները ծաղիկ-
ներով ու ճղներով զարդարած: Նրանց մեջ փոքրեր էին նստած և
մի քանի ծնողներ, որ դեմ էին վազել «աղետի վայրը»:

Փողոցը լցվեց ուրախացած ծնողների ու հանդիսատեսների
բազմությամբ:

Պիոներները շիկնած էին ու սևացած և աչ ու ձախ պատ
կազմած բազմության միջից լուրջ անցնում էին ու միայն գոշում.
«ուռա՛ա՛ա՛...»:

Լուրը սուտ էր դուրս եկել: Պիոներներն իմացել էին «պրովո-
կացիան», ուստի և բարկացած էին մտնում քաղաք և իբրև հեր-
քումն և հակացույց գոշում.

— Ուռա՛-ա՛-ա՛...
308

Իհն չեն ցրվում. գնում են ակումբ, որ այնտեղից ցրվեն
տները:

Մի քսան ընկերից հետո Անուշը կարմիր խնձորի պես ներս
զլորվեց բակը, ուրախ-ուրախ գրկեց մորն ու հետո կապոցը քան-
դելով սկսեց բացատրել, որ գյուղի մուժ ուժերը պրովոկացիա են
սարքել իրենց մասին:

— Մենք ցույց կտանք այդ մուժ ուժերին:

— Աղջի՛, գլխամեռ, էդպես կվախեցնե՛ն,— խոսեց պառավը:

— Ո՛վ ա մեղավոր, ընչի՞ եք լսում կոնտրակուլցիոներնե-
րին:

Անուշին հայտնեցին գիժ-բիձայի մահը: Նա վախեցած աչքե-
րը շոկեց, և արցունքները ցայտեցին.

— Վա՛յ, բիձե՛ն... իմ խեղճ բիձե՛ն...

Ու գնաց դեպի բոստանը: Ի՛նչ էր ուզում գտնել այնտեղ:

Երկու օր հետո մի թոքախտավոր պիոների թաղում կար
Ամբողջ կոլեկտիվը գնում էր դագաղի ետևից:

Հուղարկների մեջ էին նաև տանտիրոջս ամուսնացած աղջի-
կը և նրա ամուսինը:

— Ազգակա՛ն են,— հարցրի մի պիոների:

— Ոչ, համակրող են,— պատասխանեց կարճ ու լուրջ, կար-
ծես դա մի քաղաքական ցույց լիներ:

Փողոցի ծայրին կանգ առան: Բազմությունը շրջապատեց
դագաղը:

Անսպասելի կերպով Անուշը բարձրացավ մի քարի: Ի՛նչ, պի-
տի խոսի՛: Այո՛, խոսում է. «Ընկերնե՛ր: Մեր ընկեր Սոսին, պիո-
ներական մեր կոլեկտիվի ակտիվ ընկեր Սոսին, այսօր հեռանում
է մեզանից: Բայց մենք չենք հուսահատվում: Նա մեր մեջ դեռ
կենդանի է: Մենք նոր կյանքի զավակներ ենք: Մեզ պետք չեն
տերտերները, տիրացուները: Մենք մեր ընկեր պիոներին այսօր
թաղում ենք նոր թաղումով: Այստեղ չկան տերտերներ, այստեղ
չկան սզավորներ, այստեղ ներկա են պիոներական ոգին և կար-
միր դրոշակը: Ուրիշ ոչինչ»:

Անուշի դեմքը վառվում էր և ձայնը պայթում կոկորդի մեջ:
Հենց որ վերջացրեց՝ արագ ու լուրջ իջավ քարից:

Զգնացի առաջ: Օրկեսաբք նվազեց մահվան քայլերգը, և հուզարկավոր պիոններն բնուցան:

Վերադարձա շուկա, որ այնտեղից տուն գնամ:

«Ամերիկյան» բազարում ինչ-որ դավոտ կար: Մի մարդու էին քաշքշում: Վերարկուի կռիվ էր:

Օրերը քանի գնում՝ կատաղում են: Շոգը կծում է: Սարերի ատամնավոր բերդերի աշտարակներին ամպեր են ճլմկոտում, հորանջում, հետո սևակնած, հսկայական գորտերի պես գորտլող տաշով սուրում երկնքի ջրերի մեջ:

Վախ կա, թե կարկուտ կգա:

— Հը՛, բիձա՛, հունձի ժամանակը չի՛ հասել:

Բիձան տարակուսած մտիկ է տալիս ամպերին և կիսաձայն, կաշճեն վախելով, թե նրանք կլսեն.

— Հասել ա, բա հասել չի՞: Մշակի բանը դժար ա—թանկ ա, ճարվում չի:

Նստել է քարի շեղջի վրա, բահը գցել առվի շրթին և ցորենի հասկ է փշրում: Բաց-դեղին հատիկներ են: Բիձան կենտրոնացած գնում է ու հետո ծեղերը փշում: Ահա մի հատիկ ընկավ գետին: Բիձան ուզում է վերցնել, և հաստ մատները հազիվ են բռնում հատիկը: Նստում եմ ծառի շվաքին, խոտի վրա և թիկը տալիս: Նայում եմ բիձային: Նա գունդ ու կծիկ դառած՝ կոացել է իր բռան վրա, և միբուր ջրվեժի պես թափվում է այդ կոշտ ու կնճոտ բռան վրա, որ կաշեպարկի է նման: Հա՛սա: Ի՞նչ է որոնում այդ հատիկների մեջ, որ այնպես զննում է—չգիտեմ:

— Բիձա, տոտում ես՝ մշակը թանկ է. բա ինչի՞ տղաներից հետ շես հնձում:

— Տղաներիս մինը տավարին ա մտիկ տալիս, մինն էլ, տեսնում ես, անջախ ա հասցնում:

— Այս երկու տղադ ե՛ն:

— Զորան էին: Երկուսը էս կռվին սպանվեցին:

— Ո՞ր կռվում:

— Ի՞նչ իմանամ, էնքան կռիվներ էլավ:

— Էդպե՛ս: Արի՞ տղաներ է՛լ ես ունեցել:

— Թա՛խնչ... (հառաչում է) նրանք որ տեղին ըզճին՝ էն ա

մշակին տվածը տանը կմնար: Հի՞ժի արի՛ մշակի օրականը — տուր, հացը — տուր: Որտե՞ղից:

— Է՛, հունձ է, պիտի արվի:

— Պիտի արվի, բա՛:

— Շատ ես աշխատում, բիձա:

— Շատ եմ աշխատո՞ւմ: Տնա՛շեն, ասա զարուն-ձմեռ ա՛ջք ենք բաց անում: Բա որ շաշխատեմ, էս հողը ինձ հա՛ց կտա: Խեղդում ենք ու զոռով հացը միջից հանում:

— Մենակ ես, էնդուր է էդպես:

— Մենակ եմ, բա՞: Մենակ եմ ու ո՞նց մենակ: Քիչվոր եմ: Որ մին ընկա՛ էլ վեր կենալ շեմ: Մին էլ էն կա, որ ուտողս շատ ա, ուտո՞ղը... Դա յա տունս քանդում: Մենակ եմ... — կրկնում է ու կրկին հատիկները խառնում:

— Լավ,— դիմում է նա կտրուկ,— որ շաշխատեմ, հասնո՞ղս ով ա:

— Ո՞վ: Նոր կարգը:

Բիձան մշուշոտ հայացքը գցում է հեռուն ու մտածում.

— Զեմ իմանում: Էդ նոր բան ա: Ամա ինչ էլ որ ա՛ էդ բանը ո՞վ պտի բերի իմ դուռը:

— Ո՞վ: Անուշը: Նա հո քեզանից է:

— Հա, ինձանից ա:

— Հավատո՞ւմ ես, որ քեզանից եղածը քեզ համար նոր կյանք բերի:

— Ո՞վ ա իմանում: Ժամանակը ամեն բան կանի: Ասում ա՛՝ «հար զադ զամանա բախար, զաման հե՛շ բիր զադա բախմիչիր». ուզում ա ասի՝ «ամեն բան ժամանակին ա մտիկ տալի, ժամանակը իսկի մի բանի մտիկ չի տալի»:

— Էդպես է, բիձա, էդպես է: Այ իմ բռի միջի հողը: Ամեն բան սրա միջին է. հացը, խոտը, երկաթը, ես, դու, ամենքը: Սրա միջին ամեն բան փոխվում է: Մինը փտում է, մինը ծլում: Ժամանակն էր, որ հիմի էսպես բերեց:

Բիձան իր սահանքավոր միբուրը դեպի ինձ դարձրած, կասկածամիտ աչքերը վրաս սևեռած՝ ականջ էր դնում:

Դիմացս արտեքը դեղին են տալիս և ոսկու հեղեղի պես լցվել են շորս կողմ ու կանգ առել: Ճպուռները նրանց մեջ «ճը՛ս»

ճը՞ռ»՝ լարում են իրենց ժամացույցները: Երկնքում հսկայական ոսկե սարդը խաղում է իր լուսեղեն թելերի հետ:

Հազարավոր մեղուներ, այլանդակ բզեզներ ծաղիկների և ցողունների մեջ ինչ-որ տնտեսութեան հոգսի ետևից են ընկած: Խուզարկում են, շտապում: Հողը հարբել է, խանդոտում և մոլուցքի մեջ բերում է բարիքը: Նրա ուժեղ հոտը քաշում է իրեն: Բռնում եմ, փշրում, գննում: Ոչինչ չի երևում — մանր թելեր, ավազի հատիկները և սև զանգված, միապաղաղ, կո՛ւյր, մո՛ւթ, որի մեջ փտում-ծլում, փտում-ծլում են հազարավոր էակների դիակներ:

Ինչպես այս բիծան, նույն այդ հողից շինած բիծան: Ինքը հողը: Նայում եմ նրա ջլուտ դեմքին, ձեռքերին: Այո՛, սա հողից է զանգված. սա հիմի փտում է, որպեսզի ծաղկի Անուշը...

Սարի կողմից անտառն է. ու թեև մի հարյուր քայլ է հեռու, բայց լսում եմ նրա տարերային խոսվածքը — միլիոն տերևների ու բզեզների լեզուն: Քմբիր է գալիս վրաս, հաճելի՛ ինչպես գինու առաջին ումպից հետո: Աչքերս կիսափակ նայում եմ բիծային, որ ճենճերվում է արևի բուրայի մեջ:

Ինչ-որ խորհուրդ կա նրա և ցորենի առաջին հատիկների հանդիպման մեջ: Նախամարդը, որ հանդիպել է իր ձեռքով ցանած առաջին հատիկներին: Անողոք կռիվը վերջացել է հաղթությամբ: Հացը, տածանելի հացը եկել է:

Ներքևից մի երիտասարդ բահն ուսին գալիս էր դեպի մեզ: Չնայած շոգին նա արագ էր քայլում: Բիծան ձեռքը ճակտին գրեց. նրան նայեց ու բահը ձեռքն առավ: Երիտասարդը մոտեցավ մեզ ու փնթփնթալով, արագ-արագ սկսեց ճումբերը քանդել անվի զլխից:

Բիծան, որ մինչ այդ շատ հանգիստ երևույթ ուներ, վեր թռավ ու բահով անխոս հարձակվեց քանդված ճումբերի վրա, որ նորից տեղը դնի:

Սկսվեց մի խուլ կռիվ երիտասարդի և բիծայի մեջ:

— Ա, բու շուն շան որդի հերն անիծած.— դումդաց բիծան, հրելով երիտասարդին:

Բայց սա, որ անվի ուժեղ էր, ետ հրեց բիծային:

— Քո՛ղ, ասում եմ քեզ: Հիմի՛ շանսատակ կանեմ, գաղթական շա՛ն որդի, ո՛ւմ ջուրն ես կտրում:

— Վի՛ր ջուր կգողնաս, հառամզադա քոփակ շուն:

Բիծան բահը բարձրացրեց, որ իջեցնի նրա զլխին: Երիտասարդը փաթաթվեց նրան: Բռնեցին իրար:

— Բա՛ց թող.— հեաց բիծան:

— Կանի՛,— գոռաց հակառակորդը,— կանի՛ բու դատաստան կտրեմ.— հեում է բարկությունից:

Ես վրա հասա և քաշեցի երիտասարդի մեջքից: Որտեղից որ էր՝ վրա հասավ մի կաղ մարդ ևս և օգնեց, որ բաժանենք կովոլներին:

Երիտասարդը նորից պոկվեց ու ընկավ բիծայի վրա:

Ես սպառնացի.

— Դու սրան ուզում ես սպանե՛լ, իսկույն միլիցիա կբերեմ:

Երիտասարդը բաց թողեց, բայց սկսեց գոռգոռալ անվի բարձր.

— Զիմ տուն կավրի՛ս. իդա բահ կըմլիմ զիտա բոկտի: Մկա զիմ թարս տամարի՛ս ոսսթ էկար:

Սկսվեց երկուստեք հայհոյանքը, որ նշան էր «գործողությունները» վերջանալուն: Հիմա բանակռիվ էր, ուստի և անվնաս:

Հայհոյելով իշան ներքև: Կարծեմ այնտեղ հաշտվեցին էլ:

Մի քանի օր է, որ բիծան չի երևում բակում: Դաշտում էր: Այնտեղ տեղի է ունենում կատաղի ճակատամարտ, որ աչք չի թողնում բանալու: Հնձի եռ ժամանակն է: Աչք չի թողնում բանալու: Հացը անձնատուր է լինում:

Բակում մնացել են ճանճերն ու ամառավորներից նրանք, որոնք լվացք ունեն: Սրանք էլ վերջացրին, անտառ են գնում:

Հիմի «բանվորի հայրն» է միակ կենդանության հերթապահը:

Ինչ-որ թուրքեր են գալիս մոտը, որոնց մանր-մունր ապրանք է ծախում կամ փոխանակում մթերքի հետ:

Կատարյալ՝ շոկոլադ՝ ջրի մեջ բացած: Վասիլը շալվարը հանել, մտել է կալատեղի ցեխը և քշում է եզներին, որ քաշում են մի մեծ փոցիս: Կալն են պատրաստում: Ցեխը պիտի հարթվի, շո-

բանա և կալատեղ դառնա: Վասիլը խափշիկի կերպարանք ունի: Երես-մերեսը ցեխի մեջ կորած է:

— Վասիլ, կալին հասար, հա՛:

— Հասանք, հա՛: էս ա կալը դղում ենք:

Երկար փողոցը թնդում է օրկեստրներից: Դիվիզիան գնում է ժանյովրի: Ահագին բազմություն է կիտվել մայթերին. դիտում են հեռացող զորքին:

Բիձան նստել է խառնութի առջև ու բերանը լամլամորելով դիտում է կարմիրբանակայիններին:

Նրանք՝ քր՛ոթ, քր՛ոթ, քր՛ոթ, քր՛ոթ, միաշափ քայլում են՝ առաքրակները ճոճացնելով:

Ահա մեկը իր վաշտից ուշացած՝ հեկուվ վազում է որ հասնի: Ահա և հեծելագորը: Կարկտեց ամպի պես ձիերի սմբակներով:

Գալիս են, գալիս, գալիս, վերջ չկա:

— Ուրքը կտրե՞ց,— հարցնում է բիձան կողքանց նայելով:

Աչքը չի կտրում:

— Որտեղի՞ց: Հլա գալիս են:

— Ասել ա շատ կա:

— Բա՛: Հայաստան ա, շատ կըլի,— սրախոսում է մրոտ

դարբինը:

Ջահել, քթեղ, կարմիր տղերք... հոսում են գարնան ջրերի պես:

Ու փոշին ծառանում է վեր, դեպի կապույտ երկինքը:

Մի քանի օր անց արդեն անտառի բերանից երևում է բիձայինց կալը: Երեք հոգի են — բիձան, Վասիլը և մի վարձվոր մշակ: Երեխաները ճանճերի պես դժվժում են շուրջը:

Մինչև անտառ գալիս է Վասիլի ծղրտոցը եզների վրա.

— Եզն ա՛րի, եզն ա՛րի,— Հայհոյում է ու ճիպոտում: Բայց դրա հետ միասին արդեն լսվում է նրա հորովելը.

«Հո՛ւ արա, եզը՝ ը՛ր՛ը...» — ու հանկարծ ճիպոտում է.

— Եզն ա՛րիիի՛...»

Երկու օրը մի կալ է: Ապա թեղում են: Օրվա մեջ ինչքան որ քամում են՝ ջվալներով բերում են տուն:

Այդպես մի տասն օր, և կալը վերջացավ: Գնացի այնտեղ: Վերջին ժամն էր: Պառավը գետնի վրա կուացած՝ մաղում էր կալում մնացած հողախառն ցորենը:

Մի հատիկ անգամ չի ուզում թողնել հողի մեջ: Հանում է: Հողը տանջվել, փշրվել է ու տալիս է վերջին հատիկը՝ օձիքն ազատելու համար:

Վերջապես բոլոր ցորենը լցրին ջվալները, բեռնեցին սայլին: Մնաց դարմանը: Դա հեշտ է, դա հետո: Կալը ավլած է, մաքուր: Միայն մի տեղ կիտած է քամված, մաղած հողը:

Ջայները լռել են: Բոլորը հոգնած են, լուռ: Եզները լծված սպասում են հեռանալու: Որոճում են միայն:

— Է՛հ, աստված բարի վայելում տա,— մրմնջաց բիձան:

Պառավը դեմքը դարձրեց դեպի կալը և ասաց նրան.

— Կա՛լ ջան, մնա՛ս բարով: Շնորհակալ ենք: Մեծեցիր, քամեցիր, մեր հացը տվիր: Աստված, տո՛ւր, որ էլի ուրախութենով, սաղ սալամաթ կալ անենք: Բարով հասնենք մյուս կալին:

Շարժվեցին, գնում են տուն: Հացը մեղմացած ու ժպտալով անձնատուր եղած, օրորվում է սայլի տատանումներից:

Նա գնում է այնտեղ, որտեղից եկել էր դաշտ:

Ճամփին շեն խոսում: Լիացած են:

Առվի ափին Վասիլը մի լավ ճոփ տվեց երեսին սառը ջուրը, թևքով սրբեց թեթև ու գնաց, որ սայլին հասնի:

Երեխաները վժվժալով ըշում են սայլը:

Երեկու: Ահա հեռաձիգ հնչեց փողը: Պիոներների ազդանշանն է — կարծեմ՝ նշանակում է հանգի՛ստ, շըջել դուրսը: Մութն է: Բակը թվում է անդունդ: Հազիվ նշմարվում են սայլի և եզների սիլուետները:

Սայլը զլուխը գրել է գետնին և ախանջ է դնում երկրի ձայներին: Եզամեքենաները ծանր տնքում են, փնչում: Երբեմն էլ կարծես ծովն է ճղվում ափին: Զաղացքարի ձայներ են գալիս — Որոճում են եզները: Կարծես եզներ շեն այնտեղ, այլ երկիրը.

հողը, այդ վաստակած, հանելուկային հողը, որ հնում է և ուզում է քնել:

Լա՛յն հանգիստ կա ողջ բնության մեջ: Քնել են խրճիթները, լեռները: Միայն չի քնել, թե՞ զառանցում է ճպուռը: Երկնքից դողդողալով շիթում են աստղերը՝ ինչպես մեղր:

Ահա մեծ արջը արևմուտքում երկու նիզակաչափ հորիզոնից վեր:

Մեծ տնտեսություն կա նաև այնտեղ, երկնքի կապույտ դաշտերում, աստղացորենի, հարդի այդ մարազներում:

Խորդում է բիձան: Քնած է նա իր ցորենի ջվալների մեջ, նրանցից մինը գրկած: Այնտեղ է քնել, որ չգողանան: Ամուր ճանկերում պահում է նա իր սեփականությունը, և քնի մեջ անգամ հսկում է նրան:

Ինչպե՛ս ճանկերի մեջ ամուր սեղմել է նա իր փոքրիկ սեփականությունը:

Ես մտածում եմ հողի մասին, և կամաց-կամաց քունս տանում է:

Օրերը հասել են նաև այն ամառվա ծղրիղներին համար, որ հյուր էին եկել այստեղ: Ամառավորները գնում են: Արդե՛ն առաջին մեծ անախորժությունը — պառավը պատշգամբիս տակին կտցահարում է իր ամուսնացած աղջկան:

— Ընչի՞, ընչի՞ համար, Դաշնիկը մերը չի: Մեր վասիլը չի՞ կարա տանի, որ մարդուց տամ տանի՞ նրա վեշը: Ասա մարդիդ՝ ուրիշ դաշնիկ գտնի՞՛ վեշը տանի վակզալ:

Աղջիկը լաց էր լինում և փեշով սրբում աչքերը:

— Ընչի՞ ես լաց ըլում. ո՞վ ա մեղավորը, որ մարդդ գործ անել չի իմանում:

— Ես դրա համար չեմ լաց ըլում, — աստա՛նները կրճտացնում է աղջիկը. — մին ա, հեր ըլի, մեր ըլի, աղքատին ոչ ով թողալ չի, թե շունչ քաշի: Իմ հերսը իմ մարդու վրեն ա գալի, որ ինձ ձեր մուննաթին ա գցել:

— Ո՞վ ա մեղավոր, — կտցահարում էր պառավը:

— Գիտամ ո՞վ ա մեղավոր:

— Ի՞նչ ես շինում ըստի, — խեթելով առաջ եկավ աղջկա ամուսինը մի ջղուտ, խստադեմ երիտասարդ և աչքերը լուռ ուրեց նրա վրա:

Կինը ձայն չհանեց:

— Դե, տուն գնա, — գոռաց երիտասարդը և սպասեց, մինչև կինը շարժվի:

Սա աչքերը սրբեց ու գնաց: Ամուսինը լուռ հետևեց նրան: Պառավը անխոս նայեց նրանց ետևից, ինչ-որ փնթփնթաց և մտավ թոնրատուն:

Վասիլը կամաց-կամաց է հարդը տուն բերում: Ինչ-որ ծուլացել է:

Իրիկնադեմին լուր եկավ, որ կովերը սարում հիվանդացել են:

— Դաբաղ ա՞:

— Դաբաղ ա:

Եվ ուրիշ ոչինչ: Բիձան թուքը կուլ տվեց ու դողդոջուն բերանը բաց նայեց լուր բերողին, որ մոռյլ շտապով եկավ, հայտնեց ու քայլերն ուղղեց դեպի իրենց տունը:

Վասիլը հեաց միայն, լուռ գնաց թոնրատուն և մահակը հանելով՝ դուրս եկավ բակից դեպի սարը: Երեխաները ձայները կրտրեցին ու սքլած ճուտերի նման հավաքվեցին պառավի շուրջը:

Սա անխոս սկսեց ծնկները տրորել:

Անուշը վախեցած մեկ բիձային էր նայում, մեկ պառավին: Նրանք հիրավի ազդու էին այդ րուպեին:

Ամբողջ ընտանիքը պապանձվեց ու քաշվեց թոնրատունը: Բիձան փնչացնելով ներս ու դուրս արավ մի քանի անգամ, վերջը, գնաց նստեց ջրհորի գլխին ու աչքերը գցեց գետնին:

Ներսից գալիս էր Անուշի ձայնը:

— Չէ՛, նանի, չէ՛, չենք մեռնի:

— Կտո՛րվեցինք, գնա՛ցինք, կորա՛նք, — վո՛ւշ էր անում պառավը:

— Էլի կաշխատենք, էլի կըլի, — ասում էր Անուշը:

— Իիի՛հ, որդի, քանդվեցինք, պրծանք:

Ամառավորները անհոգ իրենց պատրաստության հետ էին և

չէին նկատում բիձայինց փորձանքը: Մի ընտանիք իրերը կապում էր, որ գիշերը պիտի գնար: Նքանք երգում էին, քրքջում: Ուշ գիշերով Վասիլը եկավ ու անխոս նստեց թոնրատան շեմքին:

- Երկուսը կսատկի:
- Երկու՞ւսը, — հեաց բիձան. — ո՞րն ա:
- Սոնեն ու Միշկեն:
- Դոխտուրն ի՞նչ ա անում:
- Դեղ ա անում: Ի՞նչ ա անում: Ի՞նչ իմանամ:

Երկար մնացին այդպես: Երեխաները քնեցին: Մի քիչ անց՝ Վասիլը հաց կերավ ու գնաց մարագի կողմը եզները բերելու, որ ամառավորների իրերը տանի կայարան:

Տանողչեքն էլ կտրեցին այսպես:

— Վերջնական՝ մի՛ մանեթ:

— Լա՛վ, լա՛վ, ձեզ ու ինձ վրա կորած չի: Թող ըլի մի մանեթ:

Ու շես իմանում ի՛նչ հուսով, ի՛նչ հաշվով — սևահողը ինքը իր մեջ լավ գիտե այդ — Վասիլը ներս գցեց իր վիշտը և անցավ աշխատանքի:

1924 թ.

ՔԱՐՀԱՏՆԵՐ

Լեռը խորդում էր:

Այդ քարհատներն էին, որ կողը մերկացրել թլունդներով ընկել վրան՝ հարվածում էին:

Ժայռի բեկորները, ահագին, անճոռնի գազանի պես բներից դուրս ցցված կրճտում էին իրենց ատամները թլունդների տակ:

— Դե՛, դե՛, մեկն էլ շուռ տվեք ու շաբաշ, — հրահանգեց երիտասարդ բանվորներին և քարի արանքից դուրս եկավ մի ծել բանվոր ու իջավ ներքև:

Վարպետ Սարգիսն էր: Ծակատի քրտինքը ցուցամատով կուշտ քերեց, թորեց ու հողոտ բաճկոնը մեջքին գցելով նստեց ծխելու: Աչքը սակայն բանվորների կողմն էր, որ ծիծաղելով ու հայհոյելով թլունդները խրում էին ժայռի ճեղքի մեջ ու մանր քարերը մաքրում:

Սարգիսը, որ եռ աշխատանքի մեջ էր եղել ամբողջ օրը՝ գոհունակ նայեց օրվա աշխատանքի արդյունքին — քարաբեկորներին, որ անհեթեթ ձևերով բերանքսիվար պառկել էին հողաթմբերի, փոսերի մեջ:

— Էդ է, էդ թևին մի քարը մնաց: Էզուց էն թևին պիտի քանդենք:

Իրիկնադեմ էր. բանթոզի ժամանակ: Քարհատները հոգնել, քիչ քիչ ձայները փորները գցած՝ թլունդներով հարվածելիս երբեմն փուստ էին անցնում: Մի մեծ քարի շուրջն էին խմբվել: Մաքրել էին բոլորքը և ուզում էին գլորել ցած, փոսը: Պետք էր տեղահան անել: Բայց դուրս եկավ, որ դա այնքան էլ հեշտ չէր: Զարը պիճոդ կպած էր ժայռի բնի մեջ, և սկզբում, որ հեշտ էին կարծում գլորելը, հիմա դեմ առավ, մնաց:

— Հը՞, շեղա՞վ, — ձայն տվեց Սարգիսը՝ ծուխը հաստ բեղերի արանքից փչելով:

Քարհատները չպատասխանեցին ու նոր ուժով սկսեցին հարստացնել քարի հիմքին և քլունգները խրհլով հող ու ժայռի արանքը, հրում էին քարը:

Կանգ առան:

Ներսոն, ուժեղ, թևով սրբեց քրտնամխած դեմքը և ետ քաշվեց:

— Բան չի դուրս գա:

— էգուցվա բան է, թողնենք,— վրա բերին մյուսներն ու ետ կանգնեցին:

Սարգիսը ծուռ ու ծուռ մտիկ տվեց նրանց:

— Թամբալութենն իշուն քեռի՞ կըսեք: էգուցը ո՞րն է: Քարը ժած կուգա: Մի գողում բան:

Ու սկսեց շապկի թևերը քշտել:

— Մո, ես սարեր եմ քանդե՞լ չեմ թամբուցե: Մե քարի՛մ առաջ դեմ կառնե՞ն: Ամոթ չէ՞ քարհատին, քարը կիսահան թողնի ու փախչի:

— Շատ ա պինդ, ժած չի գալիս,— սրտոտացավ մինը:

— Իրեն խո՞սքն է, որ ժած չգա: Մաքուր գործ բռնեք, այ օղուլ, ամոթ է: Տեսնողն ի՞նչ պիտի ըսե, էստեղ վարպե՞տ է էղե, մա՞րդ է աշխատե՞ թե՞ ինչ... Դե, յալլա՛...:

Հինգ հոգին ուժ ու պիրկ թևերով գրկեցին քլունգն ու քարը ու սկսեցին ճիգ թափել:

Բանվորները կարմրել էին ինչպես բաղնիսում, քրտինքը ծրլում էր վրաներից, շապիկները դառել էին լվացքաշոր: Քարը կրճատում էր ժանիքները, փշրում, լեռը խորդում էր խուլ, համառ, դիմադրելով: Բնությունը չէր ուզում տեղի տալ հարձակման, և տեղի էր ունենում կատաղի պայքար մարդկանց ու նրա մեջ:

— Հըլը՛, հըլը՛, իշու ինատի՛ն, տես ժած կուգա՞,— մռնչաց Սարգիսն ու աչքերն արնով լցված կատաղած հարձակվեց, ինքն էլ գրկեց քարը՝ ինչպես որսորդը արջին: Եվ տաքացավ, մազոտ կուրծքը դեմ տվեց ժայռին, սկսեց կռիվ տալ:

Նա չէր խնայում իր շարչարված հողագույն մարմնին ու հագար ու մի այսպիսի տաժանելի աշխատանքների մեջ քերված, կոշտացած մկաններին, որ հիմա պրկել, քերվում, արյունոտվում էին: Նա արյունը գլուխը տված, սևացած կրծքի միսն ու ոսկոր-

ները անդթորեն տրորում էր քարի վրա ու ճգնում, հեռում, տրնքում:

— Քարհատներն էլ մոռացան բանթողը, դժվարությունը: Մըրցումը գրավեց նաև նրանց և Սարգսի խոսքերից ու շարժումից մղված ուժեղացրին ըմբշամարտը:

— Դե՛, դե՛, դե՛, զոռ տվեք: Հո՛փ: Հո՛փ...— ու ծղրտում էր դեմքը ծամածռելով:

Հանկարծ քարը ղոմոաց ու վարազի պես դուրս պրծնելով լեռան ծոցից՝ բերանքսիվար ընկնելով փուխր հողի վրա սահեց ներքև: Բանվորներն ուրախ բացականչեցին:

Բայց այդ միջոցին Սարգսի ոտնատակի հողը քանդվեց: Նա նստեց հողին և ինքն էլ քարի հետ միասին սողաց ներքև, ուր նեղանում էր հողաշերտը: Մի վայրկյան և ահա Սարգիսն ու քարը սողալով խառնվեցին իրար՝ միացան նեղ փոսի մեջ:

— Վա՛յ, վա՛յ, վա՛յ,— գոռացին քարհատներն ու թափվեցին նրա վրա:

Սարգիսը ուզեց ծղրտալ, բայց ձայնը պահեց հանկարծ: Քարն ու ինքը խրվել էին նեղ փոսում և կանգ առել: Բայց վտանգն անցել էր ըստ երևույթին — Սարգսի դեմքին ոչ մի կծկում:

— Բան չկա, բան չկա,— հեաց նա,— ոտքս տակը չէ: Քաշեք դուս:

Բանվորները մտիկ տվին: Ոտը մնացել էր քարի և փոսի միջև մի դատարկ տարածության մեջ: Սարգիսը փրկված էր:

Նրանք քաշեցին դուրս:

— Ցա՛վ տվեց,— հարցրին:

— Չէ, ջա՛նրմ,— պատասխանեց հասարակ: Դուրս եկավ արանքից, թափ տվեց վրան, կանգնեց ու մտիկ տվեց քարին.—

— Հայվա՛ն:

Հետո գնաց նստեց առաջվա տեղն ու հանեց ծխախոտը:

— Դե, շաբա՛շ:

Բանվորները վեր դրին քլունգներն ու սկսեցին թափ տալ շորերը:

Սարգիսը հանգիստ ու լուրջ ծխում էր, իբրև թե հաշվի մեջ չէր իր մարմնի քերձվածքները և որ պիտի ջախջախվեր քարի տակ... Բանթողն էլ ուշացել էր: Բայց նա գոհ էր և ոչինչ չէր նկատում:

— Ամեն քարի բնութքը մեկ չէ: Քարի բնութքը պիտի իմանաս: Քար կա՛ տամար ունի,— իր տամարով պիտի էրթաս, հանես դու: Քար էլ կա որ՝ ինազ է,— ինազը պիտի կոտրես, հանես: Սարթ քար էլ որ էղավ՝ կոխվ գուզե,— պիտի կովես:

Աշխատանքը նամու է, շեն կոտորի:

Քաղաք շինող ենք, աշխատավոր, գործ է, շինարարություն... Ի՛նչպես կարելի է:

— Դրուստ ա, վարպետ ջան, դրուստ ա,— ձայն տվեց ներսոն՝ թափ տալով պիջակը:

Մյուսները նույնպես բերծված, շարշարված եկան կանգնեցին վարպետի շուրջը, որի արձիճն ձեռքի մեջ դողում էր ծխախոտի ծուխը:

Վերջացնում էք, պիտի վեր կենար:

Դիմացը, ներքև, այգիների մեջ կորած էր հին քաղաքը, որի կմախքների միջից դուրս էին ցցվում նոր խոշոր շենքեր: Հեռվում ծխում էր գործարանը և խաղաղ օրը հոգնում էր ամենուրեք:

Սարգիսը նետեց ծխախոտի կոթն ու վեր կացավ, նայեց քարհանքին մտերմաբար ու գոհ:

— Է՛, էրթա՛նք: էղա՛վ:

ԱՍՏՈՒ ՏԱՆԸ

— Բռնած գործերին մտիկ, նզովի՛ց արմատներ...

Փնշացրեց վիթխարի հայր սուրբը և շաղաքարի պես գլորվեց ընկավ մարազը:

— Ժողովո՛ւրդ են... Սրանք կուտեն ինձ. գազանի պես կլափեն: Բա՛ւ ա՛հ...

Եվ առյուծի մոմոցը գցեց մարազը, որ լիքն էր փախստականներով ու հիվանդներով: Առողջները վեր կացան ու իրենց ժողովեցին: Դրստվեցին նաև գաղթական կոմիտեի երեք անդամները, և ամենքը սառը հայացքները հառեցին վարդապետի վրա:

Մարդ չլինե՞ր կարծես: Տնայնագործական անտաշ բանվածք: Դա մի զարհուրելի շոգեշարժ էր, քրտնամխած ամպ, որ անձրեվում, ֆշշում, փնշում էր ու շէր հանգստանում:

Բարկացած էր:

Հանկարծ կանացի փափլիկ բազուկները սոթանց և բաշառատ գլուխը շեշտակի ումբի պես մխրճեց բեռների խուրձի մեջ: Երևի բան էր փնտրում:

Խառնեց, խառնխտորեց, փնտրածը չգտավ ու սկսավ հակերը դես դեն գցել: Դա մի ահավոր հավի քշուղ էր, որ խոշոր, փթանոց հակերը թափահար դուրս էր ածում: Ապա սկսեց փուքսի պես փչել: Զգտավ էլի: Շիտկվեց: Ու ինչպես գինու տիկը կանգնեցնես մեջտեղ՝ այնպես թիք ու ձիգ տնկվեց ցորենի հակին: Եվ ահագին մորուքը՝ սև ծով, սկսեց հորձանք տալ նրա հեացող կրծքին:

Մտահոգվեց. բարկացած նայեց դուրս:

— Ժապավենակալը թողել ենք,— մրթմրթաց յուրովի:— Արի ու իմացիր, էսքան բազմությունը որը սրոց է:

Կոմիտեի անդամները ձայն չհանեցին: Ընտ էին և փախստականները:

Հայր սուրբը քաշեց կարմիր թաշկինակը, փռեց իր լայնշի,

կացնաշեն դեմքին, որ քրտնած էր, փոսեց թաթերը թաշկինակին, ընչացքները թաշկինակաթաթախ ու քթախառն մի լավ սրբեց, հետո վեր կացավ, որ գնա դեպի դուռը:

— Չեն էլ հարցնում, թե ի՞նչ հալի ենք, անբանները...

— Ի՞նչ է եղել, հայր սուրբ, — հարցրեց կոմիտեի անդամներից ավագը:

— Էլ լինելի՞ք մնաց: Անկարգ անիծյալներ... Ես այս փախբատական ժողովո՞ւրդը տանեմ տեղ հասցնեմ, թե՞ դրանց դարդերը հոգամ:

Ավագ անդամը գլխի ընկավ կամ նրան թվաց թե կռահեց բանի էությունը: Ու վկայեց:

— Ո՞ր մեկն ասես: Երեկ էլ մեկը եկել վագոնի փող է ուզում: Տո՛, բոլորս ոտքով ենք, դու էլ ոտով՝ վագոնի փող ես ուզում: Բա, ասում է, որ երկաթուղուն հասնենք՝ ինչո՞վ մտնեմ վագոն: Տնաբանո՞ղ, դուրս եկա՞նք էս դժոխքից, որ վագոնի դարդն ես քաշում:

Բայց հայր սուրբը երևի ուրիշ զանգատ ուներ: Դեռ հղիվում էր իր բարկության մեջ.

— Ականջ մի դնի, հայր սուրբ, — խոսեց կոմիտեի մյուս անդամը — գաղթական է, բերանը որ բացեց՝ ուզյանց է:

Ավագ անդամը ծիծաղելու պես արավ:

— Ո՞նց թե ականջ մի դնի, — հոտեց հայր սուրբը, — եկել է ասում է՝ մատյանը գտի՛, ջնջի՛, որ ես պսակված եմ: Տո գազանի կնիկ, ասում եմ, ի՞նչը ջնջեմ, աշխարհն էլ գիտի, աստված էլ, որ պսակված ես: — Վերցնի ի՞նչ ասի անիծածը: — Մարդս Ամերիկա է կորել. հիմի որ հասնեմ Երևան, ո՞նց կլինի հալս: Հիմիկուց կնիկը պատրաստվում է՝ մարդու պիտի գնա: Նզովից ցեղ, եկա ձեզ էս դժոխքի՞ց հանեմ, թե՞ ձեր ամուսինների անունները ջրնջեմ: Ընկել եք ավերակ քրդի գեղ, զոր փախ, գիշեր փախ, քուն զագար չկա: Պսակացավն ընկա՞ք... Այ, կոտորվեք դուք: Ժողովո՞ւրդ եք: Խոզի ցեղ եք:

Եվ հայր սուրբը գնաց դեպի դուռը, որ մի փոքր հովացնի իր բարկությունը:

Հենց այն է՝ դռան պիտի հասներ, աչքով մի պատանի ընկավ, դռան շեմքի հետևը կանգնած, որ ակնածու հայացքը նետեց նրան և փափախը հանեց:

— Հը՞, ա՞ղդ է պակաս, թե՞ մաղդ, — հարցրեց հայր սուրբը:

Բը մռայլ և սառը:

Պատանին գանգրահեր գլուխը կախեց և լոսեց:

— Պապանձվեցի՞ր:

Լուռությամբ:

— Ի՞նչ ես ուզում. անասո՞ւն ես, խոսիր էլի, — կրկնեց հայր սուրբը առաջ գնալով:

Տեսնելով որ պատանին լուռ է՝ ներս եկավ ու կանչեց մի քիչ մեղմ.

— Ներս արի, տեսնեմ:

Պատանին եղունգով խաղաց իր դարչնագույն փափախի հետ, ուզեց ներս մտնել, բայց նայեց դռան ետևը: Ապա նշան արավ մեկին, որ իրեն հետ գա: Մի տասնհինգ տարեկան բարալիկ աղջիկ էր, իսկը ցորենի ոսկի հասկ: Միասին ներս եկան:

Տղան, մեջքը բարալիկ մտրակ, խանշալը գոտկին, բեղատեղը մրով քաշած, կանգնեց ու սև ողկույզի պես գլուխը կախեց: Աղջիկը նրա կողքին, գեղեցիկ ինչպես ճառագայթ:

— Հը՞, ասա տեսնեմ, — կրկնեց հայր սուրբը հետաքրքիր և լուրջ:

Պատանին թողեց եղունգով փափախը քորելը, և խաս բրնձի ատամները պսպղացրեց.

— Մեք կխնդրեմք, որ մեզի պսակես:

Հայր սուրբը նոթերը կիտեց: Բարվոք համարեց լսած չլինել: Բայց կրկնեց.

— Ի՞նչ... պսակե՞մ...

Ու շունչը վարարեց:

Պատանին աչքերը հոտեց հայր սուրբին: Ոչինչ չկար այդ աչքերում: Միամիտ, լեռնային աղբյուր:

— Մո՛, հասկանո՞ւմ ես թե... — շնչատեց հայր սուրբը — քեզ պսակե՞մ, ե՞րբ...

— Էսօր, հիմի:

Հայր սուրբի երեսը լավաշի պես կախվեց: Բերանբաց զարմանքով նայեց ներկաներին:

— Տեսա՞ք բանը: Արի հիմի...

Փախստականները շարժվեցին, առաջ եկան, հիվանդները վեր նայեցին միգամած աչքերով, իսկ հայր սուրբը ուղղակի քայքայ-

վեց ցորենի հասկի վրա և հուսահատ նայեց զուրպին՝ բերանը քա-
րայրի պես բաց:

Հետո ձեռք ձեռին խփեց.

— Վա՛յ քու տղիս տղա: Սո՛, խելքնե՛րդ եք կորցրել, թե
նզովք է մտել ձեր ցեղի մեջ: Ասել է շոբս կողմդ շե՛ս նայել, շե՛ս
իմանում ինչ բանի եք:

Հայր սուրբն սկսեց հեռալ: Պայթվելու էր պատրաստվում: Քըն-
նական հայացքով շափեց պատանուն վերից վար ու.

— Սո՛... ծո՛... Ի՛նչ է գալիս բերանս:

Մի պահ թուքը կուլ տվեց: Եվ ապա.

— Սո՛, ազգով-ժողովրդով քանդվել փախչում եք, էս յոթը
բարի արանքում...

Բայց չպայթեց դեռ: Ենչատեց, մուտաց ու սարսափելի խոսքը
չասելու համար՝ միայն ձեռով արավ.

— Գնացեք բաններիդ, գնացե՛ք:

Այնքան որ բարկացած էր:

Իսկի էլ տեղներից չշարժվեցին: Ո՛ւր պիտի գնան, Ի՛նչ է պա-
տահել որ: Եվ տղան միամիտ ժպիտով նայում էր հայր սուրբին:
Նա անխոռով էր ու անգիտակ:

— Չե՛ք հասկանում,— սպանաց հայր սուրբը:

Ո՛չ, չեն հասկանում: Ոչինչ չեն հասկանում:

Նայում է աղջիկը հայր սուրբին, և աչքերում լուսաբացի միա-
միտ մի լույս է շողում, որ մոտ է առավոտելու և ժպտալու: Այո՛,
ոչինչ չի հասկանում և ինչո՞ւ է որոտում այս վիթխարի մարդը,
ի՛նչ է պահանջում, ինչո՞ւմն է արգելքը: Նայում են երկուսը և ըս-
պասում: Կարծես երկու մանկիկ եկել՝ հաց են խնդրում իրենց հո-
րից: Ինչո՞ւմն է բանը: Ի՛նչ կա՝ եթե իրենց պսակի: Պատկն ի՛նչ
դժվար բան է, որ...

— Սո՛, դեռ կանգնե՛լ եք,— սրտնեղեց հայր սուրբը:

Այո, կանգնել են: Երկու պատկեր, նկարած-անշարժ դրած:

Հայր սուրբի համբերանքը հատավ: Վերցնի գավազանն ու
տուր թե կտաս:

— Տե՛ր աստված, անե՛ծք շար ուտանին:

— Գնացե՛ք, գնացե՛ք,— խոսեց կոմիտեի անդամներից մինը:

— Գնացե՛ք, ամբ՛ է,— ձայնեց մի փախստական:

— Գնացեք, բալեքս,— խոսեց մի շոր պատավ՝ ակնարկելով
կարծես թե տանը մեռել կա:

Տղան խոսեց.

— Ապա ո՞նց պսակվենք:

Հայր սուրբը ավելի գծվեց:

Հափոկեց աղջկա թիկն ու այն է դուրս էր գցում նրան, ցըն-
ցեց միայն.

— Այս աղջիկն ո՞վ է,— թնդաց,— ծնողք չունի՞:

— Որք է:

— Դու ո՞վ ես:

— Ես էլ որք եմ:

— Իսկ թե բացվի, որ սո՞ւտ ես խոսում:

— Սուտ իմա՛լ կեղնի, քանի որ դորթ է,— պնդեց պատանին:
Ու էլի առաջվա ձայնով.

— Ետտ կխնդրվինք, որ մեզի պսակես:

Էլ կատաղեց հայր սուրբը: Խլեց գավազանն ու.

— Սո՛, դուք անասո՞ւն եք, թե՛ մարդ, համբերանք չունի՞ք:

Տեղ չպիտի՞ հասնիք, քաղաք չպիտի՞ մտնիք, անբան ավանակ:
Հը՛...

Պատանին շամոզվեց.

— Ախր, հայր սուրբ, զաղթ է, փախ է, մեզի կբաժանին:

Պսակվինք որ՝ չբաժանին:

— Դուրս, հիմար անասուն,— գոռաց հայր սուրբը:—
Դո՛ւրս,— վեր թռավ տեղից՝ մարագը ցնցելով և գավազանը իջեց-
րեց պատանու ուսին:— Եան լակոտ— անհամբեր անասուն, էս
անապատ գյուղում եկեղեցի կա՞, որ քեզ պսակեմ:

— Օջախի վրա պսակի,— համառեց պատանին, աչքերը ցա-
վից խոնավ:

Հայր սուրբը մին էլ վերցրեց գավազանը.

— Սո՛, տաճա՛ր,— գոռաց կատաղի,— ասենք պսակեցի, էս
քանդված գյուղ, ժողովուրդը իրար գլխի, գիշերը որտե՞ղ պիտի
քնեք, հը՛, հիմարացյալ հիմար, որտե՞ղ, հը՛, ասա... — Ու գա-
վազանը բարձրացրեց:

— Մենք արտ կերթանք, հայր սուրբ,— խոսեց պատանին և
զարմացավ. որ հայր սուրբը այդ քանը չի հասկանում:

— Ա՛րտ... — հոնքերը վրա բերեց հայր սուրբը:

— Մենք գիշերը միշտ էլ արտն ենք:

— Արտի մե՞ջ պիտի քնեք, ձեր տունն ա՞րտն է...

Եվ հանկարծ հայր սուրբը դեմքը կնճռոտեց, կարծես բոլոր մկանների մեջ մի ցավ սողաց ու գալարվեց: Կավ պիտի ժայթքեք: Հանկարծ հրաբխի պես մի ծիծաղ ժայթքեց դուրս, կարծես մի զորք ծիծաղեց: Հետո հազը բռնեց, խեղդեց: Կարմրեց հայր սուրբը ու ետ նստեց:

Միծաղեցին կոմիտեի անդամները, քահ-քահ խնդացին փախըստական ծերերը, ժողատ ատամները ցույց տալով: Միծաղի ալիքը դիպավ նաև հիվանդներին:

Հայր սուրբի ծովը հանդարտվեց, դադարեց ծփալուց ու բրտնելուց: Նստեց ու ծիծաղկոտ աչքերը հառեց պատանուն ու աղչեց:

Որքան միամիտ, հուսալի ու գեղեցիկ էին նրանք:

Լցվեց հայր սուրբը: Ժպտաց մեղմ ու խանդաղատագին: Ապա բարձրացրեց աչքը:

— Առաջ արիք:

Զույգը առաջ եկավ, շոքեց նրա ոտների մոտ: Հայր սուրբը լրջացավ, վեր կացավ և մի խորին խորհրդով համակված խոռվահույզ ձայնով ասաց:

— Ձեր կամքը լինի, որդիքս, ձեզ կպսակեմ:

Պառավ կանայք առաջ եկան և կորաքամակ բոլորվեցին զույգի և հայր սուրբի շուրջը: Հայր սուրբը խանդաղոտվեց: Ապա զույգի գլուխները իրար մոտեցնելով, խաչակնքեց երեսը և կերկեր ձայնով աղոթեց: Կարճ էր աղոթքը: Մոռյվեց և հազիվ լփոտաց:

— Ձեզ աստված պսակել է, որդիքս, գնացեք ապրեցեք աստծո տանը:

Հետո ժպտաց, աչքերը սրբեց:

Դռան մոտ խոնվել էր մի փոքրիկ բազմութուն, որ կամաց-կամաց ներս լցվեց և սկսեց ուրախ քչքչալ: Զույգը վեր կացավ:

— Կավ տուն գտաք. աստված, երդիկը, հացը մեջը,— սրախոսեց մեկը և ծիծաղը նորից փրթեց:

Մի զառամ կին դողողալով վեր կացավ անկյունից և ծիծաղից ցնցվելով առաջ եկավ: Մոտեցավ զույգին, ծիծաղեց, հևաց, ծամածոնեց երեսը և դողողալով համբուրեց երկուսին:

— Կուրանա ձեր մոր աչքերը, բալաներս:— Ու արցունքները

խանդով ետ քաշվեց ու գողաճաք մոմի պես ցուլալով նայեց զույգին:

Զույգը համբուրեց հայր սուրբի աչքը և դուրս ելավ:

Բազմութունը նորից քրքջաց: Քրքջացին բոլորը, ինչպես բարեկենդանի հարսանիք, մինչև որ քաղցր արցունքները սկսեցին հոսել աչքներից:

Գարնան անուշ անձրևի պես...

1923 թ.

ԽՆԱՄԻՆ

Անկուսակցական Կարապետյանը նոր էր սանդուղքներից բարձրացել պատշգամբ, որ երեխաները պատուհանից տեսնելով նրան՝ ուրախ ծափ տվին.

— Քեռին եկավ, քեռին...

Եվ սենյակի դռանը շրջապատեցին նրան:

Կարապետյանը գրկեց նրանց և մտավ սենյակ.

— Բարի իրիկուն, խնամի:

Խնամին, մի պառավ կին, որ շալը գլխին ծալապատիկ նըստել կծկվել էր անկյունում՝ նիրհող աչքերը բաց անելով՝ քնկոտ ծպտաց.

— Մկրտիչ, դո՛ւ ես: Բարով եկար:

Կարապետյանը վեր դրեց ճամփի կապոցը և շուրջը նայեց.

— Ահա, Հրայրը տա՛նն է:

Ու նայեց անկողնու կողմը, երկարավիզ կոշիկներին, որ գին՝ վորական վերարկուի տակից դուրս էին ցցվել և դրվել աթոռի վրա:

— Հա: Նոր էկավ գեղեն, հաց կերավ՝ պառկավ:

— Որտե՞ղ է ծառայում:

— Ես գիտե՞մ: Վայեննի պոաքուոոր է գյովա (իրը թե):—

Ապաց ու մի քանի խոսք դեռ դեն շուռ ու մուռ տալուց հետո շարունակեց:

— Բան կրնա՞ս հասկընա:

— Ինչի՞, խնամի,— հետաքրքրվեց Կարապետյանը:

— Դատարկ բան է, ջանք: Հեշ միշեն չէ: Հիմի ոչ պոաքուոորն է պոաքուոոր, ոչ նաշալնիկը՝ նաշալնիկ, ոչ վայեննին՝ վայեննի:

— Մի՞թե: Բայց, խնամի, սրանց չործն էլ ուրիշ տեսակ է:

— Ի՞, դատարկ բան: Գո՛րծ: Կերթան-գուքան, կելլեն տախտակներու վրան խոսին, խոսին, խոսին. հա՛ բանվոր, հա՛ գեղա-

ցի, պատկոմ: Հեշ մեշք բան չկա,— էլի էն 60 մանեթ ծալովնին է, էլի էն շորս-հինգ գրվանքա սապոն-մալոնը: Գո՛րծ: Կափեկիմ կառնե՞մ:

Վերցնում է թեշիկը և սկսում մանել:

— Խալխին տղաքը, է՛է՛է՛, թյուքյան-պազար սարքեցին, մեկեն զանգնցան (հարստացան), գուբերնաթի կյանք կանցնեն... Նարտիվանենց Ակոփը կա, մաղազա բացեց օ՛ր... Ի՛նչ երջանկության մեջ է... սափուկներուն ճոճոցը տեյմոր (մինչև) Պետրոպոլի է հասել: Աս տղա՛ս է,— հայրական սեփական ջաղացքը թողել է, գեղը շներոց ու գելերոց: Խալխը կուտե, ինքը կաշե: Զանքմ, սո՛ւ, սո՛ւ. բալշեիկին գլոխը խե՛լք կա օր... Քամի է: Թիթին ունի՞ս:

— Պապիրոս է, խնամի:

— Վնաս չունի, փեր:

Ու դառնացած ծխում է ցուցամատի ծայրով բռնած պապիրոսի կոթը:

— Ավալքվա (առաջվա) վախտն էր: (Հառաչում է): Ափսոս չէ՞ր: Մենծ-պզտիկ կշոկվեր: Աստված կճանաչեին, թաքավորի պատիվ կար: Արզրումու կովին գնաց էկավ՝ պալկովնիկի չին ստացավ: Գյումրի էր էկե: Տեսնեիր՝ բոյը բուսաթը, պաթոն, պըլպըլան կոճակները, շըները: Ժալովնան 4—5 հարուր մանեթ: Թաքավորի կյանք ունիր, թե էն խելքին մնար: Հիմի վրան-գլխուն աշես՝ դենչիկի զըլը է:

— Ինչի՞, խնամի,— ծպտում է Կարապետյանը:

— Ինչի՞: Բալշեիկ է, էտոր համար:

— Դաշնակցության ժամանակ ինչպե՞ս էր:

— Է՛, դաշնակներուն վախտն ալ Աղպապաու թուրքերն էին: Հա ջարթ, հա փախ: Օրը մի հավամ կփոխվիր: Մե վախտըմ աշխարհը խաղաղվավ: Վերջը խելքերուն ինչ փշեց, ինչ սատանա մտավ միշվին՝ աս բալշեիկ էր. ինչ զուլում էր՝ փերին ուլտուրմիշ (հնարեցին) էրին՝ ցկին խալխին ջանը: Ըսին՝ հիմի ամեն բան բալշեիկ պիտի էղնի: Աս բալշեիկն էկավ՝ արթըղ բալշեիկ-դաշնակ իրաք խառնվեցան: Ի՛նչ խելք էր՝ չհասկացանք: Զանքմ, յա բալշեիկ, յա դաշնակ. էրկուսն հալ շե՛ն: Հա՛ կոթիվ, հա՛ դալմաղալ-թորթ շմնաց՝ շոլթավ, ունևոր շմնաց՝ աղքատացավ: Գյուղալըմ քաղաքը բոռ ու փուշ էրին բաց թողին:

— Էդպես, խնամի, ասել է հիմի ամեն բան վա՞տ է,— հազիվ ծպտալով հրահրում է Կարապետյանը:

— Ի՞նչ... կյանք է: (Յույց է տալիս երեխաներին): Խեղճ անասուններս ոտքերը ոտնաման շունին: (Կանգ է առնում և ձեռքի թեշիկը վայր դնում): Ե, հիշտե՛կ սուրբ իրիկուն է, մեղք է:— Վեր կացավ ու գնաց դուրս:

— Էրթամ սամավարին աշեմ:

Սենյակի լուսթյան մեջ լսվում էր երեխաների զրույցը, որ ամեն բույս զրույցից անցնում էր վեճի և վեճից՝ խաղաղ զրույցի:

— Դու բուրժուա ես, որ էդպես ես խոսում:

— Բուրժուան դու ես:

— Հաա՛, ես ինչի՞ եմ բուրժուա: Բուրժուան դուն ես, որ խո՛զի պես ես:

— Հա, խոզի պես ես:

Լուսթյուն:

Ու կրկին:

— Դու բուրժուա տեսե՞լ ես. ես տեսել եմ:

— Ստլիկ, ինչի՞ ես սուտ խոսում: Բուրժուա որտե՞ղ կա, որ տեսնես:

— Մեյդանի դասապը բուրժուա չէ՞, փորը հաստ:

Խաչիկը ծիծաղում է քրոջ վրա:

— Դեբո, դասապը բուրժուա՞ է: Բուրժուան լրագրի մեջ է լինում: Այ բուրժուա,— և ցույց է տալիս պատից կախված լրագրի սուաջին երեսին Մուսուխիսի պատկերը:

Մոտենում է Կարապետյանին:

— Գիտե՞ս, քեռի, մենք «անկյուն» ունենք:

— Ի՞նչ անկյուն:

— Լենինի անկյուն:

Եվ երեխաները ցույց են տալիս լրագրերից կտրված և պատերի անկյուններին փակցրած պատկերներ՝ Լենինի, Մարքսի ու Լյուքսեմբուրգի, զանազան աստղեր, դրոշակներ...

Սամովարը եկավ, բազմեց պատուհանին և սկսեց թշշալ մտերիմ, խաղաղ ձայնով: Տիրեց լուսթյուն:

Երբեմն միայն երեխաները ընդհատում էին այդ լուսթյան միալար թելը:

Կարապետյանը մերթ լրագիր էր կարդում, մերթ դիտում սենյակը:

Կատարյալ անկարգություն: Ռազմաճակատին մոտ վայրերի խառնաշփոթություն: Կայարան, վագոն: Կարծես ամենքը պատրաստ են մեկնելու: Եվ Կարապետյանը զգում էր, որ այո, ամեն բան մեկնում է: Մեկնում է, և միայն մի արարած կա, որ պիտի մնա:

Պառավը...

Խարխուլ շենքի մոայլ երևույթով նստած էր նա իր անկյունում և նայում իրենից հեռացող նոր կյանքի ետևից: Ամեն բան փոխված էր: Որդին որդի չէր, թոռները թոռ. աշխարհը աշխարհ չէր, այլ ինչ-որ երազ:

Առաջ եկավ փոքրիկ Խաչիկը՝ տասը տարեկան մի ճատիկ տղա:

— Գիտե՞ս, քեռի, մամը չի հավատում, որ աստված չկա: Լնպես չէ՞, քեռի. աստված որ լիներ՝ կերևար: Չկա, որ չի երևում: Ես ասում եմ, մամը թե՛ չէ, աստված կա:

— Հը՞, խնամի, Հրանտը առաջվա պես անաստված է:

— Հըպը ի՞նչ է: Ինքը ֆարմասոն, տըղոցն էլ շինեց ֆարմասոն:

— Քեռի,— խոսում է Խաչիկը,— Լուրն (ցույց է տալիս շորս տարեկան աղչկան), Լուրն կարող է երգել «Կորչի տերտերը»: Ապա, Լուր երգիր, ապա «Կորչի տերտերը»:

— Սո՛ւս, սո՛ւս, մեղք է,— հանդիմանում է խնամին:

Երեխաները ծիծաղում են:

— Հիմի, Մկրտիչ ջան,— շարունակեց խնամին՝ նստելով սեղանի մոտ,— խոսքը՝ ինքը անաստված անաստված: Այս պղտրկներուն անաստված դարձնելն էլ ինչ մեղքի պատիժ էր: Ջանք, չափը շատ անցուցին: Մի մարթմ էլ դրել են, զագս է, ինչ է անույր: Սուրբ պսակ կքանտե, սահաթ գլուխ էրիկ-կնիկ իրարմե կբաժանե: Աս ալ էղավ քրիստոնեութե՞ն: էտոնց աստվածը աստված չէ՞, չի՞ տեսնի: (Հառաչում է): Չէ, կերթամ գեղ. էլի գեղականի քով աստված կա, հավատ կա: Կերթամ իմ մարթուս ջաղացը կընստիմ: Մարթս ջաղացքը մեռավ, ես էլ էնտեղ կմեռնիմ: Իմ ապավենս առ ջաղացքն է:

Մահճակալը ճոճուաց:

— Օհն՞, Մկրտիչ, բարով ես եկել:— Ու Հրանտը ճմկոտալով վեր կացավ, նստեց մահճակալի վրա: Աչքերը պղտոր, այրվում էին, բայց ժպտացին:

— Հը, հոգնա՞ծ էիր,— հարցրեց Կարապետյանը:

— Գնացել էի մեր գյուղը: Մի պստիկ ջրաղաց ունեի՝ «Հայ-բախան կավածք»... կարգադրեցի...

— Է՞, վե՞րջը,— անհանգստացավ խնամին:

— Տվի գյուղի գործկոմին կառավարելու:

— Գործկոմը վո՞վ է:

— Մեր ընկերներից են:

— Մո, կեցի. մեր գե՞ղն էլ բալշևիկ կա,— ցավելով վարձա-ցավ խնամին:

— Ապա ի՞նչ,— ժպտում է Հրանտը:

— Լավ,— ու խնամին մտածմունքի մեջ ընկավ:— Ափսո՞ս: Է՛, Եղածն եղած է, հըմը էկող տարի հեշ մեկիմ շտաս, ես պիտի երթամ կառավարելու:

— Էկող տարին էլ գյուղգործկոմի ձեռքին է լինելու:

Խնամին աչքերը շոկեց:

— Քա՛, մեղա, եկող տարի է՛լ պիտի մնան բալշևիկները:

— Միշտ պիտի մնան,— ծիծաղում է Հրանտը:

Ու հետո մեղմ ավելացնում է.

— Մշտական տվի գյուղգործկոմին, հասկացա՞ր:

— Բաշխեցի՞ր:

— Հա:

— Վո՞ւյ, ձունը գլխուս: Գյուղալըմ շաղա՞ցը: Տեսա՞ր զու-լումը:

Այդ ժամանակ հարսը ներս է մտնում:

— Տեսա՞ր տնաքանդությունը,— դիմեց խնամին,— արի տես ինչ է արել մարդդ:

— Ի՞նչ է արել:

— Աղչի, շաղացքը բաշխել է բալշևիկներուն:

Ու սկսեց ծնկները ծեծել:

— Պապական, հայրական միլթը մարդ իր ձեռքով վերցնե ուրիշին բաշխե՞: Տեսա՞ր բալշևիկի խելքը... Օջախս քանդվեց: Վո՞ւտ՛ւշ...

Հրանտը ծիծաղում էր: Հետո ձեռքերը շփեց և ուրախ-ուրախ.

— Դե, թեյ բերեք, թեյ, վաղը ճամփորդ եմք:

— Ո՞ւր,— հարցրեց Կարապետյանը:

— Մոսկվա, դատախազների համագումար:

Եկեղեցու դանգերը ծնգացին: Նրանք շարունակվեցին մի պահ և ապա զարկելով վերջին ակորդը՝ լռեցին:

Խնամին վերցրեց շալը, գցեց գլխին և մոայլ, հուսահատ՝ շարժվեց դեպի դուռը:

— Ո՞ւր,— ժպտաց Հրանտը: Խնամին չպատասխանեց:

— Սուս,— աչքով արավ հարսը,— գնում է եկեղեցի:

Խնամին դողդոջ քայլերով դուրս գնաց՝ փարվելու իր հավա-տի խարխուլ սյունին:

1925 թ.

ԿՐԱՍՆԱՐՄԵՅՅԸ

— Բռնած գործերի՛ն մտիկ..

Ու Դային դուր շրխկացնելով՝ հյուրանոցի կորիզորից դուրս եկավ դուռը:

Չարացած է, պապիրոս է ուորում:

— Ի՞նչ է պատահել, Դայի՛:

Աչքերը պսպղացրեց.

— Այ՛շի, կրասնարմեյց չդառավ՝ խաթա դառավ գլխներին:

— Սոկրատը:

— Պա էլ հո՛ւվ: Պերան էս գաստինիցեն, որ պոլ սրբի՛ գըլ-խիս խաղեին դառավ: Վեր ա կացե՛յ՝ թե ծառայողին ութր սահաթից ավել իրավունք չունես պանացնելու: Սայուզին իմաց կտամ: Հա նավթը ավել ա գնում, փետր շատ վառեցիք, լամպլեքը փշացնում եք: Խե՛... Գլխիս նաշա՛լնիկ ես, թե՛ ջանդար: Այ՛շի, պոլ սրբող ես՝ պոլդ սրբի: Էս պոլիտիկի խաբարներումը դու ի՞նչ պեն ունես:

— Լավ, հիմի ի՞նչ էր ասում:

— Պրիկազներից ա խարար տալիս: «Մարտիրոսին խե՛ ես քու տան գործով բազար դարկել. սայուզի իրավունք չի»: (Հառաչում է): Կիլոխը մեռնի Դայիի, պա մունք ո՞նց ենք արել: Մառայողը որ ութը սահաթ գործ անի՝ գործ շուռ կգա՛: Մառայող է՛ ջա՛նը դուրս գա, պիտի բանի 10 սահաթ, 15 սահաթ...

— Խորհրդային իշխանություն է, Դայի, ուրիշ կերպ անկարելի է:

— Հա, գիտում ընք, խորհրդային իշխանություն ա, համա ըանի մեջ բան կա...

Բայց սրանք ~~բաղարարներ~~ համաձայն չէ Սոկրատը, որ հյուրանոց է մտել «պոլ» սրբելու և կերակուր մատուցելու: Գործը՝ գործ, բայց իր զինվորական սովորությունները չի մոռանում:

Նախկին կծու «կրասնարմեյց» է: Մասնակցել է քաղաքացիական կռիվներին և բանակը մի տարի է, որ թողել է: Հիմի քաղաքացի Սոկրատ է հյուրանոցում:

Խստակյաց է, կատարյալ փուշ: Աչքն ամեն բանի վրա է: Ամեն բանի վրա խոսում է. «Նա շայ» մի՛ առնեք, աղջիկների հետեից մտիկ մի՛ տաք, լրագիր կարդացեք, դասախոսություն գնացեք, պրոֆմիություն շահերը պաշտպանեցեք: Մի րոպե ավել աշխատեցիր, մի տառ շեղվեցիր՝ պրծա՛վ: Դադում է: Բայց ամենից շատ ընկած է Դայու հետեից, որը նախկին հյուրանոցատեր է, հիմի հասարակ ծառայող:

— Սոկրատ, ի՞նչ է պատահել:

— Քշել պիտի տամ:

— Ո՛ւմ, ա՛յ տղա:

— Ա՛յ, էդ բանվորագյուղացիական թշնամուն:

— Ինչո՞ւ:

— Էլեմենտ ա, կոնտրոկուլուցիա յա անում:

— Կոնտրոկուլուցիա՞:

— Բա՛ս: Հենց էսոր: Մառայողների հետ կոլեկտիվ ժողով սարքեցի: Ասում ա էդ թողեք, պոյեզդի վախտ ա, պասաջիր կգա: Այ՛շի, գալում ա՛ գա: Նոմեր չի՞ ուզածը: Կտանք: Մենք մեր գործը գիտում ենք: Սա ջոկ, նա ջոկ: Ամա դու չես իմանում. նրա միտքը ուրի՛շ ա: Ուզում ա նվաճողական գործ բռնի: Կապիտալիստական աչքը Խորհրդային իշխանության վրա յա: Էդպես ա անում, որ բանվորագյուղացիական ֆրոնտը թուլացնի:

Ու ահռելի բաշը թափ է տալիս.

— Ամա աչքը հանելու եմ: Կթողամ որ բանդիտիզմ անի՛: Էնդո՛ւր համար եմ ակոփների մեջ քաղաքացիական պատերազմ տվել, որ սա էսպես սաբոտաժ բաներ սարքի՛: Դուրս եմ գցել տալու էդ ռեժիմին:

Իսկապես «խաթա»:

Բանակումը է գնում, պրոֆմիություն, դասախոսություն, կոնյուց է խոսում, բուրժուաներից, բանվորներից:

Անցյալ օրե էլ թատրոն էր գնացել:

Ռային բերանը ծամում է:

— Մին հարցնող ըլի, արա հի՛նչ պենն ա թեատրը, յա կի-
նո... Այշի, դու մեկիք-կնյազի թո՛ռն ես, նամենի՛կ ես, հի՛նչ ես:
Չուի արջ, բայց թողնես՝ գնա սարիցը քար թու անի:

— Սոկրատ, ուրիշ ի՛նչ կա, ի՛նչ չկա:

— Իսկի, կիկվիդացիա եմ անում: Էն ա բուրբ գրերը գիտեմ,
մնացել է մի երկու հատ:

Որտեղի՞ց էր սովորել: Ինչքա՞ն ժամանակ, բայց շուտով ար-
գեն գիշերները ժամի 11-ին, 12-ին, սանդուղքից բարձրանալիս
լսում էի Սոկրատի ձայնը:

— Ասանգի... ակաան պառլամենենտում... օօօդային մի-
նիստը Սամվել Հոռնը...

— Սողոմոն իմաստունից անցկացար,— մրթմրթում էր Դա-
յին,— կազեթ կարթացողիս մտիկ, պրիփիստը է դառել գլխիս:
Կա՛ց դու...

Բայց Սոկրատի պետքը չի: Աշխարհք դրստելու հետ է: Դուռն
էլ որ դուրս է գալիս՝ վայ թե պահակ զնացող մի նորավարժ կար-
միրբանակային տեսի:

— Ի՛նչ ես քոստքոստացնում, լա՛վ ոտն արա, մե՛կ, երկո՛ւ...
Ղամարուի ֆրոնտում պիտի ըլիիր, որ քոստքոստը ցույց տայի
քեզ...

Նորավարժը ժպտում է ու անցնում:

Ու «խաթան» շվշվացնելով ներս է մտնում: Դային առաջն է
հլնում:

— Հը՞, ամանները սրբեցի՞ր:

— Սրբած ա... — ու շվացնում է:

— Դե հիմի վերևի պուրնն ավի:

— Ավլած ա... — ու շվացնում է, գնալով իր բանին:

— Լիբբ,— մրթմրթում է Դային նրա հետևից ու ձեռքերը քա-
մակին «տերողորմյան» քաշելով գնում դուրս՝ սիրտը թեթևաց-
նելու:

Բայց «խաթան» հանգիստ չէ: Մի շարաթ է, ինչ որ կուացել է
մի թղթի վրա: Եկուում է, տնջում: Բան է գրում կարճեա:

— Սոկրատ, ի՛նչ բանի ես:

— Զեկուցում ա: Պրոֆմիթյանն եմ տալու, որ մեր հյուրա-
նոցի աշխատավորության շահերը պաշտպանի:

Մի շարաթ է, որ Դային էլ չի խոսում, դեղնել է, շրթունքները
դողում են: Նկատողություն է սաացել «վերևից», թե «Մար-
տիրոսին չի կարելի մասնավոր գործով շուկա ուղարկել և ութ
ժամից ավելի աշխատեցնել»:

— Նստի, Դայի: Հը, ի՛նչ կա:

Դային հառաչում է ու նստում: Տերողորմյա է քաշում և աշ-
քերը թախծալի երազանքներով հառում պատուհանից դուրս:

— Զորացած տառեխի չէ նման:

— Մ-ծ... է... Աշխարհք է... (աշքերը պսպղացնում է)... Այշի,
հիմի կարծես, թե սրանք բան են հասկանո՞ւմ...

— Ովքե՞ր «սրանք», Դայի,— դիտմամբ խոսում եմ բարձր:

— Էս կոմունիստները, այշի...

— Դայի, էդպես մի խոսի, քեզ կբռնեն:

Կարծես մեկը գլխին բամփեց: Դային սմջում է, տաբուրետը
մոտեցնում կոնսպիրատիվ ձայնով:

— Հայ, ես էլ եմ ասում:— Ու շորս կողմ է մտիկ տալիս:

— Այշի սրանց ի՛նչ պենն ա գաստինիցա պահելը:

Միում է, դառն կուլ տալիս ծուխն ու ձեռքը ցայելով հա-
ռաչում:

— Պա մենք էլ խազեին ենք եղել, հո՛ւնց ենք արել: Հա՛յ,
հա՛յ... ինչ գաստինիցա եմ ունեցել: Պետերպոլկի դվարեց... Մին
երևելի ստալովոյ ունի, որ գուբերնատուրը ներս մտնելիս մաթ էր
մնում: Էն հիանալի կարգ ու կանոնը, էն կոխտա կերակուրները,
էն կանֆետի պես աղչկերքը, Սերափիոն Կասպարիչի տղերքը, Սա-
փարոզլու տղերքը, Միշեն, Կոլյան, ի՛նչ քեփ անող, ուտող խմող
տղերք էին... Դիփ վիդով, կնյազի պես տղերք, մսխող... փայտոն-
ները զարավուլի պես պողեզղում կանգնած, սաղ գշերը քեֆ, մա-
րաքա, շախկարա, տանցեայթ...

Միում է ու կարոտալից աշքերը գցում պատուհանից դուրս:

— Հը.. Նոքար 777: Նոքարը կարա՞ր հակառակ խոսք ափի:
Այ ըսենց բռանս միջին էր: Աշքերս որ վրան մի հլորեի՛ էն ա,
կշորանար տեղն ու տեղը: Հա՛յ գիզի Աբասթուման...

Իհարկե շեմ հարցնում, թե ի՛նչ բան է այդ անհասկանալի
Աբասթումանը:

— Հիմի ի՞նչ: Նոքարը նոքար չի, խազեինը խազեին: Քանի ուրբը խակի իմանում ե՞ն: Մինը նալին ա խփում, մինը՝ մեխին: Քի՞մ-քի՞մ:

Եվ իբրև վերջին արգումենտ.

— Այ՛շի, մեկի անունը որ Սոկրատ ըլի, ի՞նչ կլինի:

Ճրրալուվ վեր է կենում, մի երկու տրորվում է ոտի վրա և.

— Ի ի ի... «գեթտի բյուլբյուլ, գեթտի գյուլ», «խտար աղա, իստար գյուլ»:

Պուռ բաց արի ու ճամփու դրի ողբերգական Դայուն:

Կեսգիշեր էր: Հյուրանոցը քնած: Դուրս եկա կորիզորը: Ներքեից պարզ լսվում էր Սոկրատի հեզելով ընթերցումը: «Խը Սը Հը Մը — յապոնական համաձայնագրի շուրջը»:

— Այ զահրըմար քեզ, քար ու քացախ, — մրթմրթաց Դային: — Տես թո՞ղ ա անում քի նոմերի մարդը քնի՞...

ԿԱՅԱՐԱՆԻ ԱԿՈՐԸ

Դեռ գնացքին մի կտոր ժամանակ կա: Լուռ է երկաթուղու կայարանը: Հանգիստ քնած է ուղտի ականջում:

Բայց Ակոբն արգեն պոստի վրա է: Երկաթուղու պահակային զորամասից եկել հսկում է պլատֆորմին:

Ակո՞բը... Ուրիշ տղա է: Ղարաշուխալու՞: Նոր մկրատի՞ վերջին կաղապարի:

Առո՞ջ՞ ինչպես կարմիր բողկ: Կայծե՞րը կհանի: Կազմը-վածքն այնպես է հիմնավոր ու պլանը պինդ գցած, որ երկու հարյուր տարի կդիմանա:

Եվ ահա կանաչեզր զինվորական գդակը ծուռ դրած, հրացանն ուսին կախ, շալվարի տոտերը անհնարին ուժերով պրկած երկարավիզ կոշիկների մեջ — բո՞թ, բո՞թ — քայլում է ետ ու առաջ: «Սապուկ»-ներ չեն, այլ զրահապատ գնացքներ, դրետնոտներ: Կրակի պես սրբող «չիստիճին» անաստված պլպլացրել է...

Ճոճոցը ողջ գավառում լսվում է:

Ահա հսկում է, ետ ու առաջ մտիկ տալիս, սրա նրա ձեռքին նայում:

Գողությո՞ւն, «սեմուչկա» շրթե՞լ, պապիրո՞ս, ձվի կճեպ նե-տե՞լ... Լուցկի որ ընկնի վար՝ ձեռաց կիմանա, պրոֆեսիոնալ ականջը... Խեթ-խեթ մտիկ է տալիս գցողի կողմն ու.

— Ընկե՞ր, չի կարելի:

Արդեն բնագողորեն գիտե, թե այս բոպեխս ինչ է կատարվում պլատֆորմի վրա, ներսը՝ կայարանում, բուֆետում... գավառում: Գիտե, թեև իր գործը չէ գիտենալը, թե ուր են գնում այս-ինչ որբանոցի աշակերտները, ո՞ր էքսկուրսիան կհասնի այսօր:

Առավոտը ծեզը ծեգեց թե չէ՝ Ակոբից իմացիր, թե քաղաքի որ ճաշարանում ի՞նչ քեֆ է եղել և ո՞ւմ քիթն են ջարդել: Արդեն լուսաբացից առաջ լսել է «կողմերին»: Ինչից է թե ինչպես՝ թեև

հետեւերը գործ չունի, բայց քաղաքից ամեն մարդ, որ դիպչում է կայարան, պիտի տեսնի Ակոբին և մի բան պատմի:

- Ակոբ, իրիզվա պոյեզդով դալթադչեցի Սերոբը շանցա՞վ:
- Չէ, առավոտս պիտի գա, քթոցով հավկիթները ջարդել է:
- Մո, դրո՞ւտ, վա՛յ իմանա՞րզ: է, ճենճոն քաղա՞քն է:
- Նախճըվան գնաց: Գալ շաբթու գուքա:
- Քաղա՞քը ինչ կա:
- Հետո մտիկ է տալիս Ակոբին ոտից գլուխ.
- է, իո լա՞վ լավ ես:
- Ջանսաղութեն, փափախիս տակը ման գուքամ:

Հարցնողին արդեն այդքանը բավական է: Ակոբաշափով կարելի է լավ իմանալ, թե ինչ կա գավառում: Եվ երբ Ակոբը ասավ, թե ամեն բան լավ է, ասել է աշխարհքն իր տեղն է:

Այն էլ ճիշտ է, որ Ակոբը ծառայության կանչվելով՝ պաշտոնապես կտրված է քաղաքի կյանքին մասնակցելուց:

Գնացքի ժամանակը մոտենում է:

Ակոբը աչքը շորս է անում, որ մի անկարգություն որսա: Բայց անկարգությունը գնդակով շես կարող վայր գցել: Չկա:

Մի էշելուն է եկել Երևանից և կանգ առել կայարանից հեռու: Կարմիրբանակայինները ցատկում-թռչում են վագոնները, իրար բռնում, ծիծաղում:

Մի շոգեկառք գոմեշի պես տրլընգալով ետ ու առաջ է շարժվում ու փնչացնում: Մի քիչ հեռու շիկչիկում է դեպոն: Կուպրինավթի հոտը սրվում, լողում է օդի մեջ: Կայարանից լսվում է հեռախոսի ճնկճնկոցը: Ահա և քաղաքից կառքեր են սլանում լեղապատառ՝ նահապետական փողիների հանդիսավոր շքախումբը հետեները գցած:

Եվ օրը պլպլում է, ծիծաղում, ինչպես կարմիր գաթա:

Կառքերը խցկվում են կայարանի հետևում, վեր են գալիս պատկոմներ, ապլաներ, կաշվեմարդիկ — խորհրդային ծառայողներ, ամերիկյան որբանոցների սանուհիներ՝ ճերմակ բրդե գուլպաներով և ընդարձակ շուստերով:

Պլատֆորմը կենդանացավ: Հեռզհետե բազմությունը լըցվեց, ժրեց ու մուտոցը գցեց: Կայարանի ներսը մի դժվժոց է, որ կարծես կանանց ընդհանուր բաղնիս է: կամ հրեաների սինագոգ:

Ահա մի խումբ տարբեր հասակի ապլաներ եկան ու սերվիզի պես շարվեցին գծի հենց եզրին:

Երևում է, որ բնակչության այն խավերից էին, որ երեք տարին մի անգամ հազիվ են գալիս կայարան: Դանավուր շորե-րով էին:

Պառավներից մինը նայեց Ակոբին ու բռթեց մյուսին.

— Ջանրմ, աս մեր Ակոբը չէ՞:

— Ակոբն է,— հաստատեցին մյուս կանայք ու հետաքրքիր մտիկ տվին Ակոբին, որ կանգնած էր ինչպես ինքն Աքիլես և հանդիսավոր հսկում էր:

Պառավներն սկսեցին դես-դեն մտիկ տալ: Ինչ-որ արտակարգ հուզման էին ենթարկվել, ընկնելով մի աղմկալի կենտրոն իրենց այն թաղից, որի անդորրությունը խանգարողը լինում էր շատ-շատ հարևան թաղից գաստրոլի եկած մի աքլորի մենամարտ՝ աքլորական շուկայի ազդեցության գոտու համար կամ շների մի համառոտ գզվոտուք և կամ տղամարդկանց երեկոյան զրույցը զայ-ֆախանայի ցերեկվա զրույցի մասին և այն մասին՝ թե «կոոպերատուրը» չի՞թը քանիսի է բաց թողնում:

Հիմի ընկնելով այդ կայարանը, մի ավելի որոշ՝ քան անորոշ երկյուղով կանայք մտիկ էին տալիս կայարանի իրարացման: Արդեն մարդիկ այնպես էին վազվզում, կարծես բոլորը քաղաքից փախչում են: Կայարանի դուռը բացվելիս ներսից պոռթկում է տոմսակ առնողների խուճապ գցող մուտոցը: Իսկ հեռուն էշելունն է կանգնած՝ նա էլ է գնում...

Ջանզը տվին (գնացքը դուրս է եկել վերջին կայարանից): Պլատֆորմը շղայնացավ:

— Ակոբ ջա՞ն, աս զորքը կերթա՞, ինչի՞ կերթա,— անհանգստացավ պառավներից մինը:

— Բան չկա, մերս, մի՛ վախենա,— «հասկանում է» Ակոբը,— լազո կերթա:

— Հա՞, օտացդ մեռնիմ... թե չէ... — Հանգստանում է պառավը:

— Ինչի՞ կանհանգստանա, մե՞րս, աշխարհք խո իրար շանցա՞վ:

— Քա եթի՞մ, տենն գուրս եմ էկե՞՞ զարիպի պես եմ: Ղարիպն ու ջոռը մեկ է:

Ու հանգստանում է: Որովհետև երբ որ Ակոբբը առավ՝ էլ բավական է. ասել է աշխարհք հանգիստ է:

Ակոբբը ամեն բան գիտե:

Պառավները մտիկ են տալիս Ակոբբին, որ պինդ կանգնած է ինչպես հեղինակություն, սրա ծանր հրացանին, հաստ կոշիկներին ու լցվում գորովանքով:

Երևանի գնացքն եկավ, դղրդաց ու կանգնեց: Ապա սուլեց: Մարդիկ հարայ տալով, բեռները առջևից-հետևից կախ՝ խոյացան առաջ: Բեռները առաջ լողացին սառույց կոտորող նավերի պես: Հայհոյանք, հրմշտուք, հիմնավոր հարվածներ ու բռնոցներ:

Պառավները շփոթվեցին և խուճապի մատնվեցին:

Բազմություն միջից մի հասակավոր կին համարյա լացով որոնում էր պառավներին, որոնց գտավ վերջապես և ապա վազեց գեպի վագոնները:

Ակոբբը գնաց նրա վրա.

— Ո՞ւր կերթաս, մերս,— դիմեց տուպրակավոր կնոջը:

— Երևան կերթամ, տղես կարմիր բանակ է:

— Կեցի՛, — ու Ակոբբը երկաթի պես բռնեց նրան,— Երևանու պոյեզդը աս չէ: Ետ քաշվի, իմաց կուտամ:

— Հա՛, օտացդ մեռնիմ:

Հանգստացան, տենչանքով նայեցին Ակոբբին ու հառաչեցին:

— Ինձի չե՞ս ճանչե:

— Ինչի՞ չեմ ճանչե. Սեթոյի մերը չե՞ս: Ի՞նչ կենե Սեթոն,

լա՞վ է:

— Ի՞նչ գիտնամ, նամակ էր էկե, հիվանդ է: Պիտի էրթամ տեսնեմ ի՞նչ է էղեր:

— Ի՞նչ պիտի էղնի: Հիվանդ է՝ կլավանա,— որոշում է

Ակոբբը:

Կարմիրբանակայինի մայրը հարցական նայեց Ակոբբին.

— Հը՞, Ակոբբ ջա՞ն, հրճե՛ր պիտի լավնա՞ խեղճ անասունս,— լացակումած հարցրեց մյուս պառավը, ըստ երևույթին կարմիրբանակայինի տատը:

— Կլավնա, մերիկ ջան, կլավնա՛, հեշ դարդ մի էնե:

— Մեռնիմ իրեն. սուրբ Աստվածածնա խոստըցեր եմ, Սեթոս օր լավնա՞ գառմ պիտի մատղեմ, Երբ օր կըսես կըլավնա, ըսել է՝ կըլավնա:

Ակոբբը ավելի լրջացավ:

— Զանրմ ինչի՞ պիտի չըլավնա: Սավեստիկի իշխանություն է, հեշ կրասնարմե՞յց կըթողնե որ հիվանդնա, յա բան պատահի: Հե՛շ, սրտերդ հանգրստ պահեք. հիմի բալչեկիկ պառավիները ուրիշ տեսակ են:

Պառավը ձեռքը բարձրացրեց աղոթքի:

— Հառավոտ, իրիգուն սուրբ Տիրամոր կիսնդրեմ՝ ինքը բարեխոս ըլի, օր բալչեկիկն սապուկը ղայիմ կպած մնա մեր հողին վրա:

— Քա հըլվը՛թ օր, բալչեկիկն պահողը աստված է,— ձայն պահեց կարմիրբանակայինի մայրը:

— Լուս իչնի Լենինին գերեզմնին, սրբոց դասը դասվի,— շարունակեց առաջինը,— էնիկ չէ՞ր, օր քաղաքը պրծուց: էէէ՛ է — սաղ աշխարհքը հաց լցուց, լիացուց:

Մի խումբ երիտասարդներ եկան պլատֆորմի մյուս ծայրից թևերն իրար ուսով գցած: Երևի կամ ճամփու դնողներ էին կամ պարապորդներ: Մոտենալիս լսելով պառավների և Ակոբբի կրոնական գրույցը՝ նրանցից մինը մի ասեղ բաց թողեց.

— Հը՞, Ակո՛բբ, բանդ Աստվածածնա է ընկե, կրոնական հարբեցողություն կենես:

— Կրոնական հարբեցողություն էնողը մըլած պապի՛դ տեսներիր,— խեթեց Ակոբբը,— դու չէի՛ր, օր զագս ու ժամ իրար խառնեցիր:

— Մո, վո՞վ:

— Վով ըսողը:

— էրեսդ խա՛շ հանե: Ես ժա՛մ եմ գնացե, թե՛ զագս:

— Զա՛գս... ճժե կոնրկիս: Գիտեմ ինչ զագս էր տերտերը գլուխդ վրա:

— Մո, այ օղուլ, տերտերը զոքանչս բերե՞ց, թե՛ ես: Բարեկամ էր՝ կանչել են տուն քեֆի, ինձի ի՞նչ:

— Հա՛. տերտերը բարեկամս էր, տիրացուն քեռուս տղեն,— էս մեկը նապաստակի ջուրն էր, էն նապաստակի ջրի ջուրը: «Կրոնական հարբեցողություն»... քեֆդ բո՛ք պահե, մենք էլ ենք շուն կուլ տվե, էլ էդ տեսակ բաներ չենք մարսե:

— Ապա ինչո՞ւ մարսեցիր: Պառավները կոմունիզմդ ժամ տարան բերին:

— Իմ կոմունիզմս ժամ շտարան: Կրասնարմեյցի մեր է, լեզուն էդպես կղառնա: Մի՛ վախենա, «սրբոց» ըսելով լենինը սրբոց չեղավ: Խոսելը վնաս չունի — սիրտը մաքուր էլնի: (Կարմիրբանակայինի մորը) էս կո՛ղմը, կեցի, պոյեզդը կուգա, տակը չընկնիս:

Հանկարծ աչքը կարթեց մի բարձրահասակ երիտասարդի, որ տուն վերադարձած կարմիրբանակայինի շորեր ուներ հագին:

— Ընկե՛ր, պլատֆորմի վրա չի կարելի աղտոտել:

— Ես չեմ աղտոտե, — հերքեց երիտասարդը:

— Ատկա՞ց ինչի կենես: Քեզի կըսեմ մի աղտոտե՛ մի՛ աղտոտե:

— Շառ ե՞ս, ծո՛, — բողոքեց երիտասարդը:

Ակորը հայացքը մեխեց նրա աչքերին.

— Դու կրասնարմեյց էղել ե՞ս:

Երիտասարդը չպատասխանեց և իր հերթին աչքերը շոշով նայեց Ակորի աչքերին: Հետո աքլորի պես.

— Դո՛ւ ում կո՛ւտեցնես:

— Ուտեցնե՛լս որն է: Պառլամեկ նառուշիտ կենես ու հիմի եկել ես աչքերուս մե՛ջը կաշես:

Երիտասարդը մի քիչ մոմոաց և նայեց ուրիշ կողմ: Հետո զանգատվեց.

— Բերանդ մեզի վրա կբացվի, այ օղո՛ւ: Աչքդ ինձի՛ տեսավ:

— Հա՛, աչքս քեզի տեսավ: Սեմուշկա ինչի՞ կըթես:

— Ե՞ս եմ սեմուշկա չրթե, ըհը՛, սեմիշկա՞ է:

Բաց է անում բուռք և ցույց է տալիս լուցկին:

— Գիտեմ սեմուշկա չէ, հըմը քա՛նի անգամ ներսը չրթեցիր: Աչքս չի տեսնի՞, — համառեց Ակորը և հրացանի փոկը ուղղեց ուսի վրա:

Երիտասարդը հեռացավ ու գցեց.

— Կարմի՛ր տաքդեղ ես:

— Կարմիր տաքդեղը ես չեմ, — հետևեց նետեց Ակորը, — կարմիր տաքդեղը պոավիլան է: Ո՛ւմ ղուռութի՞շ կենես:

— Հը՞, Ակո՛ր, — խաշում ես հա՞, — Երծաղելով անցավ մի բանվոր:

— Դաղում, ճենճերն է հանում, — խոսեց մի ուրիշ ծառայող ու գնաց նրա հետևից:

Ակորը շուռ եկավ նրանց կողմը.

— Ես ի՞նչ, այ օղուներ: Սլուծբա է, մորքուրիս տղեն չէ: Հետո մի հավելված շորս կողմը հավաքվածներին.

— Ղուռումսաղներ, դայֆախանա չէ, պլատֆորմ է: Մեծ-մեծ բրդին էլ նո՛ր սորվաք, Խոսք բմ կըսենք թե չէ՝ թափարլամիշ կենեք:

Մի երեսը լպստած նեպման, որ նայում էր այս տեսարանին՝ մեջ մտավ և նկատեց Ակորին.

— Գիտես, պարոն, ստառի ուժիմի ժամանակ ժանդարմներն ավելի аежливый էին: Պետք ա, ну, как там, сквозь пальцы смотреть. — Ու գնաց:

— Խելթիդ պուտուկը սիրեմ. կոնտրուկուցիա, Սողոմոն իմաստունին թամբեցի՛ր... — կպցրեց Ակորը, — Սավետակի իշխանություն է, ըսավ՝ կտրե՛ց: Մենք մեր բանը լավ գիտենք: Հետո.

— Թքեմ կրնկիր: «Պարո՛ն»: Պարոնը գնաց Զանգեզուր:

Վերջապես Թիֆլիսի գնացքը եկավ:

Ակորն սպասեց, որ եկողներն իջնեն: Հետո երբ կարգն եկավ նստելու, բռնեց կարմիրբանակայինի մոր թևից ու շոգեկառքի պես տարավ դեպի վագոնը.

— Ե՛լ, նստի: Հանգիստ քեզի համար, քու տանդ պես: Ստանցիները շիջնես: Սեթոյին շատ բարև:

Կինը բարձրացավ, դռան մոտ շնորհակալ եղավ ու ներս գնաց:

Աբլաները քիթ ու մուռները ծոմոցեցին, աչքները տրորեցին ու կարմիրբանակայինի մորն ու նրա Սեթոյին աստծուն հանձնելով, գնացին կանգնեցին վագոնի պատուհանի տակ:

Գյուղացիք դուրս պոռթկացին կայարանի դռներից և այնպիսի մի վերջին դատաստանային խուճապով բոթեցին սրան-նրան, կարծես դա նրանց հատուկ պաշտոնն էր:

— Ո՛ւր, ո՛ւր, ո՛ւր կքշեք, — արգելեց մի վաճառական, — էստեղ պլացկարտ է:

— Պլացկարտդ կոնըկիս, — ասաց մի գյուղացի և ուսվիրեց զեպի այլ վագոն: Մյուսները խուճապեցին նրա հետևից:

Գնացքը մեկնեց: Դարձյալ կաթվածն իջավ կայարանի վրա: Ճամփու դնողներն սկսեցին քաշվել:

Ակորը նայեց գնացքի հեռացած կողմը, գդակն իջեցրեց աչքերին, հորանջեց: Ու աչքը մեքենաբար դարձրեց սրա նրա վրա: Եվ ահա նկատեց մի «խուժան», որ աչքը գետնին՝ պտտվում էր գծի վրա մնացորդ որոնելով:

Ակորը նրան նշան բռնեց ու աչքերը խոժոռեց վրան.

— Մո՛, սալախանա շուն, էլի՞ էկար էստեղանները:

Խուժանն աչքի տակով նայեց Ակորին ու շարունակեց որոնելը:

— Էլի փախե՞լ ես մանկատնեն:

— Տեղ չկար:

— Տեղ կա, հըմը աչքդ գողության է: Սորվել ես խոզի աղտի մեջ պառկելու: Դե հայդե:— Ուզեց քացի տալ, բայց խուժանը սմքեց ու մնաց:

Ակորը նայեց նրան, զլուխն օրորեց ու վճռեց.

— Լավ: էգուց արի Կարոյի դուքանը, ես քեզի տանեմ դուրդար Պետրոսի քով — դուրգարութեն սորվե:

Տղան ըստ երևույթին համոզվեց:

— Արհեստ սորվի, մուրալով, փախցնելով փո՞ր կկշտանա: Ա՛ռ, էսօր գնա կշտացի, էգուց արի:

Ու ձեռը գրպանը տանելով դուրս բերեց իր անդնդախոր պորտմանեն, կոշտ մատները կոխեց մեջը, հանեց երկու պայտի շափ պղնձե շահանոցներ, երկու խորհրդային կուշտ, առատ շահանոցներ և տվեց տղային.

— Դե, քելե, վազե, շափո՛ւկ:

Տղան ցեխոտ թաթը պինդ սեղմած, քիթը խպշտեց ու վազեց:

Ակորը դես-դեն նայեց, աչք ածավ պլատֆորմին, հանեց գլխարկը, մազերը սղալեց ու քոթքոթացրեց կայարանի հետևը:

1927 թ.

ԷՇԵԼՈՆԸ

Նրա որդին՝ Նիկոլը՝ 1920 թվից դեսը չկար, չէր երևում:

— Կգա, մենակ ճամփաները որ կտրված են, դրա համար լուր չկա:

Ուրիշ ի՞նչ կարելի էր ասել մի խեղճ մոր, որի միակ որդին գնացել է պատերազմ, հինգ տարի է չի երևում:

Մայրը հանգիստ չունի այն օրից, երբ իր Նիկոլին տարան, այդ խեղճ ու կրակ ատաղձագործին, որ մինչև վերջին օրը ուրազը ձեռին, ոտի վրա գործ էր անում՝ կարկատելով պատլիկ խանութներ, նեղլիկ դռներ, աթոռ, սեղան...

Նրա կերպարանքը դեռ երևակայության մեջ տպված է. նիհար, նրբակազմ մի տղա, թախծալի, մտերիմ ժպիտն աչքերի մեջ: Եվ անխո՛ս: Միայն կժպտար: Բան ասելիս է՛լ մեղմ, անլսելի:

Նրանից ոչ մի գանգատավոր չի եղել քաղաքում: Այդ գավառական քաղաքի չքավոր ծայրամասերը շատ լավ էին ճանաչում բարի Նիկոլին: Տուն չի եղել, որին մի բանով օգնած չլիներ. դուռ էր կոտրած լինում, պատուհանի փեղկ, օրորոցի ոտ՝ եթե չքավոր տեղ էր՝ Նիկոլը մի արանք կգտներ, կգար ձրի կշիներ:

— Նիկո՛ւ, արի՛, հացը գցեցի:

Վեր կկենար ու նեղսը մոր հետ կնստեր համեստ ընթրիքի:

Մայրը կխոսեր, կպատմեր, կբացատրեր՝ Նիկոլն ականջ կգներ:

Չէր խոսի: Միայն մեղմ կժպտար:

Ահա այդ Նիկոլին էր, որ տարան պատերազմ, ու կորավ:

Մնաց մայրն ու պատլիկ տնակը — դատարկ լուցկու մի տուփ՝ մի դուռ, մի պատուհան, երկաթուղու կայարանի մոտ:

Մայրը չէր իմանում թե ում դիմի, ումնից տեղեկություն ստանա իր որդուց: Հարցրել էր քահանային, ծանոթ խանութպանների, կայարանում մեքենավարներին, դպրոցի ուսուցչին: Ասել,

բացատրել էին անորոշ բաներ—միտքը չի մնացել: Չի հասկացել: Եվ հիմա ի՞նչ պիտի անի, այդ էլ չգիտե: Իհարկե ամենքին խոսեցնում է, որ մի նշան, մի հնար երևա:

— Հիմի, տիկին,— ասաց մի գրագիր,— դրա պոսվիլան էս է: Դու պիտի գտնես տղայիդ շաստը, թե որ դիվիզիան, որ պուկըն է եղել: Մի գայավլենի կտաս վոյենաշալնիկին...

Շատ բարդ է...

Եվ մայրը տխուր նայում է գետնին և զլուխը ցնցում:

Մի միլիցիոներ էլ այսպես բացատրեց.

— Էսպես է, մե՛րս: Էդ գորամասը Ղարսից քաշվել եկել է լենինական, ու էնտեղից կամ Ղարաքիլիսա է անցել կամ Երևան: Քո տղեզ էլ հետեները եկած կլինի:

— Հա՛, եկած կլինի:

Ու մայրը հրահրվում է մի գաղտնի հույսով:

— Հա, թե որ եկած լինի, էդտեղերը եկած կլինի:

Հարևան կանայք էլ վրա են բերում.

— Ուր է, ուր չէ՞ վե՛րջը-վե՛րջը կերևա: Երեի ճամփա չկա:

Ու գաղտնի իրար են նայում աչքի տակով:

Բայց անցնում են օրեր, իրար վրա դարսվում, դառնում ամիսներ, ամիսները դառնում տարի...

Միշտ միևնույն բանը — ոչինչ չի փոխվում այն բանից, որ նիկուր չկա:

Ու հարևան կանայք դադարում են նրա մասին խոսելուց:

Նա էլ չի խոսում:

Հասկանալի բաներ կան, որ եթե խոսվեն, դառնում են անհասկանալի:

Ու տեսնելով խեղճ կնոջ իրարանցումը, կայարան գնալ-գալը, հարց ու փորձը, հարևանուհիներից մինը մի օր նկատեց.

— Մե՛րս, էդպես գնալով գնալով մի բան գուրս կգա՞ որ:

— Հա՛... Համա ո՞վ գիտե...

Յույց է տալիս, որ հույսը կորցրել է, բայց իր մեջ չի կոտրում, ընդհակառակը շոյում, մեծացնում է այդ հույսը:

Ու երբ կայարանից կամ ուրիշ փողոցներից վերադառնում է տուն՝ կրակ է անում, կերակուր դնում վրան, նստում կողքին, գուլգու գործում... և սպասում նիկուրին:

Այդպես լավ է: Ա՛յ, ամեն ինչ պատրաստ է: Ուրիշ էլ ի՞նչ է մնում, որ իր տղան գա տուն:

Իհարկե ոչինչ:

Գնացքները գիշեր-ցերեկ դորդալով գալիս անցնում են փողոցի տնակի առջևով: Ամեն աղբի, սեռի ճամփորդներ վժժում են վագոնների պատուհանների մոտ:

Մայրը նստում է դռանը, պաղ քարին ու մտիկ է տալիս գնացքներին՝ աչքերը լի մշուշով ու թախիժով:

Վագոններից մարդիկ են դուրս գալիս:

— Հը՛, էն մեկը, նիկուր չէ՛...

Միտքը թրթռում է, գուլպան վայր է դնում ու շտապում կայարան:

Ճամփորդների աղմկահույզ ամբոխը մի կարճ ժամանակ իրար է անցնում, գոռում, վազվզում ու նորից շոգեմեքենան սուլում է, նորից կայարանը գատարկվում...

Մայրը հառաչում է, մի քիչ էլ կանգնում, նայում գնացքի ետևից, ապա դառնում տուն: Նա չի հուսահատվում: Ճամփին քաղցրացնում է երևակայությունը — և դա արդեն սովորություն է դառել — երազում է, որ իր որդին քաղաքի ուրիշ ճամփով է եկել տուն:

Հեովից նայում է՝ արդյոք դռան մոտ մեկը չէ՞ կանգնել՝ իրեն սպասում:

— Ներս մտած լինե՛ր...

Բաց է անում դուռը.

— Նիկո՞ւ...

Ոչ որ: Սենյակը դատարկ է, ինչպես միշտ:

Դե նա գիտե՞ այդ: Բայց այդ ամենը նրա ամենօրյա գրազմունքն է, գործն է, որով լցնում է նա իր գոյությունը:

Մայիսի վերջերքն էր: Դաշտերը ծալտում էին իրենց կանաչ աչքերով:

Ինչ-որ ձայներ հեովից կանչում էին ո՞ւմ որ, շեռ իմանում ինչու՞:

Մի կարմիրբաճակաչին էշելոն էր եկել կայարան և հանգրս-

տանում, թե հերթի էր սպասում, որ ճամփան շարունակի դեպի լագերը:

Նիկոլի մայրը՝ հնազանդ իր սովորության՝ քայլերն ուղղեց դեպի կայարան, դեպի անսովոր աղմուկը:

էջելունն իր ձիերով, խոտերով, երիտասարդ ձայներով կայարանից քիչ հեռու տարածության մեջ ժամանակավոր կյանք էր սկսել: Հարյուրավոր շիկահեր ու սյավ գլուխներ էին վժվժում վագոնների շուրջը: Մատաղահաս կարմիրբանակայինները ծիծաղում, իրար բոթում, իրար գլխի բամփում, հռհռում էին: Ոմանք գործ էին անում:

Ահա մի սեւաշյա կարմիրբանակային քրտինքը թուխ այտերից կաթեցնելով, դույլը ձեռին գնում էր ջրմուղից ջուր տանելու:

Նիկոլի մայրը կանգնեցրեց նրան.

— Տղա՛ ջան, կեցի բեզի բանըմ հարցնեմ:

Կարմիր գինվորը կանգ առավ, բայց անհամբեր ու շտապով հարցրեց.

— Ի՞նչ կա:

— Օտա՛ցդ մեռնիմ, ախր մեր նիկոլը... նիկոլն էստեղ չէ՞:

— Նիկո՞լը, ազգն ի՞նչ է:

Կինը լարվեց.

— Ա՛զգը: Ազգը հաշատուրյանց է:

Կարմիր գինվորը մտածեց մի քիչ.

— հաշատուրյա՞նց: Ո՞ր վաշտն է:

— Չիտեմ:

— հաշատուրյա՞նց:

Ու դարձավ դեմից եկող մի ուրիշ կարմիր գինվորի.

— Սեթո՛: հաշատուրյանց ո՞վ կա գնդում:

Ուրիշները վրա եկան.

— Ո՞ւմ է հարցնում: հաշատուրյա՞նց: Նիկո՞լ:

Կարմիրբանակայինները եկան շրջապատեցին: Ու մտածում են:

— Ո՞վ պիտի լինի:

Սեթոն հարցրեց.

— Վաշտը չգիտե՞ս:

— Ի՞նչ գիտնամ, ո՛չ ճար գիտեմ, ո՛չ ճամփա: Անունը նիկոլ է, հաշատուրյանց, կոնսիստորի թղթի մեջ Ղարիբյանց — հաշատուրյանց է:

— Տղե՛րք, — դարձավ Սեթոն դեպի վագոնները, — նիկոլ հաշատուրյանց ո՞ր վաշտում կլինի:

Մի լուրջ, գունատ դեմք դուրս նայեց վագոնից.

— հաշատուրյանց ես եմ, ո՞վ է հարցնողը:

Կինն աչքը սևեռեց այն կողմը և վախեցած նայեց.

— Չէ, այն չէ, — խոսեց ինքն իրեն կոտրված: Առաջուց գիտեր թեև, բայց էլի հույս ուներ: Ո՞վ գիտե, գուցե...

— Գնդի մեջ ուրիշ հաշատուրյանց չկա, — ասաց Սեթոն սիրտը կոտրած մորը: — էդպես է, չէ՞, տղե՛րք:

Կարմիրբանակայինները գլուխները կասկածով թե բացասաբար շարժեցին.

— Չէ՛, չկա:

Ու լռեցին:

Գունատ կարմիրբանակայինը վայր իջավ վագոնից ու մոտեցավ կնոջը.

— Ե՛րբ է ծառայության մտել:

— Հինգ տարի կա:

— Հինգ տարի՞... էդ ասել է՞ հին բանակումն է եղել: Ո՞ւր է գնացել:

— Ղարսա կողմերը:

Կարմիրբանակայինները հազիվ զսպելով իրենց ծիծաղը՝ ժպտացին:

— է, ի՞նչ էնեմ, հինգ տարի է կսպասեմ, կսպասեմ թե կերեա հա կերեա, հե՛ջ չի երեա:

— Թիֆլիս, Բաքու, Երևան հարցրե՛լ ես, — ասաց գունատ կարմիրբանակայինը:

— Է՛հ:

— Ու հինգ տարի է սպասում ես թե որդիդ գա տո՛ւն...

Մայրը շրթունքները ծոմոնց ու սկսեց հեկեկալ:

Կարմիրբանակայինները ժպտալով մտիկ տվին և չէին իմանում ի՞նչ անեն:

Մի ուրիշ կարմիրբանակային մոտեցավ ու կլոր երեսն ընկերների ուսերի արանքով կասկարմիր գնդի պես ներս խոթելով՝ խզեց լուսնյանը:

— Հա՛, ի՞նչ կա:

Բացատրեցին:

— Ի՛հ... Տղեզ մեռած կըլի, մե՛րս, գուր մի՛ սպասիր: Տղեզ էլ վերջացավ, էն բանակն էլ, էն հին բանակ էր... Հիմի նոր բանակ է:

— Կարո՞,— աչքով արին մյուսները:

— Ջա՛նըմ, թող լա, սիրտը իջնի: Հապա ի՛նչ: Մեռա՛վ՝ մեռավ: Սաղ ըլիմ ե՛ս:

Սեթոն հոհոաց ու բուռնցքով խփեց Կարոյի մեջքին.

— Հա՛յ սառակիս դու

— Խա՛չ: Սաղ ըլինք ես, գու, մենք:

Կարմիրբանակայինները բարձր ծիծաղեցին:

Իսկ կինը լաց էր լինում:

Մի ծանր քար, որ ահա հինգ տարի է նստած էր նրա սրտի վրա՝ շուռ եկավ հիմա: Եվ եթե նա բաց արեց իր քրգու գեղեզմանը, բայց մյուս կողմից էլ «նա» ընկավ նրա սրտից, հեռացավ: Աշխարհքը դառավ մի դատարկ բան, չբացավ ինքն էլ ու թեթեվացավ.

— էլ ի՛նչս մնաց...

— Ի՛նչը, մնաց աշխարհքը:

Կարմիրբանակայինները բարձր ծիծաղեցին:

Գունատ կարմիրբանակայինը, որ կարեկցությամբ նայում էր կնոջը՝ մեղմեց մի փոքր.

— Մի՛ նեղանա, մայրիկ, հանաք է անում: Քո որդին գնաց, մենք էլ քո որդիքն ենք:

— Էդ էլ դրուստ է,— ծիծաղեց Կարոն,— մեկը չըլի — հազարը ըլի: Այ տես — ու Կարոն գդակը հանելով բամփեց բոլորի գլխին — սրանց գլուխը թաղեմ, սրանք բոլորն էլ քո սրդիքն են:

Կինը աչքերը սրբեց ու հառաչեց.

— Հըգը՛ր՛թ որ... սաղ ըլիք դուք:

— Հեչ դարդ մի՛ անի, մե՛րս,— կատակեց Կարոն,— մի բան որ պատահի՝ այ էսպես հուպ կտանք:— Եվ հուպ ավեց Սեթոյի վիզը:

— Վա՛յ, վա՛յ, վա՛յ, տո՛, կամա՛ց,— ծվաց Սեթոն ու վիզն ազատելով ընկավ փախչող Կարոյի հետևից:

Կարմիրբանակայինները ծիծաղելով նայեցին նրանց կողմը: Սեթոն հասավ ու բռնեց Կարոյին: Սա շուռ եկավ ու սկսեց պաշտ-

պանվել: Սկսվեց կոխը: Բոլորը շրջապատեցին նրանց և կնոջից հեռացան:

Սա նայեց նրանց և մի անասելի հաճույք զգաց, մոր հաճույքը խայտացող երեխաների առջև: Եվ մի անգամ էլ գորովանքով դիտեց նրանց ու հառաչեց:

Ապա վերադարձավ տուն: Մոտենալով տանը, բաց շարեց դուռը, ներս չմտավ:

Այնտեղ այլևս ոչ ոք չկար: Նիկոլն այնտեղ չէր այլևս:

Մուժն ընկնում էր: Ձայնեքը լուեցին: Միայն դեռ լավում էր կարմիրբանակայինների անհոգ, երիտասարդ աղմուկն ու երգը:

1927 թ.

ՄԵՐԿԵ

Ծրր կենտրոնից առաջին ներկայացուցիչներն եկան գյուղ, այնտեղ սակավաթիվ բուլշևիկների հետ կազմելու գյուղի ունկոմը՝ նրանց դիմավորող երիտասարդների մեջ՝ ամենից առաջ կանգնած էր նա՝ ծերուկ Մերկեն:

Մերկեն չքավոր, անզավակ գյուղացի էր, ապրում էր իր պառավի հետ: Նիհար, ճիւղ մարդ էր, փորը մեջքին կպած, բայց նիզակի պես պինդ, ճկուն: Մի բանում միայն աչքի էր ընկնում շատ — արտակարգ ուրախ էր ու ժիր:

Ինչի՞ գնաց դիմավորելու, արդյոք ի՞նչ էր սպասում նա բուլշևիկներից — ինքն էլ չպիտեր:

Եվ մտքովն էլ չէր անցնում պատկերացնելու, թե ի՞նչ պիտի լիներ այն նոր կյանքը, որ բերում էին նրան:

Թե՛ քաղաքից եկածները և թե՛ դիմավորող գյուղացիները ու շղարձրին Մերկեի վրա: Դե, գլուխը խառն ժամանակ՝ ո՞վ պիտի զբաղվեր մի ծերուկով, որին երիտասարդները տարօրինակ մարդ էին համարում, իսկ ծերերն ասում էին.

— Ցնդած ա:

Ու բանի տեղ չգրին նրան, ոչ էլ նրա արթնացած հետաքրքրություն, որով նա առաջին օրերը աչքերը լայն բացած գնում էր ունկոմի շենքի կողմը և կոմիկ ժպիտով դիտում, թե ինչ են անում, կամ երբ գնում նստում էր առաջին ժողովներում ու միտինգներում ու ականջները սրած ունկնդրում խոսողներին:

Մերկեն շատ էր գնացել քաղաք իր հավերից մի երկուսին ծախելու, բան-ման առնելու տան կարիքների համար: Հազար անգամ անցել էր քաղաքի շենքերի մոտով, ակումբի, դպրոցների, ցիրկի, թատրոնի պատուհանների տակից, տեսել էր բուլվարում լրագրող կարդացողներին, նայել էր աֆիշաներին, տեսել հազար ու մի քեֆ, զվարթություն, տնտղել է մագաղիներին վիտրիններին

դրած տարօրինակ իրերը: Բայց այդքան ժամանակ — իր ամբողջ կյանքը — մտնելով քաղաք, երբե՛ք, — բայց երբե՛ք — մի օր, մի ժամ նրա մտքով չի անցել, թե դրանից մի փոքրիկ մաս, թատրոնի, կինոյի մի տեսարան, լրագրից մի լուր, ակումբից մի որևէ զվարճալի բան և վերջապես դպրոցից մի տառ իրեն կարող է հասնել:

Չարմանալի բան: Մի բոլոր չի հարցրել, թե ի՞նչ են դրանք, մտքովն անգամ չի անցել, որ դրանցից ինքն էլ կարող է բաժին ունենալ:

Կատարյալ՝ անգիտություն:

Ո՛չ իրենց գյուղում դպրոց է եղել, ո՛չ էլ ուսումնական մարդ է նայել այն կողմը: Գյուղ էր իր համար — ոնց որ դրած էր վայրի դաշտում՝ այնպես էլ մնացել վայրի, կորած, իր բախտին: Մարդիկ ծնվում, ապրում, մեռնում — ահա երեք դեպք, որով բազմազանվում էր այդ գյուղի կյանքը:

Մերկեն շատ էր սիրում հեքիաթ ասողներին: Օդայի, գոմի ջերմեռանդ այցելու՝ սիրում էր լսել օխտը գլխանի դեկրի, ջոշի պառավների, մուժ ու լույս աշխարհների հեքիաթները: Բայց և սիրում էր հարցնել գիտակ ծերունիներին, թե ինչ է աշխարհը, լուսինը, աստղերը: Արդյոք կանաչը որ բանում է՝ երկրի քաշը պակասո՞ւմ է, թե՞ ավելանում...

Բայց այդ գոմերից ու օդաներից դուրս՝ ինքն էր ու իր կյանքը՝ մենակ, անուրախ, մոխրագույն, չքավոր:

Եվ Մերկեն չէր մտածում թե արդյոք կա՞ մի այլ կյանք, կլինի՞ իր համար նոր կյանք, կտեսնի՞ որևէ նոր բան, թե այնպես էլ կմեռնի, ինչպես իր պապերը, ապուպապերը, ինչպես իր շրջապատի գյուղացիք:

Ահա թե ինչո՞ւ, երբ նա լսեց, որ քաղաքից մարդիկ պիտի գան ունկոմ կազմելու՝ դուրս թռավ տանից դիմավորելու:

Նրան եկողներից ոչ ոք չնկատեց, բայց նա նկատեց բոլորին և սկսեց անվերայ հետևել թե ինչ են անելու նոր մարդիկ:

Նոր մարդիկ չքավոր գյուղացի երիտասարդներին առաջ քաշեցին և սկսեցին նոր կյանքի հիմը դնել:

Մերկեն հետևեց, հետևեց և հանկարծ զարթնեց: Թունդ կպավ Սովետական իշխանության: Հասարակական որևէ ժողով լինել՝ առաջին ժողովականը նա էր: Ներկայացում դրվե՛ր՝ դեռ մի ժամ

առաջ Մերկեն կտնկվեք օդայի դռան: Ընտրական պայքարներին Մերկեն մինչև բուկը խրված՝ լողում էր միջին:

Եվ ուրախ էր, ծիծաղում: Մարդ կմեռներ գյուղում, կպատահեր, որ լուրը կբերեին Մերկեին:

— Մերկե, ախր Սոսուր մեռավ է՛, խեղճը:

— Ի՞նչ անեմ. սաղ ըլեմ ես, դու, խալխը: Մեռավ՝ կթաղենք:

Բայց ամենից շատ սիրում էր, որ գյուղում մի նոր բան էին սկսում: Ինչ կուզի՝ լինի. թեկուզ ծառատունկի օր: Կգնար իր բահով պիտներների հետ կփորեր, տնկիները կտնկեր, կերգեր, անեկ-դոտներ կպատմեր: Պիտներները կծիծաղեին: Պատահում էր նրանցից ոմանք էլ ձեռ կառնեին Մերկեին: Չէր նեղանա:

— է, ի՞նչ անենք. ջահել են, վնաս չունի: Ի՞նչս պակասեց:

Խրճիթ-ընթերցարանի անխուսափելի հաճախորդն էր: Երբ կարդում էին՝ խորին ուշադրությամբ կապույտ, պստպստան աչքերը կտնկեր ընթերցողի աչքերին և այնպես կենդանի, զմայլանքով կլսեր շինական, հնդկական, ավստրալիական բանվորների գործադուլների, քաղաքացիական կռիվների մասին, այնպես վառ տպավորությամբ կհամակվեր այդ ամենով՝ կարծես այդ բոլորը կատարվում էր իրենց գյուղում:

— Ի՞նչ ա ասում... Չան-Յո-Լինը... Վա՛յ, շուն-շա՛ն որդի: Հետո՞...

Հետո ուրիշ մի լուր կգար կինոյի արագությամբ բաց կաներ մի ուրիշ պատկեր.— անգլիական ածխահատների գործադուլը: Միևնույն է, դա էլ հետաքրքիր է, կենսալից, զարմանալի: Եվ Մերկեն:

— Կհաղթեն, չէ՞,— հարցնում էր սրտատրոփ խրճիթվար Մադոյանին, որը բարվոք էր համարում հանգստացնել նրան:

— Հա՛, իհարկե:

Մերկեի դրդամբ շատ բան էր կարդացվում խրճիթում. նրա պատճառով գյուղացիք հաճախ ստիպված էին իրենց գյուղի շարքացանի, տրակտորի և այլ խնդիրներից դուրս գալ և լսել նաև աշխարհիս երեսին պատահած շատ դեպքերի մասին:

Մերկեն գյուղի անհանգիստ տարրն էր:

Տեսնես ի՞նչ էր երևակայում աշխարհի մասին, ի՞նչպես էր աշխարհը և հիմա ինչ էր զգում, որ այդքան ազահուլությամբ վրա էր ընկել իմանալու, անվերջ տեսնելու, հասկանալու: Կարծես

ուղղակի գանձ էր բացվել նրա առաջ, և նա շլացած, ազահ նայում էր ու քանդում, քանդում:

Նա հարց էր տալիս լուսնի խավարման, երկրագնդի շարժումների, դարնան, ձմեռվա, բույսերի, ուրիշ երկրների մարդկանց մասին: Եվ խրճիթվար Մադոյանն ինքն էլ վարակվեց այդ ծարավի մարդու խուզարկու մտքով, սկսեց հաճույք զգալ բացատրելում, խոսելում:

Գյուղացիք, որ առաջ հորանջում էին, երբեմն էլ տրտնջում՝ հիմա իրենք էլ մի առանձին ճաշակ առան գիտելիքներից:

Մի օր էլ լիկկայան գնաց տեսնելու, թե ոնց են պարապում:

— Հը՞, Մերկե, կուզե՞ս գրագետ դառնաս,— հարցրեց Մադոյանը կատակով:

— Հե՛շտ ա, կըլի՞:

— Դժվար չի: Ուզո՞ւմ ես նստի տե՛ս:— Նստեց, դիտեց՝ ինչպես են հասակավորները գիրկապ անում: Հարցրեց ոնց են կարդում, իմացավ, որ բավական շատ տառեր պիտի ճանաչի, որ կարդա:

— Կավ, ասաց,— մի էնպես քյասա ձև չկա՞, երկու-երեք տառով կարդանք:

Չէ, չկար դժբախտաբար «քյասա» ձևը: Հետ կացավ մեծ ափսոսանքով:

Անձնական կյանք չունեի Մերկեն:

Տունը, իր պառավը, իր արտը, որ կիսարոով ցանում էր մի լծկանատերի հետ — նրան չէր գրավում:

Նա դրսի մարդ էր: Գեղամիջի, հասարակության: Այրվում էր ցանկությամբ՝ գործ անել, օգնել — բայց ոչ ուսում ուներ, ոչ հասակ... Նա էլ ուժ էր տալիս ուրիշներին խրախուսելու, առաջ մղելու: Դա էր նրա գործը: Եվ քիչ բան չէր: Քանիսներին՝ նա համոզեց բերեց լիկկայան, գրագետ դարձնել տվեց, համոզեց ժողովներին հաճախել, լսել, իմանալ, սովորել:

— Թող բան սովորեն, մեզ պես մութ չմնան:

Իսկ երբ մի հրահանգիչ, մի ուսուցիչ, մի կոմերիտ ճառ էր ասում, երկար բարակ ունկնդիրներին ման ածում և չէր գտնում բացատրության խոսքը, բանաձևը,— ասենք՝ մի վնասի մասին՝ Մերկեն թրի պես կտրում էր:

— Մինչև սելը շրջի՞՝ ճամփեն չի դրսովի:

Կամ երբ մեկը զեղծում էր արևը և գյուղացիք խոսք էին անում կոռուպերատիվը փակել՝ Մերկեն բանաձևում էր.

— Մի լվի համար կարպետը շեն վառի:

Փողովը կենդանանում էր, և վճիռը կայացվում:

Երբեմն էլ ձանձրալի էր նա — իր անվերջ հարցասիրությամբ, իր միամիտ ցանկությամբ ամեն բան իմանալ: Այնպես որ Մադոյանը շատ անգամ էլ կարճ էր կապում, անգամ ջղայնանում:

Եվ շատ քչերն էին մտնում նրա հոգին — տգետ, դարերով շորացրած հոգին, որ անապատի պես ծարավի էր մտավոր ցողի: Խավար գրի մեջ փակված այդ կենդանի միտքն այսօր տեսել էր պատովածքը մի նոր առավոտի և մղվում էր դ՛ուրս, դուրս, արևերես:

Եվ նրան կոպտաբար երբեմն կշտամբում էին.

— է՛, դե զահլա՛ տարար:

Լուում էր: Եվ ժպտում: Ոչինչ, կասեն՝ կանցնի:

Մի անգամ նստած էր քարին և մտիկ էր տալիս մարգագետ-նի վրա մարգանքներ անող պիոներներին: Մոտ եկան մի քանի գյուղացիներ, նստեցին:

Մերկեն թախծալի ձայնով հանկարծ հառաչեց.

— Լա՛վ բաներ կան, է՛, Լա՛վ բաներ:

Գյուղացիք նայեցին նրան մի քիչ հեզնությամբ:

— Դու էլ ի՞նչ ես գլուխդ կորցրել, տնաշեն,— հանդիմանեց մի երիտասարդ գյուղացի,— էդ Լավ բաները հո նոր չեն: Վարժապետին հարցրու. ասում ա՛ Ամերիկա մի ամսում քաղաք են շինում, միջին ապրում, հետո քանդում տանում ուրիշ տեղ: էդ Լավ բաները վաղուց են եղել:

Մերկեն գլուխը տխուր օրորեց.

— Ի՞նչ ես ասում... էղել են... շատ է՛լ: Բայց այ՛շի՛, մեզնից ո՞վ էր տեսել խրճիթ, գիր, ուսում, թատրոն, շարքացան, տրակտոր... էս ուղիոն, էս հրաշքները: Մեզնից ո՞ւմ են ցույց տվել, ե՞րբ են մարդատեղ գրել:

Ու հառաչում է՝ աչքերը տխուր հեռուն գցելով.

— Գնում ես խալխի մեջ՝ բան են ասում, բան են անում: Աշխարհք շրաղդանի պես վառել են ու է՛է՛, միջին հազար հրաշք-ներ են շանց տալիս: էրազում շտեսածնե՛րս տեսանք:

Մերկեի աչքերը վառվում են երազով լի:

Հետո նորից կրակվելով՝ գլուխը թափ տվեց.

— է՛է՛, ափսո՛ս... Լա՛վ բաներ արին. շա՛տ Լավ բաներ արին, մենակ մի բանում սխալվեցին:

— Սխալվեցի՞ն,— հետաքրքիր մտիկ տվին կոմերիտները...

— Բա՛, մի բանում սխալվեցին, որ ուշ արին:

— Ի՞նչն ա ուշ, ի՞նչ ես ասում:

— Բա ի՛նչ ա ուշ չի...

Ու էլ չի նայում խոսակիցներին, որ տեսնի թե ինչպես են ժպտում իր այդ խոսքերի վրա: Առարկում են, բայց հուզված է, չի լսում: Այդ միտքը մեխի պես ցցված է գլխի մեջ:

Ու տխուր մահոտ աչքերը հեռուները գցած՝ կրկնեց.

— Շա՛տ ուշացան, շա՛տ ուշացան, շա՛տ, է՛... Շո՛ւտ պտի սկսեին:

Մի աշնան երեկո Մերկեն մեռավ: Մեռավ ամենահասարակ կերպով: Միայն մի զարմանալի բան պատահեց. նրան թաղելու եկան պիոներներն ու կոմերիտները: Թաղեցին քաղաքացիական կարգով:

Բավական էլ ծիծաղեցին՝ կրկնելով իր խոսքերը.

— Մեռավ՝ մեռավ, ես սաղ ըլեմ, դուք սաղ ըլեք:

Հետո հիշեցին նրա խոսքը՝ «Ուշացան, շա՛տ ուշացան»: Մի-ծաղեցին բավական:

Այո, Մերկեն չէր նկատել, որ աշխարհը լցվում է նոր կյանքերով որոնց համար իսկի՛ էլ ուշ չէր, ու դեռ շատ ծիլեր կան, որոնց համար դեռ շատ վաղ է...

1927

ՀԱՆԳՍՏԻ ՏԱՆԸ

Ամառը՝ լիալեցուն մի գետ՝ ստինքներն ուռցրած հոսում է, ծավալվում տիրականորեն: Հողը պտղաբերում է, ու կատաղել է, խանդում է, խելագարվում: Օդի մեջ հասունանում է արևի կենարար հյութը — մի բուրալից ջերմություն, որ շնչառության հետ ըմպվում է, երակներն ուռցնում, տանջում կյանքի ուրախությամբ:

Մանր հևում է բերանաբաց ձորը: Մինչ հեռվում թևատարած արծիվների պես ճախրում են լեռները: Շոգ է: Ծվ անտառը աչքը կպցնում է ծուլորձն:

Անտառի կանաչ դռների մոտ մի ճերմակ տուն — բանվորների հանգստի տունը — ինքն իսկ հանգստանում է պարտեզով գրկված:

Խոհանոցից հանգիստ շակոցներ են գալիս միայն դափնետերևի բուրմունքի և մսի ճենճահոտի հետ: Ծվ ուրիշ ոչինչ — ամենքը քաշվել են ուր-որ:

Տարօրինակ սովերներ են անտառում: Հագեցած մթություններ:

Ահա մի բացատ՝ արևի ոսկի լիճը մեջը: Լուռ է այնտեղ ևս: Մեղուններն են միայն — պստլիկ աերոպլաններ — որ բզզաբով ծառերի արանքում՝ օդից հետախուզում են ծաղիկները:

Այդտեղ, հենց այդ քնքուշ ծաղիկների ու խոտերի մեջ են հաճախ գալիս վեր թափվում բանվորները՝ մետաղի թագավորությունից դուրս եկած կոպիտ, ծուռ ու մուռ էակներ և սկսում են ծխել ու ցածր խոսել: Բրոնզի թափվածքների պես հանգիստ ու մռայլ են նրանք: Թողել են աշխատանքի ազմաճակատը առ ծամ, եկել կրակի երկրորդ գիծը:

Կհանգստանան, ու էլի՜ — հարձակում:

Նրանց հետ Սարգիսն էլ է եկել: Ծկել է քաղաքից — այսինքն

տպարանից, որովհետև նրա քաղաքը տպարանն է, այնտեղ է անցել իր, ողջ կյանքը:

Ծվ հիմա եկել է ամառանոց հանգստանալու:

Անսովոր նորություն:

Վարպետ գրաշար է: Կավ է «քշում ձիու պես»:

Մանր էր շարժվում միայն նրա ընտանիքի գործերը:

Հայր, մայր, քույր, եղբայրներ, սրանց երեխաներից բավականին, — ինքը մեջը 55 տարեկան՝ ամուրի: Գեղեցիկ տղամարդ էր: Հիմի ներկը տված պատկեր է, տեղ-տեղ նախշուն, տեղ-տեղ խունացած: Ասենք գեղեցկության հետ հաշիվը վաղուց է փակել, այսինքն՝ հաշիվ չի ունեցել: Հա սրան պահի, նրան հագցրու, մեկին թաղի, մյուսին պսակի: Նորոգելով հորը, կարկատելով մորը — խարխուլ շինություններ — մինչև քույրերին ամուսնացրեց, ճամփեց — մտիկ տվեց, որ աշխարհը ուրիշ բան դառավ: Հետո էլ պարտիական կազմակերպությունը, բանտ, բան: Ռեուլցիան էլ եկավ թևից քաշեց գցեց կատաղի շուրջպարի մեջ: Ծվ ահա աչքը բացեց որ՝ տարիները չկան: Մերացավ, աչնպես, ոտի վրա, ի միջի այլոց:

Հիմի լավ է:

— Հը՛, Սարգիս, «շարում» ե՛ս, — կատակում են երիտասարդ ընկերները:

— «Քանդում եմ» դեռ, — ասում է Սարգիսն ու աչքով անում, «հին կարգերի» կողմն իբր թե...

Ու այս «շարում ես, քանդում ես»-ը կատակի խոսք էր դառել նաև հանգստյան տան բանվորների համար:

Հիմի Սարգիսը բնության հյուրն է:

Ահա նստել է անտառի բացատում, մեջքը հաստարմատ ծառին՝ շուրջն է դիտում: Բնությունն աշխատում է զարմանալի հոգածու հաշիվով: Տո՛ւնդ չքանդվի, ա՛յ քեզ տնտես: Ի՞նչ էլ հարուստ է անիծածը: Բաց է արել պահեստները, լցնում է հազար ու մի բարիքով: Մառանները տնջում են. երկրամեջի նկուղներում դրած է մետաղեղենը, քիմիական քաղաղորությունները, լույսը, նրա մակերևույթի վրա աճում է հացը, պտուղը, նյութվում հագուստը...

Իսկ վե՛րը: Ի՞նչ անսպառ լույս ու ջերմություն: Ա՛յ լամպ: Սրա նավթը ե՛րբ կհատնի որ...

Սարգիսը նոր է նայում այս ամենին: Տպարանից առաջին անգամ եկել է բնության տունը: Հիմի նայում և հասկանում է, որ սա իր տունն է: Բայց լավ չի զգում: Ինչ-որ շշմածի պես է: Ինչպես նոր շոր հագած մարդ, որ ինչ-որ անհարմար է նստում — վեր կենում: Մի քիչ խանդաղատված է իրեն այստեղ ուղարկողների հանդեպ: Հասկանում է, որ լավ բան է «ընկերներ» ասածը: Զհանդամբ, քեֆ արա: Ո՞վ է խանգարում հիմա բարիքներ աշխատել, բարիքներ վայելել: Գիտեմ, իհարկե: Բայց մի ծանր հոգնություն, քարի պես նստած է նրա ուսերին:

Իր անցյալը... Ո՞ր կփախչես նրանից...

Եվ ի՞նչ էր իսկապես այդ անցյալը:

Քառասուն տարի — առջևը տառերի կասսա, կողքին մի պատուհան՝ կեսը գետնի մեջ: Եվ նա շարում էր ու կողքանց նայում պատուհանից դուրս: Ահա այդ պատուհանն է եղել շարունակ իր և կյանքի միջև: Այնտեղ, դրսի աշխարհքից — մայթից միայն մարդկանց ոտներ էին երևում: Քայլում էին այդ ոտները, քայլում արագ, դանդաղ: Քայլում ամեն տեսակի ոտներ: Երբեմն էլ հրաշալի կոշիկներ նազելի ոտներով: Ի՞նչ կյանքեր կային այդ գեղեցիկ ոտների մեջ: Եվ այդ բոլորը գալիս, անցնում, գնում էին: Ու էլի գալիս, անցնում, գնում:

Ինչպես որ իր ձեռին էլ տառերը՝ գալիս, շարվում, գնում էին:

Դրսևում կյանք կար, բնություն, ամառանոց, արև: Բայց ինքը միայն շարում էր: Շարում էր տառեր, և մեքենայաբար, առանց ուշ դարձնելու իմաստի վրա:

Ի՞նչ էին ասում այդ տառերը...

Իսկապե՞ս որ... Ի՞նչ էր իմաստն այն ամենի, որ նա շարում էր քառասուն տարի: Միտը չի: Ո՞վ է իմանում: Ինչ-որ պատկերներ, վեպեր, ոտանավորներ: Մինը սիրում էր, մյուսը ձանձրանում և որոնում, և երրորդը կարոտում էր, չորրորդը երջանիկ էր: Բնություն, գարուն, սեր. սեր, բնություն, գարուն... Ուզե՞ց ինքն էլ սիրել: Միտը չի: Ժամանակ չկար:

Նա շարում էր, շարում, շարում:

Իր կողքով էլ, պատուհանի մոտով, անցնում էր աշխարհքը: Անցնում էր գեղեցիկ աշխարհքը: Եվ ինքը նայում էր կողքանց, այնպես, աչքի տակով:

Ու շարում, շարում...

Եվ ահա հիմա, անտառի բացատում, ընկուզենու տակ ինչ-որ հեռավոր բան է հիշում: Հեռվում, շատ հեռվում հիշողության մեջ մի բան է խլրտում: Կամաց-կամաց հիշում է թե ինչ:

Ինքն աշխատում էր: Պատուհանի մոտ կանգնեց աղջիկների մի խումբ, և որպեսզի լավ տեսնեն ներսը, հետ-հետ գնացին դեպի փողոց: Բոլորն էլ հասարակ՝ ինչպես ծաղիկներ: Զբավոր թաղերից էին: Տպարանում ոչ ոք չկար այդ պահին: Աղջիկները շարաճճի հետաքրքրությամբ ներս նայեցին: Սարգիսը կողքանց մտիկ տվեց նրանց: Մեքենական հայացք: Աշխատանքը կլանել էր նրան: Պետք է «մեքենայի տակ գցեին»: Բոպե ժամանակ չկար: Մոմոում էր, բարձրաձայն հեզում ու շարում էր: Բայց աղջիկները կանգնած էին դեռ: Միծաղում էին:

— Վա՛յ, գիրք են տպում:

Սարգիսը նայեց նրանց և մի վայրկյան աչքը կանդ առավ նրանցից մեկի աչքերին: Սևորակ, շեղ աչքեր էին, պարսկական նկարների մեջ պատահող, այժյամի աչքեր:

Աղջիկները նայում էին տպարանի առարկաներին ու կատակում:

— Ի՞նչ գեղեցիկ մեքենա է:

— Ինճն է՛լ:

Մինչ Սարգիսը կնայեր՝ աղջիկները քրքջացին ու հեռացան շարաճճի առուների պես: Միայն «այծեմնիկը» մի անգամ էլ հետ դառավ, ատամներով ծիծաղեց ու «ծիկ» անելով փախավ:

Ի՞նչ եղավ այդ աղջիկը: Միտը չի: Ժամանակ չեղավ այդ մասին մտածելու, սկսելու սիրել՝ մի քիչ. իր շարած տառերի տակին կյանք կար — գլխի շնկավ: Քառասուն տարի այդ կյանքը ներս էր նայում պատուհանից — այն աղջկա պես: Բայց ինքը կողքանց նայեց ու կորցրեց:

Թո՞ւմ կյանքը ծտի պես...

Եվ հիմա աչքերը խոտերի մեջ՝ նայում է: Միտը լցված է: Ահա տարօրինակ միջատներ մազլցում են ցողունների վրա և հասնելով ծայրին՝ հանկարծ թրթռում են ու նետիկների պես սլանում օդի մեջ: Հազար պստիկ մեղուներ ու հսկա բզեզներ ձգում են իրենց ջութակները: Մրջյունները կրում են, հա կրում: Ի՞նչ հապճեպ, ի՞նչ շտապանք՝ ապրել, ապրել: Եվ աշխատո՞ւմ են, թե՞

ապրում:— Երկուսն էլ: Արևը թափում է նրանց վրա իր նարնջագինին, հարբեցնում մինչև գծություն:

Գինով է Սարգիսը... Երազում է:

Ի՞նչ կլինի, ինչ կասես՝ եթե կարելի լիներ հետ կանչել նրան— այն ծիծաղով լի աղջկան: Եվ ի՞նչպես ուշ չդարձրեց նրան:

Տեսնես որտե՞ղ է հիմա...

Հագի՛ր հիմա երկաթե տրեխներ, ա՛ն ձեռդ երկաթե գավազան, գնա ընկի՛ր աշխարհքե աշխարհք, փնտրի՛ր որ գտնես նրան: Լո՛ւր ուղարկիր, թող գա: Այսօրվա պես, այն օրն էլ հետը բերի:

Մի՛ վայրկյանում կորցրեց նրան ասեղի պես:

Տառերի պես շարեց ու քանդեց կյանքը ուրիշների համար և կյանքից միայն տառերն ընկան ձեռը:

Եվ կոշտեր մատների վրա...

Սարգիսը հառաչեց:

Արդեն ճաշի զանգը տվել էին: Չէր լսել: Նստած էր նա ծառի տակին, հիսունհինգ տարվա կուզը ուսին և աչքերը չուսծի կարծես ուզում էր դուրս պրծնել այդ բռնի տակից:

Անցյալի՛ բռնի:

Եվ ի՞նչպես ապրել է ուզում նա իր երիտասարդ ընկերների նման: Հիմա կարող է, հիմա ո՛ւնի իրավունք:

Ո՛ւշ հասավ «Անիրավը»:

— Սարգի՛ս, Սարգի՛ս,— ձայն տվին նրան,— ճա՛շ է, արի՛:

— Հը՛, ի՞նչ կա,— զարթնեց նա:

— Արի է՛, ճաշ է:

Մի ձայն կատակեց հեռվից.

— Հը՛, «շարում ե՛ս»:

— «Քանզում եմ»,— մոմոաց նա ու վեր կացավ:

1927

ԱԲԴՈՒՆ

Աբղուլը Պարսկաստանից եկել մտել էր Երևանի բամբակագործ գործարանը սև-բանվոր:

Հետը բերել էր մի երիզավոր արախշի, մի կավագույն ջվալե վերնաշապիկ, լայն թողկավոր կաշվե գոտի և իր առողջակազմ հասակը:

Գործը պարզ էր: Բաց անել մամլող մեքենայի կափարիչը, բամբակի հակը հանել մեքենայի միջից: Իր ընկեր Ահմադն ու Գրիգորը կարում են հակը, իսկ Ռիզան մեկ-մեկ տանում է, բարձում վագոնները:

Ութ ժամ էր գործը — որոշ դադարներով հացի ժամանակ: Արտաժամյան առանձին: Դա մեծ տարբերություն էր Պարսկաստանի տաժանակիր աշխատանքների դիմաց: Ի՞նչ ութ ժամ, ի՞նչ տասնհինգ ժամ: Կյանքի կեսը եղել է դաժան խանի բարեկեցության համար, մյուս կեսն էլ արտաժամյա դաժանք՝ որպեսզի փրկի իր դժվարին գոյությունը մասհի ճանկերից, այն էլ վերջն էլի խանի բարեկեցության համար:

Այստեղ գործն ուրիշ տեսակ էր: Նախ նա դաժանք չէր, այլ աշխատանք: Ապա և այդ գործը նրան բարեկամ էր և ոչ այնպիսի դաժան թշնամի, որ լլկում է, ծեծում, հյուժում, տանում գերեզման:

Աբղուլը հետևում էր բամբակի կյանքին: Ահա նա ջվալներով բերվում, թափվում է գործարանի բակը: Այնտեղից գործարանի մի ծայրում ծծող մեքենան քաշում է բամբակը դեպի ջին մեքենաները, որոնք բամբակը զատում են սերմից: Սերմը գնում է ներքե, իսկ բամբակն ուրիշ բաժին, ու մամլվում է, հակ դառնում՝ պատրաստ՝ վագոնները բարձվելու:

Ռիզան ու մի ուրիշ բանվոր բամբակի հակերը կրում են, հա կրում վագոնները, սրանք էլ տանում են կենդանական, Մոսկվա:

Գոռում են մեքենաները շիբերի բաժնում, դրդում: Բանվորները մեքենաների շուրջը պտտվում են, գալիս շարունակ մի բան դրստում, ստուգում: Նրանք միշտ լարված են, մի քիչ գրգռված, փոշոտ:

Սկզբում այնպես թվաց Աբդուլին, որ բանվորներն իրար չեն սիրում: Նրանք վիճում էին, կովում իրար հետ, խռովում, երբեմն էլ գոռում իրար վրա, կոպիտ խոսքեր ասում — բայց զգում էր, որ նրանք էլի ինչ-որ հաշտ են, սիրում են իրար: Գլխավորը հարազատ են իրար: Կան ծուլներ, գործալիքներ, սիմուլյանտներ — սրանցից մեկին հեռացրին գործից: Դրանց չեն սիրում, նախատում են, խրատում, ուղղում:

Սկզբում տարօրինակ բաներ շատ կային: Բանվորները՝ տեղում գլուխ — լսել էր Պարսկաստանում, չէր հավատացել, անգամ ծիծաղել էր վրան — բայց երբ եկավ՝ տեսավ, որ իսկպես այս երկրի շահը, խաներն ու բեկերը ընկել, մնացել են մուշաները: Եվ նոր եկած ժամանակ խորթ ու խեթ էր պահում իրեն: Ի՞նչ գործ ունի սրանց հետ. կաշխատի, մի քանի թուման ետ կգցի, կգնա իրա համար տուն՝ Պարսկաստան:

Բայց հետո աննկատելի ընտելացավ — մնաց: Ոչ ոք իրեն խորթ չէր նայում, ինքն էլ մոտեցավ:

— Մի՛ վախի, Աբդուլ, — թակեց մի օր նրա ուսը ձեռքի բաժնից քուսպ հանող Մարգարը, ձեթոտ, զվարթ կոմերիտը, — էս ամառ համ ոռճիկդ է ավելանալու, համ էլ գնալու ես մի երկու շաբաթ ման գաս:

Ու ձեթոտ բռունցքը քսեց Աբդուլի այտին: Սա բռնեց նրա թևը ու մի հատ կատակով բամբեց գլխին:

Բայց Աբդուլին դուր եկավ այս հոգատար խոսքը: Եվ որտեղի՞ց Աբդուլին ամենքը գիտեն ու առանց իր պահանջի ո՞նց են հոգում նրա մասին: Ինչպե՞ս է, որ հետաքրքիր են, գիտեն վաղօրոք, թե ե՞րբ է գնալու հանգստյան:

Ժողովներում նրանցից շատերին տեսնում էր Աբդուլը, մենակ չէր խոսել — բայց տես իրեն ուշադրությունից չեն հեռացնում:

Այսպիսի բաներով նրա սիրտը տաքանում էր գործարանի վրա:

Ու մնաց: Պարսկաստան դառնալը հետաձգվեց:

Մի ժողովում էլ նախագահը դիմեց Աբդուլին.

— Հը՛, ի՞նչ կասես, ընկե՛ր Աբդուլ, ինչպե՞ս անենք, գործից ուշացողներ կան, արտադրությունը տուժում է:

Աբդուլը մի քիչ շփոթվեց, բայց պատասխանեց.

— Գործից ուշացողը ո՞ւմ ա վնաս բերում — իրա՛ն: Մենք առաջ խանի ու բեկի գործն ենք արել ու չենք ուշացել, բա հի՛ժի ամոթ չէ՞, որ մեր գործից ուշանանք:

Բանվորները չէին սպասում այս խոսքը: Նրանք, որ ժրպտում էին՝ հիմա ազդվեցին, լրջացան:

— Դրուստ ա ասում, Աբդուլը... Ամոթ, խայտառակություն ա, պետք ա վերջ տրվի ուշանալուն:

Եվ Աբդուլը, որ դեռ առաջներում զարմանում էր արտադրական հանձնաժողովի ընդլայնած խորհրդակցություններից, դրած հարցերից՝ կամաց-կամաց սովորեց, որ — էլ ուրիշ ի՞նչ կերպ պիտի լինի, — գործարանը ուրիշ տեղ չունի, տեղերը իրենք են, իրենք էլ պիտի հոգան նրա մասին:

Սովորեց նաև, որ այստեղ ոչ ոք սեփական գործ չունի, որ մենակ հոգա: Այստեղ բոլորը պիտի հոգան: Դա անշափ հեշտ է — ո՛րտեղից որտեղ... Եվ հետո՝ այստեղ ոչ ոք այնպես անտեր չի գործի մեջ, ինչպես Պարսկաստանում, ուր՝ շոքեցի՞ր գործի մեջ, ընկա՛ր — վերջդ է, մեռի՛ր: Ահա Պարսկաստանը:

Այստեղ ամբողջ գործարանը՝ բամբակի բաժնից մինչև ձեթի, սապոնի բաժինները, գործարանի բակը ուրիշ մասերով՝ մի ընտանիք է: Աբդուլն իրեն զգում է մի մեծ տան գործի մեջ, ինքն էլ այդ տան անգամը, ուր կաշխատի, կապրի, կստանա իր բաժին կյանքը: Միայն թե լավ աշխատի: Եվ Աբդուլն աշխատում է: Ինչպե՞ս աշխատի: Սա էլ հո խանի կալվածքը չէ, այն կալվածքը, որ հղփացնելով խանին՝ սովամահ էր անում մշակներին: Եվ Աբդուլը նոր հասկացավ, որ ինքն այս երկրում ոչ թե օտար չէ, այլև շատ բնիկներից ավելի հարազատ է:

Բայց սրանում նա համոզվում էր այն օրերին, երբ մասնակցում էր մի քաղաքական ցույցի, բողոքի, տոնակատարության: Այստեղ Աբդուլը նկատում էր շատ ուրիշ բաներ: Որ այս իրար հետ զոռզ անող բանվորները շատ են կուռ միացած, նրանք կանգնած են դրսի թշնամու դեմ՝ իր լած Անգլիայի, Ֆրանսիայի շահերի, խաների ու հարուստների դեմ:

Աբդուլը պարզ տեսնում էր, որ այս իր գործարանը կապված

է քաղաքի մյուս գործարանների հետ, քաղաքինը՝ մյուս քաղաքների հետ և բոլորի աշխատանքի արդյունքը մանր գետերի պես հոսում, լցվում է մի մեծ արդյունքի՝ ծովի մեջ և այդ ծովը պրո-լետարական պետութայունն է:

Այդ ցույցների ժամանակ Աբգուլն գգում է, որ միլիոնավոր ձեռքեր բռնել են իրեն, բարձրացնում: Աբգուլն էլ չի ընկնի, Աբ-դուլն էլ մենակ չի:

Եվ արդեն անցնում է մի քանի տարի — Աբգուլը դեռ չի վե-րադառնում հայրենիք: Ու միտք էլ չունի կարծես:

Մի գիշեր Աբգուլը զարթնեց անսովոր ձայներից: Գլուխը բարձրացրեց բարձի վրայից, ականջ դրեց: Օդի մեջ, բարձրում անհանգիստ, գանգատավոր ձայներով կոտում էին կուռնկները:

— Կոլո՛ւ, կոո՛ւ...

Այսինքն՝ գարուն եկավ:

Այնպե՛ս անուշ էր այդ գանգատավոր ուրախութայունը Աբգուլի համար, որ նա լցվեց ու մրմնջաց:

— Զա՛ն, զա՛ն...

Եվ իսկույն ջինջ պատկերացրեց իր հայրենի գյուղը. ահա՛ կարծես մտավ իրենց փողոցը, ահա՛ բաց է անում տան դուռը:

Սիրտը մղկտաց: Աբգուլը շքնեց այդ գիշեր:

Աչնուհետև քանի գարունը լցվեց Երևանի այգիներում, քանի փթթեցին ծառերն ու ծաղիկները՝ Աբգուլն սկսեց հաճախ հիշել իր հայրենի տունը, գյուղը:

Հիմի այնտեղ ծաղկում են այգիները, հրկնակապույտի մեջ կրակների պես պլպլում են ոսկեշող ծիրանները, թավուտներում ծիծաղում աղբյուրները և տերևների ու վարդերի արանքներում սահում նազելի դեմքեր:

Գնա՛ արդյոք այնտեղ: Բայց իրեն ի՞նչ այդ բոլորից: Այն այգիների և ո՛չ մի վարդը, և ո՛չ մի բուռ անկյունք, և ո՛չ մի ծախար իրենք չէ:

Իրենն է միայն հողե երկար պարիսպներից շատ դեռ փշե դաշտի մեջ հրկու հողաթումբ, որի տակ քնած է իր դեռափթիթ Ֆաթման, իր տասներկու տարեկան Քյարամի հետ: Երկունն էլ սովից բարակեցին, մոմի պես հալվեցին, մինչև որ մահը փշեց նրանց վրա և երկու վտիտ լույսերի պես մարեց: Դա այն դաժան տարին էր, երբ մի կողմից խանը ցորենը հավաքում էր ամբա-

րում, մյուս կողմից՝ սովալլուկ ժողովուրդը կոտորվում էր փողոց-ներում, պատերի տակ, սողալով տներից դուրս, որ ներսը շմեռնի անօդնական: Եվ Աբգուլի ո՛չ մի բարեկամը, ո՛չ մի հարազատը չփրկվեց մահից: Նա միայն փրկվեց՝ փախչելով գյուղից, երբ թա-ղել էր արդեն իր կնոջն ու որդուն:

Ու քանի Աբգուլը սովորեց, ընտելացավ գործարանի կյանքին, քանի թեթևացավ նրա վիճակը, կարծես դուրս եկավ խոտադա-ժան, տատասկոտ անապատից՝ այնքան ավելի խորացավ նրա սրտում այս վերքը — սովամահ կինն ու որդին:

Դադարի ժամերին, երբ նստում էր հաց ուտելու՝ սկսում էր մտածել, որ այդ հացի մի երկու պատառը կարող էին փրկել նրանց կյանքը: Ահա՛, հենց որ նրանք մեռան սովից — գտնվեց նրանց փրկութայունը: Հիմա, հացն էլ կա, մարդկութայունն էլ կա: Եվ երբ հացն էլ կա ու մարդկութայունն էլ՝ չկա ոչ Ֆաթման, չկա Քյարամը, եղնիկի խոշոր աչքերով թախծալի Քյարամը:

Աբգուլի սիրտը ծակում է մի խորին թախիծ, և նա վեր է թռչում:

Արդեն իսկ գործի էլ ժամ է:

Դա՛նգ, դրա՛նգ, դղրդում են մեքենաները, փոկերը շաշում, վեր սողում սլացիկ օձերի նման:

Ներսը ջինների շուրջը պտտվում են Աբգուլի ընկերները՝ Գրի-գորը, Սիսակը, Արտաշը, Հայրոն: Նրանք աշխատում են: Աբ-դուլն էլ:

Բայց ավելի վճռական ութմով, հուժկու և հաղթական աշխա-տում է մեքենան.

— Դա՛նգ, դրա՛նգ...

Աբգուլը մտածում է, մտածում և սկսում է երգել, Երգում է խզխզացող ձայնով: Նրա երգը նման է վիրավոր կուռնկի, որ կուլնկում է գանգատավոր շեշտերով: Կարծես այդ երգը պոկվելով Աբգուլի սրտից՝ կտրատում է իր բույնը և նրանով թաթախված, արյունոտ թռչում օդի մեջ:

Տխուր է այդ երգը հին դարերի նման: Դա Պարսկաստանն է — կուռակված վիշա:

Երգում է Աբգուլը և ձայնը խառնում մեքենաներին:

Դա՛նգ, դրա՛նգ — զլում է, կատաղում մեքենան, խլացնում Աբգուլին: Կարծես չի ուզում լսել նրան: Կանոնավոր, հաշված,

հուժկու զղրդոցով սաստում է Աբղուլին, ստիպում աշխատել, լարվել, պայքարել, երգել ուրիշ երգ — պայքարի ու հաղթության հավերժական երգը:

Եվ Աբղուլը տարվելով այդ զղրդոցին՝ լուում է ու սկսում է ճիգ թափել: Հետո մոռանում է:

Մի օր ինչ-որ բանի համար գնացել էր վարչութիւնի գրասենյակը: Այնտեղ նրան մի տասը բոպե պահեցին:

Հանկարծ մի հարայ լսվեց գործարանի բակից: Սուլիչը ոռնաց ժանգոտ ձայնով: Զարագուշակ ազդանշան:

Աբղուլը դուրս թռավ գրասենյակից և վազեց գործարանի բակը:

Բամբակի մամուլ-բաժինն այրվում էր: Աբղուլը շանթահարվեց — ի՞ր բաժինը: Էլ բան չհիշեց, թռավ:

Սուլիչը դուրս էր վազում դռներից ու պատուհաններից՝ սև ու երկար մորուքը դուրս քաշելով այնտեղից: Իսկ ներսից դաժանաժպիտ նայում էր բոցը: Նրա շեկ թևերի մեջ խլրտում էին բանվորների սիլուետները, որ փակվել էին բամբակի հակերի ու կույտերի հետև:

Վտանգը մեծ էր և սպառնում էր ոչ միայն գործարանին, այլև անմիջապես այն բանվորներին, որ ներսն էին մնացել փակվել բամբակների կույտերի մեջ: Հայտնի չէ մնացել էին հանգցնելու, թե արգելվել էին այնտեղ:

Բանվորները կատաղի օղակով բռնեցին շենքի մուտքը: Նրանք շփոթված ու զայրացած՝ քլունգներով, բահերով հարձակվեցին հրդեհի վրա: Դա մի կատաղի հարձակում էր թշնամու վրա:

— Ո՞վ է ներսը... ո՞վ է ներսը:

— Գրիգորն է, Ռիզան, Ահմա՛ղը...

— Դե պրծեք, շո՛ւտ, շո՛ւտ, — գոռոտացին նրանք ու վազեցին ներս:

Բայց բոցերը լիզեցին նրանց, և նրանք ընկրկեցին:

Հանկարծ Աբղուլը մի ջվալով դեմքը վահանած ներս քցեց իրան: Բանվորները միաբերան գոռացին, բամբակի ծանր ծուխը իսկույն կլանեց նրան, ու բոցերն սկսեցին համբուրել նրա դեմքը: Նա կորավ հակերի հետև: Հանկարծ ցավից ծղրտաց, ջվալը

կայցրեց դեմքին ու թռավ բանվորներից մեկի՝ Գրիգորի վրա, որ բամբակի ծխից խեղդված, իրեն կորցրել՝ դես-դեն էր զարկվում թռչունի նման: Նա, ըստ երևույթին, խեղդվում էր. Աբղուլը խլեց նրա թևը և սկսեց գերագույն ճիգով քաշել նրան հակերի արանքից: Նա ոչինչ չէր լսում, չէր մտածում: Միայն մի բնազդական ուժ նրան մղում էր դեպի դուռը: Հանկարծ ոտքը դեմ առավ մի հակի, և նա վայր ընկավ: Գրիգորը խելահեղ բռթեց նրան և իրեն գցեց դռան մոտ: Բանվորները դուրս քաշեցին նրան:

— Աբղո՛ւլը, Աբղո՛ւլը...

— Շո՛ւտ, հասե՛ք...

Գոռոտոցը սաստկացավ: Եվ այդ բոպեին, երբ բանվորները ներս էին վազում և դուրս թռչում կրկին՝ կոմերիտ Մարգարե կատաղի, վայրենի մի շարժումով, որ նման բոպեներին է միայն պատահում՝ թռավ ներս ու հարձակվեց Աբղուլի վրա, որ դեմքն աշխատելով թաքցնել հակերի արանքներում՝ պարզապես կորցրել էր իրեն: Ըստ երևույթին նա փնտրում էր Ահմեդին ու Ռիզային: Մարգարե շնչելով բամբակի ծուխը և այրվածքներ ստանալով զգաց, որ նրանք արդեն այրված են: Հարձակվեց Աբղուլի վրա, խլեց նրա ոտքը և սաստիկ թափով քաշեց դուրս:

— Տղե՛րք, շլանգները շո՛ւտ, այրվեցին — գոռում էին բանվորները:

Արդեն հրշեջ հեղուկներն ու շլանգներն սկսեցին հանգցնել հրդեհը: Բանվորները քիչ-քիչ ներս խուժեցին՝ հաղթահարելով հրդեհը: Բայց նրանք ուշացել էին: Ահմաղն ու Ռիզան այրվեցին: Ու մեծ դժվարությամբ հանգցրած հրդեհը չբանալով՝ թողեց իր ահռելի հետքը — ծխացող, թեժ առաստաղն ու հատակը, բամբակի սևամոխիր հակերը, որոնց մեջ թաղված մխում էին Ահմաղի ու Ռիզայի սև դիակները:

Երբ փաթաթում էին Աբղուլի այրվածքները՝ նա ավելի ընկերների ցավից էր ծղրտում, քան դեմքի ու ձեռքերի վերքից:

Վիրավորներին՝ Մարգարին և մի քանի բանվորների, բաց թողին ամբուլատորիայից՝ պատվիրելով ամեն օր այցելել, իսկ Գրիգորին ու Աբղուլին դրին հիվանդանոց:

Գրիգորի այրվածքները ծանր էին: Պակաս չէր և Աբղուլինը: Նրանք դեռ երկար պիտի պառկեին:

Աբղուլը ապաքինման մասին չէր մտածում: Նրան տանջում

էր Ահմադի ու Ռիզայի սեպած դիակների պատկերը: Ու երբ տխուր, պարապ, անկողնում պառկած նա մտածում էր նրանց մասին, զգում էր, որ իր հին վիշտը՝ Ֆաթման ու Քյարամը՝ իրենց մոմեղեն դեմքերով ու եղնիկի թախծոտ աչքերով՝ ընկղմեց ավելի խորը, նրա վրա, նրա տեղ գրվեց նոր, ուժեղ մի վիշտ՝ Ահմադն ու Ռիզան:

Միակ մխիթարութունն իր կողքին պառկած Գրիգորն էր, որը թեև տնքում էր, բայց կյանքի էր գալիս: «Է՛հ, կյանք էր, ազատեցի» — մտածում էր Աբդուլը: Ու մի օր էլ հարց ծագեց իր մեջ, թե ի՞նչ գործ ունենր Գրիգորը մամուլ-բաժնում, երբ նա ջին մեքենաների վրա է բանում: Այս միտքը կայծակի նման լուսավորեց Աբդուլի աչքում մի ուրիշ բան, որ նա չէր տեսել մինչ այդ:

— Արա՛, դու ի՞նչ բան ունեիր մեր բամբակների մեջ, — հարցրեց Աբդուլը Գրիգորին:

— Գոռոցներն իմացա՛ թոա ու...

— Հա՛, է՛դպես... — լեզուն կծեց Աբդուլը և լռեց:

Ապա հառաչեց հանգիստ ու խաղաղ և խանդաղատանքով մտիկ տվեց Գրիգորին:

Նրա սիրտը թեթևացած էր արդեն:

1928 թ.

ԱՆՆԵՏԱՅՈՒՄ

— Երրորդ գործողության դեկորները պատրաստ չեն, — գեկուցեց ադմինիստրատորը դիրեկտորին:

— Ինչպե՛ս... վաղը ներկայացում է, — անհանդստացավ դիրեկտորը: — Ո՛ւր է Պետիկը: Կանչեցեք իսկույն:

— Պետիկը չկա:

— Հիվա՞նդ է:

— Ոչ: Մի ժամ առաջ բեմում էր:

— Նայեք, տեսեք, շենքի մեջ կլինի: Ո՛ւր պիտի գնա...

Ադմինիստրատորը գնաց:

— «Պետիկը չկա», — խոսեց կարծես ինքն իրեն դիրեկտորը, — այս ժամին Պետիկը բացի թատրոնից ուրիշ տեղ չի կարող լինել:

Պետիկը հարվածային և երկու անգամ պարզատրված, թատերական աշխատող, նկարչի օգնական, դեկորատոր: Ամենքի աչքի առաջ են նրա սև, նիհար դեմքը, ջլուտ, նուրբ կազմվածքը, գանգուր մազերը և թախծալի անուշ աչքերը:

Առավոտից մինչև կեսգիշերը նա շրջում է թատրոնում, կուլիսների միջին նկարում է, սարքում: Հետևում է պիեսների պատրաստությանը, քննում է մակետները, ուշով լսում է ամեն նկատողություն: Կատարում է ամեն հանձնարարություն: Մի բան միայն աչքի է զարկում՝ լուսկյաց է և գլուխը կախ, համեստ: Բայց իբրև հարվածային համառ է և տոկուն: Ու թեև արտաքին աղմուկ չունի, բայց ներքուստ գործ է անում և աղմկալի, անգամ տաժանելի գործ:

Իսկական ասպետ աշխատանքի:

Ու այդ ասպետը, այդ ամենասովոր Պետիկը, որին ամեն բուպե կտեսնեիր գործի մեջ և ճիշտ նույն ժամերին իր պարտականության որոշ կետերի վրա, այդ Պետիկը չկար թատրոնում:

Տարօրինակ, շատ տարօրինակ բան:

— Չորս տարի է մի բոսի չի բացակայել,— ասաց դիրեկտորը շփոթված,— ախր ո՞ւր պիտի լինի:

— Չլինի՞ տուն է գնացել,— նկատում է մի դերասան և ինքն էլ չի հավատում իր ասածին:

Պետիկը տուն գնա և չհայտնի՞:

Դիրեկտորն սպասում է: Արդեն միջանցքում լսվում է փնտրողների ձայնը:

— Ֆոյեում չէ՞:

— Ոչ:

— Նայեցեք գրասենյակում:

— Նայել ենք, չկա:

Տխուր ձայնն իր սառած աչքով նայում է պատուհանից ներս: Չյուն է եկել: Դուրսը մի անախորժ թախիժ է լուծվում կտուրներից, պատերին, հեռուն՝ բլուրների վրա: Իսկ կտորից ներքև բակն են թռչում ձյան կույտեր և տրոփում թմբիկի պես: Մեկն արագ-արագ մաքրում է կտուրը:

Դուրսը ցեխ է, ցուրտ: Իսկ թատրոնում ներվայնանում է նրա հախուռն առօրյան: Պիես են պատրաստում: Ֆոյեից լսվում է ինչ-որ աղմուկ, դրդոց... Այնտեղ բարձրաձայն խոսում, պայքարում են նախկին մարդիկ, գեներալներ, մինիստրներ, իշխաններ, հիստերիկ լացով լցնում են շենքը կանայք, ծիծաղում են, երգում, գայրանում բանվորներ, բանակայիններ, և հանկարծ պայթում է ծափահարությունը, թնդում հաղթական ուռան, ճայթում օրկեստրը: Անհանգիստ շենք... Իսկ միջանցքներում ձեռք բռնում են անցնում գնում հանդերձարանը՝ մինիստրների սերթուկներ, սպանների նշանազգեստներ, ազնվական կանանց շրջազգեստներ, արդու-զարդ, պարագաներ: Անկարգ լցվում են անկյուններում կահավորանքի առարկաներ: Դրանք բոլորը պիտի հանդես գան բեմի վրա, պիտի բերեն անցյալի կյանքը մի երկու ժամով, ապա վարագույրի մի հարվածով անհետանան դեպի անցյալը կրկին:

Պատրանքներ են արտադրվում այս շենքի մեջ, ֆանտաստիկ տեսիլներ: Պատրաստվում են, հուզումներ, ծիծաղ, բարկություն, հույսեր ու դառնություններ:

Հոգեկան կյանքի գործարան:

Եվ թատրոնի շենքը հուզվում է, եռում... հանկարծ բռնկվում

է վեճ, կոփվ: Դիրեկտորի կաբինետում կյանքը մի վայրկյանում թռչում է հետ, անցյալը: Կարգադրվում է բերել անցյալի պարագաները: Վեճ է փրթում մարդկանց խարակտերների, տիպերի մասին, դժոհում, լաց է լինում մի որևէ դերասանուհի, մյուսները հաղթական ժպիտով նայում են իրենց դերի վրա: Հանկարծ վեճը ընդհատվում է մի շատ պրոզայիկ, առևտրական միջադեպով, ցիլինդր են ծախում և դիրեկտորը սակարկում է:

— Քսան ուրբուց ավելի չեմ տա, ինչի՞դ է պետք ցիլինդրը...

Եվ իսկապես, ո՞վ պիտի գլխին դնի ցիլինդրը...

— Բայց Պետիկը որ չերևա, դեկորները չհասնեն, վաղվա ներկայացումը վիժած պրծած է,— անհանգստանում է դիրեկտորը:

Եվ ճիշտ է այդ անհանգստությունը: Պետիկը ամենակարևոր վիճակ է բեմադրության:

Նա այնքան ճշտապահ ու մշտական մի երևույթ է թատրոնում, այնքան անվրեպ, անխախտ իր տեղում, որ սովոր աչքերը այլևս չէին հոգում նրա մասին: Պետիկն իսկապես մոռացված էակ էր թատրոնում, այնքան ընտելացել էր ամենքին և դառել բնական երևույթ, ինչպես օդը, որ շատ անհրաժեշտ է, միշտ կա և միշտ էլ աննկատելի է: Բոլորը հավաքվեցին դիրեկտորի կաբինետում, վերադարձավ և աղմինիստրատորը:

— Չկա՞:

— Չկա:

Անհանգստությունը, ներվային անախորժ անհանգստությունը, մտավ բոլորի էություն մեջ:

— Վաղը ներկայացում է,— ողբաց աղմինիստրատորը,— տեխնիկական պերսոնալը չի քնել ահա շորրորդ գիշերը, վայր են թափվում... Եթե դեկորները չգտնվեն մինչև վաղը, նորերը չեն հասնի:

— Պիտի հասցնենք:

— Մատերիալ չկա: Չենք գտնի շուտով...

— Հիմա ի՞նչ անենք...

Ու այս հարցը սարսափ է ազդում:

Գործը վիժում է... Ուշ է... Ժամկետը հասնում է:

— Վա՛յ, Պետիկ, վա՛յ, էսպես բան էիր արել:

— Հը՛, տեսնում եք ինչ անհրաժեշտ բան էր Պետիկը, հիմա իմացեք:

— Դուք իմացեք:

Լոնցին մի պահ:

Կտուրից թռչում էին ձյան կույտերը և դոփում արագ, արագ...

Վերջապես դադարեց այդ էլ:

Եվ ահա, երբ լուսթյունը տիրեց անսովոր կերպով, պատուհանից դուրս նայելիս բանվորներից մեկը հանկարծ գոչեց.

— Ա՛, Պետիկը...

— Ո՛ւր է, ո՛ւր,— վրա թռան բոլորը և վազեցին պատուհան: Պետիկն իջնում էր կտուրից...

— Պետիկ,— ձայն տվին ներսից:

Պետիկը շնայեց, իջավ և կորավ բակում:

Մի րոպե անց՝ ներս մտավ բրտինքի մեջ կորած, կարմրած:

— Ի՞նչ էիր անում, այ տղա,— ձայն տվին նրան հավաքվածները:

— Ոչինչ,— մեղմ ժպտաց Պետիկը և քաշվեց անկյունը քրտինքը սրբելով:

— Բա էսպես բան կանե՞ն, Պետիկ,— հանդիմանեց ուրախացած, բայց և անհանգիստ դիրեկտորը:

Պետիկը հանգիստ նայեց նրան և ոչինչ չպատասխանեց:

<1932 թ.>

ՍԱԹՈՆ

Սաթոն Կոտայքի գյուղերից Երևան գալով վարձվեց մի սովետական ծառայողի ընտանիքում տան աշխատակից: Զահել աղջիկ էր, մազերը զգզված, շորերից ծլանգները կախ: Խիստ հայացք ուներ, բայց ներքուստ հանդարտ էր, բարի:

Շառայողի ընտանիքը բավականին խստապահանջ մարդիկ էին: Բավական էլ շատվոր: Ինքը՝ տեխնիկ Սմբատյանը, կինը՝ «տիկին Աննան», աղջիկները մեծ ու կրտսեր և փոքրիկ Կոլյան:

Հյուրեր շատ էին լինում և հաճախ. այնպես որ՝ Սաթոն հենց սկզբից գործից աչք չէր բաց անում: Երբ դուրսն իր նման բան անող աղջիկները նրան հարցնում էին.

— Գործդ ո՞նց ա, աղջի:

— Շատ ա,— պատասխանում էր Սաթոն, և ավելացնում — դե՛, տուն ա, ո՞նց կարա գործը շատ շինի: Գեղում քի՞չ ա:

Սաթոն այդպես էլ նայում էր գործի վրա, որ գործը կա, կա՛ ու կա — գետի պես գալիս է, լցվում, իսկ դու պիտի կանգնես ափին, անդադար չուրը քաշես: Գործը վերջ չունի:

Առավոտը վաղ կոշիկներ սրբել, թեյ պատրաստել, գնալ հացի հերթի, գնալ Գյուղկոոպ պանրի, յուղի, մեղրի, շուկա՝ մթերքի: Ապա սենյակներ մաքրել, ճաշին հսկել, աման լվալ, հետո էլի թեյ, ընթրիք... Հյուրեր եկած ժամանակ էլ մինչև կեսգիշեր սպասել, որ ընթրիքը վերջանա, հյուրերը գնան...

Սա անտանելի էր Սաթոյի համար: Նա, որ սովոր էր գյուղում հավերթի հետ քնել, աբլորի հետ զարթնել՝ նստում էր խոհանոցում և գլխով «տանձ կշռում»: Քնում էր և իսկույն երազ տեսնում — իրենց գյուղն է, գետափը, ուռիների ստվերներում հավաքված են իր ընկերուհիները: Ինքը նստած է գետափի քարին, չուրը վշշում է, թշնշում: Ընկերուհիներն իրեն շրջապատել՝ ծի-

ծաղում են. «Աղջի Սաթո, ջուրը թափվեց, իջեցրու, իջեցրու»: Սաթոն ժպտում է միայն. «գետի ջուրը ո՞նց կիջեցնեն»:

— Աղջի, քեզ հետ եմ, է՛, թափվեց, իջեցրու:

Սաթոն աչքերը բաց է անում:

Ոչ գետ, ոչ աղջիկներ: Չարացած տիկին Աննան է, կողքին կերոսինի վրա թափվող թեյամանը: Կրակը բարձրացել է:

— Քնո՞ւմ ես, ինչպե՞ս կարելի է, աչքդ վրան պահի,— գոռում է տիկինը:

Սաթոն վեր է թռչում, ամոթխած ժպտում և աչքերը տրորելով իջեցնում կերոսինկան: Թեյ է պատրաստում, որ պիտի խմեն ընթրիքի վրա:

Կեսգիշերն անց է, հավերը խոսում են արդեն:

«Տնաշենները ե՛րբ են քնում» — մրթմրթում է քնաթաթախ Սաթոն և կոնատակը քորում: Իսկ ներսից լսվում է սովետական ծառայող ժորժի աքլորային ձայնը.

— «Ռոռաս-կա-ժիտե վի-յեեյ...»:

Սաթոն ձեռք կոնատակին քնում է և գլուխը կշռում, վեր թռչում, կրկին քնում:

Այսպես ծանր է գիշերը: Իսկ ցերեկները ոչինչ, տանում է Սիրում է գործ անել: Առողջ է, եռանդուն, բարեխիղճ:

— Թշերից արյուն է կաթում,— ասում է տիկին Աննան՝ կարծես հանդիմանորեն:

Սաթոն առավոտից մինչև գիշեր տանն է, տան գործում. նա ոչ մի տեղ չի գնում:

Դուրսն էլ ո՞վ ունի որ: Իրենց գյուղից մեկը հազիվ պատահի, որին խնդրի շատ բարև տանել նանին:

Մի անգամ, փողոց գնացած ժամանակ, ուշացավ: Տիկին Աննան խիստ հանդիմանեց.

— Փողոցներում ի՞նչ բան ունես: Գործդ տանն է, ե՛կ տուն:

Եվ Սաթոն մնում էր տանը՝ անգամ այն ժամանակ, երբ մի ժամ պարապ էր:

Այն ժամանակ էլ զբաղեցնում էր փոքրիկ Կոլյային, որ նրան ձի արած, նստում էր վզին, ստիպում իրեն ման ածել պատշգամբում:

Մի ուրիշ անգամ էլ Սաթոն հրաման ուզեց կինո գնալու:

— Ո՞վ է տանում,— անհանդուստացավ տիկին Աննան:

— Ես, բիլեթ առա:

— Ո՞վ սովորեցրեց տեղը,— գռչեց տիկին Աննան, կարծես հանցանք էր գործված:

— Մանոթ աղջկերքը:

— Մանոթ աղջկերքը թող իրենք գնան: Դու փող ունիս՝ պահի քեզ համար, գյուղ կուղարկես: Հարկավոր չէ, էլ չգնաս:

Սաթոն խոստացավ և գնաց կինո:

Երբ Սմբատյանը եկավ տուն և ուզեց ծխախոտ բերել տալ՝ ասացին, որ Սաթոն կինո է գնացել:

— Աչքներս լո՛ւյս,— մրթմրթաց Սմբատյանը,— հը՛մ, հը՛մ...

— Մենք նստենք տանը, քոժը գնա կինո,— նկատեց մեծ աղջիկը և քմծիծաղ սովեց:

— Կինոն դեռ ոչինչ, եթե դուրսն իրավունքներ-բաներ չսովորի:

Այնուհետև Սաթոն փողոց գնալ գալով՝ բերում էր ականջն ընկած ամեն տեսակ խառն-խուռն տեղեկություններ, լավ էլ չհասկացած:

— Կին-բաժնի հրահանգչուհի է:

— Ո՞վ է «հրահանգչուհի...» — դեմքը կոկիկ ծամածոում է տիկին Աննան և աչքով անում մեծ աղջկան:

— Ընկեր Ասլանյանը: Երթում է մեր գեղարենքը կազմակերպելու,— ասում է Սաթոն միամիտ զրույցի ձայնով:

Նրա անսպասելի բառարանը զվարճացնում է տանեցիներին. նրանք իրար են նայում կոմիկ լրջությամբ և քթների տակին ծիծաղում:

— Ասում ես հրա-հանգ-չուհի է, էլի՛,— աննկատելի հեգնում է տիկին Աննան,— լավ, ի՞նչ է անում գյուղում:

— Կանանց անգրագիտությունը վերացնում ա,— պատասխանում է Սաթոն կոտրած ժպիտով:

Բոլորը ծիծաղում են: Ծիծաղում է և ինքը՝ Սաթոն՝ մասամբ իր անսովորության, մասամբ էլ հենց իր գործածած բառերի վրա, որ իր էլ ծիծաղը բերում են: Խորթ է նոր բաների մասին խոսելը:

Մի օր էլ հացի գնալով ուշացավ:

— Ո՞րտեղ էիք,— խեթեց տիկին Աննան:

— Պրոֆմիություն էի գնացել: Ասում են՝ պիտի մտնես պրոֆմիությունը:

— Ըհը՛— կծեց լեզուն տիկին Աննան և հազիվ լսելի մըռ-մըռաց:

— Էդ էր պակաս:

Սաթոն կողքանց մտիկ տվեց տիկնոջն ու վրա ընկավ իր ամաններին, սկսեց արագ-արագ լվալ:

— Է՛ լավ, ինչի՞դ է պետք պրոֆմիությունը,— փորձեց տիկին Աննան:

— Ի՞նչ իմանամ, ասում են՝ հմի ամեն աշխատանք անող պիտի գրվի:

— Մխալ են ասել. կուզես կգրվես, կուզես ոչ:

— Չեմ իմանում, ընկերուհիներս տարան:

Տիկին Աննան անհանգստացավ: Ծաշին հայտնեց Սմբատյանին: Լուրը մեծ անախորժությամբ ընդունվեց աղջիկների կողմից:

— Հիմի կնստի մեր շլնքին: Ժամով կաշխատի, հանգստյան օր կուզի, ժողով, կոլեկտիվ, նորմա, լիկվիդացիա: Գտանք գըլ-խացավանքը:

— Բա՛ս, մենք կդառնանք քոծ, նա՛ տանտիկին,— ասաց տիկին Աննան:

Մի քանի օր հետո Սաթոն բոլոր ձևականություններով մտավ պրոֆմիություն:

Այդ օրը ճաշը վերջացավ տխուր լուռությամբ: Սմբատյանը «հը՛մ, հը՛մ» արավ և ծխախոտը վառեց:

— Ի՞նչ կհրամայես անել,— ձեռները շռելով եզրակացրեց նա.— «աշխատանքի կոմիսարիատ», «պրոֆեսիոնալ շահեր», «բանվոր ուժի կազմակերպում»...

— Եվ... գեղացի Սաթո՛,— ծիծաղեց կրասեր աղջիկը:

— Սո՛ւս,— արեց տիկին Աննան,— «եկավ»:— Ներս մտավ «կազմակերպված» Սաթոն ափսոսանքը տանելու: Բոլորը լուռ նայեցին նրան և նոթերը կիտած տվին իրենց ափսոսները:

Դեպքն անախորժ էր: Ձեռաց ամեն ինչ փոխվեց: Սաթոն դառավ դեմք, ֆիզուրա, սրակ: Կարծես երկաթը փոխվեց պողպատի՝ կորցնելով հին հատկությունը: Սաթոյի դիմագծերն անգամ արտահայտություն ստացան: Կոպիտ հոնքերի արանքում կամքի մի շեշտ գծագրվեց՝ տանեցիների համար խիստ անդուրեկան: Եվ այդ նախկին բարեխիղճ, աշխատող և աշխարհից անտեղյակ Սաթոն, որ իր առույգ, գյուղական բազուկներով սրբում, լվանում,

եփում, խոհանոցից ներս էր բերում ախորժ, հաճույք, հարմարություն, որը չէր հիվանդանում, չէր տնջում, միշտ պատրաստ էր վազելու բժշկի, դեղի, մթերքի, լուրի, անգիտակ իր արժեքին, իրավունքներին, ահա այդ Սաթոն հիմի քաղաքացի է, կազմակերպված մարդ...

Բայց վերջիվերջո հաշտվեցին «աղետի» հետ: Նոր հարմար աղջիկ չկար, եղածներն էլ կամ «գող» էին, կամ «ծուլ»:

Սաթոն օրինակելի էր, ժիր, բարի: Եվ, վերջապես, լիկվիդացիոնի հարց կար...

Նրան թողին իրենց մոտ և սկսեցին գույշ լինել: Սանր էր այդ «գող»-ը, բայց էլի լավագույնն այդ էր:

Շուտով դրությունը լրջից փոխվեց նաև կոմիկականի. Սաթոն սկսեց տերմինների անխնա կոտորտուք:

«Քաղաքի մաշտաբով հաց ա եկել»:

«Կանանց օրն այս տարի նոր տեմպով պտի անեն»: «Հարյուր տոկոսով ասում եմ, որ ճիշտ ա»:

Միծաղու մեռնում էին...

Երբեմն էլ, թեյին կամ ճաշին, Սաթոն մնում էր սեղանատանը կանգնած և սկսում պատմել պրոֆմիության գծով տարած աշխատանքների մասին: Լավ չէր մարսել կազմակերպության արտաքին ձևերը, բայց ներքին էությունը բնագոյով ըմբռնել էր:

Խոսում էր այլևս ազատ, խտիր շգնելով իր և տանեցիների մեջ: Շուտով սկսեց խառնվել նաև Սմբատյանի և հյուրերի խոսակցությանը: Ընդհատում էր նրանց և, շնայած որ հյուրերը նրան չէին հարցնում, սիրում էր իր սեփական բացատրությունները տալ: Բացատրում էր երկար, դժվար էր նրան ընդհատել: Սաթոն հարկադրում էր իրեն լսել՝ թեկուզ արտաքին քաղաքավարությանը:

Մի անգամ էլ կարծիք հայտնեց.

— Ուսումնականների գործն, իհարկե, դժվար ա, ամա բանվորքի ու գյուղացու գործին չի հասնի. սրանք որ չեն՝ աշխարհք չի ապրի:

— Ուրեմն ուսումը ոչի՞նչ, իշի գլխի պե՛ս ապրենք, ուսումնականներին ջո՛ւրն ածենք.— տաքացավ Սմբատյանը, ինչ որ ներքին կուտակված թույլներ ժայթքելով:

— Ինչի՞ համար,— խոսեց հանդարտ Սաթոն,— ուսումը լավ բան ա: Այ էն էլ ձեռք կբերենք ու ամեն բան կթամամի:

— Ձե՞ռք կբերեք էդպես շուտ, ա՞յ, շե՞մ գիտում:

Սաթոն անխոռով ամանները դուրս տարավ: Նա լավ էլ չէր հասկանում տնեցիների շարութեան պատճառը:

— Այ, էդպես է. գլուխները լցնում են ու բաց թողնում: Ի՞նչ կարող ես խոսել սրա դեմ,— ասաց Ամբատյանը ծխելով:

Մի երեկո Սաթոն շատ ուշացավ: Գնացել էր ժողով: Տիկին Աննան պատվիրել էր, որ շուշանա: Բայց ուշացավ և ուշացավ այն ժամանակ, երբ լվացքը կիտված էր կիսավա, ջրմուղի ջուրը կտրվել, հացի մեծ հերթ կար: Միաժամանակ երեխան էլ նոր էր առողջանում, պետք էր դեղի գնալ:

Սա արդեն հանդգնություն էր: Տիկին Աննայի տան հիմքերը խախտվում էին:

— Քո՞ծ չի, այլ իշխանուհի: Քանի գնաց՝ լրբացավ,— գոչեց տիկին Աննան զայրացած,— ես անկարող եմ այսպես ապրել: Թող գա՛ ցոյց կտամ ժողովը:

— Մտռան ծառա չի,— նկատեց մեծ աղջիկը,— ապերախտ խոզ, հին վերարկուս էլ տվի՝ թե խելոքանա:

— Թող գա տուն՝ դուրս կանեմ, կասեմ՝ ջհանդամվիր ուր ուզում ես,— վճռեց տիկին Աննան:

— Հը՛մ, հը՛մ,— արեց Սմբատյանը և սկսեց շվացնել:

Երեկոյան թեյն ուշանում էր, հաց չկար, դեղ էր պետք երեխայի համար, լվացքն անախորժ բուրմունքով սպասում էր լվացարար ձեռքի: Հարևաններն էլ ջուր շունեին: Սարսափը տիրեց ընտանիքին:

Տիկին Աննայի կրտսեր աղջիկը վերցրեց փոքր վեղորոն և բարձրակրունկ քայլերով վեղորոն շրջագետից հեռու բռնած՝ գնաց ջուր բերելու, բայց իսկույն հետ դարձավ: Չարացած կանայք այնպիսի դժվժոց էին բարձրացրել, որ ֆիզիկական ուժ էր պետք նրանց միջից ջուր հանելու համար:

— Հիմի ո՞վ ջուր բերի, ո՞վ հաց բերի, ի՞նչ կրակ ու պատիժ էր,— սկսեց կատաղել տիկին Աննան,— մարդ գնա էդ ժողովը, մազերը պոկելով տուն բերի, է՛:

— Հը՛մ, հը՛մ,— արեց Սմբատյանը և ժպտաց դառնագին,— էդ ո՞ւր գնացիր...

Վերջապես Սաթոն եկավ: Նա լուրջ էր, կենտրոնացած: Պատրաստվեց բարձրացավ թե չէ՝ տիկին Աննան հարձակվեց վրան:

— Ինչո՞ւ ուշացար:

— Ձեկուցում կար:

— Բա մեր ջո՞ւրը, հա՞ցը, լվա՞ցքը:

— Ես ի՞նչ անեմ, սպասիր՝ կըլի: Բա ժողով չգնա՞մ:

— Ի՞նչ անեմ ժողովդ՝ ես էստեղ սոված, ծարավ:

— Էդ ա. ուզում ես՝ ուզի, ուզում ես՝ չէ:

— Չեմ ուզում. էգուց գնա՛ իմ տանից:

— Շա՛տ լավ,— ասաց Սաթոն հանդարտ և սկսեց իր գործը, կարծես բանի տեղ չդնելով սպառնալիքը:

Խլեց խոշոր վեղորոնները և պատշգամբը դմբդմբացնելով վազեց ջրի: Շուտով կարմրած, առույզ, հեալով ետ դառավ, ջուրը կաթկըթացնելով: Ապա վազեց հացի և մի տասը բուրմունք բերեց լավ թխած անուշահոտ հացի բոքոնը: Մեռած տունը լցվեց ախորժ աշխուժով, դադարած կյանքը եկավ լցվեց տունը: Մի փոքր անց՝ երեկոն արդեն քաղցր սկսում էր հավելի դուրսը, բակում, սենյակում:

Ամեն ինչ խաղաղեց: Էլեկտրական լույսը ոսկեգոծեց թեյասեղանն ու շուրջը շարված Սմբատյանի ընտանիքը: Թեյի թարմ բուրմունքը մլլում էր օդի մեջ՝ հացի հոտի հետ: Տրամադրությունները բացվեց: Մոռացան Սաթոյի արարմունքը, և ատելության փուլը կոտրվեց միառժամ:

— Հը՛, հիմի դո՞ւրս ես անում,— հարցրեց Սմբատյանը կնոջը՝ ետ նստելով աթոռին:

— Ախր, ո՞նց եմ դուրս անում,— գանգատվել սկսեց տիկինը,— ո՞նց գտնեմ նորը, ո՞նց ջոկեմ: Մենք սրա ձեռքին գերի ենք:

— Հը՛մ, բա ո՞նց գիտեիր... ի՞նչ ենք մենք...

Սմբատյանը վեր կացավ, մոտեցավ նարդուն և փոքր աղջկա հետ սկսեց խաղալ: Մեծը նստեց դաշնամուրի մոտ և մատները սահեցնելով ծայր տվեց Շոպենի սոնատին: Տիկին Աննան գնաց խոհանոց:

Հենց ներս մտավ՝ լվացքի թանձր գոլորշին անախորժ համբուրեց նրա այտերը:

Սաթոն լվացք էր անում: Բարկացած էր, բայց զուսպ: Միայն

չլապինդ մատները խլելով սպիտակեղենը ուժով խեղդում էին
տաշտի մեջ:

Քաղքենի «տիկինը» կանգնեց, մտիկ տվեց «երեկվա» գյու-
ղացի աղջկան, որ գյուղից եկավ, աճեց, բարձրացավ. և այսօր
սկսել է հույս տալ իրեն:

Ատելությամբ դիտեց նրան և լռեց: Սաթոն առողջ էր ինչպես
կյանքը և իր աշխատանքով կյանքից բաժին էր շնորհում քաղքե-
նի տիկնոջ:

Սա ճնշվեց, վախեցավ ծպտուն հանել, զգաց իբր անպետքու-
նք և զգուշ, գոգ կատվի պես գուրս եկավ խոհանոցից:

1928

ԵՐԵՐԸ

Երկինքն այնպես է լուսավոր ու բարձր, որ կարծես բարձրա-
ցել ես աշխարհքի կտուրը և այնտեղից ես մտիկ տալիս նրա
անհունությանը: Արարատյան դաշտի շուրջը լեռները արծվենի
թևերը լայն բացած շուրջսյար են ճախրում եթերքում: Մինչ դի-
մացը երկու Մասիսները արծաթե սաղավարտները գլխներին
կանգնել Արեելքի դարբասի առաջ՝ անքթիթ մտիկ են տալիս հե-
ռավոր աշխարհների կողմը:

Հուլիսը կրահում է:

Նստած է Սյոման, — սահմանադահ զորամասի հրամկազմից
մի ջլուտ երիտասարդ, — իր հողե տնակի դռան, մեջքը տվել պա-
տին, պզտոր աչքերով մտիկ է տալիս դիմացը: Այնտեղ փլփլած
ափերի հոնքերի տակից պսպղում են Արաքսի դիվական աչքերի
ճերմակուցները:

Իրենից քիչ հեռու երկար հողե պարիսպներ են, որոնց մեջ
չուում են ցից-տնակներ, այգեպանների գիշերային ապաստաննե-
րը: Գյուղի բնակիչները ցրված են այդ այգիների ու բոստանների
անկյունները, և մեջտեղ մարդ չի երևում: Սյոման անծանոթ է
նրանց լեզվին, նիստ ու կացին: Դրանք թուրքեր են և հայեր, որ
միայն մի որևէ քաղաքական տոնախմբության ժամանակ երևում
են գյուղի փոքրիկ հրապարակում: Այնտեղ է հավաքվում նաև
սահմանապահ զորամասը, օդը լցվում է անհասկանալի բարբառ-
ների աղմուկով, որ իր իմաստով հասկանալի է ոռոս, թուրք և հայ
բազմության համար: Սյոման խանդավառ ճառ է ասում, որի լե-
զուն շատ է: Նեն հասկանում, բայց բոլորը ծափահարում են, հա-
վանության ուռաներով թնդացնում օդը, այնուհետև զորամասը
հավաքվում է ակումբում, ուր Մաքսիմը, Սյոման և սրանց երրորդ
ընկերը՝ Միտյան խոսում են կարմիրբանակայինների հետ:

Ապա օրն անցնում է և գալիս է լի օրը իր գործնական, բազ-

մազբաղ հարցերով: Զորամասը, վերեից եկած թղթերը, մաքսանենգները, ակումբային դործերը, պարտիական ժողովները, բշիշը, կոլեկտիվը — սրանք լցնում են Սյոմայի կյանքը: Բայց հենց մի րոպե դադար է առնում այս ամենը և նա նստում է Արաքսամերձ անապատի շամբերում, իր տնակի առջև ձանձրույթը մոտենում է և իստովի պես քսվում նրան:

Մյուս կողմից էլ շոգը հարվածում է, հաղթում է ամեն աշխատանք, լուում է ակումբը, զորամասը, գյուղը: Եվ օրերն սկսում են ծանրանալ: Արևը լուցկու պես պայթում է արևելքում, հրդեհում օրը, օդը բոցավառվում է դաշտի լայն հնոցում, թփերն ու փշերը այրվում, խարկվում են, ապա հրդեհը կղզիանալով արևմուտքում նվազում, դառնում է մի վերջին կայծ և մարում է սպառված մոմի նման:

Այնուհետև ավելի է լուում անապատը և նոթերը կիտած ականջ դնում միայն իրեն լսելի ինչ-որ ձայների:

Իր ծառայության գործերից ազատ ժամանակը Սյոման գնում է Մաքսիմի մոտ: Սա նրա հին ընկերն է, քաղաքացիական կռիվների ընկերը, ամուսնացած է: Մարուսիան, մի շատ գեղեցիկ արարած, մտերիմ է Սյոմայի հետ, սիրով ընդունում է նրան, և նրանք երեքով շատ անգամ նստում են մինչև կեսգիշեր, ասում-խոսում:

Մաքսիմը Սյոմայից մի տարի առաջ էր եկել Արաքսի ափը ծառայության: Երբ Սյոման եկավ՝ Մաքսիմը ավելի մտերմացավ նրա հետ: Մարուսիան իսկույն համակրեց նրան, և ամուսինները նրան դարձրին իրենց տան մարդը:

Առավոտ, երեկո, ուշ գիշեր — Սյոման կմտներ նրանց մոտ թեյի, ճաշի թե զրույցի, և միևնույն է՝ Մաքսիմը տանն է թե ոչ:

Մարուսիայի և Մաքսիմի ընկերությունը մի փոքր մեղմացնող ժպիտ է Սյոմայի համար սահմանապահ կյանքի շոր ու ցամաք անապատում,

— Բարի երեկո՛, Մարուսիա:

Եվ Սյոման կանգնեց Մարուսիայենց տան պատուհանի առջև:

— Բարի՛ երեկո, համեցե՛ք ներս, — զրնգաց Մարուսիայի ձայնը նեղ ու մութ պատուհանից:

— Մաքսիմը տա՛նն է:

— Ո՛չ, դեռ չի եկել:

— Ինչպե՛ս, գնացքով պիտի գար:

— Ո՛չ, ավտոմոբիլով կգա: Արի ներս:

Սյոման մտավ անճոռնի սենյակը, որի հատակը հող էր և առաստաղի անտախտակ գերանների եղեգներից հաճախ կարիճներ են կաթում և օձեր կախվում:

Անկյունում մոայլվում էր մի հնադարյան մահճակալ, որի վրա հանգստանում էր ամուսինների անկողինը: Երեք տարուրեա ձագերի նման կպել էին իրենց մորը — սեղանին:

— Ինչպե՛ս ես, Մարուսիա:

— Շոգ է:

— Ըհը՛:

— Ի՞նչ ես անում:

— Չանձրանում եմ:

— Գիտես ի՞նչ նորություն, — շարաճճի ծոր տվեց Մարուսիան մանրիկ ժպտալով:

— Ի՞նչ, — ցնցվեց Սյոման:

Մարուսիան տարտամորեն զգաց այդ ցնցումը, բայց իրեն հաշիվ չտվեց: Ինչպես և Սյոման: Բայց բնազդորեն դժկամակեց:

— Մորաբույրս ինձ ձմեռու հրավիրում է Մոսկվա: Լավ չէ՞:

Ու աչքի տակով նայեց Սյոմային:

— Լավ է, ինչո՞ւ չէ, — ասաց Սյոման ներքին դժկամությունը խտացնելով:

— Չէ՛, լավ կլինի մի անցնեմ Մոսկվա: Այս անապատի լուսթյունից հետո...

— Այո, գուցե:

— Ախր, մի տես ի՞նչ լուսթյուն է: Կարծես գերեզմանի մեջ ես:

Մարուսիան մանրաժպիտ մտիկ տվեց Սյոմային և շարաճճի ժպտաց.

— Իսկ դու չե՞ս ուզում Մոսկվա:

— Ոչ, ինչո՞ւ:

— Չե՞ս ձանձրանում:

— Է, ի՞նչ կտա ինձ Մոսկվան՝ եթե ձանձրանամ էլ:

Մարուսիան վառեց պրիմուսը և թեյամանը դրեց վրան:

— Սյոմա՛, լսիր,— ասաց Մարուսիան,— դու ինչ-որ ֆլեգմայի մեջ ես վերջերս, ի՞նչ է պատճառը:

— Մի՞թե ֆլեգմայի մեջ եմ,— հարցրեց Սյոման ցրիվ արտահայտությամբ:

— Այո, դու ինչ-որ ժանգոտված ես թվում:

— Կարելի է:

Նրանց զրույցը շէր կալում, բայց իրենց համար անախորժ չէր: Փա նրանց սովորական ձևն էր: Այս կցկտուր հարց ու պատասխանները նետած քարերի ընդհատ աղմուկների պես վրդովում էին սենյակի և դաշտի լուծյունը: Ու հենց մեկն ու մեկը դադարում էր խոսելուց կամ երկուսով մի րոպե լուռ էին՝ անապատի լուծյունը լափում էր, մերվում նրա հետ՝ ճնշելով նրանց երևակայությունը:

Մարուսիան բաժակներն էր սրբում:

— Լսի՛ր, Մարուսիա,— հանկարծ դարձավ Սյոման նրան առանց մտածելու թե ինչու,— դու Մաքսիմին սիրո՞ւմ ես:

— Այո, սիրում եմ, հետո՞ ինչ:

— Շա՛տ ես սիրում, սրտի՛ սիրով, թե հենց այնպես, սովորական:

— Չգիտեմ, չեմ մտածել: Ես Մաքսիմին... Բայց ինչո՞ւ ես հարցնում:

— Չգիտեմ, հենց այնպես:

— Այո՞, ողորմած տե՛ր,— կատակով ծոր տվեց Մարուսիան,— «խոնարհարար» սիրում եմ իմ ամուսնուն, «հնազանդ եմ նրան» և այլն:

— Ինչպե՞ս եղավ, որ ամուսնացաք:

— Մեր ամուսնությունը մենք էլ շիմացանք: Մաքսիմը լավ տղա է, այնքան լավ, որ իսկի էլ շիմացանք թե ֆնչպես սկսեցինք իրար հետ ապրել: Մենք հետո տեսանք, որ ամուսիններ ենք: Զագս գնացինք հայտնի ձևականությունների համար, որ մի տեսակ պարտադրում է Մաքսիմի ծառայությունը, պարտիան...

Սյոման անգամ իրեն համար աննկատելի ինչ-որ բավակաություն էր զգում Մարուսիայի այս բացատրություններից: Նրան զբաղեցնում էր ուրիշի կյանքի ուրախ, ջերմ անկյունները դիտելու այս փորձերը: Նա միայն շատ ուրախ էր, որ իր մտերմությունը Մարուսիայի և Մաքսիմի հետ թույլ էր տալիս մտնել սրանց ներքին աշխարհը և դիտել, զվարճանալ ուրիշի բախտով: Եվ այս հե-

ռավոր անապատի կարիճների և օձերի հարևանության մեջ, ուր խանձված տարածությունը տխուր նստում է վրադ օրնիրուն ուր ամեն ինչ դաժան ու շոր հայացք ունի — այս բոլորի մեջ այս սենյակը, այս կնոջ ներկայությունը մի մեղմացնող ժպտի է նման: Կյանքի ժպտը:

— էյ, դո՛ւք, այս ի՞նչ սիրո բացատրությունների մեջ եք,— լսվեց պատուհանից մի մեղմ ձայն:

Եվ իսկույն ուրախ:

— Մարո՛սիա:

— Օհո՛, Մաքսի՛մը արդե՛ն:

Եվ Մարուսիան վեր թռավ, վազեց դուրս:

Մաքսիմը ներս մտավ և աչքը զցելով պրիմուսին ծիծաղեց.

— Հիմարուհի՛, ջուրը եռում է, թափվում, իսկ սա ժամանակ է գտել սիրային հեքիաթներ պատմելու իր հերոսին:

— Օ՛յ, օ՛յ, օ՛յ,— արեց Մարուսիան և վազեց դեպի պրիմուսը:

Մաքսիմը բռնավորված էր զանազան ուտելիղենով և մի ահագին սեխով:

— Դու ո՞ւր ես կորել, չես երևում,— դիմեց Սյոմային Մաքսիմը՝ ձեռի կապոցները դնելով սեղանին:

— Տանն էի:

— Ինչո՞ւ երեկ չեկար ճաշի: Սպասեցի՞նք:

— Ո՛վ խոստացավ գալու:

— Բայց շոգ եմ ասո՞ւմ, հա՛, ուղղակի լափում է մարդու:

— Ի՞նչ կա քաղաքում,— հարցրեց Սյոման անտարբեր:

— Հա՛,— թռավ տեղից Մաքսիմը,— դու կարող ես ինձ շնորհավորել: Հասանի թաքցրած կոնտրաբանտը գտնվել է քաղաքում: Ախր սատանա՛ն տանի, ես միշտ ասում էի, որ նա իր հետ միայն ածելիներ չի բերել:

Սյոմին հրմ արեց ու լռեց:

— Իսկ դու ինչո՞ւ ես թթվել,— կողքանց նայեց Մաքսիմը Սյոմային,— էհե՛, արդեն ճկում ես ծառայության տակին: Մի տարի էլ չկա:

— Հիմարություններ:

— Իհարկե: Լսի՛ր, Մարուսիան ձեռքա Մոսկվա է ուղում գնալ:

— Հա, ասաց:

— Ասում եմ, շթողնեմ:

Մարուսիան ծիծաղեց միայն:

— Մի օր շենք դիմանալ այս քանդվածում, այնպես չէ՞, Սյոմա: Ո՞վ կտա մեզ թեյ, ճաշ, նվազ... Եվ հետո տխուր կլինի, սատանան տանի...

«Այո, տխուր կլինի», — համաձայնեց մտքում Սյոման:

— Եվ տխուր է այստեղ, Սյոմա, նկատո՞ւմ ես, — կրկնեց Մաքսիմը: — Աչքդ գցում ես այս անապատին՝ սիրտդ շարանում է: Մեկ-մեկ որ դրսից տուն ես գալիս՝ սիրտդ կարծես ծաղկում է:

Սյոման դարձյալ հրմ արեց միայն:

— Ծիշտ է, գործը շատ է, ժամանակ չունես տխրելու, բայց հանգստի ժամերին սիրտդ ճաքում է:

Մաքսիմն սկսեց խոսել մաքսանենգների մասին, այնտեղից անցավ գինվորական վարչության նորություններին, քաղաքի անցուղարձին:

— Գիտե՞ս ինչ հաջողեցրի քաղբաժնում — կինո՞ մեր ակումբի համար. այս կիրակի բերում են, — ասաց Մաքսիմն ու նայեց Սյոմային:

Սյոման նորից հրմ արեց:

Արդեն թեյը պատրաստ էր: Մարուսիան թարմ թեյը ածեց պլպլան բաժակների մեջ և առաջ բերեց:

Սենյակում բուրեց թեյի ախորժելի բուրմունքը:

Մաքսիմը ձեռները շփեց.

— Մարո՛ւսիա, գիտե՞ս ինչ թխվածքներ եմ բերել:

Մարուսիան դատարկեց տոպրակները և սկսեց ծիծաղելով քննադատել ամուսնու ճաշակը:

Սենյակը լցվեց նրա ծիծաղով: Տրամադրություններն աշխուժացան:

Մարուսիան նստեց Մաքսիմի կողքին և ծաղրադեմ կողքանց մտիկ տվեց նրան.

— Իսկ թաշկինակներն առա՞ր, թե փողը միկիտանում թողիր:

— Փա՛ռք աստծու, դեռ ինձ ձեռների վրա տուն չեն բերել, — ա՛յ թաշկինակներդ:

Եվ գրպանից հանեց բարակ թղթի փաթեթը:

— Հա՛, ապրի՛ իմ «մարդը», — գոչեց Մարուսիան, վրա պըր՝

ծավ թաշկինակներին, բաց արեց: և բռնեց օդի մեջ: — Ի՛նչ հրաշալի բաներ են: Դրա փոխարեն կարելի է քեզ մինչև անգամ սիրել:

— Տե՛ս, գուցե խսկապես մի օր էլ սիրահարվես վրաս, — ժպտաց Մաքսիմը:

«Իբր թե չեք սիրում իրար» — ասաց մտքում Սյոման՝ միաժամանակ բարեմիտ և խանդով:

Մուժն ընկել էր արդեն: Բայց նրանք թեյը ձգելով և սկսելով ընթրիքը, ասում կատակում էին, առանց ուշք դարձնելու պատի ավերակ ժամացույցի անշնորհք շխչխկոցին, որ ամեն րոպե ձանձրալի կրկնում էր, թե կյանքն անցնում է:

Սյոման քիչ-քիչ տաքացավ, սրտի անհասկանալի փշերը հավեցին, նա դարձավ բարի մարդ և սկսեց անգամ երգել: Էլ չէք գգում, թե ինքը մի փուշ է երկու վարդենու մեջ կամ մի վարդենի երկու կրակի մեջ:

Դուր եկավ նրան այն զգացումը, որ ինքը չի նախանձում նրանց, չի խանգարում, որ ինքն էլ միանում է ամուսինների ուրախությանը: Կարծես մի ուրախություն երեք սրտի մեջ:

Մարուսիան նվագող էր: Վերջրեց կիթառը և սկսեց տրենկ-տրենկացնել: Ակորդները թախծով ղողանջեցին: Ապա այդ թախծի միջից դուրս թռավ Մարուսիայի երգը, ինչպես զնգուն ճիշով թռչունը՝ վարդի թփերի սոսափից:

Եվ հեռավոր Արաքսի եղեգնուտների մեջ, գիշերային լուսթյան ծոցում Մարուսիայի երգը Սյոմային ու Մաքսիմին հիշեցրին Ռուսական դաշտի կանաչող հեռաստանները:

Մաքսիմը ոտը զարկեց գետնին.

— Սատանա՛ն տանի, հիշո՞ւմ ես, Սյո՛մա, այն գիշերը, որ ես ու դու գերի ընկանք սպիտակների ձեռքը: Հիշո՞ւմ ես՝ վիճում էինք թե քանի ժամ կապրենք. ես ասում էի յոթը, դու թե՛ երեք: Ինչպե՞ս փախանք, ի՛նչպես պրծանք: Եվ ահա քանի՞ տարի է ապրում ենք: Բայց ժամանակներ էին, հա՛...

— Հա՛, ժամանակնե՛ր էին, — բացվեց Սյոման, — ժամանակներ էին: Կրա՛կ: Գինու պես խմեցինք ու հարբեցինք:

— Դառն ու դաժան էր, բայց լա՛վ էր ռեուլուցիան: Չէ՛:

— Ըհը՛:

Ու լցնում էին կոնյակը:

— Սյո՛մա, — գոչեց Մաքսիմը տաքացած:

— Ասա՛:

— Սյո՛մա, մեկ ուզում եմ Մարուսիային ուրախացնեմ, ուղարկեմ Մոսկվա, մեկ էլ շեմ ուզում: Սատանան տանի, տխուր կլինի, ի՛նչ խորհուրդ ես տալիս:

Մարուսիան խորամանկ ժպտում էր:

— Թո՛ղ, հիմար մի՛ լինի, թող գնա ուրախանա՛: Հը՛, Մարուսկա, — վեր թռավ դեպի նա Սյոման — գնա՛ Մոսկվա, սրան մի՛ լսիր: Լավ շեմ ասո՛ւմ:

— Շա՛տ լավ ես ասում, — պատասխանեց Մարուսիան նվազը շկտրելով — դրա համար էլ սիրում եմ քեզ:

Հետո թռավ տեղից, խլեց կոնյակի բաժակը և անսովոր շարժումով վեր բարձրացնելով.

— Քո կեննա՛ցը, Սյոմա:

— Նո՛ւ, սատանան տանի քեզ, Սյո՛մա, — գոչեց Մաքսիմը, — դու իմ կնոջ սիրտը գողացար: Կեննա՛ցդ:

Հետո դարձավ Մարուսիային և թևը փաթաթելով նրա վզին ասաց ոգևորված.

— Թողն՛ում եմ, Մարո՛ւսիա, գնա՛:

— Բրա՛վո, բրա՛վո, իմ Մաքսի՛մո, — ասաց Մարուսիան կատակով — դրա համար կարելի է քեզ համբուրել:

Ու շրթունքները մոտեցնելով թեթևակի փշեց Մաքսիմի երեսին:

Մարուսիան կրկին վերցրեց կիթառը և նոր տարափով թափ տվեց նրա լարերի հնչյունները: Դա «կազաչկի» էր: Մաքսիմը թռավ ու սկսեց հողի հատակին դոփել ոտներով:

— Ա՛յ սատկես դու, այդպե՛ս, — որոտաց Սյոման ու ինքն էլ թռավ: Երկու ընկերների աչքերը պսպղացին դիմական ցուլքերով: Նրանց մազերի խոպոպները ցնցահարվեցին, ու երկու հեծգնդի զինվորականները կարծես թռան իրենց ձիերի վրա ու սլացան:

Մրցման կերպարանք առավ պարը, երբ նրանք դեմքերը վրձնական, աչքերը պլկած ափսոսանքի պես սեփեցին իրար վրա սպառնալից պսպղացնել ու մրրկել, կարկտահարել գետինը:

Վայրի բնազդը, ինչ-որ վերհիշումներ կռփվեցին, հարձակման, իրար բզկտելու կրակը բոցկլտաց նրանց դեմքին, և երկու երիտասարդները, որոնց մկանները պիրկ օձերի նման փաթաթ-

վել էին նրանց սկոտրներին՝ կարձես պատրաստ էին զարկվելու և մի վայրկյանում ոչնչացնելու իրար:

Ոլորվեցին, փոփոացին, ինչպես երկու հնոցներ օդի մեջ ու հանկարծ կիթառի տարափը մի ուժգին հարվածով մտրակեց նրանց, տեղն ու տեղը հանգրեց, ու ինքն էլ դադարեց:

Կանգ առան սաստված, քրտնաթոր, և հեհեկե նստեցին սեղանի շուրջը:

Մաքսիմը լցրեց կոնյակը:

— Մարո՛ւսկա, կեննա՛ցդ:

— Կեննա՛ցդ, Մարո՛ւսկա, — գոչեց Սյոման, և երկու բմպակները արագ նետվեցին կոկորդներից ներս:

Արդեն կեսգիշեր էր:

Մարուսիան սկսեց երազել Մոսկվան: Սկսեց բարձր մտածել, հետն էլ մատներով արթնացնել կիթառի որևէ քնկոտ ակորդը: Նրանց զրույցը թևերը կախեց: Հոգնություն եկավ վրաները: Քաղցր հոգնություն — ժպտաբախությունից:

Սյոման սկսեց դիտել Մարուսիային: Նա աճում էր իր գեղեցկության մեջ այդ գաղջ գիշերի, փշատիների գաղտագողի հարբեցման, կոնյակի հոտի և ծղրիղների խանդավառ ճովողունի մեջ:

Սյոման անկիրք էր նայում Մարուսիային, ինչպես մարդ կնայի իսկական գեղեցկությանը: Պարը՝ տղամարդու հպարտ խոյանքը, ասպետության գեղեցիկ զգացումը թույլ չէր տալիս Սյոմային ուրիշ կերպ նայելու այդ գեղեցիկ կնոջը: Ծվ այդպես նայելը դուր էր գալիս նրան այդ բոլորին: Այո, Մաքսիմը իր արջան ընկերն է, միասին են կովել ուսուցիչայի համար, վիճել մահի հետ, միասին աղաթվել մահից և ահա միասին են աշխատում սոցիալիզմի կառուցման մեջ:

Մարուսիան հանդարտ նվագում էր: Մեղմ ու պարզ էր եղանակը: Նա ուտը ոտին, լիքը կուրծքը կիթառի վրա կախած՝ պոկում էր հնչյունները: Նրա երկար ճկուն հասակը, բարձր սրունքները, խոզած կարճ մազերի խոպոպները և խաղաղ մատները, որ հպում էին լարերին՝ իսկապես հիացնում էին Սյոմային: Բայց երբ, պարք, նվազը նրա սիրտը լցրել էին բարձր գգացումներով:

— «Շա՛տ է գեղեցիկ Մարուսիան, բայց և Մաքսի՛մը լավ տղա է» — սկսեց մտածել Սյոման՝ առանց հաշիվ ատելու թե ինչո՛ւ է համեմատում: Սակայն զգաց, որ այդ համեմատումը իրեն մի

հանգիստ մտքով է տոգորում, ներդաշնակում իր զգացումները:

Ուրախացավ, որ այդպես է:

Նա աչքով մի անգամ էլ գրկեց Մարուսիայի բարձր, կառուցիկ հասակը, որ ուռննու պես ճկվել էր կիթառի վրա, և նկատեց նրա կաթնագույն մորթին, որ ցայտել էր նրա ուսագլխին: Սյոման աչքերը փախցրեց դրանից, հետո նայեց Մարուսիայի վայելուչ ոտներին, գողտրիկ տուֆլիների մեջ:

Ու հանկարծ վեր թռավ:

Մարուսիան զգաց նրա աչքերի պղտորությունը և բնազդով հասկացավ, որ իր ոտներից էին: Բայց հեռու շփաց, շմտածեց ավելի, քան կմտածի մի գեղեցիկ կին, որ սովոր է ամենքի հայացքին իր մարմնի վրա, որ և ամեն անգամ էլ «որևէ բան չի նշանակում»:

«Սյոման դիտում է իմ գեղեցկությունը» — անցավ նրա մտքով: Սովորական հիացք...

Մարուսիան վեր թռավ, կիթառը նետեց անկողնի վրա և սկսեց քայլել սենյակում: Նրա սլացիկ երկար հասակը, շնորհալի բարակ ոտները բեկբեկվում էին հպարտ շարժումներով: Նա գնաց դեպի բաց դուռը և հենվելով նրան՝ սկսեց դիտել դուրսը: Դուրսը մութն էր: Երկինքը իր կրակի քրտնքի կայլակները ճակատին ժպտում էր անհասկանալի հավերժության ժպիտով: Ու Մարուսիայի խոպոպները ու կիսադեմը թաղվելով նրա մուգ-կապույտ ֆոնի մեջ՝ նկատվում էր իբրև պատկեր նրա վրա գծագրված: Ֆոնի մի կողմում ուրվականի պես մռայլում էր Մասիսի սիլուետը:

Գիշերը խորանում էր:

Մարուսիան քթի տակ մի երգ մոմռալով եկավ նստեց իր տեղը:

— Նո՛ւ, բարի գիշեր, ես գնացի,— ասաց Սյոման և խլելով իր պստիկ գդակը՝ ծուռ կայքրեց ծոծրակին և գանգուրները թափեց հանդուգն ճակատին:

— Ինչո՛ւ ես փախչում, դեռ կա՛ց,— վեր թռավ Մարուսիան:

— Ո՛չ, վաղը օրապահ եմ:

— Դատարկ բան է, քի՛չ քնիր,— պնդեց Մարուսիան,— նըստի՛ր:

Ու քաշեց թևից նստեցրեց:

— Չէ՛, Մարո՛ւսիա, պիտի գնամ:

— Ինչ անհամն ես: Նստիր էլի՛.— ասաց Մաքսիմը և կոնյակը լցրեց:

— Վերցրո՛ւ,— գռչեց նա, վերցնելով իր ըմպակը:

Նրանք շէին խոսում, այլ արմնկելով սեղանին ականջ էին դնում Մարուսիայի նվագին: Երկար կշարունակվե՞ր այս, եթե վերջապես Սյոման տեղից շարժվե՞ր:

— է՛հ, շնորհակալ եմ, լավ երեկո անցկացրինք: Բարի գիշեր:

— Բարի գիշե՛ր,— հնչեց Մարուսիայի հստակ, ուրախ ձայնը:

— է՛հ, անհա՛մն ես, բարի գիշե՛ր,— մոմռաց Մաքսիմն ու վեր կացավ ճամփու դնելու Սյոմային:

Սյոման դուրս եկավ Մաքսիմենց սենյակից և մտնելով խոտերի ու մթուձյան մեջ՝ մեքենայորեն շողափեց ատրճանակը:

Անապատը խոժոռեց դեմքը նրա վրա և այրված թփերն ու ազազուն փշերը նոթերը կիտեցին՝ մթնաթաթախ գլուխները ցցելով այստեղից այնտեղից:

Քայլում էր Սյոման և նրա կոշիկները ուժով փսփսում էր գետինը:

«Լավն է Մաքսիմը, Մարուսիան էլ լավն է» — կրկնեց Սյոման մտքում և տխրեց, որ գիշերվա տարածումը բաժանեց իրեն այդ դույզից, որոնցից նա մի ջերմություն էր ստանում այդ անապատի մեջ:

Սյոման մտածում էր Մարուսիայի մասին: Բայց իսկույն Մաքսիմի պատկերը գալիս կցվում էր նրա պատկերին:

Մի անբացատրելի բարոյություն էր զգում Սյոման Մաքսիմի մեջ: Բարոյություն ընկերի, մարդու: Զգաց, որ ինքը սիրում է նրան և ուրախացավ դրա համար: Կարծես այդ սերը նրան պետք էր մի ուրիշ խոռվք խաղաղացնելու իր մեջ, ուրիշ խոռվք, որի սլատ-ճառը, ոչ էլ էությունը լավ չէր զգում:

«Հիմի նրանք մենակ են և Մաքսիմը նրան կգրկի, կհամբուրի» — մտածեց Սյոման խուսափելով այդ մտքից:

«Արժե Մաքսիմը դրան, նա լավ կովող տղա էր: Մարուսիան էլ արժե նրան» — ավելացրեց Սյոման, հեռացնելով առաջին մտածումները:

Եվ սրա նման մտքեր սկսեցին պտտվել նրա ուղեղում, ճախրել, հեռանալ, մոտենալ:

Սյոման սկսեց մտքերն ուղղել իր վաղվա անելիքների կողմը:

Քղթեր կան վարչութիւնից, որոնց պետք է պատասխանել: Սկսեց կազմել այդ թղթերի բովանդակութիւնը:

«Այո, Մարուսիան զեղեցիկ է»,— մտածեց նա հանկարծ, ահամա: Նրանք հիմի գրկախառնվում են, և ինքը չի կարող այնտեղ լինել:

«Նո՛ւ, սատանան տանի» — փսփսաց նա անախորժութեամբ և ձայնը բարձրացրեց:

«Ապա ի՞նչ պիտի անեն, հիմա՛ր»...

Եվ ծխախոտ վառելով քայլերն արագացրեց:

«Մարուսիան լավն է և բարի. նրա մասին ոչինչ վատ չպիտի լինի մտքումդ: Վերջապես ի՞նչ գործ ունես ուրիշի բախտավորութեան մեջ: Տղամարդ եղիր»:

Եվ զգաց, որ մի զգացում բարձրացնում է իրեն: Տղամարդու զգացումը հանդեպ իր ընկերոջ: Այնտեղ իր ընկերը սիրում է մի կնոջ, ինքը նրանց բարեկամն է ու ընկերը: Նրանք մինչև գիշերվա կեսի վերջին չեն խոսքը, երգն ու հյուրասիրութիւնը բաժանեցին իր հետ: Ավելին ի՞նչ կարող էին անել: Եվ ինչ բաժին որ ինքն ունի Մարուսիայի հարցում — բայց ի՞նչ բաժին... — նա այդ բաժինը զիջեց ընկերին, ջնջեց այն անախորժ թախիծը, որ սողոսկել էր իր սիրտը:

Առավոտյան, երբ Սյոման զարթնեց՝ առաջին վայրկյանի զգացումն այն էր, որ իրեն ինչ որ անախորժ բան էր պատահել և երկրորդ վայրկյանին՝ հասկացավ: Մարուսիա՛ն... Եվ տհաճութիւն զգաց, տհաճութիւն խաղաղ տղամարդու, որի կյանքը խոտվում է մի նորութիւն: Ուզեց վեր կենալ — գործի ժամանակ էր, բայց միայն թևերն հանեց դուրս և ծխախոտը վառելով՝ սկսեց մտածել:

Մեղկութիւն էր գալիս վրան, շէր ուզում վեր կենալ: Եվ ծխելու դուրեկանութեան պես քաշում էր նրան երեկվա անցուդարձի հուշը: Նա երկար կմնար անկողնում՝ եթէ ժամանակը չխթաներ նրան: Վեր թռավ անկողնից՝ և սկսեց արագ հագնվել: Էկացվելու սառը շուրը գրգռեց նրա շարժվելու տրամադրութիւնը: Եվ նա առանց մի բան ուտելու զնաց պարետային վարչութիւնը:

Ամբողջ կեսօր նա գլուխը մխրճել էր թղթերի ու գործերի մեջ: Դա նրան զբաղեցրեց և ուրախացրեց:

«Վերջապես ի՞նչ եմ ուզում... Մարուսիայի՛ն: Ոչ, իհարկե: Ի՞նչ հիմարութիւն է աչքպես մտածելն անգամ»...

Եվ նա ձեռքը թափ տալով անցնում էր ուրիշ թղթերի:

Գործերի, զբաղմունքի եռ ու զեռի մեջ նա նկատեց, որ Մարուսիան իր հրապույրով այնքան էլ խոցելի չէ նրա համար, և որ գիշերս նա ուրիշ բան էր: Դրա պատճառը անշուշտ գիշերային ժամն էր, կոնյակը, երգը, պարը:

«Եվ վերջապես մի՞թե ես կին եմ ուզում»:

Գործի տեմպը, կարմիրբանակայինները իրենց բողկի պես առողջ դեմքերով, պաշտոնի հոգսերը մի շնչով փչեցին նրա գրգռված երևակայութեան վրա: Նա սթափվեց և ինքն իրեն խոստովանեց, որ ինքը անձնատուր է եղել ինչ որ տարտամ, մեղկ զգացումների, որոնք հոգնած ու պարապ ժամերի այցելուներ են:

Թեթևացավ: Սկսեց սուլել: Պահակները բերին մի մաքսանենգի, որին բռնել էին Արաքսի շամբուտում: Պահակը պատմեց թե ինչպես բռնեցին: Նա ամբողջ գիշերը հսկելիս էր եղել: Նրա շոգից լզարած դեմքի և խոր ընկած կապույտ աչքերի մեջ մի պողպատե խոստովութիւն կար, որ վճռականորեն վանում էր ամեն օրինազանցութիւն: Սյոման ախորժանքով մտիկ տվեց նրա կենտրոնացած դեմքին և հաճութեամբ ընկավ իր պարտականութեան վրա: Կյանքի ընդհանուր հոսանքը, նրա ոչ-անձնական հոգսը, ուժեղ հորձանքը ազդու բալասան էին Սյոմայի մեղկացող տրամադրութիւնների համար:

Բայց դա կարճ տևեց: Սյոման գործը վերջացրեց, ճաշեց և դարձավ տուն: Ընկնելով մահճակալի վրա՝ նա կարծես ընկավ իր մեղկութեան և միայնութեան օրորոցը, որ հաճելի և վտանգավոր օրորով նրան քաշում էր դեպի մի թունավոր անրջանք:

Մարուսիայի կարապային իրանը հպարտ շարժումը լողաց պատի, լուսամուտի և այլ առարկաների արանքից և թափանցիկ մի Մարուսիա եկավ կանգնեց նրա դիմաց:

«Կինը պե՛տք է, կյանքի մի պետք» — ասաց մտքում Սյոման:— Հենց նրա համար է պետք, որ նրա մասին շմտածես, ինչպես օդի մասին: Սեր է, սովորութիւն է թե ինչ՝ կինը պետք է: Եվ վերջապես չի կարելի այսքան զբաղվել մի կնոջով: Ա՛յ, եթե ինքն էլ Մաքսիմի պես մի կին ունենար այստեղ — մտքում ոչ մի կին չէր լինի:

Նրան հանգստացրեց իր գործնական դատողութիւնը: Նա հանգստացավ, որ գտավ իր «տրամադրութիւնները» բուն պատճառը: Բայց մի՞թե իսկապես ինքը տրամադրութիւններ ունի: Այո, ունի, անհանգիստ է: Նա մտածում է Մարուսիայի մասին: Այո, ճիշտ է:

Բայց մի՞թե նա իրա՛, Մարուսիայի մասին է մտածում: Իհարկե՛ս, ոչ: Լինել մի ուրիշ կին Մարուսիայի նման, նրա կողքին, իր միտքը կզնար նրա կողմը: Կսիրեր նրան կամ հենց այնպես, ժամանակ կանցկացնէր հետը, և հարցը կլուծվեր:

Եվ վերջապես ամոթ է իր պէս տղամարդուն, ունուցիոններին, որ կնոջ շրջազգեստի համար այդքան միտք է մաշում:

Նա քնեց, և քանի որ գիշերը քիչ էր քնել՝ ընկավ խոր և կազդուրիչ քնի գիրկը:

Սյոման քնած էր բավական: Բաց դռնից ներս մտավ մի սահմանապահ՝ հրամկազմից, սուր հայացքով նայեց տախտի վրա մեկնված Սյոմային և մնաց կանգնած:

«Վաղո՛ւց է քնել սա», ասաց նա կիսաձայն և մոտենալով Սյոմային՝ սկսեց նրան թոթվել:

Սյոման վեր թռավ, բայց և իսկույն հորանջեց.

— Միտյա՛, ո՞ր սատանան քեզ բերեց:

Ու ձեռը տարավ ծխախոտի տուփին:

— Իսկ դո՞ւ որ ջհանդամներն ես կորել: Ինչո՞ւ չեկար բջիջի ժողովին:

— Ճիշտ է, հիմար բան եմ արել, մոռացել եմ: Ե՞րբ էր:

— Հիմարն այդ հարցն է: Օրը հայտնի է: Հը՛, ախպե՛ր ջան, դու այդտեղերք ինչ որ գործեր ես բաց արել: Հիվա՛նդ էիր:

— Ոչ:

— Ապա ինչո՞ւ չեկար ժողովին:

— Ոչ մի արդարացուցիչ պատճառ: Մխալվել եմ, մտից գցել եմ: Էլ չի լինի:

— Այդ գիտե՛նք: Բայց ինչո՞վ ես զբաղված, որ վերջերս պարտականութիւններդ թուլացրել ես:

— Ոչնչով: Ասում եմ էլի՛, էլ չի լինի:

— Դրանով չես պրծնի: Վաղը կզաս բջիջ և բացատրութիւն կտաս: Կինոյի հարցն ի՞նչ եղավ, գրե՛լ ես Քաղբա՛ծին:

— Ոչ:

— Նո՛ւ, տեսնո՞ւմ ես: Այդպես չի կարելի: Բանակայինները վայրենի կյանք չեն կարող վարել այստեղ: Ռադիոն լավ չի գործում, կինո չկա: Շոգ է: «Անկյունը» դատարկ է, պատի թերթը զառանցում է: Կաշտնսեսութիւնները մասին զեկուցումը պատրաստ է:

— Ոչ, բայց կպատրաստեմ շոտով:

— Ախր գիտեմ, որ քեզ մի բան պատահել է:

Սյոման վեր թռավ տեղից:

— Միտյա՛, դու ինձ մի բան ասա, — վրա ընկավ նա, — դու եկել ես այսօր ինձ պարտիա՞ սովորեցնելու:

— Ի՛նչ, — խեթեց Միտյան փշի պես, — պարտիա սովորեցնելու՞, — ապա ի՛նչ ես կարծում: Այնպիսի պարտիայի վարպետներին, ինչպես որ դու ես՝ կարելի է երբեմն սովորեցնել: Ի՛նչ ես քեզանով ներկայացնում, որ շտովորեցնեմ: Եվ այդ ո՞ր օրվանից ես ու դու այլևս կարիք չունենք, որ մեզ սովորեցնեն: Դու, ախպե՛ր ջան, այդպիսի խոսքերով ինձ չես վախեցնի: Սանձդ թուլացրել ես՝ պրծավ գնա՛ց:

— Թուլացել եմ՝ բաշիր:

— Նո՛ւ և քաշում եմ: Ասենք բջիջը կքաշի, ես՝ ի՛նչ: Պարտիա է:

Սյոման տաքացավ:

— Լավ է, գնա կա՛թ կեր և գլխիս ավետարան մի՛ կարդա:

— Կկարդամ և լավը կկարդամ — ձայնը բարձրացրեց Միտյան: — Ինչո՞վ ես պարծենում — անցյալովդ: Ո՞վ շունի անցյալ, սատանան տանի: Ամեն մեկը եթե քեզ պես անցյալը շիրճա անի ու հետևը քնի՝ ո՞ւր կգնա:

— Դու հիմարութիւններ ես ասում — մեղմեց Սյոման — ի՛նչ անցյալ, ի՛նչ ապագա: Քեզ ասում եմ, միտս չէր. կարճ ու պարզ:

— Դատարկ խոսք է, — համառեց Միտյան, — բջիջում կասեմ:

— Հա՛, այդպես:

— Հա՛ այդպես: Հիմի ձայնդ կտրիր:

Միտյան լռեց և հանելով ծխախոտը՝ նայեց շուրջը:

— Լուցկի՛ տուր:

Սյոման վառեց լուցկին: Միտյան սկսեծ ծխել:

— Շոգ է, մտածե՛մ ա՛ն՝ ասե՛ի, — խոսեց նա մեղմ ձայնով, —

չորս նորագոյններ էլի դողացրին: Եմիլյանին ասացի կոնյակ բերի քաղաքից:

— Ասել է՝ ձանձրանո՞ւմ ես,— ժպտաց Սյուման:

— Ինչի՞ պիտի ձանձրանամ,— նորից կծեց իր սուր հայացքով Միտյան,— կնիկմա՞րդ եմ, ի՞նչ եմ: Ի՞նչ, դու ձանձրանո՞ւմ ես:

Սյուման չէր սպասում, որ հարցը կվերագանա իրեն:

— Ե՛ս, չեմ ձանձրանում,— ասաց նա տարտամ եղանակով,— բայց կին չկա, ա՛յ բանն ինչումն է:

— Կի՛ն,— ծոր տվեց Միտյան,— տես ի՞նչ ուզեց պիտուր: Աստվա՛ծ ենք, ի՞նչ ենք, որտեղի՞ց ստեղծենք:

— Չգիտեմ, բայց կնիկմարդը պետք է,— ասաց Սյուման, և զգաց որ այն չի ասում, ինչ որ զգում է: Եվ նստեց առխտի վրա:

— Ի՛հ,— արեց նա,— հազար կին էլ լինի այստեղ՝ կարծում ես մարդու սիրտը հեշտ կկպչի՞ դրանց... Կարծում ես մարդ կին է ուզում հենց այնպե՛ս:

— Հապա ո՞նց:

— Կի՛նը, կինը պիտի ուրիշ տեսակ լինի:

— Գինը մի տեսակ է լինում, հիմար,— կտրեց նրան Միտյան:

— Կնոջ ոչ մի տեսակը չկա, ինչպես և տղամարդու: Մեկը որ ձեռք ընկավ՝ մյուսներն էլ արդեն գիտես ինչ են:

— Փիլիսոփա մի դառնա գլխիս:

Ու վեր թռչելով՝ պատուհանից խլեց շախմատը.

— Դե նստի՛, նստի՛, քանի գլուխդ հիմար դրովթյուն է՝ մի մատ անեմ քեզ:

Սկսեցին շախմատ խաղալ:

— Քախձալի է այս այրված անապատը, այս շողը, մոծակը, այս շոր հողն ու քեռացած քարերը,— խոսեց Սյուման՝ աչքը շախմատի քարերին հառած:

— Քախձալի՞... է՛հ, ստեպ չես տեսե՞ր: Քաղաքացիական կռվի ժամանակ հիշո՞ւմ ես Աստրախանի ստեպները:

— Այնտեղ գրադմունք կար, կոխվր: Նա չէր թողնում, որ անիծյալ թախիծը թափանցի հոգիդ:

— Իսկ այստեղ կոբիվը չկա՞: Հիմա՞ր, սա պակաս մտքով է — իմ պեղծվածներից ցեմ այս փողոցի խորամատային կոխվր: Փորձաքան

մեջ ես, անխե՛ղբ: Չե՛ս տեսնում ինչպես է ալիքը բարձրանում: Ի՞նչ ասել է անապատ: Արաքսի ափը — սա Միուլթյան ափն է:

Նա վեր թռավ, թողնելով շախմատը:

— Ես քեզ ճառ եմ ասում: Դու գիտես, որ դա ճշմարիտ է, իսկ միե՛նույն ժամանակ թթվում ես քո հոգու մի անկյունում: Քափ տուր քեզ, ե՛կ բռնի, գո՛րծ արա: Կոմունիստը — թախի՞ծ, հիմար հո չե՛ս: Միենո՞ւյնն է, սատանան տանի: Մոսկվա՞ թե Արաքս:

— Նու, նու, լավ, շնորհակալ եմ քաղաքագիտության համար — զվարթացավ Սյուման: Նա Միտյայի մտքերի կարիքը չուներ, բայց Միտյայի խանդավառ զգացմունքները տաքացնում էին նրան: Նրան հաճելի թվաց իր հավատացած գործի մասին լսելը մեկ ուրիշի ջերմ խոսքերով: Դա սրտապնդիչ էր և կենարար:

Ու քանի խոսում էր Միտյան՝ այնքան ավելի նրա ածելանքման պարզ աչքերը լցվում էին ջերմ փայլով: Նրա դաժան դեմքը մնալով դաժան՝ թվում էր մեղմ:

Բայց Սյուման զգում էր, որ Միտյան ևս բավականություն էր նկարագրում իրենց դրովթյունը, որով այս անապատը կապվում էր ընդհանուր ռևոլուցիոն շարժման հետ, շարժման մեջ էր ընկնում և չէր թվում այնքան մտալու լքված մի վայր: Ոչ, Արաքսի ափն էլ աղմուկի մեջ է: Նրանք այստեղ կատարում են մեծ գործի մի փոքրիկ մասը:

Այս վրույցը, Միտյան՝ իր պողպատե հասակով, կտրուկ, համառ մտքերով, խստակյաց այդ կոմունիստը նրան ուրախացնում, զբաղեցնում էր:

Եվ նա համարյա չէր զգում այն, որ նա անվանում էր «թախիծ»:

Նրանք խաղացին և խոսեցին մինչև մութն ընկնելը: Հետո թեյ խմեցին: Երկուր խոսում էին սահմանի անցուղարձից, Ռուսաստանի հացամթերումից, հետո անցան իրենց զորամասի կարիքներին,— մի վրույց, որ Սյումային բերեց կապեց իր հասարակ ու առողջ առօրյային:

Բայց երբ Միտյան գնաց և մեծակ մնացած Սյուման գուրս եկավ դուռը և աչքը գցեց անապատին՝ անախորժ տարտամոթյունը եկավ պաշարեց նրան: Նա սկսեց անցուղարձ անել սենյակում: Հետո կանգ առավ պատուհանի առաջ և կարծես գլուտ արավ,

այնքան հետաքրքրեց նրան այն միտքը, որ թեև շատ վաղուց պարզ էր, բայց պետք է բուրոսովին կենդանի հնչեր՝ որ նա թեթեւանար.

— Չէ, կին է պետք, ուրիշ տեսակ կին:

Մի քանի օր Սյոման զբաղված էր իր պաշտոնի գործերով և ժամանակ չուներ խորանալու իր ձանձրույթի մեջ: Օրերը գալիս, օտարի նման մտիկ էին տալիս Սյոմային և անցնում: Նա զգում էր նրանց խորութիւնը, ինչպես իրեն շրջապատող դաշտի շորութիւնը, որ նրա հոգու վրա թախիժ էր ցանում:

Եվ նա կեսօրի արևից տոշորվելով ճամփա ընկավ դեպի Մարուսիայենց տուն: Դեռ չհասած հողաշեն, տուփի նման տանը, որ հեռվից դեղնին էր տալիս և բաց դռան սև ստվերով շրջապատի մոռայի մեջ մի ժպտացող կետի էր նմանում՝ նրա սիրտն սկսեց բաբախել: Երբ մոտեցավ տանը սև ստվերի միջից զնգաց Մարուսիայի հնչուն ձայնը.

— Սյոմա՛:

Սյոման ներս մտավ, բարեկերպ Մարուսիային:

— Էլի՞ թրև ես գալիս ինչ որ տեղեր, ո՞րտեղ ես, մեռած,— լսվեց Մաքսիմի ձայնը: Նա գդակը դրել՝ պատրաստվել էր գնալու

— Ո՞նց ես, ո՞ւր ես,— հարցրեց Մարուսիան ծիծաղկոտ հայացքով գրկելով նրան:

— Ամբողջ երեկո սպասում էինք քեզ, հիմա՛ր — նկատեց Մաքսիմը,— Մարուսիան խորոված էր արել: Քա՛նի անգամ ասել եմ՝ այս շոգերին մի՛ թթվիր, ե՛կ մեզ մոտ: Նախամարդու կերպարանք ես առել:— Նո՛ւ, ես գնացի, դուք զրո՛ւյց արեք: Կգամ:

Մաքսիմը գնաց, Սյոման նստեց և լուռ նայեց Մարուսիային: Սա նստեց և շարաճճի աչքերը ճաճանչեց Սյոմայի դեմքին:

— Ինչո՞ւ ես բարկացել:

— Ե՛ս, չեմ բարկացել: Հոգնած եմ:

Իսկապես բարկացած չէր, բայց և հոգնած չէր: Ինչ որ հոգեկան կարկամություն էր զգում, որ ուրախությունից էր:

Նա թեթևացավ նայելով Մարուսիային: Եվ իսկապես այդ կինը զարմանալի հեշտ փարատում էր ամեն մոռյլ բան կյանքի մեջ: Նրանից բուրում էր մի ջերմ մտերմություն, ինչպես գարունքից: Սյոման սկսեց գիտակցել, որ Մարուսիայի տունը միակ վայրն է, ուր նա կարող է իր թախիժը բուժել:

Նրանք սկսեցին զրուցել: Մեկը այն զրույցներից, որ մտերմների մեջ է լինում — հաճելի մի նյութից մյուսը: Այդ մտերմ զրույցը Սյոմայի մեջ ծնեցրեց այն միտքը, որ ինչպես իր և Մաքսիմի մեջ, նույնպես և իր և Մարուսիայի մեջ անշրպետներ չկան, որ իրենք երեք մտերմներ են:

Մարուսիայի մեջ բնազդն սկսեց իր աշխատանքը: Նա նկատեց, որ Սյոման ինչ որ «տրամադրություն» է սկսել: «Տղամարդը գիտե շուտ տրամադրվել և շուտ էլ մոռանալ» — մտածեց նա և որոշեց նշանակություն շտալ դրան՝ բնական համարելով այդ ամեն տղամարդու մեջ: Մարուսիան համակրանք էր տածում դեպի Սյոման: Եվ այնքան այդ մտերմությունը վստահեցնում էր նրան, որ նա չէր վախենում «ոչ մի բանից»:

«Արդյոք կարո՞ղ է Մարուսիան ինձ ևս սիրել... Մաքսիմի հետ» — ծագեց մի այսպիսի շարաճճի միտք Սյոմայի մեջ, բայց նա իսկույն ևեթ մտրակեց իրեն. «Ի՞նչ անհեթեթություն»: Եվ շարունակեց. «Ի՞նչ հիմար բան է այս զույգ ասածը, ինչո՞ւ «զույգ» և ոչ «երեք», «շորս» և այլն:— Դարձյալ հիմար բան ես ասում» — ընդհատեց իրեն Սյոման և միտքը շրջեց ուրիշ կողմ:

Բայց մտքերը անզգալի կերպով տոգորվում էին այդ տրամադրությամբ: Սյոման չէր մտածում, այլ անորոշ ձևերով զգում էր, որ լողում է այդ մտքերի հոսանքում: Ծիշտը՝ այդ հոսանքը նրան տարտամորեն զշում տանում էր դեպի «զույգը»: Եվ նա Մարուսիայի ոսկեողկույզ գանգուրների, հպարտ գլխի հետևից նշմարում էր Մաքսիմի դուրս լողացող բարի և ազնիվ ճակատը, որ անբաժանելի էության պես նկատվում էր Մարուսիայի հետ:

Դա «զույգն» է, բնական, դարերով հաստատված զույգը: Բայց ինչո՞ւ էր Սյոմային թվում, թե Մարուսիան, որի ամբողջ վերաբերմունքը դեպի իր ամուսինը պիտի լիներ մի «կորեկտ» սեր դեպի իր ամուսինը՝ այդ Մարուսիան նկատվում էր նրա առջև իրեն անվերժանելի հանելուկ: Այդ Մարուսիայից շնչում էր անըսպառ ջերմություն, որ տարածվում էր իր շուրջը, տաքացնում, մեղմացնում ամեն իր մոտ կանգնած էակի: Սյոմայի առջև նա մի անհուն աշխարհ էր մտերմության, կյանքի, ուրախության, որին կարող են դիմել ամենքը: Նա այնպես էր զգում, թե Մարուսիան ինչպես մայր, ինչպես քույր, ինչպես մարդ, մեկինը չէ միայն.

նա այնքան անհուն է և լի գեղեցկությամբ ու զգացումներով, որ շի ամփոփվի մի հոգու մեջ:

Եվ ինչպե՞ս Մարուսիան հեշտացնում է այսպիսի ժտքերը: Ի՞նչ թեթև իրագործելի է թվում ամեն բան, երբ նայում ես Մարուսիայի «երաժշտական» դիմագծերին, որից ամեն ստոր, նվաստ, մեղավոր միտք վեհանում է: Ամեն ինչ կարելի է Մարուսիայի հետ ու այդ ամեն ինչը գեղեցկանում է Մարուսիայի հետ: Նա հեշտացնում է ամեն երեակայություն:

Ահա թե ինչու Սյոման իրեն շէր համարում խորթ ու ավելորդ՝ Մարուսիայի և Մաքսիմի հետ, այլ ձուլված նրանց հետ:

«Ի՞նչ կլինի, եթե ես Մարուսիային սիրեմ» — հանկարծ մտածեց Սյոման: — Մաքսիմը... թող շիմանա Մաքսիմը, անգամ Մարուսիան: Ո՞ւմ եմ խանգարելու:

Սյոման կարմրեց այդ մտքից և լսելի կերպով հեաց:

Կարծես մուժ գրի միջից մի անցք գտավ, որտեղից մի լույս թեթևացնող կերպով ժպտաց նրան: Նա ազահ վրա ընկավ այդ մտքի վրա:

Հանկարծ նա նկատեց, որ բավական ժամանակ նրանք լռել են:

Հսկեց Մաքսիմի ձայնը: Սյոման զգաց իր սրտի տրոփյունը: Եվ երբ Մաքսիմը շառագունած և ժպտալի մտավ ներս՝ Սյոման նայելով նրա թարմ ժպիտին՝ իսկույն ցրիվ տվեց իր մեղկ մտքերը: Հնկերոջ անգիտակ մտերմությունը, նրա միամտությունը դիպավ Սյոմայի երազանքին և լույսի պես վանեց նրան: Նա թափ տվեց իրեն:

Մաքսիմն սկսեց պատմել իրենց տանից ստացած մի նամակի ծիծաղելի բովանդակությունը, որ լցրեց սենյակը նոր, աշխույժ տրամադրությամբ: Մարուսիան վեր թռավ և սկսեց անցուդարձ անել սենյակում:

Սյոման սկսեց դիտել նրան: Մարուսիան զարմանալիորեն աճում, գեղեցկանում էր նրա առջև: Նա նոր սկսեց նկատել նրա բարձր հասակը, սլացիկ գեղեցկությունը, որ մաքրու սիրտը լցնում է աշխուժով:

Սյոման ուզեց թափ տալ իրեն և ուշը դարձնել արդի կողմ, բայց զգաց, որ այլևս անկարող է շատածել Մարուսիայի այդ գեղեցկության մասին:

Դարձյալ անխորժ թախիծը եկավ տիրեց նրա հոգուն: Եվ նա պարզեց իր համար մի բան, որ ինքը այլևս անկարող է դիմադրել իր մտքերին, որ ինքը հենվում է հենց այն մտքերի վրա, որոնք իրեն տանելու են անդունդ:

«Ո՛չ, Մարուսիայի մասին կմտածի նա, բայց Մաքսիմից ծածուկ, Մարուսիայից ծածուկ»:

Քրտինքը տվեց վրա: Նա խլեց գդակը:

— Ո՞ւր, — թռավ նրա առաջ Մարուսիան:

— Գնում եմ, գործ ունեմ:

— Թո՛ղ, ի՞նչ գործ, ճաշում ենք:

Սյոման շլսեց, գնաց:

Հասնելով տուն՝ ընկավ տախտի վրա և սկսեց ծխել: Անդամ ֆիզիկապես նա թույլ էր զգում իրեն, այնքան հոգեկան թուլյալ թուլացրել էր նրան:

Հիմա պարզ է. նա հիվանդ է «Մարուսիայի մտքերով»:

Բայց ինչ արագ բացվեց հիվանդությունը: Սա կարող է կեռատեսել ընկերական հարաբերությունը: Մի այնպիսի ընկերի, որի հետ քաղաքացիական կռիվների կրակների միջից միասին են դուրս եկել, որի հետ հաղթել են և հիմա միասին կառուցանում են:

«Ամոթ է, — շնչաց Սյոման, — դու տղամարդ չես, այլ փախսի կտոր»:

Բայց պարզ տեսնում էր, որ այդ խոսքերը զուր են, որ ինքը կաշկանդված է, և ինչ-որ մի բան պիտի կատարվի: Եվ այդ բանը, որ նա կարծում էր թե ուշ պիտի կատարվի, ահա կատարվում է հիմա՛, և արագ: Արագ պարզվեց իր համար, որ ինքը սիրում է Մարուսիային:

Որոշեց չզնալ Մարուսիայենց: Հետևյալ օրը կրկին մխրճվեց իր պաշտոնական գործերի մեջ: Աշխատեց համոզել իրեն, որ այսպիսի «վատ» մտքերով չի կարելի մոտենալ Մաքսիմին: Որոշեց թեկուզ ամբողջ մի շաբաթ, մի ամիս չզնալ նրանց կողմը, մինչև որ անցնի «հիմարությունը»:

— Սյոմա՛, դու այն օրը նեղացա՞ր մի բանից, ի՞նչ է պատահել քեզ, — լսվեց Մարուսիայի ձայնը:

Նա ներս մտավ և կանգնեց Սյոմայի դիմաց:

— Հը՞, ի՞նչ է պատահել: Մաքսիմն առտամ է հիմարացել ես: Ահա՛, ի՞նչ հիմարություն է:

— Նստի՛ր, Մարուսիա:

— Կնստեմ, դու ասա՛, ինչի՞ փախար հանկարծ նեղացած:

— Ես նեղացած չեմ, Մարուսիա:

— Ապա ի՞նչ է պատահել քեզ:

Սյոման նայեց: Մարուսիային, որի աչքերում թեթեակի սկատվում էր կանացի թափանցումը գաղտնիքների: Մարուսիան ամբողջ էությամբ գրկեց նրան: Ու այն րոպեին այնքան հեշտ թվաց Սյոմային իր խոռվքի պատճառը նրան հայտնելը, որ հենց այն է պիտի հայտնել, բայց հենց փորձեց այդ, իսկույն զգաց, որ դա ամենից դժվար բանն էր աշխարհում:

— Ձանձրալի է այստեղ: Մարո՛ւսիա,— ասաց նա:

— Ձանձրալի է, գիտեմ: Հենց Մաքսիմն էլ այդ է ասում քեզ համար: Ուրեմն ե՛կ մեզ մոտ, հաճախ եկ:

— Չէ՛, Մարուսիա, ես չեմ ուզում իմ ձանձրույթս բերել ձեզ մոտ:

— Գուցե տուն ես ուզում գնալ:

— Տո՛ւն, ի՞նչ կա ինձ համար տանը: Ինձ համար ոչ մի հանգիստ տեղ չկա:

— Ի՞նչ ես փնտրում, որ չես գտնում այստեղ կամ տանը,— հարցրեց Մարուսիան լուրջ դեմքով:

— Ոչինչ,— և Սյոման աչքերը պցեց գետին:

Մարուսիան վեր կացավ:

— Չեմ պնդում, գուցե քեզ համար մեզ մոտ ևս ձանձրալի է: Այդ կարող է պատահել: Բայց ես ու Մաքսիմը միշտ էլ սպասում ենք քեզ — այդ իմացի՛ր: Մեզ համար էլ պետք է ընկերությունը: Վերջապես թո՛ղ հիմարությունները, այսօր թեյին եկ մեզ մոտ կսպասենք:

Եվ ուզում էր հեռանալ, բայց Սյոման ձեռով արեց.

— Լսի՛ր, Մարուսիա: Ծիշտն ուզո՞ւմ ես: Ես միշտ զգում եմ, որ կարող եմ խանգարել ձեզ... ամուսիններիդ:

— Մեզ խանգարե՞լ,— զարմացավ Մարուսիան:

— Պարզը խոսենք. դուք ամուսիններ եք. կուզենաք ձեզ համար ասել-խոսել ա՛յն, ինչ-որ ձեզ է հաճելի: Ի՞նչ գործ ունեմ ես ձեզ մոտ:

Մարուսիան ծիծաղեց:

— Նո՛ւ, գաղտնի խոսակցություն համար ժամանակ կգտնվի: Եվ վերջապես ամուսինը չի փախչի:

Սյոմային դուր չեկավ ո՛չ այդ ծիծաղը և ո՛չ էլ այն միտքը, որ գաղտնի խոսակցություններ ունենում են նրանք, կարծես դա նոր բան լիներ նրա համար:

Եվ ինչո՞ւ այդ աշկարա փաստը, որի մասին գիտեր նա, որը ծիծաղեցնելու շափ հայտնի է և օրինական բան է՝ նրան այդպես ծանր խոցեց, երբ դրա մասին խոսվեց, Կարծես դա իսկապես փաստ դառավ, երբ Մարուսիան ինքն ասեց այդ:

Սյոման սրտնեղեց:

«Կարող էիր այդ բանն իսկի՛ էլ շասել» — ասաց մտքում և նոթերը կիտեց:

— Մարո՛ւսիա, այնպես ես խոսում, կարծես ամուսին չունենաս և չես սիրում,— ասաց Սյոման և ասաց հանկարծ, որ շմտածի շասել,— մի՞թե դու այդքան էլ պահանջ չունես ամուսնուդ հետ երկար մենակ մնալու:

— Ինչո՞ւ չէ, ես սիրում եմ Մաքսիմին: Բայց հո չեմ կարող ամբողջ օրը քիթ քթի հետը նստել: Ուրիշ մարդիկ էլ են հետաքրքիր:

Այս խոսքերն հանգստացրին Սյոմային:

— Մարո՛ւսիա, կարո՞ղ էիր ուրիշին սիրել,— հանկարծ հարցրեց Սյոման և զգաց, որ ինքը ընկած է մի զառիվայր մակարդակի վրա և զլորվում է ահամա և արագ:

— Ի՞նչ հարց է դա,— զարմացավ Մարուսիան:

— Ոչինչ: Տեսական հարց: Կարո՞ղ է մի կին, որ սիրում է իր ամուսնուն՝ այդ րոպեին զգալ, որ հնարավոր է և մի ուրիշին սիրել:

— Հնարավո՞ր. ինչո՞ւ չէ: Ընդհանրապես կարող է: Սերը վառվում է, սերը հանգչում է: Ամեն բան կարող է պատահել:

— Կարո՞ղ էիր դու երևակայել, որ դու մի օր չես սիրի Մաքսիմին, այլ մի ուրիշին:

Մարուսիան մտածեց.

— Մաքսիմի՞ն... ոչ. ես նրան չեմ կարող շսիրել:

— Ամենևի՞ն,

— Ամենևին էլ չէ: Չեմ մտածել այդ մասին:

— Ապա մտածի՛ր:

Մարուսիան սկսեց մտածել:

— Ո՞վ է իմանում, ինչե՞ր չեն պատահում կյանքում: Կարող է, իհարկե: Բայց ես հիմա զգում եմ, որ սիրում եմ Մաքսիմին:

— Իսկ Մաքսի՞մը:

— Մաքսի՞մը, օ՛, նա ինձ շատ է սիրում:

Նրանք լռեցին:

— Այո, — շարունակեց Մարուսիան, — դա ինձ համար մեծ ուրախություն է այս անպատում: Առանց Մաքսիմի, ի՞նչ մեղք ծածկեմ, ես այստեղ չէի կարողանա գործ կատարել:

«Մարուսիան շատ է գեղեցիկ — մտածեց Սյոման — և ի՞նչ պիտի անեմ ես»...

Եվ նա մտիկ տվեց նրա ձյունեղեն ուսերին, նեղ իրանին, որ ուռենու պես ճոճվում էր ման գալու ժամանակ և բարակ, երկար ոտներին, որ երաժշտության պես քայլում էին սենյակի երկարությամբ:

«Մարուսիան աղետավոր կերպով գեղեցիկ է» — կրկնեց մտքում Սյոման և ճնշվեց այդ զգացման ծանրության տակ:

Մարուսիան նայեց Սյոմային և մի անախորժ բան զգաց: Որ արդեն կոտրվել է այն սահմանաքարը, մինչև ուր մի տղամարդ կարող էր մոտենալ իրեն: Եվ իբրև փորձված բժիշկ, որ դնում է ճիշտ դիագնոզը և գիտե որ տվյալ հիվանդությունը թեև թեթև նշաններ ունի, բայց անցնելուց առաջ դեռ մի ծանր շրջան ունի անցնելու և պատրաստվում է երկար խնամքի — այնպես Մարուսիան որոշեց «հիվանդությունը» և լրջորեն իրեն հետ քաշեց:

«Պատմություն է սկսում» — մտածեց Մարուսիան և մոտենալով պատուհանին՝ ձեռքերը ծալեց կրծքին: Նա դուբս էր նայում, իսկ Սյոման ճնշված դիտում էր Մարուսիայի կանգնվածքը, որի մեջ մի հատուկ բան կար, որ նվաճում էր մարդու — բարձր հասակի հրամայող, սաստող շեշտը, տիրական գեղեցկությունը, հաղթող հպարտանքը:

«Սա ինձ ամեն բան պիտի անել տա» — կայծկլտեց Սյոմայի գլխում:

Անդիմադրելի, բնազդային մի ուժ, հրաբխային հարվածի պես նրա հոգու խորքերի տակից՝ խոռվեց Սյոմային: Եվ առաջին անգամ նա տեսավ, որ անց է կացել սահմանը: Նա միայն մի բան որոշեց: Որ նա չի կարող դավաճանել իր ընկերին, և չի կարող

մեռցնել աղետալի դրացմունքը գեպի Մարուսիան: Ուստի և դա կմնա ծածուկ երկուսից էլ: Թող տևի տարիներ թեկուզ: Միակ էլքը ու է, քանի որ նա անդարձ «հիմարացել» է արդեն: Եվ ահա այս էլքը — այս թուլյալությունը, որ դավաճան զգացմունքը դա և ծածուկ բնակվի նրա հոգու մեջ. — հանգստացրեց Սյոմային:

Մարուսիան հրածեղտ տվեց նրան տուն գնալու համար, բայց Սյոման ընկերացավ նրան մինչև նրանց բնակարանը:

Սյոման մի նոր կենդանություն նկատեց իր մեջ: Կենդանություն, որ զգում է մարդ՝ խոհերից վճիռների և գործողությունների անցնելիս: Նա նկատեց նաև, որ իր մեջ մեկ ուրիշը իրենից անկախ գործում է, կարգադրում, հրամայում և հիմի հայտնվել է արդեն: Եվ թելադրում է:

Եվ արդեն պարզ է: Սյոման սիրում է Մարուսիային: Ճիշտ է՝ ծածուկ, իր մեջ, բայց դրա մեջ հույս կա, որ ընկերական պարտականությունը հարվածող այս հիվանդագին զգացմունքը մի էլք գտնելով դուրս կգա իր հոգուց և կանհետանա:

Մի բանի օր Սյոման ապրեց այդ հոգեկան վիճակով: Սակայն այդ մի բանի օրը ոչ թե հանգստյան օրեր եղան, այլ ավելի շուտ պարգեցին նրա խաբուսիկ վիճակը, որին ապավինել էր նա: Նա իրեն զգաց մի հորձանքի մեջ, որն այլևս տանում էր իրեն, և ինքը դիմադրել չէր կարող:

Նա սկսեց կովել իր հետ: Արդյոք չէ՞ր կարելի հեռանալ այս պատմությունից: Չէ՞ր կարելի երազել մի ուրիշի մասին: Գրտնել Մարուսիայի նմանին: Ավելի գեղեցիկը: Նա սկսեց պատկերացնել ուրիշին, նրա նմանին, նրա քրոջը: Բայց նրան զարմացրեց սիրո այդ անիմաստ կամ իմաստուն հիպնոզը, որ կաշկանդում, կապում է մարդու սիրտը միայն մի էակի, միայն մի հոգու հետ: Բայց եթե այդ էակի արտաքին նմանությունն անգամ չէր կարող զոհացնել մարդկային հոգու քմահաճություններին՝ ուրեմն, ի՞նչն է այն հատուկ էությունը, որ մի արարածի դարձնում է միակը, միակ այդպիսին: Իսկ եթե Սյոման այնպես սիրի Մարուսիային, որ ընդմիջող կապվի նրա հետ, անկարող նրան թողնելու... Իսկ եթե Մաքսիմը այնպես է սիրում իր կնոջը, որ նույնպես անկարող է թողնել և զխոջ Սյոմային... Իսկ եթե Մարուսիան, որ անշունչ առարկա չէ, որ անխոս գնա նրան, ով իրեն տանում է...

Մարուսիան մենակ էր: Նա հարթուկում էր երեսսրբիչները: Նրան տեսնելով Սյոման ուշքի եկավ: Զգաց, որ ճամփին ավելի հեշտ էր մտածել իր անելիքի մասին, քան թե անել: Բայց ի՞նչ է ուզում անել:

Մարուսիայի լուրջ դեմքը և բացակա Մաքսիմի ներկա պատկերը խայթեցին նրան:

— Նո՛ւ պատմի՛ր, ի՞նչ կա,— սկսեց հասարակ ձևով Մարուսիան, երբ Սյոման նստեց:

— Ոչինչ: Եթե ինձ ուղարկեին մի ուրիշ վայր, շատ լավ կլինե՞ր,— ասաց հանկարծ Սյոման, շտպասելով թե այդ պիտի ասի:

— Օճո՛, դու ուզում ես հեռանա՞լ այստեղից — ժպտաց Մարուսիան:

— Եթե հնար լինի՞...

— Ռուսաստա՞ն ես ուզում:

— Միևնույն է թե ուր:

Նրանք լռեցին:

— Մեզ համար տխուր կլինի,— խոսեց Մարուսիան կարծես ինքն իրեն:

— Ինչո՞ւ պիտի տխուր լինի,— հարցրեց Սյոման և զգաց որ սիրտն ուժգին զարկեց:

— Ի՛նչ, սովորե՛լ ենք իրար:

— Ուրիշ ընկերներ շատ կան:

— Շատ կան, և նրանց հետ էլ լինում ենք, բայց...

— Բայց...

— Մաքսիմը շատ լավ է զգում իրեն քեզ հետ: Ընկերություն է՝ ինչքան չլինի:

— Իսկ դո՞ւ ինչպե՞ս...

— Ե՛ս,— և Մարուսիան այնպես ճնշեց հարթուկը, որ մերկ ձեռմակ ուսը ուռչելով դուրս լողաց զգեստի տակից:

Սյոման նկատեց այդ և շփոթվեց:

— Այո, դու,— ասաց Սյոման և զգաց, որ ձայնը իրենը չէր, այլ մի ուրիշ մարդու, որին ինքը լսում է: Եվ հազաց հուզմունքից խեղդված:

Այդ նկատեց Մարուսիան և բնազդաբար լռեց:

— Մարո՛ւսիա, գիտե՞ս ինչ,— ասաց Սյոման դարձյալ իր համար օտարրոտի ձայնով,— ես սիրում եմ քեզ:

Այս ասելով իսկույն մտածեց. «Ի՞նչ շուտ եղավ այս ամենը», Եվ սակայն անասելի հաճույք զգաց, ինչպես պատերազմի ժամանակ վաղուց սպասված մարտը սկսելիս: Այսինքն «վերջապես, ինչ կլինի՞ կլինի»:

Լուսթյուն տիրեց: Սյոման սպասում էր անսպասելի մի բանի, Ահա փոթորիկը կսկսվի:

— Ես զգում էի այդ,— պատասխանեց Մարուսիան խուլ և հանգիստ:

Եվ գլուխը կախ շարունակեց հարթուկելը: Լռեցին, բավական երկար:

— Եվ հետո՞,— դողալով հարցրեց Սյոման և աչքերը մթնած նայեց Մարուսիային:

— Հետո՞... հետո ոչինչ: Դու կմնաս մեզ բարեկամ և... կմոռանաս: Կպատահի: Հասկանում եմ:

Բոլորովին չէր սպասում Սյոման այսպիսի վախճանի: Նա ինչ որ հիմար ճամփի վրա էր, որից հետ գալ չէր կարող, ինչպես և կանգնել — պետք էր առաջ գնալ: Ու վեր թռչելով մոտեցավ Մարուսիային: Սա ոչ մի շարժում չարավ:

— Մարո՛ւսիա,

Պատասխան չեղավ:

— Մարո՛ւսիա,— և թեք տարավ Մարուսիայի ուսին,— թո՛ւյլ տուր, Մարո՛ւսիա:

Մարուսիան հանդարտ շարժումով ուսն ազատեց և շարունակեց հարթուկելը:

Ապա հանգիստ ասավ.

— Նստի՛ր տեղդ:

— Մարո՛ւսիա,— շշնջաց Սյոման,— ես ոչինչ չեմ կարող ասել քեզ բացի այն, որ հիմա լսեցիր: Գուցե նեղացա՛ր: Լսի՛ր, բան եմ ասում: Չե՛ս լսում: Նո՛ւ, մնաս բարո՛վ:

Սյոման դուրս թռավ դռնից:

— Սպասի՛ր,— հրամայեց հետևից Մարուսիան:

— Ի՞նչ է,— խիստ ձայնով հարցրեց Սյոման, կանգնեց և աչքերը խոժոռած նայեց գետնին:

— Գնա՛ տուն, բոլոր հիմարություններդ թո՛ղ այնտեղ և էլի ե՛կ: Ամոթ է քեզ պես տղամարդին, որ այդպես փախա ևս դառնում: Վերջապես դու Մաքսիմի ընկերն ես:

Սյոման սպասեց, որ Մարուսիան շարունակի, դա դուր եկավ նրան: Նա էլի կանգնեց, որ Մարուսիան շարունակի իր խայթոցը, բայց Մարուսիան հարթուկում էր և չէր նայում նրա կողմը:

Սյոման պոկվեց տեղից և արագ քայլերով գնաց տուն:

Ամոթը, խղճի խայթը, իր նվաստացումը և Մարուսիայի բարեկամությունը այնպես խանգարելու զգացումը նրան խաբանեց շիկացած երկաթի պես: Նա բաց արեց կոնյակի շիշը բռնեց բերանին:

Մինչև ուշ գիշեր բերնքսիվայր ընկած էր տախտին, բայց թունը չէր տանում:

Այնուհետև մի քանի օր կամ պաշտոնատեղին էր կամ տանը: Չէր վճռում գնալ «նրանց կողմը»:

Միայն մի շաբաթ հետո եկավ Մաքսիմը և սկսեց միամիտ պատմել ընկերներից մեկի թյուրիմացությունները մաքսային վարչության հետ:

— Գնանք մեզ մոտ ճաշի,— հանկարծ ասաց Մաքսիմը:

Սյոման շհամարձակվեց խոսել:

— Այո՛, այո՛, վե՛ր կաց: Մարուսիան սպասում է քեզ:

«Սպասո՞ւմ...» Սյոման և՛ զարմացավ, և՛ թեթևություն զգաց: Ուրեմն Մարուսիան ներել է և մոռանում է: Ինքը և՛ ս թեթև ու մոռանալի համարեց իր արածը:

Ի՛նչպես Մարուսիան փարատում է և հեշտացնում ամեն զրծվար բան:

Գնացին: Ներս մտնելիս Սյոման աչքի տակով փնտրեց Մարուսիային: Բայց նա տանը չէր:

— Ո՛րտեղ է Մարուսիան:

— Գնացել է գյուղ: Կարծեմ ընկերները ներկայացում են կազմակերպում երկաթուղու կայարանի բանվորների և սահմանապահների համար: Մարուսիան չի սիրում խաղալ, բայց պարտականություն է հանձն առել: Շուտով մեզ գյուղում բնակարան կտան, էլ կարիք չի լինի այդպիսի բաների համար ահագին ճամփա կտրել: Մարուսիան սիրում է ժխոր: Հիմար Եզրուվն ինձ ասում է մի՛ թողնի Մարուսիային տղերանց մեջ՝ կիսին:

— Դե՛ս ինչ ես ասում:

— Հիմարությո՞ւն, ի՛նչ պիտի ասեմ. ո՛վ կարող է խելի Մարուսիային: Մարուսիան ի՛ր է, ի՛նչ է: Ե՛վ վերջապես ամեն բանից

վախենալով ո՛ւր կգնա: Լա՛վ սոցիալիզմ կշինենք, եթե կնիկներս զենք վանդակ:

— Չե՛ս խանդում:

— Իսկի՛:

Մարուսիան եկավ: Նա հասարակ և ընդհանուր ձևով ասաց.

— Բարի օ՛ր:

— Բարի օ՛ր,— շնչաց Սյոման և նայեց Մարուսիային:

Սա դարձյալ ընդհանուր ձևով ասաց.

— Մեր կուլեկտիվում զեկուցում կա այս երեկո փոխօգկոմ-ների մասին:

Մարուսիայի ամբողջ էությունից շնչում էր մի հանելուկ, վերջապես ի՛նչ է նա. մտերիմ հոգի՞, դավադի՞ր, թե կոկետ: Նրանից բուրում էր մի ջերմ հարազատություն, որ ուղղակի գրկում էր մարդու: Զարմանալի հեշտ է թվում ամեն բան նրա հետ,— և՛ կյանքը, և՛ մահը, և՛ վերածնությունը:

Մարուսիայի բարձրուղեշ հասակը և հպարտ գծերը դարձյալ ճնշեցին Սյոմային: Նրա կարճ շրջազգեստը և թևերի, ուսերի բացվածքները շնորհալի ընկվածքով վիժում էին ցած, մինչ ինքը Մարուսիան սլանում էր դեպի վեր գլխի, ուսերի ու վզի վճռական բռնվածքով: Նա նիհար էր թվում, բայց հասուն մկանները մատնում էին մի գիրգ ու պիրկ մարմին:

Սյոման զգում էր, որ վերջնականապես տեղի է տվել և ընկրճվել: Որ այգ գեղեցկություն դիմադրել չի կարող: Որ նա մի բան կանի:

Ճաշը պատրաստ էր: Նստեցին սեղանի շուրջը: Մարուսիան բացեց կոնյակի շիշը:

— Քո կենացը: Սյո՛մա,— ասաց Մարուսիան,— շատ մի՛ տխրի, քեզ կլծենք աշխատանքի:

Խմեցին առաջին ըմպակները: Խմեց նաև Մարուսիան:

Սյոման քիշ-քիշ բացվեց: Կարկամությունը, որի պատճառը այն դեպքն էր, կորցրեց իր սրությունը: Ուրեմն Մարուսիան կամ ներել է իրեն և նշանակություն չի տալիս, կամ կարող է պատահել չի իմանում ինչով ծածկի անցյալի մեթոկ մարմինը, որ աչքի չեբկա:

Մարուսիան վերջրեց կիթառը և սկսեց հանգիստ ու լուրջ նվագել: Մաքսիմը կրկին ոգևորվեց:

Գուրսը ճամփի ծայրին մի ձիավոր երևաց, որ երգում էր՝ սանձով քաշ տալով մի ուրիշ ձի: Նա վեր ու վար էր նետվում ձիովրա՝ գալով դեպի այս կողմը և փոշին քառասմբակ պայթում էր ձիերի սմբակների տակից:

Մոտեցավ. սահմանապահ կարմիրբանակային էր:

Մաքսիմը դուրս եկավ:

— Ի՞նչ կա, Եմելյան:

— Շտապ գրու՞թյուն, — ասաց կարմիրբանակայինը և պայուսակից հանեց մի ծրար:

Մաքսիմն առավ ծրարը, ստորագրեց գրքուկը: Կարդաց:

— Նո՛ւ, լավ, — մոմոաց Մաքսիմն ու ծոծրակը քորեց:

— Ի՞նչ կա, — հարցրեց Մարուսիան:

— Իսկույն գնում եմ պարետային վարչություն:

— Ի՞րբ կգաս:

— Չգիտեմ: Դուք վերջացրե՞ք ձեր ճաշը:

Գործը սովորական էր, և Սյոման չհարցրեց նրա մասին:

Մաքսիմը նստեց ձին և առաջ ընկավ: Կարմիրբանակայինը լսեց իր ձիուն և մոտենալով նրան՝ գնաց պահելով մի պատշաճ հեռավորություն:

Մաքսիմի գնալուց հետո Սյոման կարծես ընկավ թակարդը: Կարծես մի աներևույթ ձեռք նրա համար դավ նյութեց, որից ազատվել չէր կարողանալու: Կոնյակից և երաժշտությունից տաքացած արյունը քունքերի մոտ զարկեց նրան լսելի ուժով, և նա աչքերի տակով նայեց Մարուսիային, որը անհոգ երևույթով կնտկնտացնում էր կիթառը և զարթեցնում անկապ ակորդներ իր երկարուկ, գողտրիկ մատներով:

Լուռ էին: Սյոման չէր լսում նվագը, և զո՛հ էր, որ դա ծածկում էր անհարմար լուծությունը: Նա դուրս էր նայում:

Հանկարծ նրանց հայացքներն իրար հանդիպեցին:

Մարուսիան կատակ-լուրջ դեմք շինեց և սուր նայելով Սյոմային՝ շրթունքները ուռեցրեց.

— Հո՛ւ, երեխա՛...

Ու շարունակեց նվագը: Սյոման չպատասխանեց: Մարուսիան ներողամիտ ու կիսաժպիտ նայեց նրան: Անսահման կանացի մեղմություն կար նրա այդ հայացքի մեջ, շոյող, գուրգուրիչ մի ցուլ: Եվ ի՞նչպես Մարուսիայի այդ մեղմ, խաղաղ զարմանքը, հանդիստ

խոսքերը անբացատրելի ուժով մեղմացնում, հեշտ էր դարձնում ամեն ծանր, մեղսալից միտք, փոխելով անմեղ, հասարակ խաղի ամեն վարմունք, որ կարող էր թույլ տալ Սյոմայի բորբոքված երևակայությունը, կարծես պատրաստ զիջելու ամեն ինչ, որ թելադրում է մարդու քմահաճ սիրտը: Եվ դա Մարուսիայի գեղեցկությունն էր, որ իր ներդաշնակ գծերով ուղղակի երգում, նկարվում էր նրա սլացիկ մարմնի ձևերում, թե՛ նրա մեղմ, քրոջական, գրեթե մայրական խոսքերի, գուրգուրիչ ժպտի հմայքը — բայց դա այդպես էր: Եվ դա ավելի էր բորբոքում, գրավում Սյոմային: Մարուսիայի այդ գեղեցկությունն ու խոսքերը գրկում էին Սյոմային, նա ընկղմվում էր այդ անդունդը՝ զգալով մի քաղցր զըլխապտույտ, և մեղկանում էր պարզապես: Սյոման սկսեց մտածել, որ այդ շոյիչ, գուրգուրիչ կնոջ մեջ ավելի կա սեր ու զգվանք, քան թե պետք է միայն մի էակի: Սերը — մի՞թե մեկինն է միայն: Սերը — մի՞թե սեփականություն է դա: Մեկի՞ սեփականությունը: Օղբ, արևը, ջուրը, կրակը — մի՞թե մեկինն է միայն: Ինչո՞ւ է սերը տարբեր օդից, արևից, ջրից, կրակից: Ո՛չ, սերը մութ բան է: Ինչպես և բնությունը: Օղբ, արևը, ջուրը, կրակը: Սերը չգիտե, թե ում է գնում: Նա տունկի պես է: Պոկի՞ր տունկը իր հողից. — կարծես նա բողբոքում է իր արմատի կտրտված թելիկներով: Բայց տնկում ես նրան ուրիշ հողում՝ այնպես է աճում, ծաղկում, կարծես այստեղ էր բուսել: Հիմարություն — սերը սեփականություն չէ:

Մարուսիայի ամեն բան թույլատրող, այնքան մտերիմ թվացող գեղեցկությունը Սյոմային հեշտացնում էր այս մտքերն անելիս: Եվ Սյոման առաջին անգամ պարզ տեսավ, որ ինքը ուր որ գնում է հիմա, մղվում մի բանի, որ այլ ժամանակ կսաստվեր անգամ մտածելուց: Եվ նա վճռեց, որ դա նույնքան հեշտ ու ախորժ կլինի, որքան և Մարուսիան գեղեցիկ ու մտերիմ է իրեն:

Մարուսիան դադարեց նվագելը և դարձյալ նույն կատակ-լուրջ ձևով ասաց.

— Չես ամառո՞ւմ... «սիրահարվե՛լ է»... Ասացե՛ք խնդրեմ: Ի՞նչ ոռոմանտիկա, Ոչի՛նչ, ոչի՛նչ, կմոռանա՛ս:

Ապա ընդոստ շարժումով վեր թռչելով մոտեցավ Սյոմային և ձեռը նրա ուսին հպած՝ կոացավ նայեց նրա աչքերի մեջ.

— Երեխա՛...

Սյոման ձեռք տարավ Մարուսիայի իրանը գրկելու:

Մարուսիան թեթևակի հետ պահեց իրեն ու դնաց դեպի կիթառը: Սկսեց մեղմ երգել կիթառի նվագակցությամբ:

Հետո աչքերը խոժոռեց Սյոմայի վրա ու մեղմ ձայնով սաստեց.

— Նո՛ւ, Սյոմա, բավական է: Թո՛ղ հիմարությունները: Ծախք սասցի, որ թողնես: Իսկ դու...

Սյոմայի աչքերին կարծես մի փառ եկավ: Մարուսիան թվաց ինչ-որ մշուշի մեջ, շա՛տ հեռու: Նրա սիրտն ուժգին զարկեց, և նա ծանր հեալով վեր կացավ, մոտեցավ Մարուսիային: Սաշարունակեց նվագելը: Բայց այլևս լուրջ էր:

— Հետո՞,— սասց լուրջ, և կողքանց նայելով շարունակեց ձանկոտեղ կիթառը:

Սյոման, անվճռական, հարբածի պես կանգնել էր նրա մոտ:

— Հետո՞,— կրկնեց Մարուսիան բարձր և նվագը կտրեց:

Սյոման լուռ էր:

— Սյո՛մա, դու հիմար չե՛ս,— սասց Մարուսիան մտերմական շեշտով,— ես ուրիշի կինն եմ, հաճեցի՛ր:

Սյոման դարձյալ լուռ մնաց:

— Գնա տե՛ղդ,— սասց խիտ տոնով Մարուսիան:

Սյոման պղտոր աչքերով նայեց Մարուսիային:

— Սյոմա՛, դո՛ւ գովե՛լ ես,— սկսեց Մարուսիան, բայց երբ հանկարծ վեր նայեց Սյոմային, նկատեց մի այնպիսի դեմք և աչքեր, որ իրեն հիշեցրեց իր քեռուն, որին սպիտակները մորթեցին նրա աչքի առջև, և նա տեսավ գաշույնը նրա կոկորդին քսելիս:

Չէր սպասում, բայց հիմա ուշ էր այլևս: Սյոման կարծես նրա հայացքին էր սպասում. հանկարծ բռնեց նրա ուսերից և քաշ տվեց դեպի մահճակալը:

— Սյո՛մա,— սաստեց նրան Մարուսիան ցած ձայնով և հեռու մղեց նրան:

Սյոման խոպոտ մի բան սասց, որ կոկորդում խեղդվեց, և կրկին կպավ Մարուսիայի ուսերին: Մի տեսակ հեշտ ու քաղցր էր թվում նրան այս քայլը, որ նա անում էր: Բռնաբարության մասին չէր մտածում, այլ իր արածը համարում էր մի վարմունք, որ Մարուսիան թույլ պիտի տար նրան անշուշտ: Նրան թվում էր, որ ինչ էլ անելու լինեք, Մարուսիան վերջիվերջո կներեր նրան որպես բն-

կեք, որպես մտերիմ, որպես գեղեցիկ և բարի կին: Հետո զգաց մի այնպիսի մղումն, որին դիմադրելու ոչ թե ուժը, այլև ցանկությունը կորավ: Մնաց տարերային խելագար մոլեգնությունը: Նրան այնպես էր թվում, թե ինքը չէ այդ անողը, այլ մի էակ, որ կոխկրթեց թե իր և թե Մարուսիայի բոլոր հասկացողությունները՝ գալիս էր անցնելու նրանց վրայով:

Մարուսիան թեթևակի դիմադրեց նրան՝ կարիք շտեմելով լուրջ, մարմնական ուժի՝ հույս ունենալով այլ կերպ արգելելու Բայց Սյոման սկսում էր իրեն մոռանալու: Նա մինչև անգամ դժգոհությամբ ծամածոնեց դեմքը, որ այդ կինը դիմադրում է, չի զգում այն անհուն քաղցրությունը, որ կա իր վարմունքի մեջ:

— Սյոմա՛, թող,— ճշաց մեղմ Մարուսիան և կատվի պես դուրս ուրվեց նրա գրկից:

— Թո՛ղ ինձ, ասում եմ, դա՛ւրս գնա,— գոչեց Մարուսիան՝ ջանալով դուրս վազել: Սյոման հարձակվեց նրա վրա և կրկին գրկելով նրան՝ սեղմեց թևերը: Ապա համբուրեց: Մարուսիան փախցրեց դեմքը: Շատ սառն, անախորժ և հասարակ թվաց Սյոմային այդ համբուրքը: Գարծես այն վսեմ էակը փախավ Մարուսիայի մարմնից և տեղը թողեց դեմքի անկյանը մորթին: Նա չհամբուրեց «Մարուսիային»:

Եվ ինքը բաց թողեց Մարուսիային:

— Բանդի՛տ,— լճաց Մարուսիան դողահար բարկությամբ և դուրս վազեց սենյակից՝ մազերը խոխվ:

Մի կարմիրբանակային էր անցնում հարևան տան մոտով: Նա նկատեց Մարուսիայի հուզումը, և կանգ առավ մի պահ: Մարուսիան ներս փախավ և մազերը մատներով սանրելով հրամայեց.

— Գնա՛ իսկույն այստեղից:

Սյոման խլեց գդակն ու դուրս գալով՝ արագ քայլեց դեպի տուն:

«Թի՛թե նա այդպես հասարակ է նրան հպելիս» — մտածեց նա և զայրացավ իր արածի վրա:

Ամբողջ գիշեր նա խռում էր ու տախտի վրա ծխում: Բայց չէր կարողանում հարբել: Եվ դուանը նայելով սպասում էր Մաք-

սիմին: Նա մի տեսակ անտարբերություն էր զգում դեպի Մարուսիան: Շատ կոպիտ դիպավ իր սրտին նրա հանդիմանությունը, անսպասելի, ծանր քարի պես: Իր վարմունքի վրա նա չէր անդրադառնում:

Ամբողջ երկու օր նա շփոթ ու անձուկ տրամադրությամբ անցկացրեց՝ գնալով պարետային վարչություն: Իրեն թվում էր, թե իր բոլոր զգացումները միանգամից փշրվեցին, և նա ոչնչով կապված չէ Մարուսիայի հետ: Եվ ուրախացավ:

Բայց սպասում էր Մաքսիմին: Ինչո՞ւ — ինքն էլ չգիտեր:

Նա Մաքսիմին սպասում էր տանը, բայց պատահեց ճամփին, եղեգնուտի մոտ:

Մաքսիմն ուզում էր կողքից անցնել արագ. բայց երբ հավասարվեցին՝ ակամա կանգ առավ և դեմքը շրջեց դեպի Սյոման:

Կանգ առավ և Սյոման: Մաքսիմի դեմքը ծովեց: Երկուսն էլ բնազդաբար ձեռները տարան ատրճանակներին, բայց և ըստ սովորության իսկույն թողին:

— Նո՛ւ,— արեց Սյոման:

— Նո՛ւ... — կրկնեց Մաքսիմը և ծանր շունչ քաշելով, նայեց Սյոմային, լռեց մի փոքր և ապա իրեն տիրելով՝ ասաց, — ես քեզ շան սատակ կանեի այս րոպեիս, եթե չլինեիր պարտիական դիսցիպլինան:

— Ես է՛լ նույնը,— կարճ կտրեց Սյոման ցած ձայնով:

— Կգաս պարտիական դատի, կտեսնվենք,— սպառնաց Մաքսիմը:

— Գիտեմ,— պատասխանեց Սյոման մոռալով:

Մաքսիմը կրկին նայեց Սյոմային, ուզում էր մի բան սսել ավելի ծանր, ավելի ազդու, բայց միայն ասաց.

— Լի՛րբ և հանդուգն մարդ, ա՛յ թե ինչ...

Սյոման շուտ եկավ գնալու:

— Բանդի՛տ,— բռունցքով սպառնաց Մաքսիմը և կարճ կայեց պատմությունը, որովհետև անկույնից գյուղացիներ երևացին: Ու արագ հեռվով գնաց պարետային վարչություն:

Սյոման գնաց իր ճամփան: Բայց կարծես նրա մեջքը մեկը գազեց կրակե մտրակով: Այդպես զգաց նա մինչև Մաքսիմի անհետանալը: Հետ նայեց: Նա անցել էր անկույնը:

Ուրեմն սրա՛ համար էր սպասում Մաքսիմին: Սպասում էր,

որ Մաքսիմը ևս որակի իր արածը: «Բանդի՛տ...»: Սա էլ է ասում այդ խոսքը: Եվ Սյոման հիմա՛ էր պարզ պատկերացնում, որ իր արածը, որ առաջ այնպես թեթև, քաղցր, երազային էր թվում, հիմա մի կոպիտ, իրական բան է այլևս:

Երեկոյան նրա մոտ եկավ Միտյան:

— Պարտիական դատը տեղի կունենա երեք օրից հետո,— սկսեց նա առանց նախաբանի և կանգնեց սենյակի մեջտեղ:

Սյոման բուժ հայացքով նայեց նրան և երեսը շրջեց դեպի պատուհանից դուրս:

— Հը՛մ,— շարունակեց Միտյան,— գո՛րծ բացվեց: Կարող է դատը շատ լուրջ վերջանալ,— ավելացրեց նա՝ տեսնելով որ Սյոման չի խոսում,— և քեզ կարող են... այո...

— Այդ մեկը ներողություն կանես,— սառը կտրեց Սյոման:

— Ո՛նց թե: Գիտե՛ս ինչ ես արել,— քննող աչքերով նայեց նրան Միտյան:

— Գիտեմ... — պատասխանեց Սյոման ցած ձայնով, լռեց և ապա հանգիստ հարցրեց,— ի՞նքն է գանգատվել Մաքսիմին, թե Մաքսիմն է հարցրել...

— Դա կարևոր չէ: Մաքսիմն է գանգատվել բջիջին:

— Ավելի լավ. ով տուժել է՝ թող նա էլ բավարարվի:

— Ի՛նչպես թե ով տուժել է. կարծում ես միայն Մաքսի՛մն է տուժել կամ Մարո՛սիան,— և Միտյան մոտեցավ Սյոմային ու բռունցքը հպեց նրա քթին,— այստեղ տուժել է պարտիական էթիկան: Հասկանո՞ւմ ես: Դու գիտե՛ս թե ինչ ես արել: Բռնաբարման փորձ: Խելքդ կորցրե՞լ ես:

Սյոման լռեց

«Ուրեմն իմ արածը նկատվում է իբրև բռնաբարման փորձ» — մտածեց նա խաթվելով այդ բառից: Եվ ուրիշ ոչի՛նչ — միայն բռնաբարություն: «Նրան շատ անախորժ թվաց այդ պաղ, դատարանական բառը: Ինչպես տաք մարմնին սառ երկաթը: Շատ էր կոպիտ, անխնա և անվերապահ — «բռնաբարություն»:

Բջիջը քննություն նշանակեց: Զևականությունները քիչ էին, բայց ձևականությունների մեջ շատ բաներ կային, որ մեքենական էին, կարծես իրեն՝ Սյոմային չվերաբերող: Օտար, կոշտ առար-

կայի պես ընկնում էր շարունակ նրա զգացումների թելերի մեջ և կտրտում, ցավեցնում — «բռնաբարութիւն»:

Նախագահում էր Միտյան: Ճիշտ է՝ նրա արձիճն կերպարանքը չէր սարսափեցնում Սյոմային, բայց նրան հիշեցնում էր քաղաքացիական կռիվների Միտյային, որն իր ձեռքով երկու ռուպեում գնդակահարեց իր ընկերոջը մի հանցանքի համար: Միտյայի ձեռքը չէր դողա և Սյոմայի առջև, բայց անցել են այդ օրերը և գործը ուրիշ էր հիմա:

Սյուս ընկերները մոռալ նայում էին հատակին և լռում: Այնտեղ էին Մաքսիմն ու Մարուսիան: Սա ավելի հանգիստ էր երկվում, քան պետք էր մի նման դատի ժամանակ:

— Ի՞նչպես եք ներկայացնում դեպքը, պատմեցե՛ք,— դիմեց Միտյան Մարուսիային:

Մարուսիան սկսեց պատմել:

— Ես չգանգատվեցի Մաքսիմին: Ես մի օր թաքցրի դեպքը, ճիշտն ասած փորձելու համար, թե արդյոք կարելի՞ է մոռանալ... Բայց վերջը վճռեցի հայտնել Մաքսիմին, և դա ոչ նրա համար, որ Մաքսիմը կարող էր հարցնել ինձ, թե ինչո՞ւ Սյոման, ընկեր Միրոնովը, չի գալիս մեզ մոտ, ո՛չ նրա համար, որ իմ թաքցնելը այդ դեպքում կարող էր ավելորդ կասկածների և տանջանքների տեղիք տալ, այլ պարզապես նրա համար, որ իմ և Մաքսիմի, և եթե ուզում եք, նաև ընկեր Միրոնովի ինքնատիրութունից ցած քան կլինեի այդպիսի անարժան գազտեխքներ պահելը: Ես կարծում եմ, ընկեր Սյոման ևս համաձայն կլինի ինձ հետ, որ ես պարտավոր էի հայտնել այդ դեպքը Մաքսիմին: Ես հայտնեցի և խոսք առա Մաքսիմից, որ նա իրեն պարտիականին վայել կերպով կպահի: Նա կատարեց իր խոստումը: Ես ուրախ եմ: Բայց նա որ հայտնեց բջիջին — դա իր գործն է... Թեթև ես...

Սյոման սառտիկ ցանկացավ ըսել վերջին խոսքերի շարունակությունը, բայց Մարուսիան շվեքաքցրեց:

— Շատ լավ, պատմեցե՛ք ինչպես եղավ:

Մաքսիմը մոռալվեց և դաժան կերպարանք առավ: Մարուսիան ժամժամեց ջրթանքները:

— Ես կպատմեմ,— միջամտեց Սյոման:

— Ընկե՛ր, մի՞ խոսեցաք:— ընդհատեց նախապահը:

Մարուսիան պատմեց դեպքը հասարակ ձևով, առանց ընդգծելու, առանց ծանրացնելու:

Մի քանի հարց ուղղելով Մաքսիմին և Մարուսիային՝ նախագահը դիմեց Սյոմային:

— Ընդունո՞ւմ եք ձեր հանցանքը, ընկե՛ր:

— Այսինքն ինչպե՞ս,— հարցրեց Սյոման,— դուք հարցնում եք ձեականի՞ կողմից... Թե...

— Ընդունո՞ւմ եք բոլորը ձեականի և բովանդակության կողմից... որ դուք ցանկացել եք բռնաբարութուն գործ դնել,— չկարողացավ ավելի մեղմ և հավաք խոսքով արտահայտվել նախագահը:

— Դուք տերմինները չոկելո՞վ եք խոսում, թե՞ կարիք կա ձեզ... — զայրացավ Սյոման:

— Խնդրեմ առանց հուզվելու և վիրավորվելու,— կտրական խոսեց նախագահը,— պարզ՝ ընդունո՞ւմ եք ձեր հանցանքը:

— Ես ասում եմ՝ դուք տերմինների մասին հասկացողութուն ունե՞ք, թե երեխայի պես եք գործածում բառերը...

— Դուք վիրավորում եք, ընկե՛ր,— ձայն տվին բջիջից լուս ընկերները:

— Եթե դուք կարծում եք, թե ես եմ ձեզ վիրավորում և ոչ թե դուք ինձ, այն ժամանակ ես հրաժարվում եմ բացատրություն տալուց:

Եվ Սյոման վեր կացավ:

— Այն ժամանակ գործը կհանձնվի ուղղակի ԿՎՀ պարտիական կոլեգիային:

— Ինչպես կուզե՛ք:

— Դա աններելի վերաբերմունք է, ընկե՛ր,— ձայնը բարձրացրեց բջիջի անդամներից մեկը,— դա կոմունիստին վայել չէ: Փոխանակ անկեղծ խոստովանելու հանցանքը, դուք բռնում եք ինչ-որ մեղշանական փրված դիրք և ուզում եք գործը ձգձգելով քնացնել: Դա ուսուցիչների վարմունք չէ:

Սյոման կողքանց խեթ մտիկ տվեց նրան:

— Դուք երեխա եք,— ասաց նրան Սյոման,— և լավ կլինի այդ ձևով շխոսեք:

— Ի՞նչ ձևերով է խոսում սա,— գոչեցին բջիջի մյուս անդամ-

ները, — Ի՞նչ է երևակայում իրեն, — հանձնեցեք գործը պարտկուղեգրային, պրծավ գնաց:

— Ուրեմն առաջարկ կա գործը հանձնել պարտկուղեգրային, Համաձայն է:

— Այո, այո, համաձայն ենք: Թե չէ, ի՞նչ է սա իսկապես...

Բոլորը վեր թռան և սկսեցին մի անգամից խոսել, բողոքել: Իսկ Միտյան ծխախոտը վառելով հեռացավ սեղանից: Սյոման արագ դուրս գնաց:

Նրա հետևից պայթեց մի տաք վիճաբանություն:

— Նա խենթացել է, հանդուգն է դարձել:

— Վերջապես ի՞նչ է ուզում: Ընդհատակյա աշխատանք է ասում, քաղաքացիական կռի՞վ, — գիտենք, յոթը կաշի մաշել ենք դրանց մեջ, ի՞նչ է ուզում ասել դրանով: Գլխներիս խա՞ն է ուզում դառնալ:

— Նո՛ւ, ընկե՛ր, այլևս ավելորդ է մեր խոսելը: Նա պիտի ենթարկվի բջիջի պահանջին: Համենայն դեպս մենք մեր դատավճիռը կարձակենք: Վե՛րջ տվեք:

— Ի՞նչ է, — շարունակեց բողոքողը, — որ ռեյուցիոններ է պարտիական, պետք է աջ ու ձախ բռնաբարի՞ և բացատրություն էլ չտա՞: Ո՞վ է նա...

— Լա՛վ, լա՛վ, մի՛ տաքանա, — ասաց Միտյան մեղմակի և մոռյալ գնաց դուրս:

Սյոման դուրս գալով բաց դաշտը՝ դանդաղ գնում էր: Նա չէր կարողանում հաշիվ տալ կատարվածի մասին՝ այնքան հախտոն և անսպասելի կոպիտ էր թվում նրան այդ բոլորը:

— Միևնույն է բջիջը իր դատավճիռը կկայացնի և կհանձնի պարտկուղեգրային, չես փախչի, ախպե՛ր ջան, — լավեց Սյոմայի հետևից Միտյայի ձայնը:

Սյոման կանգնեց և դեմքը շուռ տալով Միտյայի կողմը՝ ասաց թթու ձայնով.

— Դո՛ւ ինչ ես ձեռ առնում մարդու:

Միտյան դեմքը մոտեցրեց նրա դեմքին՝ սուր հայացքը խրեց նրա աչքերի մեջ.

— Է՛յ, սատանի լակոտ. դու կարող ես պարտիայից դուր՝ թռչել, իմացի՛ր այս:

— Թո՛ղ այդ ձեռ, — խոսեց խուլ ձայնով Սյոման և վերևից ներքև մտիկ տվեց Միտյային:

— Իսկի է՛լ չեմ թողնի այս ձեռ, — սեղմեց Միտյան, — քեզ ասում եմ դուրս կվռնդեն քեզ պարտիայից, հասկանում ես, շա՛ն որդի, խելքդ գլո՛ւփդ հավաքի:

Սյոման համառ, կողքանց մտիկ տվեց Միտյային և արհամարհանքով լռեց:

Առաջ շարժվեցին:

— Լսի՛ր, — ասաց Միտյան, — դու ինձ մի բա՛ն ասա կարճ ու պարզ, դու ուզե՞լ ես նրան բռնաբարել:

Սյոման նայեց Միտյայի խայթիչ աչքերին և տեղի տվեց.

— Այո:

Միտյան անսպասելի իր համար զարմացավ.

— Զո՛ւտ վազմի, — ապա ինչո՞ւ բջիջում շասիր, որ դու ուզում էիր նրան բռնաբարել:

— Ես չէի կարող նրան վիրավորել:

— Ո՞ւմ:

— Մարուսիային: Նա կվիրավորվեր այդ կոպիտ, անասնական բառից:

— Ուրեմն դու ուզո՞ւմ էիր բռնաբարել, — նո՛ւ, այդպես կարճ կապի:

— Այո, միակ կարճ, մեղանական խոսքը, ճիշտ է: Որպեսզի ձեզ նեղություն չպատճառի մտնելու ավելի խորերը: Դա հեշտ է ձեզ համար...

— Նո՛ւ, նո՛ւ, նո՛ւ, սկսե՛ց լեզու ածելը: Դու, ախպեր ջան, պա՛րզն ասա՝ խրվել եմ կեղտոտ պատմության մեջ, ուզում եմ մաքուր դուրս պրծնել:

Սյոման լուռ մնաց: Նա աչքերը վայրահակ՝ լսելի շնչում էր և ավելի մտածում բջիջում անցուղարձի մասին, քան թե լսում:

— Մեղանական խո՛սք, — հեզեց Միտյան և շրթունքը ծամածոց, — ամեն ծծկեր հիմա գործ է ածում այդ բառը: Ինչ որ ատամիդ տակ չի ընկնում, դժվարդ գալիս է, մեղքդ ճկում է տակին և ուզում ես խուսափել կեղտոտ դեզերտիրի պես, — մեղչանակ խո՛սք է, ասա՛ ու պրծի՛ր... Արդեն աշխարհքը բամբուսում է մեզ, որ համայնացրել ենք նաև կինը, որ մենք քանդում ենք մարդկային գոյության բոլոր հիմքերը... Կոպիտ բռնաբարու-

թյուն, խառնակեցություն արա և երբ պարտիական ընկերներդ քեզ պատին են սեղմում,— անվանի՛ր մեղանականություն: Ահա սա՛ է մեղանականությունը: Դա հեշտ է քե՛զ համար ասելը:

— Դու իմանո՞ւմ ես, թե ինչեր ես խոսում,— հանկարծ հարձակվեց Սյոման Միտյայի վրա:

— Այո, այո,— փակեց նրա ձայնը Միտյան,— իմանում եմ: Դու միայն մի վախեցնի ինձ և լսի՛ր: Կգաս բջիջը և ամեն ինչ կխոստովանես, որ ուզել ես բռնաբարել, բջիջը որոշում կտա, կուղարկենք պարտկուղեգրային: Երկարացնելու միտքը թո՛ղ, չես պրծնի: Սա պարտիա է, հորս տղան չէ:

— Դու չե՞ս սովորեցնելու ինձ այդ բանը:

— Նո՛ւ, ավելի լավ: Վաղը կրկին կհավաքվենք. կգաս բջիջ և կխոստովանես: Իմացա՞ր:

— Առանց իմ խոստովանության պարզ է ամեն բան: Ես գարմանում եմ, թե ինչպես դու չես հասկանում: Մաքսիմը հայտնել է, Մարուսիան ասաց բոլորը: Ուրեմն էլ ի՞նչ փաստեր են պետք: Գործը պարզ է առանց իմ խոստովանության: Այո, բռնաբարման փորձ: Գիտեմ, գործը կհասնի պարտկուղեգրա և նա վճիռը կհանի, պարտիայից դուրս կանեն, թերևս ժամանակով, թերևս և ով գիտե... ընդմիջտ,

— Եվ դա քեզ համար ոչի՞նչ բան է: Հա՛:

Սյոման համառ նայեց նրան և շարունակեց.

— Հիմարություններ մի՛ ախ: Կսի՛ր: Ես նրան ուղեցի բռնաբարել,— եթե այդպես ես ուզում, և ինձ ազա՛տ թող: Ձախտություն:

Եվ Սյոման արագ-արագ հեռացավ:

Սյոման շփույթ բջիջ, ուր նշանակված էր երկրորդ նիստ նրա գործը քննելու համար: Բջիջը որոշում հանեց,— վտարել Սյոմային պարտիայից և իր որոշումն ուղարկեց ԿՎՀ պարտկուղեգրա:

Սյոման հարցի քննության ժամանակ երևան է բերել կոմունիստին ոչ վայել վերաբերմունք. փոթաբանակ անկեղծորեն խոստովանելու իր ոչ կոմունիստական արարքը՝ նա վերավորում է բջիջի անդամներին, անվանելով երեխա և այլն և հրաժարվում է բուցարություն տալուց:

Պարտկուղեգրան արձանագրելով, որ այդ հանցանքի համար Սյոման արժանի էր պարտիայի շարքերից վտարվելու, սակայն նկատի ունենալով նրա կողմնակի կերպով խոստովանելը իր հանցանքը, երիտասարդ հասակը, կատարած ընդհատակյա աշխատանքը, ռևոլուցիայի մատուցած ծառայությունները և որ նա առաջին անգամ է նման հանցանք կատարում, նաև նկատի առնելով սահմանապահ զորամասի հատուկ պայմանները՝ Սյոմային հայտնել ամենախիստ նկատողություն՝ վերջին նախազգուշացումով:

Պարտկուղեգրայի որոշումը հայտնվեց բջիջում, գրվեց լրագրում և դարձավ սահմանամերձ շրջանի խոսակցության առարկա: Սյոման մի քանի օր խմում էր և անընդհատ ծխում: Ամեն բան, ամեն առարկա, ամեն մարդ մերկացավ կարծես, սկսեց երեւոյ բոլորովին պարզ, հասարակ գույնով:

Իրականության գույնով...

Ծախտուններ, շամբեր, աղուտներ և այրված թփեր...

Սեպտեմբերի արևը փոռել էր իր ոսկեթեկ սավանը անապատի վրա, ուր Սյոման և Միտյան ձիավորված գնում էին սահմանամերձ ճամփով:

— Հիմարություններ ես ասում,— «Մարուսիան ինձ չհասկացավ»,— ասում էր Միտյան՝ համառ ինչպես միշտ,— Մարուսիան չի կարող ամեն իր դեմը վազողի գիրդն ընկնել: Ես ուրիշի կին է, հասկացի՛ր:

— Սեփականությունը ասա:

— Սեփականությունը: Այսինքն թեկուզ սեփականությունն այնքան ժամանակ, այն շափով, որ ինքը կամովին գնում է մեկին և մեկը՝ նրան: Նո՛ւ, քեզ չի գալիս, չի սիրում, վախում է ամուսնուց, հասարակությունից, սիրում է ամուսնուն, վերջապես խորը չի մտածում այդ մասին: Կա՛մք չունի,— քի՛չ բան կարող է պատահել: Ազատ չէ՛:

— Ազատ է:

Եվ Սյոման հառաչեց.

— Ազա՛տ է, ազա՛տ, ճիշտ է,— բորբոքվեց հանկարծ Սյոման և գոչեց:— Բայց լսիր, Մի՛տյա... Ափսո՛ս չէր ռևոլուցիան... Ափ-

սոս չէ՛ր ունայուցիան, որ և ո՛չ ոքինը չէր, ամենքինն էր և ամենքս էլ ազատ էինք նրան սիրելու: Եվ այնտեղ տղամարդությո՛ւն կար, կրակվե՛լ կար, թռչել, ընկնել կրակի ու փոթորի բերանը: Այնտեղ ամենքս մի բան գիտեինք, որ մեզնից ով ավելի մեծ սիրով կալանա նրա գիրկը և կվերցնի ավելին,— կարո՞ղ է, իրավունք ունի: Միրո՞ւմ ես, տղամա՞րդ ես, թո՞ւր, գնա՛, վերցրո՛ւ: Անձնվիրու- թյան, սիրո, քաջության տեղ էր: Իսկ ի՞նչ է սա, այս կինը... Ինչ- քան շատ ես սիրում, այնքան վատ քեզ համար:

— Նո՛ւ, տեսնո՞ւմ ես:

Սյոմային դուր չեկավ Միտյայի համաձայնելը իրեն: Կարծես միայն ինքն ուներ իրավունք այդպես մտածելու, ինչպես ինք- նասպանության դիմողը, որ այդ գործը համարում էի միայն ի՛ր կամքին ենթակա բան և համաձայն չէ, որ դա կատարվի ուրիշ ձեռքով: Եվ սկսեց տրտնջալ.

— «Ուրիշի սեփականություն»... Սուտ է. սերը սեփականու- թյուն չէ. սերը ամենքինն է և ամենից շատ նրանը, ով շատ է սիրում:

— Մաքսիմն ավելի շատ է սիրում,— սկսեց գրգռել Միտյան:

— Մարուսիան չգիտե, որ ինքը ոչ իր ամուսնունն է, ոչ իմը և ոչ էլ ինքն իրենը,— համառում էր Սյոման տանջվելով, որ չի կարողանում իրեն տանջող մտքերին ձև տալ և արտահայտել,— այո՛, հոգին չես չափի, նրա հատակին չես հասնի: Մարուսիան «ուրիշի սեփականություն չէ»: Նրա հոգու դռանը փականք է դըր- ված—մեղշանականության փականքը: Դա նրան թույլ չի տալիս հոգին բանալու և դուրս նայելու ա՛յ այս բարձր, անհուն եթերը, որտեղից արևի հետ մեզ է չալիս բնական սերը:

Միտյան ուզեց հասկանալ նրան.

— Սպասի՛ր,— և ձիու սանձը քաշեց, կանգ առավ, Սյոման հետևեց նրան,— սպասի՛ր: Դու ուզում ես խառնակեցություն ամեն բանի: Պա՛րզ ասա, առանց գեղեցիկ խոսքերի:

— Բնությունը կհավասարակշռի,— պատասխանեց Սյոման հասկանալով նրան, ավելի քան նա ասաց,— ոչի՛նչ չի քայքայվի Ավելի բնական զույգեր կկազմվեն:

— Կինը տվյալ մոմենտին նրա՛նն է, ով ամենից շատ է սի- րում նրան, այսպես շասացի՞ր:

— Այո:

— Նո՛ւ, ուրեմն Մաքսիմն ավելի շատ է սիրում Մարուսիա- յին,— դարձյալ գրգռեց Միտյան:— Եվ կինը նրանն է ում ամենից շատ սիրում է կի՛նը ինքը — պրծավ գնաց: Ի՞նչ ես խելքիդ զոռ տալիս:

— Նրա՛ն է սիրում կինն ամենից շատ, ով ամենից շատ սի- րում է իրեն կնոջը,— համառեց Սյոման գրգռված:

— Սոփեստություն, հիմարություն, շարժե մի գրող,— ու Միտյան ձին քշեց,— դու խենթացել ես:

Սյոմայի ձին ինքը գնաց հետևից և հավասարվեց: Նրանք եր- կար ժամանակ լուռ կարկտում էին ճամփան՝ դիպչելով նրան ու վեր-վեր թռչելով: Ձախ կողքին լուռ էր շամբուտը: Դաշտը ժրպ- տում էր դեղին երանգներով, իսկ օդի մեջ մղղում էր հեռվից հասնող ղողանջը ուղտերի, որ չէին երևում: Արևը ուրախության պես լցվում էր հոգու մեջ:

Սյոման մտածում էր Մարուսիայի մասին: Հանկարծ պարզ պատկերացրեց նրան: Ահա նա՛ ուռենու ճկուն հասակով, խնկա- գույն մազերի գանգուրներն ինչպես ողկույզներ գլխին դրած, աչքերն առավոտյան լճակների պես շինջ և հասակի այն հպարտ, հրամայական սլացքը, որ խենթացնում էր իրեն...

Ու հանկարծ մի խայթոց զգաց: Մանր, ծանոթ խայթոց, որ նրան պատահում էր միայն մի վայրկյան, երբ նրա երևակայու- թյան առջև կանգնած մշուշը — զգայությունը բթացնող մշուշը — մի վայրկյան ճեղքվում էր և միջից լույսի պես ցայտում էր սի- րած կինը կենդանի, իրական, իբրև մի սևեռյալ հիվանդագին պատկեր:

Աղետալի՛ Մարուսիան:

Սյոման վայրենացավ, աչքերը կրակեցին: Եվ նա դեմքը ցրն- ցեց, որ թա՛փ տա իր աչքերից այդ պատկերը:

Մի խորին զգացում՝ ճշմարիտ, ինչպես կյանքը, անբացա- տրելի ինչպես կյանքը՝ զնգում էր խորունկից նրա հոգու մեջ: Նա զգում էր, որ ինքը ճշմարիտ է:

— Լսի՛ր, Միտյա, հո գիտես, ինձ համար ավելի բարձր և տանջալի բան չէ եղել և չկա, քան ունայուցիան: Բայց նրա չափ ճշմարիտ է, որ ես սիրում եմ այդ կնոջը: Բայց լսի՛ր...

— Նո՛ւ,— պողպատի պես զարկեց նրան Միտյան:

— Ես գիտեմ, ամեն մի անկարգ քայլ, ամեն մի սխալ հար-

վածում է մեր վերելքին, ունայնացիային, սոցիալիզմին, Ես սիրում եմ ունայնացիան, նրա դաժան դիսցիպլինան: Ես մտերու կծելով կհնազանդեմ նրա բոլոր հրամաններին: Բայց աստված է վկա, նո՛ւ, սատանան տանի, այդ աստծուն, ունայնացիան վկա,— դու հո գիտես, որ մերանից բարձր բան չկա,— այդ կինը ի՛մն է և ո՛չ ոքինը...

Միտյան շարտասխանեց, այլ քչեց իր ձին: Սյոման գնաց կողքից: Դարձյալ շամբուտը լուռ էր, հեռվում պսպղում էր Արաքսի կոտորոված դաշույնը, իսկ ամբիհի հեռուն, ուղղակի երկնքի մեջ հետևի ոտների վրա պտուկած և առաջիկաների վրա հենված անքթիթ նայում էր Մասիսը իբրև մի հսկայական սֆինքս:

ՅԱՎԱՄ ՍԵՐ

Տոնական մթնոլորտում պատահեց այդ:

Դա մի թոխք էր երազում, գարնանային թրթիռ:

Մայիսի երկուսին, շենքը հանձնելու երրորդ օրը, Ռուբենն իր բրիչադի հետ գնաց քաղաքամերձ այգիներից մեկը քեֆ անելու: Սրանով յոթերորդ շենքն էր, որ հանձնում էր նրա բրիզադը: Ռուբենը գերազանց վարպետ որմնադիր էր և օրինակելի բրիզադ էր պահում:

Թարմություն է բուրում այդ բլրի գազաթից: Բուրոն էլ բանիմաց, ուրախ տղերք, սերտ կապված իրար հետ:

Ռուբենը բարձրահասակ, ջլուտ երիտասարդ էր, մարտական դեմքով: Ոսկեգույն բեղեր ուներ, պինդ սեղմած շուրթերի վրա, և հոխորտ սրում էր այդ բեղերը: Շատ համեստ էր և լուրջ, կարգադրում էր հանգիստ բաս ձայնով, խրատում էր ավելի, քան կըշտամբում և քանի բարկանում էր, այնքան ավելի էր ցածրացնում ձայնը և դեմքը մոտեցնում խոսակցին: Ընդհանրապես համառ էր առաջ տանում իր միտքը: Նա հեղինակություն էր:

Նրան հարգում էին:

Ահա, այսպես, տոնական օր, էր, որ նրան պատահեց այդ դեպքը: Բայց պատահեց մի տեսակ դարանակալ անսպասելիությամբ: Ռուբենն ու իր ընկերները շրջում էին այգում ծառեծառ, կանաչների վրա նստոտում, կատակում: Հետո ըմբշամարտ եղավ: Բրիզադից երկու հոգի, որ ծանր ատլետիկայի հերոսներ էին՝ ստաբլմբշամարտեցին:

Այդ ժամանակ էր, որ Ռուբենը նկատեց այգու տնակի առաջ մի աղջկա, որ խոր նայում էր իրեն: Հպարտ գլուխ ուներ նա, խրոխտ կապույտ աչքեր: Նա հրամայող գեղեցիկ էր, բարձրահասակ:

Ռուբենը նայում էր օդմրիշներին, ժպտում գուսպ, խնդրեցին:

Հետո կրկին աչքը գցեց տնակի կողմը: Աղջիկը ներքին հայացքով իրեն էր նայում:

Ճաշի ժամանակ, երբ բրիզադի հետ հավաքվեց նաև այգետիրոջ ընտանիքը, որ միշտ շեռ իմանում ու վեր են և ինչպես հայտընվեցին՝ հպարտադեմ աղջիկն անաղմուկ սողոսկեց այնտեղ:

Շատ մտերմական ընթացավ ճաշը և ուրախ, գարնանային թեթևություն: Ոչ մի տգեղություն, ծրագրեր, հետո պարեցին:

Աստղիկը, — հպարտադեմ աղջիկը, — որ ըստ երևույթին այլևս չէր հետաքրքրվում Ռուբենով և հիմա էլ ուրիշներին էր նայում՝ մի անգամ միայն ներհուն հայացքն ընկղմեց Ռուբենի հայացքի մեջ և մնաց երկար: Ռուբենն զգաց, որ այդ աղջիկը մտավ իր հոգու մեջ, տիրեց իրեն: Նա այլայլվեց:

Հետո գինին էր, ծաղիկները, թե՛ ընկերները, — Ռուբենը հանկարծ միտք դրեց միանալ այդ աղջկա հետ: Ընկերներն էլ զգացին, որ մի բան կատարվեց Ռուբենի մեջ: Կենացների վրա ակնարկներ արին, կատակեցին՝ հասկացնելու շափ: Բոլորը ժպտացին կես ուրախ, կես լուրջ: Աստղիկը լուրջ ընդունեց այդ ամենը, համարձակ հանգիստ նայեց Ռուբենին, նայեց հպարտ ու հաղթական...

Ռուբենը կորցրեց իրեն:

Մի քաղցր սարսուռ անցավ նրա մեջքով: Նա շնչատեց, կուրծքը ուռեց, և մնացածը շարունակվեց ինչպես երազում:

Ուշացած գարուն էր, ապրիլը փչել էր և նրա շնչից փթթել էին ծառերը: Դեղձենին մի տեսակ վարդագույն լույսով պարուրված՝ գրկում էր սալորենու կաթնագույն լույսը, հետո այդ ծառերի սաղարթից թափվում էին լույսերը կանաչ արոտի վրա: Մոթրինը պատերի տակից ու դաշտից արբեցնող բուրմունքով սողում էր օդի մեջ ու մարդուն քաշում դեպի դաշտերի վայրենությունը:

Ռուբենն այնպես զգաց, որ ընկերների երգերը, կատակները, ճառերը, հարվածայինների հաղթական հայացքները խառնվեցին ինչ-որ մտերմական ընտանեկան մի այլ հույզի հետ՝ սիրո հետ: Ուղղակի սիրո: Ռուբենը նոր զգաց, որ ինքը լցված էր սիրով, որ բուռն սիրում էր մեկին — թե ում՝ չգիտեր — բայց հիմա այդ մեկը եկել է կանգնել իր դիմաց և հրամայական մտերիմ պահանջում է իր տենչերի պատասխանը:

Ճիշտ է՝ գինով էին ամենքը, բայց միայն գինին չէր, որ

հարբեցրել էր Ռուբենին: Նա զգաց, որ իր աշխատավորական կյանքի մեջ հաղթական բրիզադի հետ միասին իրեն պակասում էր նաև կին-ընկերը: Զգաց և՛ մի այլ բան, կարծես ամենքը՝ բնությունը, իր ընկերները, իր հասարակական գործը և այս կինը միախառնվեցին, դարձան գորավիզ իր կյանքի, մի աշխույժ թռիչք, ներդաշնակ երգ:

«Մի կին է պետք — և ամեն ինչ լրացավ» — մտածեց Ռուբենը: Եվ մի կին՝ այնպես թվաց, որ այդ լուռ ու հպարտ էակը վաղաժամանոթ է ու մտերիմ: Սուրբ սիրով լցվեց դեպի նա, գրկեց ողջ էությունը նրա նազելի հասակը:

Եվ երբ սուգորան քաղցրեցին ու խումբ-խումբ զբոսնել սկսեցին այգում՝ Ռուբենն առանց մտածելու՝ ինչպես ընկեր գեղեցիկ ու ահավոր մի անդունդ՝ հանկարծ մի շատ հաճելի գլխապտույտ զգաց և առանց այլևայլի առաջարկեց Աստղիկին իր կինը դառնալ:

Աստղիկը համաձայնեց:

Դա արդեն բոլորովին դյուրեց Ռուբենին: Կյանքը սլացավ արագ, արագ, նրա սիրտը կրկին ուռեց, լցվեց՝ շնչարգելի շափ: Եւ նա սիրեց Աստղիկին այնքան բուռն, որ ուզում էր դուրս փախչել այգուց:

Թե հետո ինչպես թեյի նստեցին, ինչպես գնացին տուն, — այդ ամենը կատարվեց անգիտակ վիճակի մեջ: Թուան հավիտենական վայրկյաններ, Ռուբենն այնպես իմացավ, թե ինքը երեսուն և երկու տարի սիրում էր ու միայն նոր հասկացավ, և հասկացավ անսպասելի գյուտի պես, հանկարծ, ինչպես նոր ծնված լինել:



Մեղրամիսն՝ անցավ փոթորկալի, աղմկահույզ: Ռուբենն հարբածի պես էր աշխատում նորակառույց պատերի վրա: Եռանդն հորդում էր գարնան գետի պես՝ պղտոր, վայրի, բայց թաքմ, կենսալի: Գործը թոցնում էր նրան: Փայլուն ցուցանիշներ էր տալիս նրա բրիզադը: Ռուբենը կայտառացել էր, սկսել էր կատակել, երգել:

Աշխատանքի եռուն ժամանակը, երբ իր կնոջ սլացիկ դեմքն

օրի մեջ երեքալով գալիս արձանանում էր իր դիմաց՝ խանդաղատանքից մարում էր Ռուբենի սիրտը: Եվ նա պղտոր ժպտով հառաչում էր: Նա իր բուռն սիրո բոցերի մեջ չէր տեսնում, չէր զգում ոչինչ ուրիշ բան: Իր բրիգադով խոսք էր սվել տալ կվարտալում ամենաբարձր ցուցանիշները: Աչք ածեց շորս կողմը, կարգադրեց իր բրիգադի անդամներին ազնվորեն կատարել խորհրդակցութեան ժամանակ ընդունած վճիռը և սրբատաշ քարերն սկսեց զարդարանքի պես շարել նորակառույցի հպարտ պատին՝ երբեմն մուրճը վեցնելով և տաշած քարն ավելի գեղեցկացնելով գողտրիկ ու մանրիկ հարվածներով:

Ռուբենը սիրում էր նայել իր շենքին, թե ինչպես էր սա հասակ քաշում գեղեցիկ արձանի պես: Լաստակներին թևերի մեջ գրկված՝ շենքը հպարտ ծառանում էր վեր: Վարդազույն տուֆն արշալույսի պես ներկում էր նրա ճակատը և հակադրվում հետևի բլուրների, ժայռերի գորշության: Հեռու, քաղաքի վերևի մասերից ձեռով էին անում իր բրիգադի բարձրացրած շենքերը: Ռուբենը քաղաք է կառուցում բոլոր կառուցողների հետ — դրանով էլ հպարտ էր նա և վարպետ որմնադիրի պատվի զգացումը բարձրացնում էր նրան մինչև ասպետականություն: Նրա բրիգադը մի տեսակ «օրդեն» է, — օրդեն ընտրովի ասպետների, որոնք իրենց անձը դրել են բարձր նպատակի վրա: Ռուբենի «օրդենին» հետևում են մյուսները, և քաղաքում հայտնի է թե ո՞ր շենքերն են բարձրացել այս օրդենի ձեռքով: Սա պատվի խնդիր է:

Բայց տարօրինակ էր. Ռուբենը մի տեսակ կապ էր չունենում իր հպարտ շենքերի և իր կեռոջ մեջ: Հետո այդ կապը գնում էր ավելի հեռուն — իր ընկերները: Այդ ամենը կապված էին մի ընդհանուր կյանքով, որ ներդաշնակ մի երգի պես երգվում էր կառուցող երիտասարդի հոգում:

Աստղիկը ծաղկում էր ու դառնում ավելի տենչալի: Հետո ժամանակ եկավ՝ նրա աչքերը լցվեցին երազով, դեմքը դառավ խեղազույն, պտուղի պես լցվեց և նա սեպեց արբած ու հոգեած ժպտալ Ռուբենին:

Եվ պտուղի պես էլ կաթեցրեց մի գեղեցիկ աղջնակ:

Եկան Ռուբենի ընկերները և տանձակած արին իրենց տոռեց այն էլ լցված ուրախությունը, երգեցին, պարեցին, լցրին մա-

բենի տունը այն թարմ ուրախությամբ, որ հատուկ է ընկերական շրջանին:

Միայն Աստղիկը ներվային էր այդ օրը: Բայց նրան նայող չկար: Ծրեխան աճեց ու կարմրեց խնձորի պես իր գեղեցիկ մոր և ասպետադեմ հոր գրկերում: Ռուբենի կյանքը հոսել սկսեց լեռնային առվակի պես զվարթ ու խաղաղակուն:

Մի բան միայն, մի սավեր սողոսկում էր աննկատ և նստում Ռուբենի տան անկյունում: Աստղիկը կոպիտ էր վարվում նրա հետ: Բնավորությունն էր այդ, թե անցողիկ ներվայնություն, դեռ հայտնի չէր: Ռուբենը նկատում էր այդ, բայց սիրո բուռն հոսանքում բարեխառնվում էր այդ: Մերը չէր ուզում նկատել իր շուրջը հավաքվող այդ ստվերները: Սակայն, երբ կոպտություն վարագույրի հետևից նայում էին Աստղիկի աչքերը՝ սառն օտար և ապակի՝ դա մնում էր Ռուբենի հոգում: Ծվ նա գործի ժամանակ հիշելով այդ, մի բռնակ կանգ էր առնում ու աչքերը պաղած մտածում:

Եվ այդքան միայն: Ռուբենը հետզհետե նկատեց իր և Աստղիկի մեջ մի աննեբարձրանակ հնչյուն, որ շարունակ լսեցիքի մեջ խանգաբում էր նրա ընտանեկան հողանիկ երգի նվաճակին: Աստղիկն ինչ-որ կզգիանում, մեկուսանում էր ինքն իր մեջ: Դժգոհ էր ինչ-որ: Իր վիճակից, Ռուբենից, նոր միջավայրից — չէր հասկացվում: Ռուբենը ջանում էր նրան խառնել իր ընկերություն մեջ՝ բնավորեն զգուշանալով նրա մեկուսացումից: Հեշտ էր կարծում այդ, և սկզբում չէր էլ նկատում, որ զա ջատ զժվար բան է:

Աստղիկն, այգեկան-առևտրական ընտանիքի աղջիկ՝ բնազդաբար զգալով իր աշխարհի շթացումը նոր աշխարհի մեջ՝ զալով Ռուբենի ընտանիքը՝ հույսեր ունեց թե իր համար կբացվեն նոր ուղիներ: Նա հաճախ երազում էր այդ ուղիների մասին: Պարզ չէր թե ինչ կյանք էր պատկերացնում այդ ուղիների մեջ և ինչ էր իսկապես այդ ուղիների կոնկրետ կողմը: Բայց նա կենդանական բնազդով զգում էր, որ պետք է կառնել նոր մարզկանց, գնալ նրանց հետ մի փոքր առաջ՝ հետո տեսնելու համար, թե որտեղ կդադարի այդ երթը, և ինչ կլինի այդ երթի վախճանը: Եվ նա այդ անորոշ երազներով ու խաբխափումներով էլ եկավ Ռուբենի մոտ: Եկավ հեշտություն, նրա մի կանչով: Եվ երբ եկավ նրա մոտ՝ նոր զարթեցին իր մտքերը, ավելի ճիշտը, նոր աչքի եկավ: որ իր

մեջ խոսում էր իր ընտանիքի, այգեպան-առևտրական հոր ու շրջապատողների հաշիվը,— կառել նոր մարդկանց և նրանց միջոցով լողալ գնալ նոր կյանքի ծովով՝ մնալով հինը: Աստղիկին շատ էլ հաճելի չէր Ռուբենի արհեստը: Նա երազում էր Ռուբենին ինչ-որ իր երևակայած մի տնտեսական հիմնարկում, դրամների ծովում և ավտոների ու գնացքների եռուզեռի մեջ: Երբ ընկերացավ Ռուբենի հետ, նախ զգաց իր մի սխալը — այգում Ռուբենը թողել էր շատ ինտելիգենտ տպավորություն, ինտելիգենտ մի հիմնարկի ղեկավարի շափ,— իսկ այժմ Աստղիկը տեսնում էր, որ այդ արտաքուստ գեղեցիկ ու կոկ երիտասարդը հասարակ բանվոր էր, թեև բանիմաց և առաջավոր: Եվ նա հիասթափվեց: Բայց սկսեց ձիգ գործ դնել Ռուբենին հանելու որմնադիրի վիճակից և տանելու տնտեսական առևտրական գծով: Ռուբենն, իհարկե, ծիծաղում էր այդ երազների վրա:

— Միևնույնն է, ջանիկս, ես իմ տեղումն եմ ու լավ եմ:

— Ով է ասում,— կոկետ ու թթու ժպտով պատասխանում էր Աստղիկը,— տես ինչպե՞ս է ապրում մեր հարևանը:

Ակնարկում էր մի ուտող-խմող ծառայողի: Ռուբենը Աստղիկին ավելի սերտ մոտեցրեց իր բանվորական շրջանի ընտանիքներին, Աստղիկը կովեց նրանց հետ և հարաբերությունը կտրեց: Նա չէր սիրում բանվորներին: Եվ ահա եկավ կատարյալ հիասթափումը — Ռուբենը այն նոր լոկոմոտիվը չէր, որ Աստղիկի հին գնացքը տաներ նոր կյանքի ունեցողով:

Մի անգամ քաղսովետի ընտրության ժամանակ, երբ բանվորների ահագին բազմության մեջ դրվում էր Ռուբենի թեկնածությունը՝ Աստղիկը, որ ներկա էր իբրև հանդիսատես՝ սկսեց հակառակել և շրջապատողներին լսելի ձայնով Ռուբենից պահանջել, որ հրաժարվի ընտրվելուց:

Ռուբենը ձեռքը դրեց նրա ծնկան և շոշափելով հասկացրեց, որ իրեն պահի:

Աստղիկը զայրացավ:

— Դու ժամանակ չունես, դու երեխաներ ունես. էդ էլ բեզ հերիք է:

— Դա քո բանը չէ,— սաստեց Ռուբենը:

Աստղիկը զայրացավ:

— Չէ, իմ բանն է: Ես չեմ կարող քո երեխաներին պահել, որ դու գնաս գիշերներ լուսացնես քո քաղսովետում:

— Հիմարություններ մի դուրս տա:

Եվ Ռուբենը համբերությունից դուրս եկած՝ դողաց ու պապիրոսը վառեց:

— Հիմարություններ դո՛ւ մի դուրս տա,— դիմադարձ կանգնեց Աստղիկը,— նրանք հենց հիմարի են ման գալիս, որ հազար մի գործեր վրան գցեն ու իրենք հանգիստ ման գան:

Ռուբենը շրջապատողների հայացքից այրվեց ու բարվոք համարեց լռել: Նրան ընտրեցին քաղսովետի անդամ: Եվ ծափահարություններով: Ընկերները, իր բրիգադի անդամները մեծ խանդավառությամբ մեջ էին: Միայն Ռուբենն էր, որ չէր կարողանում ուրախանալ: Նրան թիկունքից դանակ էին զարկել: Այն ոսկի թել կապը, որ շերմորեն անցնում էր նրա հոգուց դեպի իր ընկերները, հասարակական գործը և այնտեղից էլ իր կիներ, ընտանիքը՝ կտրվեց: Աշխարհը, այն ծաղկավառ այգին, ուր նա գտավ իր ընկերների մեջ հոգու մի այլ ընկեր՝ կինը, բաժանեց նրան իր հոգու մյուս կենսալից վայրից, իր շենքերից, ընկերներից, ընդհանուրի գործից, որի մեջ նա զգում էր, որ բարձրանում է:

Աստղիկը չէր սիրում այդ գործը: Նրա համար ատելի էր այդ գործը, որի համար Ռուբենը երբեմն երեկոներն ուշանում էր, որի համար երբեմն ուտելիքն էր պակասում, շքեղ հագուստ չէր լինում: Գործ, որի շուրջը հազարավոր մարդիկ ցնծում, ծափահարում, երջանկանում են, բայց որ անշուք է, ինչպես ակումբի գրասենյակ... Աստղիկին այժմ պարզապես քաշում էր քաղաքի հին ընտանիքների կյանքը՝ լոտոն, թղթախաղը, ճաշկերույթները:

Եվ Ռուբենի մեջ շատնելով իր ձգտումների իրականացումը, նա կամաց-կամաց թողեց նրան և սկսեց որոնել... Ի՞նչ.— հազիվ թե լրիվ գիտեր, ինչպես և չգիտեր, թե ո՞րտեղ պետք է այն գրտներ: Նման այն որոնողներին, որ սկսում են որոնել, մինչև պարզվի թե ինչ են ուզում գտնել՝ Աստղիկն սկսեց դուրս նայել իր ընտանիքից:

Գեղեցիկ, երիտասարդ կինը բնագործ գնում էր դեպի մի կողմ: Այնտեղից մի շնչառություն շոշափում էր նրա կույր տենչանքները և քաշում դեպի իրեն: Եվ այդ երկու էությունները մթան մեջ իրար էին գալիս՝ ինչպես ծղրիղներ...

Անցավ ժամանակ և ծնվեց մի տղա: Նա բերեց նոր հոգս և կարծես նաև նոր մտերմություն: Ռուբենն ուրախ էր այդ հոգսի համար. դա վանում էր այն վատ ստվերները, որ սահում էին Ռուբենի տիրո վրայով:

Մի առավոտ միայն, երբ նա թեյն արագ խմելով ու հետն էլ բլուզի կոճակները գցելով խոսում էր Աստղիկի հետ՝ Ռուբենն ինչ-որ հապճեպ նկատեց նրա շարժումների մեջ: Աստղիկը կարծես շտապեցնում էր նրան, որ սա գնա գործի. բայց դա անում էր ոչ խոտրով: Դա չէր երևում նրա թեյ ածելու մեջ, հայացքի մեջ: Այնտեղ նկատելի էր մի տաղնապալի շտապ, որ անհանգիստ նայում էր Ռուբենի կողմը: Այդ հայացքը թելադրում էր Ռուբենին շուտ վերջացնել:

Ռուբենը դրան առանձին նշանակություն չտվեց, բայց դա մնաց նրա հիշողության մեջ: Ու երբ տանից դուրս էր ելնում՝ բակից անցնելիս նայեց պատուհանից ներս՝ տեսավ որ Աստղիկը արագ մոտեցավ հայելուն և սկսեց երեսը պուդրի քսել:

«Շուկա է շտապում» — մտածեց Ռուբենը և միամիտ դուրս եկավ բակից: Ծրբ հասավ շենքի վայրը՝ տան մտքերն ու Աստղիկը ցնդեցին ծխի նման: Առողջ ու կենդանի աշխատանքը գրկեց նրան ու տարավ հզոր բազուկներով:

Երեկոյան վերադարձին Ռուբենը Աստղիկի շարժումներից նկատեց մի տարօրինակ բան: Կարծես սա իրեն չէր տեսնում: Գնում էր գալիս սենյակից սենյակ, վերցնում, վայր դնում աննպատակ մի առարկա: Պարզ էր — Աստղիկի միտքը զբաղված էր մի բանով, որ կապ չուներ այդ ընտանիքի հետ:

— Ի՞նչ կա, Աստղիկ, — հարցրեց Ռուբենը:

— Ոչինչ, — շեշտ պատասխանեց Աստղիկը, ապա սառը նայեց նրան և հարցրեց, — Ի՞նչ ես կպել ինձանից:

— Քվ է կպել քեզանից...

Աստղիկը լռեց:

Ռուբենն սպասեց որ Աստղիկը խոսի, բայց նկատելով որ Աստղիկը շարունակեց իր մտքի հետն ընկնելը՝ զարմանքով նայեց նրան և լռեց: Հոգնած էր:

Հետզհետե Ռուբենը նկատում էր մի բան, որ Աստղիկն անտեղի կուպիտ պատասխաններ էր տալիս իր անմեղ հարցերին:

Նկատեց, որ Աստղիկը տան գործերն էլ երեսի վրա էր թողնում, կովում էր երեխաների հետ: Սկսեց նաև ծեծել նրանց:

Դա առիթ տվեց, որ Ռուբենը միջամտի: Դա արդեն վեր էր Թուբենի ուժերից — նա սաստիկ սիրում էր իր երեխաներին: Շուտով երեխաների լացը, Ռուբենի հանդիմանությունները և Աստղիկի ճիշը դարձան միակ ձայները, որ լսվում էին այդ ընտանիքում: Այդ ձայներից զատ՝ մնացածը լռությունն էր, որ տիրում էր նրանց տանը:

Սակայն՝ մի հանգամանք: Եվ դա սկսեց աչքի ընկնել: Չնայած ներվային խոսակցություններին, վեճերին՝ Աստղիկը առանձին ջանասիրությամբ զարդարվում էր ամեն օր, և դա առավոտից սկսած: Ի՞նչ գործ ուներ այդպես վաղ... Ռուբենին զարմացնում էր այդ, բայց նա գլխի չէր ընկնում: Մի անգամ միայն ինքնիրեն հարցրեց. «Երեկո չէ, թատրոն չի գնում, կինո չի գնում, ինչի՞ է զարդարվում...»:

Այդ զարդարանքները բոլորովին չէին բռնում Աստղիկի կովաբար վարմունքներին և մտայլ, ներվային դեմքին, որով նա անհամբեր շրջում էր սենյակում և ներս ու դուրս անում:

Մի ինչ-որ լարված խուլ պատմություն էր սկսվում նրանց ընտանեկան կյանքի մեջ, որ խոսում էր անձայն բառերով: Նրանք դեռ ականջ էին դնում:

Մի անգամ Ռուբենը շենքի գործերով քաղաք էր գալիս տրամվայով: Հանկարծ փողոցի մայթին նրա աչքովն ընկավ Աստղիկը մի երիտասարդի հետ թեմանցուկ արած: Երիտասարդի ախտավոր դեմքը կոճկվում էր մի լկտի ժպիտով: Նա շատ ազատ էր կպել Աստղիկի թեմին: Ռուբենին խոցեց Աստղիկի ցուլուն, վառվաղ աչքերը: Նրա հարբած դեմքի վրա խաղում էր անսովոր ուրախություն, հրճվանք: Անգամ Ռուբենին թվաց, թե Աստղիկը իրեն նկատեց, բայց էլի շարունակեց մոտեմոտ գնալ, հպվել երիտասարդին: Ռուբենը գլուխը թաքցրեց ուղևորների մեջ: Նա զգաց խանդի թույնի առաջին հաճույքը, որ հետո է դառնանում: Նա ամաչեց և վախեցավ հայտնվել: Վախեցավ իրենից: Բայց դա մի բուպե. հանկարծ նա վեր թռավ, առաջ մղվեց, որ իջնի վագոնից, բայց ճանապարհ չէին տալիս: Ու մինչ նա կթռչեր վայր՝ Աստղիկն ու երիտասարդն անհետացել էին բազմություն մեջ: Արդյո՞ք մտան մոտակա խանութներից մեկը, թե ինչ, բայց հետքերը կորան: Ռու-

բենին խիստ մտահոգեց այդ անհետացումը: Դրա մեջ ինչ-որ դավադրական շար բան կար:

Խանդն ու զայրույթը խեղդեցին Ռուբենին: Նա հապճեպ նայեց խանութները, խաչաձևող փողոցը, բայց զուր — Աստղիկն ու երիտասարդը ցնդել էին:

Ռուբենի երևակայությունն սկսեց նկարել թունավոր պատկերներ, որ ինչքան գաղտնի են ու խուսափուկ, այնքան վառ են խանդող արտի համար: Նա մղվում էր ամեն կողմ, դեպի բոլոր տները, բռնելու, հետ քաշելու Աստղիկին այդ մուռյալ, շարորակ գողությունից: Բայց նրան կաշկանդել էր իր դրուժյան անզորությունը: Ո՞վ գիտե ուր մտան, հեռո՞ւն, թե մոտ, — ահա այս տա՞նը...

Ռուբենը ալեկոծ վիճակի մեջ վերադարձավ, նստեց տրամվայ, անցավ տրեստի վարչությունը: Թե ինչ խոսեց գործի մասին՝ չիմացավ: Այդ ամենը կատարվեց՝ ինչ-որ հարբած վիճակում: Նա խոսում էր, և նրան թվում էր, թե դա իր ձայնը չէր, որով խոսում էր: Նա արագ վերադարձավ շենք: Այնպես էր շտապում, այնպես հապճեպ էր պատը շարում, կարծես թե ամեն բան կախված էր պատի կառուցման վախճանից: Ծենքի պատերը, որ առաջ շարժուն էին, կանգ առան, քարերը չէին բարձրացնում շենքը: Գործը մեռավ: Հարվածը տաք էր, Ռուբենը չէր մտածում այլևս: Նա գերի դառավ իր մեջ ինչ-որ քնած բնազդներին:

Օրվա կեսը դառավ անսպառ ժամանակ, արևը կանգ էր առել: Նրան թվում էր թե դեպքը պատահել է մի ամիս առաջ, այնքան խորացել էր, այնքան երկար էր տևում ժամանակը: Օրը թվում էր դեպքերով լիքը, շարագուշակ էր փողոցը, մայթը, մարդիկ, վերջապես Աստղիկը այն լկտի երիտասարդի հետ:

Ահա նա հասնում էր տուն: Ահա մի քանի քայլ և կսկսի տենչալի բացատրությունը:

Երբ Ռուբենը մտավ սենյակ՝ Աստղիկը չկար: Այս չէր մտածել, Դատարկ սենյակը թշնամական լռությամբ նայեց նրան: Երեխաներն եկան հարևանենյ տանից:

— Ո՞ւր է մաման...

— Մաման չի եկել:

— Չե՞ք ճաշել:

— Ճաշել ենք, մեզ համար առավոտը կերակուր չի կցվել ո՞ւր...

գնաց, — բացատրեց մեծ աղջիկը, որի աչքերում մատղաշ մտահոգություն կար:

— Ո՞ւր գնաց:

— Չգիտեմ:

Ռուբենը դուրս նետվեց:

Դարձյալ նույն դարանակալ փողոցներն ու տները, որ կուլ են տալիս ամեն գաղտնիք: Անցորդները ամենքն անտարբեր գնում էին իրենց բանին: Վերադարձավ: Սպասել սկսեց: Ոչինչ չի փոփվում: Երեխաները տարակուսած ու ճնշված իրեն են նայում: Նրանք էլ բնազդաբար մի բան հասկանում են:

Ռուբենը ծխում էր և հուզմունքից հևում: Օրը մթնել էր: Լամպը վառեցին:

— Պապա, բա թեյ չե՞նք խմելու, — լացակումած հարցրեց երեխան, որ ավելի ճնշված էր հոր զայրալի դեմքից, քան թեյի ցանկություն ուներ:

Ռուբենը թեյամանը դրեց մեքենային:

Բակում շրջազգեստի ներվային խշրտուք լսվեց: Մեկն արագ մոտեցավ դռան շեմքին: Աստղիկն էր: Ներս մտավ, աչքի տակով նայեց Ռուբենին, հետո լուռ մոտեցավ երեխաներին, կռացավ նայեց, հետո Ռուբենին դարձավ:

— Թեյամանը վաղո՞ւց ես դրել:

— Վաղուց, — պատասխանեց Ռուբենը կտրուկ և անշեշտ:

Աստղիկը գլխարկը վայր բերեց, սկսեց հանվել: Երեխաները զգալով ինչ-որ անախորժություն՝ շխուսեցին: Ռուբենը լարված ծխում էր և նայում հատակին: Վերջապես ոչ իր ձայնով՝ հարցրեց:

— Ո՞րտեղ էիր:

— Մորս քրոջ մոտ:

— Ամբողջ օրը...

— Ամբողջ օրը:

Աստղիկը թանձր ներկել էր շրթունքները, ներկը տարածվել էր նրա այտերին, կզակին: Դեմքը դիմակ էր դառել պուդրուց, իսկ վրայից բուրում էր ինչ-որ օծանելիքի անառակ հոտը: Նրա աչքերը մարել էին գաղտնի կրթային փոթորկից հետո և նրանց տակին եզերվել էին կապույտ գծեր: Աստղիկն ապրել էր...

— Իսկ էն երիտասարդն ով էր, — հանկարծ խայթեց Ռուբենը:

— Ի՞նչ երիտասարդ,— ցածրաձայն ու բռնի հանդարտությամբ հարցրեց Աստղիկը: Եվ նայեց պատուհանից դուրս:

— Տրամվայից որ տեսա...

Աստղիկը աչքի տակով արագ նայեց Ռուբենին: Չպատասխանեց իսկույն: Հոսեց ծանր լուռություն:

— Էն երիտասարդը ընկերուհուս եղբայրն էր:

— Ռ՞ր ընկերուհուդ:

— Թիֆլիս մի ընկերուհի ունեմ — նրա:

— Իսկ տուն, երեխա... ամուսին ունե՞ս:

Խեթ նայեց Ռուբենը և ձեռք տարավ դեպի Աստղիկի կոկորդը, որ բռնի, բայց ձեռք թափ տվեց, հետ դարձավ դեպի պատուհանի գոգը, նստեց և սկսեց կծել պապիրոսը:

Աստղիկը լուռ էր, և այդ լուռությունը կատաղեցնում էր Ռուբենին:

— Լավ, վերջը՞:

— Վերջն էն, որ ես գլուխ շունեմ էդ տեսակ հարց ու փորձերից:

— Ես ազատ եմ:

— Ազա՞տ ես: Փողոցի կի՞ն ես դառնում:

Հետո ցույց տվեց երեխաներին:

— Սրանց նայիր:

— Երեխաներս տեղն են: Երեխաների պատճառով չեմ կարող փտել քո տանը: Ես կյանք եմ ուզում:

Ռուբենն արագ դուրս գնաց տանից ու ընկավ փողոցները:

Շարժումը, հոգնությունը թվում էր, թե կրթացներ նրա հուզումնալի սրտի կսկիծը: Շրջել սկսեց մինչև կեսգիշեր:

Այդ գիշեր քաղաքն ու փողոցը դատարկվեցին իր համար: Գատարկվեց և կյանքը: Նա կորցրել էր իր առաջին սիրո կիներ:



Աստղիկն ստեղծեց իր համար դրսի առանձին կյանք: Նա իբր շտաբային բազմացրեց կասկածելի ծանոթներ, որոնց հետ շրջում էր կինոները, ճաշարաններն ու այգիները: Ռուբենը հպարտությունից իր մեջ գցեց այդ գաղտնիքը: Ինչ-որ ատելախառն սիրով այդ կեռչ հետ կապված՝ ելք չէր կարողանում գտնել: Մյուս կող-

մից մեջտեղ էին ընկած երեք երեխաները, որոնց խնամել էր պետք: Նա հույս ուներ, սիրող մարդու հույս—որ Աստղիկը կուղղվի: Աշխատանքի տղամարդ և բրիգադիր, պատվին չէր ուսեցնում դուրս տալ գաղտնիքը: Կամենում էր մի կերպ լուծել խնդիրն իր տանը, Աստղիկի հետ մենակ:

Սակայն արտաքին աշխարհը շուշացրեց իր մասնակցությունը: Շուտով շուկներով լցվեց տան բակը, հարևաններն սկսեցին խորիմաստ նայել Ռուբենին:

Ընկերները դադարեցին այցելել Ռուբենին: Գործի ժամանակ նրա ներկայությամբ չէին խոսում Աստղիկի մասին: Պարզ էր — դատապարտում էին նրանք, ովքեր տարիներ առաջ, այգում ուրախ շուրջպարով շրջապատել էին Ռուբենի առաջին սիրո թրթիռներին: Ընկերների և ծանոթների լուռությունն ավելի էր ճնշում Ռուբենին: Գոնե խոսեին, գոնե պահանջ ներկայացնեին: Նա ևս իրեն մեղավոր էր զգում. բայց ինչո՞ւ — չէր կարողանում հաշիվ տալ իրեն:

Մի անգամ փորձեց գինու տալ իրեն: Զգվեց, չէր էլ կարողանում հարբել: Հանդիմանեց իրեն այդ փոքրոգություն համար և դադարեց շուտով:

Փորձեց տարվել գործով: Վաղ գնում էր գործի և սկսում ներվային եռանդով աշխատել: Աշխատում էր հարբելու շափ, հարբածի պես: Սկսեց խստապահանջ դառնալ դեպի իր բրիգադր, անգամ բծախնդիր:

Ընկերները լուռ տանում էին, իբրև հիվանդ մարդու արարքներ, բայց և դժգոհում էին: Դժգոհում էին և սպասում մի բանի — ինքը ևս սպասում էր այդ բանին — և դա իրենից էր կախված: Նա պետք է որևէ վճիռ կայացներ: Պետք է վերջ տար կացություն:

Նա տեսնում էր, որ այդ վերջն էր իր փրկությունը: Եվ նա վճռում էր: Բայց միայն աշխատանքի ժամանակ, երբ իր կնոջ մատին մտածում էր նրա վարքի մտահոգություններով: Սակայն, երբ գաղթ էր տուն և աչքն ընկնում էր իր կնոջ դեղձան մագերթ, խրոխտ հասակը և թունավոր գեղեցկությունը, խանդը բռնկվում էր սիրուց ավելի: Նա թուլանում էր այդ թուլանից և ճնշվում, վճճվում:

Պատահում էին նաև բացատրության նրեկոներ: Ռուբենը խոսում էր երկար, համոզում Աստղիկին, առ ննթարկվում էր

կարծես, զղջում: Հետևում էին համբույրի կարճ վայրկյաններ: Ռուբենը դրամ էր տալիս երեխաներին, որ կանֆետ առնեն: Աստղիկը նոր զգեստ էր կարում:

Բայց այդ վաղանցուկ հաշտությունները չէին հանգստացնում Ռուբենին: Ավելին՝ երկարացնում էին հիվանդությունը: Աստղիկը չէր փոխվում, շարունակում էր ավելի ախտավոր դառնալ: Հետևյալ օրերը դարձյալ սկսում էր կասկածելի ուշացումները: Տուն էր դառնում այտերի ու վզի կարմրած շերտերով, կրկին սև եզրերը աչքերի տակին...

Մի անգամ Ռուբենը ճաշարան մտնելիս տեսավ Աստղիկին մութ անկյունում մի հարբած երիտասարդի հետ: Նրանք իրար մոտ նստած խմում էին: Ռուբենը հանդարտ, բայց լարված մտտեցավ և կանգնեց ուղիղ նրանց առջև: Հարբած երիտասարդն անտարբեյ: ու արբշիռ նայեց նրան և զինու բաժակը բարձրացրած սպասեց: Աստղիկը վեր կացավ: Հարբածը բռնեց նրա թևը և ուժով նստեցրեց.

— Նստի՛ր:

Ռուբենը սուր նայեց Աստղիկին, նայեց աչքերի մեջ՝ երկաթի պաղ հայացքով՝ և ցածրաձայն հրամայեց.

— Վեր կաց:

Աստղիկը նորից վեր կացավ ու շարժվեց դեպի դուռը: Հարբածը ընկավ նրա հետևից:

— Քո՛ղ, — ճշաց Աստղիկը նրան ու վազեց դուրս:

Հարբածը հետևեց նրան, բայց ճաշարանից մարդիկ դուրս եկան և նրան բռնեցին:

Ամուսիններն շտապ տուն հասան: Աստղիկն սզաւսում էր մեծ դեպքի: Բայց Ռուբենը ոչինչ շարեց: Երկար լուսնություն տիրեց, որից հետո Աստղիկը մուսյլ հարցրեց.

— Հետո՞:

— Հետո՞, — կրկնեց Ռուբենը և մնաց պահ մի: — Հետո, էս րոպեիս կգնաս կամ հորանցդ, կամ ում մոտ կուզես: Վերջ:

Երեխաներն սկսեցին լաց լինել:

Աստղիկը մնաց այդ գիշեր — վերջին գիշերը և հետևյալ առավոտը կապելով իրեն պատկանած իրերը՝ մշակ կանչեց և կրեխաներին անասնական անտարբերությամբ լքելով՝ գնաց:

Ռուբենը չհարցրեց թե ուր:



Երեխաների լացը շղիպավ Ռուբենի զգացումներին: Այնքան քարացել ու խստացել էր նա, այնքան կարոտ էր մի վճռական քայլով դուրս գալու իր հոգեկան անձուկ վիճակից: Այդ քայլը կատարվեց — և նա ուրախ էր: Եսականության ուրախությունը նրան այնքան էր հաղթահարել, որ չէր ուզում նկատել երեխաների վիճակն անգամ:

Հարևան մի կնիկ՝ առանց խոսքի՝ եկավ երեխաների մոտ՝ հանգստացրեց, դպրոց ուղարկեց մեծին, փոքրիկներին իր մոտ տարավ: Նա ևս ուրախ էր:

Բակում ձայներ լսվեցին — թեթևացած մարդկանց զրույց՝ կատարվածի մասին: Ամենքը ճնշված էին Ռուբենի ընտանիքի տարիներ տևող զուսպ մղձավանջից, որ հիմա վերջացավ:

Երբ Ռուբենը գնաց շենքի վայրը՝ կարծես հիվանդությունից դուրս եկած լիներ: Իրեն զգաց ամուրի, նախկին երիտասարդը, որ պատ էր շարում և սպասում էր քաղցր կյանքի: Դիմացի կանաչ բլուրը, այգիների ծաղկած սալորենիները, նրանց տակին կանաչած գետինը կրկին խոսել սկսեցին և խոստանալ ինչ-որ ուրիշ խնդություններ: Ռուբենը քաղցր շունչ քաշեց և սկսեց աշխատել: Հետո մտքերն սկսեցին պրպտել, խուզարկել այն արահետը, որով հեռացավ Աստղիկը: Հետո նրա երևակայության մեջ նկատվեց նախընթաց գիշերվա դեպքը: Նոր զգաց, որ դա իրեն խոր ազդել էր: Վերքը ցավել սկսեց — նա չէր զգացվում՝ քանի դեռ տաք էր: Հանկարծ նրան շանթեց այն միտքը, որ Աստղիկը կարող էր գնալ հենց այն հարբածի մոտ: Օձը զարթնեց մեջը: Տխրեց, — ուրեմն խանդը չի անցնում՝ սիրո անցնելուց հետո:

Բայց երբ նուպան անցավ, նա զգաց որ ինքն ազատ է: Ծիգ արեց փարելու այդ նոր զգացմունքին:

Մի քանի օր անցավ հոգեկան տարուբերումների մեջ:

Նոր կյանքը՝ սկզբում դրամատիկ և հանդիսավոր՝ հետագայում սկսեց բերել իր առօրյան — հոգալից ու սրտամաշ: Երեխաները, կուսիկը — մեծ աղջիկը ուժ տարեկան, չէր կարողանում պահել իրենից փոքր Պետիկին ու ավելի փոքր Մուշիկին: Նա դրպոց էր գնում: Հարևան կնիկն էլ գնում էր իր բանին: Պետք էր տնօրինել երեխաների կյանքը: Աստղիկը գնաց այնպես, կարծես երեխաները իրենը չէին:

Հարևանները ձայները բարձրացրին — սկսեցին պարզ խոսել Աստղիկի սանձարձակ վարքի մասին՝ ճաշարաններում ու մասնավոր տներում: Դա և խոցում էր Ռուբենին, և ուրախացնում: Ուրեմն վերադարձ չկա: Աստղիկը կորած է ընդմիջում:

Ռուբենը հույս ուներ, որ իր վերքն այսպիսով էլ կամաց-կամաց կբուժվի: Հիմա արդեն երեխաների վիճակն էր սրվում, դա էր խոտվում նրան: Յերեկները թողնում էր պատշգամբում, բակում, պատվիրում էր որ սպասեն իրեն և երբ հոգնած գալիս էր տուն՝ տեսնում էր պատուհանի տակ փոքրիկները քնած, իսկ Լուսիկը խեղճ-խեղճ մոտաները նստած՝ սիրտը մղկտում էր:

Մի օր էլ փոքրիկը լաց էր լինում: Լուսիկը բացատրեց, — մասային է ուզում, չի իմանում որ էլ մաման չի գալու:

Սա խօսքը վերավորեց Ռուբենին: Ներս մտավ հարևան կնիկը և սկսեց խոսել Ռուբենի հետ նրա երեխաների մասին:

— Էսպես չի լինի, այ որդի: Երեխաներդ ափսոս են: Դե՞ն զցած կատվաձագերի պես մնացին խեղճ:

— Լավ, ի՞նչ անեմ, մե՛րս:

— Մի ոուս կնիկ կա հարևան տան քակում: Բեր պահի, նա էլ երեխանցդ կնայի:

— Ո՞վ է, ի՞նչ կնիկ է:

— Լավ կնիկ է: Մենակ ոտները ցավում են:

Ռուբենը շմտածեց երկար: Եվ հուսահատորեն կարճ կտրեց.

— Կանչիր զա:

— Մեզ համար մամա են բերում, — ուրախ-ուրախ խոսեց միջնակ երեխան՝ Պետիկը: Իսկ Մուշիկն արցունքոտ աչքերով նայեց հորը.

— Լավ մամա բեր, որ շզնա:

Ռուբենը դառնորեն ծխել սկսեց: Հարևան կնիկը գնաց:

Նոր «մաման» երկու ոտքով կաղ ընդունգալով բակից ներս մտավ: Բազի էր նման: Նա ուսին սպիտակ փուշի էր զցել, որ իլնում ծածկում էր ուռած փորն ու հաստ կոնքերը:

Նա լղար էր սակայն:

Նրան ուղեկցում էր հարևան կնիկը: Պառավն առաջ ընկավ, առանց դուռը ծեծելու ներս մտավ Ռուբենի սենյակը և ձեռք արեց կաղ կնոջը:

— Կարեւի՞ է, — հարցրեց սա հնչուն ու սրտաբաց ձայնով:

— Համեցե՞ք, — ասաց Ռուբենը և վեր կացավ տեղիդ:

Ռուս կինը ներս մտավ և առանց շուրջը նայելու նստեց տաբուրետի վրա: Նա և Ռուբենը իրար նայեցին: Հարևան կնիկը մոտեցավ Լուսիկին և բռնելով նրա ձեռքը՝ նստեց: Փոքրիկը — Մուշիկը քնած էր: Միայն Պետիկը թմրած ու հոգնած աչքերով նայեց նորեկին.

— Սա՞ է նոր մաման:

Բոլորը ժպտացին:

Ռուբենը կրկին նայեց կնոջը և շկարողացավ սկսել: Ծանր, դժվար, աճահասկանալի էր իր անելիքը: Իսկապես ո՞վ էր, ի՞նչ կին էր դիմացինը:

— Գուք երեխաների համար տանտիրուհի՞ եք որոնում — հարցը պարզ դրեց կինը:

— Այո, — պարզ պատասխանեց Ռուբենը թեթևացած: Ռուբենն զգաց մի ինչ-որ թարմ հոսանք իր սենյակների ծանր մթնոլորտում:

— Նու, եթե ուզում եք՝ փորձեցեք: Ես կպահեմ երեխաներին, կնայեմ տանը: Հարմար եղա՞ կմնամ, եթե ոչ՝ դուք ազատ եք, ինչպես և ես:

Ռուբենը մի տեսակ ամաչեց, զգալով, որ ինքն այդ ըուպեին ամենից շատ մտահոգված էր հենց այդ վախճանի հոգսով: Նա համաձայնեց, որ կինը մյուս օր գա իր մոտ: Հարևան կնիկը, ճշանդներով հասկացրեց ոուս կնոջը, որ իրերը բերի:

Ռուս կինը վեր կացավ: Նա կանգնած իսկ՝ օրորվեց իր ոտքերի վրա: Սաստիկ կաղ էր: Հետո թեթև ցտեսություն ասաց և մեղմաժպիտ նայեց երեխաներին:

Դա նուրբ, խոր ժպիտ էր մի մարդու, որի պրոֆեսիան կարծես ինչ-որ ջերմ, ներքին բան է, որ մենակ բարի մարդն է ունենում իրրե տաղանդ՝ մարդկային սերը:

Երբ նա շրջվեց, այսինքն պտտվեց իր մի ոտքի առանցքի շուրջը, և դուրս քայլեց օրորվելով՝ Ռուբենը նկատեց նրա սարսափելի խեղանդամ կոնքերը, ծուռ ոտները: Այն ջերմությունն ու խանդաղատանքը, որ մի փոքր առաջ զգացել էր նա, սուղվեց ուրիշ մի հորձանքի մեջ: Ինչ-որ մի դառնություն զգաց Ռուբենը՝

արդյո՞ք դեպի այդ կաղ կինը, թե՞ դեպի իր վիճակը: Մի հուսահատ, ատելախառն դառնություն: Եվ ձեռք գայրալի թափ տվեց:

— Թո՛ղ, մեջն անհոծեմ... էսպես կյանքի... միևնույն է...

Ռուբենը թափ տվեց ձեռն իր սեփական կյանքի վրա, արհամարհանքով անձնագոհ եղավ, մտավ մի ինքնամոռաց վիճակ: Դա ծխի պես դառն էր, այրող, բայց դուր էր գալիս նրան: Կարծես վրեժ էր լուծում իրենից: Նաև կնոջից: Եվ ամենքից: Կարծես արդարություն էր վերականգնում — ինչ-որ մեծ արդարություն:

Խոռովեց իր կյանքի ուրախությունից և իրեն տվեց հանրային ուրախությանն ու երջանկությանը: Սկսեց թաղվել գործի մեջ, նեղի՛ց իրեն, շարշարել: Դա ևս ոգելից խմիչքի պես այրող էր ու ընդարմացնող: Դաժանությունը դառավ նրա մտերիմ զգացումը: Ոչ ոքի չէր պատմում իր կյանքի մասին: Արտաքուստ չէր ուզում կասկածել տալ, որ իր մեջ հուզվում է մի գաղտնի վեպ:



Սոֆիա Պետրովնան — կաղ կինը — եկավ մտավ Ռուբենի ընտանիքն ու եկավ շատ ծանրակշիռ և լուրջ:

Ռուբենը չէր ապրում հետը: Սա պարզ էր: Նա իր գործին էր ամբողջ օրը: Կինը խնամում էր երեխաներին և Ռուբենին: Սոֆիա Պետրովնան շատ կարևոր ու հիմնավոր դրեց իր գործը: Եվ շատ խորքից: Սրբեց, պլպլացրեց տունը, դուռը, երեխաներին նախշեց խնձորների պես, միջնակին՝ համբերատար ջանադրությամբ՝ կաղալով տարավ տվեց մանկապարտեզ և կարգեց խիստ կանոններ կենցաղի: Իրեն հասկանալի և իր մեջ արդարացրած ինչ-որ ճշգրիտ ու խիստ բարոյախոսություն ուներ, որով վարվում էր: Եթե մի բան պետք է՝ պետք է ուրեմն — վերջացավ: Ուրեմն երեխաները ուղիղ ժամը ութին քնում են, վեր են կենում ութին: Սա օրենք էր՝ լաց լինել չէր կարելի: Կարելի էր ամեն բան խնդրել և նայած թե խնդրածն ինչ էր՝ ստանալ: Բայց այնքան շափավոր, որ չհիվանդանաք: Փլատ, ազահ չէր — բայց խնայող էր: Երբ տունը լավ կարգի ընկավ՝ սկսեց երեխաներին զբաղեցնել: Սկսեց հեքիաթներ պատմել: Հետո սկսեց նաև երգել: Երգում էր շատ մեղմ ու համավոր: Այսպես՝ աղվեսն ասաց գայլին — ու երգում էր թե ինչ

ասաց գայլին աղվեսը: Թուխս հանած հավի պես էր՝ ճտերը չորս բուրբը: Միշտ զգուշացնում էր, ամեն ռոպե կանչում, ուղղում:

Լավ եղանակներին երեխաներին մաքուր հագցրած տանում էր զբոսնելու երբեմն դեպի բլրի խճուղին, մաքուր օդ շնչելու, տեսարաններ դիտելու: Երբեմն էլ տանում էր շուկա:

— Թող կյանքն էլ տեսնեն,— բացատրում էր Ռուբենին Սոֆիա Պետրովնան:

Ռուբենին մի փոքր զարմացնում էր՝ թե ինչու էր այդ ցավագար կաղը վճռում կատարել իր ֆիզիկականից վեր գործեր. մանավանդ որ ոչ ոք չէր պահանջում: Դա Սոֆիա Պետրովնայի կենցաղի խստականոն, յուրահատուկ հասկացողությունն էր: Կարծես այդ ամենն իր համար էր, ո՛չ երեխաների: Նա էլ իր ներքին ինչ-որ աշխարհն ուներ, որտեղից այդպիսի տարօրինակ բաներ էին զրսևորվում:

Ռուբենն անտարբեր ու համաձայն լսում էր Սոֆիա Պետրովնայի բացատրությունները, և ոչինչ չէր ասում: Նրա համար դա ուրիշի գործ էր: Բայց վերջերս նա կտրվեց իր ընկերական շրջանից: Կտրվեց այն մտքով, որ զբաղվում էր միայն բրիգադի գործով աշխատանքի ժամերին: Դրանից դուրս կապ չէր պահպանում ընկերների հետ: Նրանք իրենց կենսուրախ կենցաղով ճնշում էին իրեն, ինքն էլ չէր ուզում թունավորել նրանց իր դժբախտությամբ: Գործը վերջանալուն պես գալիս էր տուն և նստում ժամերով: Ծխում էր մտազբաղ: Սոֆիա Պետրովնան նկատել էր, որ նա չի սիրում խոսել, ինքն էլ՝ չէր խոսում: Դրա փոխարեն երեխաներն էին իրենց կաղ «մոր» հետ խոսում, աղմկում: Դա սկսեց հանգրստացնել Ռուբենին: Վերջերս ինքն էլ սկսեց մասնակցել նրանց զբոսանքներին՝ Սոֆիա Պետրովնային օգնելու համար: Շատ էր նեղվում սա երեքին զբոսանքի տանելիս:

Մի օր էլ ճանապարհ ընկան դեպի փողոցն ի վեր՝ բլուրը: Մայթի վրայով մի տեսակ ձգվեց այդ ընտանիքի շարանը, տեսարանի պես: Առջևում իր փոքրիկին գրկած գնում էր Ռուբենը՝ մտախոհ ու լուռ, նրանից մի փոքր հետո քայլում էր Լուսիկը՝ աչքը խանութների վիտրիններին: Ամենից վերջը Պետիկի ձեռից բռնած, լնվնգում էր բազի պես Սոֆիա Պետրովնան՝ շատ լուրջ և կարևոր դեմքով, իր գործի մեծ գիտակցությամբ:

Գնում է Ռուբենը՝ իբրև դառն հանդիմանություն, իբրև հա-

մակերպված: անձնուրաց մի մարդ, որին անիրավեյ են, լքեց, և որք հպարտորեն կրում է իր լուծը: Նա միայն մի տենչ ունեւր — չպատահի ծանոթներին, ընկերներին, ցույց տա իր գեղեցիկ վիշտը և ազեղ ընտանիքը: Երբեմն արագ քայլելուց շատ առաջ ընկած՝ կանգնում էր, որ Սոֆիա Պետրովնան հասնի: Եվ սրտնեղում էր.

— Հը՞, գալի՞ս ես:

— Գալիս եմ, — հանդարտ ու բարի աչքերով նայում էր Ռուբենին կազ կիներ և հևում:

Գալիս էր, բայց որքան զանդաղ, ինչպես հանգիստ:

Ռուբենը մտքում նեղանում էր նրա այդ հանդատութունից և կաղութունից: Նա հասկանում էր մասամբ նաև ինչու համար Սոֆիա Պետրովնան շատ էր զոհ իր կյանքից: Գոհ էր, որովհետև իր վրա գրած պարտականութունը կատարում էր սրբությամբ: Ռուբենի երեխաներին խնամում, կրթում էր անձնվիրաբար, ոչ ոք չէր կարող կշտամբել նրան որևէ թերության համար: Բայց Ռուբենն զգում էր այդ կաղ կնոջ հանդատության նաև ներքին աղբյուրը: Սոֆիա Պետրովնան միանգամայն բավարարված էր իր կյանքի այս ելքով: Նա ապահով էր: Եվ իրոք՝ Սոֆիա Պետրովնան շատ զոքախտ էր ապրել: Կաղութունը նրան ընդմիշտ զրկել էր ավելի բարձր երջանկութունից՝ սիրուց և փայփայանքից: Ավելին: Կաղութունը նրան դուրս էր գցել նաև իր հարազատ քաղքենիական ընտանիքից: Մնողները մեռել էին վաղուց, հղբայրները չէին օգնում, և ինքը Ռոստոպի կիսակիրթ կնիկ՝ ընկել էր կյանքի երախը, սեփական ուժերով պայքարելու ստիպումով: Դա մի տարած-տորած էակ էր, որ կյանքի ալիքների մեջ տարուբերվում էր դյուրաբեկ խոտի նման: Վերջերս էլ ընկնելով Երևան՝ ծառայել էր մի երկու տեղ, բայց ֆիզիկապես ուժեղների մրցման շղիմանալով անզոր, սաստիկ կարիքի մեջ էր, երբ Ռուբենի զոքախտութունը վրա հասավ նրան փրկելու: Արդ, փրկված էր նա և խեղդվելուց նոր ազատվածի մոլեգնությամբ ամուր բռնել էր ափի խոտերն ու քարերը: Նա հիմա շատ ու շատ թանկ էր գնահատում իր այս վիճակը և ճիգ էր անում պահել ձեռքում այս առիթը, վերջապես ապրելու... Եվ ահա ապրում էր այնպիսի ուժով, ծարավով... Միածամանակ գիտակցում էր իր դերի նշանակությունը — նա պետք է մարդկանց, նա գրավում է մի այնպիսի պոստ, որ ուրիշը չի կարող, չի կամենում: Վերջապես ինքը խաղաղացրել է մի մարդի

ընտանիքի փոթորիկը: Սոֆիա Պետրովնան զգում էր, որ ինք: է գեթիշխում այդ ընտանիքում: Ահա թե ինչու նա այդպես հանգիստ ու անվրդով քայլում էր Ռուբենի հետևից: Նա հպարտ էր... և երջանիկ: Կաղ կնոջ խաղաղ երջանկութունը, որին մասնակցում էին նաև երեխաները, եկել կարծես թե թառել էր Ռուբենի զոքախտության վրա: Բավական էր, որ զոքախտ երիտասարդը թափահարեր ինքն իրեն՝ այդ երջանկութունը կթափվեր զարնան կեռասենու հասած ծաղիկների պես: Պե՞տք է անել այդ...

Ռուբենը կրկին հետ նայեց և սպասեց, որ կաղը հասնի Ուզեց հանդիմանել նրան, բայց կնոջ հեքը տեսնելով զսպեց իրեն: Ցավալարն շտապում էր որքան կարող էր, զանդաղում էր, որովհետև անկարող էր ավելին: Նրա աղջկային, թարմ այտերը շտապունել էին քայլելուց և հասնելու ճիգից: Ի՞նչ կարելի էր ասել: Հանդիմանեց Ռուբենն ինքն իրեն, արդարացրեց ցավազար կնոջը և շարունակեց ճամփան:

Բայց այնուամենայնիվ մի բան մնում էր անողոր ճշմարիտ: Որ Ռուբենը զոքախտ էր: Որ այդպես նեղվում, շտապում էր նրա սիրտը, իսկ հետևից քաշ էր գալիս իր հոգսը, լքած ընտանիքը և իր ճակատագիրը — կաղ կինը: Սկսեց խղճալ իրեն, մտքում հանդիմանել այդ ճակատագիրն ուղարկողին: Թերևս ուրիշ կերպ կարող էր տնօրինել իր բախտը: Թերևս սխալվել էր այդ կաղ կնոջ իր տուն բերելով... Կարող էր — չէ՞ — մի այլ էակ, գեղեցիկ ու թրթռուն այժմ թևանցուկ արած քայլել իր կողքով: Պատկերացրեց այդ աննյութ էակին, զգաց նրա գիրգ թևերի հպումը իր երկաթամկան թևերին: Սակայն, երբ նայեց իր գրկում ննջած երեխային և հիշեց հետևից քարշ եկող մյուսներին՝ ցնորքը թռավ ճառագայթի թեթևությամբ: Ո՞վ, ո՞ր կինը կբերի իր գեղեցկութունը մաշելու երեք երեխայի խնամքի, հոգսի մեջ... ոչ, զուր են երազները:

Եվ ահա երևակայության արբեցման մեջ, մշուշոտ աչքերի դիմաց սկսեց գծագրվել ու երերալով գնալ իրենից հեռացած էակի կերպարանքը: Այնպես, ինչպես սիրել էր նրան այն ուրախ զարնան ծաղկած այգում, երբ շէր ճանաչում նրան, բայց սիրեց բուռն կերպով:

Նրա հետևից հեշեց իր աղջկա և միջնակի զանգակի ծիծաղը: Երանք ինչ-որ բան ցույց տվին «մամային», սա՛ «այո, այո»

ասաց: Բայց Ռուբենը իր երազի հետ էր, անգամ հետ շնայեց: Աշքերը կիսախուփ, մշուշոտ՝ նա հառաչեց ու հայացքը գցեց հեռու հորիզոնները:

Ոչ, այս ընտանիքը, այս կինը իր ճակատագիրն էր, պետք է տաներ, տանջվեր և այդպես էլ շորանար, վերջանար:

Դառն ծխի պես ներս քաշեց այս միտքը իր մեջ. դա արդեն վրեժի ցասման քաղցր դառնությունն էր, որ նրան պետք էր գինու, ծխախոտի պես:



Մի հանգիստ օր, երբ Սոֆիա Պետրովնան երեխաներին տարել էր գրասենյու և Ռուբենը պառկել տախտի վրա նիրհում էր ներս մտան նրա ընկերները:

— Բարի օր, հյուր կընդունե՞ս — կես հեգնական ասաց վարպետ Սերոբը:

Դա հիսունի մոտ մի կոճղ էր, ուրիշ բրիգադի բրիգադիր: Նա կոշտ բեղերը սրեց և հիմնավոր նստեց տաբուրետին: Մյուսները լուռ տեղավորվեցին:

— Հը՞, — արեց վարպետ Սերոբը և կծու նայեց Ռուբենին, — բավական չի՞:

— Ինչ եմ անում, — անշեշտ հարցրեց Ռուբենը:

— Բռնած ծրագիրդ ծրագիր չէ:

Ռուբենը վեր նայեց և բուժ հայացքը գցեց վարպետի աչքերին: Վարպետը սակայն անսասան էր:

— Ես իմ գործն ուրիշին չեմ անել տալիս, պլանները կատարում եմ, ոչ ոքի էլ չեմ խանգարում աշխատելու:

— Հարվածայնությունն էդ չի, — կտրեց մյուսներից մեկը, որ մինչ այդ լուռ էր, — հարվածայնությունն էդ որ լինե՞ր՝ մեքենան ամենից լավ հարվածայինն է: Մաքրի՞ր՝ կգնա: Հարվածայինն ե՞ս հարվածային կաց:

— Կնիկ ունեիր՝ թոցրի՞ր, կպատահի:

Խուլ ձայնով խոսեց մի ուրիշը:

— Թքի գնա, — ձայն տվին մյուսները:

Վարպետ Սերոբը սկսեց վարժապետական տոնով.

— Կնիկդ գնա՞ց: Ուրիշին բերիր՝ ընտանիքդ ապահովեցի՞ր:

Բանը հո մենակ կնիկը: չի: Աշխարհքին մտիկ տուր, տես ուր է գնում: Արի աշխատանք արա, ափսոս չի՞ աշխատանքը: Ամենակյանքի բանը հենց աշխատանքն է: Դե վե՛ր, դե վե՛ր:

— Ո՛ւր, — վախեցած հարցրեց Ռուբենը:

— Ավիացի օր, գնանք, — ուրախ ձայն տվեց ամենից կարճահասակ մի բանվոր, որ չէր հասկանում ոչ Ռուբենի վիշտը, ոչ էլ այդքան երկար խրատելու կարիքը: Նա սևասաթ աչքերը պսպղացրեց ու դուրս եկավ բադի պես օրորվելով: Ու կանգնելով պատըշգամբում, թևի մկաններն ուռեցրեց ու ըմբիշի պես հարձակվեց իր նման մյուսի վրա.

— Ըմ, կնկա հե՛րն եմ անիծել:

Իսկ ներսում Ռուբենը համառում էր: Նրա թևերից քաշեցին, գուրս բերին:

Ռուբենն ակամա դուռը կողպեց, բանալին դրեց նշանացի տեղն ու գնաց:

— Ախր, ո՛ւր եք տանում է:

— Զխկում քեզ, գնա — բոթեցին կոպիտ բուռնցքներով ու հռհռալով դուրս եկան բակից:

— Հիմի բանը երեխեքն են, — շարունակեց վարպետ Սերոբը. — դու պիտի աշխատես լավ երեխեք տաս պետությունը: Երեխեքանցդ գործն էլ դրստել ես, էլ ինչ ես ուզում, տնաշեն: Թքիր գնա...



Սակայն տանը ծաղկում էր խաղաղ ուրախությունը, չէր նայում ոչ Ռուբենի վիճակին, ոչ նրա դառնություն:

Սոֆիա Պետրովնան հիմնարկի պես սարքել էր տունը և նրա կենցաղը: Երեխաներն այնպես էին կապվել նրա հետ, որ չէին ուզում հիշել իրենց մորը, բացի Լուսիկից, որ թեև չէր խոսում, բայց սրտում կրում էր այդ վիշտը: Սոֆիա Պետրովնան Լուսիկի հետ միասին տան գործերը վերջացնելով՝ երեխաների հետ դուրս էր գալիս տան բակը և նստելով պատշգամբի սանդուղին՝ ասեղնագործում էր և հետև էլ մասնակցում երեխաների խաղերին: Խաղերն ստեղծում էր ինքը: Բակի առուն կապել էր տալիս երեխաներին և հիդրոկայան էր խաղացնում: Կանչում էր բակի մյուս

երեխաներին: Արանք էլ էին մասնակցում «երկրի շինարարության» — ինչպես կոչում էր խաղը Սոֆիա Պետրովնան: Երեխաներն արդեն իրենք շարունակում էին ստեղծագործել: Երբեմն կոչում էին, երբեմն երգում, տոն կատարում: Հանդիսավոր երթն աղմկում էր բակում: Տանեցիները դուրս էին գալիս պատշգամբ դիտելու «բանվորների» տոնակատարումը:

«Հիդրոկայանին» հետևում էր որևէ «գործարանի» կառուցում: Սոֆիա Պետրովնան տալիս էր պլանը՝ երեխաները կառուցում էին: Հետո նա պարզևատրում էր երեխաներին՝ տալով ամենքին կես-կես կոնֆետ:

Բանն այն էր, որ ինքը ևս շատ սիրում էր այդ խաղերը, գրանց մեջ իրակաճանում էր նաև իր երազը՝ ապրել կենդանի կյանքով, մասնակցել շինարարության, իբր թե ինքն էլ ամենքի պես «նորմալ» մարդ է, պիտանի է և գոյություն ունի:

Նրա կյանքը թունավորվում էր մի բանով միայն: Լուբեր էին բերում, որ Աստղիկը լսելով նրա մուտքը «իրենց» տուն՝ սրվել է իր դեմ և պիտի գա պատիժ տալու անկոչ հյուրին: Սոֆիա Պետրովնան սաստիկ վախենում էր նրանից: Նրա վախը հիմք ունեցավ: Աստղիկը կատարեց այդ հարձակումը: Իսկ պատահեց այն բոլորին, երբ Սոֆիա Պետրովնան խաղում էր երեխաների հետ: Աստղիկը բակից ներս ընկավ ու վազեց դեպի նա: Սոֆիա Պետրովնան փոքրիկին գրկած մի կերպ իրեն զցեց հարևան կնիկ սենյակը: Երեխաները ճշացին. բայց կուչ եկան մոր առաջ: Աստղիկը գրկեց Պետիկին և սկսեց վայրենի համբույրներով սեղմել նրան իր կրծքին՝ հետն էլ հեիհե հարցնել.

— Մոռացե՛լ ես մամայիդ, հա՞, մոռացե՛լ ես...

Երեխան լաց լինելով կուլավ նրա կրծքին, իսկ Լուսիկը մոռաց ու լացակումած հենվեց պատին:

Աստղիկը սկսեց բարձրաձայն հայհոյել Սոֆիա Պետրովնային, որը դողում էր վախից: Հարևան կնիկը դուռը կողպելով դուրս եկավ նրա առաջ:

— Ի՞նչ ես ուզում խեղճ կնկանից...

— Դուրս գա, թող դուրս գա, հոգին հանեմ, — ճշաց կատարած մայրն ու հարձակվեց կողպած դռան վրա, սկսեց թակել:

Երեխաները վայնասուն զցեցին.

— Մամային սպանում են, մամային...

Այս ավելի կատաղեցրեց վիրավորված մորը: Նա սպանաց, որ պետք է սպանի «կաղին», ներս նայեց պատուհանից, բռունցքով սպանաց և հետո գնաց:

Դուռը բացվեց և Սոֆիա Պետրովնան դուրս եկավ:

Երեխաներն ուրախ-ուրախ վազեցին կպան նրա փեշերին:

Ռուբենը իմացավ դեպքը, բայց ձայն չհանեց:

Մի անգամ Ռուբենը փողոցով գնում էր: Հանկարծ անցորդների մեջ նկատեց Լուսիկին, որ իր առջևից գնում էր դպրոց: Նա իր բարակ մատներով խնամքով բռնել էր թանաքամանը և նիհար ուսերը ծռել, որով երևում էր այն ճիգը, որ նա գործում էր զգույշ քայլելու: Աղջիկը կոկիկ հագնված էր և ձախ թևքի տակ գիրքը սեղմած՝ նա ամբողջովին դառել էր ուշադրություն, խնամք և դրախտություն, որ դպրոց է գնում, Մաքուր էին նրա մազերը, զգեստը, կոշիկները, հայացքը:

Ռուբենն ուրախացավ և մոտենալով աղջկան՝ ձեռքը դրեց նրա ուսին.

— Դպրո՞ց ես գնում:

— Հա, պապա, — փաղաքշական ձայնով պատասխանեց Լուսիկը:

Աղջկա աչքերում երջանիկ մի շող էր խաղում:

— Կնա, բալիկ ջան, — գուրգուրեց Ռուբենը և ճանապարհը ծռելուց առաջ ինչ-որ հակառակ պահանջի դրդամբ հանկարծ հարցրեց աղջկան.

— Մամայիդ հիշո՞ւմ ես:

Աղջիկը ծաղկի պես գլուխը կախեց: Ռուբենը բռնեց նրա գլուխը, բարձրացրեց վեր: Աղջկա աչքերում արցունք կար:

— Լավ, լաց մի լինի, գնա, բալիկ ջան, — շնչաց Ռուբենն ու ձեռքը բաց թողեց:

Մի փոքր անկվեց աղջկա այդ թաքուն վշտից, բայց կարծրացած սիրտը չէր թողնում ավելի խորը թափանցել փոքրիկի հոգեկան աշխարհը: Ձեռքը թափ տվեց ու գնաց իր գործին:

Երեկոյան տուն վերադարձավ սրտենդ տրամագրությունը: Փողոցի ուրախ ձայները նրան հանգստացնում էին: Միծաղը մրտաբանում էր նրա հոգին, ուստի փախչում էր փողոցներից, որ չլսի:

Մտնելով բակը՝ նկատեց, որ իրենց սենյակում ինչ-որ շարժում կա: Երեխաները կշկռում էին: Ի՞նչ կարող էր լինել այնտեղ:

Մոտեցավ պատուհանին նայեց ներս: Հարևան երեք երեխա մեջքով դեպի պատուհանը կանգնել տարված դիտում էին ինչ-որ տեսարան: Պատուհանի եզրից Ռուբենը տեսավ Սոֆիա Պետրովնային, որը պարում էր, հետն էլ հեռավոց համեստորեն երգում: Նա աշխատում էր պարել ավելի իրանով՝ քիչ գործադրել իր կաղոտները, որոնք ամեն մի շարժման արգելք կարող էին լինել: Դա մի տեսակ կաղապար էր, փիփկ-փիփկ, կողք-կողքի: Նա երգում էր մեղմ, աղջկային ձայնով, թախծալի — ուրախ շեշտով և տարված էր: Ինչո՞ւ էր վճռել պարել, ի՞նչ էր պատճառը այդքան բարձր տրամագրություն: Ուշի ուշով նայողը կատանար այն տպագրությունը, որ նա երեխա է, մի ջահել աղջիկ: Եվ իրոք՝ շնայած նրա քսան և ութ տարուն, նրա մեջ դեռ չապրած երեխայություններ կային, որ դուրս էին գալիս, երբ գտնվել էր հարմար միջավայր: Չունենալով ուրախ մանկություն, խաղընկերներ, չապրելով վաղաճաս տարիների ուրախությունը՝ նա մի տեսակ խաղընկեր էր դառել այդ երեխաների մեջ: Ուրախությունն այնքան էր գրկել նրան, որ նա տարված շնկատեց Ռուբենի ներկայությունը: Սա ներս մտավ մտայն ստվերի պես և հանգրեց ուրախությունը: Կազը կանգնեց, սառեց, երեխաները դուրս գնացին:

— Ուրիշ բան չգիտեի՞ր, — նկատեց Ռուբենը կոշտ ու սառը կաղը զարմացավ:

— Ի՞նչ եմ անում որ...

— Դա ի՞նչ պար է:

— Երեխաների համար պարեցի — ի՞նչ եղավ, ուրախացան: Ռուբենը սրտնեղեց:

— Լավ-լավ, սեղանը գցիր:

Կաղը վիրավորված նայեց նրան:

— Սեղանը կգցեմ, բայց դու ինչո՞ւ շնա թողնում երեխաներին զբաղեցնեմ:

— Լավ, ասացինք, բավական է, — գոռաց Ռուբենը, — պարուց առաջ կաղոտներից նայիր:

Կաղը շանթահար նայեց Ռուբենին և նրա մանկական պարզ շքերի մեջ ցայտեցին արցունքները: Նա լնգլնգալով գնաց մյուս սենյակը և ընկնելով անկողնի բարձերին՝ գլուխը թաղեց մեջը:

Երեխաները վախեցած նայեցին հորն ու փախան կնոջ մոտ, ծվարեցին վախեցած ձագերի պես: Բնազդաբար բռնեցին նրա

փեշից՝ կարծես երկյուղ կրելով, որ նա կարող է հեռանալ իրենց տանից:

Ռուբենը նստեց մի պահ, ծխեց և հետո մտնելով մյուս սենյակը՝ կանգնեց մեջտեղը:

— Հետո՞, շա՞տ պիտի սպասեմ:

Կինը ձայն չհանեց:

— Թո՛ւ, — արեց Ռուբենը և շարժում գործեց դուրս գնալու տանից:

Հանկարծ հետ դարձավ:

— Ի՞նչ է, կարծում ես նորություն ասացի, ինչի՞ ես վիրավորվում:

Կինը ձայն չհանեց, Երեխաներն էլ նրան հետևելով լուեցին ու սկսեցին հանդիմանական հայացքով նայել կոպիտ հորը:

Ռուբենը դուրս գնաց: Կինը վեր նայեց: Երեխաները պինդ կպան Սոֆիա Պետրովնային և սարսափած նայեցին նրան՝ պատրաստ ճշալու: Կինը հասկացավ նրանց, և այն շարժումը, որ պատրաստվել էր անել՝ սառեց նրա մեջ: Նա հանդարտ վեր կացավ, երեխաներին կանչեց սեղանի մոտ, թեյ տվեց, և հրամայեց շուտ խմել և լվացվել: Երեխաները սրբություն կատարեցին հրամանը: Կինը դառել էր նրանց ամենաթանկ բանը, որ սարսափում էին կորցնելուց:

Կես ժամ անց նրանք պառկած էին անկողիններում: Լուսիկը չէր քնած, հսկում էր, իսկ Պետիկը սկսեց թնկթնկալ:

— Դու ի՞նչ ես անում, — հարցրեց Սոֆիա Պետրովնան:

Երեխան հեկեկաց: Լուսիկը վեր կացավ և մոտենալով նրա անկողնին՝ կամաց փսփսաց:

— Մի լար, թե չէ՞՝ մաման կզնա: — Երեխան զսպեց իրեն և սկսեց ճիգ գործել, որ զսպի իրեն, բայց չէր կարողանում: Գլուխը թաքցրեց անկողնի տակ և սկսեց դառնագին ու անձայն հեկեկալ:

Լուսիկը երկար չէր քնում ու թաքուն հսկում էր: Սոֆիա Պետրովնան նկատեց այդ և սառը կարգադրեց:

— Քնիր:

Վախեցած աղջիկը բարակ վիզը երկարացրեց դեպի նա և վախով ու պաղատանքով հարցրեց:

— Մամա, չե՞ք գնա:

— Աչ,— եղավ պատասխանը: Ձայնը հնչեց Սոֆիա Պետրով-
նայի հրամայական և հեղինակավոր շեշտով: Լուսիկն հասկացավ
ու հանգստացավ:

Երեխաները քնեցին:

Գնաքը պատահեց հետևյալ օրն իսկ:

Ռուբենը գործի էր գնացել: Սովորական մոռյլ տրամադրու-
թյամբ շարունակ էր պատը՝ կիսաձայն կարգադրելով օգնականնե-
րին, որ քար ու շաղախ տան: Հիշեց նախընթաց երեկոյի դեպքը
և բարկացավ Սոֆիա Պետրովնայի վրա, որ չի հասկանում իրեն:
Չէ՞ որ նա դժբախտ է, զո՞հ է մի դուրս ընկած կնոջ, որը երեք
երեխայի հոգսը գցելով իր շլինքը՝ լքել գնացել է: Վերջապես մի-
թե իր հոգսը հերիք չէ, որ ավելին ևս դնում են վրան: Կշտամբեց
մտքում, կիներ հաշվի չի առնում այդ բանը:

— է՛հ,— շնչաց բարձր ու քարը սեղմեց պատի շաղախի
վրա, սեղմեց դառնորեն, իբրև իր տաժանելի ճակատագրի վրա
սեղմեր տանջված ձեռքերով:

— Վարպետ, լսո՞ւմ ես, քեզ են կանչում,— արթնացրեց
նրան աշակերտը:

— Ո՞վ, ի՞նչ է,— վրա ընկավ Ռուբենը:

— Ներքևից են կանչում, այ էն պառավը:

Ռուբենը ցած նայեց: Հարևան կիներ էր: Նրա դեմքը ժպտոն
թվաց: Ռուբենը վար իջավ: Երբ մոտեցավ կնոջը, սա խնամքով
զլխի շալը ուղղեց և մոտ գալով արագ՝ փսփսաց:

— Գնանք տուն, Սոֆին խեղդվել է...

Կարծես վաղուց էին ասել իրեն այդ բանը, այնքան խորը խո-
ցեց նրան այդ լուրը:

Մինչ բանվորները կիսմրվեին, հարցուփորձ կանեին՝ Ռուբենը
վազեց տուն:

Քակի կենողները խորը նայեցին նրան և ճանապարհ տվին,
որ ներս մտնի: Սենյակում երեխաները լաց էին լինում բարձրա-
ձայն:

— Ո՞ւր է, ի՞նչ է,— վրա ընկավ Ռուբենը:

— Հիվանդանոց են տարել... Ձորումն է պատահել,— ասաց
հարևան կնիկը, որը մինչև այդ չէր խոսել:

Ռուբենը վազեց հիվանդանոց՝ երեխաների ճիչն ականջներին
մեղ:

Երբ մտավ դիարանը՝ սեզանի վրա հանդիսավոր պառկած ցր-
ցավազար կինը: Նա չէր փոխվել, մի փոքր միայն լցվել էր —
շուտ էին հանել ջրից: Վեհորեն հանգիստ էր նա և դեմքին մի
քնքուշ կուսական ժպիտ ուներ, մանկական այն թարմությամբ,
որ միշտ բնորոշ էր այդ բարի հանելուկային էակին: Դա այն
կոտորած ժպիտն էր, որով վերջին անգամ երեխաների շրջանում
պարեց: Որսած թռչունի պաղած աչքերը կիսափակ նայում էին
ու ռքի և նայում անկշտամբ՝ ինչպես որ նայել գիտեր նա:



Խեղդվածին թաղեցին պարզ և լարված լուծյամբ: Դագաղի
հետևից գնում էին Ռուբենը, հարևան կնիկը և Լուսիկը: Հետևից
շարժվում էին Ռուբենի ընկերները և խաղաղ հայացքներով պա-
տահական մարդիկ, որոնք ինչ-որ անհասկանալի համակրանք են
տածում դեպի մեռնողները:

Ահավոր երեկո եղավ այդ օրը:

Փոքրիկը չէր ուզում պառկել քնելու: Պահանջում էր «մորը»:
Նրան բռնի հանվեցրին և դրին անկողին, բայց նա վեր էր թռա-
չում տեղից և գոռում էր:

— Մաման գա, մաման գա...

Հարևան կնիկը, որ եկել էր օգնելու Ռուբենին՝ գուրգուրում
էր և Լուսիկի օգնությամբ համոզում էր փոքրիկին քնել:

— Քնի, բալա ջան, կգա:

Բայց փոքրիկը վախեցած և բնազդով ինչ-որ մի շար բան
զգալով՝ դողահար ու բարձր ճչում էր:

— Մաման գա, մաման գա...

Ռուբենը դուրս փախավ փողոց: Քաղաքի աղմուկը սակայն
չէր կարողանում խլացնել նրա հոգու մեջ սարսափելի երեխայի
կշտամբող ձայնը: «մաման գա»:

Հարցաքննության ժամանակ Ռուբենն առաջին անգամ կյան-
քում զգաց մարդկային հայացքի ծանրությունը: Հասարակական
հարցաքննողի,— որը Ռուբենից խստորեն պահանջում էր դժբախտ
կնոջ արդարությունը: Ռուբենը խոստովանեց լիովին, որ ինքն էր
դժբախտության պատճառը: Մանր խոսքեր ասաց իր հասցեներ:

Պատմեց ամբողջ դժբախտ դեպքը: Մեղընդմեջ թելը կորցնում շողափում էր իր դժբախտ սիրո պատմութունը...

Հայացքը, հարցաքննողի խորաթափանց, կշտամբող հայացքը նայում էր նրա հոգու խորքը:

Ինչ ուժեղ էր եղել կաղ կինն՝ այս հարցաքննողի հայացքում: Ռուբենը քանի գնում՝ իր առջև տեսնում էր մի ահավոր անդունդ, որ առաջ կարծել էր մի հասարակ փոս:

— Ոչ, ընկեր, դուք այնքան եք տարվել ձեր անձնական սիրո խնդրով, որ չեք նկատել... Ձեզ եմ հարցնում, քիչ էր ձեզ համար այն կնոջ գործը, որ հասարակության համար պիտանի մարդիկ էր կրթում... Դուք հարվածային եք, պետք է հասկանայիք այս...

Երբ Ռուբենը վերադարձավ տուն՝ երեխաները լուռ նստած սպասում էին դատարկված սենյակում: Անխոս ինքը ևս նստեց: Եվ ըստ սովորության սկսեց սպասել: Ո՞ւմ... Նա չէր գալու այլևս: Երբեք: Միայն սենյակում դեռ մնացել էր նրա խնամոտ ձեռների գրոշմը: Դեռ անկյուններում իրեր կային, որ չէին աղարտել իրենց դիրքը: Այն տեղերը էր, որ մնացել էր նա: Ռուբենը նայեց շուրջը, նայեց բոլոր առարկաներին և նոր տեսավ, թե նրանք ինչ մանրակրկիտ ձևով էին դարսվել իրենց տեղերում: Նոր սկսեց տեսնել այդ պատահական, իսկապես անծանոթ էակին և նոր սիրեց նրան: Եվ սիրահարի խանդաղատանքով նա բաց արեց պահարանը, սկսեց խառնել ցավագարի դարսած սպիտակեղենը: Ահա կուսիկի շապիկը, ամենամանր տեղերն անգամ ջանադիր կարկատած: Ահա Պետիկի թաշկինակը անկյունածալած, հատուկ ձևով հարթուկած:

Անսահման սեր կար այդ ամենի մեջ: Ահա և նրա անձնական արկղիկը: Մի քանի իրեր հասարակ, պարզ, աղքատիկ, բայց հիմա նվիրական: Ռուբենի մոլոր մատների մեջ շրջանակվեց մի համեստ լուսանկար: Դա նա ինքն էր՝ մի փոքր ավելի վաղ հանված: Այստեղ նա իսկական աղջիկ էր՝ մանկադեմ՝ պայծառ ժրպտով: Մի փոքրիկ շորացած ծաղիկ սպիտակ թելով կապվել, փարվել էր այդ լուսանկարին: Ի՞նչ նշան էր այդ և ի՞նչ ծաղիկ: Անկարելի էր այդ գուշակել, այնքան հասարակ էր նա և անգույն:

Ռուբենը դողողուն շուրթերը հպեց լուսանկարին ու ծաղկին՝ կաց եղավ:

Հետո խորտակված վար իջեցրեց ձեռը՝ մատներում լուսանկարը սեղմած:

Մեծ գիշերը հոսել սկսեց:

Երեխաները քնած էին շորերով, բաց: Ռուբենը մտածել սկսեց: Նրա հոգու առջևով եկան անցան վարպետ Սերոբը, իր հարվածային ընկերները, քննիչը, հարևան կնիկը, իր երեխաները, հանդուցյալը, միլիոնավոր մարդիկ:

Մի գործող սեր, գործող ավելի քան ամեն ինչ աշխարհիս երեսին՝ կանչում էր նրան դեպի նոր կյանքը:

Գնալ, աշխատել նրանց երջանկության համար:

ԻՐԵՐ

Հրանտն ուրախ վերադարձավ ամառանոցից:

Աշնանամտի այն ուրախությունը, երբ «կյանքն սկսվում է»: Հով սեպտեմբերը, կազդուրիչ զովը և աշխատալից հետաքրքիր ձմեռը, որ սպասում են մարդուն:

Ամառանոցում վատ չէր. մինչև իսկ շատ անգամ ուրախ էր: Ամբողջ ամիս ու կես գեղեցիկ նվազի պես անցավ Գիլիշանի գողտրիկ անտառներում, ուր իր նման ուսանող կոմերիտ ընկերների հետ, ծառերի տակ, անտառի բացատներում վազվզում ու թռչկոտում էին խենթ նժույզների պես, կամ բորբոքված վիճում համալսարանի, քաղաքի կյանքի և... ամբողջ աշխարհի մասին:

Մի բան միայն ամառանոցում վատ էր: Չէին թողնում ընթերցանությունը պարապել, որ Հրանտի մասնավոր կրթերից մինն էր: Բայց երբ ինքն էլ արանք էր գտնում առանձնանալու մի ծափ տակ՝ անտառն այնպես էր նրան օրորում, որ քնում էր գրքի վրա:

Վերջապես բնությամբ արբեց, հագեցավ և վերջը ձանձրույթ զգաց: Քաղաքը քաշում էր:

Հրանտը ճամփին պատկերացնում էր գալիք աշունն ու ձմեռը: Աշխատանքը համալսարանում, բջիջում, շեֆարկյալ գյուղում, հանրային գրադարանում և այս բոլորի հետ իր սիրած գրքերը՝ տանը... Հետո վերջապես այնպիսի բաներ, որ ինքն էլ չգիտեր թե ինչ, բայց որը միշտ հեռուներից ձեռով է անում, կանչում—ուկեղենիկ ապագան մի երիտասարդի, որին նա քաշում է մտահույզ ժովի նման:

Հրանտին միշտ այնպես է թվացել, որ ինքը քիչ է աշխատում: Միշտ թվացել է, որ աշխարհը լի է այնքան ձգտումներով պարտականություններ, կատարելագործություններ, հրաշքներով, ես՝ զեռով, և ինքը ոչինչ, դեռ ոչինչ չի արել, ետ է մնացել:

Հենց որ քրոջ հետ կառքից իջան, մտան տուն՝ Հրանտն առաջ

— Դու, շո՛ւտ, շո՛ւտ, սենյակը մաքրի, սարքի, ես սկսում եմ աշխատանքներս:

— Սրբի ասիր ու պրծա՞ր,— մտահոգվեց քույրը,— աշխարհ գործ կա, տունը պիտի դուրս թափեմ:

Հետևյալ առավոտ սկսվեց սենյակների «դուրս թափելը»:

Հրանտը գնաց համալսարան, ակումբ, փողոց, տեսնվեց ընկերների հետ, շրջեց, եկավ տուն:

— Դեռ չե՞ս պրծել:

— Պրծե՞լ,— հեգնեց քույրը բարկությամբ,— փոշին աչք ու երես է ուտում:

Եվ գլուխը կոխելով տախտի տակ՝ շարունակեց դուրս ածել իրերը: Հրանտը նստեց պատուհանի մոտ, վերցրեց «նախնադարյան կուլտուրան» և սկսեց կարդալ:

Քույրը մոլեգին աշխատում էր և ինքն իրեն քրթմնջում: Դա մի շոր ու ցամաք հասակավոր կին էր, բարի, մշտաշարժ, խստադեմ: Բազուկները շոգեկառքի թևերի պես անդադար շարժման մեջ էին: Ավլում էր, սրբում, վերցնում, դնում: Նա իր ամբողջ կյանքը նվիրել էր Հրանտի կյանքի ծառայության: Նրա շնորհիվ էր Հրանտը տան հոգսից ազատ՝ դրսի կյանքին նվիրվել:

Աննյակը սակայն այլանդակվել էր: Այնքան իրեր կան դուրս թափած անկյուններից, տախտերի տակից, պատուհաններից, որ շարժվելու հնար չկա:

Հրանտի քույրը դեռ պեղում, դուրս էր ածում նոր իրեր ու ինքը մեջը թաղվում:

Եվ որտեղից էլ այսքան իրերը հավաքվել՝ մնում են Հրանտի տանը: Ու ինչ անհաշիվ քանակ ու տեսակով, պետքական կահ ու ամանեղեն է մոռացվել, խորթ իրերի հետ լցվել միատեղ:

Բայց,— նայում է Հրանտը,— ի՞նչ արարողություն է սկսել քույրը. ինչպե՞ս է ապրում նա այդ իրերով: Ինչ ջերմեռանդություն է սարքում իր փոքրիկ խաղաղ տունը: Նա ուրիշ ոչինչ չի նկատում այս տուփից դուրս: Անշարժ, անխախտը սա է, իսկ աշխարհը երկրորդական է, ուրիշինք անկարևոր բան:

Նայում է Հրանտը այդ իրերին, որ իրենց սովորական դիրքերից դուրս գալով, հեռները դուրս են բերել նաև շատ մոռացված փրփր:

Բզկտված հովանոց, կարկատած կոշիկներ, մեխեր, ժանգոտ բանալիներ...

Հնամենի, ծանր կամոդի բաց զգրոցներից դուրս են թափվել մաշված գրքեր, իր մեռած քրոջ երեխի հագուստները, կոշիկները, լուսանկարներ են փռվել հատակին: «Հայագի» պրիստավ Մելիքովը, բեղերը մինչև ականջները սրած, թևը գցել է Հրանտի փեսի վզով: Արբած ժամանակ են նկարվել: Բազմաթիվ հին վաճառականների և այլ «զանազան տեսակ մարդկանց արտառոց լուսանկարներ, որոնց տերերը չկան այլևս: Սևացած կաղնե հավանքը, անատամ պառավ բերնի պես ստվերը մեջը, կողքին ընկած է ձվաձև յուղոտ քարը — հնադարյան գործիքի նման: Ինչպես այն փոշոտ երկանքը, որի վրա տատը կուացած պտտում էր ու կորկոտ անում:

— Հա՛մա մեր տանը խառն ի խուռն իրեր կան,— ժպտաց Հրանտը:

— Հապա ի՞նչ, տո՛ւն է:

Տո՛ւն... Քարայր է՝ որ գնում կորչում է անցյալի ուղղությամբ, որի հազար քունջ ու պուճախում թաքնված են իրեր, որոնց կարգը մեր օրերից բռնի գնա մինչև նախամարդը:

Եվ կարծես այդ իրերին ձեռ է տվել նախամարդն ու հետո ինքն անհետանալով՝ թողել խավարի մեջ: Բրածո կենդանիներ են կարծես, որ անցյալի մթությունից առերես ելնելով՝ նայում են, անհեթեթ ծամածոտմ շրթունքներով, և նրանցից բուրում է մի խորին խոսող հնություն:

Քարայրների՝ հնությունը...

— Սրանք մի տանեմ արևին փոռեմ, հոտը քաշվի,— ասում է Հրանտի քույրը:

— Այո, փո՛հր,— խոսում է Հրանտը ցրված,— բայց ավելի լավ է՝ կորցրու:

— Ինչո՞ւ

— Ինչի՞ են պետք: Ի՞նչ պիտի անենք:

— Ինչ անենքս ի՞նչ էր... Ափսոս չէ՞, տուն է, նեղ ընկած տեղը պետք կգա: Անպետք բան կա՞,— պնդում է քույրը՝ ջրմեճանդ սրբելով մի հին մոմակալ:

Ու ինքն իրեն խոսում:

— Ասում ես անպետք: Լավ չէ՞ր, մայրիկիս սեղուկը՝ նոր-

գել տվի, հին գրքերդ ու տետրակներդ մեջը դրինք: Այ, էս հովանոցը շինել կտամ, էլի բան է:

— Դե՛ն գցի, պլաշ ունեմ: Հովանոցն ո՞վ է գործ ածում:

— Ի՞,— ասում է Հրանտի քույրը և կոտրված ժպտում՝ թաքցնելով վիրավորանքը,— սա Մարոյիս հիշատակն է:

Մեռած քրո՛ջ...

Հրանտը լեզուն կծում է: Քույրը շատ էր սիրում հանպուշտուլին, Հրանտն էլ իհարկե և հաշվի առնելով քրոջ դգացմունքը: Շուրջում վիրավորել: Բայց ի՞նչ բան է իրի հետ կապել ամեն ինչ: Եվ ինչպե՞ս կպչուն բան է այդ իրը. ի՞նչ կպչուն է նաև իր քույրը: Կուտքի պես պաշտում է իր հորը, մորը, բարեկամներին, ծանոթներին — նրանց իրերը:

Եվ շնորհիվ քրոջ կպչուն բնավորության, այդ բոլոր իրերը մնացել, տեղ են բռնել: Շատերն արդեն տգեղ են, տխուր տեսք ունեն, տարտամություն են փչում մարդու հոգուն, ինչպես ահա այն տատական անճոռնի կամոդը:

Այդ իրերը՝ շնորհիվ Հրանտի քրոջ ծիսական կենցաղի՝ իրենց հատուկ տեղերն ունեն, ու երբ նրանք կսարքվեն, կզրվեն իրենց մշտական, անխախտ, օրինական տեղերը, որ նա մի անգամ օրինել, հաստատել է. այն ժամանակ նրանք կսկսեն մտիկ տալ իրենց համառ աչքերով, ինչպես որ տարիներ մտիկ են տվել Հրանտին՝ դնելով իրենց կնիքը նրա հոգու վրա: Կշարունակեն տիրել նրան, գամել նրան:

Եվ ի՞նչ... իրեր կան, որ Հրանտի քրոջ համար էլ ավելորդ, անպետք են: Վերջապես Հրանտը ինքն էլ ունի իր ավելորդ իրերը: Բայց նրանք մնացել են ու մնում են: Մուլություն, անփութություն:

— Ինչքա՛ն ավելորդ են դրանք, և ի՞նչպես փչացնում են սենյակի օդը,— խոսեց Հրանտը:

«Ինչպես և մեր հոգու սենյակներում ավելորդ իրերը մնում փչացնում են հոգին», — մտածեց Հրանտը և դառնորեն ժպտաց:

Չանձրույթ, սրտնեղություն եկավ վրան: Անցյալի փոշին, մանր, աննկատելի փոշին, ներկա շատ ավելորդ փոշիների հետ խառն, համր նստել է նրա վրա՝ ինչպես հայելու վրա, և երբ նա մատի ծայրը քսում է վրան՝ փոշին գծեր է քաշում, գրեր է գրում:

Սրտնեղած ման է գալիս Հրանտը և՛ տնտղում շորս կողմը:
Հանկարծ կանգ առավ:

Անկյունում դրած էր իր քահանա պապի գավազանը՝ պղնձի
գլխին առաքյալների քանդակով:

— Սա ինչո՞ւ ես պահել,— բարկացած խոսեց նա:

— Ի՞նչը:

— Գավազան է, ի՞նչ է: Ինչի՞ է պետք, որ պահել ես:

— Թող մնա՛, քեզ ի՞նչ, ինձ պետք է,— ասաց քույրը և մի
կողմ քաշեց գավազանը:

— Ո՛ր, դե՛սը տուր,— հարձակվեց Հրանտը և խլեց գավա-
զանը:

— Ի՞նչ պիտի անես,— հարցրեց քույրը վախեցած:

— Գե՛ն գցեմ:

— Վո՛ւյ, բոռանամ ես, պապիս հիշատակը...

— Անիծած մեջը սա՛ ի՞նչ է, պահել ես,— գոռաց Հրանտը և
գավազանը դնելով ծնկան վրա՝ կոտրեց, տարավ բակը նետեց:

— Ի՞նչ է անում. ի՞նչ է անում,— ճշաց քույրը և սարսափած
վազեց հետևից գնաց բակից բերեց կոտրած գավազանը:

— Վա՛խ, տեսա՛ր ինչ արավ, տեսա՛ր ինչ վայրենություն
արավ,— մղկտաց քույրը և սկսեց լաց լինել:

Հրանտն սկսեց արագ-արագ անցուդարձ անելով ծխել:

— Էդպես ես, միշտ կոպիտ, վայրենի, ի՞նչ էր ուզում քեզնից
գավազանը, վախսուն տարվա հիշատակը:

— Թքա՛ծ մեջը:

— Թուքը երեսի՛դ,— ճշաց քույրը զայրացած շեշտով:

— Վերջապես՝ ես չեմ կարող,— գոռաց Հրանտը,— ընկեր-
ներս որ տեսնեն՝ ի՞նչ կասեն. կհավատա՞ն, որ ե՛ս չեմ պահողը:

Այս խոսքերի հետ Հրանտը մոտեցավ մյուս պատուհանին,
ուր արկղներ էին դրած, և հանկարծ նրանց մեջ նկատեց մի նկար,
որ նրան ավելի զայրացրեց:

«Փառք Հայաստանի» նկարը, զարդարված հայ հին թագա-
վորների պատկերներով:

— Սա՛ ինչ բան է,— գոռաց Հրանտը և դուրս քաշելով նկա-
րը՝ թափով նետեց դեպի շեմքը:

— Գազա՞ն ես կտրել, ի՞նչ ես կատղել,— հարձակվելով
նկարների վրա՝ ճշաց քույրը:

— Գազա՞ն եմ՝ հեռացիր:

— Կհեռանամ:

— Բաժանվե՛նք:

— Բաժանվե՛նք, հիմիկվանից շուտը չկա՛, ո՞ւմ ես վախեց-
նում,— գոռաց քույրն ու վայր դրեց նկարը:

— Թո՛ւ, էսպես կյանքի մեջն էլ անիծած,— ասաց Հրանտն ու
զլխարկը խլելով դուրս թռավ:

«Թող կորչի՛ ուր ուզում է, կամ ե՛ս կհեռանամ»,— խոսեց
ինքն իրեն Հրանտն ու արագ գնաց փողոցով:

«Ի՞նչ քաղթե՞նիություն, վերջապես ի՞նչ դառան գլխիս այդ
նկարները»:

Հեռանալով մինչև փողոցի ծայրը, կանգ առավ: Նայեց տան
կողմը, որ տեսնի՛ արդյոք քույրը դուրս չի՞ գալիս:

Քույրը չէր երևում:

«Կոպիտ էր... բայց ի՞նչ անեմ»,— մտածեց Հրանտը:

Նայեց դարձյալ տանը, որ այժմ ավելի կծկված, փոքրացած
էր երևում, ծիծաղելի մի տուփ, որ ծփում է ահռելի օվկիանոսում.
որ այս աշխարհն է: Ահա այնտեղ, այդ փոքրիկ տուփի մեջ այն-
քան իրեր կային, իրենց պատմություններ և համառ «անխախտու-
թյամբ»:

— Ոչինչ, կհանգստանա,— մտածեց քրոջ մասին Հրանտը և
անցավ մյուս փողոցը:

«Բայց ինչպե՞ս անեմ ես էլ... ես էլ ի՛մ սկզբունքներն
ունեմ»,— շարունակեց նա:

Եվ միաժամանակ զգում էր, որ ինքն էլ իր հերթին տանը մի
«իր» ունի, որից չի բաժանվում, որի հետ դեռ երկար պիտի ապ-
րի նա, որքան էլ նա օտար է, նախապաշարված:

Իր հնապաշտ քույրը, որը սիրում է իրեն, խնամում և որը
մնացել է իրեն՝ «հնուց»:

— Այո, պինդ են կպչում իրերը,— մտածեց Հրանտը...

ԿՈՆՒՈՒԿՏՈՐ

Շողեկառքը կոկորդիլոսի պես ոտներն արագ ծուլ ու բաց անելով վազում, քաշ էր տալիս իր մարմինն ու պոչը: Վագոնների զղրզում էին և Շիրակի բամին փութացնում էր պատուհանների վարագույրները: Եվ դաշտերը հտ հոսելով՝ հեռվում սլոտլոտ զալով, լեռներն առաջ վազելով ստեղծել էին մի հսկայական պար, որի տակտով հեռագրասյուների ցուցամատերը մեկ մեկու հետևից խրվում էին վագոնների աչքը:

Այնպես ուրախ, գարնանային առավոտ էր, որ երգն աննկատելի զուրս էր թռնում մարդու բերանից:

Բայց վագոնների մեջ մի փոքր այգույս չէր: Գնացքը կենդանանից նոր էր հեռացել և այդ վիճակում Երևան մեկնող ուղևորները դեռ վիճում էին տեղերի գրավման համար: Մի լենինականցի կնիկ ահագին բողջան դրել նստարանի վրա՝ չէր ուզում տեղ զիջել նախկին ուղևորին, որ մի րուպեով գնացել էր բուֆետը, և ոչ էլ բացատրում էր, թե ի՞նչ իրավունքով էր պրավում ամբողջ նստարանը: Գլխացի նստարանին էլ մի գյուղացի մեկնվել քննել չէր ուզում ոտները քաշել տեղ տալու մի ուրիշ գյուղացու, որն իր տուպրակի ապրանքով բռնում էր նրա ոտներին:

Այս վեճը խլանում էր մյուս կուպեններում տիրող աղմուկից: Այնտեղ էլ ուրիշ մարդիկ էին վիճում տեղերի կամ այլ անհարմարությունների համար:

Վագոնը դեռ հանգիստ չէր:

Ներս մտավ վագոնի հաղթանդամ կոնդուկտորը՝ շեկ թուփունե թավ բեղերը շրթունքների վրա կախ:

— Ընկերներ, տոմսներ, բիլեթ... — ասաց նա փափուկ բարի տենորով:

Ուղևորները միահամուռ ոռնոցով ընկան նրա վրա:

— Սա՛ ինչ կարգ է, ինչո՞ւ են մեր տեղերը բռնում, տե՛ղ տվե՛ք... ինչո՞ւ չեք հոգում...

Կոնդուկտորը ձեռք հեղինակավոր ծանրությամբ բարձրաց-

րեց բուրդի բաց բերանների դեմ և շատ հանդիսավոր ընդհատեց.
— Հըլը յավա՛շ, կեցե՛ք, մե՛կ-մե՛կ, բան հասկանանք: Տեսնենք ինչ է էղե:

Լենինականցի կնկան.

— Քո՛ւրս, ի՞նչ գուգեմ, վե՛շներդ դիր վերի պուկեն, էստեղ պալակաթ չի էղնի:

Հետո գյուղացուն դառնալով.

— Ընկե՛ր ջան, օրը ճաշ էղավ. պոպիլա չէ օր ոտներդ էրկնցնես պուկի վրա. ե՛լ, ե՛լ, պասաճիրին տե՛ղ տու:

Գյուղացին կիսաքուն ճմլկոտաց.

— Օ՞օֆ, հե՛շ գիշերս չեմ քնե, բանե խապա՛ր եք:

Առաջ գնաց դեպի մյուս կուպենները, ուր աղմուկը սաստկանում էր:

— Հա՛, ի՞նչ է, ի՞նչ զալապալըդ է:

Մի գյուղացի կնիկ, չէր իմացվում ի՞նչքն էր առաջ տեղը բռնել, թե մյուսները եկել խցկվել էին այդ կուպեում, աղմկում էր: Տեղը նեղ էր, և ոչ ոք չէր ուզում անցնել մյուս կուպեն: Գոռոտում էին իրար վրա:

Կոնդուկտորն սկսեց կարգ հաստատել:

— Գնացե՛ք մեկել կուպեն, տեղ կա:

Չէին գնում:

— Դո՛ւ գնա, — դարձավ գյուղացի կնկան:

— Յաա՛, ընչի՞ ընձեն էտե գան՝ տե՛ղ գավթեն:

Սկսեցին ղուլուալ: Կոնդուկտորը սրտնեղեց.

— Լա՛վ, Լա՛վ, ջաղչի հեթիաթը մի՛ շինեք: Փոխեք տեղերդ:

Եվ գյուղացի կնկան, որ ամենից բարձր էր ճղավում.

— Տը սո՛ւս, Լա՛վ, էլ էրկան ալիույա պետք չէ:

Հետո ձանձրացավ.

— Դո՛ւք գիտեք. գուգեք գնացեք, գուգեք սխմվեք: Հըմը կոիվ մի՛ կնեք, կոիվ չի էղնի:

Վերջն էլ.

— Ատա՛ամ (մա՛րդ), հոգի հանեցիք: Գլոխս դինգ էղավ:

Ու հեռացավ իր կուպեն:

— Այ օղույներ, լեն աշխարքի մեջ ի՞նչ նեղ կապրիք:

Նստեց: Չնայած այդ վեճին՝ չէր կարողանում լավ նեղանալ.

անախոտժե:

— է՛,— մտածեց նա՝ դառնալով իր տրամադրութեանը և ախորժանքով մտիկ տալով թեյամանին, որի ետ շուրջ նոր էր վերցրել կայարանից: Գույնը տվել էր: Գոհածպիտ աչքերով շոյեց իր պղտոր բաժակը, թեյ ածեց ափսեն — ամեն գործողութիւն զատ-զատ ապրելով իբրև կյանքի մեծ քաղցրութիւն — հետո շաքարի պատիկ բեկորը կենսահատիկի պես նետելով բերանը՝ քեզերի փունջը թրջեց ափսեի թեյի մեջ և փոշտոցով ներս քաշեց անձկալի հեղուկը:

Անբացատրելի հոգեբանութիւն:

Ապա գրպանից հանեց պատկառելի ծալովի դանակը, բացեց, կոշտ ձեռք մեկնեց կարմիր բոբոնին ու դարձյալ զգալով ամեն գործողութիւն և դրանց մեջ մեծ քաղցրութիւն՝ սիրով մի ճեղ կտրեց բոբոնից և շոր եզրը թրջելով թեյի մեջ, տարով բերանը, կերավ թեյն էլ վրան խմեց ու հառաչեց.

— Օխա՛յ, բաղնիքմ արժե՛ր:

Թեյը վերջացրեց և ուզեց մի բոպե նստած մնալ, բայց նրան խթեց անհանգիստ մի բան՝ առողջութիւնը, որ ետում էր միջը, գինու պես և տրամադրութիւնը թրթռացնում:

Ու ինչպես ամեն առողջ մարդու, այնպես էլ նրա մեջ ամեն բան շնչին գործողութիւն, մի անցք, առարկա, թեթև շարժում՝ հաճույք էր ինքնին: Եվ նկատելի:

Արդեն սոսկ ապրե՛լը նրա համար ախորժանք էր: Արյունը առողջութեան հետ հոսեցնում էր նրա երակներում այդ զգացումը:

Գործերն էլ լավ էին երևի: Բայց ի՞նչ կարող էին լինել մի կոնզուկտորի գործերը... Թիֆլիսից՝ Ջուլֆա, Ջուլֆայից Թիֆլիս Բայց նրա մեջ այնքան անսպառ էր կյանքի ախորժակը, գործ անելու հաճույքը, որ վագոնին հսկելը, տոմսերին նայելը, կայարաններում իջնելը, վագոնում մոմեր վառելը, այս ամենի մեջ մեծ խորհուրդներ կային նրա համար:

Նա գյուղացի էր: Երբ աղքատ, հողագործի դառած՝ հողը վոնդեց նրան: Ընկավ երկաթուղին, և ահա քան տարի էր կոնզուկտորի պաշտոն կատարելով՝ սկսւց էր արհամարհել հողը, սիրել երկաթը: Նա իբր սերը տվեց երկաթուղային գործին՝ գնացքին, կայարաններին, դեպոյի բանվորներին, փառայողներին: Ու մինչ

պտուտմ: հողի վրա մեծնակ էր, գորկ, այստեղ երկաթի վրա ապահով էր՝ զգալով իրեն մի մեծ ընտանիքի անդամ, ամբողջ միութեան երկաթուղում և հետո, ինչպես լսում էր ժողովներում՝ գործարաններն ու ձեռնարկները, բոլորն իր ընտանիքին էր: Դա նրան ուժ էր ներշնչում: Դա իր տունն է, իր տնեցիք: Առաջվա մի հատիկ շուքի տեղ հիմա բանում է մի հսկայական գործիք՝ զնացքը, միշտ սարքին, կարգին, հարյուր հազարավոր ընկերների օգնութեամբ, որ այդ մեծ գործիքների վրա աշխատում են, պայքարում, իրար պահում, և ամենքն ապրում են:

Սովորաբար վագոնում նստում են մշտահոգ, տխուր, քիչներ կախ ուղևորներ, հաճախ նրանց մեջ նկատմաներ, որ ողջ ճամփին միայն մտածում են, թե ինչպես մի մեծ գումար շանթեն այսինչ ձեռնարկութիւնից կամ մի մաղձոտ ծառայող, անտարբեր տեսիլի, մի պեսիմիստ ինժեներ, թերևս հոգնած, ուղղակի կյանքից դժգոհ մարդիկ սրտնեղում են երկար ճամփից: Եվ բոլոր այդ մարդիկ ախորժակները կորցրած, ծխում են, ծխում, շտապելով տեղ հասնել, սարքել մի դժվարին կոմբինացիա ավելի շահելու համար, մի կերպ դուրս պրծնել անփույթ գործի, վնասարարութեան համար իրենց հետապնդող պատասխանատվութիւնից: Մինչ այդ մարդիկ, որոնք չեն ուրախանում, ձգտելով մի կերպ քշել կյանքի մնացորդ դեպի ոչնչութիւն ու ներվոս, մաղձոտ նայում են ժամացույցին և հորանջում: Կոնզուկտորը շփտե, թե ուր պարփակի իր քառասուն ուրլիանոց կյանքի ուրախութիւնը:

Գնացքը կանգնեց հետևյալ կայարանում, կոնզուկտորը շտապեց իջնել վագոնից: Կայարանը դուրս էր քաշում: Բայց վագոնի դռանը կանգնելու պարտականութիւնը մեխեց նրան տեղում: Նա ծպտաց՝ նայելով փնջացող մի շոգեմեքենայի կողմը: Այնտեղ մի շշակ էր գոռոռում: Նա քրտնամխել էր:

— Մեխակ,— ձայն տվեց նրան կոնզուկտորը ուրախ ձայնով: Մեքենավարի օգնականը վեր նայեց ու բարկացած շարտեց.

— Հը, ի՞նչ կա:

— Ի՞նչ ես կրակ կտրե, էտ ո՛ւր, իմանա՛րս:

— Թիֆլիս,— պատասխանեց Մեխակն այնքան ցած, որ չէր լսվում, բայց կոնզուկտորը հասկացավ:

— Գնա՛, գնա՛. Անրորը Սանահին քեզի կսպասե:

— Կայարանի հերթապահը, որ գնացքին հանդիպելիս հազիվ

կոճակները կոճկել և շտապ դուրս էր թռել՝ քնատ նայում էր գնացքին:

— Հը՞, Բարսեղ,— մոտեցավ նրան կոնդուկտորը,— ի՞նչ ես սմբե, դո՞ղ դուրս քցե, ա՛յ օղուլ:

Հերթապահը քնատ-քնատ նայեց նրան և հորանջեց:

Կոնդուկտորի հետևից մեկը կուպիտ բզեց:

— Դո՞ւ ինչ էիր առավոտ կանուխ ձենդ ցկե օրթըլադ:

Կոնդուկտորը արագ ետ նայեց:

Սլաքավարն էր:

— Գլուխդ թաղեմ, Մուգո՛ւլ, գլուխդ, գիշերս մրսե՛լ ես: Արի, արի, շայ՛մ խմցնեմ՝ ոսկոռներից բացվին:

— Զայր թարկ եմ էրե, արագ կիմեմ:

— Շատ լավ կենես: Տես, Սեթոյի օյինը շխաղաս:

— Ի՞նչ է էրե:

— Խմել քնեք էր, սեմաֆոռը վեր էր վարե՛ սաստավը դուրս եկավ:

— Չէ հա՛:

— Հըպը՛, Իրեն էլ դուրս էրին: Տնաբանդություն չէ՞. դուշ-մանը շի էնե:

Ու կոնդուկտորը ճմլկոտում է ուրախ.

— Օ՞ֆ. գիշերս հեշ շեմ քնե:— Այնպես է ասում այս խոսքերը. ինչպես մի ուրիշը կասեր. «գիշերս շատ լավ քնել եմ»:

Աչքերն ուռել՝ անքնությունից ջերմորեն պսպղում են, բայց դա կոնդուկտորի տարերքն է: Կոնդուկտորը չգիտե երբ է քնում, երբ վարթնում: Երկաթե առողջությունը, որ բերել է գյուղից՝ ոչ մի կերպ չի մաշվում:

Գնացքը նորից դուրս եկավ կայարանից և սկսեց կոկորդիլոսի պես սողալ դաշտի միջով:

Անիվները գնգում են վագոնի տակ, գնգում է ինչ-որ մի շղթա, արևը ջերմացնում է լեռնային օդի սառը հեղուկը՝ առողջության ըմպելիքը:

Կոնդուկտորը մի անգամ անցուղարձ արավ իր վագոնում, ստուգեց տոմսերը, խոսեց սրա-նրա հետ և դարձյալ գնաց իր նեղ կուպեն. որ նրա համար լայն էր, ինչպես աշխարհը:

Ու մինչ վագոնում քրթմնջում էին կյանքից տրտնջող ուղևորները՝ կոնդուկտորի կուպեից դուրս էր թռչում նրա առողջության անզուսպ պոռթկումը՝ ուրախ երգը:

ՆԱՐԳԻՉԸ

Նա ընտրվեց գյուղխորհրդի անդամ. գնաց մինչև խորհուրդների Համահայաստանյան համագումար:

Նա՛ նարգիզը:

Երեսունի մոտ մաշված մի կին էր նա՛ մտրակի ճկուն մարմընով, թախծային ժպտի ցուքերը խոշոր սև աչքերում:

Համագումարի նախօրյակին նա ճամփա ընկավ Երևան իրենց հարևան Սոսոյի սայլով, որ մի քանի գյուղացիների հետ գնում էր քաղաք:

Սոսոն հաստ շրթունքներով շվացրեց մի եղանակ, աչքերը ճամփին զցեց, հետո գլուխն օրորեց և ասաց ինքնիրեն.

— Կնանիք զոռում են, հա՛...

Նարգիզը բատրակի կին էր: Երբ նրան պատգամավոր էին ընտրում՝ ամուսինը ամոթխած ժպտով ետ նայեց իր ընկերներին.

— Այ տղա, ձե՛ռ քաշեք: Նարգիզն ի՞նչ կարա անի:

— Նարգիզը սարը շուռ կտա: էդ քու բանը շի,— ձայն տվին բատրակներն ու ծափահարեցին:

— Դուք եք իմանում,— ձեռը թափ տվեց ամուսինը,— խելքս չի կտրում...

— Ընկեր նարգի՛զ, ընկեր նարգի՛զ...

— Լա՛վ, լա՛վ, քվեարկում եմ: Ովքեր համաձայն են...

Բոլորի ձեռքերը քամու պես փչեցին դեպի վեր:

Ամուսինն էլ ձեռը բարձրացրեց:

Եվ ահա նարգիզը Երևանումն է: Տեղավորվել է նոր հյուրանոցում և դուրսը զբոսնում է:

Աբովյան փողոցով մարդկային բազմություն է հոսում: Փնջըվում են, քանդվում, խումբ-խումբ, մենակ, անցնում անտարբեր, անուշադիր, շատերը քթերը կախ:

Այդ բազմության մեջ աննկատ անցնում է նարգիզը ածուխի

ժողիտը աչքերի մեջ; արեոտ գեմքը շրջելով շենքից շենք: Մեկ-մեկ դիտում է խանութները, կրպակները, ցուցանակները, հանգնում է վիտրինների առջև: Ոչ ոք այնքան բան չի նկատում, որքան Նարգիզը: Ոչ ոք չգիտե ինչ մեծ հաճույք է այրվում նրա սրտի մեջ շենքի առարկաներն անգամ դիտելիս: Ո՛րքան վճիտ են այն նիկեի թեյամանները, սառցե ծաղիկների նման ապակեղենը, կտորեղենների գունագեղ ջրվեմները վիտրիններում՝ վերից վար: Բոլորը փայլուն, շքեղ, ժպտուն: Ո՛վ է ասում, թե դրանք հասարակ իրեր են: Դրանց բոլորի մեջ ժպիտ կա, կանչ՝ դեպի նոր կյանքը, դեպի ապագան:

Նարգիզն ապրում է, ապրում այդ բոլորը մեկ-մեկ, շոշափող զգացումով, Ֆիզիկական ախորժանքով: Եվ այնքան խորն է այդ զգացումը, այդ իրերի կենդանի տպավորությունը, որ նա խանդաղատվում է:

Ախր Նարգիզը նոր է կյանք դուրս եկել: Նա նոր է սովորել գրել-կարդալ և արագ մտավ կյանքի շրջապտույտը, և ահա ազահաճությամբ ծծում է կյանքի, իրերի հաճույքը:

Վերադարձավ հյուրանոց:

Շենքի կամարների ռեզոնանսը դիպավ նրա ականջին: Այդ ձայնի մեջ կա մի նորալեզու բառ, որ Նարգիզի հետ խոսում է նոր կենցաղի հրաշալիքներից: Վեր գնացող սանդուղքները տանում են ոչ թե մաքուր սենյակներ, այլ կավիճային կամարների մի ճերմակ աշխարհ: Այնտեղ վերևը պատգամավոր կանանց սենյակ էին հատկացրել: Նարգիզը օրվա ուրախություններով արբած ներս մտավ:

Նրա դիմացն ելավ հեռավոր գավառներից մեկի պատգամավորուհի Սավգյուլը, մի ճակատով, դալում կնիկ, գլուղխորհրդի նախագահ:

— Հը՛, ո՞ւր էիր, աղջի՛, ի՞նչ ես շատ թրև գալի:

— Կնկա էի ման գալի, որ մարդիս պսակեմ:

Քրդուհիները փոթկացին: Իսկ թրքուհիները թարգմանեց տալով նրա ասածը՝ կես լուրջ կես կատակ ասացին:

— Գտի, գտի, մի-մի հատ էլ մեզ համար:

Մրեկոյան բոլորը գնացին համագումար:

Մտնելով թատրոնի շենքից ներս՝ Նարգիզը գնաց շրջից ցուցահանգեքը, ուր դրած էր երկրի բոլոր արդյունաբերության ար-

գասիքը. կաշիներ՝ գույնզգույն, փայլուն. ծխախոտ, տեքստիլի նախշուն կտորեղենը, մարմար, սապոն, արթիկտուֆ, երկաթեղեն, բամբակ...

Ապա խոնված բազմության արանքով սահեց ներս: Պատգամավորները ծեփ էին տվել սրահը, որ գոռում էր նրանց մոլորոցից՝ Նարգիզը ներս մտավ ու նստեց:

Բեմը լցվեց: Համագումարը բացվեց ինտերնացիոնալի թշնադանով, որ արձակեց կարմիր բանակային օրկեստրը պատշգամքից: Հետո լավեց նորընտիր նախագահության անունները և մինչ Նարգիզը ուշքի կգար՝ ինչ-որ ծափերի մի մրրիկ թոցրեց նրան քեմ: Մափերի կարկուտի մեջ նստեց կարմիր սեղանի հետև և իր շուրջը տեսավ բանվոր-գյուղացի տղամարդիկ, թուրք ու եզդիկ կանայք:

Բեմը շառագունել էր արյունոտ արշալույսի պես. այնտեղ հրդեհվում էին դրոշները, վառ վարագույրներն ու սեղանը կարմիր ծածկոցով:

Պատշգամքից շուրջուցային շեփոռների պղնձափայլ կրակները, հետո սրահում էլեկտրական կարմիր լույսերի մեջ սլաժառ օրվա պես հոսեցին կինոյի լուսարձակները:

Ներս մտավ Անդրժողովխորհրդի նախագահը և սրահում պայթեց որոտալի ծափահարությունը: Բանակայինները շեփոթեցին ողջույնը, որ ծափերի մրրիկի մեջ ճայթում էին:

Տրա՛—տա՛, տրա՛—տա՛...

Տրա՛—տա՛, տրա՛—տա՛...

Ու բեմի, սրահի, դրոշների այս կարմիր բոցերի մեջ Անդրժողովխորհրդի նախագահը խոսում է համաշխարհային հրդեհի մասին:

Այս ամենը տեսնում, լսում է Նարգիզը և ժպտում ինչպես համեստ ծաղիկ, որ դուրս է եկել արևերես: Կարմիր թաշկինակը գլխին:

Գիտե՞՞մա, թե ինչ հրդեհի մեջ է այժմ...

Ժպտում է Նարգիզը, իսկ նրա շուրջը կարմիր վարագույրների հրդեհի մեջ դրոշների բոցերը ժպտում են մի ուրիշ դաժանատեսիլ ժպտով: Կայծակն է ցուլում նրանց մեջ, գալարվում մեծ փոթորիկը: Իր պայթեցում է ամբողջ աշխարհի գլխին:

ԽԱՎԱՐԻ ԱՆԳՈՒՆԵՐ

Մտայլ կամարները կախված են գմբեթաձև առաստաղից: Պծմբային մշուշը գալարվում է այդ գմբեթի տակ, և նրա դաժան որոգայթի ճեղքերից երևում են սրահի մուկ պատերը: Դժոխքի ձայներ են գալիս պատի մյուս կողմից: Այդ շենքի մյուս աշքն է, դեպի որը մի նեղ անցք է բացված, որը տանում է դեպի երկրի անդունդը: Չայները խուլ թնդում են, կերկերում և ահով հանգչում: Անկյունները կուլ են գնացել խավարի մեջ: Հատակին պղտոր ջրեր են պտտվում, որոնց երեսին պայթում են մահահոտ պղպրջակներ: Առաստաղի նեղ ծակերից, որ պղտոր աշքերի նման բացված են դեպի երկինք՝ հազիվ թափանցում է օրը, ու շգիտես ցերեկ է, թե գիշեր: Զգում ես, որ ընկել ես շարագուշակ մի ստորերկրյա աշխարհ, մի գուր որի խավարի մեջ ատամները կրճտում են ինչ-որ սարսափելի էակներ և ահա ուր որ է, կհարձակվեն վրադ ու քեզ կքաշեն սճիրներով խեղդված մի հոր...

Ո՞ւր չբացավ օրվա լույսը, որի մեջ ազատ լողում էր քո հոգին, ինչպիսիքս ընկար այդ գեհնեք, մահատարածամի անդունդը...

Շունչը կարկամում է, մտքերդ սառչում ու հեղձամահից սրտնեղած ուզում ես գոռալ և զարհուրած դուրս փախչել այդ գեհնական անդունդից:

Բայց ո՞ւր պիտի փախչես: Դու կաշկանդված ես: Դու պիտի անցնես այդ խավարակուռ աշխարհի բոլոր անդունդները, պիտի տեսնես մահվան յոթը գույն գոլորշիները, մարմինդ պետք է խաշվի երեք ջերմությամբ հալվածքների մեջ:

Բայց ահա մշուշը ճեղքվում է և դեպի քեզ է գալիս մի դաժանատեսիլ էակ: Նա մերկ է, միայն ղեղնավուն լաթ է ծածկում նրա առաջը: Նա ձեռին ունի մի դուլլ, որի մեջ դրած է մի կոպիտ ձեռնոց և մի այլ ղեղնավուն, մահագույն լաթ:

Դա Քարոնն է այս շենքի: Նա քեզ պիտի տանի դեպի ստոր-

երկրյա զարհուրելի ոլորանները և անցկացնի խավար աշխարհը: Բայց նախքան այդ՝ դու պետք է քավես քո անցյալը: Դու պետք է ընդունես յոթը գույն շոգիները և երեք ջերմության հեղուկը:

Քարոնը քեզ նշան է անում պառկելու քարե տախտին: Դու լռեցայն հպատակվում ես, ու ահա սկսվում է դժոխային ծեսը: Նա իր պողպատ ձեռնոցով շփում է քո մարմինը և ջարդում անգամները:

Դու դեռ չես մեռել: Ոչ թե միայն չես մեռել, այլ մինչև անգամ կենդանի ես, թերևս մի փոքր էլ թեթևացած: Դու ազատվել ես անցյալիդ բեռից: Այդ մարդը քեզ պարզապես լողացնում է, և դու ամենահասարակ մի շենքի մեջ ես՝ բաղնիքում:

Դու լողանում ես, աշխուժանում և ախորժանքով լցվում:

Բայց ի՞նչ մտայլ շենք է այդ հին բաղնիք ասածը: Վերևում ասածներս չեմ կարծում թե շատ բռնազբոսիկ լինեն: Մարդ մի տեսակ թուլանում, մոռացվում է բաղնիք մտնելիս: Նրան պաշարում է ինչ-որ մի միջնագար: Կարծես դարերը ետ են գնում և դու տեսնում ես տասներորդ դարը, կամ ավելի հին մի ժամանակաշրջան: Կարծես դուրսը վայրենի ցեղեր են ճակատամարտում իրար դեմ և ուր է ուր չէ, ներս պիտի խուժեն դարավոր մարտիկներ և նիզակներն ուղղեն մերկ կրծքիդ: Կարծես կիսամութ խցիկներում զարի սև անցքերն են ժամանակագրում տխրաշուք վանականներ: Եվ դաշտերից անցնում են դաժան ֆեոդալները՝ հետևից քարշ տալով գերի վարած ճորտերին: Իսկ հեռուն ձորերի վրա սողում է հրդեհված գյուղերի ծուխը:

Իսկ մանուկ ժամանակ ամեն բուպե կսպասելի, որ բաղնիքի խորքից, պատի մյուս մասից ահա ներս կնայի կապույտ դեր, կամ ջրերի միջից դուրս կգա փերին, քեզ կտանի կփաթաթի իր կրակե մազերի մեջ ու կընկղմի ջրերի անդունդի մեջ:

Այսպիսի մի բաղնիք իր խոնավ պատերի սևությամբ մոռացվում էր Երևանի Նալբանդյան փողոցում: Գնալով այնտեղ՝ մտածում էի իմ մանկական և տղայական օրերի բաղնիքների ու այլ մոռյալ շենքերի մասին: Իհարկե, անցել են այդ երևակայական աշխարհի սարսափները, բայց մի մոռյալ վիշտ կար այդ բաղնիքի մթության ու հնության մեջ:

Մի օր անցնում էի այդ բաղնիքի մոտով:

Ոչինչ էր մնացել նրա տեղը: Մաքրած էր ոչ միայն բաղնիքը, այլև շրջակա տները: Մի լայն հրապարակ էր բացված այդ հին շենքերի տեղը, սրտարաց, ազատ, արևային: Բաղնիքի տեղը ցածրիկ սեղաններ էին դրած, որի շուրջը բոլորվել էին հոկտեմբերիկների երամները և ճովողում էին արևի տակ: Փշում էր գարունը և իր շնչի հետ սփռում ծառերի ծաղիկները հոկտեմբերիկների զրուխն, նրանց սեղանների, պատկերների, խաղալիքների վրա:

Չէի կարող հավատալ, թե դա այն մոռյլ շենքի տեղն է: Ինչպե՞ս արևի շողքը կյանքը փոխում, զվարթացնում է՝ ամեն բան:

Որքան դաժան ու մոռյլ բան կար այսքան փոքրիկ մի տեղում:

Տպավորություն: Բայց տեսեք ի՞նչ բան էր այն: Ի՞նչպես էր վառում երևակայությունը, իրական մարմին տալիս սին պատկերացումին: Դրանք մոռյլ մտքեր էին, ուրվականներ, որոնք բոլորովին չկան իրականության մեջ: Եվ դարերի ընթացքում որքան այդպիսի պատկերների աշխարհը ծանր քարերի պես նստել էր մեր հոգու վրա, ճնշել, ստրկացրել հոգին:

Ո՛ւր է նա, ցնդել է անհետ, նա այժմ մի սին հիշողություն է արևի թրթռուն լույսի մեջ, մանուկների փարթամ փնջերի տակին:

ՍԱԲԵՑ

Ե՛վ ամբողջ հարցաքննության ժամանակ, և՛ կոլտնտեսության նախագահ Սեթոյի հարձակողական մեղադրականի ժամանակ, երբ սա ամեն հնար մտածում էր Սաբեթի ամուսնու գողության հանցանքը ծանր ներկայացնել, և վերջապես այն ժամանակ, երբ ՄՏ կայանի վարիչ Մարուքեն լրացուցիչ մեղադրականով ձայնակցում էր Սեթոյին՝ շրջգործկոմի նախագահ Հայկը նայում էր սենյակի մոռյլ անկյունում կիսամթան մեջ նստած Սաբեթին:

Սա գրկին մի ծծկեր երեխա ուներ, որը ազահ ու արագ ծծում էր նրա թուխ ստինքը: Իսկ կողքին նստացրել էր երկու սև գնդիկ տղաներին, որ ախորժակով կրծում էին գազարը և հանգիստ նայում Հայկին՝ միանգամայն անտարբեր՝ թե ինչ է կատարվում իրենց շուրջը:

Սաբեթը կոլտնտեսուհի էր և կոլտնտեսությունից դուրս էր արված, որովհետև նրա ամուսինը գողություն էր արել և այժմ բանտարկված էր:

Սաբեթը գանգատ էր տվել շրջգործկոմ, որ իրեն հեռացրել են: Խնդիրը պարզ էր:

Սեթոն ու Մարուքեն էին, որ կրկին ու կրկին լրացումներով նորանոր պատճառաբանություններով ծանրացնում էին գործը:

Հայկն սպասում էր Մարուքեի բացատրությունների վախճանին: Նա մի քիչ մտորուն տրամադրության մեջ էր: Այնպես որ՝ թեև նա երկար ու մտախոհ նայում էր Սաբեթին, նրա ծծկեր երեխային ու խոշորաշվի տղաներին, բայց նրա հայացքի մեջ ուրիշ մտքեր էին մշուշվում, որովհետև նա մեջ ընդ մեջ նայում էր պատուհանից դուրս: Մի բլուր, մի կորամեջ բլուր, հասարակ, ինչպես բազմաթիվ նման բլուրներ՝ գրավել էր նրա ուշադրությունը:

Դա էր հուզում նրան: Այո՛, հուզում: Դա այն բլուրն էր, որի վրա նրա զորամասը կռվի բռնվելով դաշնակցական խմբի հետ՝

Փախուստի մատնվեց մի բուք, ցուրտ և լարված գիշեր: Այս գյուղը իր մի բուռ խեղճ ու կրակ բնակիչներով կծկվել էր ձյան մեջ, տխուր, ամայի լճափին: Կոմունարները ձյան մեջ թաղվելով ու դուրս պրծնելով՝ այս բլուրի վրա հարձակվելով, հենց այստեղ վճռեցին կովի բախտը: Գյուղացիները դուրս եկան գետնափոր խրճիթներից, կարծես գետնի տակից, հանդիպեցին իրենց գյուղից փախստական դառած կոմունարների, գյուղը կյանք առավ, բոլորն հավաքվեցին հաղթական կոմունարների շուրջը:

Հայկի մտքերը թռան առաջ, Կոլեկտիվացման տարիները: Երբ ինքը նույնպիսի մի ձմռան օր մտնում էր այս գյուղը: Հենց այս շենքի դռանը նրա առջև դուրս եկան երեսները ծածկած կանայք և շթողին, որ նա մտնի շենքը, արգելելով որ խոսի: Նրանք «դեմ» էին կոլտնտեսության: Պարզ էր, կուլակներն էին լարել կանանց և առաջ գցել՝ նրանց հետևում պահելով տղամարդկանց: «Հաղթեք» էին կուլակները:

Իհարկե ժողովը կայացավ, և կոլտնտեսությունը հիմնվեց: Գյուղում կային կոմունիստներ, որոնք ղեկավարում էին կոլտնտեսության աշխատանքները: Այն ժամանակ կուլակները հարվածեցին ուրիշ կողմից: Սկսվեց անասունների կոտորածը: Գյուղը կոտորում էր իր տնտեսությունը, ինքն իրեն: Կույր սգիտությունը և աչքը բաց պրոպոկացիան համաճարակի պես հնձում էր գյուղում անասուններին:

Հայկը հիշում էր իր այցերը այս գյուղին: Ամեն անգամ մի բան խանգարում էր կոլտնտեսությանը:

Իժվար էր սկզբում: Գյուղացին դիմադրում էր, դիմադրում էր ինքն իրեն, իր մեջ զարթնած նոր ցանկություններին՝ լավ ապրելու...

Հիշում է Հայկը իր գրույցները գյուղացիների հետ, որոնք ճորտ էին Մելիք-Քարխուղարի ձեռին: Մելիք-Քարխուղարը, այդ ֆեոդալը, որն իր այգին տնկել էր մի թուրք այգեպանի ձեռքով և երբ այգին կանաչել, բարձրացել էր, սպանել էր տվել այգեպանին, որ սա ուրիշ տեղ այգապիսի այգի չզցի, այն ֆեոդալը, որ գյուղացիներին, իր ճորտերին միայն ծեծում էր, միայն կեղեքում, միայն սպանում:

— Ա՛յ տղա, — ասելիս էր լինում նրանց Հայկը. այս բոլորը չառնությունը հիշելով, — ա՛յ տղա, շատ էլ ճորտ են եղել, շատ էլ

հարուստները լավ են ապրել, բա հիմի դու չե՞ս ուզում յուզ ու մեղը ուտես, — ա՛յ սրիկա, բա դու մարդ չե՞ս:

— Ճիշտ ես ասում, ընկեր Հայկ, ճիշտ, ամա՛...

— Ի՞նչ ամա, — դաղվում էր Հայկը, — սրիկա՛, — ասում էր նա փաղաքշական տոնով, — բա դու չե՞ս ուզում տրակտոր, կոմբայն բանեցնես, լուսավոր տուն, տեղ, մաքուր շոր, թատրոն, կինո...

— Ի՛հ, ընկեր Հայկ, բան չունե՛ս: Մեր պապերը տեսե՛լ են, որ ես տեսնեմ:

Ապա Հայկը մտածեց, որ հիմա, այդ գյուղացիները դաշնամուր են պահանջում, Մոսկվայից մահճակալ են բերել տալիս, կոլտնտեսականն իր կնոջը փափուկ վագոնով Մոսկվա է տանում:

Սաբեթը այս գյուղից է: Նախկին ճորտուհի, հիմա ազատ կոլտնտեսուհի, որին ա՛հա դուրս են արել կոլտնտեսությունից:

— Հիմա դու ի՞նչ ես ասում, — դիմեց նրան Հայկը, — ա՛յ, ընկեր Մարուքեն ասում է, որ մարդդ յուրացրել է, կոլտնտեսության նախագահը հաստատ ասում է, հազար վկաներ կան...

Սաբեթը վեր կացավ, բարձրահասակ, վայրի, կոպիտ գեղեցկությամբ հպարտ նայեց իր շուրջը և արձանացավ:

— Ի՞նչ պիտի ասեմ, — խոսեց նա պղնձի ձայնով, — էստեղ ամենքդ էլ վկա եք, որ անարդար դատ եք կտրում...

— Սպասիր, սպասիր...

— Ի՞նչ պիտի սպասեմ: Բա էսպես դատաստան կլի՞:

— Սպասի՛, ասում եմ քեզ:

Ու Հայկը մատիտով տկտկացրեց սեղանին:

— Կարգով խոսենք, կարգով վերջացնենք:

— Ես էլ հենց կարգով եմ խոսում: Ինչի՞: Իմ դատը որ պաշտպանում եմ՝ էդ ինչի՞ համար կարգին չէ, բա սրանք որ (ցույց է տալիս Սեթոյին ու Մարուքեին) իմ տունը քանդում են՝ կարգի՞ն ա: Բա ես...

— Ընկերուհի, ընկերուհի... մի վրա տա, չեղավ, — ընդհատեց Հայկը և ասաց մեղմ հանդիմանությամբ, — ախր մի քիչ մտածի: Մենք էստեղ դատ ենք անում: Մարդդ բանտարկված է... Սրան ի՞նչ կասես:

Սեթոն մեջ ընկավ:

— Առաջ սրա մարդն ուզում էր ուրանա: Ասում էր. «բարդը

իմը չի, աներս ա բերել գրել իմ ասանքս: Հարցրի՛ ի՞նչքան ժամանակ, ասում է՝ մի ամիս:

Սաբեթը սփրթնեց:

— Սուտ ա, ո՞նց կբերեր մի ամիս բուրդը կզներ տանս:

— Ո՞նց թե սնց,— մեջ ընկավ Մարուբեն և նրան ձայնակցեց հաղթածնի վարիչը,— ինչի՞ չէր կարող:

— Բա ե՛ս որտեղ էի,— սաստեց Սաբեթը շանթահարող հայացքով:

— Դա փա՛ստ է,— ծիծաղեց Սեթոն:

— Սպասեցե՛ք, ընկերներ, մի ընդհատեք,— խիստ ձայնով սասց Հայկը և հետաքրքրված նայեց Սաբեթին,— թո՛ղ քաղաքացի Սաբեթն իր խոսքն ասի:

Սաբեթը, երեխան գրկին, գլուխը բարձր բռնած, հոնքերը հպարտ իրար բերելով հարցրեց Հայկին.

— Ի՞նչ եք ուզում ինձանից:

Հայկն ակամա պաշտպանողական դիրք բռնեց.

— Ի՞նչ ենք ուզում... Դու հասկանո՞ւմ ես, որ սա դատարան է: Քանի՞ անգամ պետք է կրկնեն, որ ամուսինդ յուրացում է կատարել: Բա էս փաստը քեզ համար նշանակություն չունի՞:

— Ծս ինչ անեմ, որ ունի: Իմ մարդը գողությունն ա արել՝ գրա պատասխանը ե՛ս պիտի տամ, յա իմ երեխե՞քը: Նա ո՞վ, ես ո՞վ:

— Բա մարդդ...

— Նա ի՞նչ իմ մարդն ա, որ գողությունն ա անում: Յրանց հերը գողությունն անի՝ սրա՞նց ինչ (ցույց է տալիս երեխաներին): Բա սրանք մեծանան կոլխոզ, բանակ չպիտի՞ մտնեն, երկիր չպիտի՞ պաշտպանեն: Բա սրանք մեծանան՝ ձեռքանից դատաստան կուզեն. ի՞նչ պատասխան պիտի տաք, որ էսպես կորցնում եք: Էդպես բան չկա, իմ դիմումը լավ քննեք, սրտով դատաստան կտրեք ու իմ սատխանովի անուն, իմ ճժեր գողի հետ մի խառնեք: Սա ո՞ր աշխարհն ա, է՛ն որ ապրում էինք... էն գնաց, էն չկա: Մարդս էլ կթողնեմ, հերս էլ, մերս էլ, կառնիմ իմ ճժեր կերթամ Հրեան, Մոսկով, դիմում կտամ: Ծս էս սե գեանի տակից եմ դուս եկել, սե աշխարհից, էս լավ իմացեք:

Սաբեթը նստեց ու ստիճքը պոկեց արգեն քնած երեխայի

կոշտ շրթունքներից: Երկու տղաները իրենց սեաշլորի խոշոր աչքերով հանգիստ նայեցին Հայկին:

Ապագա կարմիրբանակայինները...

Հայկը հուզված էր... ու երբ փորձեց խոսել՝ դարմացավ.— կոկորդը սեղմվում էր... Ավելի անտանելին այն էր, որ աչքերը լցվում էին: Ամաշեց ինքն իրենից: Հին զինվոր, գերմանական, տաճկական, քաղաքացիական կռիվների բոլոր ֆրոնտներից անցած կոմունիստը՝ հանկարծ...

— Ընկեր Սաբեթ... դու ոչ մի տեղ էլ չես գիմի... մենք Խորհրդային իշխանություն ենք... դու մեզ վրա էգպես մի՛ մտիկ տա... Քո մարդու հանցանքի համար քեզ չենք պատժի... Ծս կարծում եմ կոլտնտեսությունն նախագահը քեզ ե՛տ կընգունի: Գնա կոլտնտեսությունը և շարունակիր գործը...

Աւագատ շունչ քաշեց:

Մինչ սրանք խոսում էին՝ սենյակը լցվել էին կոլտնտեսականները, որոնք հետևում էին այս դատին: Հայկի վճռական խոսքը հանգիստեց բուն ծափահարությունների: Միծաղը հնչեց մտայն սենյակում:

Սաբեթը գլուխ տվեց և հպարտ գուրս եկավ երեխաներից մեկի ձեռից բռնած:

Ինչպե՞ս էր Սաբեթը մտել կոլտնտեսություն՝ Հայկը չգիտեր: Ռ՛րտեղից եկավ այդ կինը: Ո՛րտեղ էր գաղթին, սովի օրերին: Ռ՛վ էր վերջապես: Լեռնային շքավոր ու խավար գյուղի մեջ ո՞վ կնկատեր Սաբեթին: Այստեղ բոլոր կանայք ծածկված էին գնում հարեանների տուն:

— Այ տղա, սա էն գյուղը չէ՞, որ սովի ճանկերում գալարվում էր: Սրանք էն ճորտերը չե՞ն, որոնց շորացնում էր Մեխթ-Քարխուդարի մարակը: Այն ի՞նչ պատահեց, ե՛րբ անեց: Հրաշք է...

Նայեց Հայկը կրկին այն բլբլին և հիշեց բուք ու սառնամանիք պիշեղը կոմունարների հետ...

ԵՐԿՈՒ ԵՂԲԱՅՐ, ԵՐԿՈՒ ՔՈՒՅՐ

Դա իմպերիալիստական պատերազմի տարիներին էր...

Ինչպես փոքրիկ դիպքերը երբեմն կարողանում են հանկարծ... բայց թողնենք այս... ինչպես ասացի՝ շարադետ տարիներին էր այդ: Երեկոյան ուշ տանից դուրս եկա, ես՝ տասներկու տարեկան աշակերտ՝ Բաթումի ծովափը: Մովը հեռում էր ափին, քամի էր, ցուրտ: Զբոսնելը միտք չունեի: Որոշեցի մի փոքր էլ անցնել ծովափի փողոցով և վերադառնալ տուն: Իրսի ցրտին ու քամուն, երբ մուժն էլ վրա է հասնում՝ առանձնապես կարոտում ես տաք սենյակին, ամփոփ անկյունին: Առնել մի գիրք, նստել ուրախ ու հանգիստ մի անկյուն և կարդալ:

Հանկարծ ուշադրությունս զբաղեց մի տեսարան: Փողոցով անցնում էին երկու երեխա, մի տղա և մի աղջիկ: Ինքը և յոթը տարեկան կլինեին: Աղջիկը լաց էր լինում, իսկ տղան համոզում էր, հանգստացնում: Ես չէի հասկանում նրանց լեզուն: Հասկացա, որ հայեր էին և փախստականներ: Ես հետևեցի նրանց: Աղջիկը դողում էր և շարունակում լացը՝ կծելով ձեռքը, որ երևի շատ էր մըրսեցրել: Տղան, որ նույնպես դողում էր՝ կանգ էր առնում դռների առջև, և բռնելով աղջկա ձեռքը՝ քաշում էր ավելի հեռու: Ես հասկացա, թե բանն ինչումն էր: Աղջիկը չէր դիմանում ցրտին, տղան ուզում էր մի տեղ գտնել, տաքացնել նրան: Հասկացա և չգիտեմ ինչու չէի կարողանում հեռանալ, գնալ տուն: Ինձ պաշարեց այն միտքը, թե ի՞նչ պիտի անի տղան, ի՞նչպես պիտի փրկի աղջկան սառչելուց, երբ ինքն էլ նույն վիճակի մեջ էր: Մուժը վրա հասավ, անձրևն սկսեց ձաղկել մայթերն ու պատերը: Ես թրջվում էի Գնամ տո՛ւն... բայց մի բան բռնեց ինձ — ինչպե՞ս գնամ, երբ... Այս մտքերի մեջ էի, երբ աղջիկը բարձրաձայն սկսեց լաց լինել: Տղան կանգնեցրեց նրան մի ծառի տակ և նրա թևը ցնցելով սաս-

տեց, որ ձայնը կտրի: Հետո բարկացավ, գոռաց աղջկա վրա ու սկսեց ինքն էլ լաց լինել բարկությունից:

Ես մոտեցա և վրացերեն (ես վրացի եմ) հարցրի, ո՞վ եք, ի՞նչ բան ունեք այստեղ: Ով պետք է լինեին, հասկանալի էր... Ես տղային հասկացրի, որ չգոռա այդպես աղջկա վրա: Նա լուռ ու խեթ նայեց վրաս: Ես սկսեցի համոզել: Նա ոչինչ չէր հասկանում:

— Տուր սրան, կտանեմ մեր տուն, — ասացի տղային և բռնելով աղջկա ձեռքը քաշեցի մեր տան կողմը:

Տղան հասկացավ և ինքն էլ քաշեց աղջկան: Սա կամաց հեկեկալով եկավ: Հասանք մեր տուն: Տղան կանգ առավ: Ես աղջկան տարա ներս: Ինչո՞ւ այդպես արի, ի՞նչ էր իմ իսկական մտադրությունը՝ ես ինձ հաշիվ չէի տալիս: Ես միայն մի բան գիտեի, որ նրանցից հեռանալ չէի կարող, չէի կարող թողնել փողոցում: Ես աղջկան տարա ներս: Մտանք միջանցքը: Բայց ինչո՞ւ տղային էլ չտարա: Մի պահ ես չէի իմանում, թե ի՞նչ եմ անում: Աղջկան ներս տանեմ, թե ետ դառնամ տղային էլ կանչեմ ներս: Կարծում էի, թե տղային հետո կհամոզեմ ներս գալ: Ուստի և առաջին վայրկյանին հոգացի միայն աղջկա մասին: Օ՛, երբեք ձեռք կյանքում չանեք ճակատադրական սխալներ, սիրելի ընկերներ, շանեք, շատ թանկ կնոստի ձեզ վրա այդ... բայց դա հետո, հետո. ես աղջկա ձեռքից բռնած տարա մինչև հորս սենյակի դուռը, բաց արի և նրան տարա ներս: Նոր զգացի, որ ես մի քայլ եմ արել, որ դեռ պետք է հանդիպի մերոնց, մեր ընտանիքի դիմադրությունը: Նրանք կարող էին դուրս անել աղջկան իսկույն ևեթ: Երբ մտանք ներս, հայրս լրագիր էր կարդում և նրա ալեհեր գլուխը թաղված էր լրագրի էջի հետև: Նա ուշադրություն չդարձրեց ձեզ վրա: Բայց մեր լուռությունը և անշարժ վիճակը հանկարծ արթնացրեց հորս: Նա գլուխը դուրս բերեց լրագրի տակից, ակնոցները հանեց և նայեց ձեզ:

— Հա, ի՞նչ կա, ո՞վ է դա...

— Փողոցից եմ բերել, մրսում է...

Հայրս նայեց աղջկան և հոնքերը կիտեց:

— Փախստական է, պապա, հայ է, — ասացի ես, — մրսում է, տուն չունի:

Հայրս լուռ նայում էր աղջկան: Հետո մռայլ նայեց ինձ: Նայեց աչքերիս մեջ, այո՛, այո՛, ուղիղ աչքերիս մեջ: Առաջին անգամ

հայրս այդպես նայեց ինձ քննող, խորը, զարթնած մտքերով: Ի՞նչ պիտի ասի տեսնես:

— Ինչո՞ւ ես բերել դրան,— հարցրեց ուսուցչի ձայնով, որ դաս է հարցնում իր սիրած աշակերտին:

— Քույր արա սրան, պապա, մեղք է, թող սա լինի իմ քույրը, ես չեմ մնա այս տանը, եթե...

Հայրս նայեց ինձ, նայեց աղջկան և հանգիստ ձայնով ասաց.

— Լավ, թող մնա մեզ մոտ, դառնա քո քույրը:

Եվ վեր կացավ, մոտեցավ աղջկան, բռնեց ուսը, գգվանքով նայեց և ասաց.

— Սիրուն էլ աղջիկ է, խելոք աչքեր ունի, լավ աղջիկ կդառնա:

Օ, թանկագին, թանկագին պապա, ի՞նչ ուրախութուն տվիր ինձ: Այնպես հուզված էի, որ շնկատեցի մեր տանեցիներին, որ ներս էին եկել և դիտում էին տեսարանը: Իմ երկու եղբայրս և մի քույրս ավելի շուտ զվարճացան այս տեսարանով, քան զարմացան: Մայրս միայն կիսաձայն հարցրեց հորս.

— Կարո՞ղ ենք... ապրուստը դժվարանում է ու...

— Մամա, խնդրում եմ... ես չեմ ուտի, չեմ հագնի, միայն...

— Լավ, լավ, դու էլ հորդ կտորն ես: Թող մնա,— ծիծաղեց մայրս և աղջկան տարավ խոհանոց ու հորաքրոջս հետ հանեց նրա ցնցոտիները, ջուր դրին տաքացնելու և...

— Պա՛հ, տղան մնաց, տղան սպասում է,— հանկարծ կայծակի պես շողաց իմ մտքում և հիմա էլ եմ հիշում՝ հետք մի շար կասկած թե չլինի՞...

Վազեցի դուրս, որ կանչեմ նրան: Հասա փողոցը՝ նա շկար:

Չկար... արդո՞ք կամեցել էր աղջկանից սուգառվել և օրախացավ, որ մի կերպ տեղավորեց, թե՛ շատ սպասելուց հուսահատվեց, որ իրեն ներս կառնեն, թե՛ վիրավորվեց, վշտացավ... Չկար, ինչպես հեքիաթի մեջ: Բայց աղջկան փրկելու ուրախութունը տաք էր իմ տղայական սրտում, դեռ լավ չէի զգում, թե ի՞նչ խղճի խայթեր պիտի կրեի հետագայում իմ խոշոր սխալի համար: Ետ դարձա տուն՝ մի փոքր ուրախութունս մթազեղած և անհամբեր սպասում էի, որ աղջկան լողացնեն և բերեն ներս: Ծա էլ լաց չի լինի, նա կտաքանա, կկշտանա, նա հիմա պաշտպաններ ունի՞ հայրս, մայրս, ես, եղբայրներս, քույրերս:

Հորս սենյակում սպասում էինք նրան... Եվ ահա մայրս ձեռք բռնած ներս բերեց նրան՝ մաքուր, գեղեցիկ, բայց տխուր... Մենք շրջապատեցինք նրան, սկսեցինք խոսել, բայց նա լաց եղավ:

— Հանգիստ թողեք նրան այսօր,— ասաց մայրս, և դարձավ քրոջս,— տար սրան սեղանատուն, ուտեցրու և միայն դու ու Թամարան խոսեցեք հետը:

Այդպես էլ արին: Աղջկան տարան սեղանատուն, մենք մնացինք հորս սենյակում: Հայրս գլուխը ծանր օրորեց և շշնջաց. «Անիծվի՛ պատերազմը... տեսնես ի՞նչ տանից է, ո՞վ է... ինչպե՞ս է բնկել Բաթումի»...

Որոշվեց այսպես: Աղջիկը կդառնա մեր տան անդամ, հավասար անդամ, ինչպես բոլոր երեխաները: «Դա Սանգրոյի (իմ) բերածն է, նրա բարութունն է, թող այդպես էլ լինի՝ հավասար»,— ասաց հայրս ու խրատեց սիրելի աղջկան և խնամել:

Աղջիկը մնաց մեր տանը, սովորեց վրացերեն, ընտելացավ մեզ, բոլորս նրան սիրում էինք ավելի, քան իրարու: Գուրս եկավ, որ նրա անունը Մարո է, և այն տղան իր եղբայրն էր եղել: Մարոն մեծացավ, նրան տվինք դպրոց: Հայրս այնքան էր սիրում նրան, որ մինչև նա դպրոցից տուն չգար՝ սեղան չէր թույլ տա գցել: Մարոն լավ ձեռագործ գիտեր,— հիշում էր, թե ինչպես— գործում էր իր հայրենի տանը տեսած բաները: Մենք շուտով մոռացանք նրա ծագումը, նա դառավ մեր տան սիրելի և հարազատ անդամը:

Բայց մի գաղանի վիշտ նրան կրծում էր: Դա զգացվում էր Երբ հարցնում էինք՝ ասում էր չեմ տխրում: Բայց մենք գիտեինք և մինչև հիմա էլ գիտենք,— դա նրա եղբոր վիշտն է: Մենք սկսեցինք որոնել նրա եղբորը: Մի անգամ լսեցինք, որ Բաքվումն է: Գնացի Բաքու, ոչինչ դուրս չեկավ: Ցավն այն է, որ Մարոն միայն իր և իր եղբոր անունները գիտե, ազգանունն անհայտ է նրան...

— Տարօրինակ պատմություն է,— ասաց ինքն իրեն ժպտալով երիտասարդ ուղևորը նույնպես երիտասարդ պատմողին,— այսինքն ոչ թե պատմությունն է տարօրինակ, այլ...

— Իմ սենտիմենտալիզմը...

— Ինչպե՞ս ասեմ. շատ խորը հետք է թողել ձեր հոգում այդ պատմությունը:

Այո՛, այդ պատմութիւնը դառավ իմ կյանքի պատմութիւնը: Այդ տղայի ուրվականը միշտ իմ աչքի առջև է: Նա մնաց դռանը: Հետո ի՛նչ եղավ — հետաքրքրում է ինձ անշարժ: Մեռած է նա, ապրում է, արդյոք զո՛ւր եմ մտածում նրա մասին, կփրկեի նրան էլ, եթե ներս տպեի... Սա իմ հիվանդոտ միտքն է, որ հետապնդում է ինձ: Կոչեցեք ինձ սենտիմենտալ — ոչինչ:

Վազոնը սուրում էր, օրորում էր մտքերը երկու ուղևորների, որոնք ճամփա էին ընկել Քրիլիսիից դեպի Հայաստան և մտել լուռ ու վիթխարի ձորը:

— Այո՛, այդ պատմութիւնը դարձավ իմ կյանքի, մեր ընտանիքի կյանքի պատմութիւնը: Մի ծիծաղեք, Մարոն ոչ միայն դարձավ մեր ընտանիքի սիրելին, այլև հեղինակութիւնը մեր երեխաների, իմ: Մարոյին փրկելը ուրախութիւն բերեց մեզ: Ամենամեծ ուրախութիւնը՝ մարդկայնութիւնը: Մարոն դարձավ մեր ընտանիքի՛ կասեմ՛ խիղճը: Նա մաքրագործեց մեզ, Իհարկե այդտեղ կա և մեր տարօրինակ ընտանիքի հանգամանքը: Մեր ընտանիքի տրադիցիան... Հայրս հեղափոխական ուսուցիչ էր Գուրիայում, էնտուզիաստ էր, իսկ պապս մի ժողովրդասեր դատավոր էր: Երբ մեռավ, նրա վրա ողբալու եկավ իր խմբով սարերում ապաստանած ասպետ ավազակ Գորեշիան: Վտանգվելով, քաղաքում, օրը ցերեկով... Այսպիսի տեսարան...

Լեոնիձեն ծիծաղեց:

— Ես շատ եմ երազել ուրախացնել Մարոյին՝ գտնելով նրա եղբորը: Նա ինձ ոչինչ չի ասում, բայց ես զգում եմ, նա տանջվում է: Գիտեք, լինում են շատ խոր նատուրաներ, այնքան խորը, որ շեն կարողանում խոսել: Բայց խոստովանանք լինի՛ նրանից շատ ես եմ տանջվել: Խի՛ղճս: Որ այդ անապաստան տղային լքեցի դռանը, և նա գնաց երևի ինձնից վիրավոր: Ասում եմ, մարդ երբեմն կատարում է ճակատագրական սխալներ:

Գնացքը ծանր թափով բարձրանում էր ձորնիվեր:

Լեոնիձեն դուրս նայեց պատուհանից:

— Չեմ կարողանում պատկերացնել, համենայն դեպս, թե ինչ երկիր եմ գնում: Չնայեցի քարտեզին:

— Պատկերացրեք մի փոքրիկ ձկնիկ՝ աղշկա գլխով, — դա Հայաստանի քարտեզն է:

— Օհո՛, այդպես պատկերավո՛ր — ծիծաղեց Լեոնիձեն:

— Այդ աղշկա կրծքի մեջ էլ կապոյտ սիրտ՝ Սևանի լիճը:

— Հետո՛, հետո՛:

— Ականջին մի մեծ խոպոպ՝ Արագած լեռը: Եվ այլն...

— Դուք բանաստեղծ չե՛ք պատահաբար:

— Ո՛չ, — ժպտաց Վազգենը մեղմորեն, — ես քիմիկոս եմ:

Նրանք լռեցին մի պահ: Լեոնիձեն դուրս նայեց մութ պատուհանից: Խավարի միջից վերևից ներքև էին նայում ամենի քարափները՝ հոնքերը վրա տված: Խոսակիցը՝ Վազգենը պատմեց այդ ձորի և ընդհանրապես Հայաստանի մասին: Բայց հանկարծ մի տեղ ընդհատեց.

— Չեզ չի՛ ձանձրացնում այս խոսակցութիւնը:

— Ընդհակառակը: Ես այս բոլորը պիտի պատմեմ Մարոյին:

— Այսպես ուրեմն: Հայաստանը մեզ կյանք է տալիս սովետական իշխանութիւն շնորհիվ: Այլապես նա մահվան երկիր է: Մեր ժողովուրդը ո՛չ ազատվել է իրեն շնչողներից, ո՛չ էլ ոչնչացել: Տանջվել է և դիմացել: Եվ այդ դիմանալու մեջ կա մի գաղտնիք: Դա այդ ժողովրդի շինարարական հանճարն է: Այդ հանճարով նա դարեր կպած է եղել ի՛ր հողին, ի՛ր կառուցողական հուշարձաններին, ի՛ր գրքերին և երկիրը շենացնելու անզուսպ ծարավին: Նրան շատ են քանդել և հասցրել հուսահատութիւն դուրը, բայց նա պահել է վառ մի հույս, որ մի օր կազատվի, որ կգա շինարարութիւն դարը: Նա բնազդով գնացել է դեպի այնպիսի մի իրավակարգ, ուր աշխատանքը լինի երկրի ամենաբարձր օրենքը: Ո՞րքան հարմար են եղել նրա որոնումներն ու տենչերը մեր էպոխայում: Աշխատանքը մեր ժողովրդի դարավոր կիրքն է եղել:

Վազոն մտան մի խումբ երիտասարդ մասնագետներ: Միծաղով ու կատակներով նրանք տեղավորվեցին կուպեններում:

— Օհո՛, Վազգեն, — գոչեցին երիտասարդները խուժելով նրա կուպեն:

Վազգենը ծանոթացրեց նրանց Լեոնիձեի հետ: Շուտով սարքվեց նախաճաշի սեղան և երիտասարդները բոլորվեցին: Նրանք էլեկտրո-ինժեներներ էին, քիմիկոսներ, գյուղատնտեսներ: Գնում էին էքսկուրսիա՝ Երևան—Քանաքեռ—Սևան:

Լեոնիձեին դուր եկավ մի ծիծաղադեմ շարձճի երիտասարդ, որ շաբուճակ գնում էր նրան իր ածուխի աչքերով: Նրանք մտեր-

մացան շատ շուտ, և երիտասարդը հարցրեց Լեոնիձեին, թե ո՞ր է գնում:

Լեոնիձեին հայտնեց, որ գործով գնում է Երևան, իրենց հիմնարկի ներկայացուցչի մոտ:

— Գիտե՞ք ինչ, — ասաց Վազգենը, — եկեք մի լավ ծանոթացեք մեր ընկերների հետ: Սա նախ և առաջ: Հետո՝ պատմեցեք ձեր երկրից, մեր երկրից, ձեր պատմությունը, մեր պատմությունը, և կարգին, ինչպես պետք է գնանք Երևան: Սրանք բոլորը էքսկուրսիայով գնում են այնտեղ:

Եվ Վազգենը մեկ-մեկ ներկայացրեց.

— Ահա այս շարահանին՝ Սուրենը հիդրավիկ ինժեներ է: Սրան 15 թվին կազակները ուսու-տանկական ֆրոնտից բերել են՝ հանելով գետից, ուր սրան նետել էր նրա հոգնած փախստական մայրը: Ինչպես տեսնում եք՝ իմունիտետ ունի ջրից և հաղթում է ջրին: Սա Տիգրաթն է՝ նույնպես նախկին որբ: Սա եկել է եզան ժեշքին նստած. նրան հանել են Լենինականի երկրաշարժի ժամանակ մի տան փլվածքի տակից, դրա համար էլ գեոլոգիա է ուսումնասիրում: Մյուս ընկերները բոլորն էլ մասնակիցներ են գյուղատնտեսության զանազան ճյուղերում: Ահա սա էլ վիճակագիր է, ընկեր Լեոնիձե...

Եվ Վազգենը երիտասարդներին պատմեց Լեոնիձեի պատմությունը:

— Դատարկ բան է, — ասաց Սուրենը, — մենք կգտնենք ռեբանս:

— Անհույս բան, — ծիծաղեց Լեոնիձեին:

— Ի՞նչ է անուն ազգանունը, — ասաց Տիգրաթը:

— Ի՞նչ, ասում եք կրկին զբաղվե՞մ այդ հին ու տխուր պատմությամբ, — ասաց Լեոնիձեին, — Լեոն է անունը, բայց ազգանունը չգիտե անգամ նրա քույրը:

— Կգտնենք, — պնդեց Սուրենը: — Ես որբերի գործերին հմուտ եմ: Այո՛, այո՛, կգտնենք: Բայց մենք ձեզ «պատանդ» կպահանջեք Հայաստանում, բաց չենք թողնի, մինչև մեր «գերին» չտաք մեզ:

Ջրույցն աշխուժացավ: Իսկ Լեոնիձեին խորասուզվեց մտքերի մեջ: Նրան ժպտալ սկսեց այդ շարահանի միտքը: Հանկարծ... Ի՞նչ տարախ և հետաքրքիր սյուրպրիզ: Բայց մի՞ թե կրկին հեքիաթ, կրկին անակնկալ պատմություն:

Եվ Լեոնիձեի հետ պատահեց այն, ինչ պատահում է մարդկանց մեծամասնության հետ՝ չի հավատում, բայց երազում է: Նրան զվարճացնել սկսեց այդ երազը — տեսնել Լեոնին, հայտնել նրան, որ...

Լեոնիձեին տխուր ժպտաց.

— Ջուր հույսեր են, շատ ենք որոնել և հիմա հավատացած ենք, որ նա գոյություն չունի:

— Բայց ձեր «քույրը» դեռ հույս ունի՞:

— Ոչ, նա հույսը կորցրել է բոլորովին: Եվ հետո՝ շարժե նորոգել նրա վիշտը՝ կրկին որոնելով անհայտ կորածին:

Խոսակցությունները լռեցին: Ճիշտ էր ասում Լեոնիձեին:

Այդ լռության մեջ ևս ամեն մեկը դարձյալ երազում էր: Հանկարծ գտնվեք... Ի՞նչ ուրախություն կլինեք, թեկուզ և իրենց համար, որ չեն տեսել ո՛չ քոջը, ո՛չ եղբորը: Բայց Լեոնիձեի տխուր վճիռը, թե կորածը մեռած է՝ հանգրեց այդ հույսը:

Այդ մտքերով էլ հասան Երևան:

Վազգենն ու մյուս երիտասարդ մասնագետները խոստացան Լեոնիձեին այցելել: Լեոնիձեին հյուրանոցում սպասում էր իրենց հիմնարկի ներկայացուցչին, որը քաղաքում չէր: Նա համարյա պարապ էր:

Մի առավոտ, երբ նա նստած էր հյուրանոցի համարում և մի գիրք էր թերթում, հանկարծ դռան մոտ շտապ ոտնաձայներ լսեց.

— Սա՛նդրո, Սա՛նդրո, «նա» գտնված է...

Եվ Սանդրոյի ընկերները ներս թափվեցին նրա համարը:

— Ինչպե՞ս... — վեր թռավ Սանդրոն մեծ հուզմունքով:

Նրանց հետ եկած երիտասարդ ուսուցիչը պատմեց իր գիտեցած մի երիտասարդ ինժեների մասին, որն աշխատում է էլեկտրակայանի կառուցումներում:

Մի քանի րոպե անց ավտոն թռավ: Ամբողջ այդ վազքի ընթացքում Լեոնիձեին դառել էր լարված ներվերի մի կծիկ: Նրա աչքին պատկերացավ կրկին այն անձրևային օրը Բաթումում, այն թրջված խեղճ տղան, որ լացող քրոջ ձեռքից բռնած քայլում էր փողոցներում: Նա այնքան էր տենչում հիմա տեսնել կորած ազային, որ եթե հանկարծ սխալ դուրս գար այդ ամենը՝ նա երևի կհուսահատվեր ամեն բանից: Միաժամանակ էլ բուռն հետաքրքրությունը...

Ավտոն կանգ առաւ էլեկտրակայանի շինմասում: Լեոնիձեն հուզմունքի մեջ՝ շգիտեր կառուցումների՝ մեջ է, թե ինչ-որ մի հե-
ռավոր աշխարհում, աֆրիկյան անտառում, ուր որոնում է մի շատ
կարևոր մարդու:

Ախր, մի քանի րոպե հետո նա պիտի հանդիպեր այն էակին,
որ այնքան տանջել է թե՛ իր «քրոջը» և թե՛ իրեն:



— Ահա այնտեղ է, մենակ «նա».— երիտասարդները ներս
մտան էլեկտրակայանի շենքի տուրքինների բաժինը: Կիսամութի
մեջ տուրքինների կուռ խողովակներին կոացած դիտում էր մի սև,
նիհար երիտասարդ: Նա լուրջ էր և կարծես բարկացած: Փոշոտ ու
մրոտ զգեստներն ու ձեռները ցույց էին տալիս, որ նա անձամբ է
ստուգում մեքենաների մասերը: Նա սաստիկ խորասուզված էր իր
աշխատանքի մեջ:

— Ընկեր Լեոն, ձեզ են ուզում,— ասաց առաջնորդող բան-
վորը:

Երիտասարդը ծանր վեր նայեց և մարմնով դարձավ դեպի
եկվորները: Վազգենն առաջ եկավ:

— Ընկեր Լեոն, ծանոթացեք մեր հյուրի հետ — Վրաստանից:
Լեոնը թախծալի ժպիտով ցույց տվեց իր մրոտ ձեռները: Մա-
նոթացան, և Լեոնը շարունակեց նայել իր մեքենաներին:

— Ընկերը եկել է ծանոթանալու Հայաստանի շինարարության
հետ և...

Լեոնը բացատրում էր: Նա խոսում էր հանդարտ, պարզ և
համեստ, մաքուր ուսերենով: Որտե՞ղ էր սովորել: Սուրենն ուզում
էր մատնել «գաղտնիքը», բայց տղաները արգելեցին: Սանդրոն
դիտում էր Լեոնին և միաժամանակ լսում նրան:

— Վալը դեռ վիրբացիա է տալիս,— ասաց Լեոնը,— ուզողում
ենք: Պետք է մաթեմատիկ ճշտություն: Մոսկվայից կգա ընդունող
հանձնաժողովը և... մենք պիտի քննություն բռնենք նրա առջև:
Միժաղեց, նայեց Լեոնիձեին, որ խորհրդածելով նայում էր իրեն և
չէր կասկածում, որ պատրաստ էր հայտնելու մի այնպիսի գաղտ-
նիք...

Լեոնը տարվել էր իր նյութով (Լեոնիձեն արդեն նկատել էր,

որ իրեն շրջապատող երիտասարդները տարվում են առհասարակ)
և Լեոնիձեին գրավեց իր էտուզիազմով, մտքերով: Սա մի՞թե այն
խեղճ տղան է, որ... Լեոնիձեն վճռեց համբերել դեռ...

— Ո՛չ, մեր երկիրն այլևս այն խեղճ ու կրակ երկիրը չէ, որ-
տեղից փախչում էին բնիկները... — ասաց Լեոնը:— Նա անձա-
նաչելի է...

— Ինչպես դուք,— զուրս թռավ ակամա Վազգենի բերանից:

— Ինչպե՞ս,— շհասկացավ Լեոնը և ժպտաց:

Լեոնն իր մտքերի ջերմության մեջ էր դեռ...

Սուրիկն ու Վազգենն իրար նայեցին:

— Հայտնե՛նք...

— Ոչ, սպասիր,— փսփսաց Վազգենը:

Երիտասարդները որոշեցին վերադառնալ Բանավան ձորի
գլուխը: Լեոնը հայտնեց, որ իր հերթը վերջացավ, ինքն էլ է գալիս:

— Մենք ուզում ենք ձեզ մոտ հյուր լինել այսօր,— ասաց
Վազգենը:

Լեոնը մեղմ ժպտաց,— համեցեք, շատ ուրախ եմ:

Լեոնի սենյակը մի տախտակե համեստ խուց էր: Նստեցին:
Նվ լռեցին: Նայեցին իրար: Հետո՝ Վազգենը հարցրեց Լեոնին նրա
հին հայրենիքի մասին: Լեոնը պատմեց ինչքան որ հիշում էր:
Պատմեց Մարոյի մասին:

— Բայց մի՞թե նրան երբեք չորոնեցիք:

— Որոնեցի, բայց զուր անցան փորձերս: Նա կորած է,—
ասաց Լեոնը հանգիստ տխրությամբ,— տունը մոռացել էի...

Դարձյալ լռություն: Հետո հանկարծ Սուրենը:

— Ոչինչ, մի մտածեք, ընկեր Լեոն, մեր հյուրը ձեզ իր քրոջը
կուղարկի ձերի փոխարեն:

Լեոնը տխուր ժպտաց և նայեց Լեոնիձեին: Սա լուրջ ասաց.

— Այո, կուղարկեմ իմ քրոջը և նա ձեզ միանգամայն կհա-
տուցի կորածի փոխարեն:

— Մինչև անգամ հնին կմոռանաք,— ասաց քիմիկոսը:

Լեոնը կատակի մեջ ինչ-որ բան զգաց:

— Դուք լո՞ւրջ եք ասում... — նայեց Լեոնիձեն: Սա հուզված
լրջությամբ նայեց Լեոնին: Լեոնը գունատված վեր թռավ և մոտե-
ցավ Լեոնիձեին:

— Այո... նա հիմա իմ քույրն է,— ասաց Լեոնիձեն, վեր կացավ և բռնեց Լեոնի ձեռքը, որ սա մեկնել էր դեպի նա:

— Ուրեմն... ուրեմն դուք նա՞ եք, որ...

— Այո, այո, այո,— գուշեցին երիտասարդները աշխույժ և հուզված ու վեր կացան, շրջապատեցին երկու անծանոթ հարազատներին:

Լեոնն ու Լեոնիձեն համբուրվեցին... Նորից լուռություն, որի մեջ հատ-հատ լավեց Վազգենի խորը ձայնը:

— Այո... ուրեմն դուրս է գալիս երկու եղբայր, երկու բույր:

— Լինելով երեք հոգի,— վրա բերեց Սուրենը,— աշխարհը այդպիսի հանելուկներ էլ ունի...

Լեոնը շշմած էր, զարմացած, ուրախացած, բայց և չէր կարողանում տանել այդքան զգացումների բեռը: Նա հուզված նրստում էր, վեր կենում, անցուդարձում:

— Նա՞, Մարոն... Մարոն,— խոսում էր նա ինքն իրեն և նայում Լեոնիձեին հրազանքով ու երախտագիտությամբ:

Ընկերները լուռ նայում էին սրանց և իրենք էլ երազում:

— Է՛, ինչ կա,— վեր կացավ Սուրենը,— հեռագրենք Մարոյին թող գա:

— Այո՛, այո՛, թող գա,— պնդեցին երիտասարդները:

Լեոնիձեն ասաց.— ոչ, ալիլի լավ է գրեմ, համոզեմ, որ գա, եթե ոչ՝ հեռագրով...



«Սիրելի Մարո: Ես հրկար մնացի: Մնացի մի երկրում, որտեղից գարեր շարունակ փախել են բնիկները, փախել օտար բռնակալներից, սեփական կեղծիքներից, սովից, երկրաշարժից, կոտորածից, և որտեղ հիմա այլ ժողովրդի համար այնքան է ապահով հարուստ և ուրախ, որ գեռ ամեն կողմերից հավաքվում են աշխատավոր ներգաղթողներ... Դրանք ապրում են իրենց ավաններում՝ նոր Արարկիր, նոր Սեբաստիա, նոր Բուֆանիա և այլն: Ունեն ընդհանուր արհեստանոցներ, կիսագործարաններ, դպրոցներ, ամեն բան: Ավաններում լսվում է ֆրանսերեն, հունարեն, անգլերեն... Արքան շատ բան կա այս մի փոքրիկ խորհրդային օրկրում... Տեսնելով այս միայն՝ կարելի է գաղափար կազմել, թե

որքան մեծ բովանդակություն ունի Խորհրդային Միությունը՝ եթե նրա այս փոքրիկ մասը այսքան... բայց մի՞թե, սիրելի Մարո, չէիր ցանկանա ինքդ զալ Հայաստան և անձամբ տեսնել: Լուրջ առաջարկում եմ քեզ նինայի հետ իսկույն ճանապարհ ընկիր Երևան, ամսիս 20-ին, մենք մի ահագին խմբով ձեզ կդիմավորենք: Սպասում եմ, անպատճառ եկ: Ե՛կ և հետո... Ես քեզ մի բան կասեմ»:



Երբ Մարոն և Նինան վերցրին իրենց փոքրիկ պայուսակները, որ իչնեն վագոնից՝ Սանդրոն ու Լեոնը ներս ընկան, նրանց հետեվից Վազգենը, Սուրիկը, գեոլոգը և մյուսները: Սրանք եկել էին հանդիպման վայրկյանը դիտելու: Սանդրոն առաջ վազեց, բռնեց Մարոյի իրանից և ներկայացրեց Լեոնին: Մարոն ցնցվեց, ընկավ նրա ուսին և հեկեկաց: Ապա, երբ հուզմունքի առաջին պոռթկումը մարեց՝ Մարոն վեր նայեց Լեոնին, որ տեսնի նրան: Սա նա է, նա, այն խեղճ ու կրակ երեխան, որ մնաց դռների մոտ և անհետ կորավ...

Մի հինգ րոպեից հետո Նինան և Մարոն շրջապատված երիտասարդներով սլանում էին Երևանի փողոցներով դեպի հյուրանոց՝ Սանդրոյի համարը:



Երեկո էր: Սանդրոյի համարում ոչ ոք չկար, բացի Լեոնից ու Մարոյից: Նինան Սանդրոյի, Վազգենի և մյուսների հետ գնացել էր զրոսնելու:

Եղբայր ու քույր մնացել էին մենակ, դեմուդեմ: Կարծես նոր միայն պիտի տեսնվեին իրար հետ և իսկապես որ նոր պիտի խոսեին սրտանց, իմանային իրենց անցյալի այն մասը, որ մթությամբ էր պատած:

Նրանք խոսում էին և իրար դիտում: Այդ քույր ու եղբայրը նայում էին իրար և այն վայրկենին, երբ գգում էին հարազատ՝ հեռան էլ գգում էին ինչ-որ օտար մի բան, բայց հենց որ մտա-

ծում՝ էին այդ օտարութեան մասին՝ մի հարազատ բան կրկին շեր-
մացնում էր նրանց։

— Հետո՞, պատմիր ուրիշ էլ ինչ որ գիտես,— ասաց Լեոնը
մեղմով ծեծեց քրոջ ձեռքը։

— Շատ բան կա պատմելու,— պատասխանեց Մարոն,—
բայց ինչքան էլ որ պատմեմ, չեմ կարող վերջացնել։ Շատ բան
տեսա, շատ բան ապրեցի։ Միայն այդ բոլորի մեջ Սանդրոն ու իր
ընտանիքը ամենաքաղցրն են եղել իմ կյանքում։

Լեոնը հանկարծ վեր կացավ տեղից։

— Լսիր, Մարո, մի՞թե դու չես գա Երևան...

Նրանք վեր կացան երկուսով և սկսեցին անցուդարձել։

Մարոն շեշտ նայեց Լեոնի աչքերի մեջ, գրկեց Լեոնի մեջքը և
նրան առաջ տարավ անխոս. Լեոնն սպասեց, որ նա խոսի։ Բայց
Մարոն աչքերը հատակին հառած լսում էր։

— Հը, Մարո, եկ Երևան, միասին կապրենք, տեսնում ես ինչ
է դառել երկիրը։

— Տեսնում եմ, շատ ուրախ եմ։

— Չե՞ս գա...

— Ո՛չ... — ասաց Մարոն դեմ առնելով և գնաց ընկողմանեց
բազմոցում։ Նրանք լռեցին։ Լեոնը շարունակեց անցուդարձել։

— Լսիր, դու գուցե... սիրում ես Սանդրոյին և պետք է...

— Ո՛չ, ես սիրում եմ Սանդրոյին և չպետք է... Սանդրոն ունի
իր ապագա գույգը։ Ես Սանդրոյի քույրն եմ և նա իմ եղբայրն է։
Ասաց Մարոն և հանկարծ գրկելով Լեոնին համբուրեց նրան։
Լեոնը հասկացավ։

— Ճշմարիտ է, Մարո։ Շատ ճշմարիտ է։

Հետո, երբ բավական լռել էին՝ Լեոնն սկսեց՝ կարծես ինքն
իրան.

— Ի՛նչ անակնկալներ ունի կյանքը, ո՛րքան անսպասելի,
երբեմն էլ ողբերգական, տարօրինակ, անհարիր, երջանիկ, ան-
սահման սիրով լի — ո՛րտեղից որտեղ...

— Գիտե՞ս ինչ,— ասաց Մարոն,— ինձ թվում է, թե ես
զարթնել եմ մի շատ ծանր, մեռցնող քնից, և այդ քունը մարդու
նախամարդկային վայրենի բնազդներն են, որով դեռ շարժվում է
մարդկության մի մասը։ Դա մարդկային խտրությունն է մարդու
վերաբերմամբ։ Դասակարգերը խորթ են իրար — գա հասկանալի

է և պետք է։ Բայց միևնույն դատարարի մարդը ուրիշ մարդուց
խորթանա... Դու անշուշտ հասկանում ես, թե ինչ եմ ասում։

Ընձը վրա բերեց։

— Իհարկե, Մարո, իհարկե։ Մենք զո՛հ դարձանք այդ ազ-
գայնական ատելությանը։ Իսկական սովետական մարդը հեռու է
այդ ատելությունից, անգամ հասարակ խորթությունից։

Մարոն սկսեց պատմել Սանդրոյենց ընտանիքի մասին։ Դա
բացառիկ, հրաշալի ընտանիք է։ Դա մի գոհար է մարդասիրու-
թյան և ազնվության։ Դա այնպիսի մի ընտանիք է, ուր ամեն
մարդ իրեն կզգա հարազատ միջավայրում։

— Ափսոս, որ դու կորար։

— Այո, ես կորա, լավ կորա, մինչև՝ որ գտնվեցի մեր եր-
կրում։

— Դե հիմա պատմիր, Լեոն։

Լեոնը պատմեց։

Դուրս է գալիս, որ Լեոնը այն ընկալի, երբ բաժանվել էր Մա-
րոյից՝ մի բան էր միայն մտածել։ Այն է՝ աշատվել քրոջից։

— Այո, Մարո ջան, ես այնպես էի հուսահատվել, այնքան էր
վախենում, որ դու կմեռնես իմ աչքի առաջ, որ... միայն ուրախ
էի, որ քեզ տանեն մի տեղ, ինձանից հեռու։ Մի խոսքով ես մտա-
ծում էի միայն, որ դու ազատվես։ Եթե ես գայի քեզ հետ՝ կծան-
րացնեի երկուսիս վիճակը։

Մարոն գլուխը դրեց եղբոր ուսին, և արցունքները հոսեցին
նրա թախծոտ աչքերից։

— Իսկ մենք մտածում էինք, որ դու վիրավորվեցիր շատ
սպասելով և հեռացար վշտացած։ Բայց չես պատմում, թե հետո
ուր հեռացար, ինչպե՞ս ազատվեցիր սովից, նեղություններից։

Լեոնը պատմեց, որ ինքը այնուհետև բաժանվելով դնաց ըն-
կավ տների բակերը, սրճարանների, ճաշարանների դռները, սկսեց
կես մուրաբայի կես աշխատելով ապրել։ Նա եղել էր Թիֆլիսում,
Քաբվում, Հյուսիսային Կովկասում։

— Հետո եկա քեզ որոնելու։ Բայց ընկա որբանոց, ինձ բերին
Հայաստան և բախտը ժպտաց։ Այստեղ ինձ ապաստանեցին,
դպրոց սովորեցի, համալսարան և ահա տեսնում ես, ես այժմ...

— Տեսնում եմ, տեսնում եմ,— ուրախ բացականչեց Մարոն
և ծեծեց Լեոնի ձեռնեքը։

— Մենք այսպես կանենք, — ասաց Մարոն մի փոքր մտածելուց հետո: — Դու կգաս Բաթումի, մեզ մոտ, կտեսնես մերոնց, նրանք էլ քեզ կտեսնեն: Իսկ մյուս ամառ մենք կգանք, երկար կմնանք քեզ մոտ:

— Շատ լավ, շատ լավ, — հանգստացավ Լեոնը, — ապրիր այնտեղ, ուր ցանկանում ես, միայն երջանիկ եղիր:

Մարոն շեշտ նայեց եղբոր աչքերին և զննել սկսեց նրա հոգեկան ապրումն այդ րոպեին: Նա զգում էր, որ Լեոնը սիրում է իրեն և որ նա հեռու լինելով իրենից՝ չի սառել, չի մոռացել իրեն: Բայց Մարոն վեր կացավ և գնաց դեպի պատուհանը: Ապա հենվելով պատուհանի գոգին դարձավ դեպի Լեոնը:

— Գիտե՞ս ինչ, Լեոն: Ծն քեզ շատ լավ եմ հասկանում: Դու շես կամենում ինձ ստիպել, որ գամ քեզ մոտ: Բայց դու կկամենայիր, որ ինքս իմ կամքով գայի: Բայց և այն մտածիր, Լեոն, որ Սանդրոյնց ընտանիքը կապված է ինձ հետ, որ վերջապես ես շեմ կարող որևէ կերպ վերավորել մայրիկին: Նա ինձ խնամել է իր հարազատ զավակներից ավելի: Ծն պարտավոր եմ նրա տանը լինել, նրա ծերություն օրերում:

— Հասկանում եմ, հասկանում, Մարո, — աշխույժ ու ջերմ բացականչեց Լեոնը, — մենք զուր ենք երկարացնում: Մարդկայինը ուժեղ է, և այնքան ուժեղ, որ նրա առջև ոչինչ են դառնում հարազատի անցավոր զգացումները:

Ներս մտան Սանդրոն և Նինան: Նրանք հոգեկ էին գրոսանքից, բայց գոհ էին և ուրախ:



Երեկոն մարում էր Աբարառայան դաշտում, Երեանի վրա իջնում էր խաղաղ գիշերը: Քանաքեռի խճուղով բարձրահում էին Սանդրոն ու Մարոն — մյուս բույրն ու եղբայրը, որ խորթ էին եղել, իսկ հիմա հարազատ էին:

Սանդրոն ուզում էր Մարոյին հարցնել մի բան, բայց ուշացնում էր: Ներքևում ծփում էին հազարավոր լույսերը՝ սովետական կյանքի լույսերը: Մայրաքաղաքը թրթում էր երիտասարդ ու զեղեցիկ կնոջ նման, իր ժպտուն զարդարանքների մեջ: Այդ լույսերը

երբեմն խմբված, երբեմն նոսր, երբեմն էլ այնպես էին հեռանում, մի կամ զույգ գծերով, որ կարծես աներևույթ մի ձեռք կրակե թելեր էր քաշում դաշտի միջով:

— Գեղեցիկ է, — ասաց Սանդրոն:

— Գեղեցիկ է, — պատասխանեց Մարոն խորասուզված իր մտքերի մեջ:

Սանդրոն անցավ բուն նյութին:

— Մարո, դու պիտի մնաս եղբորդ մոտ:

— Ո՞ր եղբորս, — հնչեց մեղմաձայն կատակը Մարոյի ձայնի մեջ:

Սանդրոն աշխուժացավ:

— Հարազատ եղբորդ:

— Իմ եղբայրներս հարազատ են, — կրկին կատակեց Մարոն:

Սանդրոն կարծես հանգստացավ:

Բայց էլի սպասում էր ավելի որոշ պատասխանի:

— Սանդրո, — խոսեց մի փոքր հետո Մարոն լրջությամբ և զհռահան ձայնով, — դու ավելի լավ գիտես, թե ինչ եմ զգում ես և կամ ինչ կանեմ ես: Ի՞նչ բացատրեմ քեզ, մի՞թե հասկանալի չէ, որ կան բաներ...

— Այո, կան բաներ, — ընդհատեց Սանդրոն, — որ ես, դու, Լեոնը, Նինան, Վազգենը և ամենքս նոր ենք զգում, նոր ենք հասկանում: Դա եղբայրական զգացումն է, որ տաժում է ազնիվ մարդը մարդուն, որը վեր է ընտանիքից, ցեղից, երկրից, լեզվից, գույնից: Դա ես հիմա եմ հասկանում այնքան պարզ, որ...

— Այո՛, այո՛, այնքան պարզ որ, — վրա բերեց Մարոն, — ես վերագառնում եմ մայրիկի մոտ:

— Իսկ Լեո՞նը...

— Լեոնը կգա մեզ մոտ, մենք Լեոնի մոտ:

Մարոն փաթաթվեց Սանդրոյին և համբուրեց նրան:

Սանդրոն հանգստացավ: Միաժամանակ զարմացավ, թե որքան ուժեղ էր եղել իր մեջ սերը դեպի Մարոն:

— Հազար նախապաշարումներ փշրվեցին այտուեղ, Մարո, — ասաց Սանդրոն:

... — Նախապաշարումներ, որով չիքն են՝ շատ մարդիկ, թե՛ այնտեղ մեզ մոտ և թե՛ այնտեղ, անշուշտ:

Նրանք լռեցին: Համաձայն էին և ուրախ:
Իսկ ներքևում երիտասարդ քաղաքը ծաղկում էր լույսերի
մեջ:



Երկու ավտո թռչող կոկորդիլոսների պես սուրում էին դեպի
Սևան, դեպի լեռները: Հետևում Արարատյան դաշտն էր, ձախում՝
Հանգվի անդունդները, որոնք նույնպես սողում էին դեպի լիճը:
Հյուրերը վերադառնում էին տուն: Հրաժեշտը՝ Սևանի կղզում:
Ահա մի բլուր ևս ու մոնումենտալ: զրամատիկ բացվեց Սևանի
հայելին, լույսերի անդունդը: Երկնակապույտ էր նա դույնով և
հստակ ջրով: Ափերի լեռները կորչում էին երկնքի և լճի կապույ-
տի մեջ: Նստեցին նորաձև բարկասը և մտան կղզին: Հինավուրց
վանքերը քնել էին իրենց պատմության մեջ: Կղզին՝ վանականնե-
րի լռակյաց աքսորավայրը, ղնգում էր իր՝ սանատորիայի հան-
գրատացողների ու տուրիստների երգերով, կանչերով: Բարձրացան
բլուրը, նստեցին ժայռի ափին, ջրերի վրա...



Ուրախ հյուրասեղանը, սուփրան փռած ծաղիկների վրա, ծաղ-
կել էր նրա շուրջը բոլորված երիտասարդներով: Հայաստանի ոսկե
գինին, Սևանի երկնակապույտը, լեռնային թևթև օդը և հրաժեշտի
թախծալի թրթիռը խոսեցնում էին, երգել տալիս սեղանակիցներին:

Սանդրոն և Մարոն, ինչպես Նինան և Լևոնը տարբեր ու խոր
հուզումների մեջ էին, Լևոնը մնում էր իր նոր հայրենիքում, Մա-
րոն վերադառնում էր իր նոր հայրենիքը, Սանդրոն թողնում էր
նոր եղբորը, Նինան սիրել սկսեց իր նոր եղբորը...

Վեր կացավ Լևոնը:

— Սիրելի Մարո, սիրելի քույրս, մենք կորցրինք մեր հին
հայրենիքը, գտանք նոր հայրենիքներ: Գնում եք դուք եղբայրա-
կան Վրաստան, բայց մենք չենք բաժանվում ո՛չ քեզնից, ո՛չ Սան-
դրույից, ո՛չ Նինայից, ինչպես և մենք բաժան չենք ամբողջ Միու-
թյան ժողովուրդներից: Հայրենիք: մեր մեջն է, Միության ժողո-
վուրդների մեջ: Սիրենք մեր մեծ հայրենիքը՝ Միությունը, սիրենք

մեր փոքր հայրենիքները՝ Հայաստանը, Վրաստանը, սիրենք մեր
աշխատանքի և ստեղծագործության վայրերը՝ մեր հայրենիքը:
Ամենքի հայրենիքը՝ ամենքիս հայրենիքն է: Գնաք բարով, սի-
րելիք:



Մի տասնհինգ րոպե անց՝ ավտոն դողաց, ցնցվեց և թռավ:
Երկու քույր, երկու եղբայր բաժանվեցին՝ շուրթերի վրա պահած
չբրձ համբույրների քաղցրության զգացումը:

ՆՈՐ ՊՈՆԵՄ

Նրան՝ Հայրոյին, միշտ կարելի էր տեսնել դիսպուտներին: Ավելի շատ գրական դիսպուտներին: Անխուսափելի հշուր էր նա, և ամենքի աչքին սովորական մի կերպարանք: Եվ իր տեղն էլ ուներ դիսպուտների սրահում — ամենավերջինը: Կնստեր, մեջքը ուղիղ պատին կպցրած և անշարժ կնայելով դեպի ամբիոնը: Կղիտեր խանդավառված: Նրա երկարավուն, արծվաքիթ և բերանաբաց դեմքին մի մշտական ժպիտ կար: Զարմանալի ժպիտ ահա հենց նոր բացվող մի ինչ-որ շատ հետաքրքրական տեսարանի առջև:

Համբերությամբ, ներողամիտ հետևում էր բոլոր գրողների կրթոտ բանավեճերին: Հարգում ու կարեկցում էր ամենաթույլ գրողին անգամ:

Նա գրախանութների մշտական հաճախորդն էր, նրան կարելի էր տեսնել ընթերցարաններում, գրադարանապետների կարիքներում, վերջին, դեռ նոր լույս տեսած գիրքը ձեռքին:

Ամենատեղյակ ընթերցողն էր: Զանազիր պրպտում, ուսումնասիրում էր ամենահամեստ մի բանաստեղծի գործերը, կարգում խորասույզ, հարգանքով:

Շատերին այնքան էր պատահել ամեն տեղ, որ ծանոթ էր կարծվում: Բարևում էր բոլորին, բարևն առնում էին բնական ձեռքով: Միայն երբեմն մեկն ու մեկը մի փոքր հետաքրքրված՝ հարց էր տալիս:

— Ո՞վ է սա...

Այս հարցը մնում էր համարյա անպատասխան, որովհետև ոչ ոք նեղութուն չէր կրում իմանալու Հայրոյի իսկական գրադարմունքը: Այնքան ամեն տեղ տանու մաքուր պես աչքի առաջ էր լինում միշտ, որ մի տեսակ հատուկ տեղ էր գրավում գրողների շրջանում: Այսինքն՝ որ նա էլ «հենց այնպես մի երիտասարդ է»:

որի գեղն այդ է. ներկա չինել դիսպուտներին: Նրա զբաղմունքի մասին այդպես էլ չհարցրին:

Թվում էր, թե նա շունենալով ստեղծագործող գրողի սեփական բախտը՝ ապրում էր ուրիշների բախտով:

— Հասարակութունը եկել է, սկսենք, — կատակում էին գրողները նայելով դահլիճը և տեսնելով միայն Հայրոյին, որ ամենից առաջ եկած էր լինում և նստած իր տեղը՝ հետին շարքերում:

— Ոչ մի ընթերցող էլ որ շունենանք՝ Հայրոն բավական է, — ասում էին նրանք, միաժամանակ մի ինչ-որ ներքին համակրանք զգալով դեպի այդ շերմեռանդ ընթերցողը:

Հայրոյի դպրոցական ընկերները նկատելով նրա սերը դեպի գրական երեկոները՝ մեկ-մեկ իրենք էլ գալիս հետևում էին: Բայց երբեմն էլ քաշ էին տալիս Հայրոյին.

— Գնանք կինո, հերիք է ինչ լսեցինք:

Հայրոն մերժում էր, դուք գնացեք:

— Է՛, ի՛նչ է, բանաստեղծ ես գտնալու, գնա՛նք:

Հայրոն ծանր քարի պես մնում էր տեղում:

Մի օր էլ գրողներից մեկը Հայրոյին ասաց.

— Ծիծե՜ ձեզ շափ ես էլ մասնակցեի այս գրական երեկոներին՝ ես էլ գրող կդառնայի:

— Քպա գրող չեք, ի՛նչ եք, — վերադարձրեց կատակը Հայրոն:

— Չեզ պես գրական հասարակութուն: — Հետո լրջությամբ ու մեղմ թախիծով ավելացրեց. — դժվար է գրելը:

Հայրոն գնաց տուն և երկար մտածեց այս խոսքի վրա: Երկար ժամանակ նստած իր գրասեղանի առաջ խորասուզվել էր ինչ-որ մտքի մեջ և խորամանկ ժպտում էր:

— Չէ, դուր է այդպես ասում, — վճռեց Հայրոն և թափ տվեց այդ մտքերը՝ պետք է գրել:

Վեր թռավ, ձեռքերը տրորեց, անցուզարձ արավ սենյակում, հետո մոտեցավ սեղանին և զգրոցից հանեց մի հաստ տետրակ: Կարդաց մի քանի էջ և գրիչը վերցրեց:

Մի օր էլ, երբ թերթի խմբագիրը ներվային ձայնով հեռախոսում էր սպարանի աշխատողի հետ, որը հինգերորդ անգամը աշխատել էր կլիշեները՝ Հայրոն դուռը կամացուկ բացեց և թիթը

ներս տարավ սենյակ: Խմբագիրը, որ սովոր էր դռների այդ հավիտենական բացուխուփին՝ անգամ վեր շնայեց:

Այն ժամանակ Հայրոն կիսովին ներս մտավ:

— Կարելի՞ է,— հարցրեց:

Խմբագիրը վեր նայեց հոգնած ու մշուշային հայացքով.

— Հա, ի՞նչ կա...

Խմբագիրը նայեց Հայրոյի ձեռներին, և մի տետրակ տեսավ: Հայրոն հանցավոր ժպտով նրա առջևը դրեց տետրակը: Նրա մշտական հիացողի աչքերում ինչ-որ մի երկյուղ կար և հույս միաժամանակ:

Բայց...

— Ահա սա է... ես ունեմ և ուրիշները:

— Սա՞ ինչ բան է,— հարցրեց խմբագիրը, որ լավ գիտեր թե ինչ է:

— Սա... նախկին գրածներս չէ, իհարկե... այն առանձին կերբեմ... դեռ մշակում եմ: Սա վերջին երկու տարվանն է, որ...

Խմբագիրը նայեց տետրակին, հետո Հայրոյին և կրկին տետրակին: Բթամատով բաց արեց մի էջը: Սյունածև գրությունը մատնեց բանաստեղծության ներկայությունը: Հայրոն ճմրթված ժպիտով նայեց խմբագրին:

— Բանաստեղծություն է,— խոստովանեց նա հանցանքի նման և սպասեց:

Խմբագիրը շուտ ու մուտ տվեց տետրակը, կարդաց մի քանի տող.

«Խորին բնության ժպիտը
զունավոր,
Նրանք թռչում են մտքեր
թևավոր»:

«Կյանքը բազմագույն ծաղկանց
մի պարտեզ,
Մաղիկների հետ մտորում եմ
ես...»

— Նստեցեք,— ասաց խմբագիրն այնպիսի մի ձայնով, որ զուշակում էր պարզապես ձեռնարկության հետևանքը: Այսինքն՝

թե՛ «ի՞նչ անենք, պարտավոր ենք կարդալ, թեև սկզբից ասենք՝ գրածդ անարժեք բան է»:

Հայրոն նստեց և խանդակաթ ծնողի նման, որ սպասում է իր զավակի քննություն բռնելուն՝ անձկալի ժպիտով սպասեց խումբագրին:

Սա մտավ իր դերի մեջ: Եվ սկսեց... Երկար էր բացատրությունը, թե ինչու անհաշող էր բանաստեղծությունների այս շարանը: Հայրոն լսում էր հուսալից անձկությամբ: Գուցե հույսի մի նշույլ, մի փոքրիկ պատուհան բացվեք դեպի բանաստեղծության աշխարհը...

Ոչ մի հույս, Հայրոն պետք է կամ թողնի բանաստեղծությունը կամ շատ աշխատի:

— Ես շատ եմ աշխատում, ընկեր Մարգարյան: Այդ կողմից կարող եմ ասել...

— Այո, բայց...

Հեռախոսը զանգեց: Խմբագիրը դժկամ վերցրեց լսափողը.

— Հը՛... հը՛... ալլո՛...

Ոչ ոք չէր խոսում լսափողում: Խմբագիրը թափով տեղը դրեց այն և եզրակացրեց.

— Պատկերները բռնազբոսիկ են... մաշված... տաղաչափությունը վատ է... մարդկային կյանքը կորցրել էք բնության մեջ, փրիստոփայություն եք անում:

Հայրոյին թվաց, որ խոսակցությունը շատ էր չոր, շտապ, գործնական: Իսկ նա այնքան բաներ ուներ անելու...

Մի ամբողջ աշխարհ:

Եվ իրոք, քանի տանն էր, գրում էր ինքն իր համար՝ հորիզոնը պարզ էր, և մտքերը թռչունների պես սլանում էին: Հայրոն իր տանը կախարդի էր նման: Նրա կամքի ամեն մի հրամանով դաշտը լցվում էր կրակե ծաղիկներով, աստղերը աղամանդներ էին շարում երկնակամարի վրա, մարդը ժպտում էր աշխատանքի հաճույքից: Իր տանը ամեն բան դյուրին էր, թռչում էր Հայրոն իր մտքերի, հույզերի հետ:

Իսկ այստեղ... Մտախոհ և խիստ խմբագիրը ահա գրչի հարվածներով կտրտում է իր տողերը և գտնում է անկյանք, սխալ, անճշտներ:

— Ուրեմն հաշող չէ՞,— վախով հարցրեց Հայրոն:

— Ո՛չ, և բանն այդ չէ: Իհարկե հաշող չէ: Բայց խնդիրն այն է, որ հույս էլ չկա, թե դուք կարո՞ղ եք բանաստեղծություն գրել երբևէ...

— Մի՞թե... — կակազեց Հայրոն...

Խմբագիրը ժպտաց և այս անգամ բարեկամորեն. —

— Իհարկե՞, ընկեր... Սա է, որ ինձ այս բոպեխս զբաղեցնում է: Քանի որ, եթե այս անգամ հաշող չէ, թերևս ուրիշ անգամ հաշողվեիր... Բայց...

Կրկին ժպտաց և ներողամիտ նայեց Հայրոյի աչքերի մեջ.

— Ետք է թողնեք այս գործը:

Այսպես կտրեց Հայրոյին և թողեց ինչ-որ դատարկ տարածություն մեջ: Հայրոն հիմարավուն ժպիտով նայեց խմբագրին և մի վերջին ճիգ արեց.

— Մի՞թե ոչ մի կտոր ձեզ դուր չի գալիս:

Խմբագիրը նեղացավ.

— Դե էլ ի՞նչ կարող է դուր գալ: Ահա մի կտոր.

«Ողբունչ կյանքը բխում է
ամենուր
եվ խոտից և ամեն կենդանի
չնչից,
Կյանքը ամենուր է, և իմաստ կա
խոր
Ամեն տենչի մեջ՝ որքան էլ չնչին»:

— Ո՛ւր է այստեղ տաղաչափություն, ո՛ւր է հանգ... Աչքի չկա: Հետո՞ ընդհանուր, վերացական մտքեր կյանքի մասին: Մի խոսքով անհաշող է:

Խմբագիրը ետ մղեց տետրակը դեպի Հայրոն և հառաչեց այս ձևերով: «Իմաստը էր համենայն դեպս հուսահատեցնել մի երիտասարդի, որ միամտորեն մտել էր բանաստեղծության ծաղկանոցը, շիմանալով, որ դա իր տեղը չէ:

Հայրոն վերջրեց տետրակը, որ մինչ այստեղ բերելը մի կենսաթրթիւ թուղուն էր, բայց որը սպանվեց և թևերը կախեց: Նա գուրս ելավ սենյակից և բերանը բաց, սպանված դուրս եկավ փողոց: Մարդիկ հիմա պարզ ու հասարակ էին, ոչ այնպես հանդիսավոր՝ ինչպես մի փոքր առաջ: Հայրոն ուզեց տուն վերադառնալ, բայց զգաց, որ նա էլ դատարկվեց: Այս երիտասարդ մար-

դը, որին ոչ ոք չէր ճանաչում իբրև բանաստեղծ և որին բացի իրենից և մի փոքր առաջ՝ կոնսուլտանտից՝ ոչ ոք չէր կարող կըշտամբել վատ բան գրելու պատճառով՝ մեծ հարված ստացած մարդու պես գնաց փողոցնիվայր, հիասթափված սրտով: Նա գրկվեց մի մեծ հարստությունից, որի տերն էր մի կես ժամ առաջ: Պոեմը գրել էր նա մի տարի առաջ, մշակել երկար գիշերներ: Դրա համար նա ունկնդրել էր տասնյակ գրական դիսպուտներ, կարդացել էր համարյա բոլոր գրական կլասիկներին: Ծամփին դեռ երկար ժամանակ սառչում էր Հայրոյի գեմքին այն հիմարական ժպիտը, որ նրան այդ երկու-երեք տարին դարձրել էր ժիժաղելի, անլուրջ, անշնորհք մարդ ընկերների աչքում:

Նա գնաց քաղաքից դուրս, շրջեց դաշտերում և ուշ երեկոյան վերադարձավ տուն:

Խորապես դառնացավ Հայրոն: Մի քանի օր խելքի չէր գալիս: Եվ չէր էլ սպասում, որ այսպես վատ կազդի իրեն անհաշողությունը:

Մի քանի օր անց նա ուշքի եկավ. սկսեց սփոփել իրեն: Միաժամանակ զգաց ինչ-որ ներքին մղում, դիմադրել, փորձել նորից: Եվ կարծես այս նոր վճիռը Հայրոյին սփոփեց: Նա անցավ աշխատանքի: Նոր անհաշողության հեռանկարները նրան չվախեցրին: Շատ էր ուժեղ նրա մեջ ձգտումը ստեղծագործության: Անմեկնելի մի հաճույք, երանության հասնող մի զգացում նրան քաշում էր դեպի այդ ստեղծագործության աշխարհը: Շատ էր այդ հրապույրը գայթակղիչ և արդարացի, իրավունք ուներ նա արտահայտվելու: Բոպեններ էին լինում, երբ Հայրոն անգամ զարմանում էր, թե ինչու էր իրեն մերժեց կոնսուլտանտը: Ինչպե՞ս կարելի է մերժել այսպիսի ուժեղ, հիմնական, պեղեցիկ մի ձգտում՝ ստեղծագործել, անվերջ ստեղծագործել:

Նայում էր Հայրոն իր շուրջը, և ամեն առարկա, երևույթ քաշում էր նրան ինչ-որ մի վեճ խորհուրդով: Նրա աչքին ամեն մի բան ստեղծագործության պրոցես էր ապրում: Մտքը, որ աճում էր, տունը, որ կառուցվում էր, մարդիկ, որ շարունակ հոսում էին փողոցներում, գործարանների հեռավոր շշակք ձայնը, ավտաների հապճեպ վազքը նրա համար անվերջ ու անխափան ստեղծագործության պրոցեսներ էին: Հայրոն ուղղակի տեսնում էր, շոշափում այդ: Եվ ժամերով կզնար փողոցն ի վեր, դեպի բլուրը, կբարձրա-

նար մի ժայռի վրա և այնտեղ նստած կսկսեր ունկնդրել սոցիալիստական քաղաքի, թանձր, բազմաձայն սիմֆոնիան: Ու քանի երկար էր ունկնդրում, այնքան ավելի մոտ, ավելի շոշափիկ զգում էր իր համար հաճելի, կրթի շափ անդիմադրելի մի բան:

— Քաղաքն է, ստեղծագործվում է ամեն րոպե,— մտածում էր նա:

Եվ հանկարծ մղվում էր կատարելու մի շարժում, որ անդիմադրելի ուժով խաղում էր իր մեջ: Ձեռը գնում էր... գրելու Մտքերով ու զգացմունքներով լեցուն, ծանրաբեռն՝ Հայրոն միայն այդ կերպ էր կարողանում գտնել դրանցից ազատվելու ելքը՝ գրելու:

Եվ գրում էր:

Եվ ահա այստեղ էր, որ տեղի էր ունենում ամեն սկսնակի ողբերգական սխալը:— Ոգեշնչված շարում էր բառերը բառերի հետևից և չէր հոգում նկատելու, թե իրո՞ք այդ բառերն այն մտքերն են և զգացմունքները, որ այրում են իրեն:

Հայրոն գրեց մի նոր պոեմ: «Քաղաքը լցված է շնչով» — այսպես էր սկսվում պոեմը: Եկել է նոր մարդը և ամենուրեք լրցնում է ստեղծագործութայն ուրախութունը: Ազատ է այդ մարդը, նրան ոչ ոք չի շահագործում. նա բաց է արել իր միտքը և մտածում է մի բան միայն՝ լցնել աշխարհը հրաշքներով:

Հայրոյի դպրոցական ընկերները, որոնք չգիտեին, թե ինչ սիրով է զբաղվում նա գրելով՝ ծիծաղում էին նրա երազկոտ մտքերի վրա: Դրա համար էլ Հայրոն նրանց ցույց չէր տալիս իր գրվածքները:

Բայց մի օր, ինչպես եղավ, երբ Հայրոն գյուղից պաշար էր ստացել և ընկերները հավաքված էին նրա համարյա դատարկ սենյակը «քեֆ» անելու. ընթրիքից հետո Հայրոն հանկարծ վեր թռավ և ծառանալով սեղանի մեջտեղ՝ հայտարարեց, որ ուզում է կարդալ իր նոր պոեմը:

Ընկերները շքաշվեցին հենց սկզբից կատակախառն ծաղրանքներով դիմադրելու Հայրոյի բանաստեղծական կարիերային:

— Այ սղա, էլ՝ սկսեցի՞ր:

— Ձեռ չես քաշում, էլի՞:

— Լավ, լավ, կարդա, միևնույն է...

Հայրոն ծիծաղելով, բայց ներքուստ հուզվելով սկսեց կարդալ իր «Քաղաքը լցված է շնչով» պոեմը:

Նա կարդում էր ոգևորված, մեծ սիրով: Նրան թոցնում էին սողերը: Պատկերներով էին լցվում փողոցները, տները, մարդիկ մեծախորհուրդ մի ցնծությամբ կերտում էին սոցիալիստական քաղաքը, մուրճերը զնգում էին, գնացքները դղրդում, ամբողջ քաղաքը եռում էր ստեղծագործական ջերմով բռնված...:

Երբ վերջացրեց՝ ընկերներից մեկը մոտեցավ և ձեռքի թաթը լայն բաց արած բամփեց Հայրոյի գլխին:

— Այ մեռնե՛ս դու ոչ, Հա՛յրո,— գոչեց նա անկեղծորեն ու սիրով,— մի՛ գրի, մի՛ գրի, մի՛ գրի:

Հայրոն կարմրեց, հուզված ժպտաց և հարցրեց.

— Ինչո՞ւ, վա՛տ է:

Ընկերը նորից բամփեց նրա գլխին:

— Հա՛, հա՛, է՛, հա՛,— մի՛ գրի, մի՛ գրի:

Մյուսները ծիծաղեցին և կատակով սկսեցին քաջալերել Հայրոյին:

— Ինչո՞ւ, այնքան էլ վատ չէր:

— Կարծես մեջը միտք կար:

— Կարծե՛ս, բայց ո՞ր է միտքը:

Հետո սկսեցին իրար գոգգելը: Ոմանք գտնում էին, որ Հայրոն պետք է թողնի ծիծաղելի փորձերը, որ նրանից բանաստեղծ չի դուրս գա: Մյուսներն էլ նշում էին պոեմի մեջ ինչ-որ մտքեր, որոնք հուզում են կարծես: Բայց թե ի՞նչն է իրենց հուզում, որո՞նք էին այդ մտքերը՝ նրանք չկարողացան ասել:

Հետո վեր կացան և հեռացան:

Հայրոն դուրս եկավ նրանց հետևից, գնաց դեպի այգին: Նա անբավական էր, տխուր, կոտրված: Նստեց այգում և մթության մեջ երկար նայում էր մի կետի: Նրա դեմքին այս անգամ սառչում էր մի հիմարական թախիծ: Անհաջողակի թախիծը: Բայց այդ թախիծի հետևից, նրա աչքերի խորքում լուրջ սևեռվում էր մի անբացատրելի, համառ միտք:

Հայրոն չէր ուզում պարտվել:



Հայրոյի նկրտումները դեպի բանաստեղծական կարիերան շուտով դարձավ քաղաքի երիտասարդութայն սեփականությունը:

Արդեն շատերն էին ծիծաղում նրա վրա: Հայրոն շուտով հայտնի դարձավ ամենքին՝ շնորհիվ իր անշնորհքութեան:

Մի բան Հայրոյին փրկում էր: Անսահման բարի և ներողամիտ բնավորութունը: Նա ինքն էլ երբեմն մասնակցում էր այդ ծիծաղին: Սա փարատում էր ընկերների դայրույթը և ցրում այն կասկածը, թե Հայրոն մեծամիտ է կամ փառասեր:

Բայց ընդհանուր շրջապատում Հայրոն ծաղրանքի առարկա էր դառնել: Այդպես էր անհաջող «բանաստեղծի»՝ ճակատագիրը: Հայրոն այդ գրիտեր և այնքան էլ չէր դառնանում: Նա ավելի շատ իրեն էր մեղադրում, քան ուրիշներին:

Բայց չէր կարողանում հրաժարվել գրելու «ախտից»: Գրեց երրորդ պոեմը: Գրեց վճռական շեշտով և նոր վերջացրած՝ տարավ մի ուրիշ թերթի խմբագրին: Տեսակցութունը կարճ տևեց: Խմբագիրը շատ բաղաձայն մերժեց տպագրել: Բայց մի բան ազդեց Հայրոյին: Դա խմբագրի բացատրութունն էր.— շատ հանգամանալից, խորը և խելացի: Նա ամեն տեսակ ստուգումներով բացատրում էր, թե ինչու է պոեմը անհաջող, ցույց էր տալիս օրինակներով և ապա հարցնում էր Հայրոյին, թե ինչ է ուզեցել ասել այս կամ այն կտորում:

— Տեսնում եք, դուք ուրիշ մտքեր ունեք և այլ բաներ եք գրում:

Հայրոն մտածեց.

— Մի՞թե...

— Ապա ի՞նչ,— ժպտաց խմբագիրը ընկերական հեգնանքով,— դուք աչքի առաջ ունեք շատ լուրջ և հետաքրքիր գաղափարներ, բայց չունեք ոչ մի միջոց այդ բոլորն արտահայտելու:

Հայրոյին հաղթահարում էր խմբագրի բարի, ընկերական զրույցը:

Եվ երբ խմբագիրը տետրակը փակեց ու մեկնեց դեպի Հայրոն՝ նա զգաց, որ ինչ-որ մի թել, շատ թանկագին թել կտրվեց իր և տետրակի միջև...

Հայրոն բանաստեղծ չէ: Սա ճիշտ է և ապացուցված էր հենց սկզբից, բայց այս խմբագիրը ինչ-որ գտավ հնարը այդ հասկացնելու Հայրոյին:

— Այդպես, չեք կարողանում,— կեքեց իր խոսքը խմբագիրը և մեղմ ու բարի ժպիտով նայեց Հայրոյին:

Այդ ժպիտի մեջ կար և սեր դեպի մարդը, և ափսոսանք, որ սա չի հաջողել, և մի տարտամ հույս... Բայց ի՞նչ հույս, նորի՞ց գրելու, նորի՞ց փորձելու: Ո՛չ: Այդ չէր կարելի հուսալ խմբագրի ոչ մի բացատրութունից:

Տիրեց ծանր լռութուն, երբ հայտնի է դառնում, որ մեկը մեռնում է և ոչ մի հույս չկա: Զգիտես ինչու՞ Հայրոն համոզվեց այս անգամ, որ ինքը գրելու շնորհը չունի: Եվ սթափ ու տխուր նայեց խմբագրին: Սա մտախոհ էր սակայն: Կարծես մի բան ուզում էր անել, գոնե ասել: Եվ դա ճիշտ էր: Խմբագիրը ետ նայեց, նայեց Հայրոյի աչքերին և մի իմաստուն շեշտով ասաց.

— Դուք ուրիշ բան կարող եք դառնալ: Ինչու՞ միայն բանաստեղծ եք ուզում: Ստեղծագործութունը անսահման է և ամեն բանի մեջ:— Փորձեցեք ուրիշ բան, գտեք ձեր մեջ ձեր մարդը:

Հայրոն վեր կացավ, մեղմակի գլուխ տվեց, շնորհակալ եղավ քրթմնջալով և դուրս գնաց խմբագրի մոտից:

Երեխայական հույս... նրան թվաց թե խմբագիրը ետ կկանչի, խորհուրդ կտա մի նոր պոեմ փորձել, հանկարծ կզգա, որ սխալվել է: Ախր, չի կարելի արմատից կտրել մարդուն:

Ո՛չ, խմբագիրը ետ չի կանչում: Վերջացավ: Հայրոն բանաստեղծ չէ: Այդ էին ասում բազմաթիվ անցորդների սառն ու անտարբեր հայացքները, որ ընկնում էին իր վրա:

Ո՛ր գնա... կարծես գնալու և ոչ մի տեղ չմնաց: Կյանքը կարծես դատարկվեց Հայրոյի շուրջը: Նոր դրաց Հայրոն, որ նրա մեջ կտրեցին բանաստեղծության ձգտումը: Զգաց, որ գրելու սերը գեղես քիչ է գրելու իրավունք ձեռք բերելու համար:

Երկար շրջելուց հետո գնաց տուն: Դուռը բաց էր: Երբ ներս մտավ տեսավ իր քրոջը, որը գլուղից եկել էր նրան այցելութան:

Առաջին իսկ հարցուփորձը սթափեցրեց Հայրոյին: Քույրը կարծես կրանքի իրականութունն ինքը լինեք, նա հաշիվ էր պահանջում:

— Կավ, դպրոցն ավարտեցիր, հիմա ի՞նչ ես անելու:

Իսկապես... Բանաստեղծ դառնալ շահողվեց, դա պարզ է:

Մինչև կեսօր քույրը մնաց եզրոք մտա, խոսեցին գլուղի անցուղարձից: Էլեկտրակայանն են կառուցում, ջուր են բերել սարքի: Քսան ընտանիք արդեն նոր, գեղեցիկ տներ են կառուցել: Կամուրջը նորոգել են: Գյուղը փոխվել է...

— «Այնտեղ էլ է կյանքը շարժվում», — մտածեց Հայրոն: Եվ նայեց քրոջը:

— Իսկ դու ի՞նչ ես անում:

— Ի՞նչ. գյուղխորհրդի նախագահության անդամ եմ, — պատասխանեց քույրը պողպատի ձայնով, կարծես կոպի է դուրս էկել, — բա ի՞նչ, գործ պետք է անել: Իսկ դու պարապ վեր ես ընկել քաղաքում: Կամ մի բան դառիր, կամ եկ գյուղ: Գործ շատ կա, մարդու կարիքը մեծ է:

Հայրոն ընդունեց, որ քույրը ճշմարիտ է ասում, բայց սիրտը կոտրված էր — լոց:

Քույրը վեր կացավ գնալու:

— Ո՛ւր, ի՞նչ կա:

— Գնամ ապակի ու մեխ առնեմ ու հենց այսօր էլ՝ գյուղ:

— Մնա այս գիշեր, — ասաց Հայրոն անկամ ու աննպատակ:

— Ո՛չ, վաղ առավոտ գեկուցում ունեմ սերմերի պահպանության մասին:

Հայրոն շտիպեց:

Սենյակի անկյունում մի բան կշկշաց: Չորս վառեկներ էին, ստեբերը կապած:

— Սա էլ մայրիկն ուղարկեց, վաղը մորթիր:

— Է, ո՛վ գրուխ ունի, — դժկամ ձայնով ասաց Հայրոն:

— Դե, դու գիտես, — վճռեց քույրը և մնա բարով ասելով դուրս եկավ՝ ծուռ-ծուռ նայելով Հայրոյի սենյակի անկարգությանը: Սանդուղքի գլխին կրկին կանգնեց և Հայրոյի աչքերի մեջ նայելով ասաց.

— Պարապ մի մնա, կամ այստեղ մի գործի մտիր, կամ եկ գյուղ:

Հայրոն ժպտաց, և աչքերը քնկոտ, կիսախուփ նայեց քրոջը:

Քույրը գնաց: Հայրոն մտավ սենյակ, նայեց վառեկներին, առերթ թոթվեց և գնաց ընկավ անկողնի վրա:

Ջարդված էր հոգեպես: Ուզում էր մարմնական հանգստություն մեղմել ներքին հույզերը: Ուժեղ ապատիա եկավ վրան, որը փոխվեց ինքնաձազկման ինչ-որ անհասկանալի հաճույքի:

Ուրեմն նոր կյանք... Բայց Հայրոն դեռ շատ էր հեռու այդ նոր կյանքի զգացումներից: Դեռ կարիք էր զգում, որ բոլորովին մեռնի իր ձեռք այն, որ վիրավոր էր դեռ: Նա այժմ չէր կամենում

վերակենդանացնել այն բանը, սպասում էր նրա ոչնչացմանը: Հայրոն այլևս կապված չէր նրա հետ, հույս չկար նրանից: Բայց Հայրոն զգում էր, որ թեև դա մեռնում է իր մեջ, բայց մի ուրիշ զգացում մնացել է անկոտրում, կենդանի:

Ի՞նչ էր այդ... լոկ դատարկ ապրելու տենչը, թե՛ ուրիշ բան: Հայրոն չգիտեր:

Ուշ երեկոն սկսում էր խորանալ, գիշերը դեռ նոր էր թանձրանում, որ Հայրոն քնեց: Սենյակը մութն էր և միայնության լուսթյունը պարուրել էր մտախոհ երիտասարդին: Ոչ ոք չէր կարող իմանալ, թե որքան խորն էր ազդել նրան անհաջողությունը...

Կեսգիշերին Հայրոն զարթնեց, և զարթնեց միանգամից, լրիվ, եվ առաջին միտքն այն եղավ, որ իրեն մերժել են, ինքն այլևս բանաստեղծ չէ: Իհարկե, նրան ոչ ոք բանաստեղծ չէր կոչել, և դա նրան այնքան չէր ազդել, քանի որ ինքն էր իրեն կոչել բանաստեղծ և զգացել էր բանաստեղծության շունչը: Իսկ հիմա ինքն էլ էր օտարացել իրեն, ինքն էլ էր միացել ուրիշներին:

Այո, Հայրոն բանաստեղծ չէ...

Բուժ, անձև, տարտամ մտքերը գալիս են անցնում տոթ գիշերի ամպերի նման: Լուսթյուն էր սենյակում:

Հայրոյի պատուհանից ներս էր նայում դուրսը ծավալվող գիշերը, իր անորոշ, բազմաձայն շշուկներով: Հայրոյի համար այդ պատուհանից անմիջապես դուրսը ոչ թե հասարակ փողոցն էր կամ քաղաքը, որ քնած էր, այլ աշխարհը, և այդ շշուկը քնած երկրի, մարդկության շնչառությունն էր:

Կարծես դա երկրագնդի հեքն է տիեզերական իր թռիչքի մեջ: Քեզ զգում ես երկրի վրա պառկած, մի երկրի, որ շարժվում է, գնում: Ձգում ես նրա տատանումը, սթիմը: Հայրոն ունկնդրում էր այդ գիշերային ձայներին, ապրում էր այդ բոլորը: Նա ուներ այդ սովորությունը, սիրում էր անքուն գիշերը: Անդիմադրելի կրթով նա նետվում էր գիշերային մտքերի վրա և անհագորեն սուզվում նրանց մեջ: Զէ՛ որ նա բանաստեղծ էր... Կամ այդ ի՞նչպես է, որ նա բանաստեղծ չէ: Թող ոչ ոք չընդունի այդ: Նա անհիշալար մեկ-մեկ միտքը բերեց իր բոլոր զքննադատներին և ընթերցողներին, որոնք շարունակ ծագրել են իրեն կամ անտեսել: Ժպտաց յուրովի, և բարի ժպտը հալվեց նրա գեմքին: Նա լրջացավ: Էհ, ի՞նչ արած, չեն ընդունում իրեն: Բայց հա՛ ինքը կարող է այժմ և միշտ խորհել

անհուն տիեզերքի մասին: Նա շատ է խորհել այդ մեծ անզգովա-
ծի մասին: Պա նրա համար մի անապառ թանգարան է՝ շքեղ
առարկաներով: Նրան ամեն իր զարմացնում է, գրադեցնում: Ամեն
իրի մեջ նա տեսնում է տիեզերական մի գաղտնիք:

Պատահանից դուրս գիշերային անհուն թավիշը տեղ-տեղ
կայծկլտում էր աստղերով: Նրանք թրթռում էին, դողում, կային
և աստղեր, որ անշարժ պելացել էին ծծմբային լույսով: Արդյոք
ս՞ր ժամն էր: Ոչինչ չէր կարելի իմանալ: Շուրջը ոչ մի բնակա-
բանից չէր լսվում շշուկ, ոտնաձայն: Բակը, փողոցը, բազաթը
քնած էին: Հայրոն ընկավ անվերջ ու հախուռն մտքերի գետերի
մեջ: Նրկար ժամանակ նա մտքով կրկին ապրեց իր մանկության
օրերը, իր հոտաղի կյանքը, կրկին վերակենդանացրեց բազմաթիվ
գեպքեր, կռիվներ, վեճեր ընկերների ու պատահական մարդկանց
հետ: Հիշեց կարգացած պրքերի բովանդակությունը: Մի անգամ էլ
աչքի առաջ բերեց իր «գրական» կյանքի սկիզբն ու վախճանը...
Եվ հուսահատ հոգնածություն եկավ վրան, դառն ապատիա:
Գրական կյանքն իր համար չէր: Ապա ի՞նչն էր: Ախր մի բան,
ստեղծագործական մի մարմաջ անհանդիստ է անում իրեն: Մի
բան կա իր մեջ: Թե՛ խարուսիկ է այդ մարմաջը:

Սենյակի առարկաները մթնաթաթախ կերպարանքներով նա-
յում էին նրան: Միտք չկար նրանց մեջ. ոչ մի նշույլ հույսի,
ուրախության: Եվ Հայրոն ծանր հառաչեց:

Հանկարծ սենյակի անկյունից, որ լավ էր լուսավորված գի-
շերային թաքուն լույսով՝ երիտասարդ աքաղաղը թևերը թափ
տվեց և ծուղրուղու կանչեց: Նա արձակել էր ոտների կապը:

Հայրոն նոր նկատեց, որ վառեկներից մինը աքաղաղ էր եղել:
Նայեց նրան:

Աքաղաղը, բավական գեղեցիկ մի ասպետ՝ ժիր ու հոգածու
պատրաստվում է դիմավորելու հետևյալ օրվա լուսաբացը:

— Օհո՛... — շնչաց յուրովի Հայրոն, — սա ծուղրուղու էլ է
կանչում:

Այո, աքաղաղին ըստ երևույթին չէր խանգարում ոչ իր սա-
րապայման վիճակը, ոչ օտարությունը, ոչ էլ իրեն սպասող վիճա-
կը՝ կերակրի կաթսան:

— Մարդը պատրաստվում է ապրելու և կատարում է իր
պարտականությունը, — մտածեց Հայրոն՝ և ժպտաց մթնաթաթան մեջ:

Եվ իրոք փոքրիկ աքաղաղն սկսեց իր առաժնոտա ասուալե-
տը»: Կտցով քրքրեց կուրծքը, թևառակերը, իր շարժումներով
զարթեցրեց երկու մյուս հավիկներին, պատրաստվեց բացվող նոր
անտեսություն: Երևի հույս ունեք, որ իրեն կտրամադրեն որևէ
անկյուն նոր բակում, ուր նա կարողանա իր ընկերուհիների հետ
սկսել կյանք, ապրուստ: Եվ որքա՛ն համոզմունք ու լրջություն
կար այդ փոքրիկ արարածի մեջ, միամիտ, բայց Հայրոյի գերա-
զուգված նյարդերի համար հուզիչ հույս, հավատ, որ պիտի ապ-
րի, որ այլ կերպ էլ չի լինելու հետևյալ օրը:

Փոքրիկ աքաղաղը այս մութ սենյակի փոշոտ անկյունում
սպասում էր կյանքի, պատրաստվում էր կյանքի:

«Ո՛րքան ուժեղ է կյանքը», — մտածեց Հայրոն, — Ո՛րքան
լուրջ է նա և ո՛րքան խոր իմաստ կա լինելույթյան մեջ:

Եվ արդյոք այս աքաղա՞ղն էր պատճառը, — նրա մեջ զարթը-
նեցին ինքնապաշտպան մտքեր: Եվ իսկապե՞ս աքաղաղը: Ո՛չ: Պա
ինչ-որ անհաղթելի մի տենչ էր, մի ուժ, որ միշտ թրթռացել էր իր
մեջ, Հայրոյի էություն գաղտնարանում: Նա քնած էր իր մեջ, նա
թողնում էր Հայրոյին շրջելու տարտամ ու տխուր մտքերով, բայց
անհ երբ հասավ կյանքի վճռական մոմենտը, «աքաղաղը» զարթ-
նեց: Հայրոն մի նոր հոսանք զգաց իր թուլացած երակներում:
Նոր դրդում, նոր ծարավ ապրելու:

Այդ ինքն էր, Հայրոն, կենսաթրթիո, երիտասարդ Հայրոն:

Եվ մի՞թե ամեն բան պարփակված էր բանաստեղծության,
պոեմի մեջ: Մի՞թե իսկապես իրեն հրահրողն ու գրավողը բա-
նաստեղծի կրքերն էին: Մի՞թե ստեղծագործությունը կատար-
վում է միայն պոեմի մեջ: Ահա մի շնչին, փոքրիկ աքաղաղ, որ-
քան կյանքով էր լեցուն: Ի՞նչ հոգ, թե ընկած է մի անհայտ ոտն-
յակի անկյուն, ոտը հագիվ կապից ազատված, իր կաշկանգված
ընկերուհիների կողքին, վաղվա օրվա անհայտություն: Կյանքը
մղում է ապրելու, և աքաղաղն ապրում է:

Հայրոյի մեջ զարթնեց լինելու, ապրելու և կրկին ստեղծա-
գործելու տենչը: Ստեղծագործելու ուրիշ բան, այն, ինչ որ ինքը,
Հայրոն կարող է: Մեք այս սոցիալիզմի վերելքը ասպարեզ է ան-
վերջ. բազմազան, հրաշալի ստեղծագործություն: Եվ Հայրոն իր
գերն ունի դրա մեջ:

Լույսը բացվում էր:

Աքաղաղը կրկին կանչեց: Լավեցին հեռվից ուրիշ կանչեր: Հետո մրմռացին զարթնող ձայներ: Մի սալ խուլ զղրդաց հեռվում: Պատուհանից ներս նայեց վաղ առավոտի հում, միամիտ լույսը: Մի աստղ գունատվել, ուշաթափվել էր երկնքի հատակում: Օրը հուսալից, կենսազվարթ սկսվում էր: Որքան մեծ էր նրա խորհուրդը, նրա ուժը:

Հայրոն նայեց աքաղաղին: Դա մի սիրուն, ոսկեփետուր ապետ էր, հպարտ և լուրջ: Նա խնամոտ ու զորովալից նայում էր իր կողքին կապած ու հատակի փոշում թավալած ընկերուհիներին և սպասում: Սպասում լիահույս, ծարավի, ուրախագին...

— «Ո՛չ, չեմ մորթի»,— կարծես աքաղաղի հարցին պատասխանեց Հայրոն,— մարդը պատրաստվում է տուն-տեղ սարքել, բնտանիք կազմել: Եվ ծիծաղեց:

— Գնա, ապրիր, թույլ եմ տալիս,— կատակեց նա աքաղաղի հասցեին և շուտ եկավ մյուս կողքին:— Չեն ուզում, որ բանաստեղծ լինեմ, է՛հ, ես էլ կապրեմ համեստ արարածի պես: Ամեն տեղ կյանք է, ստեղծագործություն, անգամ շնչին բանի մեջ:

Մտքերը, այրող մտքերը հանդարտվեցին, քաղցրացան: Կարծես մի բան վճճվեց Հայրոյի համար — թե ինչ, ինքն էլ չփտեք, բայց Հայրոն մի նոր կյանքով լցված աչքերը փակեց և քնեց:



Հետևյալ օրն իսկ Հայրոն աքաղաղն ու վառեկներն առավ ու գնաց գյուղ: Առաջին խոսքն այն էր, որ թուշուններին ձեռք շտան: Տնեցիք ծիծաղեցին, բայց երբ Հայրոն լուրջ պնդեց՝ մի փոքր զարմացան նրա հիմարության վրա:

— Բա ի՞նչ ես անելու սրանց,— հարցրեց քույրը:

— Ոչինչ. թող մեծանան:

Այնուհետև Հայրոն սկսեց գրքեր կարդալ: Բնագիտական գրքեր: Դրանց մեջ նա գտավ այն մթնոլորտը, որի շունչը զգալի էր լինում բանաստեղծությունների գրելիս: Բնագիտությունը, բնության կյանքը, բնության ստեղծագործ կենսագրությունը հագեցնում էր այն ծարավը, որ կար Հայրոյի հոգու մեջ:

Հայրոն ոգի առավ, ամրապնդվեց: Սկսեց խառնվել իրենց

գյուղի կյանքին: Մոտիկացավ գյուղատնտեսին: Ժամերով դիտում էր նրա աշխատանքը, գնում էր հետը դաշտերը, լսում էր նրա զրույցները կոլտնտեսականների հետ և խորասուզվում իր մտքերի մեջ: Նա այժմ սկսում էր պարզ ու որոշ տեսնել, շոշափել իր ներքին ձգտումների առարկան: Այն, ինչ որ Հայրոյին գրավել, վառել, տանջել էր բանաստեղծության մեջ, այժմ կերպարանք առած, ամբողջ հասակով կանգնել էր նրա առջև և ժպտում, կանչում էր նրան:

Գյուղական երեկոն հալում էր իր ոսկեղեն նարինջները բլուրների ու ձորակի քարաշղջերի վրա: Հայրոն ու գյուղատնտեսը նստած էին ձորափին: Նրանք երկար ժամանակ զրուցել էին և հիմա լուռ մտորում էին: Հեռվում ձորափին նկատվում էր նոր գյուղը: Քառակուսի, համեստ, բայց ուրախ շենքերով, որոնք իրենց տրամադրությամբ հաղթում էին քարափների թախիծը: Երիտասարդ գյուղատնտեսը Հայրոյենց գյուղից էր: Նա մի բանի տարի առաջ էր ավարտել գյուղատնտեսական ինստիտուտը և մոլեռանդի պես եկել հարձակվել իրենց գյուղի հողերի վրա, բարձրացնում էր բերքը:

Ահա այդ երիտասարդ գյուղատնտեսի հետ էր անցկացնում Հայրոն իր օրերը: Նրա հետ շրջում էր դաշտերը, շփվում կոլտնտեսականների հետ, աննկատելի մասնակցում նրանց հոգսերին, ժողովներին, աշխատանքներին: Նոր կյանքի կրակը վառվում էր գյուղում, գյուղացիները մոլեգին, կրքով կպել էին իրենց դաշտային աշխատանքներին: Ստեղծագործ մի կյանք էր փոթորկվում գյուղում: Հայրոն նկատում էր, որ կոլտնտեսականները բոլորովին փոխվել են, դառել են նոր մարդիկ:

Դիմացը, քարափից այն կողմ խոժոռ նայում էր անջրդի մի լայն դաշտ: Գյուղատնտեսը ցույց տվեց այն կողմը և ասաց.

— Այ, ջրի են սպասում այդ հողերը: Զուրը կգա և կտեսնես ինչ պոեմ կստեղծվի այնտեղ: Դու միայն բո պոեմի կորուստն ես ողբում:

Հայրոն քնից զարթնեց կարծես: Կարծես ինքն էր, որ այդպես խոսեց: Հաճելի էր նրա համար զրույցի այդ ձևը: Եվ նա ուշադիր նայեց գործի մարդու այս փիլիսոփայությանը:

— Այո, ապա ի՞նչ,— շարունակեց գյուղատնտեսը — նեղ մտածողություն է այն, որ պոեմն է ստեղծագործությունը: Պոեմն

ինչ է՝ կյանքի արձագանքը: Դու կյանքին նայիր, տես ինչ ստեղծագործություն է նա: Հավ մոտեցիր մեր կուտնտեսականին, տես ինչ փոփոխություն է ենթարկվել նա: Դարեր են թռել նրա գլխի վրայով, իբրև մի ժամ: Չիմաստանից է հարցնում, բեկոային հերոսների վիճակով է հետաքրքրվում: Միաժամանակ տես ինչպես է հարձակվել իր հանդի հողերի վրա և դուրս է բաշում հողի ուժը, ես կասեմ գեղեցկությունը: Դա ստեղծագործություն չէ՞: Կարողում ես մի պոեմ և զգացվում: Ապա պոեմի պես կարդա այս նոր տեսքը, գյուղի նոր աղբյուրները, ջրանցքը, էլեկտրակայանը. մեքենաները... Մարդիկ են ստեղծել այդ բարիքները: Սա մի՞թե սխեմա չէ:

Հայրոն մտասուզվեց: Նրան ուրախացնում, ջերմացնում էր այս զրույցը: Նրա մեջ զարթնում էր մի նոր կիրք: Սկսել մի նոր գործ, թաղվել նրա մեջ, նվիրվել մինչև մոռացությունը: Ի՞նչ էր այդ նոր գործը — նա թերևս չգիտեր, բայց զգում էր, որ դա մոտ է երևան գալու: Դա ինչ-որ հողի մեջ էր, ահա այս խոտերի, թրուշունների, ահա այն հեռավոր նոր տների, իրենց գյուղի նոր մարդկանց մեջ: Հայրոն զգաց ապրելու այնպիսի մի սուր պահանջ, որ կուրծքն ուռավ, շունչը կտրեց:

— Այո, մի բան պիտի անել, մի բան պետք է սովորել:

— Իհարկե, — հանդիմանական բարեկամական շեշտով հաստատեց գյուղատնտեսը: — Գործը խեղդում է մեզ հեղեղի պես — մարդը պակասում է: Գնա մի բան սովորիր:

Հայրոն վեր թռավ տեղից:

— Գիտես ինչ... Ծա կասեմ, դու մի ծիծաղիր: Ծիշտ որ ամեն բան ստեղծագործություն է և ես դրա գերին եմ եղել. սկսելով բանաստեղծությունը: Թերևս սխալ է եղել իմ ուղին, բայց ես կասեմ, որ դարձյալ ճիշտ եմ եղել: Ծա կրկին ուզում եմ սկսել ստեղծագործությունից:

— էլի գրել... — խեթ նայեց գյուղատնտեսը:

— Ո՛չ, ես ուզում եմ վետերինար դառնալ: Ծա սաստիկ սիրում եմ կենդանիներին: Մի ծիծաղիր:

— Ծ՛ս, ես չեմ ծիծաղում, — ժպտաց քթի տակ գյուղատնտեսը, — ես միայն քեզ կասեմ, որ գյուղը լցնել նոր, առողջ կենդանիներով — դա ինքնին գեղեցիկ գործ է:

— Եվ ուրախություն է, — ասաց ինքն իրեն Հայրոն:

Գյուղատնտեսը խոր նայեց Հայրոյին և ասաց.

— Գնա՛, գնա՛, սովորիր ու եկ, սկսենք բարձր կուլտուրական անասնապահություն: Շրջանը մեծ ապագա ունի:

Հայրոն մտքում կրկնեց. «շրջանը»... Եվ նա երևակայեց այդ շրջանը — ծանրանիստ, հյուսիս, խոտով բեղուն լեռներ, հովիտներ, հողի կատաղի ուժը, և նրանց վրա ուռճացող գեղեցիկ, առողջ անասունները: «Շրջան» — դա մի պոեմ էր, առողջ ստեղծագործություն: Հսկայակա՛ն կյանքի գիրք...



Մի շքեղ ֆերմա, անասնապահական ֆերմա գողտրիկ ու գրավիչ պատուհաններով, սպիտակազգեստ կնոջ մտերմությամբ ուրախացնում էր լեռնադաշտը: Հանդիսավոր է այդ լեռնադաշտի փովածքը: Նրա կրծքին արածում են ոսկեղեն կովեր, Առողջություն է բուրում նրանցից, և վարիչը՝ Հայրոն, սուր ու վննող աչքերը հառած նրանց՝ բացատրում է էքսկուրսանտներին այդ կովերի ցեղային հատկությունները: Նրա խոսքերի մեջ ջերմանում է մի ինչ-որ շատ ավելի հարուստ ու փարթամ ապագա մեր երկրի անասնապահության համար:

Նա հարուստ երևակայություն ունի, որով էքսկուրսանտներին դրավում, սիրել է տալիս այնպիսի մի «պրոզայիկ» նյութ, ինչպես անասնապահությունն է: Երբ նա բացատրում է անասունների կյանքը, զգում ես, թե ինչպես է լեռների խոտը, ծաղիկը, ջուրը, օդը արևի լույսի հետ խոսում այդ ոսկեղեն կովերի ու եղևների մարմինը և գեղեցկացնում նրանց:

Արդյոք Հայրոն սխալվե՞լ էր մի ժամանակ...

Ո՛վ գիտե: Կամ ինքն արդյոք հիշո՞ւմ էր իր իսկ տողերը և՛ անշնորհք, և՛ կարծես թե ինչ-որ ներքին մի նշույլ երևակայությամբ ջերմացած:

«Ոգեշունչ կյանքը լիտում է
ամենուր
և՛ խոտից և ամեն կենդանի
շնչից,
կյանքն ամենուր է, և իմաստ կա
խոր,
Ամեն տեղի մեջ՝ որքան էլ
չնչին»:



Ամբիոնն ելավ եռանդուն, համակրելի և լուրջ մի կերպարանք: Ամբողջ երկրին ծանոթ և սիրելի այդ երիտասարդը: Նա պետք է տար իր հեղինակավոր գեկուցումը, որից հետո համագումարը նրան և ուրիշներին ուղարկելու էր Մոսկվա:

Համամիութենական համագումարին...

Եվ Հայրոն գեկուցում էր: Նրա խոսքերի մեջ նկարվում էին լեռնահովիտներ, ոսկեզօծ եզներ ու կովեր, ցողաթարմ առողջ սեզեր ու լուսեղեն շրեր: Ուրախություն էր լցված ամբողջ համագումարում:

Հայրոն խոսում էր իր, ընկերների և մասսայի ստեղծագործություն մասին: Եվ երկիրը լսում էր նրան խորին ուշադրությամբ:

«ՔԱՂԱՔԱՅԻՆԵՐ»

Անդարձակ բակը մեծ տան մեջ՝ շրջափակ փոքրիկ զբոսայգի է դարձրած. ծաղիկներով նախշած ածուներ, ծառերի տակին նրատարաններ, ծառուղիներ, մեջտեղը տաղավար ու ավազան:

Մանուկներ են լցվել տաղավարը և նրա շուրջը: Մեծ եռուզեռ է: Խաղում են, կարծես ցրիվ ու անկախ իրարից, բայց երբ մոտ են գնում՝ տեսնում են որ մեծ խաղ է կազմակերպած:

Տղաներ ու աղջիկներ են՝ ութ, իններ, տասն—տասներկու տարեկան:

Տաղավարի կողքին, ծառի տակ հավաքվել է մի ինչ-որ «հիմնարկ»: Լրագրեր են փռած, որոնց վրա պառկել են տղաներ: Կողքին թոկով մի այլ բաժանմունք է առանձնացրած, որտեղ աղջիկներ են պառկել նույնպես լրագրերի վրա: Նրանք պառկել են անշարժ և շատ կենտրոնացած տեսք ունեն, աչքերը կիսափակ՝ կարծես քնի են պատրաստվում: «Բաժանմունքների» մեջտեղը երեք միջանցք է. այդտեղ ման են գալիս ոտների ծայրով:

Ամեն երևույթից հասկացվում է, որ դա «հիվանդանոց է»:

Ահա լրագրեր խալաթի պես հագած՝ հիվանդներին է մոտենում թղթե ակնոցներով մի երեխա, որ փայտե լսափող ունի ձեռքին: Դա «բժիշկ» է: Նա լրջախոհ, դանդաղ բռնում է նրանց բազուկները, զննում զարկերակը և դառնում է իր հետևից եկող երկրորդ բժշկին ու քրոջը:

— Մալարիա է, խինին կտաք:

Երկրորդ բժիշկը ինչ-որ բան է նշում իր բլոկնոտում:

Անցնում են մյուս «բաժանմունքը», «կանանց» պալատը, ուր նույն քննություններն ու պատվերներն են, և հեռանում են, գալիս մի փոքր հեռու թփերի բացատ՝ մի աղջկա մոտ, որ շատ հպարտ ու լուրջ հայացքով նստել է արկղի հետև և թղթե ակնոցը աչքերին «գրանցում է» մի նորեկ հիվանդի: Նրանցից մի փոքր

հեռու լրագրի գոգնոցը կապած «դռնապանը» կանգնել է երկու թփի արանքը, այսինքն «դռանը» և հսկում է, որ հիվանդատեսները անկարգ ներս չմտնեն:

Բոլորը՝ թե «հիվանդները» և թե «բժշկական պերսոնալը» չեն խոսում: Օրինակելի լուռություն է «հիվանդանոցում»: Տաղավարի շուրջը, «հիվանդանոցից» մի փոքր հեռու մի մեծ փոս են փորում, Դա ըստ երևույթին մեծ «ջրանցք» է, որ հետզհետե խորանում է և երկարում: Դիտմամբ ընտրված է զբոսայգու մի ամալի տեղը, ուր ոչինչ չի ցանած և «անջրդի» է: Զրանցքի երկայնքով շարված են մի քանի կարտոնե տուփեր, մի երկու մեծ արկղեր: զբոսն և է բեռնատարներն ու էքսկավատորներն» են: Հողը նախ վերցնում են էքսկավատորի վրա, այնտեղից թափում են բեռնատարների վրա, որ խսկույն քշում են և տանում, լցնում մի փոս:

«Զրանցքի» մի ափին էլ նրան զուգահեռ գծով փոքրիկ ճյուղեր, տերևներ են խրում հողի մեջ: Դա էլ «անտառաշերտն է»:

«Բանվորները» շապկանց են կամ մերկ ու գլխաբաց: Միայն նրանցից մեկը, կեպին ծոծրակի կողմը ետ քաշած, ուժեղ թևքերը քշած, բադի նման օրորվելով մեծ-մեծ քայլեր է գցում և երբեմն կանգնում է և երկու ձեռները գոտկատեղին կանթելով նայում է բանվորներին ու գոչում.

— Հարվածայի՛ն աշխատեցեք, ընկե՛ր ստախանովականներ, պլանները գերակատարեցե՛ք: Լիլի՛կ, դու ի՞նչ ես կանգնել, — նկատում է հանկարծ մի փոքրիկ աղջկա, որ բերանբաց նայում է ջրանցքի աշխատանքներին, — հող կրի՛ր է՛, պարապ մի՛ մնա:

«Բրիգադավարն է»: Տեսնելով, որ աշխատանքը կարգի է ընկնում՝ ինքը ես վրա է վազում և գեր ձեռքերը կոխելով հողի մեջ, արագ-արագ դուրս է տալիս հողը, ածում «էքսկավատորի» մեջ:

Սակայն խիստ լուրջ են «ջրանցքի» կողքին մի արկղի մոտ նստած երկու հոգի: Նրանք «ինժեներներ» են: Արկղի վրա փռել են «ОГОНЁК»-ը և նայելով Վոլգա—Դոն ջրանցքի մի տեսարանի՝ «մշակում» են «հատակագիծը»: Ահա նրանցից մեկը ձեռքով իր մոտ կանչեց «բրիգադավարին»: Սա վազելով եկավ, ծովից «հատակագծի» վրա: «Ինժեները» առանց խոսելու մատը տնկեց «հատակագծի» մի տեղի վրա և լուռ նշան արեց նրան: «Բրիգադավարը» վերցրեց «հատակագիծը», նայեց, ապա նայեց «ջրանցքին» և

վազեց ուղղվեց ինչ-որ սխալ «արաստաչի» ուղղությամբ: Ապա մոտ գնաց մի բանվորի, լուռ նշան արեց նրան: Սա վազեց քարեր բերելու: Մյուս բանվորներն արագ-արագ աշխատում են, չեն խոսում — երևի սա նրանց հասկացած ուղիղ ձևն է աշխատանքի:

Հափշտակություն — այսպես կարելի է բնորոշել ջրանցքի շինարարության նվիրված «բանվորների, ինժեներ-տեխնիկական պերսոնալի» եռանդուն աշխատանքը:

Տեսարան է նաև մի «մեծ» տան կառուցումը, իսկական մեծ տան կառուցման զարմանալի ճիշտ ընդօրինակումը: Ծարել են պատի քանդվածքի ծեփ, խառնել հողի ու ավազի հետ՝ դա շաղախն է: Փայտե մուրճերով «քարտաշները» հղկում են տուֆը, մեկը մեխով քանդակում է տան ճակատի քարերից մեկը, իսկ «սքանդիորը» գցել է պատերը: Ծենքը բաժանված է բնակարանների, տների, միջանցքների...

Սակայն իսկական և ամենից աշխույժ տեսարանը տաղավարանն է: Ըստ երևույթին քաղաքի մի մեծ դահլիճումն է տեսարանը: Լցվել է «հասարակությունը», միտինգ է:

Մի պատիկ սեղան է դրած տաղավարի մեջ, որի նստարանին նստած են երեք հոգի՝ երկու տղա, մի աղջիկ, որը «նախագահ» է, մյուսները «նախագահության» անդամներն են: Մի փոքր այն կողմ կանգնել է «հոստորը», մի կարմրաթշիկ, սևաչա, կլորերես երեխա, որը եռանդուն շարժումներով գոչում է.

— Քանաքեռգէէէ՛սը, Միություն հերոսներն են՝ սոցիալիստական շինարարությունը, ընկերներ: Այո, բանվորները, կառնտեսականները: Այո, մենք գերազանցիկ ենք ուզում դառնալ, մենք աշխատում ենք, ստախանովականները աշխատում են, պլաններ ենք, ընկերներ:

Կեցցեն մեր բանվորները... «Հասարակությունը» բուն ծափահարությանը խլացրեց հոստորի խոսքերը:

... Ընկերներ, զարնանացանը սկսվում է, կոմունիզմի կառուցումները լավ կատարեցեք, մեզ պետք է մաքրություն: Կեցցե՛ Սովետական Միությունը...

Դարձյալ ծափահարությունների պայթյուն, որ ծածկում է ճառախոսին, թեև նա դեռ թափահարում է ձեռքն օդի մեջ և որոնում է նոր խոսքեր: Խոսքերը չեն պակասում. հոստորը լավ գիտե իր գործը, իսկույն թռչում է այլ թեմայի, ընկերներ, մեր երեխա-

ները չպետք է կախ ընկնեն տրամվայից, փողոցային երթևեկութունը, ընկերներ... (խոսքը կապ է ընկնում, որը սակայն, ծածկրվում է ծափահարությունից և հետո կրկին գտնում է շարունակությունը): Ընկերներ, խաղաղության կոչի տակ ստորագրեցեք, մենք շենք ուզում կուզել: Մենք ուզում ենք խաղաղություն, մենք ուզում ենք դպրոցներ, գրքեր, դասագրքեր, մենք...

Մասնահարությունը վերջին անգամ բոլորովին խլացնում է հետո որին և նա «իջնում է ամբիոնից»: Ամբողջ «հասարակությունը» հոտնկայս երգում է խաղաղության երգը:

Նախագահուհին ծանր ու լուրջ շարժումով վեր է կենում.

— Ընկերներ, քանի որ մենք շենք ուզում պատերազմ և ուզում ենք խաղաղություն, ստորագրենք խաղաղության կոչի տակ: Ստորագրեցեք, ովքեր կողմնակից եք խաղաղության: Կեցցե խաղաղությունը:

— Ուռա՛ա՛,— գոչում են երեխաները և դուրս թափվում տաղավարից, ցրվում բակի նստարանների շուրջը: Նրանց հետևից ստորագրություն հավաքողները մի-մի կտոր-թուղթ ձեռներին՝ մեկ-մեկ մոտենում են ամեն մի նստարանի, որ ըստ երևույթին «տներ» են և առաջարկում են ստորագրել «խաղաղության կոչը»:

Ըստ երևույթին խաղը ծրագրված է և ունի որոշ հերթականություն տեսարանների մեջ: Երեխաները, որ ցրված էին բակի գանազան նստարանների շուրջը՝ խումբ-խումբ հավաքվում են ծառուղիներում և շարք կանգնում: Ամեն խումբ «կոլեկտիվ» է որևէ «հիմնարկի», «ձեռնարկի», «գործարանի», ունի իր դրոշակը: Ուրբա՛ծ թղթի փողային օրկեստրը «մարշ» է փչում: Բոլորը թողնում են իրենց աշխատանքը և հավաքվում, շարքի կանգնում:

— Քայլով մա՛րշ,— գոչեց ժիր «բրիգադիրը» առաջ ընկնելով, և ահա զնացին «բժիշկները», «մեծ տան» և «կոմունիզմի մեծ կառուցման» «շինարարները»:

Ըստ երևույթին ղեպի կենինի հրապարակը:

ԲԺՅԵԿ

Ես և բարեկամս խոսում էինք Բ-ի մասին:

— Վերջապես ի՞նչ արեց նա,— հարցրի ես,— թողե՛ց բժշկությունը:

— Թողե՛ց,— մտածելով պատասխանեց բարեկամս և հանկարծ պապիրոսը վառելով՝ կարծես ինքն իրեն խորհրդածեց,— ոչ, թողնել չի կարելի ասել:

— Ես նրա գործը շեմ տեսնում,— ասացի ես,— նրան կարելի է գտնել և՛ գրադարաններում, և՛ կոնցերտներում, և՛ հասարակական հավաքույթներում, բայց նրան քիչ եմ տեսել հիվանդանոցներում կամ տներում՝ հիվանդների մոտ:

— Այդ ճիշտ է և սխալ,— խոսեց բարեկամս, կրկին խորհրդածելու տոնով՝ կարծես մտքում որոնում էր մի ինչ-որ եզրակացություն բժիշկ Բ-ի մասին և շէր գտնում:

Նոր տարու գիշերն էր:

Ժամանակը բնակարանի մտածկոտ լուսթյան մեջ զցում էր իր կյանքի հաշվիչը: Իսկ պատի վառարանից ուռնալիկ ժպիտով նայում էր մարմրող կրակը:

Բարեկամս վեր կացավ և սկսեց անաղմուկ անցուղարձել գորգի ծաղիկների վրա:

— Այո, այդ ճիշտ է և սխալ,— կրկնեց նա իր պարագոքսը:

Ես մտածում էի Բ-ի մասին, որին վաղուց էի ճանաչում հեռվից: Ինձ թվում էր երբեմն, թե նա իր մասնագիտությունն արհամարհում է, դժգոհ է դրանից, կուզեր ուրիշ գործով զբաղվել:

Ի՞նչ մեղքս ծածկեմ՝ ես նրան երբեմն համարել եմ անբարեխիղճ, անտարբեր բժիշկ:

Երբ այս մասին խոսեցի՝ բարեկամս շարունակելով իր անցուղարձը՝ հանկարծ կանգ առավ և պատուհանից նայեց սևագիշեր

հորիզոնին. ուր աստղերը քուրան ընկած ոսկիների պես հալհում էին: Հետո մտախոհ ասաց.

— Ոչ, բժիշկ Բ-ն անբարեխիղճ չէ և ոչ էլ անտարբեր:

— Ապա ի՞նչն է նրան խանգարում զբաղվել մի մասնագիտությամբ, որ միաժամանակ պրակտիկա է: Պարտավո՞ր է նա վերջապես բժշկել՝ երբ բժիշկ է:

Բարեկամս նստեց և այս անգամ խոհերից արթնացած նայեց աչքերիս.

— Այո, պետք է բժշկել՝ երբ մարդ բժիշկ է: Այս մասին ես նրա հետ խոսել եմ շատ վաղուց: Լավ չեմ հիշում, թե ի՞նչով էր բացատրում նա իր թույլ եռանդն այդ գործում, բայց մի անգամ նրան տեսա դեղարանում, ուր շտապեցնում էր, որ շուտ պատրաստեն դեղը, որովհետև ինքն էր ուզում անձամբ տանել հիվանդին:

— Ուրեմն այդքան ուշադի՞ր բժիշկ է:

— Այո, իհարկե: Բայց տարօրինակ բաներ էլ ունի: Հիշում եմ փողոցում նրա հետ խոսում էի կանգնած՝ մին էլ մոտեցավ մի երիտասարդ և զանգատվեց, որ սիրտը թրթռում է: Բժիշկը ձեռով արեց, որ հեռանա և իրեն շխանգարի:

— Տարօրինակ մարդ է:

— Համենայն դեպս ոչ հասարակ: Մի ժամանակ էլ ամեն բան մոռացած՝ գրքեր էր հավաքում: Եվ պիտի ասել, որ հրաշալի գրադարան ունի, հետն էլ մի այլ հրաշալիք:— Կարդացել է և կարդում է բոլորը:

— Թերևս ասենք ավելի շուտ հարմար էր, որ նա փիլիսոփա, գիտնական լիներ, քան բժիշկ:

— Թերևս... բայց ինչո՞վ պակաս կլինի մի բժիշկ՝ եթե փիլիսոփա և գիտնական լինի:

— Ես այդ չեմ ասում:

Բայց ի՞նչ էր ուզում իսկապես ասել՝ շխորացա այդ հարցում: Ինչ-որ մի միտք դառնում էր գլխիս մեջ, որից ազատվել չէի չանում, բայց և չէի կարողանում պարզել: Բժիշկ Բ-ն ինձ զբաղեցնել սկսեց: Ես նրան հանդիպել էի շատ անգամ, բայց ոչ իբրև հիվանդ:

— Բժիշկներն ի՞նչ կարծիք ունեն նրա մասին:

— Մեկը նրան «դեբիլիշ» անվանեց մի անգամ:

— Ի՞նչ է, նրան չե՞ն սիրում:

— Չեն հասկանում,— մտածելով ասաց բարեկամս և մի փոքր հետո կարծես իրեն պատասխանեց,— թերևս հասկանում են, բայց... լսիր, գիտե՞ս ինչ, կյանքի պայմանները շատ անգամ անողոք են: Լինել այնպիսի մասնագետ, որից ամենքը գոհ լինեն կամ սիրեն՝ շատ դժվար է: Իհարկե...

Դուռը բախեցին:

Բարեկամս գնաց բաց անելու: Միշանցքում նա խոսքի բռնրվեց մի այցելուի հետ:

— Այդպես շուտ-շուտ գալիս եք մեր բակը և ինձ չե՞ք այցելում, բժի՛շկ.— հարցրեց բարեկամս ներս գալով:— Դե նախ համեցե՛ք ներս, տաքացե՛ք:

— Հա՛, շատ եմ մրսել... մի բույս վատ շէր լինի... ներեցե՛ք... — դողալով ու կցկտուր խոսեց նրա հետևից այցելուն՝ ինչպես դերասանը իր մուտքի ժամանակ,— բա՛րև ձեզ...

Ես ընդառաջ գնացի և սեղմեցի նրա ձեռը:

Դա բժիշկ Բ-ն էր:

Նա նստեց վառարանի մոտ և ձեռները շփելով նայեց կրակին: Նա ներշնչված գեմք ուներ: Հակառակ սովորության՝ նա մտքով էր պահում և հիշեցնում էր Ռաբինդրանատ Թագորին: Թերևս դա իմ սպավորությունն էր: Նա հոգոց հանեց և ինչ-որ մտմտաց իր մեջ: Ինչ-որ մի հոգս, մի միտք զբաղեցնում էր նրան:

— Հանեցե՛ք վերարկուն, բժի՛շկ,— ասաց բարեկամս:

— Ոչ, ես հիմա պիտի գնամ հիվանդիս մոտ, հերթական այցելությանս:

— Ի՞նչ մարդ է:

— Նրան հիվանդանոցից ուղարկել են տուն... հետագա բուժման... — թեթև իրոնիայով խոսեց բժիշկը:

— Հույս կա՞ բուժելու նրան,— հարցրեց բարեկամս:

— Հո՞ւյս... հույսը միշտ գալիս է մեզ հետ մինչև գերեզման և նրանից էլ հետո,— կրկին նայելով խորհեց բժիշկը:

Մխախոտ հանեց:

— Միայն հո՞ւյս կա շատ անգամ և ուրիշ ոչինչ,— ավելացրեց նա:

— Միայն հույսով ի՞նչ կլինի:

— Եվ դա կյանքն ի՞նքն է... է՛հ, ներեցե՛ք, ես շտապում եմ,

ինձ հիվանդն սպասում է,— վեր թռավ նա, պապիրոսը կպցրեց և ցտեսութիւն ասելով դուրս գնաց սենյակից:

— Յտեսութիւն,— ասաց բարեկամս,— հիվանդի մոտից դուրս գալիս՝ անցեք, կխոսենք մի փոքր:

— Հազիվ թե կարողանամ... — խոսեց կոտրած ժպիտով բժիշկ Բ-ն և նրա աչքերում ցոլաց մի խորհրդավոր թախիծ:

Բժիշկը գնաց իր հիվանդի մոտ:

— Իմացել էի, որ բժիշկ է գալիս հիվանդի մոտ, բայց չգիտեի թե սա է: Վաղուց է բերել են հիվանդանոցից,— մտածելով շարունակեց նա,— ի՞նչ հիվանդութիւն պիտի լինի: Եվ էլ ինչո՞ւ են տուն բերել...

— Եվ էլ ինչո՞ւ են բժիշկ հրավիրել... — կցեցի ես:— Երիտասարդ է հիվանդը:

— Ի՞նչ երիտասարդ,— կարծես վրդովվեց բարեկամս,— վաթսուն, վաթսուն հինգ կլինի...

— Ո՞վ է:

— Չեմ ճանաչում, նոր է եկել, կարծեմ՝ Մոսկվայից: Հյուսիս-վարձ էր դեռ հիվանդանոցից առաջ: Հիմա արդեն...

— Ուրեմն հույս չկա՞ որ ապրի:

— Չեմ հասկանում: Միայն գիտեմ, որ մի երկու բժիշկ եկան ու դադարեցին:

Բարեկամս մի փոքրիկ սեղան սարքեց, հանեց կոնյակի շիշը, ուտելեղեն:

— Շուտով կխփի ժամի 12-ը, ասաց նա,— բժշկին կբարեմաղթենք բախտավոր նոր տարի:

Մենք որոշեցինք սպասել բժշկին: Բայց նա ուշացավ: Ենթադրեցինք, որ նա հիվանդի մոտից գնաց իր տունը: Եվ չգիտեինք սպասել թե ոչ:

— Ընտանիք ունի, երևի շտապեց տուն, հասնելու տարեմուտին,— ասաց բարեկամս:

— Հնարավոր է:

Բարեկամս դուրս գնաց պատշգամբ: Այնտեղ մեկի հետ խոսեց և վերադարձավ սենյակ:

— Հիվանդի մոտ է,— ասաց նա,— ի՞նչ կարող է լինել:

Անցավ ժամի 12-ը: Անցավ ավելի:

— Գնաց տուն, պարզ է,— ասացի ես:

Նախասենյակում ոտնաձայն լսվեց: Գուռը ծեծեցին:

— Մտե՛ք:

Ներս մտավ բժիշկը:

— Ես զգացի, որ քնած չեք: Ասացի՝ մինչև գնամ տուն, վերադառնամ հիվանդի մոտ, լավ է այստեղ, ձեզ մոտ մի փոքր...

— Բժի՛շկ շան, խնդրե՛մ, խնդրե՛մ, մենք հենց սպասում էինք ձեզ:

Բժիշկ Բ-ն տարօրինակ, բայց և հանգիստ ժպտում էր: Ի՞նչ էր պատահել հիվանդի մոտ՝ հայտնի չէր:

— Հազիվ քունը տարավ և քնեց,— ասաց նա բարի խորամանկ ժպիտը պահելով դեմքին:

— Դուք սպասում էիք նրա քնելո՞ւն,— հարցրեց բարեկամս:

— Մի որևէ հանգիստ դրութեան համեմատյան դեպս:

— Եվ այսքան ժամանակ ի՞նչ էիք անում, ներեցեք որ հարցնում եմ:

— Ոչինչ, խոսում էինք:

— Ուրեմն հիվանդը կառողջանա՞:

— Ոչ, նա գիշերս կմեռնի,— ասաց բժիշկը մեղմ, թախծալի ժպիտով:

— Եվ ոչ մի միջոց չկա՞ փրկելու նրա կյանքը:

— Ոչ մի միջոց:

— Ի՞նչ տխուր պարտականութիւն,— ասաց բարեկամս,— նստել անհույս հիվանդի կողքին և իմանալ, որ պիտի մեռնի, և դու ոչինչ չունես անելու:

— Ոչի՞նչ,— ընդոտ շարժումով դարձավ նրան բժիշկը,— ի՞նչպես ոչինչ:

— Դե նա մեռնում է և կմեռնի առանց ձեզ, բժի՛շկ:

Բժիշկն իսկույն չպատասխանեց: Նա հոգոց քաշեց ու վառեց պապիրոսը:

— Գործ կա, և շատ կա և դա անվանել «ոչի՛նչ»...

Եվ հանկարծ վեր թռավ:

— Դուք այնքա՞ն էք ճանաչում մարդու տրագիկոմ... ա՛յ, ա՛յ, ա՛յ...

— Տրագի՛զմ, ի՞նչ տրագի՛զմ:

— Ապրելու, կյանքը պահելու, շմեռնելու պայքարը: Կար-

ծում եք մարդը մինչև անհույս հիվանդն է, մարդը շարունակ-
վում է մինչև վերջին շունչը:

— Համեցեք սեղանի մոտ, բժիշկ,— հրավիրեց բարեկամս:

Մենք կրկին նստեցինք սեղանի մոտ: Բժիշկը հոգնած դժբ-
ուներ և կարիք էր գզում թարմանալու մի փոքր: Խմեց մի ըմպա-
նակ կոնյակ և կրկին սկսեց ուժգին ծխել՝ ծխի քուլաների մեջ
կորցնելով դեմքը: Հետո դարձավ բարեկամիս:

— Ոչինչ, եթե մի փոքր հետո հիվանդի հարազատներն
այստեղ գան ինձ հարցնելու: Թեև ես այստեղ շատ էլ չեմ մնա:

— Ի՞նչ եք ասում, բժիշկ,— ջերմ վրա բերեց բարեկամս,—
թեկուզ մինչև լույս նստեք այստեղ:

— Դե, դա լավ է,— հանդատացավ բժիշկը,— թեև կարծեմ
շուտով կարթնանա, և ես կգնամ մոտը: Դեղ եմ տվել, որ մի փոքր
թմրի իր մահից առաջ:

Բարեկամս դուրս գնաց և մի քանի րոպեից վերադարձավ: Նա
հանգստացրեց բժշկին, որ տեսել է հիվանդի հարազատներին և
խնդրել է առանց քաշվելու դիմել իր բնակարանը՝ եթե հիվանդը
դարթնի:

Բժիշկը շնորհակալ եղավ դրանից և սկսեց ավելի ապահով
զգալ իրեն: Ապահով եմ ասում, որովհետև տարօրինակ անհան-
զրստություն մեջ էր երևում:

— Միայն թե երկար շտեխ առաջին «քնի» և երկրորդ «քնի»
միջոցը,— խոսեց նա կրկին մի առեղծվածային կիսաժպիտով:

— Ի՞նչ առաջին և երկրորդ «քուն»,— հարցրի ես:

— Այսինքն, երբ արթնանա՝ շուտ վերջացնի հաշիվները
կյանքի հետ: Ախր նա, իսկապես ասած, հիմա մահվան ցուցա-
կումն է արդեն: Կյանքի հետ քիչ կապեր ունի:

Բժիշկն սկսեց պատմել հիվանդի մասին: Որ նա հետաքրքիր
գրադարանապետ է: Մասնալ է մայրաքաղաքների առաջնակարգ
գրադարաններում:

— Այն տիպերից է, որ գրադարանների լուսնյան մեջ ապրում
են գրքերի ներհայեցական կյանքով: Դրանք տեսնում են անհնա-
րին թվով մեծ գրքեր: Անդունդ: Լուս համփորդներ են դրանք ան-
նկատելի շրջում են հեռավոր վայրեր, խորասուզվում են մարդկա-
յին մտքի հոգու անհունություն ծովում, խոսում են աշխարհի բո-

լոր հմաստունների հետ, քննում այս կյանքի և մահվան առեղծ-
վածները.— խոսում էր կարծես ինքն իրեն բժիշկը:

Հետո աչքերիս նայելով շեշտեց.

— Շատ է ապրել նա, ինչպես գրքերի աշխարհն ընկած
մարդ,— ասաց բժիշկը,— նրաց ե՛լ է և հիմա դժվար է մեռնում:

— Բայց կա՞ մարդ, որ հեշտ մեռնի,— խոսեցի ես ավելի ինձ
հետ:

— Եվ ո՞չ մի մարդ,— ուղղեց իրեն բժիշկը,— և ո՞չ մի մարդ:
Տարբեր է մեռնողի երևույթը միայն:

Նա լռեց: Վառարանի կրակը շեկահեր կատվի նման կծկվեց,
զունը կոխեց փորի տակ և հանդարտ շնչառությամբ քնեց: Լուս-
թյունն սկսեց փսփսալ:

Գիշեր էր անցնում:

Ես չէի շտապում տուն գնալ: Այդպես էր իմ ու բարեկամիս
սովորույթը՝ իրար մոտ հյուր գնալով կնստեինք երկար, մինչև
խորին գիշեր:

Բարեկամիս սենյակը հրավիրում էր հայեցական մտքերի.
գրադարակներում ինքնամիտ գրքերը խորհում էին և մարդու
միտքը տանում լինելության խորին աշխարհը: Գրասեղանի վրա
հին շրջանակի միջից նայում էր Միքեյանցեյուցի Մովսեսը՝ պատ-
րաստ հրաբորբոք մի խոսքի:

Նրան ի պատասխան դիմացի պատից փոթորկում էր Բեթ-
հովենի գիսախոհի զլուխը:

Եվ արդյոք բժշկի զրո՞ւյցն էր պատճառը, նրա տրամադրու-
թյունը, թե ինչ — մեր մտքերը թափառում էին կյանքի և մահի
ուրտներում:

— Ի՞նչ է կյանքը, ի՞նչ է մահը,— սրա վրա զլուխ շատ է
կտրել հին մարդկությունը և շի դադարում կտրել տակավին,—
խոսեց բժիշկը:— Սա շատ կզբաղեցնի թերևս բանաստեղծներին ու
փիլիսոփաներին, բայց մեզ՝ բժիշկներին, կանգնեցնում է այդ
առեղծվածների լուծման առջև: Մեզ չեն հարցնում ի՞նչ է կյան-
քը — մեզնից պահանջում են կյանք՝ թե ապրողները, և թե մեռ-
նողները: Դուք պատկերացրեք մի պրոֆեսիա, որի գործը կյանքն
ու մահն է, բայց որը...

— Դուք հավատո՞ւմ եք բժշկության,— հարցրի նրան հան-

կարծ՝ կանգ չառնելով այն բանի առաջ, որ նա կարող էր թերևս անսխորժել:

— Բժշկու՞թյա՛ն...— հարցրեց իր կողմից բժիշկը և նայեց աչքերիս մեջ՝ բարի նենգ հայացքով:— Որպեսզի զարմանաք՝ կասեմ՝ այո: Մանավանդ նրա ապագային: Բայց չեմ կարծում, որ դրանով բավարարվեք: Ճշմարիտ չէ՞:

— Ճշմարիտ է, բժի՛շկ:

— Այո, չեք բավարարվի: Բայց ես գիտեմ շատ սկեսպտիկ բժիշկներ, որ նեղ հիվանդ ժամանակ շտապել են բժիշկ հրավիրել: Եվ դա անմտությունն է և ոչ էլ ծիծաղելի բայլ: Եվ կարծում եք հիվանդը բժիշկ է կանչում, որ միայն բուժի՞, փրկի՞ իրեն: Ո՛չ, նա մաքր է կանչում իր մոտ, նրան նաև մարդն է պետք:

— Իսկ հարազատներն ի՞նչ են:

— Հարազատները վատ չեն, նրանք պետք են և քիչ չեն օգնում մահամերձին: Բայց նրան պետք է մարդ, առանձին հատկություններով: Պետք է մի մարդ, որ նրան խաբի: Նո՛ւ, այս բառը կոպիտ է: Ասենք՝ պատրի: Հիվանդը պատրանք է որոնում այն օրերին, երբ ինքն էլ չի հավատում ոչ մի պատրանքի: Նա որոնում է մի մարդ, ու իրեն պատրի ի՛ր պես: Պատրանք, ինքնապատրանք,— դա է երբեմն էլ բժշկի պրոֆեսիան:

— Նո՛ւ, բժիշկ, դուք...

— Չարախոսո՞ւմ եմ... Ո՛չ... ես չեմ չարախոսում, ես ուրիշ բան եմ ասում: Ես խոսում եմ բժշկի այն դերի մասին, որ ամենից ձանձրալին է՝ թերևս շատ բժիշկների և շատ մարդկանց համար: Վերջիվերջո՞ մարդս միայն չի բուժվում, այլև... մեռնում է: Բժիշկը պետք է նաև մահի համար: Գուցե նույն շափով, որքան և կյանքի: Այո՛, այո՛, լա՛վ խորհեցեք...

Բժիշկը տաքացավ: Նա սկսեց ինչ-որ պայթար ում-որ դեմ:

— Այո, Հիվանդը չի՞ կարողանում մեռնել,— հասկանո՞ւմ եք ի՞նչ ահավոր տանջանք է սա: Նա դառնում է անհանգիստ, վհատ: Թուլահոգի մի էակ: Նա հորիզոն շունի այլևս, այլ մի բուժ հող վերջակետ: Նա մի խարխլակ է այլևս, նա որ հոյակապ մարդ էր մի ժամանակ և տեսնում է իր ավերակը: Նրան պետք է մի մարդ, որ վերջին ժամերին բարձր պահի նրա ոգին: Դա բժիշկը պիտի լինի:

— Սրտամաշ պրոֆեսիա,— ասաց բարեկամս՝ չգիտես իրոնիկ, թե լուրջ:

— Այո, իհարկե: Ետ անգամ հոգնում ես, թուլանում, տրանջում անդամ...

Բժիշկը ծխախոտ վառեց:

— Բայց նկատեցեք նաև ժամանակը, այս պատերազմը, որ բժշկի առաջ դնում է անհնարին մեծ խնդիրներ: Այ, ես աշխատում եմ հոսպիտալում: Հարյուրավոր մարդկանց կյանքը քո ձեռին է: Ի՞նչ կանես: Կընտելանա՞ս նրանց տանջանքներին, մահվան: Վա՛յ քեզ, ևթե ընտելացար: Այլևս դու բժիշկ չես, այլևս դու մարդ չես:

Դուռը ուժգին ծեծեցին:

— Հա: Հիվա՛նդն է,— վեր թռավ բժիշկը և գնաց դուռ բացեց:

— Բժի՛շկ, հիվանդը դարթնեց, ձեզ է խնդրում:

— Եկա:

Նա վրան գցեց վերարկուն:

— Կարելի՞ է ձեզ հետ գալ հիվանդի մոտ,— հարցրի ես:

— Եթե չեք ձանձրանա՝ խնդրեմ,— ասաց բժիշկը,— գնանք:

— Իսկապես, հետաքրքիր է,— ասաց բարեկամս,— նա ինձ ճանաչում է և տանեցիք չեն նեղվի:

Մենք գնացինք հիվանդի բնակարանը:

Դռան մոտ մեզ դիմավորեց մի երիտասարդ կին, հոգնած և գունատ դեմքով: Հետո պարզվեց, որ նա հիվանդի աղջիկն է: Նա աղերսող հայացքով նայեց բժշկին և ուղղակի նրա բերանին էր նայում՝ լսելու մի հուսադրող ջերմ խոսք:

— Հարազատներին էլ գցեցեք հիվանդի շարքը,— խոսեց բժիշկը միջանցքում, դասախոսի եղանակով,— պետք է բուժել նաև նրանց:

Նա ժպտալով ներս մտավ: Հիվանդի վրա կախվել էր նրա կինը, հիսունից անց մի նուրբ պառավ: Նա մի բան էր փսփսում հիվանդին, որը թերևս չէր լսում: Նրա բարձր ճակատը, խելացի աչքերը և բրոնզե արձանի գլուխը պարուրված էին մահվան վեհոթյամբ և անհունությամբ: Նա գլուխը թեքած դեպի մի կողմ նայում էր մի ինչ-որ անդնդային հեռավորության: Տեսնելով բժշկին՝ նա մեղմ ու խոր ժպտաց և ինչ-որ բան ասաց, որ չլսվեց:

Պառավել եւ քաջակէց ե կանգնեցով իր աղջկա կողքին՝ նայեց բժիշկին: Երևում էր, որ նրանք պայքարում էին անտանելի մի բանի դեմ — հուսահատութեան: Մի նոր խոսք, նոր հնար, նոր միջոց հիվանդին փրկելու մահից:

Մեզ հրավիրեցին նստել:

Բժիշկը թեթև շարժումով մոտեցավ հիվանդին, մեղմ բռնեց նրա զարկերակը և ուրախ ու հաստատող շարժումով դուրսը թափ տվեց.

— Շատ զեղեցիկ:

Հետո դարձավ տանեցիներին.

— Մի բաժակ ջուր:

Բերին: Գոհունակութեամբ վերցրեց, մոտեցրեց հիվանդի շրթունքներին: Ան թրջեց բերանը և աչքերը պարզ բաց արած նայեց բժշկին: Սա խորը և մտերմորեն հայացքը հառեց նրա աչքերին և մեղմ ու զվարթ ծպտաց:

— Կարճես մի տեսակ թեթևացավ, բժի՛շկ, լավին է դառնում, չէ՞. — խոսեց հիվանդի աղջիկը մեկ հիվանդին և մեկ բժշկին նայելով:

— Եվ ավելի կթեթևանա, — ասաց բժիշկը:

Պառավել ուրախացած առաջ եկավ:

— Բժի՛շկ ջան, ճիշտ է, հասակն առած է, բայց ախր նա կարող է էլի ապրել: Ես շեմ ասում 30, 40 տարի, գոնե...

Բժիշկը կրկին բռնեց հիվանդի ձեռքը և գլխով հաստատական շարժում արեց.

— Իհարկե, իհարկե: Ձեք հիվանդը կարող է և պետք է դեռ էլի ապրի:

— Ա՛խ, բժի՛շկ ջան... — ուրախացած լցվեց աղջիկը և արտասուքները խոնավացրին նրա հոգնած աչքերը:

Բժիշկը շարունակելով պահել հիվանդի ձեռքը՝ կրկին ծպտաց նրա աչքերի մեջ և հարց տվեց.

— Հիմա, իհարկե, ավելի սկսեցիք լավ զգալ, այնպես չէ՞:

Հիվանդը թախծոգի ծպխտով նայեց բժշկին:

— Այնքան լավ չեմ, բայց մի փոքր թեթև է կարճես. — շնչաց հիվանդը:

Հետո գրգռելու թույլ թափ տալով երկարացրեց.

— Ե՛նչ բան է կյանքը... մա՛հը...

Ու ինքն իրեն շարունակեց, — երկուսն էլ խո՛րը, խո՛րը, անհատա՛կ, անհո՛ւն...

— Բայց կյանքը կարճ է, — ասաց բարեկամս:

— Ոչ, կյանքը երկա՛ր է, սարսափելի՛ խոր, հավերժակա՛ն՝ մինչև վերջին վայրկյանը: Կյա՛նք, մա՛հ — երկու անվերջություններ... —

Բժիշկը որսաց այդ միտքը և ծածուկ գլուխն օրորեց: Համաձայն էր հիվանդի հետ ըստ երևույթին:

Ես խորհել սկսեցի այդ պարադոքսի մասին:

Բժիշկը «ներարկեց» նրան ուրիշ միտք:

— Բայց խորհեցեք, բարեկա՛մս, ախր ի՛նչ նշանակություն ունեն տևողությունները, որ հավերժություն եք ասում: Ապրեցիր, ասե՛նք հարյուր տարի, հարյուր քսան տարի, ի՛նչ եմ ասում, ձգե՛նք թիվը՝ միլիո՛ն տարի. հազա՛ր միլիարդ տարի... Վե՛րջը:

— Վերջը մա՛հն է, — հառաչեց հիվանդը:

— Ուրեմն ի՛նչ է կյանքի տևողությունը հավերժության մեջ:

— Օ՛, կյանքն է՛լ է հավերժական՝ ո՛չ իր գծի հորիզոնակա՛նի մեջ, այլ իր ուղղահայացի — կյանքը խո՛րն է, սարսափելի՛ խորը...

Հիվանդը դառն ծպխտով լռեց և հառաչելով վերջացրեց իր միտքը.

— Հավերժական՝ մանավանդ վերջին ժամին:

Եվ ապա մի փոքր հետո ավելացրեց.

— Օ՛, այդ փոխանցումը մեկ հավերժից մյուսը...

Բժիշկը մոռացվեց, հազիվ նկատելի, սակայն և որոնում էր ուրիշ «դեղ»... Նա զգում էր մահամերձի անհուն տանջանքը, հոգեկան տրագիզիան: Տրագիզիան հիվանդի, որ փիլիսոփայում էր մի մտքի մասին, որ իրականացնում էր անձամբ: Իրականացնում էր իր անձի մեջ:

Բժիշկը սակայն հանգիստ ու անվրդով ձև տալով իր գործադրություններին՝ ձեռնարկեց բուժման միջոցներին: Նա խնդրեց թեյի բաժակ, գզալ, վերցրեց դեղերի սրվակները, նայեց մեկ մեկ, խառնուրդ ստեղծեց և խմեցնելով հիվանդին՝ սկսեց կրկին սրվակները գննել:

Բայց որքան հուզիչ էր այն, որ հիվանդը, այդ խելացի և սկզկատիկ մարդը երեխայի հավատով, մահամերձի ամենատրա-

ցի՛կ հատկութիւնը, հետևեա՛մ էր բժշկին և սպասում: Ինչի՛ն...

Հետո՛ իբրև թե նշանակալից և կարևոր գործողութիւններէ հետ՝ ի միջի այլոց անցնելով փիլիսոփայութեան՝ հիվանդի գլուխն սպառնաց և սկսեց շփել ձեռները:

— Ծշմարիտ եք, բարեկամս, կյանքն էլ հավերժական է իր խորութեամբ...

Հիվանդը հառաչեց.

— Եվ խորացրո՛ւ ինչքան կուգես... նա կխորանա՛ հավիտյան:

Հնա՛ր չկա... հնա՛ր չկա... ազատվելու այդ մտքից...

Բժիշկը նշանակալից նայեց մեզ: Հիվանդի և նրա դիալոգի երևույթի տակ տեղի էր ունենում մի ապրում, որ իրոք խորապես տրագիկ էր: Հիվանդն իր սարսափն էր բացատրում: Նրան հասկանալ էր պետք:

— Եվ ի՞նչպես պետք է լինի... — խոսեց թույլ, բայց անհանդիստ ձայնով հիվանդը:

— Դուք կքնեք, հա ամենալավ բանն է, որ կլինի: Քունը ամենաքաղցր դեղն է նեղացած ժամանակ, — չհասկանալու տվեց բժիշկը:

Հիվանդը խոժոռ նայեց բժշկին: Սա սկսեց հանգիստ.

— Բնութիւնն ամեն բանի դեղն ստեղծել է: Իսկ մենք շնորհ գտնում: Քնել, քնել, քնել: Շատ մտքերի սարսափը երբեմն մարում է այդ պարզ բանի մեջ, — քնել, բարեկամս... ընդունեցե՛ք այս, հանգստացե՛ք, ի՞նչ եք հուզվում: Դուք հո ծանր հիվանդ չե՛ք:

Հիվանդը հառաչեց և իրոնիկ ժպտաց բժշկի երեսին:

— Սանր եմ, թե թեթև, բժի՛շկ, գիտեմ, ինձ քնել է պետք, քնել, մոռանա՛լ, անէանա՛լ: Ծշմարի՛տ է...

— Հանդի՛ստ, անվրդո՛վ, լա՛յն մտածեցեք, — սկսեց օրորել բժիշկը, — կյանքից հագնելով չկա, մահից խուսափել չկա: Իհարկե դուք կառողջանաք, բայց մի օր, թե՛ դուք, թե՛ ես, թե՛ ձեր հարազատները վճարելու ենք մեր պարտքը բնութեան: Եվ մեռնելով մենք հո հետո չենք գնում: Մնում ենք միևնույն բնութեան մեջ: Մենք գնում ենք, գալիս են նորերը, ինչպես մենք նորերս եկանք, երբ գնում էին հները: Եվ հանգի՛ստ եղեք, իսկապես մահ գոյութիւն էլ չունի: Կյանքն է միայն որ կա, կյանքն է միայն խոսում, գործում, անհանգստանում: Եվ հետո մի՛ մոռանաք — մենք ապ-

րում ենք հետագա մարդկութեան կյանքի մեջ: Պատկեցեք ավելի հանգիստ: Դուք հոգնած եք, պիտի քնեք: Այդպես:

Հիվանդը կարծես կամենում էր պառկել, բայց հանկարծ ձեռք պարզեց օդում և փորձեց խոսել: Նրան այդ շէր հաշողվում: Հետո նա ճիգ արեց, նրա դեմքի մկանները լարվեցին, դողացին:

— Ի՞նչ եք կամենում, — մեղմ հարցրեց բժիշկը՝ կարեկցաբար թեքվելով նրա դեմքին:

— ... Մարդկայնութիւ՛ն... խորի՛ն մարդկայնութիւն...

Նա լռեց մի պահ և աչքերը դես ու դեն շրջելով նայեց իր կնոջն ու աղջկան, որոնք ճնշված կանգնել էին նրա մահճակալի դիմաց և կրկին խուլուտ ու դառն ձայնով կրկնեց.

— Մարդկայնութիւ՛ն, խորի՛ն մարդկայնութիւն: Մարդկայնութիւ՛ն օվբեք:

Հիվանդի ուժերն անեցին: Կարծես նա գտավ մահվան դեղը, փրկութիւնը: Կարծես դա նրա ամենամեծ, գերագույն գլուխն էր, այն խոսքը, որ որոնել էր ամբողջ կյանքում: Այդ խոսքը նրան թեթևացրեց կարծես, ազատեց երկար, անվերջ խոսելուց: Մի բառ — մի ամբողջ տիեզերք:

Հանկարծակի բռնկման հետևեց մարումը: Նա ներս գցեց ձայնը, սմբեց և դառնազին նայեց բժշկին:

— Բարեկամ... — հարցրեց սա:

— Ոչի՛նչ, ոչի՛նչ... Մեռել է Պլատո՛նը, մեռել է Արիստոտե՛լը, Սոֆոկլե՛սը, Աղեքսանդր Մակեդոնացի՛ն, Միքելանջո՛ն, Շեքսպի՛րը, Գյոթե՛ն, մեռել է Բեթհովեն՛ը, մեռել են միլիարդավո՛ր միլիարդավո՛ր էակներ...

— Այո, ո՛վ է հավերժական... — վերջացրեց բժիշկը զգույշ տոնով:

Հիվանդի կինը, մոմեղեն մի պառավ, լի հեզութեամբ և խոր վշտացող մարդու արտաքին հանգստութեամբ՝ ունկընդրում էր այս տանջալի փիլիսոփայութիւնները և նայում էր բժշկին տխուր համաձայնութեամբ:

Բայց աղջիկը տանջվում էր լացի ներքին պահանջից և ճիգ էր անում զսպել իրեն:

Հիվանդը ինչ-որ բան շշնջաց:

— Ի՞նչ է ասում, բժիշկ, — հարցրեց հիվանդի աղջիկը:

Բժիշկը հասկացավ և բռնեց հիվանդի ձեռը: Սա թույլ բացեց

աչքերը, շնորհակալությամբ նայեց բժշկին և՛ աչքերը կրկին փակեց:

— Հանգստացե՛ք: Այդպե՛ս: Այդպե՛ս: Գուրք քնեցե՛ք, ես կբռնեմ ձեր ձեռքը. ես այստե՛ղ եմ, շե՛մ գնա...:

Հիվանդը երեխայի պես լսում էր նրան և հնազանդվում: Նրա սրված, գունատ դեմքը ծածկում էր իր տակ գերմարդկային տանջանք և սարսափելի մտքեր: Նա մի անգամ ևս սենեց հայացքը, նայեց շորս կողմ. բայց ոչինչ շտեսավ ըստ երևույթին: Հետո նրա դեմքն աշխուժացավ, մեղմացավ:

Հիվանդի ազդիկն ու կինը մոտեցան մահճակալին և հարցական նայեցին բժշկին: Սա կարծես շէր տեսնում նրանց: Տանջող մաքերով լի և միաժամանակ ծիսական ինչ-որ լրջությամբ համակված՝ նա սպասում էր վախճանին:

Հոգեվարքն սկսվեց: Հիվանդը հանկարծ ամբողջ մարմնով ցնցվեց, դեմքն սկսեց կծկումներ անել:

Բժիշկը դեռ բռնել էր նրա ձեռքը և նայում էր հատակին: Միայն մի անգամ ազատ ձեռք բարձրացրեց հիվանդի աղչկա վրա, որ ուղում էր հեկեկալ և հայացքով արգելեց նրան:

Հիվանդը հանգավ: Բժիշկը ձեռք ազատեց նրա ձեռից և մոտեցավ գրկեց հիվանդի հարազատներին.

— Զգու՛յշ, կարող է թերևս լսել... Հանգստացե՛ք. հնար չկար փրկելու. երեխաներ չեք, հանգստացե՛ք, սիրելի՛ք:

Հիվանդի աղջիկը դեմքը ձեռներում թաղելով դուրս վազեց և սկսեց հեծկլտալ: Նրա հետեից գնաց պառավը՝ ձեռները ծեծելով:

— Սա շկա այլևս, — ասաց բժիշկը, — հիվանդը մնացողներն են:

Ու դառն ժպտաց:

Հետո գնաց դուրս, պատշգամբ: Այնտեղ ինչ-որ խոսեց ումոր հետ: Շուտով ներս եկան հարևանները: Գեղքերն անցան իրենց կենցաղային կարգը: Մեր մնալն այլևս ավելորդ էր:

Եկանք բարեկամիս սենյակը: Բժիշկը ձեռները լվաց և հոգնած եկավ նստեց սեղանի մոտ:

— Է՛, հանգստացեք, բժի՛շկ, — ասաց բարեկամս՝ լցնելով կոնյակի ըմպանակները: — Վերցրե՛ք, վերցրե՛ք:

Բժիշկը վերցրեց ըմպանակը և քմծիծաղ տվեց.

— Եթե մահամերձն իմանար, թե որքա՞ն անկողն էի ես:

— Փերևս իբրև բժիշկ, — ասացի ես:

Բժիշկը դառն ժպտով նայեց ինձ և աչքը պաղեց: Խորհում էր, հաշի՛վ էր տալիս իրեն, կշտամբո՞ւմ: Շա՛տ բան:

— Ի՛նչ տվի նրան, Ոչի՛նչ, — շարունակեց նա պաղած աչքերը գարձնեղով դեպի պատուհանը: — Կյա՛նք: Միևնույն է, վերջիվերջո մահվան դեմ ոչ մի դեղ չկա: Բայց փորձեցեք մեռնել: Փորձեցեք հաշտվել մահի հետ: Խե՛ղճ մարդ, նա իմ ձեռներին էր նայում, որ նրան կյանք տամ... Կարողացա՞, կարո՞ղ էի... Բայց փս պայքարում էի կյանքի համար մինչև վերջը, և հիվանդը տեսնում, հավատում էր ինձ: Այս ենք մոռանում հաճախ: Այս է, որ չենք սովորում: — Գիտենալ մարդուն հոգով-մարմնով, դառնալ նրա ամենամոտ ընկերը: Գործուղել նրան կյանք, ուղեկցել մինչև գերեզման, պայքարելով նրա կյանքի համար: «Մարդկայնություն», խորի՛ն մարդկայնություն», — ասում էր այն մարդը՝ շքեռնելով ուրիշ և ոչ մի այլ խոսք իր հոգին հասկացնելու: Մարդ է պետք: Դա է, որ մոռանում ենք հաճախ տալ մարդուն: Դա է պետք մարդուն: Մա՛րդը, մա՛րդը... Տվե՛ք տեսնեմ, ո՞րտեղից այդքան մարդկայնություն: «Խորի՛ն մարդկայնություն»...

Բժիշկը ոգևորվել էր. նրա հնդկական դեմքը վարդագույն էր դառել, և աչքերը ցուլում էին վեճ մտքերով:

— Գիտե՞ք ինչ — ապագայում, մարդկության շատ ավելի խոր և նրբին կյանքում բժշկին սպասում է մի նոր, վեճ, դժվարին, ծանր թերևս, բայց բարձր առաքելություն: Հերոսական կոչում: Լինել մարդ, սովորել մարդուն, գիտենալ մարդուն և դառնալ մարդու դաստիարակը, նվիրական ընկերը: Այսպիսի մի «պաշտոն»...

— Անկարելի դժվարին բան է, — ասաց բարեկամս:

— Դժվարին է, երբ արհեստ է: Բայց այս նոր գիտությունը պիտի դառնա ստեղծագործություն և այն ժամանակ կդուրսանա, կազնվանա, կվեհանա: Երբ մի բան դառնում է արհեստ՝ ինչպես բժշկությունը, — մաբող՛ու գիտությունը, — նա դառնում է անսիրտ, ամարդի, հաճախ դաժան: Բժիշկը շպետ է ընտելանա հիվանդի առեղանկներին, մահվան: Նա պիտի կենդանի, թարմ մարդ լինի մարդու մահիճի մոտ:

Բժիշկը լռեց: Նա վրդովված էր, բորբոքված, ներքուստ պայքար էր մղում՝ ամենքի գեմ, նաև իր դեմ:

— Բայց դա իդեալական բժիշկն է,— ասաց բարեկամս։
— Ի՞նչ ասել է իդեալական,— բարկացավ բժիշկը,— իսկ ձեզ ո՞վ ասաց, որ կատարելատիպ դառնալը մեր պարտականությունն է։

— Նստեցե՛ք, բժի՛շկ, դուք հոգնեցի՞ք,— ասաց բարեկամս ետևը փոխելով։

— Այո, բավական հոգնեցի՞ք,— հաստատեցի ես։

Բժիշկը նստեց։ Բայց ախորժակ չունեի։ Միայն խմում էր։ Մութ լուսամուտի մեջ սև սաթի պես փայլում էր գիշերը։ Աստղերը, որոնք պիտի անհետանան մեկ-մեկ տիեզերքի անէություն մեջ՝ տենդային փայլով այրվում էին՝ շարունակելով իրենց իլիդոնավոր դարերի հատնումը մի նոր տիեզերական կյանքի հախար։

— Լավ,— ասացի ես,— բժի՛շկ. ի՞նչն ստիպեց ձեզ բժիշկ լուսնալ։

— Այո, ես բժիշկ չեմ՝ ուզում եք ասել, այսինքն պետքական բժիշկ։

— Ոչ, ինչո՞ւ այդպես։ Ի՞նչպես եղավ, որ վճռեցիք բժիշկ դառնալ։ Երևում է, որ պատահական չեք բժիշկ դառնել։

Բժիշկը ժպտաց։

— Պատահական եղավ, բայց մի խորը տրագեդիա պատճառաբանում իմ բժիշկ դառնալուն։ Դուք կծիծաղեք, բայց ես մինչև օրս չեմ մոռանում։ Այո, դուք կծիծաղեք։

— Պատմեցե՛ք, և թե անհարմար չէ։

— Այո... դա մի փոքր պատահումն էր, բայց ուժգին ցնցեց ինձ։ Ծիծաղելի կլինի գուցե, բայց պատմեմ։— Անցնում էի փողոցով։— Ես այն ժամանակ նոր էի վերջացրել գիմնազիան։ Ուրախ անցնում էի փողոցով։ Մեկ էլ տեսնեմ դեմից գալիս է մի սալե եզներ լծած։ Սայլապանն իջել էր սայլից և եզների կողքից գալիս էր։ Ես պատահամք, թերևս ուշքս այլ բանի՝ նայեցի եզներից մեկին, որ առաջի ոտից կաղալով գալիս էր և... քաշում սայլը՝ նրա ոտը ցավում էր։ Ես նայեցի նրա աչքերին՝ նրանց մեջ թեթև պղտորություն կար։ Նրա թիակի կաշին ցնցվում էր։ Նրա բերանը կիսաբաց էր և լեզուն կիսովին դուրս էր գցել, կծում էր անզոր, երկարելով լեզուն և երկար մի լորձոնք, որ ամեն տեսակ ազդեցություն արժեք... Եզը լուռ էր, տանջվում էր լուռ, ինքն իրեն։ Հարց-

րի սայլապանին՝ ասաց կճղակի միջից մեխը խրվել է ոտը... Եվ եզը պետք է քաշեր սայլը մինչև տուն, տանջվեր անտանելի ցավով՝ մինչև արձակեին նրա լուծը և մեխը հանեին... Ի՞նչ տանջանք։ Իսկ տունը հեռու էր, և սայլապանն անվրդով, համենայն դեպս ոչ շատ անհանգիստ։ Պետք էր նայել այդ անասունին, հասկանալու համար, թե ինչ բան է ցավը, երբ շի արտահայտվում գոնե մի բառով։ Ի՞նչ պիտի ասեր եզը, այդ անասունը — ոչի՞նչ, Ես հետո հասկացա, թե ինչու ինձ խորապես տանջեց այդ դեպքը։ Այո, սիրելի՛ք, դուք ինձ գուցե հասկանաք, թե ինչ էր ինձ հուզող պատճառը։ Ես հետո հասկացա, որ այդ բոպեին ինձ ցնցեց այդ եզան լուսնունը և այն բանը, որ նա շփտեր, թե այդ ցավը մի ժամից, կես ժամից կդադարի, որ մեխը կհանեն։ Նա անշուշտ ապրում էր հավերժական մի ցավի զգացումը։ Մարդը կզիմեր մարդուն, օգնություն կհայցեր, կսպասեր օգնություն, կհուսար և կթեթևացներ այդ գերբնական ցավը։ Բայց անասունը զուրկ էր այդ հույսից ևս... Լորձոնք, երկարավուն, ձգվող, անխոս, անտրտունը և ծանր սլարտականություն — քաշել սայլը։ Դեպքն այնքան ազդեց ինձ, այնպիսի խոր վերքով մտավ հոգուս մեջ, որ երկար ժամանակ ես չէի կարողանում էլ տեսնել։ Ես ստացա մի հիվանդություն՝ խղճահարուստության նույա, որ երբեմն բռնում էր ինձ և հոգեկան ծանր տանջանքներ պատճառում։ Ես վճռեցի բժիշկ դառնալ... և դուք տեսնում եք, թե ինչպիսի բժիշկ եմ։

— Դուք հրաշալի բժիշկ եք,— ասացի ես։

— Թողեք,— ձեռքը թափ տվեց բժիշկը,— իմ բաժինս՝ ես ինձ կանվանեի խղճով արհեստավոր... Տեսա՞ք ինչ էր ասում հիվանդը. «մարդկայնություն» է, խորի՞ն մարդկայնություն։ Ի՞նչ էր ճշգրտում ասել այդ մի բառով։— Մի ամբողջ տիեզերք։ Բայց ի՞նչ է այդ բառը, ո՞րքան աղքատ է այն արտահայտելու մի այնպիսի անբավ, անհուն հավերժություն — կյանք, Մահ... Ի՞նչ է այդ բառը, ի՞՛հ, լորձոնք, այն եզան համր, անձայն, անզոր լորձոնքը, անհնարին տանջանքի այդ խղճով արտահայտությունը...

— Ի՞նչ հնավոր մեծ բան է կյանքը,— բացականչեց բարեկամս՝ կարծես կամենալով ազատվել մտքերի ծանր բեռից։

— Ահավո՛ր մեծ... անշափելի՛, անարտահայտելի՛...

Բժիշկը թիկնեց բազկաթոռի մեջ և հայացքն ուղղեց դրասե-

զանի վրա դրած մի փոքրիկ յուզանկարի: Նա գլուխն օրորեց և մատով ցույց տվեց նկարը:

— Ահա տես՞ք...

Սիրանազառ հորիզոնի հարթ, անվերջություն չեղող գծի վրա նկարվում էին եգիպտական բուրգերը: Ինչպես հավերժության վրա կամ նրա գեմ լուռ պայքարի մտած ամենահակիրճ, ամենասուր մի ձև՝ եռանկյունին:

— Մարդկության հի՛ն տանջանքը, — խոսեց բժիշկը, — պայքարը մահի դեմ: Ապահովումը կյանքի՝ անգամ մահվան մեջ: Ի՞նչ անօրինակ պայքար մահի դեմ, հանուն կյանքի:

Ուժե՛ղ բան է կյանքը...

ԶԱԿՈՆԱ՝

Արոնը ջութակ էր սովորում Վարշավայի կոնսերվատորիայում, պանական լեհաստանի օրերին: Հայրը՝ Դավիթը, որ շուկայի մի փոքրիկ ծակուտում հին նոտաներ էր գնում վաճառում՝ շատ է հավան շէր նրա այդ գործին:

— Ինչացո՞ւ են այդ տղտղոցներդ: Խելքս դրանցից բան չի կտրում: Միշակ բանը արժեք չունի: Եթե մի բան չես դառնում, ուրիշ գործի անցիր: Եվ հետո՝ ես բեղ չեմ կարող կոնսերվատորիայում պահել: Գլխիդ ճարը տե՛ս:

Եվ դարձավ կնոջը.

— Խոսի՛ր, համոզի՛ր դու էլ:

Կինը լուրջ ու մոռյլ նայեց ամուսնուն ու լռեց:

Դավիթը ուներ հիմքեր մտահոգվելու: Նա երաժշտությունից վառված էր: Նա ջութակով էր սկսել իր բախտը փորձել այս աշխարհում: Բախտը զարկեց նրա ձեռքին, նա շահողեց, ետ կացավ այդ ձեռնարկից: Բայց այդ ամենից նրա սրտում մի այրող կարոտ մնաց: Կարոտը երաժշտության: Եվ իր շարքաշ կյանքում նա միայն մի շոռայություն և մխիթարանք պահեց, երբ քաղաքը որևէ նշանավոր ջութակահար էր գալիս, իր խնայած շնչին դրամը տալիս էր նրանց կոնցերտներին:

Արոնը խիստ վիրավորվեց հոր նկատողությունից և այնպես հակառակի ընկավ, որ այնուհետև նրա տանը եղած ժամանակ այլևս բոլորովին չէր նվազում: Իսկ կոնսերվատորիայի ուսումնավճարը հոգում էր մայրը՝ կար անելով:

Քանի գեռ փոքր էր Արոնը, ցույց շէր տալիս մի աչքի ընկնող ընդունակություն: Վերջին երկու տարին միայն ինչ-որ մի կրակ,

1 Թվրապետան հին գործիքային ժողանակ՝ պարսպին բնույթի:

տիրական բան թափանցեց նրա հոգին: Հանկարծ կերպարանափոխվեց նա:

Մի օր էլ Արոնը հայտնեց, որ պետք է հանդես գա կոնսերվատորիայի ավարտման վերջին կոնցերտին: Վճռական շարժումով մոտեցավ հորը:

— Պապա, իմ վերջին քննական կոնցերտն է, եկ լսելու:

Դավիթը գաբմացած ու խեթ նայեց Արոնի աչքերի մեջ: Աչքերը լուրջ էին և ինչ-որ հանելուկային:

Դավիթը փակեց խանութը և ընտանիքի հետ գնաց կոնսերվատորիա: Ողջ ընտանիքով նստեցին դահլիճի ամենավերջին շարքում: Տանեցիք հագնված էին քիչ շատ տանելի, բայց Դավիթի դեղնած պիչակն ու հնամաշ կոշիկները հարմար էին ավելի թաքցնելու, քան ցույց տալու:

Սկսվեց կոնցերտը: Հանդես եկան մի քանի աշակերտներ, նվագեցին բավական հաջող ու գնացին: Բայց երբ բեմ եկավ Արոնը իր պրոֆեսորի հետ, որը նստեց բեմի աջակողմում՝ ողջ դահլիճը քարացավ, լռեց: Դավիթը ճմլված հայացքով նայեց Արոնին, պրոֆեսորին, հասարակությանը և հուզմունքով սպասեց:

Ուրեմն Արոնը գո՞րծ է շինել, սատանա՞ն տանի, — մտածեց, թնձև հառաչեց և կտորած, մի փոքր հիմար ծայրտով հայացքը ուղղեց բեմի կողմը:

Արոնը մտալլ նայեց դահլիճին, հոնքերը կիտեց, մի վայրկյան մտածեց և հանկարծ զարկեց Բախի «Չակոնան»: Բայց ինչպե՞ս... Տիրական հնչեցին առաջին ակորդները: Հնչեցին մեծացած փոքրացած մարդու ապրումների ներքին ուժով և իմաստությամբ: Զգացվեց, որ ծավալվելու է ինչ-որ մեծ շնչով մի վեճ բան: Մի երկարաշունչ խոսք: Մե՞ծ հոգու խոսք: Հնչյունները բացվեցին, ծավալվեցին և մի շնչով հոսեցին, սկսեցին դիզվել ու կերտել մի վեհատիպ կառուցումն: Ու ողջ ընթացքում, որքան հյուսվածքը փոխում էր իր ձևերը՝ մի երկարաշունչ բարբառ շարունակ տևում էր նույն ուժով, ինչով սկսվեց և նույն ուժով գնաց, գնաց ու հանդչեց վերջին դուրլ ուժի վրա:

Երբ վերջացրեց, ողջ դահլիճը գեռ մի պահ մնաց քարացած: Հետո հանկարծ զարթնեց բուն ծափերի մի տեղատարափով: Դահլիճը ևս մի վեճ հոգեկան թոխք առավ, նայեց հազթական և հպարտ: Հպարտ՝ մարդկային բարձր ստեղծագործությամբ:

Երբ պրոֆեսորը մոտեցավ Դավիթին շնորհափորելու նրան՝ սա հուզված, ճնշված՝ կորցրեց իրեն և չկարողացավ ոչինչ խոսել: Ի՞նչ հազիվ թաքցնելով աչքերում ցայտած արցունքի կաթիլը՝ փնաց — ո՞չ — վազե՞ց տուն:

— Ա՛յ, դա Արոն, ա՛յ, դա Արոն, — բուռնքները սեղմած բացազանչեց նա, մտավ սենյակը և սկսեց հուզված անցուդարձ անել:

— Լա՛վ, հանգստացի՛ր, — ասաց կինը, — ի՞նչ իրար անցար, — լավ նվագեց՝ ավելի լավ:

— Պապան ուրախացել է, ի՞նչ ես ուզում, — հանդիմանեց Արոնի քույրը:

— Թո՞ղ, սա ի՞նչ է հասկանում, — ասաց Դավիթը և ձեռք զարկելով սեղանին գոչեց, — բե՛ր այստեղ կոնյակը, սատանա՞ն տանի:

— Ո՛չ, ո՛չ, ի՞նչ կոնյակ, էլի սկսեցի՞ր, — արգելեց կինը:

— Բե՛ր, այսօր մե՛ծ տոն է: Այսօր Դավիթ Այլումանը, որ կորցրել էր իրեն՝ գտե՛լ է իրեն, սատանան տանի:

Խմեց մի փոքր և ապա սկսեց հուզված ման գալ սենյակում: Եվ խոսում էր ու ոչ ոքի չէր լսում:

— Դու հասկանո՞ւմ ես, ա՛յ կնիկ, դու կարո՞ղ ես հասկանալ. թե ի՞նչ արեց Արոնը... Գիտե՞ս, թե դա ի՞նչ նվագ էր: Նա մե՛ծ արտիստ կզառնա... Ծակո՛ւս կծախեմ, տնա՛կս կծախեմ, շապի՛կս գրավ կդնեմ՝ Արոնին կտանեմ Բրյուսել: Իզային այնտեղ չէ՛, Իզային մեռե՛լ է, բայց Իզայի շունը մնացել է այն կոնսերվատորիայում: Արոնը թող մե՛ծ արտիստ դառնա... Ա՛յ, դա Արոն. ա՛յ, դա Արոն...

— Դու խելքդ կորցնում ես, — մրթմրթաց կինը:

Դավիթը շէր լսում: Նա եփվում էր, գլուխը թափ տալիս, գնում պատահանի մոտ, մոտենում Արոնի նոտաներին:

— Ա՛խ, այն տե՛ղը, որ անում է՝ տիրա՛, տիրա՛, տիրա՛, տիրա՛, հետո գնում է ու ծավալվում ու, ա՛խ, սատանա՞ն տանի... Հա՛...

Եվ Դավիթը թեթև ու լայն շունչ քաշեց: Տարիների կուտակված հոգեկան պահանջը մի խորը, մեծ, վեճ բան ասելու — ահա նա այսօր տեսավ արտահայտված իր զավակի ջուժակի միջոցով:

— Հը՛, Բախի «Չակո՛նան»... կատա՛կ բան է: Ես լսել եմ Քիրոյին, լսել եմ Հուբերմանին, Կրեյլսերին, ես լսել եմ իրե՛ն՝ Իզա՛յիին: Գիտե՛ս ով է Իզային, մե՛ծն Իզային, Նա մի մարդ չէր: Նա մի ժողովուրդ էր: Եվ եթե իմ Արոնը... ա՛չ, սատանա՛ն տանի, ցամաք հացի ու ջրի կկապվեմ, Արոնիս մե՛ծ ջութակահար կդարձնեմ: Աղքատ կապրեմ, ոչի՛նչ: Սա՛ է հարստութիւնը:

— Չե՛ս անի,— ժպտաց կինը:

— Կանե՛մ: Իմ հայրս հո գիտե՛ր անել: Պապս արե՛լ է... Ես է՛լ կանեմ: Հո գիտես ինչպես հայրս հինգ ուրբու դատ սկսեց գերմանացի Հայզերի մոտ, որը գանգատ տվեց, թե հաշվի մեջ հայրս պակաս է վճարել իրեն: Հո գիտես, որ վերջին հազար ուրբլին ծախսեց դատարաններում և տարավ իր դատը, իր խոսքը, որ ինքը վճարել է լրիվ: Այ, միլիոնատեր Արրամզոնը իր որդու հարսանիքին «չարը խափանելու» համար ջարդուփշուր արեց ամենաթանկագին ջահը: Մյուսները ջարդում էին շատ ավելի թանկարժեք իրեր: Հիմարութիւն: Ա՛յ, թող այսպիսի բաների վրա «չարդեն»: Եվ ես կջարդե՛մ, վճուվա՛ծ է,— գիտեմ, լեհական պաները թույլ չեն տա ինձ Մոսկվա տանելու սրան: Ափսո՛ս: Այնտեղ էր Արոնիս տեղը: Վճուվա՛ծ է: Ամեն բան ծախում եմ, գնում Բրյուսել, Արոնի հետ ապրելու, մինչև կավարտի բարձրագույն կուրսերը և... Յատանա՛ն տանի ամեն բան, իմ որդին պիտի տիրի մարդկանց հոգիներին... — բարձր ոճով վերջացրեց Դավիթը:

Ներս մտավ Արոնը լուրջ ու գուսպ:

Դավիթը վրա վազեց և հեկեկալով գրկեց նրան: Տանեցիք ևս հուզվեցին. համբուրեցին Արոնին:

— Բրյուսել, Բրյուսել, Իզայի՛ի գասարանը, նրա ստվերի մոտ...

Արտիստով, բարձր թախչներից արբած, երջանիկ օր էր դա:



Բանը չհասավ սակայն մինչև Բրյուսել: Դավիթ Այլստմանը նոր էր ձեռնարկում իր որդուն տանել այնտեղ, որ ողջ Եվրոպայի վրա փշեց ֆաշիզմի շարաթույն շունչը: Եվ Դավիթ Այլստմանը իր քնատանքով ընկավ Օսվենցիմ:

Կոնսերվատորիա՛, ջութա՛կ, «Չակոնա՛ն»... Սո՛ւտ էր այդ ամենը ողջ Եվրոպայում: Ճիշտը սա՛ էր: Օսվենցի՛մը: Հետոտ՛ն, Հնոցնե՛րը: Այստե՛ղ էր գնում Եվրոպան...

Եվ գործողութիւնները կարճ են այստեղ: Արագ: Հասարակ: Ոչնչանում են հարյուրական հազարներով: Լափում են հնոցները:

Դավիթին, ողջ ընտանիքը տեսավ այդ, բկից բռնած կիսախեղդ բռնցիկ հնոցը: Նրա ընդոստ շարժումները, ցնցահարվող մորուքը, ցասումնալի աչքերը տեսնելու բան չէին: Նա գնաց բռնցքը օդում ճոճելով և կենդանի մտավ հնոցը: Հնոց գնացին նաև նրա աղջիկները, ընտանիքը տեսավ այդ: Աննային, Արոնի սիրած աղջկան հետապնդում էր դաժան խոշտանգիչը: Նա անցավ գործի: Եվ ա՛հա, երբ ներս եկավ Աննային առևանգելու և բռնեց նրա թևից, Արոնը ցատկեց տեղից, հարձակվեց վրան և սկսեց բռնցքահարել նրան: Իսկույն նրան սեղմեցին մի բանի տասնյակ մագիլներ:

— Ա՛խ դու, հրեա՛ լալոտ: Այդպե՛ս...

Աննային և Արոնին տարան: Մայրը վազեց հետևից, բռնեց Արոնին և Աննային, բայց նրան խփեցին գետնին. քացիներ տվին և նա մի փոքր տեղ քաշընկած գնաց ինչպես փալաս ու մնաց ուշաթափ:

Արոնին տարան տանջարան: Դեղին աչքերով, դեղին դեմքով խոշտանգիչը նայեց նրան ու մոմոաց:

— Կարծում ես մա՛հ: Միամտութիւն: Սա մահվան վայր չէ: Մահը երջանկութիւն է: Դա կարելի է ձեռք բերել կովում, տանը, անկողնում: Սա ուրիշ բանի տեղ է: Եվ կտեսնե՛ս ինչ բանի:

Արոնին խաչեցին: Խաչեցին հետտոյի դարբասին, որ ամենքը տեսնեն: Թույլ տվին մոտենալ, նայել, կանգնել: Խստիվ արգելեցին ձեռ տալ: Պահակ դրին:

Մայրը վազեց, եկավ կանգնեց նրա ոտների տակ:

Սկավեց աննկարագրելի մի բան: — Դանդաղամահը:

Անկարելի էր նայել Արոնին: Նա առամները պինդ սեղմած, աչքերը փակ հեռում էր:

Մարդիկ խուսափով, անկապ խոսքեր մրմնջալով, սարսափած

անցնում էին մոտով, կամ հեռվից սահմակած նայում և անհանգիստ սպասում, որ վերջանա խոշտանգը:

Ո՛չ հառաչանք, ո՛չ նվոց, ո՛չ խոսք: Չտվեց այդ հաճույքը իր խոշտանգողներին: Գերմարդկային ուժով պահել սկսեց Արոնը մի ահավոր լուռություն: Սկսեց ոգորել լռելյայն, իր մեջ, հոգեկան պայքարով իր խոշտանգողների դեմ:

Ողջ հետտոն լարվեց, սահմակեց: Իրար անցավ ողջ ճամբարը: Միայն մի բան ցանկացան ամենքը:

Վե՛րջ, վե՛րջ Արոնի տանջանքին և ուրիշ ոչինչ...

Արոնի դիմաց հպարտ արձանի նման կանգնած էր նրա ստոիկ մայրը և հրամայական լուռությամբ նայում էր նրան երկար, երկար: Երբեմն միայն, երբ Արոնը բացում էր աչքերը, նայում մորը՝ սա ընդոստ շարժում էր անում դեպի նա և շատ խուլ չգիտես՝ հրամայում, աղաչում, սի՛րտ տալիս, թե՛ խեղդում էր ահավոր վիշտը:

— Արո՞ն...

Արոնը լուռ էր մնում, շարունակում էր այդպես լուռ նայել մորը և երկար, երկար և ապա կրկին փակում էր տենդավառ աչքերը: Երկար մնում էր այդպես: Եվ ապա կրկին բացում և սեկեռուն նայում մորը:

— Արո՞ն...

Կրկին լուռություն: Գերմարդկային ուժով պահում էր Արոնը ահավոր լուռությունը:

Սկսեց խենթանալ հետտոն, հետո՝ ճամբարը — հետո՝ ֆրանսիացիները, բելգիացիները, իսպանացիները, հետո՝ լեհեր, հոլանդացիներ, ֆաշիզմի դեմ մարտնչած գերմանացիներ... Մարդիկ բունցքները սեղմած ծեծում էին օդը, անիծում, սպառնում, խելագարվում: Նրանք իրար էին վազում, իրար դիմում, օգնություն խնդրում իրարից Արոնի համար:

— Մա՛հ, մա՛հ, — պահանջում էին նրանք:

Երկու կսենձներ աղոթքի շոքեցին երկու օր, երկու գիշեր, ոք վրա հասնի այդ մահը: Բայց խոշտանգը տեղի չէր տալիս:

Գերմարդկային ուժով ոգորում էր Արոնը, ոգորում նրա մայրը:

Հանկարծ սկսվեց մի շտեմանված բան:

Մուլեզնեցին, ոգորել սկսեցին բոլորը, տոգորվեցին մի կուռ միություն, եղբայրության, մարդկության վսեմ պաֆոսով:

Կարծես բոլորի հոգիների մեջ Արոնը լցրեց մի վերասույաց նվազ, մարդկության նոր հաղթական սիրտ նոր, վեհաշունչ մի շակոնա:

Մեռավ մա՛հը — հաղթեց սե՛րը: Եվ երրորդ օրը Արոնն իր մոր, հետտոյի, ճամբարի հետ միասին հանգեցրեց իր «չակոնան» հաղթական «դուբլ-ռեի» վրա...

ԱՆՀԱՅՐՈՒԹՅՈՒՆ

Լեիկը անհայր ծնվեց: Նրա ինժեներ հայրը ընտանիքից բաժանվելով՝ կնոջ երեսին էր նետել ալիմենտը և գնացել կորել հեռավոր վայրեր, խզել ամեն կապ, կարծես ոչ եղել էր, ոչ կար:

Երբ դեռ շատ էր փոքր Լեիկը՝ մայրը՝ Անահիտը, նրա այս անհայրության գործը պատահամամբ լավ լուծեց: Այսպես մի անգամ, երբ հիմնարկ էր գնում՝ Լեիկը նրան ասաց.

— Տուն որ կգաս՝ ինձ համար խանութից պապա բեր:

Թե ինչ էր այդ խանութից բերվելիք պապան և ինչպես էր պատահել, որ փոքրիկն այդպես էր պատկերացնում հայրը՝ Անահիտը սկզբում չհասկացավ, բայց և իսկույն ուշաբերվեց ու կատակի տվեց.

— Լավ, ջանիկս, խանութում քեզ համար մի հատ պապա կգնեմ կբերեմ:

Երկար ժամանակ այս զվարճալի կատակը լցնում էր ընտանիքի տխուր դատարկությունը: Ամեն անգամ, հենց որ Անահիտը տուն էր վերադառնում՝ Լեիկը վազում էր ընդառաջ և մոր մատները մեկ մեկ բաց անելով նայում էր ձեռքի մեջ.

— Բերի՞ր պապան:

Անահիտը կատակով հառաչում էր.

— Ա՛խ, Լեիկ ջան, այսօր պապան թանկ էր, չկարողացա գնել. այ երբ կէժանանա՝ կգնեմ...

— Է՛է՛ է՛, ե՛րբ կէժանանա, ե՛րբ կբերես:

— Շուտո՞վ, բալիկս, շուտո՞վ...

Ուրիշ անգամ.

— Պապան էժանացա՞վ:

— Չէ՛է՛, բալիկ ջան, ավելի թանկացավ... Մի քիչ էլ սպա...

Այսպես կատակով, խաբխրելով տարիներն անցան, Լեիկը

մեծացավ և հասկացավ, որ հայրերը խանութում չեն ծախվում, որ հայրը ունենում են, որ հայրը ապրում է տանը, մոր և երեխաների հետ, որ նա իր մոր նման հիմնարկում աշխատող մարդ է, տուն է գալիս՝ գրկում, համբուրում է իր երեխաներին, խաղում նրանց հետ. նրանք էլ ցույց են տալիս իրենց գրքերը, տետրակները:

Նայում էր Լեիկն իր շուրջն ապրող հայրերին ու երեխաներին և տխրում: Բայց նա արդեն սովորում էր և դպրոցի առաջին աշակերտներից էր: Անահիտն ուրախանում էր: Մանավանդ որ՝ ազատվել էր «պապա գնելու» ծանր կատակից... Ճիշտ է, նայելով իր զավակին՝ նա ևս տխրում էր:

Բայց մի օր Լեիկը հարցրեց.

— Մամա, բա իմ պապան իսկի՞ չլիտի գա:

— Ի՞նչ պիտի անես, որ գա... — անհանգստացավ Անահիտը:

— Ուզում եմ տեսնել, խոսել հետը... Բա ես պապայիս չպիտի՞ տեսնեմ:

Անահիտը լռեց. Բայց Լեիկը չհանգստացավ:

— Մա... ե՛րբ պիտի գա...

— Չգիտեմ, բալիկս, գործը շատ է, չի վերջացնում, որ գա...

— Ի՞նչ շատ է գործը, որ չի վերջացնում, գալիս տուն:

— Չգիտեմ, բալիկս, չգիտեմ...

Երեխան հուսահատ կախեց գլուխը և արագ շարժումով դուրս ելավ բակը: Անահիտը հուզվեց, տխրեց և հառաչելով անցավ տան գործերին: Բայց գոհ է, որ հեշտ անցավ փորձությունը:

Այնուհետև Անահիտը նկատեց, որ Լեիկը դասը սովորելիս ընկնում է տխուր մտորմունքների մեջ: Հասկանում էր պատճառը, բայց շտեմեմունք էր տալիս, որ երեխայի վերքը չնորոգի, և մոռացվի բանը:

Բայց շուտով նկատեց, որ Լեիկը չի քնում, շուտով ուտ է գալիս անկողնում ինչպես ջերմող հիվանդ: Մի անգամ էլ հարցրեց.

— Լեի՛կ, ինչո՞ւ քնած չես:

Լեիկը ձայն չհանեց:

— Քնի՛ր, քնի՛ր:

Կարծես հանգստացավ: Եվ մյուս գիշերներն էլ կարծես քնում էր. Բայց ոչ: Մի գիշեր էլ մայրը լռեց, որ երեխան հեծկտում էր վեր թռավ, մոտեցավ անկողնին:

— Ինչո՞ւ ես լալիս: Լեիկ, ի՞նչ է եղել:

Ոչ մի պատասխան:

— Ասա, է՛, ինչո՞ւ ես լալիս:

Երեխան թռավ նստեց անկողնում և լաց եղավ:

— Ես ուզում եմ պապայիս ցույց տալ, թե ինչպես եմ սովորում, ուզում եմ, որ նա տեսնի տետրակներս... Ես պապա՛ եմ ուզում,— գոչեց նա բռունցքը թափահարելով օդում,— սիրտս պապա է ուզում... շա՛տ է ուզում...

Ու ավելի բարձրաձայն լացեց:

Երեխան հոգեպես ծարավի էր: Պապա էր ուզում: Որտեղի՞ց պապա... Պապան վճարում էր ալիմենտը և տարիներով լուում, ինչպես անտարբեր ծայռ: Որտեղի՞ց պապա...

— Ես ուզում եմ նամակ գրել պապայիս, որ նա էլ ինձ գրի Ասա ո՞ւր գրեմ:

Ո՞ւր գրի...

Երեխան հիվանդանում էր: Դա պարզ երևում էր: Անահիտը հուսահատվել՝ չգիտեր ինչ անել: Վշտանում էր և լուում:

Մի օր էլ Անահիտը նամակ գրեց իր մտերիմ՝ ընկերուհուն, մոտակա քաղաքներից մեկը: Գանգատվեց բախտից և հայտնեց, որ իր զավակը «հայր է ուզում», որ ինքը չգիտե ինչ անել:

«Երբ փոքր էր՝ ասում էր շուկայում պապա գնիր ինձ համար Խաբխբում էի: Հիմա մեծացել՝ ասում է ուզում եմ նամակ գրել պապայիս, պատասխան ստանալ: Ես որտեղի՞ց նրա համար պապա ճարեմ, որ նրա նամակը կարդա և պատասխանի»: այսպես կոմիկ վշտով գրում էր Անահիտը իր ընկերուհուն՝ Աստղիկին: Վերջում ավելացրեց, որ ինքը վախենում է, որ երեխան լուրջ հոգեպես հիվանդանա:

Ուղարկեց նամակը: Բայց քիչ հետո մի միտք հանկարծ խայթեց նրան: Ինչպե՞ս չէր մտածել այդ մասին: Շատ անհարմար մի հանգամանք:— Աստղիկը ամուսնացել էր այն մարդու հետ, որի և Անահիտի մեջ մի ժամանակ ոռման էր անց կացել և ամեն նրանց հանդիպմանը Աստղիկն զգում էր, թե ինչպես էր իր ամուսնու ձայնը գողում: Անահիտն էլ նման դեպքերում անհույզ չէր պահվիրեն, թեև միշտ խլացրած էր եղել իր զգացումները: Աստղիկը անտարբեր չէր դեպի այս երևույթները, Անահիտը՝ գիտեր այդ ինչպես և Աստղիկը գիտեր: Բայց երկուսն էլ իրարից աննկատելի

զգուշանում էին որևէ կասկածելի քայլից և առիթից: Եվ ահա արդեն ուշ էր. նամակն ուղարկված էր:

Աստղիկը կարդաց նամակը, բարձր ծիծաղեց իր լուռ սենյակում: Ծիծաղեց և ապա լրջացավ: Երկար մտածում էր այդ մասին: Հետո կրկին ժպտաց: Մի միտք ծագեց նրա գլխում, մի որքան շարաճճի, նույնքան և լուրջ միտք: «Հը՛, չի՛ կարելի արդյոք»: Եվ երբ ամուսինը՝ Երվանդը տուն եկավ՝ Աստղիկը պատմեց նամակի մասին: Երվանդը քահ-քահ ծիծաղեց «խանութի պապայի» վրա: Եվ միայն այդքանը: Բայց Աստղիկը դեռ շարունակում էր զբաղվել Անահիտի հարցով և այն մտքով, որ ծագել էր նրա մեջ: Եվ ժրպտում էր:

— Ի՞նչ ես մտածում,— հարցրեց Երվանդը նամակի հանգամանքը մոռացած:

Աստղիկն ասաց, որ նամակի մասին է մտածում:

— Նամակի մասի՞ն: Լավ, ի՞նչ կա մտածելու:

— Լսիր, Երվանդ, մենք այսպես կանենք: Երեխան նամակ կուղարկի մեր հասցեով, այսինքն քո, դու նրան կպատասխանես:

— Ե՛ս:

— Այո: Քո անուն ազգանունը նույնն է ինչ որ երեխայի հորը: Կգրես իբրև նրա հայրը, կգովես նրա առաջադիմությունը, թող հանգստանա:

— Համեցեք,— ծիծաղեց Երվանդը:

— Մի անգամ էլ, եթե հարմար նկատվի՝ կգնաս, կտեսնվես երեխայի հետ:

— Գնա՞մ... ոչ, դա ինչպե՞ս կլինի:

— Կլինի՛, կլինի՛: Կտեսնվես հետը, կգուրգուրես, կգովես, թող ուրախանա՛:

— Իսկ եթե ասի թե մնա մեզ մո՞տ,— ծիծաղեց Երվանդը:

— Կասես որ անհրաժեշտ գործով ստիպված ես իսկույն վերադառնալ և շրջում ես հեռավոր քաղաքներում և երբ մի քանի ժամանակ հետո վերջացնես՝ կգնաս տուն: Իսկ այդ միջոցին ժամակը կանցնի: Ժամանակ է պետք սրան:

— Հը՛մ,— լրջացավ Երվանդը,— տես ինչեր են պատահում կյանքում: Լա՛վ,— թափ տվեց գլուխը:

Աստղիկը գործով պիտի գնար Երևան: Օգտվելով առիթից, անցավ Անահիտի մոտ, հայտնեց իր որոշումը նրան: Անահիտը

այն է՝ զարմանում էր, բայց երբ խորը նայեց Աստղիկին՝ սրտատրրոփ ու վախկոտ ձայնով հարցրեց:

— Կլինի՞ աչդպես...

— Կլինի, կլինի: Ես խոսել եմ Երվանդի հետ, թող երեխան նամակ գրի Ծրա անունով, Երվանդը կպատասխանի: Թող Երվանդը գա, առանձին երեխայի հետ, գուրգուրի նրան...

Անահիտը դողաց հուզմունքից: Գլուխը կախեց:

— Թող երեխան հա՛յր տեսնի... — մտախոհ ասաց Աստղիկը:

Անահիտը կրկին խորը նայեց Աստղիկին, որը փոխանակեց նույն հայացքով: Հետո Աստղիկը վճռական ասաց.

— Այո, այո՛, թող գա, եթե կարիք լինի՝ շատ անգամ գա...

Հանկարծ Անահիտը խանդաղատանքով ուժգին փարվեց Աստղիկին: Երկուսն էլ լաց եղան:

Երկու կին իրար շատ լավ հասկացան:

ՈՒՐԻՇԻ ԵՐԵՆԱՆ

Մայրիկոն իր ամուսնուց՝ Վաչիկից բաժանվեց պատերազմի հենց առաջին օրը և այնուհետև նրանից չստացավ ոչ նամակ, ոչ լուր: Կարծես ասեղն ընկավ ծովը: Անտանելի էր այն համառ անտեղյակությունը, անհույս լուռությունը, որից ոչինչ չես հասկանում՝ հիվանդ է, սպանված է, կորած: Եվ հետո՝ կվերադառնա՞ երբևէ: Մի քիչ ժամանակ անց, նամակ ստացավ այն մասին, որ ամուսինը սպանված է:

Երիտասարդ, գեղեցիկ կինը, ճիշտ է, մեծ խանդավառությամբ մասնակցում էր ճակատի օգնության բոլոր ձեռնարկումներին, շարունակ աշխատանքի մեջ էր, շփվում էր մարդկանց հետ, սակայն ամուսնու բացակայությունը մահի շափ ծանր էր. նա միայնակ զգում էր սիրո դառնությունը, մտերիմի, մոտ մարդու կորուստը:

Բայց այս ապրումների մեջ, կարծես անգամ գրանցից անկախ՝ նրա կյանքում պատահեց մի անհասկանալի, զայրացուցիչ միջադեպ: Մայրիկոյի նման կնոջ համար զայրացուցիչ: Նա ուրիշից երեխա ունեցավ: Ի՞նչպես պատահեց. ներելի՞ էր, թե դատապարտելի, այս ու նման բազմաթիվ հարցերի դիմաց այդ մի փառաջ հենց միայն նրանով էր ուժեղ, որ փաստ էր: Հարևանները շատ ցավեցին Մայրիկոյի համար, մանավանդ Վաչիկի, որ կրավում էր, ոմանք էլ ազահ վրա ընկան բամբասելու, փսփսացի՞ն, շարախոսեցին և վերջը հոգնած լեցին:

Սակայն փաստն էլ մնաց կրկին փաստ, որ Մայրիկոն ուրիշից երեխա ուներ:

Պատերազմից մի տարի հետո — և սա էլ զարմանալի, թե անսպասելի՝ Վաչիկը վերադարձավ:

Մայրիկոյին խիստ ցնցեց այս դեպքը: Կարծես գիևով էր եղել, երկարատև քնի մեջ և ահա առավոտվա պարզ լույսի տակ

տեսա՛վ իր վիճակն ու գլխով անցածը: Հասկացա՛վ մի բան, որ ամենևին անհասկանալի բան չէր, պետք էր միայն պարզ նայել վրան: Եվ ինչ որ է՝ նրա առջև կանգնեց իր ամուսինը, որին սիրել էր և հիմա էլ սիրում էր՝ շնայած միջադեպին:

Սակայն հիմա, իհարկե, այլևս այն վիճակը չէր, երբ նա երեխա ունեցավ, երբ նա բարեկամների ու շարեկամների փսփոսոցով շրջապատված՝ իրեն տվել էր երազանքների, մոռացության և չէր պատասխանում այն հարցերին, թե ինչ է արել ինքը:

Նա այժմ հարկադրված էր իրական պատասխան տալու իր ամուսնուն.— ի՞նչ երեխա է սա, ի՞նչպես եղավ:

Մայրիկոն շթաքցրեց: Պատմեց ամեն բան: Հոգսերի, վշտերի օրերին, ընկերական ընթրիք, անզգույշ մտերմություն, պատահական ընկերի կիրք՝ խլացնելու համար հոգեկան ճնշումը: Թերևս ոչ այս, ոչ այն, այլ ճիշտն ասած՝ ինքն էլ չգիտեր՝ ինչպես եղավ: Դե իհարկե, ինքը սիրում է Վաչիկին...

Վաչիկը լարված լսեց այս ամենը, պինդ մտածեց: Նա ևս խոր կապված էր իր կնոջ հետ: Բայց երբեք մտքով չէր անցկացրել նման դեպք: Շատ մտածեց Վաչիկը և վերջն այսպես վճռեց.

— Լա՛վ: Դե հիմա էլ ի՞նչ երկար-բարակ խոսենք: Դու՛ թե՛ համար, ես՛ ինձ համար:

Մայրիկոն լռեց:

— Այո՛: Ես կովելու չեմ եկել տուն: Հերիք է, մինչև բուկս կովել եմ այնտեղ:

Մայրիկոն աչքերը թացացրեց, բայց լռեց:

Ընկերները մեջ ընկան, խոսեցին մի քանի օր, որ համոզեն Վաչիկին:

— Ամեն բան հաղթեցիր ու հիմա եկար սրան դե՛մ առար, տնա՛շեն, խեղդի՛ր մեզդ, անց կաց, գնա՛, — ասաց ընկերներից մեկը:

Վաչիկը շատ բան էր տեսել պատերազմում, վճռական էր գործել այնտեղ: Հենց թերևս այդ էլ լուծեց խնդիրն անսպասելի կերպով:

— Լավ, համաձայն եմ: Միայն մի պայման, երեխան պիտի գնա մանկատուն ու էլ ոտը չպիտի դնի այս տունը:

— Այդպե՛ս...

— Հա՛, թող կորչի, գնա՛, չերեա՛ աչքիս:

— Վաչիկ... գուցե կմտածես դու... որ...:

— Խնդրում եմ, այլևս ոչ մի խոսք այդ մասին: Համաձայնեցին:

Համաձայնեց նաև Մայրիկոն: Ամուսնու տեսքը, դեմքի սպիները, կրծքանշանը, կենտրոնացած հայացքը շատ բան էին պատմում, թե ինչեր էին տեղի ունեցել այնտեղ, իրադարձությունների ահավոր դաշտերում: Մայրիկոն ուղղակի ճնշվեց ամուսնու առաջ: Կապված էր հետը: Չէր ուզում վշտացնել այդ տարիներ տանջված, պայքարած, հաղթած մարդուն, որը եկել էր տուն և դառնանում էր՝ կորցնելով իր սերը: Մայրիկոն զգում էր ամուսնու վիրավորված սերը, թաքցրած խռովքը, ուղղակի վիշտն այդ սիրո կորստից: Մայրիկոյի զոհը, անշուշտ, մեծ էր և դաժան, բայց պետք էր: Գոնե նա այդպես հաշվեց: Մայրիկոն համաձայնեց. Վաչիկի համար:

Վաչիկը այսպես վերջացնելով պատմությունը՝ հանգստացավ: Հիմա մնում էր գործադրել վճիռը, տանել երեխան մանկատուն: Այդ ևս հոգացին:

Երկու օր հետո, երեկոյան, երբ երեխային պետք է տանեին մանկատուն՝ Վաչիկը կողքի սենյակում, ծոծրակը ափերի մեջ դրած, տախտին մեջքի վրա պառկել, թերևս մոռալ, բայց հանգիստ սպասում էր, որ գործը վերջանա: Գործը՝ այսինքն երեխային մանկատուն տանելը: Մի անախորժ քառորդ ժամ...

Լսվում էր, թե Մայրիկոն ինչպես էր կողքի սենյակում հագցընում երեխային:

— Մամա՛,— լսվեց այնտեղից երեխայի ձայնը,— հիմա որ ես գնամ մանկատուն, էլ տուն չպիտի գա՛մ, չէ՛, մա...

— Ոչ, պիտի մնաս մանկատանը,— պատասխանեց Մայրիկոն ճնշված ձայնով:

Երեխան մի փոքր մտածեց:

— Նրա համար, որ հիմա ես մանկատան տղա եմ դառնում, չէ՛ մա:

— Դու գնում ես մանկատուն, որ խելացի տղա դառնաս:

— Հա, մամա ջան, դու որ ասում ես գնա՛՝ ես էլ կգնամ:

Մի փոքր հետո երեխան հանկարծ մանր քրքջաց. հի՛՛հ հի՛՛, հի՛՛:

— Ի՞նչ է, բալիկ ջան:

— Մամա ջան, մեր փիսիկին չենք կարող մանկատուն տա-

նել, չէ՞, մա ջան: Որ տանեն, կթռչի պահարանի վրա, կգնան որ բռնեն՝ թո՛ղ, կթռչի ներքև, ներքև էլ որ վազեն բռնելու՝ թո՛ղ պատուհանը, ու պատուհանից էլ թը՛ղ փողոց, կվա՛զի, կգատուն, չէ՞ մա ջան:

Մայրիկոն լուռ էր:

— Մամա ջան, ես որ գնամ՝ փիսիկին լավ կնայեք, չէ՞, մա:

— Հա, բալիկս:

— Իմ բաժին հացը նրան տվեք: Թող նա իմ մահճակալին էլ քնի:

Մայրիկոն լուռ էր:

— Փիսիկի համար լավ է, մամա ջան,— ասաց երեխան տխուր ձայնով,— նա երեխա չէ, որ մանկատուն տանեն:

Ու սիրտը վեր քաշեց: Հասկացե՛լ էր իր գլխին կատարվածը, թե՞ հենց այնպես էր խոսում: Բայց մայրը լուռ էր: Եվ երկար ժամանակ չէին խոսում մայր ու երեխա:

Վերջապես լավեց Մայրիկոյի արագ շարժումը:

— Դե՛, բալիկ ջան, գնա՛նք:

Նրա ձայնը թեթև զոզաց:

Երբ Մայրիկոն երեխայի ձեռքը բռնած եկավ Վաչիկի սենյակը, որ դուրս գնա տնից՝ Վաչիկը վեր թռավ տեղից և կանգնեց նրա առջև: Առաջին անգամ ուշադիր նայեց երեխային, որին մինչև այդ չէր նայել համարյա:

Երեխան միամիտ ու անմեղ աչքերը լայն հառեց նրա աչքերին:

— Թո՛ղ,— ասաց Վաչիկը:

— Ի՞նչ ես ուզում,— շոր հարցրեց Մայրիկոն:

— Հարկավոր չի, մի՛ տանի:

— Է՛հ, Վաչիկ,— տխուր հրաժարվեց Մայրիկոն:

— Քեզ բա՛ն եմ ասում, մի՛ տանի:

— Ո՛չ, նա կգնա՛,— հաստատուն շեշտով ասաց Մայրիկոն և քաշեց երեխայի ձեռքը:

Վաչիկը բռնեց Մայրիկոյի թևը, բայց սա ուժգին թափ տվեց և երեխային տարավ:

Երբ վերադարձավ տուն՝ Վաչիկը հուզված անց ու դարձ էր անում սենյակում: Մայրիկոն գնաց իր սենյակը, նստեց պատուհանի մոտ: Եվ երկար ժամանակ մնաց տեղում քարացած:

Վաչիկը գնաց նրա մոտ, կանգնեց դիմացը:

— Ինչո՞ւ տարար, ինչո՞ւ շուգեցիր թողնել,— սկսեց Վաչիկը: Մայրիկոն շպտատախանեց:

— Ես չեմ հասկանում, վիրավորվեցի՞ր:

— Ո՛չ:

— Վիրավորվեցիր, գիտեմ, ասա՛, վիրավորվեցի՞ր:

— Ես չվիրավորվեցի... Նա վիրավորվեց...

Ու արագ թափով Մայրիկոն դեմքը թաքցրեց ափերի մեջ: Երկար ժամանակ, մինչև գիշեր, անց ու դարձ էր անում Վաչիկը սենյակում, կանգնում պատուհանի առջև, ծխում ու մտածում: Հետո վճռական շարժումով մոտեցավ կնոջը և ուսը բռնելով թեթև ցնցեց:

— Վաղը, առավոտ, կգնաս և ետ կբերես երեխային...

ՄԱՐՈՒՅ

Նստած էի ամբուլատորիայի միջանցքում, սպասում էի հերթի։ Միջանցքը ներքնահարկ էր, կիսամութ կամարների էլեկտրական թույլ լույսը լավ չէր լուսավորում։

Երբեմն երկար էի սպասում, կամ լրագիր կարդալով հերթս բաց թողնում։ Լրագիր էի կարդում։ Մեկ էլ զգացի, որ կողքիս մի բան է խլրտում։ Շուտ եկա տեսնեմ՝ մի սիրունիկ, փոքրիկ աղջիկ է՝ խելացի աչքերով։ Նրա գլուխը փաթաթված էր բրդե սպիտակ շալով՝ ծայրերը փորի վրայով մեջքին հանգուտած։ Այսպես նա նման էր մի փոքրիկ կնոջ։

Աղջիկը դեմքն ինձ դարձրեց, ճպճպացրեց խոշոր աչքերը և լայն ու շիտակ հայացքը գամելով՝ աչքերիս՝ մեղմ ու հանգիստ հարցրեց.

- Դի-ա-դիա, դու տիկնիկ ունե՞-ե՞ս։
- Ունեմ,— ասացի։
- Ինձ կտա-ա՞ս։
- Կտամ։
- Ե՞րբ կտաս։
- Վաղը որ գամ՝ կբերեմ։
- Բեր։

Հավատաց որ կբերեմ, և հիմա գոհ նստել կողքիս մտածում է։

Մի քիչ հետո.

- Դի-ա-դիա՞։ Քո տիկնիկի անունն ի՞նչ է։
- Փոփուշ։
- Ազգանո՞ւնը։
- Քուժուղիկյան։— Իսկ քո՞ անունն ինչ է։
- Մարուշ է։
- Հենց ամեն օր էլ Մարո՞ւշ։

— Հի՛, հի՛, հի՛, հի՛,— քրքշում է մանրիկ ատամները աղ-բյաղբի խիճերի պես ցույց տալով և թշկենբում փոսիկներ զցելով։
Մի փոքր հետո կրկին.

— Փոփուշը երգո՞ւմ է։

— Երգում է։

— Այսպե՞ս է երգում։

Փոքրիկը քթի տակ ինչ-որ եղանակ է տղզում կցկտուր ու անհասկանալի։

— Հա, հենց այդպես էլ երգում է։

Լուում է։ Ապրումները հաճելի են. նա գոհ է և քթի տակ մեղմ ժպտում է, ինքն իրեն ինչ-որ փտփտում։ Հետո.

— Քո տիկնիկը կարմիր անկյուն ունի՞։

— Ունի։

— Լենին պապի ունի՞։

Հանկարծ սեղմվում է ինձ և գորովալից ու մեղմաձայն շնչում է.

— Ես շատ եմ սիրում Լենին պապին։ Իմ տիկնիկն է՛լ ունի կարմիր անկյուն,— շնչում է նա և ցույց է տալիս մութ անկյու-նում ինչ-որ մի կարտոնե տուփ, որի վրա փռել է կոնֆետի թղթեր, դրել մի հատ կտորած մատիտ, մի փոքրիկ զրբույկ և վերջապես արկղի մոտ, պատին թիկն տված մի փայտի կտոր՝ կարմիր շոր հազրած։

— Սա՞ ով է,— հարցնում եմ։

— Ընկեր Ամալիկն է։

— Ի՞նչ է անում ընկեր Ամալիկը։

— Սպասում է, որ երեխաները գան մանկապարտեղ՝ խաղացնի։

— Ինչ լա՞վն է ընկեր Ամալիկը։

— Փոփուշին բեր Ամալիկի մանկապարտեղը։

— Կբերեմ։

Նա թռչում է մտքից միտք։

— Դիադիա, Լենին պապին միշտ ինձ է մտիկ տալիս։ Մի՛շտ, մի՛շտ, մի՛շտ։ Ես շուտ եմ գալիս, մտիկ եմ անում՝ ինձ է մտիկ տալիս։ Էլի եմ շուտ գալիս՝ էլի, էլի՛, էլի՛. ամեն օր, ամեն օր, ինչքան օր կա։

Չի կարող գազար տալ իր մտքերին։

— Դի-ա-դիա,— ծովում է դեպի ինձ ու երեսը մոտեցնելով
իմ երեսին՝ շարաճճիորեն ծիծաղում է,— ես տեսել եմ Փոփուշին:

— Տեսե՛լ ես, որտե՛ղ:

— Կինո էր գնում: էնտեղ մեծ, մեծ կինոներ են, շուտ, շուտ,
շուտ վազում են, գնում են, կորչում:

Նա էլի ինչ-որ բաներ է փոփոխում քթի տակ: Արդեն ինքն
իրեն է խոսում՝ ինձ մոռացած կարծես: Բայց ոչ, ամուր կպել է
կողքիս և այդպես լավ է զգում: Մի տեսակ ընկերություն է վայել-
լում: Արդեն ինձ ընդունում է իբրև իր խաղընկերը:

Հանկարծ նա ուժով սեղմվում է ինձ և զուխը դնում թևիս:

— Ես շատ եմ սիրում քեզ:

— Հա՛, շա՛տ ես սիրում, ինչքա՛ն:

— Ամպի շափ:

— Ամպի՛: Ինչո՞ւ ամպի:

— Ամպը շատ է:

— Մի՞թե շատ է:

— Բա՛. շատ է էնքա՛ա՛ն, մեծանո՛ւմ է. մեծանո՛ւմ է,
հետո գնո՛ւմ է, գնո՛ւմ, գնո՛ւմ, ինչքան գնում է՝ չի պրծնում,
ինչքան գնում է՝ չի պրծնում:

— Ինչո՞ւ չի պրծնում, բա որ առաջը մեծ սար լինի՛:

— Չէ՛է՛, դի-ա-դիա՛, քարի վրայից անցնում է, էլի գնում,
գնում, գնո՛ւմ:

— Բա որ առաջը հաստ պատ լինի՛:

— Չէ, չէ, չէ՛, դի-ա-դիա՛, միջից անցնում է, գնո՛ւմ է...

... Ի՞նչ կարող ես առարկել սրա այս «տիեզերական անվեր-
ջությունը»:

Բայց ինձ խորհրդածությունից հանում է քրոջ ձայնը.

— Ընկե՛ր... համեցե՛ք ներս:

Թռչկի մոտից դուրս գալիս տեսնում եմ Մարուշին նստած
նույն տեղը, մտախոհ և հանգիստ:

— է, Մարուշ ջան, ես գնում եմ: Վաղը կգամ և Փոփուշին
կրեբեմ:

— Լավ:

Դրսի ղոնից ներս է գալիս մի հասարակ հագնված փին՝ եր-
կար խոզանակն ու թեփի դուլը ձեռքին: Տեսնելով Մարուշին՝ սուր
նայում է նրան և մոտենում մեզ:

— Ի՞նչ ես անում էստեղ:

— Չե՛ր աղջի՛կն է,— հարցրի ես,— ինձ հետ զրույց էր
անում:

— Ի՛՞ր, սրան որ լսես՝ առավոտից մինչև կեսգիշեր հա՛-
կիսսի, կխոսեցնի: Մանկապարտեզ էր գնում, հիվանդացավ, նոր
է լավացել, տանը մարդ չկա, բերել եմ հետս:

Հետևյալ օրը բարձրանում էի ամբուլատորիա, երբ միտս ըն-
կավ Մարուշի տիկնիկը... Ետ դառնալ խանութները ուշ էր: Փողո-
ցում կոնֆետ առա և մտա ամբուլատորիա: Մարուշը հենց որ ինձ
տեսավ՝ վազեց.

— Բերի՛ր...

— Չբերի, Մարուշ ջան, գնացել էր դպրոց: Վաղը կերեմ:
Ա՛, այս կոնֆետը, Փոփուշն ուղարկեց քեզ:

— Փոփո՛ւշն ուղարկեց: Ասա՛ց որ կգա:

— Այո, այո:

Հետևյալ օրը մի փոքրիկ տիկնիկ գնեցի և նախաձաշակելով
Մարուշի ուրախությունը՝ ներս մտա ծանոթ միջանցքը: Նա դեմ
վազեց, ես տվի տիկնիկը: Նա նայեց և մի տեսակ զարմացած
ասաց.

— Վա՛յ, սա Փոփուշը չի՛...

— Ինչպե՛ս, բալիկ, սա Փոփուշն է: Լա՛վ մտիկ տուր:

Նա կրկին նայեց:

— Չէ՛ է՛, դի-ա-դիա՛, չէ՛ է՛: Ախր Փոփուշի մազերը սև են,
աչքերն էլ կապույտ: Հագինն էլ էսպես չի:

Ես զգացի սխալս: Ախր նա այն օրը, որ հայտնեց, թե տեսել
է Փոփուշին, պետք էր հարցնել տիկնիկի արտաքինը:

— Հաս՛, ճի՛շտ է, ճի՛շտ է, սա Փոփուշը չի, սա Փոփուշի ըն-
կերուհին է, կիլիկը, միասին են գնում մանկապարտեզ:

— Չէ՛ է՛, դի-ա-դիա՛: Սա Ռուզիկն է, գնում է տղաների հետ
ֆուտբոլ է խաղում:

Մարքելուց բան չէր դուրս գա: Պետք էր ստեղծագործել...

— Լսիր, Մարուշ, Փոփուշը սիրում է, լավիկն է, չէ՛:

— Հա ա, հա՛, դի-ա-դիա՛, հենց նա՛ է,— հրճվեց Մարուշը:

— Մանկապարտեզ է գնում, չէ՛:

— Հա, հա՛, գնում է մանկապարտեզ, խաղում է...

— Հա, հա՛, խաղում է, երգում էլ է, «Լենին պապին» է ասում, շէ՛:

— Հա, հա՛, ա՛յ, նա՛ է, դիպրիա:

— Առավոտը վեր է կենում, մաքուր լվացվում է, սանրվում է ու... հա՛, ո՛ւմ հետ է գնում մանկապարտեզ, մոռացա...

— Կիզա տյոտայի ու նրա աղջկա հետ:

— ... Ճիշտ է, Կիզա տյոտայի ու աղջկա հետ: Հետո՛ պարում է, շատ ուրախ է, լաց չի լինում, միշտ վազվզում է: Բերե՛մ նրան Ամալիկի մանկապարտեզ: Հա՛:

— Հա՛, դիպրիա՛, բե՛ր, բե՛ր... Ուրիշ տիկնիկներ էլ բեր, որ ընկեր Ամալիկը խաղացնի, նստեցնի մանկական երկաթուղի, տանի է՛յ հեռո՛ւ, հեռո՛ւ... էնտեղ ծաղիկներ կան, թռչուններ, ուրիշ քաղաքներ, երեխանե՛ր...

Մենք բաժանվում ենք: Ի՛նչ հրաշալի ծաղիկ է փթթում այս փոքրիկ, անշուք միջանցքում:

ԼԻՋՈՉԿԱ

Նամակ պետք է տայի մի բարեկամիս, որ հետևյալ օրը առավոտը շատ վաղ թռչելու էր քաղաքից Մոսկվա: Ուստի շնայած, որ երեկոյան ինն էր ժամի, գնացի նրա բնակարանը: Կինը՝ Մարուսյան էր միայն տանը: Դա մի խաժակնյա, բարձրահասակ, գեղեցիկ ուկրաինուհի էր: Մոտ բարեկամներ էինք նրա հետ, ուրախացավ այցելելուս համար:

Ջարմանալի կին էր, շնայած արտաքին գեղեցկության՝ ավելի գրավիչը նրա անչափ գեղեցիկ բնավորությունն էր: Ընկերս ճակատում եղած ժամանակ, Ուկրաինայում, ինչ-որ մի տեղ ամուսնացել էր հետը, մի արձակուրդի ժամանակ նրան բերել էր Երեվան և տեղավորել ժամանակավոր մի բնակարանում:

Նրան ցնցել էր մի սոսկալի դեպք: Էվակուացիայի ժամանակ, երբ ֆաշիստական ուժերը ջարդել էր նրանց վագոնը, իր շորս տարեկան աղջիկը ընկել էր անիվների տակ... Խենթացած, խորտակված, մի կերպ թաղել էր զոհին, և հետո էլ թիկունքում լսել էր նաև իր նախկին ամուսնու զոհվելը:

Նոր ամուսինը շատ էր մտահոգված եղել, որ նա որևէ աշխատանքի մտնի, զբաղվի, մոռանա վիշտը: Բայց խեղճ կինը նյարդային էր դառել այն աստիճան, որ բարվոք էին համարել առայժմ տանը պահել նրան:

Երբ մտա սեղանատուն, տեսա նրա որդնգրած տասնամյա աղջկան, որ սեղանի մոտ նստած կարդում էր:

— Ա՛, Կի՛զուկա, բարև,— ասացի ես և մոտեցա աղջկան:

Նա մեղմաժպիտ վեր կացավ, բարևեց և գրկեց ինձ: Մենք լավ էինք մտերմացել: Նա խոսեցրի նրան: Հիմա նա սովորում է և գերազանցիկ է:

— Շա՛տ ես կարդում, Կիզուկա,— հարցրի ես:

— Այո:

— 'Իսսերին չի' խանգարում:

— Ոչ:

Ես շոյեցի նրա գլուխը և թողի իր գրքի հետ:

Նա շարունակեց կարդալը, բայց մի անգամ էլ վեր նայեց, հայացքն ուղղեց ինձ, խորազնին, երկար նայեց աչքերիս մեջ: Չգիտեմ թախ՛ած ասեմ, կասկա՛ծ, խորթությո՛ւն... մի ինչ-որ բան կար նրա հայացքի մեջ:

Եվ դա միայն այդ երեկո չէր:

— Դե՛, կիզոչկա, ժամի ինն է: Գնա քնի՛ր,— ասաց մայրը նրան:

— Մա՛մա...

— Ո՛չ, ս՛չ, ե՛կ համբուրեմ, գնա քնի՛ր: Չի կարելի ավելի:

Կիզոչկան մտեցավ մորը, որը համբուրեց նրան, ինքն էլ մորը, և լուրջ, մտախոհ գնաց ննջարան: Ես նկատեցի, որ նա գտնդաղ գնաց, սորը կախ գցելով: Չէր ուզում:

— Շա՛տ է կարգում կիզոչկան,— ծոր տվեց մի տեսակ մտախոհ Մարուսյան, կարծես մի հիվանդության մասին լինեք խոսելիս:

— Ի՛նչ է, վա՛տ է, որ կարդում է,— հարցրի ես:

— Չեմ կարող ասել վատ է,— պատասխանեց Մարուսյան մի փոքր գանգաղ ու մտածելով,— բայց ախր նա չի կարդում իսկապես:

— Հապա ի՛նչ է անում:

— Մտածում է:— Այո, կարգում և մտածում է: Եթե ես չխանգարեմ, կնստի ժամերով, կընկնի խոհերի աշխարհը:

— Իսկ ի՛նչ է մտածում ձեր կարծիքով:

— Ա՛, սիրելի բարեկա՛մա...

Մարուսյան հառաչեց և լռեց: Ես սպասեցի, որ նա մի բան կասի այդ մասին: Բայց նա չգիտեմ ուղեց խուսափե՛լ, թե՛ նոր բան մտաբերելով՝ մոռացավ՝ ասաց:

— Գիտեք, ես այսօր ստորագրեցի Ստոքհոլմյան խաղաղության կոչի տակ:

Նա ասաց այդ մի տեսակ տարօրինակ հանգիստություններով և այնպիսի տոնով, կարծես ես էլ նույնը չէի արել, և կամ դա մի առանձին հազվագեղ բան լինեք նրա կյանքի մեջ:

— Հը՛մ,— ասացի ես համարյա մեքենաբար:

Ստոքհոլմյան կոչի տակ ստորագրելը սովետական մարդկանց համար որքան մեծանշանակ, նույնքան և հասկանալի, սովորական բան է, որ մտածելի թե ի՛նչ զարմանալի բան կար այստեղ: Դա ոչ զարմանալու, ոչ առանձնապես շեշտելու, և ոչ էլ իբրև մեծ նորություն հաղորդելու դեպք էր:

Մարուսյան, սակայն, ինչ-որ մտքերի հետ էր: Նայում էր հեռուն, պատուհանից դուրս: Նա կրկին նայեց ինձ և դեմքը ցնցելով, այս անգամ առանձին շեշտով և հուզված կրկնեց.

— Այո՛, ես ստորագրեցի Ստոքհոլմյան կոչի տակ:

— Ասել է՞ չեք ուզում պատերազմ, էլի՞,— կատակեցի ես, կրկին նշանակություն շտալով նրա առածին:

— Պատերա՞զմ... — լուրջ ընդունելով հարցս՝ առանձին հանգստությամբ նայեց ինձ Մարուսյան,— պատերա՞զմ... Գիտե՞ք, եթե մի մարդու իրավունքը միայն մի ստորագրությունը չլինեք, այլ որքան որ նա կկամենար, ես կգնայի, կընկնեի աշխարհ-աշխարհ, կստորագրեի բոլոր մարդկանց տեղ, որ պատերազմ չլինի: Որ ձեռք շտան երեխաներին... Օ՛, այդ երեխաներին...

— Երեխաների՞ն:

— Գիտե՞ք, պատերազմի մեջ ես ամենից շատ սարսափում եմ երեխաների համար:

— Հա, իհարկե:

— Ամենից շատ երեխաների՞ համար, օ՛, ամենից շատ երեխաների՞...

— Հասկանալի է...

— Ո՛չ, պետք է լինեք, որ զգաք, հասկանաք,— և Մարուսյան սարսափով նայում է ինձ:

Ես հասկացա, որ նրան ինչ-որ մի կոշմար է հետևում: Նա չի կարողանում հանգիստ խոսել այդ մասին:

Ես կամեցա խոսքը դարձնել ուրիշ կողմ:

— Հասկանում եմ, երեխաների գործը դժվար է,— ասացի ես,— որքան էլ որ ծնողազուրկ երեխաներին ապահովում են պետությունը և բարի մարդիկ...

— «Երեխաներին ապահովո՞ւմ են»: Իհարկե ապահովում են, բայց թե ինչեր է անում պատերազմը երեխաների հե՛տ...

— Այո, իհարկե... Բայց ձեր երեխան շատ բախտավոր եղավ, ինչպես տ'սնում եմ,— ասացի ես:

Մարուսյան լռեց:

Բայց նա խորապես հուզված էր: Նա վեր նայեց անհանգիստ, վրդովված և մի տեսակ բողոքող ու խեղդված ձայնով ասաց.

— Օ՛, մի՛ ասեք, բարեկամս. սա ինձ այնքա՛ն թանկ է նրստել... սա ինձ... Բայց լավ է պատմեմ... Լիզոչկան փոքր էր, շորս տարեկան, երբ նրան որդեգրեցինք այստեղ, Երևանում: Նրան բերել էին Ուկրաինայից, էվակուացրած երեխաների հետ: Ամուսինս առաջին օրվանից սկսել էր մտածել իմ մասին, թե ինչպես պետք է մենակ անցկացնեմ կյանքս Երևանում: Ինքը, ինչպես ասացի, եկել էր արձակուրդով և ինձ բերել այստեղ: Ճիշտ է, մեզ բնակարան տվին մի հայ դերասանի սենյակներից երկուսի մեջ, և դերասանը ինքը գնացել էր զինվորական հիմնարկ խնդրել, որ եթե այետք է խտացնեն իր բնակարանը, թույլ տան, որ ի՛նքը ընտրի իր կենդանիներին: Թույլ էին տվել և նա մեզ ընտրեց ու ամուսնուս հետ շատ խաղաղ ապրում էինք նրա բնակարանում:

Գերասանն իր կնոջ հետ շատ բարի, հանգիստ և կրթված մարդիկ դուրս եկան, և ես, ճիշտն ասած, բոլորովին էլ մենակ չէի, բայց ամուսինս մտածում էր մի բանով ինձ զբաղեցնել տար Մտածեցինք, որ լավ կլինի մի որդեգրուհի վերցնենք էվակուացված մանկատանից: Այդպես էլ արինք: Գնացինք մանկատուն, ընտրեցինք երեխային, եկանք տուն: Ծն հետևյալ օրը գնացի մանկատուն և վարիչին խնդրեցի, որ մեր ընտրած փոքրիկ աղջկան մի երկու շաբաթ առաջ նախապատրաստեն, որ իր մայրը պիտի գա. թող սպասի, տրամադրվի:

Երկու շաբաթ ես նրա հաղուստներն էի կարում, անկողինը, խաղալիքները պատրաստում: Որոշեցի նվերս — առաջին տեսակցության պահին՝ մի խայտաճամուկ, սիրունիկ տիկնիկ և կոնֆետներ:

Գնալուս օրը ուղղակի դողում էի: Ծն ևս տրամադրվել էի Կարծես իրոք իմ հարազատ աղջկան պիտի տեսնեի: Երբ ներս մտա վարիչի կաբինետը, նա որոշեց, որ երեխային կբերի ընդունարան, կասի. «մաման եկավ»: Այդ բոպին ես ներս կմտնեմ և կհանդիպեմ «իմ աղջկան»:

Այդպես էլ արինք:

Երբ ներս մտա ընդունարան և տեսա «աղջկաս» քույրերից մեկի ձեռքը բռնած ներս մտնելիս՝ «բալիկս» ասացի ես և գորովագին գրկեցի նրան: Աղջիկը իսկույն կպավ կրծքիս: Հավատացնում եմ ձեզ, ես իսկույն մայր դառա այդ բոպին: Համբուրո՞ւմ եմ, սեղմո՞ւմ կրծքիս, սիրո՞ւմ, փայփայո՞ւմ...

Տվի նվերներս, աչքերը փայլեցին...

Մնացի մի ժամի շափ, ու մինչ գրասենյակում ձևակերպում էին պաշտոնական գրությունները՝ երեխան ինձ հանձնելու մասին՝ ես սկսեցի աննկատելի կերպով հասկացնել փոքրիկին, որ պիտի գնանք տուն:

Դժվարություն չեղավ: Արդեն երեխային նախապատրաստել էին, որ մաման պիտի գա և իրեն վերցնի տանի տուն:

— Ուզո՞ւմ ես տուն գնանք, ջանիկս,— հարցրի նրան,— թե՛ ուզում ես մնալ այստեղ:

— Ուզում եմ գնալ տուն,— ասաց նա և կրկին գրկեց ինձ:

Բերի տուն, երեկոյան թեյ տվի, կերակրեցի և տարա իր մահճակալը պառկեցրի: Քնեց հանգիստ: Առավոտյան վարթնեց և առաջին խոսքն էր՝ մամա: Իմ էլ առաջին խոսքն եղավ՝ ի՞նչ է, ջանիկս: Շատ ջերմացնում էր ինձ այդ «մամա» բառը, իմ «ջանիկս» ասելը:

Ծն մտածում էի, թե նման դեպքերում դժվարն իմ կողմից պետք է լիներ, և շատ ուրախացա, որ այդ դժվարությունը չզգացի, որ այդպես շուտ ընտելացա, դառա «մամա»: Հավատացնում եմ ձեզ, երբեմն ինձ թվում էր, թե իսկական հարազատությունը նախապաշարմունք է: Հարազատանում ես օտար մարդու հետ, ամուսին ես դառնում և նրան կորցնելիս քիչ է մնում խելքը կորցնես: Իսկ ինչո՞ւ օտար երեխան չի կարող հարազատանալ:— Ոչ, ուրախ էի, կասեմ ուղղակի, երջանիկ:

Միաժամանակ էլ ուրախ էի, որ երեխան այդքան մտերմացավ, մոտեցավ ինձ, ընդունում էր իբրև հարազատ մոր, որին կորցրել էր և հիմա գտնելով նույնպես երջանիկ էր:

Երեխան շատ սիրեց ինձ, շատ կապվեց: Լավ է — խնդիրը լուծվեց:

Մի օր կար էի անում մեքենայով: Լիզոչկան եկավ կանգնեց մոտս, սկսեց հետևել: Պետք է ասեմ, որ նա ունեք այդ սովորու-

թյունը՝ մոտենալ, նստել մոտս և երկար հետևել, թե ինչ եմ անում:

Ես դրա մեջ ոչինչ չէի տեսնում: Բայց ինչպես երևում է դա ուրիշ դրդումից էր: Երեխան նստեց, սկսեց նայել ինձ, նայել երկար, տարված: Ամենից շատ նայում էր ձեռքիս:

Մի րոպե դադարեցրի մեքենան:

— Մամա,— դիմեց ինձ կիզոչկան:

— Ի՞նչ է, ջանի՛կս:

— Մամա, ինչո՞ւ քո ձեռքերը սև են:

— Դե, այդպես է, կիզոչկա, ի՞նչ կա որ:

— Ախր ինչո՞ւ են սև: Չէ՞ որ քո ձեռքերը սպիտակ էին այն ժամանակ:

Մտածեցի՝ երևի մանկատունն զնացած ժամանակ:

— Այն ժամանակ երևի գործ չէի արել, դրա համար էլ սպիտակ էին,— ասացի ես և շարունակեցի կարելը:

Կիզոչկան ձայն չհանեց: Եվ այս էպիզոդը շատ էլ չզգրավեց ուշադրությունս:

Անգամ մոռացա:

Բայց մի ուրիշ անգամ, երբ ես կիզոչկային հեքիաթ էի պատմում և ինձ թվում էր, թե նա ինձ ուշադիր լսում է՝ նկատեցի, որ նա շարունակ նայում է աչքերիս և ուրիշ բան է մտածում:

— Մամա՛:

— Ի՞նչ է, բալիկս:

— Մամա՛, ախր քո աչքերը սև էին, ինչո՞ւ են հիմա կապույտ դառել:

Իսկույն հանգստացրի:

— Չէ՛, ջանի՛կս, իմ աչքերը միշտ էլ կապույտ են եղել, սև չեն եղել:

Կիզոչկան լոնց, կարծես համոզվեց: Բայց դեռ երկար ժամանակ լուռ նայում էր ինձ: Հեքիաթը մոռացել էր, շխնդրեց շարունակել: Ես չգիտեմ ինչու մի տեսակ անախորժությունն զգացի և էլ շարունակեցի:

Ես սկսեցի մտահոգվել: Ուրեմն երեխան դեռ չի ընկալել իր հոգում իր «մորը»: Անշուշտ, ինձ շփոթում է ուրիշ մի կնոջ հետ, որին կարծես է կամ ասել են, որ իր մայրն է:

Բավական անորոշ, կասեմ տխուր մի բան զգացի: Ա՛յ բե՛

բախտ. երեխա եմ վերցրել, որդեգրել, ուզում եմ մայր դառնալ, երեխան չի կարողանում հարազատանալ:

Ես սկսեցի մեղմ ու հանգիստ համոզել նրան, որ ես ուրիշների նման չեմ կարող լինել, որ ես միշտ այդպես եմ եղել:

— Հիմա հասկացա՞ր, հոգիս, դու սխալվել ես: Քո մաման ինչպե՞ս կարող է սև աչքեր ունենալ: Տե՛ս, կապույտ են նրանք և կապույտ էլ կմնան մի՛շտ, մի՛շտ, մի՛շտ...

Ասում եմ, գրկում նրան, համբուրում, լաց լինում...

Նա էլ կպավ կրծքիս և սկսեց համբուրել: Բայց զգում եմ, որ ուրիշ տեսակ է համբուրում ինչպե՞ս ասեմ, վախեցած, կրքով, ուժով: Կարծես վախենում էր, որ ես փախչեմ, շլինեմ, կորցնի ինձ, կարծես իրենից փախչում է մի բան, կարծես նա իրեն ուզում է մի բան համոզել:

Մի անգամ էլ, երբ նստած նայում էր ինձ,— ա՛խ, այդ ջարտնակ նայելը, որ այնքան տանջում էր և տանջում է ինձ... — հանկարծ ասում է.

— Մամա՛, ախր դու մեռած էիր, ինչպե՞ս վեր կացար եկար:

Ես մեռա՞ծ... ցնցվեցի: Կասկած չկար, որ երեխան ինչ-որ իրական բան ասաց: Դեռ ուշքի չեկած՝ ես իսկույն վրա բերի:

— Բալիկ ջան, ես մեռած չեմ եղել... մեռածը չի վեր կենա, գա և...

— Չէ՛, մամա՛, ֆաշիստները քեզ սպանեցի՛ն... Շուրջդ արյուն էր... ես շատ լաց եղա...

Տեղումս քարացա մնացի:— Ուրեմն ինչպե՞ս էր եղել՝ տպավորվել էր երեխայի մեջ սպանված մոր կերպարանքը... Ահա՛ թե որտեղից էր ձեռքերի սպիտակութունը, աչքերի սևութունը: Եվ ինչպե՞ս չեմ մտածել առաջուց, որ կարող են այդպիսի բաներ լինել: Բայց և ինչպե՞ս մտածեի:

Ես շփոթված էի. խոսք չկարողացա ասել, լռօցի և կարծես լավ արի: Նա ևս լոնց, և կարծես այդպես լավ եղավ:

Դրանից հետո ամիսներ անցան, և ես թեև զարմացած էլ էի, բայց հանգստացա մի փոքր, թե փորձությունն անցավ: Մենք լուռ էինք: Մի անգամ միայն, երբ նա կրկին խոսեց այդ մասին, պնդեց, որ ես էի սպանված մայրը՝ ես վճռական ասացի:

— Կիզոչկա, ես չէի այն մեռածը:

— Չէ՛, դո՛ւ էիր, մա՛մա,— ասաց և հանկարծ ու խոր նայեց ինձ:

Ես սարսափով կասկածեցի, որ նա «ետ քաշվեց», կարծես մտավ մի թանձր պատյանի մեջ ու լռեց: Եվ այդ լուռությունը եղավ իմ մեծ սխալմունքի պատիժն ու տանջանքը հետագայում: Ամեն մի նոր խոսք նոր կասկածի կամ համոզվելու առիթ պիտի լիներ:

— Բայց և այնպես հարցուսիրձով հետո բան չկարողացա՞ք իմանալ,— հարցրի ես:

— Օ՛, մի՛ ասեք,— ինչ որ անհասկանալի նյարդային խրատությունք ասաց Մարուսյան,— հենց այնուհետև էր, որ սկսվեց իմ տրագեդիան: Ես բնազդով կառչել էի լուռության: Ի՞նչ միտք ունենր խոսեցնելը: Ամեն նոր խոսք պիտի նշանակեր ավելի լայն պատռել արդեն ճեղքված վարագույրը: Ես զգացի, որ նրա մեջ տեղի է ունենում գուցե և իր համար անհասկանալի՝ դաժան աշխատանք: Ինձ թվաց, թե նա սկսեց ինչ-որ բան գլխի ընկնել, բայց չէր կարողանում: Եվ հիմա, այս րոպեիս ի՞նչ է ապրում նա Ընդունո՞ւմ է ինձ իբրև իր մայրը...

Վերջին խոսքը նա մրմնջաց ինքն իրեն:

— Ամենածանրը ինձ համար նրա լուռությունն է: Այն օրից, երբ ինձ հարցումներ էր ուղղում, լավ էր, քանի որ ես էլ պատասխանում էի: Բայց հանկարծ դադարեց և մեր մեջ սկսվեց այս ծանր լուռությունը: Ես լուռում էի և հիմա էլ լուռում եմ երկյուղից, որ կբանամ հանկարծ նրա հոգում թաքնված գաղտնիքը, և գուցե նա էլ է լուռում հենց նույն պատճառով:

— Երեխան ապրում է սիրելիս,— շարունակեց Մարուսյան ինքն իր հետ մտքում խոսելուց հետո,— նա ուժեղ պատկերներ ունի իր մանկական մատղաշ հոգու մեջ, ինչ ուզում ես՝ արա: Այո՛, այո՛, նա իր ներքին կյանքն ունի, խորհում է, իսկ մենք անցնում ենք կողքից:

— Ես խուսափում եմ և զգում եմ, որ նա ևս խուսափում է Ինչո՛ւ: Գուցե վախենում է, որ կորցնի ինձ... կամ խնայում է ինձ... Այս տրավման, կոտրվածքը, որ կա նրա հոգու մեջ, այս անհանդիստ միտքը, որ խլրտում է նա փոքրիկ ու թույլ բանակալույթյան մեջ...

Ես սրտնեղեցի:

— Է՛է՛է՛, թողե՛ք, Մարուսյա,— գռչեցի ես,— ի՞նչ եք փոր-

փրբում, քրքրում, վշտեր հնարում ձեզ համար: Պետություն կա, հասարակություն կա: Սրան կմեծացնեն, կյանք կմտցնեն, գործել կտան, կերջանկացնեն, շատ բաներ կամ հենց բոլորը մոռանալ կտան: Կիզուկան կարող է թերևս ամենաերջանիկ կինը դառնալ:

— Գիտե՛մ, գիտե՛մ,— ասաց Մարուսյան,— դիտե՛մ այդ բոլորը,— բայց հասկացե՛ք ինձ... Ի՛նձ...

— Չեզ. դո՛ւք:— Նա սիրում է ձեզ...

— Ես հիմա չգիտեմ ինչ է ապրում նա իր հոգում. բնորոնո՞ւմ է ինձ իբրև իր հարապատ մայրը: Չգիտեմ... կամ գուցե գիտեմ,— մրմնջաց Մարուսյան ինքն իրեն,— նա սիրում է ինձ, բայց... իբրև ո՞ւմ...

— Իսկ դուք ի՞նչ էիք կամենում:

Արցունքը կայլակեց նրա կուպերի տակ:

— Կարծում եք կոտրվածքը միայն նրա՞ հոգու մեջ է,— և Մարուսյան այնպիսի մեծ վշտով նայեց ինձ, որից ես դաջցի արդեն իսկական կոտրվածքը նրա հոգում: (Ձոհված աղջիկը, և ինչպես իմ միտքը շարունակ այս աղջկա կողմն էր...):

— Ես ուզում եմ իսկական մայր լինել... Իհարկե մենք իրար սիրում ենք... — սկսեց ինքն իրեն շնջալ Մարուսյան:

Հանկարծ ընդոստ վեր կացավ:

— Այո՛, սիրում եմ սրան, գուրգուրում, զբաղեցնում, ուրախացնում: Թող մոռանա՛ եթե հիշում է, չգիտենա՛ եթե կատարվել է: Այժմ ես եմ նրա մայրը, հասարակությունը, պետությունը: Այո, բայց շատ էլ, շատ էլ: Ի՞նչ է, դուք պատրաստվում եք նորից որո՞ւմ հավաքել, մայրեր «ստեղծել»: Ինչո՛ւ պետք է անպատճառ վերքեր ստանալ, որպեսզի հետո էլ բուժենք: Ասացեք ինչո՛ւ, ինչո՞ւ... Պետությունը: Այո՛, պետությունը կանի, ավելի մեծ բաներ էլ կանի: Բայց շատ է՛լ:— Մենք ամեն արգելքներ խորտակում ենք, այո՛: Բայց ինչացո՛ւ են այդ արգելքները:— Ո՛չ: Պատերազմ չպե՛տք է լինի: Ազատեցե՛ք մեր մանուկներին ու մայրերին պատերազմից: Նրանք պատերազմ չպե՛տք է տեսնեն... Եվ վե՛րջ:

ՔԵՓՔԸՆ

Նրանի արվարձաններից մեկի՝ Արաբկիրի ցածրիկ երկսնյականոց տնակից դուրս եկավ մոտ վաթսունհինգամյա մի ծեր մարդ և կանգ առավ դռանը:

Չնայած տարիքին, պնդակազմ էր նա, կեցվածքը ձիգ, ինչպես լինում են հին զինվորականները, բանվորներից շատերը, ֆիզիկական աշխատանքով ապրածները:

Հայացքը հրամայական շեշտ ուներ և առաջին խոսք վայրկյանից լարում էր մարդու, թերևս վաճում: Անբարյացակամ էր թվում այդ հայացքը:

Նա Հայաստան էր վերադարձել մի քանի տարի առաջ ու վերջնականապես պինդ հաստատվել էր Նրևանի այս արվարձանում, իր սեփական տան մեջ: Արևմտահայ էր, գյուղացի, հետագայում բանվոր՝ եվրոպական շատ երկրներում և Ամերիկայում: Փող կուտակելը ատել էր ողջ կյանքում: Բայց իր բնավորության հակառակ՝ բանվորական աշխատանքի վերջին տարիներին խնայողություն արեց, լսելով որ հայրենադարձություն կարող էր լինել: Իր այս տունը նա շինեց խնայած դրամով, ուղղակի խնդրելով թույլատրել իրեն, որ «նեղություն չպատճառի պետության» այդ համարելով «իր հատուկ պարտականությունը և խոնարհությունը սիրեցյալ կառավարության առաջ»:

Ապրում էր մեծակ, ուներ իր մշտական գրքերը, որ կարդում էր կրկին ու կրկին, բայց անհաղորդակից չէր, գնում էր հարևանների մոտ, ընդունում էր նրանց իր մոտ:

Իր հետ Հայրենիք եկած երիտասարդ Ատամը քաղաքի գործարաններից մեկում անվանի փականագործ դառավ: Երեք այլ երիտասարդ հարևաններ շոֆեր էին քաղաքի հիմնարկներում, մի ուրիշը ատաղձագործ էր և սրանց երեսը նա հազիվ էր տեսնում նույնիսկ հանգստյան օրերին:

Իր շրջապատում կային նաև իրեն հասակակից, իրենից մի փոքր ավելի պակաս տարիքի հայրենադարձներ, որոնք չէին աշխատում կամ երբեմն էին աշխատում: Նրանց հետ էր ավելի շատ հաղորդակցում, զրուցում: Այդ զրույցների նյութը մեծ մասով վերաբերում էր այն պահանջին, որ միշտ դնում էր Քեփթընը՝ (նրա մականունը) արժանավայել պահել իրեն Հայրենիքում:

Ընդհանրապես նա մռայլ էր և սակավախոս. լսում էր ավելի, եթե հետաքրքրական բան պատմեին, բայց միշտ իր մտքի հետ էր:

Նրա հայրենակիցներից շատերը գիտեին այն անհանգիստ, աստանդական կյանքը, որ նա վարել էր օտար երկրներում: Ո՛ւր ասես չէր աշխատել, մտել բանվորական կազմակերպությունների մեջ, պայթարել, ցույցերի մասնակցել, ծեծվել և անգամ ծեծել:

Բայց մի շրջան էլ եղավ, որ նա իրեն տվեց զինվորական գործի, որի ոչ սերն ուներ և ոչ էլ երբևէ մտքովը կանցներ, որ պիտի զինվորական դառնա: Եվ իսկական զինվորական էլ չէր: Խաղաղ ժամանակները դուրս էր գալիս բանակից, և ապրում էր բանվորությամբ: Նա բանակ էր մտնում միայն այն ժամանակ, երբ որևէ պետություն պատերազմ էր մղում թուրքերի դեմ: Դա իր կիրքն էր և կյանքի գործը: Նա սկզբներում կապիտանի աստիճան ուներ, բայց հետո էլ, երբ այդ աստիճանը բարձրացավ, նրան շարունակեցին անվանել կապիտան-Քեփթըն: Այդպես կոչում էին մի փոքր հումորով նրան լավ ճանաչողները, նեղ շրջանի մտերիմները: Դա մի ներողամիտ ժպիտ էր նրա անզուսպ մղումների հանդեպ, որով նա այնքան տարիներ բարեխղճորեն մասնակցում էր «հատուկ» պատերազմների թուրքերի դեմ: Քեփթընը այսպիսով մի տեսակ կատակ մականուն էր դառել նրա համար: Սակայն կատակը երևութական էր: Ներքուստ դա նրա տրագիկական պատմությունն էր. պատմություն, որ նրա անցյալ կյանքի վրա շարաշուք մի գիծ էր քաշել և այդ բառով նշավակում էր նրան — այդ ժառանգով գյուղացի, հետագայում անհանգիստ բանվոր մարդուն: Նա մասնակցել է երկար պատերազմների, որոնցից մնացին միայն տխուր հիշողություններ, ավերված, ցրված, մարդահանված մի հայրենիք, նրա մոխիրը, մի խոշտանգված ժողովուրդ և այդ ամենը հիշեցնող իր քաղաքործությունները, շքանշաններ՝ ամերիկյան, բուլղարական, հունական, անգլիական և վերջապես ուս-

սական, վերջինից երեք խաչեր, այսինքն՝ լրիվ կավալերո Եվ այդ բուրբից անգլիական մականունը՝ Քեֆթըն...

Վերջին պատերազմը նրա համար իր վերջին պատերազմն եղավ. ռուս-տաճկական սահմանի վրա, որ նրա առջև բացեց մի սև, ահավոր անդունդ, ուր գահավիժվեց նրա ժողովուրդը և նա ընկրկեց սարսափով, ետ դարձավ պատերազմից ավելի ճիշտը՝ պատերազմներից:

Սովորապես խստականոն մարդ, սկզբունքի անդիմադրելի պաշտպան՝ նա կիրթ շարժումով, մեկընդմիջտ, անխախտ ընդունեց, համակրեց սովետական կարգերի սկզբունքը և այդպես էլ մնաց, կանգ առավ դրա վրա վերջնականապես:

Անդիմադրելի հայրենասիրություն և ինչ-որ ումանտիզմ կար այդ սկզբունքային մարդու մեջ: Ամենքին հայտնի էր նրա համոզմունքն ու հաստատուն համակրանքը դեպի սովետական սկզբունքը, որով նա եկավ ու վերջնական բնակություն հաստատեց Հայաստանում: Եվ այստեղ սկսվեց մի նոր պատմություն նրա համար: Մինչ հարևանները, նրա մի քանի հարազատ բարեկամները թողին Հայրենիք մուտք գործած օրերի արտակարգ հուզմունքն ու հանդիսավորությունը և լիովին թաղվեցին իրենց առօրյա հոգսերի մեջ, մի-մի զբաղմունք գտան իրենց համար՝ Քեֆթընը շարունակեց պահել այն բարձր, առնական տրամադրությունը, որով մտել էր Երևան և սկսեց զբաղվել... Հայրենիքով, ինչպես գործ, ինչպես ուրիշները լրագրի խմբագրությամբ, հաշվապահությամբ, ուսուցչությամբ, դեղագործությամբ... Եվ բոլորովին գործ չէր հաշվում իր փոքրիկ պարտեզի մշակումը, որ ջանքով առաջ էր տանում, խնամելով հարյուրներով տնկիներ, տալիս արվարձանի բնակիչներին նվեր, կամ փականագործական օգնություն հասցնում շարունակ սրան-նրան:

Նրա տնակի դիրքը իր ընտրած հողամասում այնպես էր, որ այնտեղից երևում էր Երևանի մեծ մասը նրա արվարձաններով՝ Արարատյան դաշտավայրը: Մասիսները և ավելի հեռուները կնատեր դռան առջևի քարին, որ մի խոշոր բազալտ էր, իր նման կարծր ու հաստատ, որի վրա նստելով՝ հայացքը կուղղեր դեպի քաղաքը ու կնայեր ժամերով: Նրա հայացքը անշարժ էր, բայց մի ինչ-որ տրագիկ խաճով լի: Նա բարկացած էր թվում միշտ և երե-

վում էր, որ դեռ վերապրում է մի մեծ տրագիկա, չի կարողանում մոռանալ մի այրող միտք:

Ի՞նչ էր որոնում այնտեղ, ի՞նչ էր խորհում: Թվում էր, որ նա պետք է ուրախ լիներ տեսնելով, թե ինչպես է զարդարվում քաղաքը թանգարանի պես, տարածվում դեպի բլուրներն ու դուրս թափվում դրանցից:

Երեկոները, երբ ներս էին մտնում նրա մոտ հարևանները, բարեկամները միշտ տեսնում էին նրան լրագրի որևէ համարով տարված լուռ, երկար կարդալիս:

Թե ինչ էր մտքում որոճում, այդքան մտասույզ կարդալով՝ կարելի էր միայն կուսհել. բայց հատկապես ինչու էին դրանք այդքան շատ զբաղեցնում, գրավում նրան՝ լավ չէր հասկացվում: Իսկ եթե պատահեր, որ այցելուները հարց տային ընթերցածի մասին, Քեֆթընը կսկսեր սովետական երկրի և արտաքին աշխարհի մասին հեղինակավոր բացատրություններ տալ այնպիսի արժանապատվությամբ ու գերագույն լրջությամբ, կարծես պրեսկոնֆերանսում նստած լիներ: Այդ բացատրությունները կրթոտ էին, և նա ոչ մի հակաճառություն, քննադատություն չէր ընդունում:

Ոչ մի դեպքում, ոչ մի տեղ, ոչ ոքի չէր գիշում իր սկզբունքների համառ պաշտպանություն մեջ: Ոչ մի բանից տրտունջ թույլ չէր տալիս: Բարկանում էր ամենափոքր գանգատից և զայրանում էր գանգատավորի վրա: Այստեղ արդեն բանը հասցնում էր մինչև զվարճալիության: Համառ, բայց և մի յուրահատուկ կարծրություն ուներ իր այդ սկզբունքների ընկալման և պաշտպանության մեջ:

Եվ այս բանում շատերը, որ նրա հետ էին վերադարձել Հայրենիք, գիտենալով նրա բնավորությունը՝ ջանում էին նրա մոտ չգանգատվել որևէ թերությունից:

Ամենքն արդեն սովոր էին Քեֆթընի սովետական կարգերի պաշտպանության այս ոճին, որ հասնում էր մոլեգին կրքի: Չէր հասկացվում միայն նրա ալեկոծող այդ կիրքն ու համառությունը: Այստեղ արդեն խոսում էր խստականոն գինավորական բնավորությունը, որ կոտորել անհնարին էր:

Քեֆթընի լուրջ զբաղմունքների մեջ էր մտնում շուտ-շուտ քաղաք իշները և շրջելը նրա հրապարակներում, պողոտաներում, դիտել կառուցումները: Այնպես էր զննում շենքերը, նորակա-

ոււյցները, շինանյութերը, կարծես ինչ-որ մի էքսպերտ հանձնա-
ժողովի նախագահ լինելու և պատրաստվում էր սպառել զեկուցում
տալ քննած նյութի մասին: Երկար շրջելուց հետո կգար կպատ-
մներ հարևաններին այնպիսի կառուցումների, փողոցների մասին,
որոնցից ոչ մեկի մասին իր հարևանները բոլորովին տեղյակ չէին:

— Հրապարակի անկյունները աղեկ կգոցվին, միայն որձա-
քարը պիտի ուշացնե գործը, հազիվ թե հոկտեմբերին հանձնեն,—
կասեր նա հեղինակավոր կերպով, կարծես շափել, ճշտել է հաշվել
էր ամեն բան:

Վերջացնելով լրագիրը՝ Քեփթընը վեր կացավ և դուռը ծած-
կելով միայն առանց փակելու՝ շարժվեց դեպի քաղաք: Անցնելով
տրամվայի կանգառի մոտով՝ տեսավ մի քանի հայրենակիցների,
որ սպասում էին տրամվայի:

— Ինչո՞ւ կանգնած եք,— հարցրեց խիստ, ինչպես սպան իր
զինվորներին:

— Քաղաք պիտի իջնենք, Քեփթըն,— ասացին նրանք:

— Ոտքո՞ւմ իջեք,— հրամայեց՝ առարկություն չվերցնող ձայ-
նով, և հետո մի փոքր մեղմացրեց,— ոտքո՞ւմ իջեք, որ շենքերը
տեսնիք:

— Տեսեր ենք, Քեփթըն:

— Տրամվայով չեք տեսնիր, տրամվայը կվազե, շենքերը աչ-
քե կփախցնեն: Քայլած ատեն լավ կտեսնիք:

Առարկեցին, բայց նա ազդու ձայնով ստիպեց ոտքով իջնել:
Գիտեին անզիջում բնավորությունը և ապա շուգեցին վիրավորել
նրան:

Հարգում էին:

Գնացին: Եվ կարծես հանդես բացվեց Քեփթընի ուղեկիցների
առաջ: Քեփթընը կանգնեց Բաղրամյան փողոցի գլխին, ձեռքերը
դրեց քամակին, մեջքը ուղղեց և գլուխը ցցեց: Ոճազարդ շենքերը
սանդուղաձև իջնում էին ներքև, և նա այնպես խիստ ու երկար
նայեց դրանց, կարծես զորատես էր անում իր զինվորներին: Խան-
դավառված՝ նա շէր նկատում, ճիշտը՝ շէր հաշվի առնում իր հետ
քայլողների և այլ անցորդների գործնական առօրյայի տրամա-
դրությունը: Նա այնպես էր ընդունու՛մ, թերևս պահանջում, որ բո-
լորն էլ իր նման խանդավառության մեջ լինեն: Մի փոքր էլ զվար-
ճալի էր Քեփթընը իր այդ հանդիսավորությամբ: Զվարճալի էր

նրա շեշտված, բարձր բռնած գլխի հպարտանքը, ինչպես աքաղա-
ղի կատարի սանրը: Սակայն դա արտաքուստ էր այդպես, ներ-
քուստ նա լուրջ էր և խոր հուզմունքը աննկատելի դողացնում էր
նրա երկաթե կզակը: Դա հպարտանք էր «իր» երկրի նվաճումնե-
րի հանդեպ, հպարտանքով էր նայում իր ուղեկիցներին, իրեն նա-
յուղներին: Եվ զարմանալի է: Նա գիտեր, որ ամենքն էլ գիտեն, որ
այս բոլորը կառուցել են ուրիշ ձեռքեր: Բայց չգիտես ինչից այն-
պես էր զգում, կարծես ամենքն են այս շենքերի կառուցման մաս-
նակցել անձամբ: Եվ ահա երբ Քանաքեռի բլրից աչքերի առջև
հպարտ գծագրվեց քաղաքի վեճ տեսարանները, նա կանգնեց և
զլուխն ափելի խրոխտ բռնելով դարձավ իր ուղեկիցներին և խըս-
տահայաց դեմքի խոժոռ հայացքով ասաց.

— Հը՞, ի՞նչպես է:

Եվ գլուխը թափահարեց պարծանքով ու հաղթականորեն
հպարտ նայելով ուղեկիցներին և այնպես զգաց, որ ինքն է կա-
ռուցել այդ քաղաքը: Նա հպարտ էր իր ժողովրդի, իր ուղեկիցնե-
րի, իր իսկ հանդեպ... Անցան շուկայի կողմերը: Ուղեկիցներից
մեկը կամեցավ զվարճություն պատճառել մյուսներին՝ գրգռելով
Քեփթընին և կես կատակ, կես լուրջ ցույց տվեց մի խարխուլ
տուն.

— Բան մը չէ,— ասաց Քեփթընը:

Ուղեկիցները իրար նայեցին քթների տակ ժպտալով ծածուկ:

Մի փոքր առաջ գնացին: Փողոցը, որ պիտի անցնեին, ընդ-
հանրապես մաքուր էր. միայն մեջտեղը, փոս ընկած մի տեղում
անձրևաջրից տիղմ էր գոյացել:

Կատակաբանը կրկին դարձավ Քեփթընին.

— Այս ցեխին ալ նայե, Քեփթըն:

— Նայեցի: Բան մը չէ,— սաստեց Քեփթընը հրամայական
ձայնով և արհամարհանքով, թեև ցեխը աչքի էր ընկնում:

Ինչո՞ւ «բան մը չէր» այդ ցեխը՝ լավ չհասկացան: Միայն գի-
տենալով նրա կարծի ու տարօրինակ բնավորությունը՝ դրան վե-
րագրեցին և ոչ ուրիշ բանի: Իրենց մեջ սկսեցին կիսաձայն հարց-
նել իրար, մտածել այդ մասին: Անքննադատ համառություն:
Պարզ էր:

— Կչափազանցնես, Քեփթըն,— ձայնը բարձրացրեց քննա-
դատողը, կատակից լուրջի անցնելով,— նայե այս փողոցին ցեխը:

Չենք ըսեր, թե մաքուր փողոց չկա քաղաքի մեջ: Բայց մաքուրին մաքուր կըսեն, ցեխին՝ ցեխ:

— Բնավորութիւնը գիտեք, մի առարկեք,— ասաց մեկը կիսաձայն:

— Ոչ, ինչո՞ւ,— ձայնը բարձրացրեց քննադատողը,— մի՞թե իրոք այս փողոցին ցեխը չի տեսներ Քեփթընը:

— Ո՛չ,— ասաց Քեփթընը:

— Ինչպե՞ս չես տեսներ,— կանգ առավ վիճաբանողը, շորս կողմ նայեց և մատը տնկեց հենակների վրա ծոված մի պատի կողմը,— ահա, փլչելու վրա է:

— է, բան մը չէ, ըսինք յա,— կտրեց կրկին Քեփթընը:

— Ինչո՞ւ բան մը չէ:

Քեփթընը վճռական շարժումով՝ խոժոռված շրջվեց դեպի առարկողը և կանգ առավ:

— է, քա՞նի տարի պիտի մնա այս հենակներով տունը:

— Քանի տարի՞:

— Երկո՞ւ, տա՞սը, քաա՞ն, քառասո՞ւն:

— է, ո՞ւր գացիր,— քառասուն: Իհարկե քառասուն տարի չի մնար:

— Որ չի մնար, ըսել է, բան մը չէ:

Միծաղեցին: Նրանցից մեկը, որ չէր մասնակցում վեճին, ասաց.

— Թերութիւնները պիտի նկատենք, Քեփթըն, խոսիլը վնաս չունի: Ավելի առաջ կերթանք:

Քեփթընը սպիտակ ու թավ հոնքերի միջից խեթեց նրան.

— Պիտի մաքրե՞ս փողոցը:

— Ե՞ս...

— Այո, դու, անձամբ պիտի մաքրե՞ս:

— Ո՛չ:

— Ըսել է՝ թող մաքրողները խոսին: Դուն մի խոսիր: Այս փողոցն ալ պիտի մաքրվի, այն ալ, ամենքն ալ: Ամեն բանն վերջը ատիկա է:

Հետո հանկարծ կանգնեց և շափեց բոլորին ոտից գլուխ,— է, դուք ուրկե՞ եկած եք,— Փարիզե՞ն, Նյու-Յորքե՞ն, Լոնտոնե՞ն: Ըսեք ինձի,— ո՞վ է շինե՞ր այդ քաղաքները: Դո՞ւք: Ո՛չ:

Օտարին շինածներով մի պարծենաք: Այս փողոցը մերոնք են

շինե՞ր և այսքան են կրցե՞ր: Եվ կտեսնիք ալ թե ինչ են կրցե՞ր: Ավելին կրնա՞ք, դուք շինեցեք: Աղե՞կ է, գե՞շ է, ձեր տունը սա է:

Ասաց անհողողող, զգացված և այնպես, կարծես ոչ թե իր խոսակիցներին է ասում, այլ շատ հեռավոր մարդկանց, որոնց կուզեր ասել այդ:

Լռեցին: Ապա բաժանվեցին:



Ուրիշ քաղաք այցելելու պատճառով, Քեփթընը մոտ հինգ ամիս թե ավելի՝ չէր եղել Երևանում: Մի անգամ գնաց շուկայի կողմերը: Իր սեւեռյալ մտքերով տարված՝ անցավ մի փողոցից, ապա գնաց կողքի փողոցով և կանգ առավ շփոթված: Կորցրել էր շուկայի մոտի փողոցները իրենց հայտնի նշաններով, տներով, սյուներով:

Այնպես կարծեց, թե մտքով տարված, ինչպես նրա սովորութիւնն էր, անցել է շուկայի մոտի փողոցները, կամ ուրիշ փողոցներ մտել: Շեղեց ճանապարհը, գնաց կողքի ուղղութիւնով, անցավ երկու փողոց և հազիվ նկատեց, որ կայարանի կողմն է եկել: Ետ դարձավ, գնաց հակառակ կողմը, բայց ավելի վատ: Բոլորովին կորցրեց թե շուկայի փողոցները և թե շուկան: Զարմացավ իր վրա: Զէ՛ որ ինքն էր ուրիշներին ցույց տալիս փողոցները, ի՞նչպես է, որ մոռացել և շփոթում է հիմա:

Մոտեցավ միլիցիոներին.

— Ընկեր միլիցիոներ, ըսեք ինձի՝ ո՞ւր է շուկան:

— Այ, շուկան,— ցույց տվեց միլիցիոները բարեկարգ, լայն փողոցներով, նորակառուցներով շրջապատված շուկան՝ Քեփթընի շապասած կողմը,— դետր կանգնիր, մեքենան,— զգուշացրեց միլիցիոները:

— Գիտեմ,— մրթմրթաց քթի տակ, արհամարհելով վտանգը հին զինվորականը՝ չնայած որ մեքենան քսվեց նրա կողքին:

— Առանց թույլտվութեան ուզում ես մեքենայի տա՞կ ընկնել,— կատակով, թե բարկութեամբ ասաց միլիցիոները:

— Դուն խոսքդ ըսե, — արժանապատվութեամբ նկատեց Քեփթընը,— կերեալ թե այս փողոցները փոխվե՞ր են,— ավելացրեց լուրջ տեղեկանք պահանջողի պես:

— Ի՞նչ փողոցներ.— չոր հարցրեց միլիցիոնները ուշադրութիւնը դեպի մեքենաներն ու տրամվայները: Հետո երբ մի պահ լարու՛մը դադարեց՝ քթի տակ ծիծաղեց.

— Էն փողոցները գնացին իրենց պապի մոտ:

Քեփթընը խոժոռ ու հպարտ նայեց միլիցիոններին և շուրջը: Փողոցները նորոգված էին, մի երկուսը նոր բացված, լայնացած, ասֆալտած: Հաճելի էր նայելը, բոլորովին անծանոթ, գեղեցիկ, նոր բաղաքի տեսք էր ստացել թաղամասը:

Հաղթական քայլվածքով Քեփթընը գնաց շուկա՝ խոսելով ինքնիրեն.

— է, փափագս ալ աս էր. մեյ մը երթամ կորսվիմ:

Հետո հիշելով իր շփոթվելը, քթի տակ ժպտաց.

— Ըսել է՝ ես ալ ետ մնացած եմ: է՛, բան մը չէ,— ծիծաղեց իր խոսքի վրա:



Երեկոն հանգիստ մարմքում էր, երբ Քեփթընի տունը ներս մտան հարևանները: Նրանք հազիվ լսելի ձայնով բարևեցին և առանց հրավերի նստեցին:

Քեփթընը մի պարբերական ուներ, որի մեջ կենտրոնացած գնում էր ինչ-որ նկարներ:

Երկար լռել էին նստած, կարծես եկել էին դասախոսության կամ հրահանգի և սպասում էին, որ Քեփթընը սկսի: Եվ իբրք, վերջապես նա հայացքը պոկեց պարբերականից:

— Վերջերնիս սա է,— ցուցամատը բարձրացրեց նշանակալի կերպով:

— Ի՞նչը, Քեփթըն,— հարցրին այցելուները:

— Քոմունիզմը:

Եվ սկսեց բացատրել:

Նոր էր նա «խորացնում» իր տեսակետները, երբ ներս մտան պոլիտեխնիկական ինստիտուտի մի ուսանող և լեզվաբանական ֆակուլտետի մի սունդուհի՝ նրա ազգականները:

— Ինչպե՞ս ես, հայրիկ,— հարցրեց ուսանողուհին:

— Աղեկ, ինչպե՞ս պիտի ըլլամ,— խիստ ու զարմացած պա-

տասխանեց Քեփթընը և շարունակեց բացատրել կոմունիզմը:

— Այս գործը ուրիշ մեծ գործերու դուռ պիտի բանա,— ցույց է տալիս արդյունաբերութեան վիթխարի կառուցումները,— ահա այստեղ,— ցույց է տալիս լրագրից կտրած նկարները, ուր գյուտարարներ, ստախանովականներ՝ ինժեներներից սկսած մինչև հասարակ բանվորներ՝ կանգնած իրենց դազգահի հետև, հնարած գործիքները ձեռներին,— այս գործիքները, մեքենաները ուրիշ մեքենաներ պիտի շինել տան, մեքենա շինող մեքենաներ պիտի շինեն:

Քեփթընի ազգականները զարմանքով հետևում էին նրան: Նրանք գիտեին անդիմադրելի հայրենասիրութիւնն ու համառ ուժանտիզմը, գիտեին նրա դեպի առարկութիւններին դեմ անհանդուրժողականութիւնը, որ հասնում էր մուշկին հիվանդութեան:

— Պիտի գա՛ւա՛, պիտի գա՛ւա՛ քոմունիզմը, պիտի գա՛ւա՛,— կրկնեց Քեփթընը մի ինչ-որ ներքին կրքով և անբացատրելի դառնութեամբ,— պիտի շմեռնիմ, պիտի տեսնիմ:

Քեփթընի այս կրքոտ խոսքը, նրա մյուս անգամների չոր, սուր տոնը վիճաբանութեան մեջ, նրա արտակարգ, դեմոնստրատիվ հպարտանքները երկրի շինարարութեան հանդէպ, նրա զայրացկոտ ձայնը, երբ խոսում էր՝ թերևս վերագրվում էր ինքնասածի տարօրինակութիւններին: Սակայն նա մի վիշտ ուներ սրտում, խոր, հին մի վերք, որ հանգիստ չէր տալիս նրան, չէր բուժվում, ավելի ճիշտը՝ չէր բուժվում լիովին, որ նա չզգար այդ, մոռանար: Սակայն ուշի-ուշով հետևողը կնկատեր, որ նա խոսելիս դիտում էր ուրիշ մի դաժան բանի, որ կատաղի գայլի պես աչքերն արյուն լցված հետևում էր նրան երևակայութեան մեջ: Քեփթընը խոսում էր այդ գազանի հետ, նրա ցավը իր բազմաշարձոր ժողովրդի զարհուրելի անցյալն էր, դարավոր տառապանքները:

Քեփթընի ազգական երիտասարդն ու աղջիկը չէին տեսել մեծ Արհավիրքը՝ հայ ժողովրդի աննախընթաց Աքսորը, Անապատը, Տեր-Չորը՝ խոշտանգավայրը և Մեծ Մահը: Նրանք տեսել էին միայն օտարութիւնը Սիրիայում և կապիտալիստական երկրների մանր ու խոշոր ճնշումները, Հոսնաստանն ու Ֆրանսիան:

Ահա այդ անցյալի հետ էր կոպում Քեփթընը՝ պատմելով ապագա կյանքի կատարելութեան՝ կոմունիզմի մասին: Եվ այդ

բուսական, ինչպես պատահեց, հանկարծ առանց մտածելու՝ ուսանողը, երևի կարծելով, որ Քեփթընը վերջացրել էր իր ասելիքը՝ խոսքը փոխեց և մտահոգված ձայնով ասաց.

— Հորեղբայր, դժբախտություն պիտի հայտնեմ քեզի, մեր տան շինության գերաններեն երկուսը գողացել են:

Քեփթընը զայրալից նայեց նրան.

— Բան մը չէ՞, — գոչեց զայրալից, — բան մը չէ՞, — կարծես մտրակով ձողկեցին նրան: — Ժողովո՞ւրդ, քանի Արհավիրքը կա, Աքսորը, Անապատը, Տեր-Ձորը, ի՞նչ ցեխ, ի՞նչ հենակ, գերանի գողություն: Մոռցե՞ր եք, չե՞ք գիտեր: Պարապ բաներ կիսուիք:

Քեփթընի ցատուժի մեջ վերակենդանացավ դաժան, տրագիկ պատմությունը հայ ժողովրդի: Դա գիտեին Քեփթընի մտերիմ հասակակիցները, որոնք թեև երբեմն զվարճանում էին նրա խստապահանջություններով, բայց այժմ հասկացան նրան և մոռացվեցին:

— Դուք ինձի մոռացնել տվեք անմո՞-ռա՞նա՞-լի՞ի՞ն, — գոչեց Քեփթընը, — անմոռանալին տվին մեզի անոնք, — Արհավիրքը, Անապատը, Տեր-Ձո՞ո՞րը... ասոնք հանեցեք մտքես, — և տեղից վեր կացավ, սկսեց անցուդարձել:

— Հորեղբայր, մի՛ զայրանա, սխալվեցի, — սկսեց ուսանողը:

— Ես քեզի չեմ զայրանար, տղաս: Քեզի հետ չեմ:

Մերուկ զինվորականի ծնոտը դողում էր, շրթունքները կնճըրվել էին:

— Ես քեզ հետ չեմ, — կրկնեց Քեփթընը, — ես անոնց ալ չեմ ուղղեր իմ խոսքը: Իմ խոսքը կուղղեմ մեր ծածուկ ու անկեղծ թըշնամիներուն և հայտնի ու կեղծ բարեկամներուն: Թող գա քոմունիզմը, ոտք դնե վրաները և ճզմե՞ն՞ե: Աշխարհն արդարության վրա պիտի շինվի: Եվ արդարությունը, որ մեյ մը ծայր տա, պիտի լցվի աշխարհը և մեր երկրին արդարությունն ալ մեջը պիտի ընկնի:

Համաձայն էին իր հետ թե ոչ՝ բայց նա խոսում էր շնորհավոր այդ մասին: Հանկարծ կանգ առավ և դիմեց իր ունկնդիրներին.

— Քոմունիզմը պիտի գա... այնպես չէ՞:

— Պիտի գա:

— Որ պիտի գա, գործնորիդ նայեցեք, բան մը չեն սա ցեխը, հենակը, գերանը, գողությունը...

Քեփթընի ունկնդիրները դառնությամբ և՛ մի վշտով, որ նաև նրանց հին վիշտն էր՝ զուխները կախեցին դեպի սենյակի հատակը: Այդ հատակը դեռ չէր տախտակամածվել, և նրանց ոտքերի տակից նայում էր իրենց ազատ նոր Հայրենիքի սևահողը:

Իսկ Քեփթընը ձեռքերը մեջքին, կրկին շարունակեց անցուդարձել հին զինվորականի ամուր քայլերով:

ՏՈՒՆ

Վարպետ Արթինը Կիլիկիայի Քիլիս գյուղից էր: Նրանց ընտանիքը կիլիկեցի, Գյավուր գյուղից, թուրք կառավարության հետ շատ ընդհարումներ ունենալու պատճառով վերջինիս հրամանով բռնի բերվեց բնակեցվեց Քիլիս գյուղը: Հանեցին պապենական, հին դարերի գյուղից, «կոտրեցին» ժայռի բեկորի նման ժայռին կպած տունը, թափեցին ձորը, նրան էլ նույն բեկորի նման պոկեցին այս տնից, ուր ծնվել ու մեռել էին նրա պապերն ու հայրը: Եվ նա ստիպվեց նոր տուն շինել նոր վայրում: Արթինի հայրը փայտի գործ էր՝ անում, լեռներից փայտ կտրել տալիս և գետի հոսանքով բերում ներքևի վայրը: Դա մի փոքր մովթ գործ էր, կապված մի կողմից կաշառակեր պաշտոնյաների ազահությունը բավարարելու, երբեմն հրացանի կրակների մեջ նրանցից փայտ փախցնելու և այլ բազմաթիվ հնարքների հետ: Արթինի հայրը իր սերնդի մարդկանց այն ժամանակվա հասկացողությամբ քաջագործության հետ էր կապում փայտի այդպիսի մատակարարումը, ավելի գրավված կյանքի վտանգների հետ խաղեր սարքելուց, քան թե նրա խաղաղ շահախնդրությունից: Նրան մեծ հաճույք էր պատճառում պաշտոնյաներին հիմարացնելը, նրանց հակառակ գնալը: Արթինի հայրը դեռ չէր մոռացել իրենց աքսորումը Գյավուր Դաղից:

Քիլիսումն էլ գյուղի պաշտոնյաները սկսեցին նեղել Արթինին: Նա էլ մի օր իր պտտած լեռների հովիտներից մեկում մի խանգարված աղբյուր տեսնելով տնտղեց նրա շորս բոլորը և գտավ, որ դա շատ լավ գյուղի տեղ է, միայն պետք է մաքրել, աղբյուրը բաց անել և շեն գցել: Չեռնարկող մարդ լինելով համոզեց ուրիշներին ևս ու գյուղ շինեց: Բայց հենց այն է, ուղում էր տեղավորվել նոր տուն՝ հարևան բուրդ աղան գնալ գալով՝ նախանձեց և

աչք դրեց գյուղի վրա: Կազմակերպեց Արթինի հոր սպանությունը, կաշառքի և բռնի ուժով գյուղը գրավեց:

Արթինը մնաց մենակ: Մենակ՝ իր վրիժառու մտքերով և ձեռնունայն գործով: Լավ էր՝ վրա հասավ մայրը: Տեսնելով, որ այս սպանությունների ճանապարհով իր զավակը շատ հեռու պիտի գնար՝ արհեստի տվեց նրան: Արթինը դառավ կոշկակար: Շուտով վրա հասավ զինվորությունը և Արթինի կյանքը գրվեց ուրիշ հունի մեջ: Դեռ զինվոր չգնացած՝ Արթինին ամուսնացրին, որ «օջախը չմարի»: Տունը ամբանա հողի վրա, տաքանա կյանքը... Եվ ահա 1914 թվին Արթինը զինվոր գնաց:

Թե ինչ էր մտածում Արթինը բանակում, զինավարժությունների և զորախաղերի բուռն զբաղմունքների հետ, գուցե իր համար ևս պարզ լիներ, եթե շխանգարեր մի բան — նա չէր կարող անուշադիր թողնել իր հոր սպանությունը:

Ինչպե՞ս կարելի էր մոռանալ դա:

Արթինը որոշեց փախչել, գնալ Զեյթուն և այնտեղ կովի թուրքերի դեմ՝ հոր վրեժը հանելու համար: Այդ բանը հայտնեց իր քեռիներին:

Քեռիները ետ պահեցին Արթինին այդ մտքից, հասկացրին, որ դրանով տունը կավիրվի, համոզեցին մնալ բանակում և Արթինը համակերպվեց, մնաց:

Բայց ուրիշ բան պատահեց նրան, երբ նրա զորամասը տարվել էր Գալիսյուլի, անգլիացիների դեմ: Ինչպես եղավ, մի օր հյուր գնաց մի երիտասարդ հացթուխի, որ նրա ազգականն էր: Նոր պատրաստվում էին նստել ճաշի, հացթուխն Արթինին ասաց, որ նա նամակ ունի տանից: Նամակը վաղուց էր ստացվել, և որովհետև հացթուխն անգրագետ էր՝ չէր կարողացել և չգիտեր էլ որքան կարևոր էր կամ շտապ: Արթինը, որ իրենց գյուղի դասարանյան կրթություն էր ստացել՝ նա միայն կարող էր այդ որոշել: Բայց նա հանգիստ էր, միամիտ: Կիլիկիա, ուսական ճակատից հեռու, ի՞նչ մի առանձին բան կարող էր պատահել տանը: Հանգիստ բացեց նամակը և կարդաց: Հացթուխը նույնպես հանգիստ սպասում էր ընթերցման, որ սկսեն ճաշը: Հանկարծ նա մի այլալժուռ նկատեց Արթինի դեմքին:

— Արթին, ի՞նչ է եղել:

— Այլ հարցնե՞ս. ցարդեր, աքսորի եմ անապատ:

— Զարդը, աքսորը ներսերը չպիտի ըլլա՞ր, յա՛,— տարակուսեց հացթուխը:

— Ի՞նչ չըլլար որ, ալ եղած լմնցած է. տունս, ողջ սպնջակը քշեր են: Վա՛յ, ասոնց հավատը:

Հացթուխը լաց եղավ: Խորը ազդեց լուրը: Վերցրեց կերակուրը, ամանով դուրս նետեց.

— Մեր կերած հացը հարամ է:

Արթինը գուսպ ու լուռ վճռեց հենց նույն րոպեին, նույն տեղից անմիջապես մեկնել տուն:

— Է՛, ես գնացի,— ասաց նա հացթուխին,— ձգե՛ բե, թուրքին ծառայիր:

Եվ իրոք հենց նույն ժամին Արթինը փախավ զորամասից և ճանապարհ ընկավ տուն: Հեշտ է ասել: Ճանապարհ Գալիպոլից մինչև Կիլիկիա, այնտեղից էլ արաբական անապատները:

Ամայի, անշավիղ, ժայռեղեն լեռներ, անանցանելի ձորեր, քար, փուշ, փոս, անդունդ, մեծ մասը մուժ գիշերներով, ամեն քայլին մի փորձանք, զապթիա, դավաճան, թշնամի: Մնունդի հոգսը քաշում էր դեպի շեները, բայց վտանգը հեռու էր շուն բնակիչներից: Սովը ստիպում էր կյանքի գնով մի այժ, մի ոչխար փախցնել, վայրի խոտեր ճարակել: Հագուստ, կոշիկ, բոլորը գրգռվեց, թափվեց:

Ճանապարհի թաքստոցներից, ուր նստած սպասում էր գիշերվան, հաճախ տեսնում էր կախաղաններ, դիակներ, ձերբակալվածներ, որոնց տանում էին «դատելու» և քանի մոտենում էր իր ծննդավայրին, այնքան երկիրը ամայանում էր, այնքան աչքի էին զարկում քաղաքների և գյուղերի հայկական դատարկ թաղամասերը:

Աղետը քանի գնում ավելի ծավալուն էր ցույց տալիս իր մուռլ, ահեղի կերպարանքը:

Գնում էր Արթինը լեռների լաճերով, ձորերով, գիշերները մոտենում էր բնակավայրերի, դիտում էր շարագործությունը և մտատանջվում: Մի՞թե մի փոքր առաջ ինքը չէր պաշտպանում օսմանյան «վաթանը», ի՞նչ պատահեց իրենց ընտանիքի ու կառավարության մեջ: Այս ինչպե՞ս բոլորը միասին, առանց բացառություն հանցավոր դուրս եկան կառավարության առաջ: Ապա դրանց մեջ մեկը անմեղ դուրս չեկա՞վ:

Չէ, այստեղ ուրիշ բան կա, շատ մեծ բան և հին բան: Արթինի հայրը, պապը, Գյավուր Դաղից արտաքսումը Քիլի, քուրդ աղալի դավադիր դաշույնից զոհված իր հայրը...

Չէ, այս երկրում չկա օրենք, արդարություն,— ասել են հենքը, ասում են և նորերը: Ողջ հայ ժողովուրդը օրենքից դուրս է հանված:

Հայկական թաղի տներն ավերված, այրված էին, սևացած պատերը ցցվել էին այլանդակ ու շարաշուք: Արթինը գողեզող մտեցավ իրենց տանն ու պարտեզին: Ամեն բան գետնին էր հավասարեցրած, մոխիր շինած: Սառերն անգամ այրվել էին:

Չարագուշակ լուսթյունը ծանրացել էր ավերակների վրա: Ավերվել ու քանդվել էր իր ողջ մանկությունը, պատանեկությունը, ընտանիքի կյանքը իր գունագեղ դեպքերով, հարազատների կենդանի, այնքան սիրելի դեմքերով: Որքան հուշեր, որքան ապրումներ: Ամեն, ամեն բան մեռցրած է, կնքած: Վերջ,— չկա հայրենի տունը: Այն տունը, այն տեղից-տեղ թափառած տունը, որ ուր գնում տանում էր իր նախնիների շունչը, որի սենյակների անկյուններում կարծես փսփսում էին Արթինի նախնիները, պատմում անցած, գնացած կյանքի պատմությունը: Այլևս չի լսվի երեխաների լացը՝ հետագա կյանքի հուսալի ձայնը: Վճճը:

Արթինը մոռացած ամեն վտանգ, հոգնածություն՝ գամվել, մնացել էր իրենց դռանը: Չէր կարողանում ըմբռնել այն իրողությունը, որ իրենց տունը չկա այլևս: Տունը, հուսահատ մի տենչով փարվեց տանը: Դա իր կյանքի ծագման վայրն էր: Այնտեղից սկսեց նա իր կյանքը: Դա քարաշեն մի փոքրիկ շենք չէր միայն, Արթինի շարունակությունն էր, բնությունն էր՝ հաստատ, անվերջ, անկործանելի: Այստեղ պիտի ծնվեին և ապրեին իրենից հետո նորանոր սերունդներ: Եվ ահա այդ տունն էր, որ ավերել էին աքսորելով նրա հարազատներին, քշելով նրանց անապատ՝ ավազների հետ հողմացրիվ անելու:

Այդ պահին առաջին անգամ նա զգաց, որ իրենց տունը կործանելի բան է և կործանվել է և, չկա հաստատություն այդպիսի տան համար անգամ:

Այո, վերջ:

Ապրելու բնագրը սակայն Արթինին մղեց թաքստոց որոնելու: Թաքստոց, ուր կարելի լիներ խելքը գլուխը հավաքելու և որոշելու,

Թե ինչ անել: Տունը կործանված էր, պետք էր գտնել նրա շունչը: Ընտանիքը: Գտնել նրա հետքը: Գնաց դեպի մորեղբոր տունը: Տունը կիսավեր էր: Էապես շատ շէր վնասվել, կարելի էր բնակվել, թաքնվել մեջը: Դուռը փակ էր: Նայեց դռանը, շոշափեց: Կեղծի՞ք, դարա՞ն, մոռացութեան մատնված տան վիճա՞կ: Եվ արդյոք մեջը մարդ կա՞ այս ժամին և ովքե՞ր են՝ հայե՞ր, թուրքե՞ր:

Շատ էլ երկար շէր կարելի տարակուսած կանգնել մնալ, քանի որ այս լուսթյունն ու անշարժությունը երկար շէին կարող տևել: Քաղաքը պետք է հսկիչներ ունենար, հետապնդողներ: Կարող էր բախվել գիշերապահների... Վճռեց դուռը բախել: Կարելի էր ներսից խոսողի, դուրս ելնողի ոչնէ նշանից հասկանալ բարեկամ, թշնամի լինելը և արագ ծլկել մի կողմ:

Բախեց դուռը:

Ոչ մի պատասխան: Կրկին բախեց ավելի պինդ: Կրկին ոչ մի պատասխան: Կամ ոչ ոք չկար ներսում, կամ զգուշանում են ձայն տալ: Թերևս զգուշ մոտենում են դռանը, որ բռնեն եկողին:

Մինչ կփորձեր մի այլ բան՝ բոլորովին անսպասելի կողմից, ոչ փողոցի, այլ այգու ճեղքվածքից դուրս եկան սև ստվերներ և խլրտուցին դեպի իր կողմը:

Արթինը բնագոյաբար նստեց և մեջքը տալով դռանը՝ սեղմեց: Բնագոյը երբեմն ավելի խելացի է լինում, քան զգաստ միտքը: Դուռը դիմադրեց: Բայց Արթինը սեղմեց անհնարին ուժով: Դուռը բացվեց: Արթինը ներս ընկավ և կրկին աներևակայելի արագութեամբ դուռը փակեց ներսից: Ներսից ոչ ոք չեկավ իրեն դիմավորելու: Բայց դրսից մոտեցան դռանը և ցածրաձայն խոսեցին:

— Մա՞րդ ներս մտավ, թե՞ դուրս փախավ:

— Դո՞ւռն էր որ...

— Դուռը շէր, ուրիշ բան կլիներ:

— Է՞, բայց այսքան արագ: Սատանա՞ էր...

Լռեցին մի փոքր: Հետո մեկը ասաց.

— Մատանա մի ասիր, զինված փախստական կլինի անշուշտ:

— Մտնենք:

— Հը՞...

Թե՛ առափնուսանքով լռեցին: Հետո անցամ ուրիշ կողմ, բարձրացան կուռքը, իջան: Կողքի փոքր պատուհանից, որի ապա-

կին կոտրված էր, մեկը համարձակեց գլուխը ներս խոթել, վրդե կրկարացրեց. նայեց: Արթինը վախեցավ, որ լուցկի կվառվի, պինդ սեղմվեց անկյունի տախտակների հետևում: Հետո ձայները կրտրեցին, կարծես հեռացան: Բայց ոչ, պարտեզի կողմից խշրտուքը մատնեց նրանց ներկայությունը: Արթինի համար մի բան պարզվեց, որ ներսը կամ ոչ ոք չկա, կամ հայեր են: Այնտեղ ոչ ոք չարժվեց:

Երկար շտեկեց սակայն հետախույզների պտրտուքը: Չկամեցան կյանքները վտանգել է դուռը կոտրելով ներս մտնել: Կողոպուտներով ու առանց կոխվների, անվտանգ իրենց կյանքը, որ հայերի աքսորների հետևանքով ճոխացել, թանկացել էր, նրանց դարձրել էր ավելի զգուշ և վախկոտ: Բավականին անշարժ կանգնելուց հետո, Արթինը դուրս եկավ անկյունից և փորձեց իրեն ծանոթ անցքերով մտնել ներս: Խլրտոցը մատնեց: Եթե հետախույզների ձայները կասկած հարուցեցին, որ մարդ մտավ ներս, ապա այս խլրտոցը հաստատեց այն և սրված բնագոյը թելադրեց, որ եթե մարդ է ներս ընկել, անշուշտ փախստական է և հայ: Ներսում շարժեցին. զգուշաբար, թույլ լույսի օգնությամբ ընդառաջ եկան Արթինին, և հայտնվեց, որ իր հարազատներից էին. քեռին և նրա ընտանիքը: Ռիսկ էին արել, թաքնվել, մոտակա շինքերում անցկացնելով ցերեկը, իսկ գիշերը իրենց տանը:

Փարվեցին իրար, համբուրվեցին այրված կարոտով, մեծ վշտով, արցունքները տխուր աչքերին իրար նայեցին խորը և զնացին ներս, նստեցին:

Պատմելու ոչինչ չկար: Այս ու վախ և մի երկու շոր տեղեկանք, ո՞ւր քշեցին, ե՞րբ, լուր կա՞ և ումի՞ց: Իսկ ապագայի մասին...

Իրար երես էին նայում.

— Հիմա ի՞նչ պիտի ընենք...

Սրան հետևում էր միևնույն սրտամաշ խոսքը անզորության.

— Ի՞նչ կրնանք ընել...

Եվ իսկապես. ի՞նչ կարելի էր անել այն մեծ, ահավոր աղետի դեմ, որ վեր էր կացել երկրաշարժի, փոթորկի, ժանտախտի հե՞մա: Ի՞նչ էր մի կամ մի քանի մարդու ուժը նրա առջև: Արթինի ընտանիքը անապատի ճանապարհին էր հավանորեն, անցել էր շատ փորձանքների միջով և թերևս մի տեղ ոչնչացել էր: Իր մորեղ-

բայրը երկար չէր դիմանա այս թաքստոցային կյանքին, սա ևս կռնչանար, ինքը ևս կընկներ ծուղակը՝ վաղը. վաղը չէ մյուս օր, վերջապես մի օր: Ամեն ինչ ենթակա էր ոչնչացման: Ահա իրականությունը:

Բայց Արթինի մեջ նյութվում էր և մի այլ, ներքին դրդում: Փրկվել, ապրել, գտնել ընտանիքը:

Ճա հայտնեց իր մտադրությունը մորեղբորը:

— Գնա, թերևս բան մը ընես...

Արթինը շուգեց երկար մնալ Քիլիսում: Թեև լեռնային ճանապարհները զզգզել էին նրան, բայց ուժերը չէին սպառվել: Վճիռը նոր գորություն տվեց նրան: Նա մի օր միայն մնաց մորեղբոր տանը: Հետևյալ օրը, լուսադեմին, տունը պաշարվեց: Ըստ երեվոյթին հետապնդությունը որոշել էր «հանելուկը» լուծել մեծ ուժերով: Ի՞նչ անել: Կարելի էր կռվել, բայց մորեղբոր ընտանիքը կվտանգվեր անպայման, մինչև տեղն ու տեղը ոչնչացումը: Արթինը փորձեց անցնել հարևան տունը: Մասամբ վտանգն անցած էր համարում, երբ ընկավ այնտեղ: Բայց հենց այնտեղ դարան էր Անկյուններից վրա հասան երեք հոգի և երկաթե բազուկներով շքեթայեցին նրան:

Արթինին տարան: Էլ չիմացավ, թե ինչ եղավ մորեղբոր ընտանիքը: Բանտարկեցին և անցան գործի. կազմեցին մի երկար ամբաստանագիր, որ Արթինը հայրենիքի թշնամի, ավագակ, ոճրագործ է և ճամփու դրին Հալեպ: Կարիք չկա ավելացնել՝ «սպանելու»: Դա ինքնին հասկանալի է:

Գնում էր Արթինը գլխիկոր ու մտածում, թե որքան վիճակներ կան դեպի ավելի վատը: Մի քանի օր առաջ նա վատ վիճակի մեջ էր ազատ լեռներում, ապա վատ էր իրենց տան դռան առջև: Բայց ահա մի վիճակ, որ դրանից ավելի վատ եղավ...

Քայլելիս Արթինը նայում, տնտղում էր ուղեկցող ոստիկանին: Ոստիկանը երիտասարդ էր և մի փոքր անփորձ: Արթինը գիշերը փախավ ոստիկանի առջևից: Ոստիկանը կրակեց, բայց վրիպեց:

Եվ ահա կրկին գնում էր Արթինը, ընտրելով գիշերների գաղտագողությունը, գնում է շարագութ, օտար երկրում և ոչ ոք, ոչինչ չկար իր հարազատ հայրենիքից, լուսնից և ծանոթ աստղերից բացի: Կրկին լեռներ, կրկին նույն թաքստոցները, քարն ու փուշը՝ խոտն ու ջուրը, նույն գազանի ու թշնամու վտանգը:

Բայց նա գնում էր ավելի եռանդով, ավելի ջանքով: Գնում էր Միջագետք, իր ընտանիքի հետքերով, գտնելու նրան: Բայց դա գնալ չէր և ոչ ճանապարհ, ոչ էլ ճանապարհի նեղություն: Դա զզգուք ու ծեծկոտուք էր քարերի, փշերի հետ, կոխվ՝ արևի տաշոր ճառագայթների դեմ, աղիքները ոլորող սովի դեմ, ամեն բան պե թշնամու շարագործ աշքերին հանդիպելու վտանգի դեմ:

Եվ ինչպես երևում է՝ անկարելի բան չկա աշխարհիս երեսին. Արթինը գտավ իր ընտանիքը. մորը՝ փոշեթաթախ, պատառուկած, հյուծված, կնոջը՝ բարակ թել դառած, եղբորը՝ ուժասպառ, ստվեր: Նրանց գտավ Ազիզում, ապաստանած մի համաքաղաքացու ընտանիքում, օրվա հացի կարոտ: Հանդիպման բուսեին կանգնեցին մայր ու զավակ իրար դեմ. ոչինչ չկարողացան խոսել: Եղբորը միայն մի քանի կցկոտուր խոսք ասաց Արթինը, և իսկույն լռեցին: Շատ էր վիշտը մեծ, որ խոսելով կարելի լինի արտահայտել: Վերջին դրամներով մի խրճիթ վարձեցին և սկսեցին ապրել: Դաժան բախտը խնայեց: Արթինին և եղբորը չկարողացան բռնել կամ սպանել: Գիշեր-ցերեկ խուսափուկ, վախ, շփոթմունք, շարունակական փախուստ: Ֆրանսիական զորքերը մտան Կիլիկիա: Հայրենիք վերադառնալու հույսը գրավեց Կիլիկիայի հայերին: Ֆրանսիական կառավարությունը դրոգեց հայերին վերադառնալ Կիլիկիա: Հայերից մնացորդ կիլիկեցիները նոր կյանքի՝ հուսով վերադարձան տուն: Արթինն ևս գնաց իր ընտանիքով: Եվ ո՞վ հրաշք. մորեղբոր կիսավեր տունը մնացել էր: Մորեղբայրը իր ընտանիքով անհետացել էր և ներկա պահին այնտեղ չէր: Գնաց բռնեց մորեղբոր տունը, սկսեց վրան գուրգուրալ, սիրել, վերաշինել: Այստեղ մի փոքր հարազատություն կար. կյանքն էլ ապահովվեց: Ահա նա ել ու մուտ է անում դռնից, նստում, քնում է իր պապի շինած տանը: Ինչպես կործանված, ոչնչացված էր համարում նա իրեն այն շար գիշերները, երբ եկավ և կառավարական կնիքը գտավ դռան վրա:

Բայց հրաշքը կարճատև եղավ: Ֆրանսիական զորքերը հանկարծ լքեցին Կիլիկիան և հայերին թողին իրենց թշնամու հետ դեմ դիմաց:

Ֆրանսիացիք խաբեցին հայերին՝ և պատմությունը վերջացավ:

Մի բախտ միայն բանեց Արթինի համար: Նրան չսպանեցին, ~~պէն~~ աքսորվող քարավանի մեջ ու բռնեցին Քիլիսից:

Կրկին աքսոր, կրկին քարավան, կրկին անապատ:

Այստեղ նա կորուստներ ունեցավ: Մեռավ մայրը, որ աքսորի ճանապարհներին սպառել էր իր ուժերը: Նոր էր Արթինը կրկու այս վիշտը, որ տիֆից մեռավ նաև եղբայրը: Մնացին ինքը, կինը:

Բայց բախտը բերեց, թե անբախտությունը՝ Արթինը զավակ տեղեցավ, որ մեծ ուրախություն էր նրա համար և մեծ հոգս՝ փորձանքներով լի այն աշխարհում:

Պետք է ապրել սակայն: Եվ Արթինն ապրեց: Դրությունը մի փոքր փոխվել էր: Հայերին բռնիով Սիրիայի և Լիբանանի անապատները՝ մեռցնելու նպատակով, թշնամի տարրերը տեսան, որ նրանք բարեկարգություն են մտցնում այնտեղ իրենց արհեստներով: Կարելի էր օգտվել նրանց աշխատանքից: Եվ շատերը իրենց հալածողներին ապրեցնելու կարողությունը վերապրեցին: Արթինին փրկեց իր արհեստը՝ կոշկակարությունը: Դա կարևոր գործ էր բնակչության համար. սկսեցին գործ տալ նրան. հաճախ չէին վճարում, բայց և երբեմն էլ վճարում էին: Եվ որ զլխավորն էր՝ օգնում էին, որ ուստիկանությունը ձեռք չտա: Արթինը պետքական մարդ դառավ: Ապրեցին մի քանի տարի այսպես, թե՛ իբրև օտար և, թե՛ իբրև «հարազատ»: Մի օր մի մեծ հաջողություն էր լինում, Արթինը լավ վաստակ էր ունենում, ուրիշ օր նրան կողոպտում էին լվտիորեն: Երբեմն բանտ էին տանում, ապա բաց թողնում կաշառք առնելով: Բայց չէին սպանում:

Արթինը երկրորդ երեխայի տեր դառավ:

Ընտանիք էր ջերմանում... Արթինի համար կարծես այնքան վտանգներից, մահից ազատվելուց հետո սա մի արժեք էր այլևս: Եվ Արթինն սկզբում չէր տրտնջում: Բայց հետո սկսեց հետզհետե տխրել և անհանգստանալ:

Կինը չէր հասկանում նրա այս բացառիկ անհանգստությունը և ոչ էլ պատճառը, բայց մի բան էր նկատում, որ Արթինը արտակարգ վիճակի մեջ է, ինքն իրեն խոսում է, գիշերները չի քնում, հառաչում է, վեր կենում նստում պատուհանի մոտ, երկար նայում դուրս: Նախ կարծեց, թե ինչ-որ թշնամիներից է վախենում, հարձակման կամ ձերբակալման է սպասում:

— Ի՞նչ ունիս, մարդ աստժո, ըսե նայեմ, ինչ կմտմտա,— հարցրեց մի գիշեր կինը,— գեշ բանե՞ր ես իմացեր:

Արթինը չպատասխանեց և շարունակեց ծխել ու նայել պատուհանից դուրս:

— Տուն շունիմ,— ասաց վերջապես Արթինը,— տուն, կհասկանա՞ս:

Կինը գիտեր, զգում էր ինքը ևս այդ պակասը: Բայց այսքան էլ հիվանդագին կրել այդպիսի մի ցավ:

— Տուն շունիմ,— կրկնեց զուգը թափ տալով Արթինը,— անտուն կապրվի՞:

— Չապրվիր, շիտակ է, բայց ալ քեզի համար մեծ ցավ մի՞ շիներ: Ի՞նչ ընենք:

Արթինի համար տունը սակայն շատ մեծ վիշտ էր, ավելի մեծ, քան կարելի էր կարծել: Դա սոված մարդու հացի կարիք չէր և ոչ հագուստի և առհասարակ նյութական պետք: Տունը հոգեկան այրող մի կարիք էր Արթինի համար: Ընտանիքը, որ ցրվեց, պակասեց նրա մեջ ամեն բան, դատարկվեց, շուրջը ամայացավ. ավելի անպատ դառավ, քան այս աքսորի անապատը: Եվ հիմա կառչեց տան մտքին: Նա զգում էր, որ միայն տունը կարող էր մխիթարել, հիշեցնելով կորածը, կարող էր հավաքել կորածների հուշերը, պատրանքը, թե նրանք կգան, թե նրանք կան... Տուն է պետք, որ գա, ամրանա հողին, մեջը լցվի նոր կյանքը, հնանա, խորանա, տունը տուն դառնա:

Այսպես տենչում է Արթինը, որ տունը խորանա, լցվի, միտձուլվի հողին:

Տան հետ նա կապում էր միլիոն բաներ:

Արթինը չէր մխիթարվում:

Մի օր էլ կինը զայրացավ վրան.

— Պիտի խենթանաս, մարդ, հերիք չեղա՞վ:

— Չես հասկնար, Մարիամ,— հառաչեց Արթինը:

Կինը, որ միշտ ամեն բանում արտաքուստ հակաճառում էր ամուսնուն վիշտը մոռացնելու նպատակով՝ այս անգամ ևս մնաց Արթինի դիմաց, քարե արձանի պես: Նա ինքը ևս այրվում էր կարոտից, և նրա կարոտն էլ շատ բաների հետ էր կապված, շատ հարազատների, անցած օրերի հազար ու մի սիրելի պատկերների հետ: Հավատարիմ իր ստոիկ զսպվածություն՝

չծայնակցեց Արթինին և ոչ մի հառաչանքով: Միայն ասաց մեղմ ու հասարակ.

— Է՛, տուն շինե, թե կրնաս:

— Պիտի շինեմ, տուն մը շինելու եմ,— վճռեց Արթինը:

Եվ տան տանջանքն այնքան սկսեց նեղել Արթինին, որ երբ գործերը բավականին հաջող գնացին՝ ձեռնարկեց այդ տունը շինելուն: Շինեց մի շատ հասարակ տուն և տեղավորվեց մեջը: Վերջապես...

Կինը կարծեց, որ իրոք վերջապես փարատվեց Արթինի վիշտը:

Սակայն կինը հիշում էր երկար ժամանակ Արթինի խոսքը, երբ առաջին անգամ նստեցին սենյակում իբրև արդեն սեփական տանտերեր, Արթինն ասաց.

— Այս տունը մեր տուն չէ:

Հարկավ իրենց տունը չէ: Իրենց տունը Քիլիս մնաց: Այսպես մտածեց կինը և շանդրադարձավ Արթինի ասածին:

Մի բան միայն աչքի ընկավ տան շենքի մեջ. դուռն առանց փեղկի էր. տախտակ էր դնում և անցքը փակում: Կինը կարծեց, թե պատահական բան էր դա, որ Արթինը կշինի: Բայց բավականին ժամանակ անցավ, և դուռը չէր շինվում: Թե ինչու՞ ոչ ոք չէր հասկանում: Առաջ կարծում էին, թե հետաձգում է՝ սպասելով հարմար փայտեղենի և երկաթի: Բայց անցավ մի ամիս, երկու, երեք ամիս, դուռը մնաց բաց:

Մի օր էլ կինը հարցրեց.

— Դուռն ինչո՞ւ չես շիներ:

Արթինը մոռացվեց.

— Դուռը պետք չէ,— ասաց նա և մոռյլ նայեց գետնին:

— Առանց դուռի, հասարակ տախտակով ինչպես կըլլա, ցուրտ է, գող է:

— Ես կպառկիմ տախտակին հետևը,— խոսափեց Արթինը:

— Քուկին պառկելուդ ի՞նչ պետք կա,— սրտնեղեց կինը,— դուռ մը շինե, տունը շնորքի գա, բե՛:

— Այս տունը մերը չէ,— ասաց Արթինը:

— Է՛, գիտենք մեր տունը չէ. հեշեն չըլլա՝ տուն է:

— Տո՛ւն չէ, ատոր համար ալ դուռ չուզեր:

— Է, դուն հորդ տո՞ւնը կուզես: Անիկա գնաց:

— Գնաց: Է՛, ըսել է, ես տուն չունիմ,— ձայնը բարձրացրեց Արթինը և խոսեց ավելի պարզ ու որոշակի,— ասկե ետքը այս տունը դուռ չի պիտի տեսնի:

— Է, քուկին տունդ ունեցիր ու դուռ ալ շինե,— հուսահատվեց կինը:

Ունեցիր: Բանը մի՞թե տունն է, որ պիտի ունենալ: Ահա կար տուն, հայրենի, հարազատ, իբրև թե՛ գետնին հաստատ միացած: Բայց կործանվեց, գնաց:

Դժվար է ապրել Ազիզում: Չարչարանքը մեծ՝ վճարը փոքր: Հալածանքը չէր դադարում, կամայականությունը, քաղցը կար ու կար: Համը գնաց: Ասենք չկար էլ այդ համը:

Շուտով Արթինի դրուժյունը վտանգվեց: Ոստիկանը հակառակվեց հետը ապօրինի պահանջների պատճառով: Շարունակ նոր կոշիկներ էր պատվիրում և չէր վճարում: Արթինն ստիպված՝ իր ծախսով կաշիներ էր ձեռք բերում և նրա համար կոշիկներ կարում: Վերջը հուսահատվեց, մերժեց: Հետևանքն այն եղավ, որ ոստիկանը զինվորական իշխանությունն ուղարկեց իր վերջին «փախստական ասքյարի» վրա, սկսեցին հետապնդել Արթինին: Նա փախավ Հալեպ, իր հետևից քաշ տվեց նաև ընտանիքը, տունը մնաց անտեր:

— Ես ըսի՞ որ տունը մերը չէր,— ասաց Արթինը:

Եվ մի կերպ հաստատվեց Հալեպում: Բայց ի՞նչ էր այդ հաստատվելը...

Ահավոր բնակարանային պայմաններ: Երեք իրար օտար ընտանիքներ մեկ սենյակում, ահավոր գնով: Բայց հնար չկար, պետք էր տոկալ և մնալ Հալեպում:

Այստեղ կարծես դրուժյունը բարելավվեց: Մինչև այդ սկսել էին զավակները մեծանալ: Կյանքի փուլը կոտրվեց, սկսեցին ապրել լավ-վատ, վատ-լավ:

Արթինը կրկին տան ցավով բռնվեց: Անհանգիստ էր առանց սեփական տան, պետք էր տուն ունենալ, տուն, առանց տան չի լինի... Բայց նա ունեցավ արդեն մի տուն և տեսավ, թե ինչ է այդ տունը: Մի՞թե կրկին փորձի տուն ունենալ: Ո՞վ գիտե, թե երևա հիմա սիրտը հանգստանա: Գուցե կարողանա այս անգամ ինքն իրեն խաբել, հանգստացնել:

Որոշեց փորձել:

Հիմք դրեց մի ավելի մեծ, կարգին տան: Ինքը ևս աշխատելով որմնադիրներին, հյուանների հետ, գլուխ բերեց գործը: Եվ ահա 1928 թվին, Արթինն իր կնոջ և զավակների հետ նստած էր սեփական տան մեջ:

Երկհարկանի էր տունը, ոչ շքեղ, բայց դուրեկան տեսք ուներ: Թե՛ քարային մասը, թե՛ փայտեղենը, անգամ երկաթեղենն իրենց տեղումն էին: Վերին հարկը ննչարանն էր, ներքևը՝ սեղանատունն ու խոհանոցը: Փոքրիկ պարտեզ ևս գոյացավ տան առջև, անգամ ծաղկանոց: Այլևս ի՞նչ կարելի էր ավելացնել վրան, ցանկանալ ավելին... գրեթե ոչինչ:

Բայց տխուր էր Արթինը և տխուր՝ գաղտնի, ինքն իր մեջ: Արդեն զավակներն այնքան էին մեծացել, որ կարելի էր հետները քիչ-քիչ խոսել. և խոսում էր, պատմում իր կյանքը, պապի կյանքը, նորից խոսում էր ամեն բանի մասին, բայց տան մասին լուռ էր: Խուսափում էր, անհարմար էր զգում. վախենում էր չհասկանան, վշտանան, դժգոհեն: Ինչպես, — կասեին, — այսքան շարժարանքով շինեց տունը և չգոհացավ կարծես: Բայց դարձյալ նույն տարօրինակ բանը՝ տան գլխավոր մուտքի դուռը կրկին մնացել էր կիսատ:

— Այս տան դո՞ւռն ալ չպիտի շինվի, — հարցրեց կինը մի օր՝ հուսալով, որ Ազիզի տան դուռ չունենալը տրամադրության հետևանք էր:

— Այս տան դուռն ալ չի պիտի շինվի, — վճռական պատասխանեց Արթինը:

Չէ, Արթինի մեջ այդ միտքը հաստատ նստած էր:

— Հայրենիք պիտի ունենանք, որ տուն ունենանք, տունն ալ դուռ ունենա, — համառ շեշտով փակեց դռան հարցը Արթինը:

Իսկ հայրենիքը ինչպե՞ս, որտե՞ղ: Չխոսեց կրկին այս մասին:

— Հայրենիք որ չունինք, ի՞նչ տուն, ի՞նչ դուռ...

— Հայրենիք, — ան չիկա, ան գնաց, — ասաց կինը դառնագինորեն, — Հայրենիք... Գնա, փնտրի, գտիր...

Երևի ինչ-որ մի երևակայական երկրում, որ հուսահատ մարդու հոգում պատկերվում է և հուսադրում նրան: Աշխատում էին շղիպշել նրա այդ երազանքին: Թող հուսա և ապրի: Ի՞նչ վնաս:

Բայց Արթինը կատակ չէր անում և ոչ էլ սին երազներ տեսնում: Նա շատ էր մտածում հայրենիքի մասին: Հայրենիք պետք է

ունենալ: Այսպես շարունակ խորհելով հայրենիքի մասին՝ նրա ուղեղում մի մտքի խաղ սկսվեց: Ախր չէ՞ որ այդ հայրենիքը կա, երազ չէ: Կա, գոյություն ունի, իր հողն ունի, ժողովուրդը, պետությունը, կառավարությունը: Այնտեղ ուրիշ կարգեր են, ուրիշ մարդիկ: Շատ բան չի հասկացվում, շատ բան անսովոր է: Հազար ու մի բան են պատմում այն երկրի մասին. բայց ամենքը մի բան հաստատ են ասում, որ այն երկիրը ժողովրդի երկիր է և այնտեղ արդարություն է:

Ժողովրդի՞ երկիր է, արդարություն՞ է — բավական է: Կարելի է ապրել և պետք է այնտեղ գնալ ապրել:

— Չէ, պիտի երթանք, վերջերինս հոն է, — ասաց մի օր վճռական եղանակով Արթինը:

— Ո՞ւր պիտի երթանք, — հարցրեց կինը:

Տղաները, որ բավականին մեծացած էին՝ լարվեցին:

— Ո՞ւր, հայրիկ:

— Հայաստան պիտի երթանք:

— Ո՞ր Հայաստանը, մարդ աստժո, — գլխի շքեղավ կինը:

— Մեկ Հայաստան կա: Ան Հայաստանը, որու տերը հայն է, որը ազատ է: Սովետ Հայաստանը:

— Է՛, է՛, ո՞ւր գացիր...

— Վերջերինս հոն է. մեր տունն ու հայրենիքը հոն է: Պիտի երթանք Սովետ Հայաստան, — վճռական եզրակացրեց Արթինը:

Տղաներն ուրախացան:

Եվ սկսվեցին այնուհետև ամենօրյա զրույցները Սովետական Հայաստանի մասին:

— Է, ի՞նչ կգրեն, ի՞նչ լուր հայրենիքեն, — կհարցնեին ամեն օր նա իր տղաներին, որ այնքան թերթեր էին կարդում:

Արթինն այնպես էր ապրում հայրենիքի կյանքով, որ իր զավակների և արդեն անգամ իր կնոջ մեջ համոզմունք էր ստեղծել, թե հայրենիքը գտնվեց և վերջ ի վերջո պիտի գնան հայրենիք:

— Պիտի հայրենիք երթանք, հոնկե եկած ենք, — հիմա էլ այսպես խորացրեց հարցն Արթինը:

Կարգացե՞լ էր, լսե՞լ այս բնիկ հայրենիքի մասին, բնա՞զդն էր խոսում մեջը. անհասկանալի էր: Թերևս բուռն ցանկությունը, գնալու իրականությունը դառնա՞լը, հնարավորությունը, թերևս:

Բայց այս մտադրութիւններն ու զրուցները սկսեցին անհանգիստ անել Արթինին:

Ահա այդ ժամանակներից մի փոքր հետո էր, որ Արթինը չէր նկատում, բայց արդեն իր տղաները ևս սկսել էին խոսել հայրենիքի մասին: Նրանք մեծացել էին: Ամենամեծը գնաց Բեյրութ՝ սովորելու: Մյուսները մնացին Հալեպ, ուր նախնական կրթութիւն ստացան:

Կյանքն էլ փոխվել էր շատ: Չկային նախկին մեծ հալածանքներն ու սպանութիւնները: Նորակազմ Սիրիայում հայերն արմատավորվել՝ մի կերպ հանդուրժում էին և իրենք էլ... հանդուրժում: Կար իհարկե օտարի սառնութիւնը, վերից վար նայելը, երեսով տալը: Օտարը պետք է բարեհաճեր, որ հանդուրժման ու համակեցութեան որևէ ձև ստացվեր: Իսկ երբեմն էլ, որ չէր բարեհաճում՝ ցույց էր տալիս մյուս երեսը: Դժվար էր օտարութեան մեջ:

Սերորը՝ Բեյրութի դպրոցում սովորողը, ամառները Հալեպ գալով, հետը լուրեր էր բերում գործադուլների, բանտարկումների մասին: Հայ տղաները բանտ էին նստում արաբ տղաների հետ: Ի՞նչ էր նշանակում այս: Արթինը շատ էլ չէր լսում և ոչ մի անգամ էլ շանդրադարձով այդ երևույթներին:

Դե, հայերն արդեն սկսում են արաբների պես ապրել, նրանց գործերում լինել, պարզ է, որ կենթարկվեն միևնույն փորձանքներին:

Սերորը շատ բաներ էր պատմում իր փոքր եղբայրներին Բեյրութի, այնտեղի արաբ ու հայ ընկերների մասին, որ նրանք կովում են հարուստ արաբների դեմ, ֆրանսիացիների դեմ, որ նրանք բանվորներ են և շեն ճանաչում ազգային խտրութիւն իրենց գործի մեջ:

Այս պատմութիւնները պատանի եղբայրների մեջ առաջ բերին ուրիշ մտահղացումներ: Նրանք սկսեցին ավելի կենդանի հետաքրքրութիւն ցույց տալ դեպի այն հայրենիքը, որ Արթինի երազանքն էր արդեն և տենչերի վայրը: Սկսեցին իրենք ևս խոսել հայրենիք գնալու մասին: Գնալ այնտեղ, ապրել այնտեղ, մասնակցել հայրենիքի կյանքի վերելքին: ապրել լայնարձակ սոցիալիստական կյանքով: Վերջապես տեսնել մի անգամ, թե ինչպես է իրականութեան մեջ սոցիալիզմը:

Արթինին շատ դուր եկավ իր տղաների այս խանդավառութիւնը և նա սկսեց այնպես պատրաստվել, կարծես մի շաբաթ հետո գնում է հայրենիք:

— Երթանք Հայաստան՝ մեր տունը շինենք,— ասաց մի օր տղաներից մեկը:

— Ապրես, նոր հասկցար, որ ասիկա մեր տունը չէ, որ մեր տունը հոն է,— ուրախացավ Արթինը:

Մինչ այս, մինչ այդ՝ վրա հասավ պատերազմը, երկրորդ համաշխարհային պատերազմը...

Ճաշխոտական Գերմանիան, ողողելով ողջ Եվրոպան, հավաքելով նրա բոլոր զինագործարանները՝ ուխտադրուժ կերպով հարձակվեց Սովետական Միութեան վրա: Ի՞նչ վախճան կունենա... Ի՞նչ կլինի իր հայրենիքը այս աշխարհավեր փոթորիկի մեջ:

— Լենինի գործը կհաղթե,— ասում էր Արթինը:

Կնստեր ժամերով լրագրից կտրած Լենինի պատկերի առաջ Արթինը և կնայեր երկա՛ր, երկա՛ր, կխորհեր իր բոլոր խոհերը, կերպեր բոլոր երազները:

Արդեն իր տղաները սովոր էին նրա ձևերին: Գիտեին, որ այդ նկարը երկար դիտելուն կհետևեն նաև Արթինի դատողութիւնները:

Կխոսեր աֆորիզմներով.

— Ասիկա մեծ մարդ է: Դեմքը կխոսի:

Ու դարձյալ.

— Սովետական Միութիւնը որ մեյ մը մեզի խոստացել է ընդունել՝ կընդունես:

Ու սպասում էր անձկութեամբ: Սպասում էր՝ տան դուռը կիսատ, անջանադիր կարելով կոշիկները, սիրտը կախ և ականջը ձայնի:

Ահա թե ինչու, երբ հայրենադարձութեան լուրն ընկավ Սիրիա, Արթինը կենդանացավ և սկսեց պատրաստվել, գործերը կրճատել, հաշիվները վերջացնել: Ու երբ առաջարկ եղավ և հարցմունք, թե ովքե՛ր են կամենում վերադառնալ հայրենիք՝ Արթինը առաջիններից մեկը եղավ, որ գրվեց ողջ ընտանիքով:

«Ռասիան» վիթխարիորեն, շրջվեց, ջրերը խառնվեցին իրար, ափերը տեսիլների պես շարժվեցին Բեյրութի հետ միասին և նավը սուր կուրծքը դեմ տվեց Միջերկրականին:

Մի վայրկյանում աշխարհը փոխվեց: Հազարավոր աչքերի գիմաց արարական ափերին ու նրանց հետևեց փոխված անապատներում մնաց քստմնելի, դժոխային պատմությունը, Տեր-Ջորջ, կանանց մազերով հյուսված արքայի ավազադաշտերը, մարդկանց ավերակները՝ գանգեր ու ոսկորներ, ոստիկանների մտրակներն ու ջարդարար ամբոխների հոնդյունները, ու այնուհետև օտարի դռան հացը:

Արժանապատվորեն, ինքնազուսպ, հազիվ նկատելի օրորով սկսեց իր հսկայական լողը «Ռասիան» դեպի տուն: Սոցիալիստական մեծ երկրի մի բեկորը. կրում է նրա բոլոր մեծությունը: Նա ամենուրեք հիշեցնում է մեծագործություններ, կրելով իր վրա նոր մարդկության մասին մեծ մտքեր, մեծ հույսեր, մեծ կյանք, նա կտրում է օվկիանոսներ և ծովեր, մտնում է այլ երկրների նավահանգիստները և լարում հազարավոր հայացքներ իր վրա, և ամենուրեք լայն բացած աչքերով նայում են նրան, և կտրվելով աօրեականից՝ խորհում մեծ մտքեր...

Մփում է նաև Արթինն իր ընտանիքի և այլ հազարավորների հետ դեպի հայրենիք:

Շա հիմա վաթսուն տարեկան է: Մի բաճկոն եվրոպական տիպի, մի լայն թումպան նեղ տոտերով սրունքների մոտ, ոտներին քոշեր, գլխին՝ բաշլը՝ լուրջ ու արժանապատիվ նստած նավերին նայում է առաջ: Կենտրոնացած է: Նա սրբագործություն է կատարում, հանդես. մի տեսակ ծիսային են դառել շարժումները:

Թուրքական ափերին մոտենալիս մոռյվեց: Ահա Գալիպոլին, որտեղ նա կովեց: Ահա իրենց խրամատները...

Ապա անցած Գարդանելը, Բոսֆորը և մտան մեծ հայրենիքի ջրերը:

«Ռասիան» գնաց, գնաց ու կանգնեց Բաթումի նավահանգիստում: Արթինն իր ընտանիքի հետ ոտը դրեց սանդուղքին, որ իջնի: Առաջին անգամ սիրտը դողաց, հեաց ակամա: Ոչինչ չի կանգնում մի վայրկյան, որ Արթինը տեսնի, սրոշի՝ ի՞նչ է, ովքե՞ր են,

ի՞նչ են անում... ամեն ինչ ջրերի պես հոսում, խշշում, հորձում է: Ուռաներ ափից, նավից, նվազախումբ, թաշկինակներ, ծաղիկփնջեր: Եվ Արթինը ոտը դրեց նավամատույցի վրա: Եվ հանկարծ զգաց, որ թուլանալու տեղը չէ, պետք է արժանապատվությունն ու կարգը պահել:

«Այս հողն իմ հայրենիքիս հողն է», — մտածեց Արթինը:

Կարծես մի ծանր բեռ ընկավ Արթինի հոգուց: Նա թեթև զգաց իրեն, և նոր հասկացավ, թե որքան ավելի ծանր է եղել իր հոգու բեռը և ինքը չէր զգում:

Ամեն բան դյուրին թվաց իրեն, կյանքի ամեն ձգտում, ամեն գործ, ամեն երազ: Այստեղ, այս երկրում է տեղի ունեցել մեծ ճակատամարտը, որի մասին դեռ Միրիայում լսած ժամանակ իբրև «ասքյար» տվել էր իր գնահատականը: Այս երկրումն է ժողովրդի իշխանությունը: Այստեղ է արդարությունը:

Եվ այստեղ է, ահա այս մեծ երկրումն է իր սեփական ժողովրդի հայրենիքը՝ Հայաստանը: Երբ ճամփա ընկան դեպի Երևան՝ քանի անգամ զգուշացրեց, որ եթե Հայաստանի հողին մոտեցած ժամին հանկարծ քնած լինի ինքը, զարթնեցնեն րոպե առաջ: Այդ իղձը կատարեցին սրբությունը:

Եվ երբ գնացքը կանգ առավ սահմանի վրա՝ Արթինը իջավ գնացքից: Նայեց մի վայրկյան:

Ինչպես անկարելին՝ կարելի, ինչպես հրաշքը՝ իրողություն — ահա Հայաստանը: Նա է... Մուսն էր. խավարած բլուրներ են նայում իրեն մտերմորեն և օտարոտի միաժամ: Մի քանի քայլ ունեւերից այն կողմ բարձր խոտ կար, ծաղիկներ: Արթինը վաղեց այն կողմ և շրջելով երեսը երկար դրեց հողին, համբուրեց, մի բուռ խոտ ու ծաղիկ քաղեց, դրեց սրտին: Հետո ջուր պահանջեց, որ տղաներն արագ հասցրին: Արթինը խմեց ու գնաց նստեց գնացքը:

Գնացքը շարժվեց: Շուտով ձախից Դեբեդը դեմ եկավ: Հետո, երբ նոր էին մտել լոռու ձորը, բարափի ելքին պայթեց լուսնի պատրույզը: Կլորացավ և բարձրացավ: Աջ ու ձախ սկսեցին խավարից դուրս պրծնել աշտարակներ, ամրոցներ, հսկաներ: Շոգեմեծեման ձգում էր իր սուլոցը, որի արձագանքները գնում հալչում էին ձորեղջիկ վիհերում: Իսկ երբ գնացքը կանգ էր առնում՝ չավում էր Դեբեդի մի տեսքով սկսած և երբեք կանգ չպահող վշտոցը: Հետո հանկարծ նրապուլույս: Ատաբ, սրբապատի, ջենքեր, և Այապերդու

պղծաճահանքը սանձելով տարերթը, լցրել էր նախկին ահռելի ձորը
կյանքով ու աշխատանքի ուրախությամբ:

Արթինը մերթ նիրհում էր, մերթ զարթնում: Նայում էր վա-
գոնի պատուհանից, ականջը շոգեմեքենային, որ հափհափում էր
օդը, կոպում, ճամփա բացում դեպի վեր: Ու այսպես նիրհելով
ու զարթնելով անցան Կիրովականը, Լենինականը, ապա լայն թա-
փահարումով բացվեց Արարատյան դաշտը: Արթինի աչքերից ցայ-
տած արցունքների միջին դողում էր Մասիսը, ինչպես ապակե
ուլունքի մեջ: Մտան Երևան: Բոլորը երազում: Եվ ի՞նչ կայտահեր
հանկարծ, որ Արթինը զարթնե՞ր և տեսներ, որ Ազիզում է կամ
Հալեպում... ինչ շար կատակ...

Չէ, երազ չէ. Հայաստանը երազ չէ, ինքը եկել է, Հայաստան
է եկել, հայաստանցի է...

Բայց կրկին ու կրկին՝ երազը երազ չէր, բայց կարծես էլի
երազ էր...

Արթինը տեղափոխվեց իրեն հատկացված սենյակը: Առաջին
պատահած մարդը, որի հետ խոսեց Արթինը, մի երիտասարդ էր՝
Հարցրեց.

— Այս թաղին իշխանավորին տունը չե՞ս գիտեր:

Երիտասարդը, որ ավտոյի շինն անց էր կացրել թևը, ինչ-որ
բանի վրա բարկացած, արագ դուրս էր գնում, կես դժգոհ, կես
կատակով անցավ և այսքանը միայն թողեց օդում.

— էդքան բան որ իմանամ՝ կծերանամ, պապաշ շան:

Մինչդեռ այդ պահին իր տղաները զրուցում էին մի ուսանո-
ղի հետ:

— Եկուր, հայրիկ, մենք ամեն ինչ տեղեկացանք:

Հարևան մի պառավ կնիկ ահագին թեյնիկը բերեց եռ ջրով,
խակ նրա թոռը՝ բաժակներ ու շաքար:

— Համեցեք, անուշ արեք:

— Շնորհակալ ենք,— ասաց Արթինը:— Է՛, մենք ալ հայաս-
տանցի դարձանք:

— Լավն էլ է՞դ ա, բա ի՞նչ,— ասաց պառավը շատ խորիմաստ
լրջությամբ:

— Տուներնիս քիչ մը...— սկսեց Արթինի կինը:

— Տուն էլ կունենաք, ամեն բան էլ,— ծիծաղեց պառավը,—

բա մենք ո՞նց ենք ըլել. բալկոնի տակին: Հմի տես ինչ բնակարան
ունենք:

Տույց տվեց երկրորդ հարկում իրենց բնակարանը:

— Տղես գործարանում ցեխի վարպետ է:

Արթինը և կինը գլուխները տմբոմբացրին: Անհասկանալի էր:
Բայց նրանք այնքան հասկացան, որ պառավը լավ բան ասաց:

Առաջին գործը տան կառուցման հոգան էր: Իր տղաների հետ
պետք է ձեռնարկեր տան վարկի, հողամասի, շինանյութի պատ-
մովթյունը: Խնդիրը բարդանալու էր նրանով, որ Արթինը կամենում
էր երկհարկանի բազմասենյակ տուն կառուցել: Տուն՝ իր և կնոջ,
բոլոր տղաների, նրանց ապագա կանանց և երեխաների համար...

Երկրորդ օրը դուրս եկան քաղաք, դեպի ներգաղթի կոմիտեն,
ուր պիտի կարգավորվեր իրենց տան գործը և տեղեկանային, թե
ուր դիմեն քաղաքացիական բոլոր խնդիրներով:

Արթինը որքան կարող էր մեջքը ուղիղ պահած՝ քայլել սկսեց
և հետը դիտել Հայաստանի մայրաքաղաքը: Հախուռն ցանկու-
թյուններ, մղումներ՝ ընկնել քաղաք, շրջել, տեսնել բոլորը մի
անգամից, բայց միաժամանակ և ուրիշ կիրք այրում էր, շտապեց-
նում դեպի կոմիտեն: Տունը: Կառուցել տունը, որ երազել էր այն-
քան քսանից ավելի տարիներ, տեսնել իր տան տեղը, հողը...

Այն փողոցը, որտեղից անցնում էին՝ քարուքանդ էր բոլորո-
վին. հին շենքերի դիակներին վրա բարձրանում էին նոր բազմա-
հարկեր: Քարտաշների մուրճերը, բեռնատար ավտոների խորոց-
ները, որմնադիրների կանչերը վերևից, ներքևից,— այս բոլորը
լարում, աշխուժացնում էին:

Քաղաքը դղրդում էր հազարավոր ավտոմեքենաների, տրամ-
վայների և մարդկային աղմուկներից:

Արթինն առաջին իսկ կիրակի օրն իր զավակներին առավ և
դուրս եկավ քաղաքը դիտելու: Երբ դուրս եկան Լենինյան պո-
ղոտա, ձեռքը բարձրացրեց.

— Սպասեցեք մեյ մը:

Կանգ առավ և ծանր արժանապատվությամբ դարձավ, մեկ
դեպի վեր նայեց շափեց, ապա դեպի ներքև, մտածեց և որոշեց
ինչ-որ մի բան և գնաց վերև: Մի փոքր անց, իր առջև, աչակող-
մում բացվեց ու վեճ հանգստությամբ նայեց քաղաքին մի հոյա-
կալ շենք: Նա նոր շենյակ, վաղուց նայելիս էր լինում, բայց Ար-

Թինը իր համար առաջին անգամ տեսավ նրա նայելը Այսպիսի շենք Սիրիայում չկար և ոչ էլ Արթինի բնիկ երկրում՝ Քիլիսում։ Արթինին դուր եկա՞վ շենքի հաստատու լուրջ կանգնվածքը, հպարտանքը, Կարծես փառք լինե՞ր քարի կերպարանքով, եկե՞լ տարածվել էր հրապարակում։

Տղաներն իմացան շենքի ինչ լինելը. օպերան էր. բացատրեցին Արթինին։ Լավ շհասկացավ, բայց այդ չէր կարևորը։ Կարևորը այն էր, որ իր հարազատ պետությունն այդքան հարուստ է, որ այդպիսի հավերժական շենքեր է կառուցում։

Առջև ընկած գնում էր Արթինը և ոգևորվում. կարծես ինքն էլ էր մասնակցել շենքի կառուցմանը։ Այդ ամենն իր հայրենիքն էր։

Անցան այգիները, բարձրացան վերև, Շրջանային փողոցը, ապա Արովյանն ու վեր։ Սև տուֆե մի շենքի առջև երիտասարդներ էին խոնված Մոտեցանք Տեղեկացան։

— Հայրիկ, իմ համալսարանս, — բացականչեց Սերոբը։

— Բարով արժանի ըլլաս, տղաս, — հառաչանքով թեթևացրեց Արթինն իր հուզմունքը։

— Հայրիկ, ասանկ ոտքով մենք հեռուներ շենք երթար, թրածվա՞յ նստինք, — ասաց Արամը։

Նստեցին տրամվայ և ճանապարհ ընկան դեպի Օրջոնիկիժե՞կ պարտան։

Հսկայական քաղաքը լցվել էր աչ ու ձախ։ Կրկին բարձրանում էին նորակառույցները։ Չորս կողմը լաստակներ, քարտաշների մոտե՞ճերի շիկշիկոց, քար ու կրի փողի ու հոտ։

Արթինն այլևս չէր կարող հիշել, թե ինչ փողոցներ անցան, ինչ շենքերի անուն տվին։

Մտան գործարանների բավիղը, խառն, իրար հետևից լցված, տարածված։ Իրմացը ահա ծածկելով Արարատի դեմքը՝ ծխում էր գործարանը։ Հսկա դոմնաները թանձրացնում էին օդը՝ առանց խնայելու մարդկանց շնչառության պահանջները։

Արթինն ճնշեցին շենքերի այս մեծ զանգվածները. և այն թափը, որով ավելացվում, կառուցվում, կուտակվում էին նորերը։ Զգաց ինչ-որ կիրք, շտապողականություն։ Հապճեպ վազում էին մեքենաները, խորդում, հեռում, հապճեպ քաշում, իրար առաջ կարում մարդիկ, հապճեպ դարկում էին մուրճերը. անգամ հասճեպ ցուրտ էին ժայթքում դոմնաների ծխի քուլաները։

Հապճեպ՝ կառուցելու, կառուցելու և կրկին կառուցելու քաղաքը շտապում էր, սլանում առաջ, շինարարության անդիմադրելի կրքով բռնված։

Արթինի սիրտը թունդ առավ։ Զգաց պետության գերազանց հոգսը՝ շինարարություն, արագ, անդադար, անվերջ շինարարություն։

— Է՛, ըսել է ամեն բան ունինք, — եզրակացրեց Արթինը։

Բայց այս ճոխ տպավորություններն սկսեցին ճնշել Արթինին։ Հասկացավ նաև, որ մի այցելությունամբ չէր կարող ողջ քաղաքն ընդգրկել, հասկանալ։ Որոշեց մոտ օրերը կարգին ման գալ քաղաքում և հանգամանորեն ծանոթանալ ամեն ինչին։

Ներքուստ մի բան շտապեցնում, գրգռում էր նրան, տան կիրքը, իր տան կիրքը։

Արթինը դիմում տվեց, որ իրեն հողամաս տան քաղաքի արվարձանում։ Հատկացրին հողամաս, բայց երբ իր տղաների ու հողաչափի հետ գնացին հողամասը տեսնելու և ընդունելու՝ Արթինը առաջին անգամ խորը նայեց հողամասին։

— Աղեկ է, աղեկ, կհարմարեցնենք, — ոգևորեց նա որդիներին, և նրանք համակերպվեցին։

Արթինը գնաց շտապած, դեղնած խոտերի և քարերի միջով։ Մի քանի մողեսներ փախան նրա առջևից։ Բայց Արթինը շարունակում էր խոր նայել իր հողամասին, իր տան տեղին։ Նա զգաց, որ վճռված է։ Սա իր ապագա տան տեղն է։ Սա իր տունն է։

Կոացավ, մի բուռ հող վերցրեց, մատների մեջ շոշափեց, մազեց վաչր և դարձավ իր գավաղներին։

— Ահա որ եկանք տուն, Սա կտեսնիմ տունս։ Գրախտ պիտի շինեմ հուր Գե՛։

Հետեյալ օրվանից, ինչպես մարտի գնան, ամենամեծ եռանդով սկսեցին մաքրել տեղամասը։ Սկսեցին վարպետների հետ աշխատել։ Զինք դրին հրկհարկանի վեց սենյականոց մի տան։ Առաջել էին տնամեծ հողամաս։ Զուր բեռեցին վերևից, որով մշակեցին մի կտոր հող՝ ապա և բանջարանոց։ Բայց սկզբում փանր էր ամեն բան։

Սակայն ոչ մի դժվարություն, շինանյութի, բանող ձեռքի վճարի, սեփական ապրուստի, ոչ մի արգելք, ոչ մի անկարելի

քան շկար Արթինի համար: Հաստատ, համառ, ինքնամոռաց աշխատանքով, գիշերը ցերեկ արած բարձրանում էր տունը:

Վաղ առավոտից արդեն տան կառուցման վրա էր:

Մի օր նա արտակարգ տրամադրություն մեջ էր: Վերջացել էր առաջին հարկի պատերի աշխատանքը: Խոսում էր ինքն իրեն, հզաները նայեցին նրան և իրար աչքով արին: Արթինը պատվեց տան շուրջը, ամեն կողմից մտիկ տվեց, հեռացավ, մոտեցավ, շափեց անկյունների մեջ մի քանի մեծ քարեր և հետո կանգնեց, երկար-երկար նայեց ու սասց:

— Այս քարը կուֆթի բեյի վրան դրած քար է: Անիկա զիս իմ տունն են հանեց, կործանեց տունս: Այն մյուս անկյունում ուրիշ քար, — աս ալ Շերիֆ բեյին վրայի քարն է: Անիկա զիս շղթայի գարկեց, սպանելու դրկեց: Այս առաջին հարկը թշնամիին վրա է պրված: Ահա կտեսնե՞ք, նայեցեք այս շարքին բարերը. ասոնց տակ Հալեպին կյանքս է: Այս շարքին տակ Ազիզն է, Հալեպն է, Քայց այս ամենուն տակի շարքը Գելիպոլուն մինչև Քիլիս իմ քար ու փուշ ճամփաս է: Ամեն շարք ասանկ իմ անցած կյանքիս օրերն են: Այս տունը իմ վրեժիս տունն է:

Արթինի որդիները, որ կիսակատակ ժպտում էին և սկսել էին հոր տարօրինակ ճառը լսել, սարսուռ զգացին: Արթինի աչքերը կայծկլտում էին, դեմքը կծկվել էր դաժան կնճիռներով:

Արթինը թափում էր հոգու թույնը, անեծք անցյալի դաժան պատմությունն ու քաշածներին:

— Դրեք քարերը, թող տակը մնան տեսածնիս, — թունավոր շեշտով վերջացրեց Արթինը:

Այդ օրը աշխատեցին լուռ ու ամփոփված: Արթինի խոսքերն ազդել էին իր զավակների վրա:

Օրեր անցան, և տունը բավականին բարձրացավ: Եվ հենց որ մի սենյակը շտապ կարգով պատրաստվեց՝ ընտանիքը մտավ մեջը:

Դա իրերով լցված, բայց կարգին սարքված սենյակ էր, դեպի Մասիսն ու Արարատյան դաշտը նայող պատուհաններով: Այս պատուհանից կնայեր դաշտին ու կսկսեր երազել Արթինը: Նա արդեն մտովի բաժանել էր բոլոր սենյակները. միջանցքները, նկուղի և խոհանոցի անկյուններն իր շորս տղաների ապագա ընտանիքներին:

Տունը դեռ շատ լրացումների կարիք ուներ: Դեռ տունը, պատրաստ երազած տունը, շկար, և Արթինը ոգևորությամբ շարունակում էր տան կառուցումը:

Բայց աշխատանքի ետուն ժամանակ Արթինի զավակները՝ Սերոբը, Արամը, Ատոմը՝ անցան իրենց գործին: Սերոբը մտավ համալսարան, Արամը՝ տեղի տեքստիլ գործարանը, Ատոմը նույն տեղի դպրոցը որպես ուսուցիչ, մնաց միայն փոքրը. բայց նա էլ տանը չէր ճաշերից առաջ: Տան կառուցման գործը վտանգվեց, որովհետև որմնադիրների հետ աշխատում էին բոլորը, իսկ հիմա պիտի աշխատեին գործից ազատ ժամանակ միայն:

Սա նոր հանգամանք էր: Զբաղվել տան կառուցման գործով և սպասեցնել տալ համալսարանին, գործարանին և դպրոցին՝ ծիծաղելի միտք կլիներ: Ժամանակը, գործը իրենցն են պահանջում: Եվ Արթինի զավակները թաղվեցին իրենց գործի մեջ:

Ժամանակ քիչ կար իրենց տան կառուցման գործերով զբաղվելու: Եվ ահա մի օր էլ՝ նորություն: Սերոբը հայտնեց, որ շի կարող ամեն օր գնալ քաղաք, համալսարան: Դիմում է տվել, որ իրեն հանրակացարան ընդունեն:

Արթինը և վշտացավ, և զարմացավ:

— Խելքդ ո՞ւր է: Տուն շունինք, տուներնիս լմնցնենք մեյմը:

— Երբեմն կուշանամ, հայրիկ, — արդարացավ Սերոբը:

— Տունը լմնցնենք՝ ետքը կերթաս համալսարան: Զգե:

— Չէ, հայրիկ, շեմ կարող, — հակաճառեց Սերոբը:

— է, քանի՞ տարի պիտի մնաս քաղաքը:

— Հինգ տարի:

— Չըսե՞ս, քուկին տունիդ մեջ շի պիտի ապրիս:

— Այդ արդեն շեմ գիտեր, հայրիկ: Համալսարանը շեմ ձգեր,

իմացիր:

Սա ի՞նչ խոսելու եղանակ է, սա ի՞նչ հրամայական պահանջներ են նոր կյանքից: Արթինը շգիտեր ինչպես վարվի: Եվ տղան պետք է սովորի. դա իր բաղձանքն է եղել վաղուց, և տուն պետք է կառուցվի:

Հանդուրժեց Արթինը, բայց շատ վշտացավ: Իր զավակը, իր տան սյունը գնում է սգուրս: Սա իր մտադրությունների մեջ չկար:

Սերոբը գնաց քաղաք և այնտեղ հանրակացարանում անկյուն

տաացա՞վ: Միայն կիրակի օրերն էր գալիս տուն: Երբեմն էլ չէր հաշտու՞մ: Ժողովների և այլ պատճառներով:

Արթինի աշխատող ձեռներից մեկը համարյա պակասեց, առանց այն էլ շատ պետք չէր գալիս:

Մի փոքր այսպես չէր սպասում, բայց հնար շուներ, պետք է հանդուրժե՞ր նաև այս:

Միտածամանակ տան գործը՝ թեև դանդաղ, բայց առաջ էր գնում: Բայց այսպես էլ երկար շտեկ:

Մի օր Արամն ու Ատոմը շատ ուշ վերադարձան տուն: Արթինը ոտով գլխով մտած տան կառուցման գործի մեջ՝ ցեխակոլու, փոշուոված և զրգոված վիճակում էր: Զայրացել էր որդիների վրա: Իսկ նրանք հոգնած թեև, փոխանակ մոտ գալու, գործի մասին հարցնելու և աշխատելու, վիճում էին իրար հետ ինչ-որ թեկնածուի մասին, որին առաջարկել էր իրենց շրջանը: Նրանք այնքան էին տարվել իրենց վեճով, որ բոլորովին մոռացել էին տունը:

— Է, չլմնցա՞վ, անցեք գործի:

— Օգուտ չընե՞ր, հայրիկ, հաց պիտի ուտենք և դարձյալ գործի երթանք:

Արթինը զարմացավ: Ուրեմն սրանք այնքան տարված են իրենց նոր կյանքի հոգսերով, որ մոռացել են տունը:

— Է՛, ուրիշ ժամանակ կերթաք, գործը չփախավ դե, — սրտնեղեց Արթինը:

— Անկարելի է: Այսօր մարքսիզմ-լենինիզմի դասն է, — հակաճառեց Ատոմը:

— Ըսել է տունը մնաց...

— Չի մնար, հայրիկ, միայն... Հայրիկ, շերթալ չըլլար, պարտականություն է, — բացատրեց Ատոմը և իսկույն դարձավ Արամին, — անկե ետքը կոլեկտիվի ժողով է: Ես կշտապեմ...

— Այդպես է, հայրիկ, այդպես է. ժամանակ չի կա:

Ժամանակ չկա...

Արթինը այնպես զգաց, որ ինչ-որ մի ձեռք բռնելու-տարել է իր զավակներին տանից, որ նրանք դառել են դրսի մարդ: Եվ մտածում է. «Ենթ որ չէ՞ր, որ իրենք իբրև օւնարներ, այնինքն՝ նորակներ մտան այս քաղաքը և ոչ մի բանի չկապված, նրա գործերին անմասնակից, անպարտավոր՝ ունեին միայն իրենց հոգալը, իրենց

տան կառուցումը, իբրև զխավոր նպատակ՝ դրած առաջին հերթին: Հիմա դրսի գործերը չեն թողնում, որ գունե այդ վերջացնենք:

Բայց տղաները հորը չվիրավորելու և որ զխավորն է՝ չվհատեցնելու համար ամեն առիթի մի որևէ արանք գտնում էին իրենց՝ իսկ որ բազմազարդ ժամանակից, և կրկնակի հոգնություններով ու ճիգերով օգնում էին տան կառուցմանը:

Արթինն ստիպվեց վարժվել նոր հանգամանքներին: Տունն էլ արդեն ավարտվելու մոտ էր. — հարկերը պատրաստ էին, փայտեղենը միայն լրիվ չէր: Արթինը կրկին սկսեց ոգևորվել:

Առավոտը շատ վաղ վեր կկենար, կսկսեր տան գործը, կառուցումը: Կերպեր թթի տակ, կիտոսեր, կկանգներ որևէ քարի առաջ, երկար կնայեր վրան ու կասեր.

— Քար, քանի՞ հազար տարի պիտի մնաս:

Կամ դուան կամարին նայելով՝ կդիմեր նրան.

— Կամարիդ տակեն քանի՞ սերունդ պիտի անցնի:

Որդիները ծիծաղում էին, բայց և ուրախանում էին իրենց հոր երջանկության վրա:

Երբ կիրակի օրերը ընտանիքը հավաքվում էր, նոր միայն սկսվում էր տնական կյանքն իր բոլոր նախկին ծեսերով ու սովորություններով: Սկսվում էին հետագա կյանքի մասին երազանքները, որ Արթինի սիրած զրույցի ձևն էր: Նա չէր թաքցնում իր մտադրությունը, այն է՝ բոլորին ամուսնացնել, տեղափոխել յուրաքանչյուրին իր սենյակը և ապրել միասին, իբրև մի ընտանիք:

Դա Արթինի միակ պատկերացրած և վստահորեն իրական ձևն էր կյանքի, որի մասին ոչ մի կասկած անգամ չուներ:

Նա երանության մեջ էր նայում, չէր նկատում սակայն իր զավակների մեջ առաջացած փոփոխությունները: Նախ՝ նա չէր զգում այն ժպիտը, որով իրար մեջ նրանք մտքեր էին փոխանակում երբեմն, երբ իրենց հայրը խոսում էր տան, իր ապագա հարսների, թոռների և միասնական մի ընտանիքի մասին: Բայց և չէին կամենում վշտացնել իրենց հորը որևէ նկատողություն, ակնարկ անելով այն նոր կյանքի մասին, որի մեջ ընկան նրանք գալով հայրենիք:

Եվ իրոք՝ նրանց կյանքը հիմնովին փոխվել էր: Նախ՝ նրանք իրենց նոր աանը չէին լինում օրվա մեծագույն մասը: Եվ ապա նրանց զբաղմունքում էին բոլորովին նոր հոգսեր ու գործեր: Նոր

հայրենիքի մայրաքաղաքի, դրանից դուրս շրջանների, ողջ երկրից դուրս լայն, անվերջ ծովի պես լցվել էր մի ավելի մեծ, օվկիանոսային կյանք, որի մասին ամեն օր գրվում, խոսվում էր իրենց շուրջը, իրենց հետ, քաշելով, տանելով նրանց ևս:

Արթինը շինում էր իր տունը ուրախ ու անդորր: Չէր խառնվում իր զավակների զբաղմունքին: Նա ինքը միշտ երազել է, որ նրանք պիտի գործի մտնեն, աշխատեն, մարդ դառնան: Այդ կատարվում էր, ուրեմն և լավ է, նա էլ կարող է իր տանը նայել ու կառավարել տունը:

Տան այսքան պաշտամունքը, որին ծանոթ էին Արթինի զավակները, դեռ քանի Սիրիա էին, ուներ մի վեհ, պատկառելի բան, որ նրանց ևս համակում էր: Օտարության մեջ այդ տունը կարծես մի վայր էր, որ կարելի էր քաշվել իր համար, սահմանափակվել և ապրել ամենքից կտրված կյանքով: Այդ տունը կարծես մի ամբողջ էր, ուր կարելի էր ապաստանել այնքան թշնամիներից: Այդ տունը այն վայրն էր, ուր ինքը ամենից ազատն էր դրսի աշխարհի շրջապատից, իր բոլոր նվիրական, սիրելի բաներով: Վերջապես, այդ տունը իր միակ սեփականությունն էր, իր պետությունը, ուր ազատ էր տնօրինել, մտածել, ապրել ինքնուրույն կյանքով:

Այնտեղ տունն այլ խորհուրդ ուներ, այլ էր նրա դերը:

Բայց ահա, երբ եկան Երևան և կառուցեցին այս տունը՝ մի տեսակ նեղ եկավ սա Արթինի զավակների համար:

Առաջին տարին Արթինը համարյա իր հարևանների տնատեղերից հեռու ոչ մի տեղ չեղավ: Բայց վերջերը սկսեց գործի հանգամանքով անցնել մյուս ավանները, քաղաքը: Սկսեց դիտել, տեսնել նոր մարդկանց «իր Հայաստանի» բնակիչներին: Ամեն դեպք նոր էր, ազդում էր, հետաքրքրական էր:

Մի անգամ նա այցի գնաց էջմիածնի խճուղու վրա մի հարկանի տուն, որ կառուցվել էր խճուղու երկայնքի շարանի մեջ: Իր բարեկամը տուն էր ստացել այդ շարքում:

Գեղեցիկ տան հետ նաև տնամերձ այգի էր ստացել իր բարեկամը, միաժամանակ նաև աշխատանք սովխողում: Զրուցում էին: Եվ ահա դեմից եկավ անցնելու մի զորամաս: Դրանք սևահեր, սևաչվի, հայացքով այրող, սրածպիտ զինվորներ էին, որ երգելով գնում էին պարապմունքի:

Արթինի աչքերը փայլեցին, շլացան: Նա ձեռաց խմեց ողջ

տեսարանը, զենքերը, զինվորական կեցվածքը, տրամադրությունը:

Աչքերը լցվեցին, բուկը խեղդվեց: Եվ արցունքների կաթիլների միջոցով բեկված զինվորների համրատատան քայլը, դիմվածքը, ոտների դոփը և անհոգ արհամարհանքը դեպի ամեն դժվարությունն ու ամեն դիմադրությունը, ուժը, այն հրաշալի ուժը, որ խորտակել էր թշնամուն և կարող էր կրկին ու կրկին խորտակել՝ այս ամենը իրականության մեջ տեսավ Արթինը և նոր զգաց, որ դա իր մեծ հայրենիքումն է: Իր տնով տարված՝ նա իսկ որ չէր տեսել այն հայրենիքը, ուր եկել էր:

Շատ բան պատմեց Արթինի բարեկամը, որ ավելի մեծ առիթներ ուներ տեսնելու իր նոր կյանքը:

— Ըսեմ քեզի: Ամեն բան ամենունն է,— ասաց Արթինի բարեկամը, հայացքը կոմիկորեն գամելով նրա աչքերի մեջ,— ի՞նչ կըսես:

Շարունակեցին իրար նայելը և հանկարծ երկուսն էլ փոթրկացին:

— Չի տեսած բաներս տեսանք դե:

— Կամքը ժողովուրդինն է,— ասաց Արթինը,— ժողովուրդը ինչպես կուզե, անանկ ալ պիտի ապրինք:

Մի անգամ, կիրակի օր, ճաշի վրա, երբ Արթինն ու իր զավակները, ինչպես միշտ, ուրախ տրամադրության մեջ էին, Արթինն ասաց.

— Է՞, տուներնիս շինվեցավ. մենք ալ տուն ունեցանք, լմընցանք:

Արթինի այս խոսքերը ժպիտներ առաջացրին նրա որդիների գեմբերին: Նրանք իրար նայեցին նշանակալից և լռեցին:

Արթինն զգաց, որ մի բան անցավ նրանց մեջ: Նայեց մեկմեկ նրանց աչքերին և ժպտաց.

— Է, կինդաք կոր, բան մը չկա՞:

— Կուրախանանք կոր, հայրիկ,— ծածկեց Ատոմը:

— Տուն ունեցանք,— շեշտեց Արթինը զուխը թափ տալով և խոհուն աչքերով նայեց հատակին:

— Տուն,— կրկնեց նա մի փոքր հետո, արձագանքելով ինքնիրեն:

— Երենկ ձեզի, որ ինձմի ավելի պիտի ապրիք մեջը,— ավելացրեց առանձին կարոտով:

— Այդ մ'ըսեր, հայրիկ,— ասաց Սերոբը,— դուն մեզմե ավելի պիտի ապրիս մեջը:

— Ինչո՞ւ,— զարմացավ Արթինը:

— Որովհետև մենք հյուր ենք հոս, հայրիկ. այսօր հոս ենք, վազն ո՞վ գիտե:

— Վազն ո՞ւր պիտի երթաք,— հանգիստ, բայց ներքին խռովքով հարցրեց Արթինը:

Ատոմն ու Արամը ծիծաղեցին, որ կատակի ձև տան զրույցին և ծածկեն կամ մեղմացնեն Սերոբի ասածը կամ ասելիքը, որ դուշակում էին, թե ինչ էր լինելու: Նրանք այդ մասին շատ էին իրենց մեջ խոսել:

— Լուրջ խոսեցեք, բան հասկանանք,— սրտնեղեց Արթինը,— ի՞նչ կխնդար:

— Քուկին տունդ ասիկա է, հայրիկ,— ասաց Սերոբը՝ շարունակելով մեղմ ու բարի ժպիտով, որ շփշացնե՞ր հոր տրամադրությունը,— դուն հոս պիտի ապրիս, բայց մենք ո՞վ գիտե ուր պիտի ապրինք: Ծս ուսուցիչ պիտի դառնամ, ինձ ուր որ ուղարկեն՝ պարտավոր եմ երթալու: Ասոնք նմանապես:

Արթինը կարծես արթնացավ: Սուր նայեց Սերոբին և զուլուր թափ տվեց: Չխոսեց, շարունակեց լուռ ուսել իր առջև դրած ապուրը և սկսեց մտածել:

Նոր անդրադարձավ, որ իր որդիներն իսկապես ուրիշ կյանքով էին ապրում: Որ նրանք տարված են ավելի մեծ կյանքով, որ եռում է իրենց ավանում, հարևան ավաններում, հեռավոր գյուղերում, քաղաքում, ողջ երկրում: Քանի անգամ նրանք գնացին զանազան վայրեր, բացակայելով գիշերներ, օրեր: Որ նրանք իրոք տնական կյանք չունեն, տուն չունեն:

Տխրեց Արթինը: Այսքան երազել իր սեփական տունը, այսքան տարի ձգտել կառուցելու իր տունը, որոնել այն, գտնել վերջապես, և ահա այդ տունը կորցնում է իր խորհուրդը...

Ուրեմն ի՞նչ, տունը մենակ ի՞ր համար էր: Չէ՞ որ նա տուն էր շինել իր որդիների համար, որ նրանք անբաժան, միատեղ ապրեն, բազմանան և շարունակեն իր ցեղը հեռավոր ապագայում:

Մի օր էլ, երբ իր տղաները բոլորը տանն էին, Արթինը շնկատեց, որ նրանք առանձնացան տուն պատի տակ, մինչ ինքը փո-

րում էր բանջարանոցը, սովորաբար նրանք տուն հասնելուն պես տան գործին էին անցնում:

Նրանք ինչ-որ մի բանով շահագրգռված վիճակումն էին: Ատոմը հայտնեց իր մտադրությունը՝ գնալ Լենինական և մտնել այնտեղի Տեքստիլ գործարանը:

— Միևնույն չէ՞, հոս ալ տեքստիլ չէ՞,— հարցրեց Արթինը:

— Տեքստիլ է, բայց այստեղի մեքենաները հարմար չեն իմ գյուտիս համար,— բացատրեց Ատոմը,— ինձի էնժեները բացատրեց Լենինականի գործիքներու սիստեմը: Հոն կըրնամ գյուտս կատարելագործել:

— Մի թողուր, ո՞ւր պիտի երթա: Օտար տեղ կուզե՞ր՝ օտար տեղ էինք դե,— ասաց Արթինի կիներ:

— Լենինականը օտար տեղ չէ, մայրիկ,— նկատեց Սերոբը մանր ժպտալով:

— Անանկ է,— դառնությամբ, թե զղջալով ասաց Արթինը,— ամեն բան մտածեր էինք, բայց աս չէինք մտածեր: Անանկ է, պիտի երթա:

Կինը նյարդայնացավ.

— Ջանըմ, տունը շինած, շմնցած՝ ասոնք ուրիշ տունեք կցրվին:

— Անանկ է, անանկ է,— շարունակեց իր խոհը Արթինը և չէր հասկացվում ի՞նչն է «անանկը». լա՞վ է, թե վատ:

Սերոբը, որ հաշտարարի դեր էր ստանձնել, ուսուցչական եղանակով և զգույշ բացատրեց.

— Հայրիկ, մենք հոս գործի համար եկած ենք, չէ թե տունին մեջ նստելու: Հայրենիք է, գործերը շատ, ալ պիտի վազես, որ հասցնես: Սոցիալիստական շինարարություն է: Մենք այն կրենեք ինչ որ մեզի կսովորեցնեն Լենինը:

— Լենի՞նը,— մրմնջաց Արթինը, կարծես ինչ-որ մի սխալմունք էր գործել իր կամքին հակառակ և հիմա սթափվեց ու գիտակցեց,— իրավունք ունիք, ճշմարիտ է:

Եվ ջերմեռանդ լրջությամբ, կարծես վճռվում էր իր կյանքի գերագույն խնդիրը՝ ասաց.

— Շատ աղեկ տղաքս — գացեք, ինչ որ Լենինը կսովորեցունեն՝ այն ըրեք:

Հանկարծ Սերոբը մեղմ ժպտով, բայց վճռականորեն հարձակվեց հոր վրա և գրկեց:

— Այդպես է, այդպես է, հայրիկ,— ասաց բնթշորեն Սերոբը,— տունն՝ հայրենիքն է, չէ՞ թե՛ աս,— ցույց տվեց իրենց տունը:

Ատոմը, որ մինչ այդ քթի տակ ժպտալով լսում էր Սերոբին և Արթինին, առաջ եկավ:

— Հայրիկ, ես մեր տունեն չեմ հեռանար: Ես մեր տունը կերթամ:

— Ատանկ է,— ատանկ է,— մի փոքր կոտրված, ասաց Արթինը,— աշխարհը նոր է, նորի հետ պիտի երթանք:

— Է, ես ձեզ համար այս տունը շինեցի, դուք ալ ինձի համար տունը ճշմարիտ շինեցիք: Ապրեք, ձեր խոսքն է. տունը՝ հայրենիքն է:

Եվ Արթինը աղոտ կերպով զգաց, որ տունը, այն տունը, որի համար նա եկավ հայրենիք և շինեց, փոխվեց նրա աչքում, դառավ ուրիշ բան: Ավելի ճիշտը խորացավ, միացավ մեծ հարսնիքի հետ:



Ավանի բարձունքներում բլուրն ի վեր նայելիս կարելի է տեսնել Արթինի տունը: Ոչ մի պաճուճանք, ոչ մի հավակնություն: Դա կարմիր տուֆի մի տուն է: Կնայես՝ շես նկատի, կանցնես: Սակայն դա Արթինի համար, Արթինի ձեռքով յուրովի գրված պատմություն է: Նրա մեջ նա դրել է իր ողջ կյանքի գրվածքները: Քարերի շարվածքները տողեր են, հիերոգլիֆներ, Արթինի համար վերածանելի: Ամեն քարը դնելիս նշել է Արթինը, թե ի՞նչ բանի և ո՞ւմ հուշերի վրա է դնում՝ ծածկելու համար, երբ նա սկսում է նոր իր կյանքը:

Դա նրա հաղթանակի տունն է:

Որդիներն էլ ամեն անգամ այդ տանը նայելիս զգում են այդ և ակնածում:

ԱՆԱՀԻՏ

Դա սկսվեց պատերազմի օրերին:

Անահիտը, հիմնարկային մի հասարակ աշխատող, ճակատի մարտիկներին ընծաներ ուղարկելիս անծանոթ մի մարտիկի այսպիսի նամակ գրեց.

«Սիրելի ընկեր՝ մարտիկ.

Մեր Հայրենիքը մեծ վտանգի մեջ է: Բայց նա երբեք չի ընկճվի թշնամու առաջ, շնորհիվ քեզ նման հայրենասեր մարտիկների, շնորհիվ անձնվեր թիկունքային աշխատողների՝ մենք հաղթենք: Մեծպես վստահ եմ, որ իմ այս նամակը հասնում է մի ճշմարիտ հերոս մարտիկի ձեռքը: Հաղթություն եմ բարեմաղթում»: Անահիտի նամակի հասած օրը Տիգրանը, այդպես էր մարտիկի անունը, պատրաստվում էր իր վաշտը գրոհի տանել: Մարտիկները քնած էին խրամատում: Նա արթուն էր, բարձրացած տրամագրություն մեջ: Գիտակից և ակտիվ մարտիկը շփոթություն չէր, որ ապրում էր այդ ժամերին: Դե՛, մարտ է, կամ գրոհում ես, կամ գրոհվում: Հո չես եկել խաղաղ աշխատանքի: Հետո՝ կռիվ է. կամ կսպանես կամ կսպանվես: Ի՞նչ արած: Քո տեղը կրոնեն միլիոնները: Գործը չի տուժի, սա է գլխավորը: Բայց և մարդկային է. կուզենայիր, որ կենդանի մնայիր, տեսնեիր հաղթությունը: Օ՛, այդ երազների երազը:

Բայց դա էլ անպայման պայման չէ, որ դո՛ւ տեսնես: Կարող ես և ինքդ շտեմնել: Թախիժի պես մի բան մտավ Տիգրանի սիրտը: Ոչինչ, դա էլ բնական է:

Բնական է և այն, որ այդ բոլորին կուզեիր տեսնել, թեկուզ մի վայրկյան, հայրենի դաշտերը, քո տունը, հարազատներիդ, եթե հնարավոր է՝ ողջ Սովետական Միությունը, հետո ինչ կլինի թող լինի: Իհարկե Տիգրանը այն էլ էր մտածում, որ հայրենիքը, տունը, ողջ սովետական ժողովուրդն իր հետ են, իր շուրջը, իր մեջ: Դե իհարկե: Ահա նրա մի շունչը, ահա մի մարդ, մի հոգի:

Կրկին բաց է աճում նամակը: Ո՞վ է այս Անահիտը:

Տիգրանը — այդպես է լինում մահի-կյանքի սահմաններում. պետք է լինել ճակատում, որ իմանալ, — ներվերը գերզգայուն են դառնում, մարդ մի փոքր փափկում է... Տիգրանը հափշտակված է այդ Անահիտով, կա «ճակատային» սեր, որ բոցավառվում է մի րոպեում:

Տիգրանը զգում էր այդ Անահիտի ջերմ սիրտը:

Տիգրանը Անահիտին նամակ գրեց, ուր ի միջի այլոց ասում էր. «... Մեր հաղթությունը չի լինի հաղթություն միայն ֆաշիզմի դեմ. դա կլինի նոր մարդկության հաղթությունը հին մարդկության դեմ: Կսկսվի նոր մեծ էպոսա: Պատրաստվենք աշխատելու այդ էպոսայում»:

Շուտով ստացվեց Անահիտի պատասխանը, և այսպիսով սկսվեց մի իսկական նամակագրություն այս երկու իրար անծանոթների մեջ: Դա ահագին հոգեկան հաճույք էր Տիգրանի համար:

Մի անգամ էլ Անահիտը այսպես գրեց... «...Նա հավատացած էմ, որ մենք նոր հայացքով կնայենք մեր գործերի, մեր կյանքի վրա: Եթե մենք անցյալում քայլում էինք արագ և այժմ վազում ենք, ապա պատերազմից հետո կթռչենք: Ճիշտ եք ասում (Անահիտը անցել էր «դուք»-ի) բոլորովին նոր էպոսա է սկսվելու»:

Տիգրանը պատասխանեց.

«... Ճիշտ եք ասում. հետևյալ էտապը թռիչք է և ոչ դեպի առաջ ընթացող մի հետևյալ հասարակ քայլ: Մենք կգործենք համաշխարհային մասշտաբով»:

Մի անգամ Անահիտը ինչ-որ մի առիթով նամակի մեջ այս տողերը գրեց.

«Քաջության կարիք չկա, եթե քայլի, գործի մեջ իդեա չի դրված: Խիզախելը խելացի անհրաժեշտություն պիտի լինի»:

Տիգրանը այդ գիտեր, բայց հիմա ավելի զգոնացավ, ավելի պարզորոշ պատկերացրեց երկյուղը իբրև կենդանական բնազդ, իսկ գիտակից մահը՝ անմահություն մեծ գործի մեջ: Նա ավելի արիացավ, ինչպես վայել է պարտիականին, կոմունիստին: Ավելի լավ «զգաց թիկունքը», հասկացավ, որ իր հետ խոսում է ոչ միայն մի կին, այլ մարդ, որը հաղորդակից է դարձնում իրեն ողջ մտածող սովետական ժողովուրդը: Զգաց, որ այդպես մտածող ժողովուրդը ահա այս նամակների միջով իրեն է նայում և իրենից սպասում է հաղթություն:

Այլևս ի՞նչպես չհաղթես, ի՞նչպես լավ չկռվես, որ հաղթես:

Երբեմն, երբ հուզող մարտից հետո, հանգստանալու համար Տիգրանը պառկում էր մեջքի վրա՝ սկսում մտածել Անահիտի մասին՝ որքան հետաքրքիր բաների մասին կարելի էր խոսել այդ խոհուն, զարգացած աղջկա հետ: Կուզեր տեսնել նրա լուսանկարը, բայց չէր համարձակվում խնդրել նրանից: Նա էլ չէր ուղարկում, չէր մտածում այդ մասին:

Բայց պետք է ասել, որ Անահիտը մի փոքր տարբեր էր վերաբերվում դեպի այդ նամակագրությունը: Առաջին նամակը, որ ուղարկել էր մարտիկին քաջալերելու, թեկունքից մի ջերմ խոսքով ուրախացնելու համար, թերևս նրա համար ևս մի շարաճհիություն ուներ իր մեջ և ավելի քան Վարսիկի համար: Զէ՞ որ Տիգրանն իրեն էր գրում և ոչ Վարսիկին: Այստեղ մի հաճույք կար. անծանոթության վարագույրի հետև թաքնված, խոսել անծանոթի հետ: Ուստի այժմ, Անահիտը իր աշխատանքով կլանված, իր գործերը լավ կադմակերպած, ակտիվ, հանգիստ սրտով ապրում էր իր համար, և հոգեկան «նեցուկների» կարիք չէր զգում: Ինչպես թիկունքի մարդ նա ապրում էր միայն ընդհանուր լարվածությունը, ճակատի հաջողություններն ու դժվարությունները, ուներ իր անձնական այլ հոգսերն ու կյանքը: Մի խոսքով՝ նա լավ էր իր համար և չէր կլանված Տիգրանի անձնական հոգսերով:

Բայց ինքն էլ սկսեց «արծարծել» նամակագրությունը՝ ուրախ, որ կարող էր հոգեկան օգնություն մատուցել մի մարտիկի, որ բարձր է ապրում տրամադրությունը, թող այդպես շարունակվի, թեև նա, որ գիտակից սլարտիական է երևում՝ անշուշտ այս նամակներից չէ, որ պիտի առաջ մղվի, այլ շատ ավելի մեծ ու լուրջ խնդիրներ լուծելու համար: Բայց դե՛, պատերազմ է, մարդիկ մի փոքր զգայուն են դառնում:

Նամակագրությունը շարունակվեց, որով Անահիտը ևս համակվեց ընկերական, պարտիական մտերմության զգացմունքով, և այսպիսի կապը նրան դուր եկավ:

Հաճախ մտածում էր Տիգրանի անձնական բախտի մասին, — ի՞նչ լավ կլիներ, որ փորձանքի շղթա այդ եռանդուն երիտասարդը: Մականջ ուրիշ բան դառա՞յ այս նամակագրությունը Վարսիկի համար: Նրան սկզբում զվարճացնում էին քրոջը գրած նամակներն իբր կատակ, բայց վերջն իր համար գառավ հոգեկան պա-

հանջ Տիգրանի հետ խոսելը: Նրան ավելի գրավեց ծանոթության, մտերմության այս ձևը: Վերջապես այս մտերմությունը: Վարսիկը տենչում էր, որ պատերազմը շուտ վերջանա, որ Տիգրանը վերադառնա տուն, հանդիպեն, արդեն իրար հետ խոսեն «իրական կյանքում» և ոչ այսպես ինչ-որ մի վեպի մեջ, որ ճիշտ է՝ զվարճացնում էր, հետաքրքրական էր, բայց միաժամանակ էլ դրդում էր բաց անել իրենց մեջ քաշած վարագույրը՝ տեսնել նրան, խոսել, ձեռ տալ իրար, բարեկ:

Մի անգամ Տիգրանը իր նամակում այսպիսի տողեր գրեց.

«Հաճախ աչքերս փակում և պատկերացնում եմ Ձեր դեմքը, կերպարանքը: Երևակայում եմ, թե որքան թովիչ պիտի լինեք Դուք, որ այսպիսի բաներ եք գրում: Դուք չեք կարող չլինել թովիչ: Այսպիսի մտքերի, այսպիսի ֆանտազիաների տեր, այսպիսի սրտի տեր կինը ուրիշ բան չի կարող լինել»:

Այս տողերը սթափեցրին Անահիտին: Նա զգաց, որ ինչ-որ բան կոտրվեց իր և Տիգրանի միջև: Մեկ ուզեց ուղղակի գրել, որ Տիգրանը թողնի ճակատային ֆլիրտը, շարունակի իրենց նախկին բարեկամական նամակագրությունը: Բայց հետո մտածեց, որ երբեմն էլ լինում են «ճակատային սիրո» խանդավառություն, սիրահարվածություն: Թող մարտիկը շկոտրվի, սառեցնի մարտական ոգևորությունը, թուլանա գործի մեջ: Բայց և ճիշտն ասած շարունակել նամակագրությունը, սուտ խոսել չէր կամենում:

Բայց ինչ-որ արհեստականություն մտավ իրենց մեջ: Նամակագրության վեհությունը կորավ իրեն համար:— Խոսում էին ոգեվորիչ, բարձր նյութերի մասին, և հանկարծ ահա այդ բոլորը հանգեց հասարակ սիրային ֆլիրտի: Չգիտես ինչու՝ սա մի տեսակ դիպավ Անահիտի ինքնասիրությանը: Ո՞վ գիտի մի օր էլ կգա, կկանգնի քույրերի առջև, կնայի, կստուգի և կհավանի՝— չի՞ հավանի իր երևակայածին: Ինչ-որ քաղցենիության հոտ է գալիս:

Անահիտը հայտնեց Վարսիկին իր անախորժությունը այս մասին և հարցրեց՝ շարունակվի՞ թղթակցությունը...

— Տգեղ կատակի, խաղի մեջ ընկանք. լավ չի՞ լինի ուղղակի ընդհատեմ նամակագրությունը:

— Ո՛չ, ո՛չ, մի՛ անիր,— աղերսեց Վարսիկը,— մի՛ կոտրիր բարձր տրամագրությունը: Ինչու՞ վիրավորել նրան,— խանդավառված կոզում է... այսպես լավ է...

Եվ Վարսիկը շարունակեց ժպտաց:

— Ես չեմ կարող քեզ համար նամակներ հորինել:

— «Ցրիր» տրամագրությունը, խոսքը շուտ տուր գործի կողմը:

— Չեմ կարող սուտ ու անկեղծ փոխադարձություններ, հայրենասիրական ու սիրային դիպումատիա: Ամենագլխավորը՝ ես ինքս չեմ կամենում՝ և վե՛րջ: Վերջապես նա գիտակից մարդ է, պարտիական, անպատճառ թիկունքից նամակագրություն է պետք, որ հոգեկան նեցուկներ ձեռք բերի ու կո՛վի: Նա իր գործը գիտի, բանի՞ դ կաց:

— Ծիշտ ես ասում, բայց լավ է, թող զբաղվի մի քիչ...

— Ես չեմ կարող միտքս զբաղեցնել ամեն տեսակ բաներ հնարելով:

Այն ժամանակ Անահիտը Վարսիկին առաջարկեց, որ նա շարունակի նամակագրությունը: Չասեց իսկական պատճառը: Ասեց որ ինքը շատ է զբաղված և նամակագրությունը դառնում է արդեն հոգս, խանդարում է իրեն:

— Կավ, եկ շվիրավորենք մարտիկին, գրենք,— ծիծաղեց Անահիտը և ձեռքը թափ տվեց.— գրենք, թող հանգիստ սրտով կովի, զբաղվի իր գործով, եթե միայն... Տեսնենք: Հավատացած եմ, որ պատերազմի հետ էլ կվերջանա «ճակատային» ուժանը: Դու ասա կենդանի, ողջ վերադառնա՝ ամենակարևորից ամենակարևորը:

— Այո՛, այո՛, գրե՛նք,— ուրախացավ Վարսիկը:

«Այդպես լավ կլինի»,— մտածում էր Անահիտը,— ինքը ետ քաշվեց՝ բանի բանը լուրջ կերպարանք չի առել, հասել անախորժ առաջարկների, մերժումների, հիասթափումների:

Ծիշտ է, մեջտեղ ինչպես Անահիտին ասաց՝ մի տեսակ անտեղի խաղ է մտնում գործի մեջ, մի ինչ-որ անմտածված կատակ: Բայց Անահիտն էլ ավելի շխորացավ, ավելի երկար շմտածեց այդ մասին:

Կատակասեր, շարունակեց Վարսիկը իր վրա վերցրեց «գործը». նա հետաքրքրվում էր, թե ինչ կստացվի այս «խաղից»: Բայց խնդրեց միայն, որ Անահիտը երբեմն օգնի իրեն, մտքեր տա:

— Ի՞նչ մտքեր: Գրիր, քաջալերիր, ոգևորիր, ա՛յ քեզ մտքեր: Կօզնեմ երբեմն:

— Բայց կստորագրեմ քո անունով. դա չի իմացվի, քանի որ

գաւ մեքենագրած էիր թղթակցում և ես պետք է ձեռագիր ստորագրեմ:

— Լավ:

Վարսիկը մի փոքր «հասկացավ» Անահիտին: Անահիտը տղեղ չէր, բայց դեմքի, արտաքին կողմից բավական հասարակ էր, անհրապույր: Եվ երևի զգում էր, — այսպես մտածեց Վարսիկը, — իր անհամապատասխանությունն այն երազին, որ կրում էր իր հոգում խանդավառված երիտասարդը:

«Երևի վախենում է հիասթափումից»:

Դա սխալ ենթադրություն չէր: Չէ՞ որ կարող է մի օր Տիգրանը ռազմաճակատից գալ իրենց մոտ: Մտքովն անցավ՝ թե ի՞նչ կարիք կար իսկույն անախորժ զգացում զարթեցնել մի խանդավառված երիտասարդի մեջ: Թող իսկույն, առաջին իսկ տեսակցությանը շկոտրվի, հանդիպելով մի՞ սատանան գիտե՞ ինչ արտաքինով աղջկա, որին ռազմաճակատում երևակայել, պատկերացրել է ով գիտե՞ ինչ և որով սնել է իր երիտասարդական անզուսպ ֆանտազիան:

Այստեղ մի փոքր էլ խոսեց Անահիտի ինքնասիրությունը: Ճիշտ է, նա չէր կապվել այդ երիտասարդի հետ և մեծ ֆիասկոյի չէր ենթարկվի ինքը: Չլինի Անահիտը, լինի Վարսիկը: Բայց դե, մաքր է...

Ինքը Վարսիկը երկյուղ չուներ նման բաներից: Նախ նա ուրախ, անհոգ և շարաճճի արարած էր և ապա շատ գեղեցիկ էր: Հարկ եղած դեպքում... Օհո՞...

Սակայն Անահիտն այն էլ մտածեց, — այս մարդը նամակ է գրում, բայց իրոք՝ ո՞ւմ... Իրե՞ն, թե Վարսիկին: Որի՞ հետ է կապված, և ի՞նչպես է կապված: Եթե մի օր իրար պատահեն երեքով. — ո՞ւմ պիտի «ընտրի»: Ճիշտ է՝ ինչ-որ տարօրինակ բան կստացվեր: Հետո՞ ի՞նչ մի առանձին վտանգ կա Տիգրանի հետ:

Նամակագրությունը թող շարունակի Վարսիկը: Տիգրանի հետ պիտի շարունակի միայն մտերմարար թղթակցել, զրաղեցնել, ոգեվորել: Ավելին ոչ ոք Տիգրանին չի խոստացել, նրա հետ՝ զգացմունքի կապ, պայման ոչ ոք չի կապել և ոչ ոք նրան չի խաբուս, չի դավում կամ դավաճանում ոչ մի ուխտած զգացմունքի մեջ:

Եվ ահա Անահիտը օգնում էր, մտքեր էր թելադրում...

Եվ Վարսիկը, որ հիմա «Անահիտ» էր դառնել, գրում էր, որ

շատ զրաղված է և չի կարողանում ավելի հանգամանալից, այսինքն «խելացի» նամակներ գրել, թող Տիգրանը ներողամիտ լինի: Բայց նամակներն անհետաքրքրական չէին լինում: Միշտ Անահիտի խոր, ինքնատիպ մտքերը տպավորիչ մի բան մտցնում էին նամակների մեջ:

Եվ ահա մի օր էլ բնակարանի դուռը բախեցին: Վարսիկը գնաց բաց արեց: Անծանոթ մի — ըստ երևույթին զորացրված՝ երիտասարդ զինվորական:

Մինչ Վարսիկը կհարցներ նրա ով լինելը՝ անծանոթն ասաց.

— Դուք ինձ... ճանաչո՞ւմ եք...

Վարսիկը նայեց: Մի վայրկյան միայն: Մտերմորեն ժպտացող դեմքը և հարազատի հայացքը: Ո՞վ պիտի լինի:

Դե իհարկե նա է, ուրիշ էլ ո՞վ — Տիգրանը:

Քամահար, արճիճազույն դեմք, պողպատածուլ գեղեցիկ կիսանդրի, բարձրահասակ ջլոտ, ամրապինդ երիտասարդ:

Նա ձեռքը մեկնեց.

— Անահի՞տն ես...

— ... Այո, — դուրս թռավ Վարսիկի բերանից ուղղակի անդիմադրելի, անմտածել, Վարսիկը նայեց Տիգրանի աչքերի մեջ և ժպտաց քթի տակ: Սա նկատեց Տիգրանը և քննող հայացքը տարավ Վարսիկին վերից վար. Վարսիկը ևս շափեց վերից վար: «Տեսան իրար»:

«Ահա թե ինչպես էր եղել», — մտածեցին երկուսն էլ: Վարսիկը հրավիրեց Տիգրանին և բարձրաձայն ուրախ կանչեց զեպի ներս:

— Ընկեր Տիգրանը... Տիգրանը...

— Ընկեր Տիգրա՞նը, — հետաքրքրված, ուրախացած առաջ եկավ Անահիտը:

— Քույրս, Վարսիկը, ծանոթացիր, Տիգրան, — ասաց «Անահիտը» ցույց տալով Անահիտին և սուր, ստիպողի հայացքով նայեց նրան:

Անահիտը ակամա ենթարկվեց, ինչ-որ անհարմարություն գգալով:

Ծանոթացան: Փնային սեզանատուն: Տիգրանը իսկույն տեսավ, որ ընտանիքը բաղկացած է երկու քույրերից միայն:

Նստեցին: Կրկին նայեցին իրար:

Դժվար էր նրանց համար հաշտվել այն խառն օտարախոս-
թյան, որ ստանում է մարդ այդպիսի բուսակներին, նման տարօր-
նակ դեպքի ժամանակ:

Ե՛վ այն է մարդը, և՛ այն չէ: Ե՛վ այդպես է, ինչպես կուզեիր
որ լիներ, և՛ այնպես չէ: Հիասթափումն ինչ-որ, բայց մի տեսակ
էլ նոր չերմուխուն:— Ախր, դեմդ կանգնած է ոչ թե մի ստորա-
գրություն՝ «Տիգրան», այլ իրական, կենդանի, գեղեցիկ մի երի-
տասարդ: Եվ աչքերից, դեմքից, ողջ էությունից երևում է, որ լավ
տղա է: Նույնը զգաց նաև Տիգրանը, երբ նայեց Վարսիկին:

Հաճելի մի բան ևս կար այդպիսի հանդիպման մեջ:— Բո-
լորովին օտար մի մարդ, վայրկենապես հարազատանում է քեզ,
դառնում սիրելի: Եթե մի փոքր առաջ փողոցում պատահեիր
նրան, որ այդ բուսակին քեզ հետ միասին ձեր տունն էր գալիս, չէիր
իմանա, թե նա է և ձեր տունն է գալիս:

Տիգրանը մտերմաբար նայեց Վարսիկին և հարցրեց.

— Հետո՞, ինչպե՞ս են գործերդ:

Վարսիկն ասաց: Ապա ինքը հարցրեց.

— Զորացրված ես:

— Այո: Անցնում եմ թիկունքային աշխատանքի: Ես կոնսու-
րուկտոր եմ:

Խոսում էին և շարունակում զննել իրար: Տիգրանը խոսում էր
ավելի Անահիտի հետ, շմտնելու համար իր բուն ցանկությունը
խոսել Վարսիկի հետ:

Բայց զրույցը հետզհետե տաքացավ, դառավ հետաքրքրի
նյութ շատ կար. — պատերազմը, հաղթությունը, խաղաղությունը,
նոր հնգամյակը, ապագան: Խոսեցին երկար՝ մոռանալով մինչ այդ
եղած տարօրինակ ծանոթությունը: Այնպես էին խոսում, կարծես
երկիրը նոր էր ծնվել, և սկսվելու էր մի նոր, հրաշալի ստեղծա-
գործական աշխատանք: Տիգրանն այնպես էր նայում իր ձեռնար-
կելիք գործերի վրա, կարծես նրանք իր կյանքի ամենահանդիսա-
վոր բաները պիտի լինեին:

Իսկ Վարսիկը հետևելով քրոջ և Տիգրանի զրույցին՝ զգում էր
այնպիսի մտերմություն, որ շատ հաղիվ է պատահում մարդու
կյանքում:

— Ի՞նչ եռանդուն երիտասարդ է,— ասաց մտքում...

Եվ շուտով սկսելով ավելի հիացած նայել Տիգրանին քան
խել, միայն ասաց.

— Ուրեմն որքա՞ն մեծ նշանակություն եք տալիս ձեր
գործին:

— Իմ գործը առանձին վերցրած շատ չնչին բան է,— ասաց
Տիգրանը,— ես վերցնում եմ իմ ողջ երկրի գործը միասին:

Տիգրանը տարվեց իր իդեալով: Նա ասաց, որ պատերազմը
ակամա ստուգատես եղավ երկրի ուժերի համար: Երկիրը ցույց
տվեց, որ ամեն բան կարող ենք՝ եթե կամենանք: Եվ հիմա մենք
ավելի համարձակ ձեռնարկների կանցնենք: Կոմունիզմը շոշափե-
լի է դառնում արդեն:

Անահիտը ևս տարվեց Տիգրանի խանդավառությամբ և սկսեց
խոսել նորանոր հնարավորությունների մասին: Նա խոսում էր
ժանր, համոզիչ եղանակով այնպիսի բաների մասին, որ պահան-
ջում է հերոսական թուխքներ:

Տիգրանը իսկույն նկատեց, որ Անահիտը սովորական աղջիկ-
ներից չէ, որ շատ պատրաստված, ակտիվ, նվիրված պարտիական
է երևում:

«Քույրը ևս շատ խելացի աղջիկ է», — մտածեց Տիգրանը,—
լավ է թափանցում իրերի խորքը:

Բայց այս հաճելի, սահուն զրույցի մեջ կար այնուամենայնիվ
մի ինչ-որ բան, որ չէր ներդաշնակում զրույթյանը. կային «ստոր-
ջրյա խտիթեր»...

Անահիտը շատ լավ էր զգում այդ Մեջտեղը մի անսպառնա-
կեղծիք կար համենայն դեպս: Կատակ-խաղը: Դա արված էր պա-
տերազմի օրերին, արտակարգ ումանտիկ պայմաններում՝ իրարից
հեռու, անծանոթ մարդկանց մեջ: Այն ժամանակ կարելի էր անց-
կացնել կատակը, քանի որ երկու կողմերը կարծես կոնկրետ մար-
դիկ չէին, և դա անտարբեր, անմեղ բան էր նրանց համար: Իսկ
հիմա, երբ այսքան մտերմություն առաջ եկավ և մարդիկ էլ «իրա-
կանացան» կանգնեցին իրար առջև՝ պետք չէ՞ր բաց անել կամ
թաքցնել կատակը: Անահիտը մտածեց, որ պետք էր բաց անել
այն, բայց նրան կաշկանդեց մի այլ բան:— Ի՞նչ պիտի նշանակե-
ր այդ հայտնելը: Տեղյակ դարձնել երիտասարդին, որ նրա գրավ-
վելը սխալմունքի՞ հետևանք է, որ նա հիացած է եղել իր մտքերով

և ոչ թե քրո՞ջ: Դա կրիներ անտեղի մեծամտութիւն և տգեղ միջամտութիւն: Եվ ի՞նչ իրավունքով:

Վարսիկն էլ սկսեց ճարպկորեն կատակել՝ իր և Անահիտի անունները դիտմամբ խառն գործածելով, — երբեմն իրեն Անահիտ, Անահիտին Վարսիկ անվանելով: Անահիտը այդ կատակը ևս թույլ տվեց: Դա կարծես ավելի հարմար ելք էր:

Վերջացրեց նրանով, որ մտածեց թե. ըստ երևույթին սրանից մի ուրիշ բան պիտի դուրս գար՝ ինչո՞ւ խանգարել... Վերջը կիմացվեց «գաղտնիքը», բայց երջանկացած զույգի համար ի՞նչ նշանակութիւն պիտի ունենար նման «սխալը»:

Անահիտը ուղղակի պարզ տեսավ, որ Տիգրանը շատ խանգարակնեց Վարսիկով և սա էլ ըստ երևույթին հետաքրքրվեց Տիգրանով, և մտածեց այսպես. քանի որ ինքը կապված չէ Տիգրանի հետ և Վարսիկն է «սկսում» կամ սկսել էր վերջին ժամանակներս և Տիգրանն էլ չի զգում, թե ուր է գնում՝ ի՞նչ կարելի է անել այժմ: Արժե՞ր անախորժ կատակը բաց անել այս բոպեհա: Այստեղ մի բան «սխալ է», մի բան «ուղիղ»:

Իժվարացավ որոշել, թե ինչ կարելի էր անել այդ պահին: Մնում էր մի փոքր սպասել:

Այսպես մտածեց Անահիտը և առաջին օրը ոչինչ չհասկացրեց Տիգրանին, Շարունակեցին կատակի տալը:

Շատ շուտով Տիգրանն ու Վարսիկը մտերմացան: Կատակը, որի ձեռնարկողը Անահիտն էր, այսպիսով դառավ լուրջ բան: Այլևս մինչև անգամ ավելորդ էր խոսել այդ մասին:

Մեղադրել Անահիտին շատ էլ չէր կարելի: Ինչո՞վ էր պարտավորան նախատեսել, նախազգուշացնել Տիգրանին, Չէ՞ որ նրանց մեջ հատկապես իր և նրա մեջ ոչ մի դաշինք չէր կապված: Դա լսի մի հայրենասիրական զգացմունքի թռիչք էր նրանց մեջ. գոնե Անահիտը միայն այդ զգացմունքով էր առաջնորդվել: Եվ այժմ էլ՝ զգուշացնելն անհարմար էր ու ծիծաղելի: Ի՞նչ ասեր Տիգրանին. «ի՛նձ պետք է սիրեիր և ո՛չ նրան, մի առաջարկիր ամուսնական կապ նրա հետ»:

Տիգրանն էլ կպատասխաներ. «իսկ ո՞վ է քեզ սիրում և ո՞վ է մտադիր առաջարկութիւն անելու քեզ»:

Չէ, ծիծաղելի գրուցում կատեղծվել: Ինչ որ է՝ Անահիտը հա-

զիվ թե կարողանար միջամտել ու արգելել Տիգրանին կապվել Վարսիկի հետ:

Տիգրանն արդեն քայլն արեց: Ուշ էր:

Եվ հետո՞ ի՞նչ մի վատ ու անբնական, սարսափելի բան է մի երիտասարդի և մի աղջկա մեջ՝ սիրեց մեկը, հավանեց մյուսը: Հայրենական պատերազմի հերոսը կունենար այնքան ազնվութիւն, որ չթանդեր այդ ամուսնութիւնը «ինչ-որ սխալի» պատճառով:

Մի խոսքով գեպքերն իրենք քայլեցին, ընթացան և դրանց կանգնեցնելու հարկը չկար:

Մի օր Վարսիկը Անահիտին հայտնեց, որ իրենք ամուսնանում են:

— Մի՞թե,— զարմացավ անակնկալ բան լսածի պես Անահիտը, թեև գուշակում էր այդ:

— Չարմանո՞ւմ ես:

— Ո... ո... ո... չ:

— Նա ինձ շատ է դուր գալիս, Անահիտ,— գտեչակեց Վարսիկն Անահիտի տարակուսանքը:

— Այո՞... իսկ դո՞ւ...

— Ծ'ս... այսինքն՝ ես ի՞նչ...

Անահիտը լռեց:

— Չէ, մի բան գիտես, բան ես կասկածում,— մի փոքր անհանգիստ նայեց քրոջը Վարսիկը:

— Ո՞... ոչինչ...

— Անահիտ, եթե դու կասկածում ես նրա զգացմունքի վրա, ես կարող եմ քեզ հավատացնել, որ նա շատ և շատ սիրում է ինձ: Եվ հանկարծ գրկեց Անահիտին:

— Անիկ ջան, մի անհանգստանա: «Այն» անցավ, այն ուրիշ բան էր, դատարկ կատակ... մոռացել եմ բոլորովին: Նա էլ չի կռահում բոլորովին, էլ չկա այն...

Անահիտը լռեց երկար: Մի բան դուր չեկավ այս հապճեպ ու անվերապահ քայլի մեջ:

— Ասում ես՝ շա՞տ է սիրում քեզ,— հարցրեց նա մտախոհ:

— Այո՞, ես ևս...

Անահիտը ուշացրեց խոսքը:

— Ավելի լավ: Դու գիտես, Միայն տես Տիգրանի գոթու

չգա, չզոյաւ: Թե նա ի՞նչ է որոնել և ի՞նչ է գտել, կամ դու ի՞նչ գտար, դա էլ քո՞ գործն է:

Եվ մտածեց իր մեջ կրկին.— «Ինչո՞ւ հայտնեմ «ստույգը» և խանգարեմ: Եվ ի՞նչ իմանամ — նրա «ստույգը» այս րոպեիս թերևս այս է՝ քույրս, և ոչ թե... ես: Առանձին զգացմունք չեմ տածում դեպի նա, մրցակից չեմ»:

Եվ ձեռքը թափ տվեց՝ մի փոքր պղտոր խղճով:

Չանցավ մի քանի օր՝ Տիգրանն ու Վարսիկը ամուսնացան: Այնքան ուրախ, երջանիկ եղավ ըստ երևույթին այդ ամուսնութունը, որ թվում էր հալեց իր մեջ, սրբեց բոլոր կատակներն ու խաղերը, թույլ տված սխալները:

Պատմութունը վերջապես վերջացավ, դրութունը, որ այնքան արհեստականութուններ ու պայմանականութուններ ունեցող դառավ բնական:

Մի երեկո Տիգրանը ինչ-որ հոգնած էր, թե թախծոտ: Մտորում էր ինչ-որ.

— Գիտե՞ս, Վարսիկ, քույրդ շատ խելացի աղջիկ է:

— Այ-ո՞...

— Այո, — իր մտքերում խորասուզված և հայացքը դեպի պատահանից դուրս՝ շնչաց Տիգրանը:

Վարսիկը մի փոքր տխրեց:

— Է, լավ, ինչո՞ւ ես ինձ ասում այդ:

— Ինչո՞ւ, — զարմացավ Տիգրանը, — հենց այնպես:

Վարսիկը տխուր ժպտալով սկսեց ցուցամատի եղունկով փորփրել ծնկան վրա ընկած շրջազգեստի ծաղիկը: Տիգրանը հանկարծ գլխի ընկավ.

— Լսիր. քեզ որ չսիրեի, այդպիսի բան չէի ասի քեզ: Սա լավ իմացիր, խելոքս:

Եվ գրկեց Վարսիկի ուսը: Վարսիկը գլուխը դրեց նրա ուսին, հետո ընդոստ շարժումով ընկավ նրա գիրկը և սկսեց համբուրել նրան:

— Այո, խելացի աղջիկ է Անահիտը, և դա ինձ ուրախացնում է:

— Ինչո՞ւ է ուրախացնում, — շողացնելով աշխույժ ու փորձող աչքերը և նենգորեն մոտեցնելով Տիգրանի աչքերին ճակատը դրեց նրա ճակատին:

— Ինչո՞ւ: Հը՞ր: Թող այդպիսի պարտիական աղջիկներ շատ ունենանք:

Վարսիկը շահագոտացավ բայց: Նրան թվաց, որ Տիգրանը ինչ-որ գլխի է ընկնում կատակ-խաղը: Կամենալով կանխել՝ ինքը մի օր, սիրո երջանիկ րոպեներին Տիգրանին հայտնեց «գաղտնիքը»:

Տիգրանը շփոթվեց: Կարծես իրեն հայտնեցին և հաստատեցին, որ իր ծնողները մինչև օրս իր գիտեցածները չեն եղել, այլ բոլորովին անծանոթ, ուրիշ մարդիկ: Տարօրինակ բան զգաց, չգիտես ախորժելի՞, թե տգեղ, ծանրակշի՞ր, թե աննշան, հասարակ բան:

Երբ առաջին շփոթութունը անցավ՝ Վարսիկը գրկեց նրան, սկսեց փայփայել: Իսկական զգացմունքը իսկույն շքացրեց այդ շփոթութունը: Ինչ էր, ինչ չէր՝ Տիգրանը սիրում էր Վարսիկին: Ուրեմն և վերջ:

— Ոչինչ, թող այդպես լինի...

Միծաղեցին, բայց կրկին ու կրկին զարմացավ Տիգրանը կրկին ծիծաղեց և համբուրեց կնոջը ի նշան «հաշտվելու»:

Միայն մատը թափ տվեց վերջը.

— Այ դու շարաճճի:

Վարսիկը թեթևացավ այդ գաղտնիքի «հոգսից» ինչպես և ենթադրում էր՝ «անց կացավ» առանց միջադեպի: («Եվ վերջապես, ի՞նչ մի ահավոր բան էր պատահել»): Անցավ իր հերթական, առօրյա հոգսերին, սկսեց «տուն սարքել»: Իրեն օգնեց Տիգրանը: Միասին գնեցին կահավորանք, զարդարանք:

Վարսիկը լիովին բավարարված էր իր նոր կենցաղով: Հիմնարկում շատ գործ չունեի և չէր էլ ջանում մեծացնել դրանք: Նրա գլխավոր հոգսն ու բավականությունն այժմ իր տունն էր և իր ամուսինը:

Անցյալի հետքերը հարթվում էին, կորչում: Տիգրանը Վարսիկի հետ հաճախում էր Անահիտին, այնտեղ ասում խոսում էին գործի մասին, տան մասին, Վարսիկի մասին. և ամեն բան կլանեց անկեղծ, բուռն զգացմունքը: Տիգրանը իրոք կապվեց Վարսիկի հետ: Այնպես որ մի երեկո էլ, երբ Տիգրանն ու Վարսիկը նրստած էին բազմոցի վրա՝ Տիգրանը խոսեց իր անելիք նորարարութունների և գյուտերի մի ամբողջ շարքի մասին՝ Վարսիկը վեր-

չապես հաճելի անդորրութիւն զգաց, որ իրենց ընտանեկան վիճակը հաստատված է արդեն, որ Տիգրանն այնքան կգբազլի, կտարվի իր ձեռնարկներով, որ կատակից հետք չի մնա նրա հիշողութիւն մեջ:

Վարսիկն ուրախացավ:

— Իհարկե, շուտ կլինեն այդ գյուտերը:

— Չգիտեմ, տեսնենք:

Վարսիկը գլուխը դրեց Տիգրանի ուսին, բայց սա այնպես էր հափշտակված իր գյուտի մտքերով և այնպես հանկարծ վերթում, որ Վարսիկի գլուխը մի փոքր ծոված մնաց օդի մեջ:

— Լավ բաներ դուրս կգան, Վարսիկ. լավ բաներ,— և սկսեց արագ անցուդարձ անելով արագ շփել ձեռները,— այնպիսի բաներ, որ երեակայել չի կարելի, թե կարելի են:

Չեղած բաներ:

Լոնցին: Վարսիկը քթի տակ ժպտաց.

— Բայց... Գիտես, ինձ թվում է, թե զուր պիտի աշխատես,— ասաց հանկարծ առանց մտածելու Վարսիկը:

— Ինչո՞ւ,— կանգ առավ Տիգրանը զարմացած,— ինչո՞ւ ես ասում այդ:

— Դե, հիմա... ո՞վ գիտի: Գյուտը հեշտ բան չի:

— Հեշտ բան չի, այո. բայց ի՞նչ բանն է հեշտ: Բաներ շատ ենք արել՝ ի՞նչն է հեշտ եղել:

— Կարող է պատահել շատ աշխատես, բայց սխալ բան դուրս գա:

— Սխալ բան չի դուրս գա: Կտեսնես:

Վարսիկը ոգևորվեց: Նա գիտեր Տիգրանի անհանգիստ բնավորութիւնը, և հավատաց, որ երբ նա մտադրվեց՝ կկատարի էլ:

Իրոք՝ Տիգրանը տարվեց իր գյուտերով ու նորարարութիւններով: Գործարանում, տանը, ամենուրեք մշտական եռուզեռի մեջ էր, մոռացել էր կողմնակի ամեն բան: Աշխատանքի այդ ոճի մեջ նա հիշեց իր համար մի շատ սիրելի առանձնահատուկ բան, որ կար պատերազմական գործի մեջ և ռայտեղ արդեն շատ պետք եկավ նրան.— վճռականութիւն, ստուգութիւն, ակտիվութիւն:— Աշխատել համառ, անդիմադրելի ճիգով:

Տիգրանը ամբողջովին լցվեց իր աշխատանքի հոգսերով. ընկավ իր գյուտերի ու նորարարութիւնների հետեւ: Մի քանի գյու-

տեր, նորարարութիւններ թողեց մի կողմ, առայժմ ընտրեց դրանք մեկը. հնարել մի այնպիսի մետաղակտրիչ, որ երեսուն անգամ կրճատեր պրոցեսը: Իրեն օգնական վերցրեց ցեխի վարպետին, որ կոնստրուկտորի հմտութիւն էր ձեռք բերել և երիտասարդ բանվորներից երկուսին:

Խմբակը երբեմն էլ հավաքվում էր Տիգրանի մոտ, և մինչև ուշ գիշեր խոսում, վիճում էին մետաղակտրիչի մասին:

Գիշերվա ժամը մեկը կլիներ, որ Անահիտն ու Վարսիկը մի անգամ Տիգրանեց սեղանատանը նստած սպասում էին նրան, որ վերջացնի գործն ընկերների հետ, գա իրենց մոտ: Գրասենյակից լավում էր խառն վեճ, որ մերթ մեղմանում էր, մերթ պայթում խառնաձայն: Երևում էր, որ այնտեղ այնպիսի մի բուռն վեճ կար, որ հազիվ թե այդ գիշեր դադարեր: Անահիտը մեկ ուզեց տուն գնալ, բայց շատ էր ուզում Տիգրանին տեսնել:

— Է, ի՞նչ կլինի, մտնեմ մի րոպե խանգարեմ,— ասաց Անահիտը,— ծանոթներ ենք, չեն նեղանա:

— Գնա ներս, ի՞նչ ես հարցնում,— ասաց Վարսիկը:

Անահիտը մտավ նրանց մոտ.

— Բարև, ընկերներ, ներեցեք որ խանգարում եմ:

— Խնդրում ենք, խնդրում ենք, ընկեր Անահիտ, համեցեք, գուցե դուք գործը գլուխ բերեք,— խոսեցին իրար խոսք կտրելով վիճաբանողները. տեղ բաց արին Անահիտին և Վարսիկին:

— Ընկել ես անհայտի հետեւից,— ասաց ինժեներ Արզումանյանը, որ ինքն էլ հետաքրքրվել եկել էր այդ երեկո ծանոթանալու գյուտին,— ինձ էլ մեջ են քաշել:

— Դե անհայտն է, որ դառնում է հայտնի, ընկեր Արզումանյան,— ասաց Անահիտը, հայտնին ի՞նչ արժեք ունի, որ դառնա հայտնի:

Միծաղեցին:

— Է, բան-ման դուրս գալի՞ս է,— հարցրեց Անահիտը կոմիկ ժպիտով նայելով բոլորի վրա մեկ-մեկ:

— Այո՛, այո՛,— տաքացած շտապեցին պատասխանել երիտասարդները:

— Գտնված է համարյա,— ասաց ինժեները:

— Էլ ինչո՞ւ եք վիճում:

— Փորձարկելու վրա է վեճը, ընկեր Անահիտ:

— Փորձարկել... կանենք,— ասաց Տիգրանը մտախոհ և գլուխը կախեց գծագրությունների վրա,— հը՛, ասա, է՛,— դիմեց վարպետ Առաքելին։

— Չի դուրս գա, ընկե՛ր Տիգրան,— ասաց վարպետ Առաքելը,— կուզես վաղվանից մասերը ձուլեմ, տես։ Դեռ լավ մշակի։

— Մոտ է, է՛, մո՛տ,— սատանան տանի,— խոսեց ինքն իրեն ինժեներ Արզումանյանը,— համարյա գտնված է։

Եվ դարձավ Անահիտին։

— Այ, այսպես է ինժեներական գործը, ընկե՛ր Անահիտ, ինչպես որ մարդ լինի, որ պիտի ծնվի ինչպես անշունչ առարկա-ւին բերան շինեք, բերանը հանկարծ բաց անի, որ խոսի։

Սկսեցին ծխելը։ Գծագրությունը թողին սեղանի վրա, մի փոքր ցրվեցին, որ հանգստանան։

— Ընկերներ, ասաց ցեխի վարպետը,— ես խորհուրդ եմ տալիս վերցնել առաջին պրոյեկտը։ Թող հինգ անգամ կրճատի կտրելու ժամանակը։ Էն հաստատ բան է։ Իսկ սա չի դուրս գա։

— Ինձ էլ է թվում, որ դուրս չի գա,— ասաց Տիգրանը։

Անահիտը զարմացած նայեց Տիգրանին։

— Բայց հենց ա՛յդ է, գրավում է և արժեք ունի։

Սկսեց ծխի քուլաներ ու օղակներ բաց թողնել օդի մեջ։

— Հենց ա՛յդ, հենց ա՛յդ,— կրկնեց նա երազկոտ ձայնով։

Բոլորն սպասեցին. թե ինչպես է բացատրում նա իր միտքը։

— Հենց այդ։ Դուրս բերել, ուղղակի ստեղծել ոչնչից այնտեղ, ուր թվում է, թե հաստատ ոչինչ չի դուրս գա։ Առաքե՛լ, ե՛կ փորձենք, մի փոքր էլ ճշտենք ու...

— Եթե բան պիտի դուրս գա, թեկուզ մի տարի աշխատես՝ ափսոս չի,— ասաց վարպետը,— բայց եթե հաստատ գիտես, որ չի դուրս գա...

Տիգրանը բռնեց վարպետի ձեռքը և թափ տալով՝ ծիծաղեց։

— Առաքել ջան, հենց գյուտն էլ ա՛յդտեղ է լինում, որ «հաստատ» գիտենք, թե բան չի դուրս գա։ Կհանձնվի՛ր...

— Է՛, մետաղ է ու չի հանձնվում։

— Իր խո՛սքն է։ Կհարկադրենք՝ կհանձնվի։

— Կհամոզե՛նք, կհամոզե՛նք,— կատակեց նաև Արզումանյանը,— սովետական խոսքը մեծազն էլ կթեքի մեր կողմը։

Ու ծիծաղելով բարձրաձայն բռնեց վարպետ Առաքելի մեջքը։ Սկսեցին վիճել կրկին։

— Է, ընկերներ, ձեզ թողնում եմ շատ հետաքրքրական մո-ծենտին և նախանձում եմ ձեզ։ Բարի՛ գիշեր, ես վաղը շուտ եմ գնալու աշխատանքի։

Տիգրանը դուրս եկավ ճանապարհելու Անահիտին։

— Ո՛նց ես, Տիգրան,— հարցրեց Անահիտը,— վերջերս չես երևում։

— Ի՛, գլուխս ծախված է,— ասաց Տիգրանը ցրիվ և հոգնած,— դո՛ւ արի, ես բոլորովին ժամանակ չունեմ։

— Լավն էլ այդ է, բարի՛ գիշեր։

— Գիշե՛ր բարի։

Տիգրանն ուղղակի մարտ էր մղում իր խմբակի հետ՝ կարե-նալու հաղթել այն անկարելին, որ կանգնած էր իր առաջ։ Վար-պետ Առաքելը սկսեց զգալ դժվարության հաճույքը, ինժեներ Ար-զումանյանը ևս միացավ խմբակին, և սկսեցին համառ ուժով «գրոհել»։ Երիտասարդ բանվորները շատ բան սովորեցին այդ վե-ճերի և փորձերի մեջ. բայց նրանց սովորածի մեջ ամենից կարե-վորն այն իդեան էր, որ պետք է կուլել անկարելի դեմ, որովհետև այդ անկարելին, որ միշտ է թվում իրոք անկարելի, վերջը տեղի է տալիս...

Այդպես էլ պատերազմում էր լինում շատ անգամ։ Անկարելին կանգնում էր առջևդ, բայց համարձակ և իմաստուն հարձակումը ընկճում էր այդ անկարելին։ Տիգրանը սովորել էր այդ ոճով աշ-խատելը։

Սրանք Տիգրանի համար վերացական մտքեր չէին, այլ շոշա-փեղի իրականություն, գործ։ Նրա ասելով՝ այն մեքենաները, որ ինքը ընկերների հետ հնարում էր,— հենց դրանք իրենց դեպի կո-մունիզմ էին տանում։ Դրանք կոմունիզմի մեքենաներ էին։ Ամեն, ամեն ինչ, որ հիմա արվում է, գործվում, ստեղծվում, մտածվում,— բոլորը իմաստավորված են այդ իդեալով՝ կոմունիզմ։ Սա թույնում էր Տիգրանին, ինչպես պատերազմում հաղթանակը։

Տիգրանը «հաղթեց» նաև իր ընկերներին, խառնաձուռեց նաև նրանց։

Վարսիկը այս հավաքույթների ժամանակ թեյ և ճաշիկ էր բե-րում, նստում, և անգամ լուռ «մասնակցում»։ Բայց քիչ-քիչ սկսեց

նահանջել, թողեց Տիգրանին, որ զբաղվի իր գործով, իսկ ինքը քաշվում էր իր սենյակը և գիրք ընթերցում: Շուտով ընթերցանությանը հետևեց կարը: Վերջն էլ քնում էր և Տիգրանին թողնում մենակ, եթե մենակ էր նա կամ ընկերների հետ, որ զրուցեն, մտածեն, վիճեն իրենց «գյուտի» շուրջը:

Երբեմն Տիգրանը մենակ էր նստում իր կաբինետում և մինչև հետգիշեր աշխատում, Պատահում էր, որ հոգնած ժամերին մեկ-մեկ ետ էր նստում թիկնաթոռի մեջ, նայում պատին մի կետի վրա, մտորում: Հիշում էր իր զինվորական կյանքը, նամակագրությունը Վարսիկի հետ, իր մտքերը, «նրա» մտքերը, «նրա» քաջալերանքները, խելացի մտքերը և իր երազը՝ տեսնել մի օր «նրան», խոսել հետը, գուցե և հայտնել, որ ինքը անտարբեր չէ դեպի «նա», ամուսնանալը «նրա» հետ և միասին աշխատելը, երազելը միասին...

Ո՛ր կորան այն երազները, որոնց մասին Տիգրանը և «Վարսիկը» գրում էին իրար: Նոր կյանք. նոր մարդկություն, երթ դեպի կոմունիզմ... Երազներ, որ պիտի ջերմանային նաև իր ընտանիքում... Բոլորը երազներ էին:

Մի գիշեր Տիգրանը ոգևորված իր հաջողություններով, ուրախ սուլում և վեր էր թռչում աթոռից, արագ, աշխույժ ման էր գալիս սենյակում: Հիշեց նման վայրկյաններ: Դա որտե՞ղ էր: Այո, ճակատում: Ինչպե՞ս ուռչում էր կուրծքը մի հուզող հաղթությունից հետո, ինչպես լցվում էր պայքարի պաթոսով, ինչպես մահի դեմ կանգնած վեհություն էր ապրում, իր փոքր գործի միացումը ընդհանուր մեծ գործին, մարդկության ազատագրումը: Ի՞նչ ապրումներ էին: Զգաց, որ այժմ մի բան պակասում է իրեն:

Գնաց ննջարան: Վարսիկը քնած էր: Երջանիկ խաղաղություն կար նրա կիսաբաց շրթունքների մեջ: Զարթնեցնե՛լ:

— Ո՛ւ, պետք չէր: Եվ... Կարծի՛: Վարսիկը չէր տա իրեն այն վայրկյանները, որ այրվեցին այնտեղ, ճակատում:

Զգաց, որ մինչ ինքը թռչում էր՝ դիպավ ինչ-որ մի բանի, բնկավ, կանգ առավ, և որ դա նկատվեց, երբ արդեն բավական ուշ էր:

Մի օր էլ գնաց Անահիտի մոտ: Առանց Վարսիկի: Անահիտին հետաքրքրեց այս հանգամանքը: Զրույց արին երկար: Բայց Տիգրանը ոչինչ առանձին բան չասաց, Անահիտը ոչինչ չնկատեց նրա

մեջ: Երևաց, որ եկել է պարզապես զրուցելու: Բայց քանի զրույցը խորացավ, Անահիտը զգաց, որ Տիգրանը ռազմաճակատի դեպքերի մասին խոսելով ուզում է սիրտը թեթևացնել:

— Կա՛մ էր այնտեղ, — ասաց նա և պատմեց մի քանի էպիզոդներ:

— Բայց մի՞թե վատ է այնտեղ, — խստորեն հարցրեց Անահիտը:

— Այստե՛ղ, ի՞նչ ես ասում, — նեղացավ Տիգրանը, — ես այդ շեմ ասում: Ես ուրիշ բան եմ ասում:

Եվ Տիգրանը երկար խոսեց: Բոլորն, ինչ-որ ասում էր՝ հանգում էր այն բանին, որ ժամանակը փոխվել է, որ հիմա պահանջվում է ստեղծագործ աշխատանք, ակտիվություն:

Նրա ասածներում չկար և ոչ մի նորություն: Թե ինչու էր ուրեմն խոսում այդ բաների մասին՝ Անահիտը այնպես էլ լավ չհասկացավ: Տիգրանը զնաց տուն, առանց այդ ուրիշ բաների մասին խոսելու:

Տիգրանն այնուհետև սկսեց հաճախ այցելել Անահիտին:

Սկսում էր պատմել իրենց գործարանի մասին: Նկարագրեց իր մտքած ռաջիոնալիզատորական, նորարական մյուս գործերը, որով գործարանը տոննաներով մետաղ էր խնայում: Զրույցը խաղաղ բնույթ էր կրում: Տարօրինակն այն էր, որ դա արվում էր Անահիտի հետ այնպես, կարծես մի ընտանիք լինեին, սիրող ամուսիններ: Թերևս ոչ ամուսիններ, այլ ավելի, ինչ-որ մտերի մաներ, որոնք այսպես պարտավոր են այցելել իրար, մի տեսակ հաշիվ տալ իրար, ինչպես վայել էր և բնական միևնույն գործով շահագրգռված մի զույգի: Կարծես Անահիտն ևս մասնակից էր այդ աշխատանքին, և հարկ կար նրան հաղորդել ամեն նորություն երկուսի համար, ընդհանուր մի մեծ գործի մեջ: Ըստ երևույթի՞ն զա շատ մեծ բավականություն էր պատճառում Տիգրանին:

Նա տուն էր գնում կենդանացած, հանգստացած:

Բայց հե՛նց այս տրամադրությունն ու հաճախակի այցերն էին, որ սկսեցին անհանգստացնել Անահիտին: Մանավանդ որ՝ Տիգրանը այցելում էր միշտ մենակ... Նա հասկացավ Տիգրանին: Պարզապես Վարսիկը չէր հասկանում Տիգրանի այս ստեղծագործական աշխատանքը, և Տիգրանը դիմում էր «հին հասցեին»...

Անահիտը սթափվեց կարծես: Տարօրինակ կերպով նրա հա-

մար պարզվեց մի բան, որ արդեն պարզ պիտի լիներ և էր էլ առաջ: Նա երբեմն մտածում էր, թե ի՞նչ դուրս եկավ այս պատմություններից: Մեկ դատում էր այսպես, որ ինքն այն ժամանակ չխորացրեց իր միտքը Վարսիկի մոտ, և եթե խորացներ, Վարսիկը կտեսներ, որ ինչ էլ կուզի լիներ՝ այդ «գործի» մեջ կար մի շատ աննկատելի մազալին ճաքվածք, որ առաջ էր եկել հենց «այն» օրերում, երբ Անահիտը զգուշացնում էր Վարսիկին: Այն էլ գիտակցեց, որ հիմա ուշ է այլևս:

Անահիտը զգաց որ «գործ» սկսվեց և մի բան պետք է անել: Եվ շփոթվեց: Սկսեց նրա հետ մտերմական, ընկերական հարաբերություն: Եվ ինքն էլ սկսեց խոսել Տիգրանի նորարարությունների, գյուտերի մասին:

Այնտեղից անցնում էին ողջ Միության կյանքին: Կոմունիզմի հիմքերը,— գիգանտնե՛ր, գիգանտնե՛ր, գիգանտնե՛ր, կարծես օվկիանոսներ են շարժվում, բարձրանում, կարծես երկրագնդի ձայնն են լսում: Այս ո՛ւր է գնում սովետական ժողովուրդը...

Ոգևորվում էին, լցվում հպարտությամբ:

Անահիտն ևս տարվելով այս զրույցներով՝ ինքն էլ ավելի լցվեց մի նոր կյանքով:

Նա ևս ուրախ էր այդ նոր զրույցների համար: Նրա մեծ, ընդհանրացնող ուղեղը, գիտական ֆանտազիան, ուժեղ տրամաբանությունը, խիզախ ոեալիզմը փայլում էին ջերմ զրույցների ժամերին:

Անահիտին դուր էր գալիս Տիգրանի խանդավառությունը, անմար կրակը, գործի, պայքարի, հաղթության ծարավը, մարտական ոգին:

Բայց Անահիտը սպասում էր որևէ «դեպք»... Դա էր նրան անհանգստացնում:

Մի օր Տիգրանը գանգատվեց Վարսիկից: «Ձի ապրում մեր էպոխայով, չի այրվում, չի ձգտում ոչնչի»: Ասաց, որ իրեն, Տիգրանին, տանը պակասում է այն թռիչքը, ջերմությունը, որ զգում էր ճակատում: Շատ են փոխվել մարդիկ,— դա լավ է: Իրենց կոչելիտիվը, գործարանը՝ բարձրացնում են՝ դա լավ է: Բայց այդ ամենը գո՛ւրսը, հասարակության մե՛ջ: Իսկ տա՛նը...

— Հասկանում եմ... — ասաց Անահիտը:

— Տա՛նը: Ախր, ես կուզեի, որ ինձ հետ միասին այրվեր

նաև ես՝, նա՛ ինձ հետ միասին չէ: Նա տեսչին կին է և ուրիշ ոչինչ:

— Հասկանում եմ...

— Ախր, պատկերացրո՛ւ,— ի՞նչ ժամանակ ենք ապրում: Այս իրականությունն անցկացավ անգամ այն բոլոր ֆանտազիաներից, որ ունեինք պատերազմի ժամանակ: Արդեն հիմա ավելի մեծ մասշտաբով դուրս ենք եկել համաշխարհային ասպարեզ, Անահիտ... Մենք համաշխարհային երևույթ ենք:

— Հասկանում եմ, հասկանում եմ, սիրելի՛ս...

— Դե որ հասկանում ես՝ էլ ի՞նչ ասեմ:

Անահիտը հանկարծ կտրուկ դրեց հարցը.

— Լսիր, Տիգրա՛ն, կարճ՝ հիմա ի՞նչ ես պահանջում:

— Պահանջո՞ւմ...

— Այո: Պահանջում ես, որ մենք ամուսնանա՞նք. ես ու դու Անսպասելի, կտրուկ հարցը շփոթեցրեց Տիգրանին:— Կատակո՞ւմ է, լո՞ւրջ է ասում:

— Ո՛չ, ո՞վ ասաց,— թոթովեց և զարմացած նայեց Անահիտին:

— Ուզում ես ապահարզա՞ն պահանջել կնոջիցդ,— հարձակվեց կրկին Անահիտը:

— Ո՛չ... Ինչո՞ւ: Ոչ մի ապահարզան, կարիք չկա:

— Ես էլ եմ այդպես կարծում,— ասաց Անահիտը հանգիստ և մտածկոտ:

Նրանք լռեցին:

— Այո, մենք շենք ամուսնանա,— խոսեց հանգիստ տոնով Անահիտը,— դու ապահարզան չես ստանա Վարսիկից: Բայց քո կյանքում մի սխալ տեղի ունեցավ, որից երևի չէիր կարող խուսափել: Ես ու Վարսիկը քեզ հետ կատակ-խաղ արինք, բայց դա չէր պատճառը, հավատա ինձ: Սխալը քո զգացմունքն էր դեռ ճակատից սկսած: Դու լավ չհասկացար քեզ: Դա սեր չէր, դա բարձր էր սիրուց և ամեն բանից: Դու զգում էիր, բայց չէիր հասկանում: Եվ եկար սխալ հասցեով մի ուրիշի հանդիպեցիր: Ուզում էի զգուշացնել քեզ, բայց կարծում եմ զուր կլինեիր. դու այն վիճակին չէիր: Դու պետք է ապրեիր այդ սխալը և ապրեցիր էլ: Թերևս ես մեղավոր եմ: Կներե՛ս: Մեծ մեղք եմ գործել: Դուցե...

... Այո, դու չէիր կարող: Գու ուման ունեիր, որ պետք է վառվեր և հանգչեր, ինչպես որ և հանգավ:

— Ծիշտ ես ասում, Անահիտ, ճիշտ, բայց ասա ի՞նչ անեմ, ի՞նչ անեմ,— մի տեսակ վշտով հարցրեց Տիգրանը:

Անահիտը շպտասխանեց: Նա խորհում էր: Երկար լռեցին:

Բայց այդ լռությունը ավելի պերճ էր, քան մարդկային լեզուն: Տիգրանը հասկացել էր, որ իր որոնածը այլ բան էր եղել, քան ինչ-որ գտավ: Բայց ի՞նչ բան: Չէր գտնում բառը: Ինչ-որ շատ բարձր, վեհ բան: Սովետական մարդու զգացմունքը՝ ահա սա էր այն միակ թանկագինը, որ կար իր և Անահիտի մեջ: Այն զգացմունքը, որ զգում են միլիոնավոր, հարյուր միլիոնավոր մարդիկ՝ մի ընտանիքի անդամների պես իրար կապված և ընդհանուր գործով ոգևորված սովետական մարդիկ, աշխատանքի ստեղծագործությամբ խանդավառված:

Անահիտն էր դա, սովետական կինը, իսկական կոմունիստը: Նա մտել էր Տիգրանի սիրտը, խոսել նրա հետ:

Անահիտը լուռ մտածում էր: Նայելով նրա խելացի, հանգիստ աչքերին, նրա հասարակ և միաժամանակ ներշնչված դեմքին,— Տիգրանը ակնածեց նրանից: Նա հավատաց, որ Անահիտը, մի հնար կմտածի, մի ուղի կգտնի: Պատի ժամացույցն իր ձայնեղեն ոտիկներով քայլում էր դեպի ապագան: Տիգրանին մի փոքր զարմացրեց, թե ինչո՞ւ Անահիտը շանհանգստացավ: Ի՞նչպես հեշտ ասաց,— ճիշտ է՝ ոչ լուրջ,— «պահանջում ես որ ամուսնանանք»... «Ուզում ես ապահարզան պահանջել կնոջիցդ»... «Կարիք չկա»... Ուրեմն նա գիտե ողջ պատմությունը:

Չարաճճի մի ժպիտ խաղաց Անահիտի նուրբ ու դուստր շրթունքների վրա: Նա խոր նայեց Տիգրանին: Սա սպասեց:

— Հիմա ի՞նչ ես ասում, ի՞նչ ես անելու:

— Չգիտեմ,— դժգոհ պատասխանեց Տիգրանը, որ ուրիշ խոսք էր սպասում լսել:

— Ոչի՞նչ չես կարող անել:

— Ոչինչ:

Անահիտը լռեց՝ շարունակ շարաճճի ժպիտը շրթունքների: Տիգրանը, որ Անահիտից սպասում էր խելացի և «գործնական» խորհուրդ կամ պատրաստակամություն՝ միջամտելու, օգնելու, մի տեսակ հեռաձայնի: «Ուրեմն այսքա՞նը, ուրիշ ոչի՞նչ»:

— Ասում ես ո՞չինչ չի կարելի անել: Հը՞:

Տիգրանը վեր թռավ:

— Ուղղակի ասում եմ ինքս ինձ:— Շուրջդ աշխատանք, ստեղծագործություն, էնտուզիազմ, մարդիկ ուղղակի վազում են: Մտիք գործարանները, հիմնարկները. ինչ եռուզեռ, ինչ եռանդ: Իսկ նա...

— Հըմ... Չի կարելի,— ասում ես:

Դարձյալ մանր ժպտաց և գուրգուրոտ, բայց և հանելուկային աչքերով շոյեց Տիգրանին:

— Այսքան մեքենաներով զբաղվում եք, չեք կարողանում մի փոքր էլ մարդով զբաղվել:

— Է՛հ...

— Տեսչեններ, մեքենաներ եք կարողանում «համոզել», մեքենաներ եք «հնարում», ծոում, շտկում,— չեք կարողանում մարդուն համոզե՞լ, չեք կարողանում մարդուն «հնարե՞լ», «գտնե՞լ»...

— Կատակ ես անում...

— Կատակ, իհարկե,— և ժպտալից հայացքով մեզմ շոյում է Անահիտը:

— Չէ: Լուրջ ես ասում:

— Լուրջ՝ եթե ուզում ես:

Տիգրանը զարմացած նայեց Անահիտին: Իրոք լո՞ւրջ է, ին՞չ կատակ:

— Այո, այո, մտադր հնարեցեք: Չկար մարդը, խոսեցիք,— մեկ էլ տեսար՝ հնարվեց: Վարսիկը մեքենա չէ, նա լավ կըմբռնի: Նա էլ կարող է փոխվել, իբրև նոր մարդ:

Անահիտը ձայնը բարձրացրել էր և մի փոքր կարմրել:

— Նա լավ մարդ է, հավատացնում եմ ձեզ, ունի պոտենցիա, պետք է «տանել հետը»:

— Չի գա, Անահիտ, գիտեմ նրան, չի գա, չի թեքվի:

— Ինչո՞ւ: Մետաղը կարելի է թեքել, անել տալ ինչ-որ ուղում ես, իսկ մարդուն ո՞չ... Ներողություն... Անուններդ դրել եք գյուտարարներ, նորարարներ եք կոչվում, սիրում եք հնարել, գտնել նոր մեքենաներ. ստեղծել, գտնել դժվար, անկարելի բաներ... Այ, ինչո՞ւ չփորձել գտնել մարդուն իրեն, մեքենաներ ստեղծող մարդուն ևս:

Տիգրանն զգացվեց: Անահիտը լուրջ էր խոսում:

— Ապա ի՞նչ, Ի՞նչ ես երեսիս նայում, ճիշտ չէ՞: Պայքար մարդու համար, մարդու գյուտարարը, նորարարը...

Ու ժպտում է՝ շգիտես լուրջ, թե կատակ...

Կատակ էր անում իհարկե և միաժամանակ ինքն էլ մտածում էր. «մի՞թե ճիշտ չեմ ասում»: Բայց երբ Տիգրանն ավելի լուրջ և խոր նայեց Անահիտին՝ նա այնպես զգաց, որ Անահիտը հոգու խորքում լուրջ էր:

— Ստեղծիր նրան, Վարսիկին. նա ունի տվյալներ: Նա լավ աղջիկ է, հավատացնում եմ քեզ:

Նայեց Տիգրանը Անահիտին, այդ խելացի, բարի ու տաղանդավոր հոգուն, և առաջին անգամ գրկեց համբուրեց նրան: Անահիտը շքնդղիմացավ: Լուռ մնաց Անահիտը և հետո կրկին խոր նայեց նրան. —

— Հիմա հասկացա՞ր, թե ինչ ենք մենք, — ես և դու այս րոպեիս:

— Գիտեմ...

— Այո՛, կոմունիստներ, ընկերներ:

ՀԱՅՐԵՆԻ ԿՏՈՒՐԻ ՏԱԿ

Հայկական դիվիզիան՝ ինչպես մի ալիք ամբողջ անծայրածիր օվկիանոսի մեջ՝ հորձանք է տալիս: Նա ևս լցված է այն հարձակման ոգով, ինչ որ տոգորել է ազատարար ժողովուրդներին և կապել իրար: Նա էլ է գնում ազատելու մարդկությանը:

Երեք մարտիկ՝ Հակոբը, Ռուբենը և Ալեքը՝ միշտ անբաժան են այս երթի մեջ: Նրանցից առաջինը՝ Հակոբը, երկուսի կատակների առարկան է միշտ՝ անխոս, բաղի պես օրորվելով գնում է մեջքին ռազմական ծանր բեռը տանելով: Նրանց դասակը աչքի է ընկել իր խիզախությամբ. ուստի և նրանք շարունակ իրար հետ կատակում են ու ծիծաղում: Հակոբը մի փոքր դժվարաշարժ երիտասարդ է: Տանը լավ բանող կոլխոզների էր: Բանում էր դանդաղ, բայց հաստատ: Եվ հիմա, երբ զորամասը շարժվում է արագ ընթացքով՝ գունդուկծիկ Հակոբը քրտինքի մեջ կորած է: Կաթիլները գլորվում են նրա քթի ծայրից: Նա թևով սրբում է այդ կաթիլները, հետո հրացանի փոկը նետում է մի ուսից մյուսը, թափ է տալիս իրեն և մշմշալով քայլում:

Օդում տազնապ կա սակայն:

Մարտիկներից առաջ մի առաջապահ զորամաս շփման մեջ է թշնամու հետ: Այնտեղից հեռվից լսվում է նրա հրանոթների խուլ որոտը:

Չորամասը գնում է հասնելու և փոխարինելու նրան:

Ճանապարհի սառած հողն ու սառույցը փշրվել, խառնվել են իրար՝ գծելով մի սև ժապավեն: Աջ ու ձախ թափված են ջախջախված տանկեր, սայլեր ու ավտոներ: Տեղ-տեղ անշարժ փոկվել են մարդիկ: Դա գերմանացիների դիակներն են: Նրանք մի վերջին շարժում ևս կանեն տեղից մինչև գերեզման և այնտեղ կմնան հավիտյան անշարժ:

Չորամասը մտավ մի բնակավայր: Աժալի, ավերակ, այրած

մի վայր էր դա: Քառակուսիներ՝ գետի վրա, ածուխի և մոխրի սև գույնով տպված. դա նախկին տներն են: Երկար ձգված է մի սև շերտ. դա գյուղի գլխավոր փողոցն է: Երբեմն միայն մի նեղ քառակուսի սվաղած սյուն տնկված մնացել է այդ քառակուսիների մեջ. դա վառարանի հետքն է:

— Մինչև տակը վառել են անիծածները,— ասաց Ռուբենը:

— Քար չկա, եղածը փայտ է, բա ի՞նչ կլի,— բացատրեց Ալեքը:

Հակոբը լուռ նայեց ավերակներին և խուլ հազաց: Նրա աչքերից շեն խուսափում ամայի գյուղերի մոխրակույտերը: Նա մտածում է հին բաների մասին: Իրենց գյուղերը հեռավոր հայրենիքում:

— Մերն ուրիշ տեսակ էր. պատերը մնում էին,— ասաց Ռուբենը:

— Դե մերը քար էր,— ասաց Ալեքը:

Ճանապարհից մի փոքր աջ՝ թմբի վրա մի բարակ ծուխ էր գզգզվում քամուց: Մի կարմիր թիթեղե կտուր էր, որ հրդեհից իշել էր, նստել, գետնին: Ահա նրա տակից, ինչպես գետնի տակից, ծուխը դուրս էր գալիս: Ինչ-որ խորհրդավոր բան կար այնտեղ: Ի՞նչ ծուխ էր դա...

Ռուբենը քայլերը ծռեց դեպի այն կողմ:

— Հա՛, ի՞նչ կա,— հետաքրքրվեց Ալեքը:

— Գնամ տեսնեմ ի՞նչ ծուխ է:

— Չգո՛ւյշ...— խուլ խոսեց Հակոբը:

Ռուբենը շատասխանեց և գնաց: Ալեքը շուգեց նրան մենակ թողնել, հետևեց նրան:

Հակոբը կանգնեց:

Ռուբենը մոտեցավ ավերակին:

Թիթեղե կտուրից մի փոքրիկ թիթեղե խողովակ էր ցցված, որտեղից ծուխն էր դուրս գալիս: Կտուրի մի եզրին գետնափոր սանդուղք էր փորած, որ տանում էր ներքև, փոսը: Ռուբենը կռացավ նայեց: Կիսամութի մեջ մի կին էր կծկվել փոսի մեջ՝ երեստան գրկին: Կինը վեր նայեց, բայց չշարժվեց տեղից: Ռուբենը ծպտաց:

— Էս ի՞նչ բան է, էս ո՞ւր ես մտել,— հարցրեց նա կնոջը:

Կինը միայն տխուր վեր նայեց:

— Ի՞նչ բան է,— հարցրեց Հակոբը և մոտեցավ, հետաքրքրված նայեց փոսին:

— Չլինի՞ վիրավոր կա:

— Չէ, ի՞նչ վիրավոր,— ասաց Ալեքը,— մտել է ծակուռը, տաքանում է:

Հակոբը նշանակալից նայեց կնոջը, գրկի երեխային, թիթեղե առաստաղին, փոսին, վառարանին՝ կարծես շատ կարևոր էին այդ բազմազնին դիտողությունները: Հետո գլուխն օրորեց:

— Վաղո՞ւց է եկել ես,— հարցրեց կնոջը:

— Չէ,— պատասխանեց կինը,— հենց որ մերոնք մտան գյուղ՝ թաքստոցից եկա տուն:

— Տո՛ւն... ախր սա ի՞նչ տուն է,— ծիծաղեց Ռուբենը:

— Դե ո՞ւր գնար,— բացատրեց Ալեքը:

— Ասենք՝ դրուստ է,— մտածեց Ռուբենը բարձրաձայն:

Հակոբը համակված նայեց կնոջը և ինչ-որ բան անցավ նրա հոգով՝ ծանոթ այնպես, սիրելի՛...
Եվ նա գլուխն օրորեց:

— Լա՛վ է այդտեղ, քույրի՛կ,— հարցրեց նա կնոջը:

— Իհարկե լավ է, իմ տունն է,— պատասխանեց կինը՝ օրորելով գրկի քնած երեխային:

— Ինչո՞ւ չսպասեցիր, մինչև կարգի ընկներ ամեն բան,— հարցրեց Ռուբենը:

Կինը ծպտաց:

— Չէի կարող համբերել... Ինչքան շլինի՛ տունս է, էլի տաք է այստեղ: Հանգիստ է սիրտս:

Կինն արտասովեց և թևով սրբեց արտասուքը:

— Բա ախր ի՞նչ է մնացել էստեղ,— խոսեց ինքն իրեն Ռուբենը,— պատերը մոխիր են դառել, առաստաղը գետնին է կպել:

Կինը վիրավորվեց և ցատումնալի շեշտով գոչեց:

— Ի՞նչ է մնացել, շատ բան է մնացել... ինչպե՞ս շեք հասկանում:

Հակոբն աչքով արեց Ռուբենին:

— Թո՞ղ...

— Ի՞նչպես ոչինչ չի մնացել: Այստեղ իմ ամուսինն է ապրել, իմ երեխաներն են ապրել: Այստեղից են նրանց տարել սպանելու: Այստեղից եմ մտիկ տվել մեր գյուղին, իմ համագյուղացիներին:

ապրել մեր կոլխոզի հետ... Այստեղ շատ բան է մնացել:

Կինը թևով սրբեց աչքերից կրկին հոսող արցունքները.

— Այստեղ իմ տունն է, ասել է իմ հայրենիքը, այստեղ իմ ուրախությունն է մնացել, իմ ազատությունը: Առաստաղը — ոչինչ, կբարձրացնեմ, պատերը կշինեմ: Տունը տեղն է: Տունը կա՛, — դա իմ սիրտն է: Ի՞նչպես ոչինչ չի մնացել:

Հակոբը հառաչեց, հանեց պարկից հացի բոթոնը և վայր գլորեց դեպի կինը.

— Մի՛րտդ պինդ պահի, քույրի՛կ, ամեն բան լավ կլինի:

Ու հեռացավ: Ռուբենն ու Ալեքը հետևեցին նրան:

Հակոբը համակված կնոջ խոսքերով՝ մտածեց... Կրկին այն հաճելի բանն անցավ նրա հոգով, այնպես ծանոթ, այնպես սիրելի: Դա իր տունն էր իր Հայաստանում, որտեղից այս բուսկիս նույնպես մի բարակ ծուխ էր ոլորվում դեպի լազուր երկինքը: Եթե նայես այդ ծխի քուլաներին՝ նրանց արանքից կտեսնես գլուխները երկինք հասցրած երկու հսկա Մասիսները: Եվ մի կին՝ Հակոբի կինը՝ երեխան գրկին նույնպես նստած է այնտեղ վառարանի կողքին: Բայց չգիտես ինչու դառն եկավ նրա սրտին այդ պատկերը: Ամենքը, ամենքը սպասում են նրա վերադարձին, այն բանին, որ կյանքը քաղցրանա: Որքա՞ն հեռու, հեռու են նրանք: Բայց և որքան մոտ են նրանք, նման են իրար: Այնտեղ շեն է ամեն ինչ, բայց նրանց գլխին էլ նույն միտքն է սավառնում... Պետք է լիովին դիտել այն բոլորին: Այն բոլորը քոնը չէ՛, եթե չես հաղթի թշնամուն...

Տո՛ւն — դա ասել է հայրենի՛ք...

ԽՈՇԱՆԳՎԱԾԻ ԱՎԱՆՈՂ

Շուլցը, էսէսական զորամասի կապիտանը, երկաթե կազմվածքով, հին կադրային զինվորական էր, դեռ բավական երիտասարդ: Նրա սուր հայացքը, և սեղմ շրթունքները՝ երբ նա աչքերն անթարթ նայում էր դիմացինին՝ ակամա ազդում էին: Նա ճակատ եկավ սովետա-գերմանական պատերազմի հենց առաջին օրից: Եվ երբ սկսեց գործի անցնել՝ իսկույն զգացվեց հմուտ պրոֆեսիոնալի ամուր ձեռքը:

Կապիտանը չէր կարողանում առանց իրոնիայի լսել, թե պարտիզանական ջոկատները լուրջ խանգարում են գերմանական զորքերին: Նա պարտիզանների հաջողությունները բացատրում էր գերմանական հրամանատարության տարտամ վերաբերմունքով դեպի գործը, պատժիչ զորամասերի անվճռականությամբ:

Տեղական բնակչությանը վերջնականապես ճնշելու համար նա միշտ առաջարկում էր գնդակահարել:

— Իսկ երբ չեն հնազանդվում՝ դարձյալ գնդակահարել և կրրկին գնդակահարել:

Շուլցը չէր ընդունում պարտություն հասկացողությունը: Նա բացատրում էր, որ միայն պետք է հաղթել և ուրիշ ոչինչ չպատկերացնել:

— Անդիմադրելի, — ահա թե ինչ կարծիք պետք է ունենանք մենք մեր մասին, — ասում էր նա:

Կապիտան Շուլցը չէր խուսափում նաև փիլիսոփայությունից: Բայց դա զինվորականի փիլիսոփայությունն էր: Երկաթյա մի օրենք էր դա, որ կաշկանդել էր նրա մտքերի թելը, կարծես հենց պողպատի մի լար էր դա նրա գլխի մեջ պարուրած: — Ամեն ինչ, որ իբրև արգելք դեմ է կանգնել գերմանական զորքի առաջ՝ լինի զորք, բնակիչ, դիրք, հրանոթ — բոլորն ընդհանրապես վերցրած՝ դիմադրական նյութ է միայն, որ պետք է ճզմել, ոտնատակ անել և անցկենալ վրայից: Ուստի և նա գերի չէր ընդունում՝ գրնդակահարել էր տայիս: Չէր էլ սիրում շարշարել, — այդ էլ ոչ թե

գթությունից, այլ ավելորդ ժամանակի կորուստ էր համարում, անօգուտ զվարճություն:

— Նյութը, օրինակ հողը, քարը, փայտը շեն շարշարի, նյութը կոշնչացնեն.— ասում էր նա:— Մեր նպատակը տիրելն է նյութին, մեջտեղից քշելը:

Այս պատճառով էլ նրա զորամասի անցած ուղին «անաղ-մուկ» էր դառնում միշտ: Դեպքերը դաժանորեն կարճ էին տևում,— կտկտում էին գնդացիներն ու ատրճանակները, վայրը «մաջըր-վում էր» և սկսվում էր զորամասի թիկունքային «խաղաղ» կյանքը մինչև առաջավոր դիրքեր հասնելը:

Նա գործադրում էր իր առանձին զինվորական կանոնները: Եթե այն բնակելի կետը, որ ինքն էր մտնում իր զորամասով՝ իրենցից առաջ գետապոն «եղել է» մի անգամ՝ նա կատարում էր մի հավելյալ մաքրագործում ևս: Նա կամենում էր անձամբ վըս-տահ լինել վայրի կատարյալ անվտանգություն: Իսկ այդ կարելի էր ձեռք բերել, նրա ասելով, միմիայն կանխիչ խստությունը հասցնելով մինչև սարսափի և ճնշման վերջին կետը: Ծնշել վերջ-նականապես, վճռականապես, անխնայ:

Միայն մի «արխտոկրատիզմ», թե ուցիտոնալիզմ ուներ՝ չէր սիրում կախել:

Այն առավոտ, որ կապիտան Շուլցը մտավ ռուսական ավանը, ուր ինչ-որ բան էր լսել այդ ավանի մոտակայքում գտնվող ռու-սական հուշարձանի կործանման մասին, և ուր երկու սպաները խոսում էին ռուսական կուլտուրայի մասին, նա փնթփնթաց.

— Կուլտուրան գերմանական է: Ուրիշ կուլտուրա չկա:

Հետո դառնալով մի սերժանտի, որ իր հետ ներս էր մտնում իրենց հատկացված տան բակը՝ նա մեքենական տոնով ասաց.

— Հանգստացնել գյուղը:

— Լսում եմ, կապիտան,— նույնքան մեքենական տոնով պա-տասխանեց սերժանտը և իսկույն կրնկի վրա պտտվելով դուրս գնաց:

Սերժանտը լավ գիտեր, թե իր կապիտանի տերմինով ինչ է նշանակում հանգստացնել.— վտանգի վերջին հնարավորությունը՝ գիմադրությունը հակառակորդ գյուղացու, պատանու, հասակավո-րի ու կրտսերի բոլոր գոյությունը մեջտեղից վերացնել:

Մի տասը բռնկից գնդացիները կտկտացին: Հեռվից խուլ

աղմուկի, շենքի հաշոցի հետ լսվեցին սուր ծղրտոցներ: Կես ժա-մից ամեն ինչ հանդարտեց: Միայն շները շարունակում էին ոռ-նալ ու հաշել անտառի եզրին:

Կապիտան Շուլցն անտարբեր լսեց այդ ձայները, որ նրա համար սովորական էին որևէ բնակավայր մտնելու առաջին ժա-մերին և սկսեց տեղավորվել սենյակում:

Նա իսկույն հանվեց և պառկեց մահճակալին: Նա ապահով էր միանգամայն: Գյուղը «մաքրված էր և հանգիստ»: Վտանգա-վորները մինչև վերջին մարդը գնդակահարված էին, գյուղը՝ խու-զարկված: Մնացած արարածները՝ «զառամյալներն ու շները» ոչ մի վտանգ չէին ներկայացնում:



Տան հետևում կից մի երկու փոքրիկ տնակներ կային, որոն-ցից մեկի դուռը բացվեց և տարտամ քայլերով դուրս եկավ մի գունատ ծերուկ: Նա ետ շրջվեց դռան մեջ և խեթ նայեց ներս:

— Հա, ի՞նչ ես էլի նվում:

Ու դժգոհ նայեց ու սպասեց պատասխանի:

Տնակից դուրս եկավ մի պառավ, որ լացակումած աչքերով նայեց շորս կողմ և ապա գլխիկոր մտածելով՝ կարծես ինքն իրեն ասաց.

— Սիրտս մղկտում է: էլի զարթնեց երևի:

Մերուկը, որ միականի էր, մի աչքով խեթեց նրան: Բայց պա-ռավն անհանգիստ էր: Նրա ձեռները դողացին և այտերի մկաննե-րը խաղացին հիվանդագին ցնցումներով: Նա գունատվեց: Մերուկն ինքն էլ անհանգստացավ: Եվ կարծես վախենալով, որ պառավը կբռնվի ինչ-որ մի հիվանդության նոպայով՝ անախորժ, բայց տարօրինակ դժգոհությամբ, որի մեջ նաև մեղմություն կար, ասաց.

— Գնա մտիկ տուր, տես:

Պառավը զարթնեց իր մտքերից, որ նրան կաշկանդել էին:

— Բա ի՞նչ կլի... էնքան թխթխկոցներից: Գնամ, այո, գնամ, հիմի զարթնած կլի:

Հետո նայեց ամուսնուն և ասաց ցած ձայնով.

— Հիտունի շափ գնդակահարեցին: Պավլովն էլ մեջն էր,

Կուզման, կողքին Չյորնիխն էր: Հասկերի նման պառկեցին: Հենց իսկը հասկերի նման: Էն որ վարպետ հնձողի գերանդու տակ պառկում են, է՛, Իսկը:

— Լավ, լավ, հերիք հաշիվ տաս, գնա բանիդ:

Պառավը կրկին հիշեց իր ցավը, անհանգստացավ և շտապով գնաց:

Ծերուկը գնաց մտավ կողքի մութ մեջեմեջ շենքը: Գրպանից հանեց մի դանակ և սկսեց եղունգները կտրել: Այդ զբաղմունքը նրան շատ երկար ժամանակ մեխեց միևնույն տեղում: Հետո, երբ վերջացրեց՝ դանակը ծալեց, դրեց գրպանը և մտազբաղ սկսեց նայել հատակի մի կետին՝ կարծես մի բան էր որոնում, կամ գտել էր: Իրոք՝ նա շարունակում էր իր մտքի թելը: Մտածում էր պինդ, լարված: Ապա սկսեց հոգածու և խուզարկու հայացքով նայել շենքի խորքը:

Դա բաղնիք էր: Թաց տախտակների գաղջ հոտը մտնում էր նրա քիթը: Նա տնտղեց անկյունները, որ խավարի մեջ էին: Հետո ինքն իրեն մի քանի հավանություն տվեց և գլուխը վճռականորեն թափ տալով՝ դանդաղ դուրս եկավ բաղնիքից:

Նրա կուսցած իրանը՝ պինդ ամրացած երկու փակագծաձև, ծուռ ոտների վրա, ցույց էր տալիս, որ նա շատ է բանել դաշտերում ու տանը:

Ծերուկն սպասում էր պառավին, որ գնացել էր մարագի հետևը: Նայեց այն կողմը և բարկացած աչքը բացուխուխ արեց անհամբեր:

Պառավը լացակումած վերադարձավ և տարակուսանքով նայեց ամուսնուն:

— Հա, ի՞նչ է, չի՞ հանգստացել:

Պառավը հեծկտաց:

— Ախր ո՞նց կհանգստանա, Լեկսեյ Պետրովիչ, ո՞նց կհանգստանա իմ աղունակ Ֆեդկան, որ միշտ հարցնում ես, ո՞նց կհանգստանա իմ արև բալեն: Հնչաթև աստղերն այրում են նրա թշերը, կսկծում, շեն թողնում քնի: Ախր աչքերը չկան, որ փակի, խոռոչներ են...

— Դե, դե, զոռքը մի դնի, ես սքրտ չունեմ,— սրտնեղեց դյուրագրգիռ ծերուկը և շար միականի հայացքով ծակեց պառավի

հայացքը:— Սուս,— սաստեց նա կտրուկ ու շրջվեց, որ գնա դեպի անտառը: Նրա շոր ձեռները դողացին:

— Թ՛ուք,— ուրախ տարակուսանքով հարցրեց պառավը:

— Ո՞ւր,— բարկացավ ծերուկը,— գնամ տեսնեմ ի՞նչ կահեմ,— ու ինքն իրեն փնթփնթաց,— չի հանգստանում էլի, ինձ էլ չի թողնում հանգստանամ:

— Բա, չի հանգստանում... Ասում ես, ասում ես,— կենդանացավ պառավը,— ո՞նց հանգստանա, էս գնդակների կտկտոցը զարթեցրեց:

— Լավ, լավ, տեսնե՞ք, կանեմ մի բան,— հանգստացրեց ծերուկը և շարժվեց:

— Շատ հեռու չգնաս: Հիմա երեկ կհրամայեն, որ բաղնիքը տաքացնեն:

— Ծս փայտի եմ գնում,— բացատրեց ծերուկը և հանկարծ կանգ առավ ու ընդոստ դարձավ դեպի պառավը.— թող հրամայեն: Այո, թող հրամայեն: Ամեն օր շեն հրամայի: Չեն հրամայի ամեն օր:

Եվ իր միակ աչքով շարագույժ նայեց պառավին:

Նկատելի էր, որ ծերուկը ևս բռնված էր ինչ-որ հոգեկան անհավասարակշիռ դրուժյամբ: Բայց ըստ երևույթին նրանք իրար հասկանում էին:

Ծերուկը գնաց: Պառավը երկար նայեց նրա հետևից և ինքն էլ ուղղվեց դեպի մարագի հետևը, ուր կանգ առավ մի գերեզմանի մոտ, որ տեղ-տեղ ներս էր փլել: Պառավն սկսեց խոսել գերեզմանի հետ.

— Ախ, շես հանգստանում, Ֆեդկա, ախր դու պետք է հանգստանաս, որ մենք էլ հանգստանանք:

Կապիտան Շուլցը ճաշի մոտ զարթնեց, դուրս եկավ պատըշգամբ և փորը ճաղերին սեղմած՝ սկսեց դիտել տան բակն ու փողոցը: Մոտ եկավ սպասյակը որևէ հրաման ստանալու:

— Սա բաղնիք է՞,— հարցրեց Շուլցը ցույց տալով բաղնիքը:

— Այո, բաղնիք է,— ասաց սպասյակը:

— Ա,— կենդանացած շեշտով ձայնեց կապիտանը,— և ուրիշ

էլ այսքան մոտ, մեր տա՛նը... Ես կլողանամ այս երեկո:

Եվ մտքում ավելացրեց ժպտալով. «ռուսական միակ կուլտուրան, որ ճանաչում եմ»:

Սոցալակը տաբուրետ բերեց, որի վրա նստեց կապիտանը և անձնատուր եղավ իր մտքերին: Նա երազող չէր: Նրա մտքերը ունի հաշիվներ էին իր նեղ մասնագիտական գործերի, որոնց մեջ սիրում էր թաղվել նրա գործնական խելքը:

Շուտով, շուտով, և դա պարզ է, պատերազմը կվերջանա հաղթությամբ: Նա հող կստանա այս հարուստ երկրում, կդառնա կալվածատեր: Նա Գերմանիայից ընդմիջտ կտեղափոխվի այս նախկին ռուսական երկիրը, որի անունը հետո կփոխվի, իհարկե: Եվ իհարկե պատերազմը կվերջանա թշնամու հավիտենական պարտությամբ: Կսկսվի խաղաղ կյանքը և ինքն այստեղ կաճի ու կբազմանա, թողնելով իրենից գերմանական մի նոր, երկաթյա սերունդ: Սա պարզ է, ինչպես մի հեշտ, թվաբանական խնդիր:

Այս մտքերի հետ էր, որ նրա առջևով անցան պառավն ու ծերուկը՝ վերջինիս մեջքին փայտի կապոց:

Դա կտրեց նրա մտքի թելը: Նա իհարկե նրանց միջատի տեղ էլ չէր դնի, բայց նրան մեքենաբար վիրավորեց սրանց համարձակությունը՝ անցնել այն տան բակով՝ որ ինքը գրավել է:

— Իսկ ինչո՞ւ են օտարներն անցնում բակով, — հարցրեց կապիտանը դժգոհ:

— Նրանք նախկին տնատերերն են, — բացատրեց սոցալակը:

— Քչել բակից:

— Լսում եմ, կապիտան:

— Եվ բաղնիքը տաքացնել տալ:

— Մրանք են տաքացնողները: Արդեն սկսում են տաքացնել:

— Իսկ ո՞վ հրամայեց:

— Ես կարգադրեցի, կապիտան, մտածելով, որ դուք ըստ սովորության այսօր կլողանաք:

— Հա, լավ, թող տաքացնեն:

Կապիտանը նայեց ծերուկի ոտներին, որ այնպես էին ծռվել, կարծես նրա ցամաքած իրանն անգամ ճնշում էր և պատրաստ էր կտրել դրանք: Ծերուկը քայլում էր երերալով, ոտի քիթը կպցնելով քարերին ու հողի կոշտերին:

Նայեց կապիտանը ծերուկին ու պառավին և զզվանքի ու արհամարհանքի մի նշույլ փայլեց նրա ապակե աչքերի մեջ:

«Նայելն անգամ կեղտ է աչքի համար: Չնչին մարդուկներ», — մտածեց նա և ատելությամբ թքեց պատշգամբից վայր:

Ուշ երեկոյան կապիտանը գնաց դեպի բաղնիք: Դռան մոտ, ճանապարհի մի կողմ, կանգնած էր ծերուկը: Սա չնայեց կապիտանին, այլ աչքը գետին դցած սպասեց, որ անց կենա: Կապիտանն արհամարհանքով նայեց ծերուկին և կոշկի ծայրով լուռ զարկեց նրա ծնկին: Ծերուկը ետ-ետ գնաց, բայց ուժ արեց մնաց իր ծուռ ոտների վրա: Նա մի ծպտուն չհանեց, միայն իր մի աչքով խոր նայեց կապիտանին:

Կապիտանը մտավ բաղնիք, որի հանվելու նստարանի վրա սոցալակը արդեն վաղօրոք ներս մտած՝ բաց էր արել փոքրիկ ճամպուրակը սպիտակեղենի և ցամքոցի հետ: Սոցալակը հայտնեց, որ ամեն ինչ պատրաստ է:

Կապիտանը հանվեց ու մտավ ներսի մասը: Այնտեղ նա լվաց իր պիրկ մարմինը, հետո բարձրանալով վերևի դարակը՝ պառկեց: Նա վարժվել էր ռուսական բաղնիքի ձևերին:

Սոցալակին պատվիրել էր սովորել տեղացիներից և գործադրել գոլորշի առաջ բերելու կերպը: Եվ երբ սոցալակը գոլորշին բարձրացրեց ներսում և դուրս գնաց՝ կապիտանը մտավ ներս ընդունելու «ռուսական կուլտուրան», — ինչպես ինքն էր ասում:

Գոլորշին պարուրեց նրա կարմրած մարմինը, որը երբեմն տոգորվում էր մի քաղցր, անհասկանալի սարսուռով: Սարսուռ, որ կատաղեցնել կարող էր մարդու, մոլուցք առաջ բերել՝ մարմինը ծեծել, խաշել, ցնցել:

Հետո նա «թթվեց», թուլացավ, երազել սկսեց: Մի անորոշ, անձև պատկեր սկսեց երևալ նրա երևակայության մեջ: Քուն էր գալիս վրան, բայց նա զբաղվում էր իրեն և երանության մեջ աչքերը կիսախուսի վայելում էր շերմ գոլորշին, որ շնչում էր նրա մարմնի վրա, շոշափում պլաստիկական շարժումով և ցրվում:

Դա մի ճերմակ մորուք էր, որ գալարվում էր հատակին, պատերին, առաստաղին: Միայն խոնավությունից սևացած դուռն էր գծագրվում իբրև մի սև քառակուսի ստվեր: Այդ ստվերը թանձրանում էր մերթ ու նոսրանում: Կաթնագույն գոլորշին էր այդ, որ խաղալով գուան կողմը՝ առաջ էր բերում գույների այդ ռիթմը:

Շուրջը լավ չէր էլ նայում այդ կողմը: Եվ կիսափակ աչքերը դարձրեց առաստաղի կողմը:

Մի անգամ միայն նա հայացքը ակամա կրկին դարձրեց այն կողմը, որովհետև նրան թվաց, թե ինչ-որ մի բան լողաց դուռն մեջ: Նայեց կողքանց, այնտեղ ոչինչ չկար: Եվ հենց ուզում էր կրկին աչքերը դարձնել առաստաղին, որ հանկարծ դարակի տակից վեր սողաց մի սիլուետ: Մարդկային կերպարանք: Եվ գոլորշի՞ն էր արդյոք սպիտակացրել նրան, թե իրոք նա սպիտակ էր խոզաճարպի նման: Նա մերկ էր ու դեմքից կախ էր ընկել և պարուրում էր մի գոլորշու քուլա՞, թե մորուք:

Հենց այն է, կապիտանն ուզում էր շարժվել և լավ նայելով որոշել, թե ով էր այդ արարածը՝ հանկարծ սիլուետը հարձակվեց նրա վրա, դանակը պիրկ հարվածով մխեց նրա որովայնի մեջ և հուժկու մի շարժումով պատռեց ամբողջ որովայնը վերից վար: Միաժամանակ մի թանձր թաց շոր գցեց կապիտանի բերանի վրա և ճնշեց: Հարվածող ձեռքը պրկվելուց դողաց: Մինչ լողացողը փորձ արեց ցատկել վեր՝ աչքերը մթնեցին և գլուխը պտտվեց: Նրան թվում էր, թե գոռում է, բայց իրոք դա անձայն արտաշնչումն էր: Ականջները թշտացին, տակի դարակը խորտակվող մակույկի պես շուռ եկավ իր հատակի վրա, առաստաղը շրջվեց անդունդի վրա և կապիտանը ուշքը կորցրեց:

Սպասյակը, որ գոլորշին պատրաստելուց հետո գնացել էր բակը և միամիտ շրջում էր այնտեղ և հեռանում էր, մոտենում բաղնիքին՝ բնազդորեն անհանգստացավ: Նրան թվաց, թե ինչ-որ սովեր էր սահել ներս՝ բաղնիքը: Մոտեցավ դռանը և խլրտում ու ճնշված ձայներ լսեց: Սպասյակը ներս վազեց: Ս շուրջի մեջ նա տեսավ ծերուկին ու պառավին, որ ինչ-որ բան էր փաթաթում սավանի մեջ:

— Հա՛լտ (կանգնի՛ր),— գոռաց սպասյակը և երկաթե մագիլները ցցեց ծերուկի վզի մեջ, մյուս կեսը գցելով պառավի ուսին: Նրա համար պարզվեց եղելությունը: Անլուր սարսափելիություն... նա գոռաց և ծերուկին ու պառավին խփելով պատին բաց արեց արնաթոր փաթեթը: Նրա մեջ կապիտանի արյունոտված դիակն էր: Սպասյակի գոռոցի վրա ներս վազեցին երկու զինվորներ: Նրանք բռնեցին ծերուկին ու պառավին և դուրս բերին:

Ծերուկը հանգիստ էր ըստ երևույթին, միայն արագ թարթում

էր մի աչքը և թեթև լսում: Նրան ցնցում էին, բայց նա շարժվում էր իբրև առարկա: Պառավը դողում էր հուզմունքից: Նա թուրք կուլ տալով նայեց ծերուկին և բավարարված հանգստացավ:



Ծերուկին ու պառավին տանում էին հրապարակ, կախաղանի մոտ: Հակառակ սպանվածի սովորության՝ որոշել էին կախել ըսպանիչներին՝ բնակչության համար խրատական տեսարան սարքելու նպատակով: Գյուղացիներին, գնդակահարման սպանալիքով, հարկադրել էին ներկա լինել: Ու մինչ մի կողմից հրացանի կոթերով ժողովում էին ուշացած բնակիչներին՝ դատապարտված զույգը գնում էր դեպի կախաղան: Ծերուկը իր ծուռ ոտները հաստատ դնելով գետնին, գնում էր շուռ-շուռ նայելով իր շուրջը՝ կարծես ինչ-որ մարդկանց որոնելով, իսկ պառավը որքան կարող էր, գնում էր մի տեսակ շտապով, կարծես ձգտելով հասնել մի ցանկալի գործի: Միայն նրա դեմքը հանգիստ էր և հանդիսավոր: Այդպես հավատացյալները եկեղեցի էին գնում հաղորդվելու: Պառավն իր ամենօրյա հագուստը, որով բռնվել էր սպանության վայրում, այդ օրը ձեռքով հարթել էր մեծ խնամքով:

Երբ մտան հրապարակ՝ բազմությունը հազիվ լսելի հևաց: Պառավը շնայեց ոչ ոքի: Նա իրեն զգում էր մի մեծ անջրպետով բաժանված՝ կյանքի մարդկանցից: Բայց նա զգում էր մի ջերմ համակրանք, որ հոսում էր բազմության կողմից դեպի իրենց:

Ծերուկը հասարակ քայլերով գնաց կանգ առավ կախաղանի մոտ: Նա կանգնեց, հանգիստ շունչ քաշեց և անվրդով նայեց բազմությանը: Նրա հայացքում կար մի ամուր վճիռ՝ մեռնել երբ մահն եկել է և իր գործն էլ դրանով փակել:

Զինվորները կատարեցին վերջին արարողությունները, փորձեցին պարանների պնդությունը, կարծես մահապարտները ահագին տոնաններ կշռելիս լինեին կամ կարող էին փախչել: Բազմությունը զլխիկոր գետնին էր նայում: Նրանց միջից լավում էր խեղդված հեծկտոց:

Հանկարծ ծերուկը այլակերպվեց, ցնցվեց և գոռաց.

— է՛է՛է՛յ...

Բոլորն ակամա լարվեցին:

Մերուկի կրօնից դուրս թռավ մի դողող և զարմանալի ուժեղ բառ ձայն.

— Ասեք սրանց, որ մենակ մի բռնակալ չի փորձել մաքրվել իմ բաղնիքում: Նրանք շատ են և հիմա իջել են իմ ջրհորի դժոխքը: Ասեք, որ ոչ մի բաղնիքում ու ջրհորում չեն լվա իրենց արարմունքները:

Սպան մոտեցավ և մի շառաշուն ապտակ շփեց մուկեանած ծերուկի երեսին: Սա պահեց իրեն, ետ-ետ շփեց, ուղիղ նայեց սպային և թքեց նրա դեմքին: Սպան հայհոյեց և գուցե զինվորներին, որ գործի անցնեն:

Այդ ժամանակ պառավը, որ շարունակում էր հանդիսավոր նայել հեռուն՝ մի ձեռքը քամակին դրեց և մյուս բռունցքը մեկնելով դեպի սպան՝ գունդուկժիկ թափ տվեց իր կուզ մեջքը և ետ առաջ պար գալով տեղն ու տեղը կռնչաց.

— Բա,— թուրը կուլ տալով դողացրեց շրթունքները,— բա իմ Ֆեդկան, իմ անթառամ Ֆեդկան, որին խոշտանգեցիք աչքերիս առաջ. նրա արյան փոխարեն միլիոնները պիտի պատասխան տան:

Պառավի ամեն մի ֆրազի պոռթկումից նրա կուզը ռիթմիկ ու ազդու ցնցվում էր: Կարծես այդ կուզի մեջ, դառն աշխատանքից, պայթարից գոյացած կուզի մեջ լինե՞ր հավաքված նրա կյանքի ողջ մաղձն ու զոհված զավակի, գյուղում տեսած խժոժությունների ծանր վիշտն ու վրեժը: Պառավի սղալած մազերը գզգզվեցին, և նա շարագույժ աչքերով սոսկալի էր այդ մոմենտին և նման էր կատաղած հսկա թխսկան հավի, որ փշաքաղված փետուրներով հարձակվում է ուրուրի վրա և կտցում նրան:

Զինվորները պառավին ուժգին հրեցին կախաղանի տակ, բայց նա նույնպիսի ուժեղ թափով առաջ մղվեց և իր ցնցապարով և խոպոտ ձայնով ֆշշաց զինվորների վրա.

— Իմ Ֆեդկան չի մեռած, նա քնած է հողի մեջ. նա կվեր կենա մի օր: Բոլոր թաղավածները կվեր կենան և էն օրը վայ ձեզ, անթձյալ հերովցիկոններ:

Զինվորները խլեցին պառավի ոսկրացած թևերը և պարաններով կապկպեցին: Պառավը դադարեց խոսելուց, բայց նրա կզակը ցնցվում էր ու դողում:

Մի երկու բուսից հետո ծերուկի ու պառավի մարմինները

պարել սկսեցին օդում՝ իրար տնազ տալով կարծես, կամ կրկնելով իրար:

Հավաքված բազմության միջից, որոնց մեծ մասը զանազան հասակի կանայք ու փոքրաթիվ երեխաներ էին ծերերի ու պառավների հետ՝ դուրս թռավ մի ճիչ, որ և իսկույն խեղդվեց հեկեկոցի մեջ: Մերուկներից մեկն անձայն կափկափեցնում էր ներքին կզակը: Իսկ մյուսները արձանացած ու գլուխները հպարտ, ցնցազույժ աչքերով նայում էին հեռուն, լի փոթորկալի մտքերով:

ԱՆԵՌՈՒՍԱՓԵԼԻՆ

Մինչև թարգմանը կվերադառնար, որ գինվորների հետ զնացել էր նշանավոր պարտիզանի հորը բերելու՝ գյուղսովետի շենքում հավաքված գյուղացիներն ու գերմանացի սպան սպասում էին: Բոլորը լուռ կանգնած էին սեղանի առաջ, որի մոտ նստած էր սպան, որ շրթունքները կծելով և թուքն արագ-արագ կուլ տալով մեկ նայում էր դռնից դուրս և ապա գյուղացիներին: Անհամբերությանից նրա կաս-կարմիր դեմքը, ծալքավոր ծոծրակը և ներվային կծկումներով խլթխլթող այտերը կապտում էին: Նրա մազերն ու հոնքերն սպիտակ էին, լուսանկարի նեգատիվի նման: Իսկ ապակի աչքերը որևէ բարի բան չէին գուշակում: Դրանից էլ բոլորը հատակին էին նայում: Միայն մեկը նրանցից՝ միաշքանի ու նենգ՝ համառ նայում էր սպային: Սպան ընդոստ շարժումով թեքվեց դեպի դռան կողմը և անհամբեր ու դժգոհ փնթփնթաց.

— Նո՛ւ, ի՛նչ են անում այնտեղ:

Ծների հաշոց էր գալիս «այնտեղից», որ երբեմն ընդհատվում էր հանկարծակի աղիողորմ կլանչոցով: Դա գինվորներն էին, որ ծեծում էին շներին:

Վերջապես մի խուլ աղմուկ՝ խառն ոտնաձայնի հետ: Սպան լարվեց: Գյուղացիներից մեկը ծանր հոգոց քաշեց՝ թեթևացնելու համար խեղդող շնչառությունը:

Ներս մտան դինվորները թարգմանի հետ՝ հրելով մի բարձրահասակ, նիհար գյուղացու:

— Աս՛, սա՛ է... — շարախինդ նայեց գյուղացուն սպան և ոտից գլուխ չափեց նրան:

Թարգմանը, դեղնադեմ ու մսոտ այտերով մի կարճահասակ մարդ, որ շես հասկանում որտեղից էր լույս ընկել և ինչպես էր ծանոթ գյուղացիներին, նրանց կյանքի անցուդարձերին՝ կոտրած ծալքով հաստատեց սպայի հարցմունքը:

Գյուղացին հանգիստ ու հպարտ եկավ ուղիղ կանգնեց սպայի առաջ: Հավաքվածներն ավելի քարացան իրենց լուռության մեջ:

Սպան, որ ըստ երևույթին մեծ կրթով սպասել էր այս վայրկյանին՝ ուզեց սկսել, բայց ատելություն և շարունական բեռից խեղդվելով՝ չկարողացավ ոչինչ ասել. նա միայն հառաչեց և հացքը սևեռեց եկողի վրա:

Սա հենց եկել ու արձանացել էր նրա դիմաց՝ պարթևահասակ, փառահեղ մորուքով և աչ ձեռքի բթամատը գոտկի մեջ խրած, սապոգների միջի երկաթի ոտները պինդ ու համառ հատակին դրած՝ ուղիղ նայում էր սպայի աչքերին:

— Ի՛նչ ես նայում աչքերիս մեջ, ես չեմ սիրում, որ նայում են աչքերիս մեջ,— սկսեց սպան:

Թարգմանը բացատրեց: Բայց գյուղացին համառեց ու շարունակեց ծանր նայել սպայի աչքերին:

— Դե՛, հիմա ասա՛ ո՛ւր է պարտիզան որդիդ,— սկսեց հարցաքննությունը սպան՝ չսպասելով թարգմանին և խոսելով կոտորտըրված ռուսերենով:

Գյուղացին շատասխանեց և շարունակեց վերնից ներքև նայել սպային:

— Լո՞ւմ ես... հը՛... ո՛չ միայն դու, այլև սրա՛նք պիտի ասեն ու հաստատեն, թե ո՛ւր է պարտիզանը: Դե՛:

Գյուղացին աչքերն անգամ չճպեց: Եվ եթե շլիներ նրա ելևէջող կուրծքը, որ շարժում էր նրա մարմնի այդ մասը՝ կարելի էր ասել, որ նա արձան է:

Սպան զսպում է իրեն, բռովհետև դեռ տատանվում էր՝ ծեծո՞ւմ սկսել ու սպանելո՞ւմ վերջացնել գյուղացուն, թե՞ խկույն ևնթ սպանել և վերջ տալ նրան: Նա որոնում էր կտտանքի ազդու ձևեր և մեկից մյուսին անցնելով՝ դանդաղում էր և նայում գյուղացուն: Նրան ատելի էր այդ կերպարանքը, որի մեջ նա տեսնում էր մի օտար երկրի ողջ բնակչությունը: Նա այրող նախանձ էր զգում տեսնելով այդ գյուղացու բարձր հասակը, ուղիղ իրանը, կոշտ, շլուտ մատները և այն համառ, պինդ կեցվածքը, որով նրա ոտները կպել, տիրում էին երկրին, այն հարուստ սեահողին, որի մասին սպան առասպելներ էր լսել: Նա շատ էր տեսել այդպիսի գյուղացիներ և հիմա իր դիմաց կանգնածը կարծես միախառնել էր նրանց բոլորին:

Սպան հիշեց շարանն այն մարդկանց, որոնց նա կտտել և ոչնչացրել էր հարձակման ճանապարհին: Բայց և ահա նրանք կրկին հարուժվում են առել: Սրանք անվե՛րջ են, սրանք շե՛ն ոչնչա- նալու: Սրանք այսպես անվերջ կմաշե՛ն, կհատցնե՛ն հենց իրեն, սպային:

— «Մի՛շտ միևնույն մարդը դիմացս», — մրթմրթաց սպան յուրովի և թափ տվեց իրեն կաշկանդող մտքերը:

Նա ձեռքը զարկեց սեղանին և թնդաց.

— Դու չպե՛տք է ասես որդուդ տեղը:

Գյուղացին կրկին ոչինչ չպատասխանեց և միայն մի ոտից հենվեց մյուս ոտին: Եվ միշտ՝ հայացքը սպային, հաղթական ու լուռ: Նա կարծես չէր մասնակցում սպայի սարքած տեսարանին, այդ համարելով իրեն շվերաբերող մի գործ: Բայց նրա աչքերի մեջ խորը պահված էր մի կայծ, որ ապրում էր, մտածում, որ խոսում էր մի ինչ-որ ահավոր բանի մասին:

Սպան նայեց բոլոր գյուղացիներին, որ ուղիղ կանգնել էին իր դիմաց, աչքները հատակին և զգաց, որ նրանք ևս լռելու են շարու- նակ: Եվ կատաղեց.

— Ի՛նչ, դուք շե՛ք ուզում խոսել: Ես ձեզ հիճա խոսել կտամ...

Մոտեցավ պարտիզանի հորը:

— Դու վերջիվերջո՞ չե՛ս խոսելու...

Մոմոնց բերանը, վնգաց և բռունցքով սաստիկ զարկեց գյուղացու դեմքին: Գյուղացին դեմքը թեթևաշարժ թափ տվեց և մնաց նույն տեղը, նույն դիրքով: Արյունն աշխույժ փայլով հոսեց նրա մորուքի վրա և սկսեց կաթկաթել հատակին:

— Ա՛ռ, — մի անգամ ևս հարվածեց նույն տեղին: Կրկին մի անգամ ևս:

Եվ եկավ նստեց տեղը: Հետո դարձավ բազմությանը.

— է՛, լսեցեք, և թող սա էլ իմանա վճիռս: Բոլորիդ պիտի կոտորեմ՝ եթե չիմանամ, թե ուր է պարտիզանը: Ծո նրան պիտի ոչնչացնեմ քանի նա դեռ չի եկել զաղտագողի: Նո՛ւ, — կրկին դարձավ ծեծվողին:

Բայց պարտիզանի հայրը լուռ էր համառությամբ ու շարու- թյամբ: Նա անլսելի հևում էր և հայացքն հառած սպային՝ նայում էր սպառնալի: Սպան վեր թռավ և սկսեց մոլեգնությունով ծեծել

նրան: Եվ ինչքան զարկում էր՝ այնքան այլանդակվում էր գյուղա- ցու դեմքը, որն ինչքան այլանդակվում էր, այնքան ավելի կատա- ղեցնում էր սպային, չէր հաղթահարում, ընդհակառակը՝ ուժ էր առնում, ճնշում էր, ինքն էր հաղթում: Սպան խելագարվում էր: Ձեռքը հոգնել էր, արյան մեջ կորել, ցավում էր: Նա խլեց ատրճա- նակը պատյանից և սկսեց կոթով հարվածել գյուղացուն: Բայց ծեծված դեմքն անճանաչելի այլանդակվեց թքախառն արյան մո- րուքի պատառներով մսակույտերի մեջ:

— Հիմա կասե՛ս... — խռպոտ հարցրեց սպան:

Գյուղացու դեմքն այդ ընդհանրապես արդեն իրոք սարսափելի էր: Սպան նայեց նրա արյունոտ աչքերին, ատրճանակն ուղղեց դեպի նա, նա ուզեց կրակել, բայց ետ քաշվեց: Գյուղացին անողոր նա- յում էր նրան...

— Սա կսպանի ինձ իր հայացքով, իր լուռությամբ, — դարձավ զինվորներին, — դուրս տարեք սրան, վերջացրեք, չեմ կարող տա- նել սրա հայացքը:

Զինվորները խլեցին գյուղացուն և դուրս տարան: Սենյակի բազմությունը շունչը պահեց: Դրսից լսվեց մի շոր կրակոց: Լըս- վեց, թե ինչպես թրմփաց գետին գյուղացու մարմինը: Հետո դարձյալ կրակոց, կրկին ու դուրսն ամեն ինչ լռեց: Բազմություն մեջ մեկը խուլ նվագ:

— Նոտ՛... — խեղդված մոմոցով լռեցրին նրան մյուսները:

Սպան գնաց դեպի դուռը, նայեց դուրս.

— Դու այդպես կնայե՛ս ինձ, դու նրան կբերե՛ս ինձ ոչնչաց- նելու... համա՛ռ շուն... Երկաթե ներվեր են պիտք սրանց համար: Բայց ես ունե՛մ երկաթե ներվեր, — նորից քաջալերվեց սպան և սպառնալի դիրք բռնեց:

Ու թքելով եկավ նստեց, հեաց սեղանին հենվելով և զլուխը թաղելով ափերի մեջ:

Հետո զլուխը բարձրացրեց դեպի մնացածները.

— Գիշերս էլի կկանչեմ ձեզ՝ վերջացնելու համար պարտի- զանի գործը: Ձեզ ևս սպասում է այսպիսի մահ: Հիմա քաշվեցե՛ք անհերք և մտածեցե՛ք...

Եվ ծանր դոփելով հատակին ու սանդուղքի փայտե աստի- ճաններին՝ հեռացավ:



Խոպոտ երգն ու հարրած բացականչությունները հետզհետե մարում էին արբշիւ, հղփացած սպանների շրթունքներին: Մի օրկուսը քնում էին մահճակալի վրա:

Սպան և մի այլ պաշտոնյա դեռ խմում էին: Սպան չէր տարում, թեև խմել էր կարգին:

Չոր ու ցամաք պաշտոնյան, որ ավելի սակավ էր խմել, բթի տակ մոմալուով մի երգ, երբեմն դուրս էր նայում պատուհանից, որ սև քառակուսի խավարով մի անդունդ էր բաց անում դեպի դուրս, դեպի երկինքը: Դուրսը ամպ էր ու մշուշ:

Պաշտոնյան վեր կացավ, գնաց դեպի պատուհանը, դուրս նայեց երկար ու կրկին եկավ նստեց սեղանի մոտ:

Սպան նայեց նրա աչքերին և իրոնիկ շեշտով հարցրեց.

— Հը՛, ո՞ւմ ես սպասում:

Պաշտոնյան ներվային ժպտով նայեց սպային.

— Ե՛ս... հենց այնպես...

— Նա կգա՞...

— Ո՞վ:

— Հը՛մ:

Պաշտոնյան շարունակեց ժպտալ:

— Չի կարող:

Հետո լրջացավ և տարակուսած հայացքը հառեց սպային:

Սպան հառաչեց.

— Նա կգա՞, նրան կբերի այն սարսափելի սպանվածը: Ինձ կատաղեցնում, հուսահատեցնում է այդ համառ, շար հայացքը: Նա ինձ նայում է ամեն տեղ: Լսիր, դու հավատո՞ւմ ես նախազգացմանը:

— Ե՛ս... չգիտեմ:

— Ես հավատում եմ: Ես նախազգում եմ, որ նա կգա:

— Ո՞վ նա, — սրտնեղեց պաշտոնյան, թեև կրկնվեց մի քանի անգամ, թե ում մասին է խոսքը:

Սպան վերցրեց գինով լի բաժակը: Նրա ձեռքը հուզմունքից գողում էր:

— Ես հավատում եմ նախազգացման: Նա կգա, այն պար-

տիզանը: Այդպես էր ասում մնացնվածի հայացքը: Նա կգա՞ և կգտնի ինձ: Ես զգում եմ: Անիծյա՛լ երկիր...

— Անհիմն զգացումներ են, — ասաց պաշտոնյան, բայց և ինքը սարսափեց այդ մտքից:

Հետո կրկին վերկենալով տեղից՝ անցավ դեպի դուռը՝ բացեց, նայեց դուրսը և վերադարձավ:

— Բայց ախր ի՞նչ հիմք ունես, — հարցրեց նա, — գյուղացին սպանված է, մյուսները համարյա բանտարկված, դուռը մեր գինվորներն են: Մինչև մտնի գյուղ, մինչև մոտենա տանը...

Դուրսը մի բան սվսվաց: Կարծես քամին շոշափեց դռան ճաղերը:

— Պահակներն են, — ինքն իրեն սիրտ տվեց պաշտոնյան, — այնպես չէ՞...

Սպան բերանբաց ու մտքերի մեջ կտրած՝ հեալով նայեց նրան:

Դուրսը լռեց ամեն ինչ: Միայն հեռվից, անտառից հատ-հատ կաթոցի նման տնքում էր գիշերահավի ծղիթոցը:

— Ծանր է այս երկրում, — խոսեց պաշտոնյան՝ խլացնելու համար այն խոռվքը, որ զարթնել էր նրա մեջ գիշերային այս պահին, օտար թշնամի երկրում, օտարի տան հարկի տակ:

— Անիծյա՛լ ցեղ, — մռնչաց սպան: — Չի՞ ընկճվում, չի՞ հանձնվում: Այստեղ ես կգտնեմ իմ վախճանը — ահա թե ինչով կվերջանա բանը...

— Դու նախապաշարված ես, էրիխ, — խոսեց պաշտոնյան հասարակ ձայնով, վերջ տալու համար այն միստիկական մըթ-նոլորտին, որ լցրել էր սենյակը և տոգորել նրանց, — դու նախապաշարված ես:

Հազիվ էր վերջացրել իր խոսքը պաշտոնյան՝ երբ դուռը անեկատելի բացվեց և ներս նայեց մի կերպարանք, որը պղնձե դեղնագույն, նիհար դեմքին փայլում էին շարաժպիտ աչքերը: Եվ միայն այս էր, որ տեսան սպան ու պաշտոնյան: Նայողը ետ ընկրկեց և արագ թաքնվե՞ց, թե հեռացավ տանից: Հետևյալ վայրկյանին պայթեց ումբը և ամեն ինչ խեղդվեց ու կտրտվեց ծխի ու մետաղի մեջ:

Դա կատարվեց այնքան հեշտ ու բնական, որքան անխուսափելի բանը, որ սպասվում է:

**Դեբենիկ Կարապետի Դեմիրճյան
Յրկեր երկու գրքով
Առաջին գիրք**

Дереник Карапетович Демирчян

Сочинения в двух книгах

**Книга первая
Рассказы**

(На армянском языке)

**Издательство «Советакан ցрох, ул. Теряна, 91.
Ереван, 1977**

Կազմող՝ Ա. Ս. ՔԻՇՈՅԱՆ

Խմբագիր՝ Ս. Ս. Քերզյան

Գեղ. խմբագիր՝ Ան. Վ. Խասպարյան

Նկարիչ՝ Հ. Կ. Մնացականյան

Տեխ. խմբագիր՝ Լ. Ի. Փիցուզյան

Վերստուգող սրբագրիչ՝ Ա. Ս. Միրզոյան

Հանձնված է շտրվածքի 6/VIII 1975 թ.:

Ստորագրված է տպագրության 11/1 1977 թ.:

Քուղթ՝ տպագր. № 1, 60×84¹/₁₆, տպ. 41,5 մամ =

38,59 պայմ. մամ., հրատ. 31,1 մամ.: Պատվեր № 20.4:

Տպաքանակ 50 000: Գինը՝ 2 ռ. 99 կ.:

*«Սովետական գրող» հրատարակչություն, Երևան—9,
Տերյան 91:*

*ՀՍՍՀ Մինիստրների սովետի հրատարակչություն-
ների, պոլիգրաֆիայի և գրքի առևտրի գործերի պե-
տական կոմիտեի Հակոբ Մեղակարտի անվան պոլի-
գրաֆիամեթոդական, Երևան—9, Տերյան 91:*

**Полиграфкомбинат им. Акопа Меганарта Госко-
митета Совета Министров Арм. ССР по делам
издательств, полиграфии и книжной торговли,
Ереван-9, ул. Теряна, 91.**